



5

464

BIBLIOTECA NAZIONALE
CENTRALE - FIRENZE

R. BIBLIOTECA NAZIONALE CENTRALE
FIRENZE

LIBRI

DONATI DAL


DOTTOR ANNIBALE GIULIONI

GIURISTA

Nato a Firenze il 7 Febbraio 1807
e morto il 1^o Dicembre 1895 in Firenze.

16 Maggio 1896





JO. GOTTL:
HEINECCII JC:
OPUSCULA
VARIA,
In duas Partes divisa;

IN COLLEGE

HEINRICHI

OTUSCUA

W. A. R. I. L.

IN THE FINEST OF

J. O. GOTTL:
HEINECCII JC.

REG. MAJEST. PRUSSIAE

Consil. Int. in Acad. Hal. Jur.

& Philos. Prof. ac H. T.

Prorectoris

OPUSCULORUM
VARIORUM
SYLLOGE,

OLIM SEORSUM EDITORUM,
jam in hunc fasciculum collectorum.

PARS PRIMA.



VENETIIS;
EX TYPOGRAPHIA BALLEONIANA
MDCCXLVIII.

Superiorum Permissu, ac Privilegiis.

B. 5. 5. 464



LECTORI BENEVOLO

S. P. D.

JO. GOTTL. HEINECCIUS Jc.



Pem aliquoties fecerunt biblio-
polæ, dissertationum mearum,
quas partim juvenis, partim
jam docendi munere functus,
in tribus academiis conscripsi,
in unum fasciculum conjungendarum. Quod
consilium aliorumne hortatu ceperint, an
quia quædam illorum opusculorum fre-
quentius in tabernis librariis quærentur,
ceu mihi a quibusdam relatum est, non
facile dixerim. id adfirmare possum candi-
de, si meo res acta esset arbitrio, me fa-
cile passurum fuisse, has schedas, exerci-
tationi tantum academicæ destinatas interi-
re. Sunt in his dissertationibus quædam, a
me adolescente conscriptæ, quando nec ea
judicii maturitas, nec tantus librorum ad-
paratus, nec tam diffusa lectio erat, ut
omnia ad amussim scribi atque expoliri po-
tue-

tuerint. Aliæ non meo, sed respondentium, quos vocant, stilo primum conscriptæ, & a me tantum revisæ, & in ordinem, quoad ejus fieri potuit, redactæ sunt, ubi sane re ipsa expertus sum, verum esse, quod ille ait:

Emendare mihi labor est, quam scribere, major.

Denique nonnullæ, ut fit, urgentibus candidatis ac respondentibus, & vasa jam conclamantibus, tam festinante calamo in chartam conjectæ sunt, ut sæpe madidæ adhuc schedæ a typographis peterentur, nec a me relegi potuerint aut emendari, nisi ubi jam typis descriptæ essent. Talia vero non ita plerumque scripta sunt, ut ætatem ferant, vel ad auctorum famam atque existimationem conservandam pertineant. Accedit, quod mihi jam pro rectoratus munere fungenti, multisque potius, quam magnis, occupationibus dies noctesque distracto, non licuerit esse tam felici, ut limam iis, quæ olim scripseram, adhibere potuerim, aut quædam refingere, quæ, meliora edoctus, aliter scripta nunc mallet. Nunquam enim ita quisquam bene subducta ratione ad scribendum est,

*Quin res, atas, usus, semper aliquid ad-
porter novi,*

*Aliquid moneas, ut illa, qua te scire cre-
das, nescias,*

*Ex qua tibi putaris prima, in experiundo,
repudies.*

De-

Denique ne ad emendandas quidem schedas, prælo exeuntes otium mihi superesse vidi, adeoque aliis demandandum fuit hoc officium, æque ac labor molestissimus conficiendi indicem, quorum de diligentia tametsi optima quævis sperem, negare tamen nolim, nitidiora omnia proditura fuisse si tam bene mecum esset actum, ut ipse curam editionis suscipere potuissem, quandoquidem ita natura comparatum est, ut dominus videat plurimum in rebus suis. Enimvero quum exteri quidam editionem minarentur: e duobus malis, quod minimum erat malum, eligere, & ipse eam qualicumque modo curare, quam aliorum arbitrio rem omnem committere malui. Et sic, quod felix faustumque esse jubeat supremum Numen, jam uno fasciculo prodeunt, sparsim antea editæ, dissertationes meæ, juveniles, viriles, philosophicæ, historicæ, juridicæ, breves, longiores, quas olim Lipsiæ, Halæ, Franqueræ, Francofurti juxta Viadrum, vel in cathedra defendi, vel aliis occasionibus & ipse scripsi & ab aliis scriptas severius emendavi. Ut vero de singulis nonnulla, quæ, scire te, tua interesse videtur, moneam, primum locum occupat dissertatio quæ studii ecclesiastici cum elegantiore litteratura conjuncti fructus est, de GENUINA NATIVITATIS CHRISTI ÆRA e numis atque inscriptionibus illustrata. Quum enim eo tempore & studii numismatici amore captus, & alia vetera monumenta curiosius contemplatus, repe-

riffe mihi quædam viderer, quæ æram nativitatæ Christi genuinam, ab ANT. PAGI, MENR. NORISTO aliisque demonstratam, illustrare viderentur: ea conjeci in hanc dissertationem, maxime quum adjungendus essem ordini philosophico, & statuta academica hujusmodi specimen pro consequendo loco exigerent. Multa me ex eo tempore observasse, quibus illa dissertatio hinc inde illustrari, & ipsa Æra Christi, quam ibi signavi, accuratius demonstrari posset, facile est ad intelligendum. Sed quum semel decretum esset, dissertationes omnes jam intactas relinquere, & tales edere, quales jam olim prodierant: religioni mihi duxi, & hanc interpolare, aut refingere, nisi quod menda quædam fustuli, & sub finem sententiam meam de DIONYSIO PERIEGETA aliquantulum mutavi.

Exercitatio secunda de VERÆ FALSEQUE SAPIENTIÆ CHARACTERIBUS programma fuit inaugurale, scriptum anno Christiano MDCCXIII. quum professoris philosophiæ ordinarii munus in academia Fridriciana longe clementissime mihi demandatum, auspicarer. Erant eo tempore variæ admodum virorum doctorum in hac academia de philosophiæ usu sententiæ, aliis eam maximi facientibus, aliis eandem non modo inutilem ac supervacuum, verum etiam Christianæ pietati admodum inimicam, ac proinde perniciosissimam esse, existimantibus. Quum itaque facile animadverterem, neutros justum discrimen statuere inter veram sapientiam

& *Idiosyncrasia*, ac proinde non minus peccare, qui omnem philosophiam sine discrimine utilem atque expetendam esse contendunt, quam qui eandem, nullo observato discrimine veluti ad Garamantas proferendam censeant: nihil me facere posse existimavi utilius, quam ut sub muneris publici auspicia de veræ falsæque sapientiæ characteribus essem sollicitus, ut illi & mihi veluti norma essent, ad quam doctrinas meas exigere, & studiosi haberent, quod in addiscenda philosophia & observarent diligenter, & cum cura ac industria caverent. Expensis itaque iis, quæ de huiusmodi characteribus jam olim disseruerant SOCRATES, PLATO, CLEMENS ALEXANDRINUS, demum operam dedi, ut ex ipsa sapientiæ definitione characteres quosdam eruere, qui sapientiam sectantibus instar cynosuræ essent, ad quam dirigerent cursum suum, ut nec hinc in Scyllæ, nec inde in Charybdis voraginem abriperentur. Hanc itaque dissertationem huic fasciculo intexere eo minus dubitavi, quo uberiores inde fructum ipse tuli in persequendo studio philosophico.

Sequitur exercitatio tertia de INCESSU ANIMI INDICE, quam me præside defendit JO. FRID. SCHUMANNUS, amicissimi mihi JO. MICH. SCUMANNI, Pastoris tum ad S. Mauritii ædes filius, qui quum eo tempore me, philosophiæ moralis præcepta accuratius interpretantem, audiret, ea in primis, quæ ex ethica characteristica de signis propen-

sonum humanarum differueram, non sine voluptate perceperat, ac proinde ejus doctrinæ specimen aliquod edere decreverat. Commendavi ergo, optimo juveni, qui aliquot annis, post maxime reverendo parenti, Superintendenti VVissenfelsensi, collega datus, florentissima ætate rebus humanis excessit, hoc thema, de incessu animi indice, suppeditisque rebus, præcipuis, & ordine, quem, in eo elaborando servaret, præscripto, auctor ei fui, ut ipse in hoc vires ingenii periclitaretur. Quod & tanta dexteritate præstitit juvenis optimus, ut non nisi emendandi labor suscipiendus. Mea ergo est hæc dissertatio, si spectes materiam, beati SCHUMANNI, si ipsam elaborationem, utriusque, si defensionem, qua tum adversus invidi hominis non tela, sed insidias, strenue ambo defuncti sumus. Quæ mone-re visum, ne quidquam, quod alienum est, mihi adrogare velle videar. Ceterum in priore capite quædam in genere disseruimus cum de signis propensionum humanarum physiognomonicis, tum de incessu, eumque esse animi indicem argumentis physicis, moralibus, historicis demonstravimus, profligatis simul eorum rationibus, qui fallacia ista signa esse, existimant. Hinc porro posteriore capite propensionibus hominum in certas classes divisus, de singulis vitiis deditorum incessu quosdam dedimus canones, eosque & rationibus, & veterum testimoniis, & petitis ex omni historia exemplis illustravimus. Quæ quum non pla-

ne

P R Æ F A T I O. xi

ne vulgaria & protrita sint, tibi LECTOR, non omnino injucunda fore, existimavimus, ac proinde & huic dissertationi, qualis jam tum ab anno MDCCXIII. exstitit, locum esse volumus in hoc fasciculo.

Eadem fere notanda sunt de exercitatione quarta, quæ agit DE PHILOSOPHIS SEMI-CHRISTIANIS, nisi quod hanc pro rostris defendit HECRIUS, Halensis, qui jam in comitatu Solmensi, Laubaci, Antistitis sacrorum officio fungitur. Veniebat & ille eo tempore una cum aliis adolescentibus ad ædes meas, meque cum artes elegantiores ac philosophiæ disciplinas, tum & historiam philosophicam docentem sedulo audiebat; quumque de recentioribus philosophis, in primis Platoniciis, agerem, observassemque, esse ex iis, qui GUIL. CAYEO aliisque viris doctis parum a Christiana veritate abfuisse, videantur, similesque quodammodo fuisse illi Agrippæ, qui, audita PAULI apostoli oratione: *Ὁ δὲ γὰρ, inquit με πιστεύεις Χριστιανὸν ἡρώδης*; Act. XXVI, 28. ea observatio tanti momenti videbatur juveni laudatissimo, ut dignam putarer, quæ singulari dissertatione academica expendere-
tur. Occasio itaque fuit ea diatriba disquirendi, rectene olim a CLEMENTE ALEXANDRINO aliisque patribus creditum sit, philosophiam esse *παυδ'αγωγὴν* ad Christum? qui factum, ut quidam jucundissimo Christianæ lucis exortu adduci se eo passi non siner, ut ex superstitionis suæ tenebris eluctarentur, sed inter *ἑπαρρησιζήσοντας* esse

maluerint, neque calidi, neque frigidi, semipagani, & semichristiani, quos se ore suo ejectionum minatus, est Servator. Apoc. III, 15. 16. quot fuerint hujusmodi philosophorum *οἱ ἄλλοι χριστιανῶν* genera? cur pagani philosophiam suam doctrinis Christianis tamquam phaleris quibusdam exornarint? quibus viis ad earum notitiam pervenerint? qui recentioris ævi philosophorum in hoc numero fuerint? quæ olim fuerint & etiamnum sint hujus semichristianismi causæ, & quæ ei opponenda sint remedia, nisi quis simile velit adire periculum? Quæ omnia ita comparata sunt, ut non potuerint non quædam ex horum philosophorum operibus, vulgo non æque notis, deprimi scitu dignissima, quæ & facile mihi persuaserunt, ut ne hanc quidem dissertationem reliquarum numero exclusam vellem.

Quæ quinta est in hoc fasciculo, dissertatio de ORIGINE ATQUE INDOLE JURISDICTIONIS PATRIMONIALIS, ea fuit auspicalis, quum anno MDCCXIV. supremi in jura honores mihi ab illustri jureconsultorum ordine conferrentur. Quandoquidem vero ea tunc erat rerum mearum ratio, ut intra quatuordecim dierum spatium, & capiendum esset hoc consilium, & exsequendum: temporis exclusus angustiis, omnia quam fieri poterat, brevissime proposui, easque theses si ne alterius præsidio defendi. Potuissem, si otio abundassem, permulta addere, quæ ad illustrandas has doctrinas vel maxime pertine-

tinere videbantur. Sed communicari illa tecum potuerunt, occasione longe commodiore, puta in ELEMENTIS JURIS GERMANICI, quæ jam sub prælo sudant, ubi & de jurisdictione ex juris Germanici principiis fufus erit differendum.

Sexta exercitatio de LEVIS NOTÆ MACULA defenfa est a CHRISTOPH. GOTTL. STOCKMANNO, Gerano Varifco, in eaque LEGEM XXVII. COD. DE INOFF. TEST. ex rationibus hiftoricis interpretari conati fumus, oftendimusque, verba legis 3. C. Theod. de inoff. test. ex qua, nec non l. 1. C. Theod. lex illa 27. conflata est, ita fe habere: *omnia fratribus tradi oportere, quæ per fufpicionem aut aliquam levem notam capere non potest institutus.* Ex iis vere quum colligi poffit, Constantinum M. hic procul dubio ad aliam quandam legem, qua perfonæ quædam infames, aut aliqua levi macula notatæ, aliquid capere ex testamento prohibentur, refpicere, alia vero ejus generis vix exftet, quam PAPIA POPPEA: fufpicati fumus, has Constantini M. constitutiones ad hanc ipsam pertinere legem; eaque prohibere voluiffe principem, ne perfonæ hujusmodi viles, tum a feneratoriæ originis virorum, tum ab ingenuorum toris exclufæ, folidum ex conjugum testamentis, præteritis fratribus ac fororibus caperent, adeoque perfonas infames in ea constitutione dici, quæcumque cum ingenuis; levis notæ macula adfperfas, quæ cum feneratoribus aut eorum posteris vivere per le-

ges. in iusto matrimonio. non possint, quas. deinde ex l. 43. & l. 44. D. de ritu nupt. pluribus. descripsimus, docuimusque simul, nullum in illa constitutione præsidium reperire eorum sententiam, qui spurios, carnifices, lictores aliosque sordido vitæ genere quæstum facientes. ob turpitudinem aliquid capere posse, negant. Nova erat hæc sententia, adeoque non mirabar, eam placuisse aliis, aliis, uti fieri solet, displicuisse. Et sane dubia quædam in dissertatione elegante de querela inofficiosi fratrum consanguineorum adversus illam monabat collega conjunctissimus, sed ea humanitate, ut facere non possim, quin eadem modestia respondeam. Nimirum quum ego legem Papiam Poppæam Constantino M. ante oculos tum fuisse coniecissem: viro doctissimo id vel ideo minus, verosimile visum est, quod primo hac ratione constitutio Constantiniana tantum ad eos restringenda esset, qui interdicta ejusmodi & probrosa iniissent matrimonia, quippe qui demum hereditatem capere non potuerint: & id tamen generalitati verborum repugnet: deinde, quod sic fratres, ne quidem indigui, essent hac querela, quum potius tales personas institutas, quippe incapaces, pro non scriptis haberi oportuisset: tum, quod anno CCCXXXII, quo CONSTANTINUS constitutionem illam in l. 3. C. Theod. de inoff. testam. ediderit, ne usus quidem aliquis legis Papie Poppææ superfuisse videatur, revocatus quippe demum anno. CCCXXXVI.

CCCXXXVI. l. i. C. de natural. lib. hinc porro quod verba constitutionis, quibus ego conjecturam meam superstruxerim non ad originem hujus constitutionis, sed ad effectum ipsius querelæ pertineant, nec aliud ex iis colligi possit, quam quod instituti hereditatem propter infamiam levissimæ notæ maculam capere nequeant: denique quod sic necesse non fuisset, libertorum speciatim facere mentionem, quum matrimonium cum iis inire lex Papia Poppæa diserte prohibuisset. Enimvero quando argumenta mea cum his comparo: non videntur hæc ejus esse ponderis, ut ideo vadimonium deferere vellem. Quod enim ad primum attinet, non ego umquam existimavi, constitutionem Constantini ad eos tantum, qui contra legem Papiam Poppæam nuptias fecerint, pertinere, sed tantum, eos ibi infames & levissimæ notæ macula adspersos dici, docui, qui per legem Papiam indigni nuptiis viderentur, & ob eam legem capere non possint. His, sive in matrimonio cum testatore viverent, sive non viverent, præferebantur fratres ac sorores germani ac consanguinei. Ut paucis dicam, non scripsi, ad conjuges duntaxat hanc constitutionem esse restringendam, qui per legem Papiam Poppæam nihil inter se capere possint, sed eas tantum personas infames ibi adpellatas, quæ in l. 43. ff. de rit. nupt. ab ingenuorum nuptiis prohibeantur, iisque levem hæret maculam videri, qui l. 44. cod. tit. indignæ esse

esse Senatoriis nuptiis dicerentur. Quod non ob stare generalitati verborum, facile unusquisque animadvertet. Et sic alterum quoque cadit argumentum, sententiæ nostræ oppositum. Nam non indignis fratres & sorores querela, si conjux conjugem instituisset, qui per infamiam vel levis notæ maculam aliquid capere non poterat, uti jam vidit ULPIANUS in Fragmentis tit. XVI. §. II. sed tamen nulla ratio erat cur institui non posset ejusmodi turpis persona, quæ adversus legem Papiam Poppæam sciens dolomalo nuptias non iniisset. Hinc opus erat lege, quæ eam, siue nuptam siue cælibem fratribus & sororibus præferri prohiberet. Finge aliquem lenam vel a lenone manumissam non uxorem duxisse, sed habuisse concubinam, eamque postea, fratre præterito instituisse heredem, quid obstitisset, quæso, quo minus hæc hereditatem caperet, nisi CONSTANTINUS adversus eam indulgisset querelam testamenti inofficiosi? Quod porro eo tempore jam ab usu recessisse legem Papiam Poppæam existimat vir doctissimus, id vereor, ut ulla ratione possit demonstrari. Quamvis enim laxa temporum illorum disciplina fieret, ut ex vilissimorum hominum turba haut pauci sibi viam in senatum munirent, & ita fortassis sæpe adversus hæc legis Papiæ Poppææ capita nuptiæ fuissent initæ, tantum tamen abest, ut illa vel abrogata sint, vel tacite exoleverint, vel denique a Constantino anno primum cccxxvi. in usum revocari

eari debuerint, ut potius per l. 1. C. de nat. lib. illud legis caput, quod de senatoriis nuptiis agebat, ab isto ad viros perfectos, duumviros sacerdotesque, phoeniciarchiæ vel syriarchiæ ornamentis condecoratos porrigeretur. Quod porro verba, quæ ex l. 3. C. Th. de inoff. test. ad effectum pertineant, non negaverim; quia tamen iste effectus tantum ad eos, qui per turpitudinem, aut levem aliquam notam capere non possint, restringitur, necessario jam aliunde constituisse oportet, qui per turpitudinem vel levis notæ maculam capere non possint. Quidni ergo ex lege Papia Poppæ? Denique cum libertinorum in specie meminerit **CONSTANTINUS**, ex ipsa dissertatione discas. Non in universum a libertinorum libertinarumque nuptiis abstinere jusserat lex Papia Poppæ, sed senatorii tantum generis homines libertinas ducere prohibuerat. De reliquis ingenuis **DIO CASSIUS** Lib. LIV. p. 531. Ἐπὶ τῇ (Αὐγούστου) καὶ ἐξελιδύρας τοῖς ἐδέλοις, πλην τῶν βαλδόντων ἀγεῖσθαι, ἐννομον τὴν τεκνοποιῆσαι αὐτῶν εἶναι κελεύσας. *Libertum fecit* (Augustus) ut qui vellent, modo Senatores non essent, libertinas ducere possent, eorumque liberos legitimos esse jussit. Itaque non supervacua fuit libertinorum mentio, quia vel maxime dubitari poterat, an his levis notæ macula adspargenda esset, qui tum aliquando ad summas in ipsa aula dignitates aspirabant. At hæc quidem ad conjecturam nostram illustrandam sufficiant. Solent enim hujusmodi divinationes ita comparatæ esse.

ut facile, quod iis opponas, reperias: & inhumanum esset, in his non ferre dissentientes. Qui bene coniecit, hunc vatem perhibemus optimum.

Dissertatio septima DE NAVIBUS OB VECTURAM VETITARUM MERCUM COMMISSIS, scripta est in gratiam invenis optimi, qui tum in contubernio meo erat, KESLERI, Regiomontani Prussi, qui eo labore dignitati, quam postea obtinuit in collegio Regiomontano, quod commerciorum curam gerit, praelusit. Nec de octava, quae DE COLLEGIIS ET CORPORIBUS OPIFICUM scripta, & a SCHUMANNO, jam consiliario Saxonico VVeisenfelsensi, strenue defensa, quidquam est, quod moneam, nisi quod ea postrema fuerit illarum, quas Halæ ad annum usque MDCCXXIII. edidi. Eodem enim tempore conclamare vasa, & Franequeram, quo me perillustres Frisæ Ordines evocaverant, migrare iussit divina providentia. Hac in academia quamvis plus otii mihi Dei benignitate contingeret: dissertationes tamen vix unam aut alteram edidi, partim quod aliis scribendis libellis operam omnem atque industriam impenderem, partim quod ibi plerique, qui doctorum dignitatem ambiunt, theses quasdam sine ullius praesidio defendere solerent. Non omittendam tamen in hoc fasciculo putavi orationem DE JURISPRUDENTIA VETERUM ROM. FORMULARIA ritibusque, quibus negotia civilia explicabant, sollemnibus, qua Antecessoris munus auspicatus sum, & quam deinde bis in Germania recusam locum.

cum hic nonum occupare volui. Multa in eamdem rem postea disseruit V. C. EVER. OTTO in Jurisprudentia Symbolica, quæ paulo post Trajecti ad Rhenum in lucem prodit. Quædam etiam non protrita adjici a me potuissent de jurisprudentia formularia Francorum, Langobardorum reliquarumque gentium Germanicarum, si tantum fuisset otii, ut refingere hanc orationem, vel notis saltem illustrare licuisset. Sed & sine his laciniis non displicituram tibi spero orationem, qua ostendere conatus sum, non sine justa causa Romanos miram illam formularum rituumque religionem invenisse, nec Jove satis æquo judicare illos, quibus ridicula & pæne stolidæ hæc omnia videntur. Præterea exstare volui Spartæ illius Franequeranæ monumentum, quam nactus, tantis beneficiis cum a CELSISSIMO ARAUSIENSIS PRINCIPE, quem aliquamdiu institui, tum ab ILLUSTRISSIMIS reipublicæ PRÆGERIBUS ornatus, tantaque humanitate ab eruditissimis collegis exceptus sum, ut numquam de repetenda patria cogitarem, nisi mihi hoc consilium extorsisset valetudo, quacum ibi consistendum fuit, gravissima. Ceterum quamvis redditus Germaniæ, & Halam, quod numquam speraveram, revocatus, tamen & amore perpetuo completar. Frisios meos, & amicorum, quos ibi permultos habui, memoriam numquam deponam.

*Dum memor ipse mei, dum spiritus hostis
reges artus.*

Ibi

Ibidem prodiit exercitatio decima de VIRTUS NEGOTIATIONIS COLLYBISTICÆ SEU CAMBIALIS, quæ tamen non alio jure mea est, quam quod eam meo potissimum ductu conscripserit Dn. LOCHAU, Hamburgensis, qui tum Doctoris honoribus in academia Frisiorum ornandus, eam dissertationem in templo academico sine ullius præsidio strenue defendit. Quare virum clarissimum ea, quæ par est, humanitate rogo, ne pro amicitia nostra ægre ferat, dissertationem suam inter meas comparere. Ne quid enim mihi arrogem, quod alienum est: eam lectorem non mihi, sed LOCHAVIO, debere, publice hic ac candide profiteor.

Francquerana quoque est dissertatio de ORIGINE TESTAMENTIFICATIONIS ET RITU TESTANDI, respondente LINDENQVISTIO publice defensa, sed quæ ideo postremum locum occupat, quia ejus exemplar nullum inter res meas reperirem, illud vero, unde ea recusa est, paullo tardius submitteret bibliopola Francqueranus. Sunt in illa quædam ex antiquitatibus Romanis depromta, quæ vulgo non adeo nota sunt, & totam tamen illam jurisprudentiæ partem haud mediocriter videntur illustrare. Et hinc illam loco alieno exhibere, quam plane prætermittere, malui.

Jam ut in viam redeamus, exercitatio undecima de P. JUVENTIO CÆRSO, nec non duodecima de JURECONSULTIS SEMIDOCCTIS sub auspiciis muneris Francofurtensis anno MDCCXXVII. prodierunt, & illa quidem pro-

programma est, quo orationem sollemnem indixi; hæc ipsa oratio, qua more majorum muneri meo prælusi. In illa de vita jureconsulti celeberrimi, & inter eos, qui a Proculi partibus steterant, haut postremi, quædam a RUTILIO, BERTRANDO & GUIL. GROTIO non observata scripsi, in hac id egi, ut juvenes, oblanguescente jam fere solidioris jurisprudentiæ studio, veluti a pulvere & radio ad majora audenda excitarem. Id quod commodius fieri non posse existimavi, quam si, posita ob oculos deformi semidoctorum facie, eos ad veræ doctrinæ amorem tanto magis inflammarem. Notum est, quod Lacedæmoniorum fuerit consilium, quando adolescentibus ostenderunt fervos, vino insanientes, puta, ut eo spectaculo ebrietatis odium conciperent. Idem & mihi consilii fuit, de jureconsultis semidoctis disserenti, ut abhorere demum ab illa socordia inciperent juvenes, & ad solidiorem doctrinam pro virili eniterentur. Non displicuisse hanc orationem gaudeo viro amplissimo, CORN. VAN BYNKERSHOER, qui locum ex eo decerpit in præfatione novarum, quas nuper edidit, observationum, quarum Libro VII. Cap. VIII. *me jurisprudentia & amicitia sua honorem* invidendo elogio, adpellavit. Quod tametsi virium mearum mihi fatis conscius, non agnoscam: fateor tamen, me istud viri incomparabilis judicium tanti facere, ut vel hanc ob causam non indignas esse putarem has schedulas, quæ in hoc fasciculo locum reperirent.

Frane

Francofurti paullo post prodierunt exercitationes sequentes, veluti decima tertia DE MERCATORUM, QUI FORO CASSEUNT, RATIONIBUS ET CODICIBUS, decima quarta DE USUFRUCTU MATERNO JURIS GERM. MAXIME HAMBURGENSIS, decima quinta DE LUBRICITATE JURISJURANDI SUPPLETORII, & decima sexta DE RELIGIONE JUDICANTUM CIRCA REORUM CONFESSIONES, quarum prima & postrema fuere inaugurales, in gratiam SCHOEFFERI celeberrimi jurisconsulti Rostochiensis filii, & HENK. DUSINGII, Bremensis, scriptæ, secundam & tertiam exercendi ingenii causa in cathedra defenderunt N. C. RUMPFIIUS, Hamburgensis, & JO. THEOD. REINOLDUS, celeberrimi Reinoldi, cui in cathedra juridica successeram, filius. Quo tempore DUSINGIUS ordini jureconsultorum profectus suos explorandos dabat, consentientibus omnium suffragiis decernebatur, ut disputationibus inauguralibus in posterum programme quodam, aliarum academiarum exemplo, præluderetur. Quale quum mihi tum decano primum scribendum esset, disserui quædam DE ULPIANI JCTI HEBRAISMIS, idque schediasma in hoc fasciculo decimum septimum est. Quemadmodum enim fuerunt, qui in Livii oratione nescio quam Patavinitatem, in Phædri stilo Thracismum subolfacere sibi visi sunt: ita ANT. AUGUSTINUS, ENIM. BONIFIDIUS, GILB. REGIUS, aliique viri doctissimi, Ulpiani Latinitatem Hebraismum vel Syriasmum redolere censuerunt, idque demonstrare quibusdam exemplis conati sunt. Ego vero, quamvis

de

de ULPIANI oratione, sæculi labem ubique redolente, non adeo magnifice sentiam, eas tamen loquutiones non Hebræis proprias, sed ULPIANO cum plerisque melioris ævi scriptoribus communes esse, ostendi. Equidem fatendum est, me hæc scribentem falcem in alienam messem immisisse, qui hæc criticis & elegantiarum istarum peritioribus debuissim relinquare, si mens non læva fuisset. At contingit aliquando, ut redeant veteres amores, & ex elegantioribus istis litteris, in quibus non exiguam adolescentiæ partem consumsi, etiam proVectiore ætate voluptatem non mediocrem capiam, quamvis permulta ejus generis, quæ olim in numerato habebam, mihi inter alia studia periisse, quotidie experiar. Solent hujusmodi chartæ raro in doctorum manus incidere, ac proinde minore plerumque cura ac diligentia scribi. Et tamen audiui, hoc schedisma meum excussisse virum doctum VVittebergensem, Musis meis alioquin amicissimum. Quum vero eam distribui, numquam viderim: utrum clarissimus ejus auctor ANT. AUGUSTINE, an meam sententiam amplexus sit, nescio, nec dubito tamen, quin reconditæ doctrinæ plena sint, quæ vir, harum rerum peritissimus, scripsit.

Exercitationis decimæ octavæ de SUPREMA PRINCIPUM MAGISTRATUUMQUE TUTELA auctor est juvenis & nobilitate generis, & doctrina, & morum suavitate præstantissimus, CHRIST. EBERHARDUS RUSSEL, qui
ex

ex eo tempore, quo Francofurti docere coeperam, a latere meo numquam discesserat, tantumque profecerat in jurisprudentia, ut doctoris honores, si quisquam alius, non sine ordinis nostri plausu ac congratulatione capefferet.

Exercitatio decima nona DE EMINENTIORIBUS DUCATUS ET DUCUM LOTHARINGIÆ PRÆROGATIVIS fere extemporaria est. Quum enim fama esset, principem celsissimum, FRANC. STEPHANUM, Ducem Lotharingæ, qui potentissimum Prussiæ Regem Berolini salutaverat, Francofurtum venturum, cupiditas incessit juvenem nobilissimum, ENGELKENIUM, tum commensalem meum, jam in tribunali ecclesiastico Meklenburgico consiliarium, dissertationem de Lotharingia publice defendendi, meumque rogandi præsidium. Itaque calamo tam festinante hæc, quæ legis, in chartam conjeci, ut schedæ adhuc madidæ ad typographum mittendæ essent. Institutum est hoc certamen eodem tempore, quo princeps celsissimus expectabatur, cui mox advenienti oblata a respondente dissertatio adeo grata fuit, ut munere præclaro, clementiam suam testaretur.

Exercitatio XX. de C. AQUILLIO GALLO, Jurisconsulto, fuit oratio, qua anno MDCCXXXI. XVII. Kal. Novembr. die, S. Gallo Abbati sacro, magistratum academicum in illustri Viadrina auspicaus sum. Breviter in ea descripsi jurecon-
sul-

fulci istius vitam, simulque Part. II. pag. 369. quædam de gente Aquilia observavi. Memini ibi etiam M. AQUILLII M. F. GALLI, ostendique, eum & Præto-
 rem, profligato bello servili, ovantem ex Sicilia Romam rediisse, & postea pro-
 cos. viam stravisse ab Regio ad Capuam, earumque rerum gestarum monumentum præstantissimum superesse in marmore Gru-
 teriano. Jam addere licebit, illum repe-
 tundarum postea accusatum cicatricum ostentatione evasisse periculum, ac de-
 mum Legatum ivisse in Asiam, sed anno U. C. DCLXIV. Mithridati traditum a Mityleneis, dirissima morte periisse. Im-
 positus enim asino, & per urbem circum-
 vectus, omnique cruciatuum genere dila-
 niatus, postremo, auro liquefacto in os infuso, expiravit, vir triumphalis & se-
 nex, uti testantur APPIANUS in Mithri-
 datic. pag. 184. & PLINIUS Hist. Nat. Lib. XXXIII. Cap. III. Ex quo intelligas, quis sit ille legatus Populi Romani consu-
 laris, quem vinculis ac verberibus omnique supplicio excruciatum esse a Mithridate, conqueritur CICERO pro Lege Manil. Cap. V. itemque quis ille Aquilius, quem viris fortissimis patres ecclesiastici tam frequenter adnumerant. ARNOBIUS Lib. I. adversus gentes pag. 23. *Inme-
 rabilis alii, gloria, & virtute, & existi-
 matione pollentes, acerbissimarum mortium experti sunt formas, ut AQUILLIUS, TREBONIUS, REGULUS: numquid id-
 circo*

cireo post vitam judicati sunt turpes, quia non publica lege factorum, sed mortis asperissimo genere lacerati excruciatique perierant? Et MINUCIUS FELIX in Octav. Cap. XXXVII. Viros cum Mucio, vel cum AQUILLIO aut Regulo comparo? Pueri & muliercula nostra cruces & tormenta, feras, & omnes suppliciorum terriculas inspirata patientia doloris illudunt. Ubi male ELMENHORSTIUS intelligit M. Aquillium, II. virum sacris faciundis, quem ob evulgatas sortes Sibyllinas culleo infutum esse, refert DIONYSIUS HALIC. Ἀρχαιολογίας Lib. IV. p. 260. Sed hujusmodi plura addere jam non lubet, nec ea omnia caperent arctiores præfationis limites.

Ejusdem generis est exercitatio XXI. seu programma, quod anno MDCCXXXIII. Halam postliminio redire iussus, publicavi. Nam & id agit de vetere jureconsulto, SALVIO JULIANO, edicti perpetui conditore, ejusque originem, honores, studia, sectam, operaque, quæ reliquit, paullo accuratius, quam vulgo fieri solet, describit.

Superfunt tres dissertationes, vicesimasecunda DE MARITO TUTORE VEL CURATORE LEGITIMO UXORIS SUÆ, vicesima tertia DE PRÆSCRIPTIONE ANNALI JURIS LUBECENSIS, & vicesima quarta DE TESTAMENTIFACTIONE JURE GERMANICO ARCTISSIMIS LIMITIBUS PASSIM CIRCUMSCRIPTA, quas me primum Halæ Decano pro
con-

consequendis supremis in jure honoribus publice defenderunt tres candidati dignissimi, MARTINUS OTTO, quem nuper jussu potentissimi Regis in Professorum philosophiæ extraordinariorum numerum recepi, PETRUS BURGESOHN, Gevaliensis Svecus, & JO. HENRICUS GUNTHERUS Zittaviensis. Sed de his nihil est, quod TE, LECTOR BENEVOLE, moneam, quem jam fere cædet prologis scribundis opera abuti. Itaque te valere jubeo, &, ut faveas mihi, tui studiosissimo, vehementer, etiam atque etiam rogo. Halæ e musæo, ipsis Idibus April. MDCCCXXXV.



Printed by J. Neumann, Neudamm.

For the Proprietor, J. Neumann, Neudamm.

Printed by J. Neumann, Neudamm.

DE

ION

NOI RIFORMATORI

dello Studio di Padova:

A Vendo veduto per la Fede di revisione, ed approvazione del P. F. Paolo Tommaso Manuelli Inquisitore, nel Libro intitolato: *Jo. Goss. Heineccii Opusculorum Variorum Sylloge, &c.* non esservi cosa alcuna contro la Santa Fede Cattolica, e parimente per attestato del Segretario nostro niente contro Principi, e buoni costumi, concediamo Licenza, che possi essere stampato, osservando gli ordini in materia di Stampe, e presentando le solite Copie alle pubbliche Librerie di Venezia, e di Padova.

Dat. 25. Gennaro 1747.

(

(Barbon Morosini Cav. Proc. Rif.

(Marcó Foscarini Cav. Proc. Rif.

Michiel Angelo Marino Segr.

Registrato nel Magistrato Eccellentissimo degli Esecutori contro la Bestemmia.

Francoesco Gadaldini Segr.

ICA

DE



DE GENUINA
NATIVITATIS CHRISTI
ÆRA

EXERCITATIO I.

Ex Numis & Inscriptionibus
antiquis illustrata.

§. I. Numorum & Inscriptionum auctoritas
& præstantia. §. II. Ea etiam in historia
ecclesiastica sese exserit. §. III. Scopus Dis-
sertationis. §. IV. Cur æra genuina Nati-
vitatis Christi hodiernum tam obscura sit?
Christiani quas æras usurpaverint? Quan-
do Dionysiaca publice recepta? §. V. Mo-
nimenta antiqua, æra Christi signata, sup-
posititia sunt. Veluti gladius Constantini
M. Litterarum Gothicarum origo. §. VI.
Numus Constantini M. supposititius, nec
non ejusdem nota Inscripção Spoletana.
§. VII. Num æra Christi in numis mediæ
ævi occurrat? Numus bracteatus Bernardi
Ducis. Cifra Arabica numeris Romanis
intermixta. §. VIII. Quot viis monimenta
Hein. Opusc. Var. Pars I. A ad

2 De Genuina Nativit. Christi Æra.

ad genuinam Christi æram adducant? §. IX. Prima via: Chronotaxis Herodiadum. Nummus Herodis Antipa describitur. §. X. Ejus γυναικὸς ostenditur. §. XI. Herodes Antipas regnare cœpit anno Jul. XLIII. quod demonstratur e numo, cum Josephi chronologia collato. §. XII. Nec non ex chronotaxi imperii Archelai. §. XIII. Quin & ex chronotaxi imperii Philippi Tetrarcha. §. XIV. Harduini diversa sententia rejicitur. §. XV. Quantum temporis inter obitum Herodis M. & imperium Antipa intercesserit? Annus emortualis Herodis M. fuit Jul. XLII. §. XVI. Id quod demonstratur testimoniis Josephi, & ex eclipsi lunari tum facta. §. XVII. Quantum temporis inter natalem Christi & mortem Herodis effluerit? Dies natalis Christi obscurior. Observatio de die XXV. Decembr. in Ecclesia occidentali recepta. Annus tamen verus adparet ex epocha templi Herodiani. §. XVIII. Via secunda. Census tempore natiuitatis Christi actus fuit universalis. Bynai sententia examinatur. §. XIX. Census hic illustratur ex monimento Ancyrano, ejus historia traditur. §. XX. Fragmentum hujus monimenti adfertur. §. XXI. Idem explicatur. Chronotaxis censuum Augusti. §. XXII. Censum secundum huc perzinero, ostenditur. Census non uno anno absoluti. §. XXIII. Lapsus quidam Chronologici notantur. §. XXIV. Chronotaxis Præsidentum Syria e numis restituta. §. XXV. Christus Varo Præside natus. Lucas explicatus. Quirinius tempore Christi nati non fuit

Exercitatio I.

fuit Praeses Syria, sed censum extra ordinem egit. §. XXVI. Locus Tertulliani explicatur. Tabula censuales diu superstites. §. XXVII. Via tertia. Varia interpretatio verborum Luca. Anni Tiberii modo non uno numerantur. §. XXVIII. Æra Tiberii Proconsularis e monumentis antiquis illustratur, & ad Christi natiuitatem applicatur. §. XXIX. Epilogus dissertationis.

§. I.



Umorum, inscriptionum, aliorumque, quæ tanquam fractæ e naufragio tabulæ in ætatem nostram delata sunt, monumentorum, tanta semper visa est auctoritas, ut omnes fere eruditi, qui annales veteres in tuto collocare voluerunt, eorum testimonio in primis utendum sibi existimarent. Cujus instituti sui multas profecto habuere rationes. Quis enim non videt, inquit JO. DANIEL MAJOR, (2) quam multo potior censenda documentis historici illius auctoritas merito sit, quod ex veteri numo, marmore, tabula, aut inscriptione antiqua quavis alia, publico magistratus decreto sollemniter creta, quam quod ex uno forsitan & altero, eorum ac tam grandibus suspicionibus obiecto privati hominis scripto historico petatur? Certe enim, quum scripta historicorum haud pauca, tum ob librariorum oscitationem

(2) Major Diff. de Numis Rhedigerian. p. 66.

4 *De Genuina Nativit. Christi Ærâ.*

nem, tum propter scribentium adfectus; qui plerumque in calamum migrant, aut ignorantiam, privatis, ad altiora principum consilia caligantibus, vix omni ex parte evitandam; suspicione non minima laborent, pleraque etiam mirum in modum inter sese discordent; diversa longe est monumentorum antiquorum ratio, quippe quæ & incorruptiora ad nos pervenerunt, & publica fere auctoritate erecta sunt, & amantius multo inter se conspiciunt. Atque hæc quidem laus istis tam consentiente omnium eruditorum suffragio conceditur, ut nemo fuerit post felicem litterarum *παλιγγενεσίαν* inventum, qui eam in dubium vocare ausus sit. Antiquos scriptores ad summas angustias redegit JO. HARDUINUS, (b) nihilque præter Plinii historiam naturalem, Ciceronis aliquot libros, Virgilii georgica, & Horatii epistolas, ex antiquitate ad nos pervenisse, miro ingenio contendit. Diplomatum quoque antiquorum fidem adversus Mabillonii sententiam, impugnavit P. BARTHOLOMEUS GERMON, (c) Jesuita Gallus, tanta audacia, ut,

(b) vid. *Vindic. nominis German. adversus obreclatores Gallos*. Ittigii *Observ. ad Biblioth. PP. Apost.* p. 208. (c) B. Germon. *Disquis. de vet. Reg. Franc. Diplom. & arte secernendi antiqua diplomata vera a falsis*. Paris. 1703. 12. cui Mabillonius *Supplementum librorum de re diplomatica* Paris. 1704. fol. Justus Fontaninus

ut, nihil fere in tabulariis publicis genuini exstare, credat. At antiquis monimentis neuter dicam scripsit, quippe quæ ipsa elegantia & superfusa ærugine, (d) tanquam veneranda canitie, antiquitatem tuentur. Contra ea innumera proferre liceret testimonia de numorum usu & præstantia, si id opus esse videretur. Ut enim jam non expilemus æternum viri incomparabilis, æz. SPANHEMII, opus *de usu & præstantia numismatum*, quo incredibilem veterum numorum utilitatem in omni doctrinæ genere ex instituto demonstravit: magnus PEIRESCIUS (e) dictitare idemtidem solebat, *numismata, aliaque id genus, testes esse antiquitatis incorruptos, ex quibus addicerentur, quæ frustra requireret quis ex historiographis omnibus*. JO. DANIEL MAJOR, paullo ante laudatus, (f) numos vocat *ipsasmet pictas vel sculptas historias, quæ, adscriptis sibi ad lū-*

INE

Forojul. *vindicias antiquorum diplomatum* Romæ 1705. 4to. Theodoric. Ruinartus *Ecclesiam Parisiensem vindicatam* Paris. 1705. 120. & Petrus Constant. *vindicias MS&torum* ibid. 1706. 800. opposuerunt. Prodierunt postea Germonii *Disceptatio secunda* Paris. 1706. 12mo. & *tertia* 1707. 12. nec, mortuo licet Maillonio, intermortua est hæc controversia. (d) *Virides obdulta ærugine numos* laudat Prudentius in *Psychom.* v. 602. (e) Chifflet. *Anastaf. Childeric. cap. VII.* p. 113. (f) *de num. Rhedigerian.* p. 58.

ius verbis, aut abbreviaturis eorum peculiaribus, expressa deinde ex lictore auditorum & spectatore, tanquam res hodie gererentur, faciant. JO. HEMELARIUS (g) inclusum esse ait numis nobile historiarum opus, & quod solum, atiamfi reliqua præclarissimorum ingenuorum monimenta intercidissent, stare adversas annorum edacitatem temporumque injurias potuisset. Denique cel. VVEDELIUS (h) eisdem vivam historiam antiquæ gentis & sapientia salutare non dubitat. Par pretium etiam inscriptionibus statuitur, quibus tantum tribuebat BOSIUS, (i) ut in intimam antiquitatis notitiam neminem posse pervenire existimaret, nisi qui ingenium inscriptionum veterum ad unguem callores. Omitto aliorum illustrium virorum, veluti DE CHOUX, REINESII, CHIFFLETII, MEIBOMII testimonia, quæ præfationis limites non capiunt.

§. II.

Inter monimenta vero hæc antiqua, illa mihi instar thesauri habenda videntur, quorum testimonio historię sacræ atque ecclesiasticæ veritas quodammodo stabilitur. Ingentem eorum numerum ipse collegi, plurimisque observationibus historicis animi causâ illustrare coepi, non dubitans, quin integra messis oblatura se esset ei, qui majore adparatu instructus serio hoc age-

(g) *Præfat. ad aurea numism. Caroli Duc. Arschos.* (h) *Dissert. de numis pileatis Decad VII. Exercit. Medico Philolog. p. 69.* (i) *Bosius Epist. XLV. ad Reines. p. 127.*

ageret. Fateor equidem scriptores nonnullos, eosque cæteroquin doctissimos, rem eundem sæpe tentasse, sed quod aliis in rebus plerumque contingit, plura sibi videre visi sunt, quæ deinde oculatiores vel inepte, vel partium studio confictas agnoverunt. Ab Hispanis inter cæteros non solum multas inscriptiones plane confictas scimus, sed genuinas etiam ita detortas, ut eos in hac re nimia pietate potius, quam veritatis studio abductos fuisse judicandum sit. Hinc factum est, ut ex fragmento antiqui marmoris, in quo litteræ s. VIAR adhuc exstabant, statim novum quendam Sanctum, qui hoc nomen gesserit, exsculperent, ejusque solemnem consecrationem ab Urbano VIII. Pontifice R. deposcerent, quum tamen postea a peritis talium antiquitatum ostenderetur, (k) litteras s. VIAR reliquas esse e tota inscriptione, procul dubio ita supplendas, ut *præfektus VIARUM*, vel *curatores VIARUM*, vel *maniceps VIARUM*, vel aliud ejusmodi (l) legatur. Eadem simplicitate etiam Galli ex inscriptione, in agro Vesontinensi reperta, Eusebii cujusdam martyris notitiam sibi factam crediderunt, figuris adpictis persuasi, quas, quum martyrii instrumenta crederent, ascias esse docuit

(k) Mabillon. *Tom. I. Mus. Ital. p. 145.*

(l) De magistratibus viarum vid. Lips. *ad Tacit. l. 3. Annal. pag. 158. & V. C. Eu. Otto de Tuscia viar. Parte II. p. 314.*

docuit MABILLONIUS. (m) Sic porro quum Romæ a monachis inventus esset lapis, vestigio hominis notatus, dici non potest, quanta veneratione eum coluerint superstitionosi homines, vestigium angeli, in mole Hadriani tempore Gregorii M. Papæ olim visi, adorare se existimantes. AT PETRUS BELLORIUS, antiquitatum studiosissimus, ubi in templum venit, & tam numerosam plebem circa monumentum vidit, accessit, accuratiusque inspecto lapide, ex inscriptione Græca, fragmentum statuae Isis deprehendit. (n) Eadem fabula acta est Ravennæ, ubi S. Argyris religiose culta diutissime fuit, quam tamen ethnicam fuisse, ex inscriptione marmoris sepulcralis, ibidem obvia, deprehendit B. PAPERBROCHTUS. (o) Denique, fuere, ut ait ANTONIUS AUGUSTINUS, (p) qui Neronis numum fingerent cum litteris: PETRUS GALILÆUS, quem ingenti pretio Paullo IV. Pontifici impostores obtrudere tentarunt. Cuderant ipsi hinc quidem Neronis caput, cum solitis titulis, in averfa autem parte S. Petri faciem, qualis in plumbis bullarum ac diplomatum pontificiorum spectatur, adscriptumque erat: PETRUS

-
- (m) Mabill. *Epist. de cultu Sanctor. ignotor.* Paris. 1698 4to. (n) Burnet. *Epist. XII. de itinere Ital.* pag. 132. seqq. (o) *Acta Sanct. Maii.* Tom. V. pag. 223. seqq. (p) Anton. Augustin. *dial. II. de num. antiq.* Dan. Larroquan. *diatrib. de legion. fulminatr.* p. 613.

TRUS GALILÆUS. Addebant, repertum nummum juxta S. Petri Sacellum, hoc amplius, pontificem S. Petro persimilem esse, adferebant. Sed plura exempla adjicere, chartæ angustia prohibet. Noc opus esse pluribus credimus, quum vel ex his satis constet, quam parum feliciter nonnulli antiqua monimenta ad historiam sacram accommodarint.

§. III.

Multo majore ingenii dexteritate illi adhuc in numismato critica & scientia lapidaria versati sunt, qui ejusmodi monimenta ad chronologiam sacram transtulerunt, eamque variis locis illorum ope emendarunt. Quod nescio an quisquam majore animi dexteritate præstiterit, quam duumviri eximii, HENR. NORISIUS, cum in aliis operibus, tum in quantivis pretii libro *de Epochis Syro-Macedonum*, & ANT. PAGI in *Critica Baroniana*, & *Dissertatione Hypatica*. Ejus rei & ipse specimen nunc dabo, dissertationem hanc de GENUINA ERA NATIVITATIS CHRISTI, NUMIS ALIISQUE MONIMENTIS ILLUSTRATAM, quam ubi patronis probari deprehendero, ceteræ suo tempore sequentur, memorias sanctorum, historiam persecutionum, rituum, sacramentorum, hæreticorum, conciliorum, lèctionum & hymnorum, aliaque historię sacrę capita, ex monimentis variis illustraturæ.

§. IV.

Cur genuina Christi æra nobis, qui Christi nomen profitemur, in tanta litterarum luce hodiernum tam obscura sit, causæ satis multæ in promptu sunt. Præcipua ta-

men hæc videtur, quod nascentis ecclesiæ patres, maximo pietatis mysterio unice intenti, operosas temporum computationes insuper habuerunt. Si enim ab initio statim annos a Christi natali numerare, eamque æram aut in scriptis suis, aut in monumentis publicis usurpare voluissent: nihil fortassis hodie laboraremus. Jam vero primitiva Ecclesiæ non nisi æris tum vulgo receptis Romanorum, Hispanorum & Syro-Græcorum uti solebat. (q) Arabes tamen jam

(q) Christiani pro diversis mundi partibus, in quibus vivere, diversis quoque æris usi sunt. Plerisque Consulium aut Imperatorum annis res gestas signare placuit. *Æra Hispanica* locum invenit in monumentis & conciliis Hispaniæ, ut testatur Scaliger *lib. V. de Emendat. Temp. p. 235.* & Mabillon. *lib. II. de Re dipl. c. 23. p. 176.* *Æra Syro-Macedonum* usos videmus Orientales, ceu adparet ex *Evangelio infantia Christi Arabico*, quod ex Henr. Sickii interpretatione denuo edit Fabric. in *Cod. Apocryph. N. Test. p. 169. Tom. I.* Immo sunt, qui suas sibi æras habent, ab aliis non admittas, quales sunt illa Gregorii Turonensis, a transitu B. Martini repetita, aliaque *æra traben-tionis*, quæ in Capitularibus Franciæ occurrit apud Baluz. *Tom. II. p. 630.* quamque de annis dominicæ passionis explicat Carol. du Fresne *Tom. III. Gloss. Lat. p. 1155.* de incarnationis vero æra acci-

jam ineunte sæculo III. annos ab adscensione Christi numerasse, ex Codice msc. Arabico didicisse se ait FRANC. FICORONIUS. (qq) Postea æram martyrum, quæ ex Diocletiani anno primo consurgit, excogitarunt Ægyptii, (r) æmulas hæc in re habituri & orientales, & occidentales Ecclesias, licet illas his constantiores. Æram vero a Christi natali deductam primus invenit DIONYSIUS EXIGUUS, Abbas Romanus, qui sæculi sexti initio floruit. Sed tantum abest, ut ejus epocha statim publice recepta sit, ut demum Carolingorum temporibus sensim cœperit monumentis adscribi, (s) unde non est mirandum, nobis hanc æram

pit Jo. Frid. Mayer *Diff. de præceptoribus Christi* p. 17. (qq) Franc. Ficoronius *Observ. de Antiqu. Rom.* p. 6. Vid. *Alt. Erud. Lips. ann. MDCCX.* p. 115. (r) De hac æra, quam Ægyptii Taarich Alscheda, i. e. æram martyrum vocant, vid. Hotting. *sæcul. IV. Hist. Eccl.* p. 182. Carol. du Fresne *Tom. I. Gloss. Med. & infr. Latinit.* p. 200. Scalig. *lib. V. de Emend. temp.* p. 246. Eandem quidem æram ab Æthiopibus intelligi per æram misericordie putaverat l. c. Sed æram Orbis conditi intelligendam, monet Ludolfus *Comment. ad histor. Æthiop.* p. 385. (s) Pipini ætate receptam hanc æram fuisse, auctor est Bucherius *Sell. I. Chron. rer. Franc.* Alii, quum ne tunc quidem in monumentis hæc æra reperiatur, a Ca-

æram crucem figere, cujus tam parum curiosi fuerunt antiqui.

§. V.

Inde facile patet, quid de monumentis antiquioribus judicandum sit, quæ æram Dionysiacam adscriptam habent. Nemo enim non videt, illa falsa ac supposititia esse. Hujus commatis est gladius, inter rudera templi cujusdam in Gallia repertus, (1) cui ab altero latere characteribus Gothiis inscriptum:

VIRI-

rolo Crasso introductam credunt. Vid. *Aventin. lib. IV. annal. Bai. p. 461. Nicol. Vignier Chronic. Burg. ad an. 885. Stumpf. lib. VII. Helvet. cap. 6. fol. 197.* Denique recentissimum hujus æræ usum facit Salomon van Til, qui in *Dissert. de annis Christi, Phosphore prophetico adnexa Part. I. c. 12* hujus æræ usum demum anno **MCCCCXXXI.** sub Eugenii IV. Pontificatu invaluisse, contra diplomatum aliorumque monumentorum fidem contendit. Sed maxime placet sententia Mabilonii, qui quidem *lib. II. cap. 28. §. 1. de Re Dipl.* annos incarnationis jam inde a sæculo octavo in diplomata nonnunquam admissos esse, ex Traditionibus Fuldensibus Pistorianis monstrat, nec tamen *cap. 26. §. 4.* negat, Carolingorum adhuc huc tabulas plerasque hac epocha carere. Unde ab horum demum temporibus æram Dionysiacam invaluisse, credere par est. (1) Vid. *Auctor. Historia Hen-*

UTRIQUE NOMEN PEPERI ET MAGNO
ALEXANDRO ET MAXIMO CESARI.

ab altero: NEC VIS HERCVLEA ME TERRVIT
VNQVAM DVM CONSTANTINI MAGNI
FIRMAREM IMPERIVM THEOGONIAS
III. CXX.

Verum se ipsum jugulat hic gladius. Quid enim Gothicus character Constantini tempore, qui serius, imperante Valente, ab Ulphila Episcopo est inventus? (u) Quid vox *Θεογονίας*, Constantini ævo inaudita, licet concretum *Θεογον* apud personatum.

DIO.

rici II. ultimi Ducis de Montmerency.
(u) Ulphilam inventorem litterarum Gothicarum magno consensu tradunt Philostorg. *lib. II. Hist. Eccl. p. 471.* Socrat. *lib. IV. Hist. Eccl. c. 33.* Sozomenus *lib. VIII. cap. 37.* & Theodoricus *lib. IV. cap. 37.* In eo tamen inter se discordant, quod Philostorgius Ulphilæ ætatem in Constantini M; ceteri in Valentis tempora rejiciunt. Sed Philostorgii interfuit, Ulphilam antiquiorem facere, ut Arianismi inter Gothos propagati vetustatem eo speciosius ostentaret, eæu observat Guil. *Cave Parte I. Hist. litt. sæcul. IV. p. 129.* Equidem Basnagius *Tom. III. Annal. Eccles. polit. creditu difficillimum, esse putat, Gothos ante Ulphilæ ætatem scriptura propria plane caruisse, quandoquidem jam anno CCCXX. episcopum suum ad concilium Nicenum ablegarint.* Sed hoc argumentum quidam

DIONYSIUM AREOPAGITAM (x) legamus? Quis deinde probaverit scriptionem IIICXX. pro CCCXX, omni auctoritate exemploque destitutam? Merito igitur mireris, auctori, qui vitam ultimi Ducis Montmorencii descripsit, ne dubitandum quidem videri, quin fatalis hic gladius revera & Alexandrum M. & Julium Cæsarem, & Constantinum M. & post hos Carolum M. & Raynaldum Ducem de Montalbano, possessores habuerit.

§. VI.

Nec melioris notæ est numus Constantini, quem anno æræ vulgaris MDCXI. Mathiæ Imp. Pragæ obtulit JOACHIMUS SCHLEGELIUS. Præfert ille in antica effigiem Christi, dextræ digitos, benedictis morè, erigentis, sinistra vero globum tenentis, cum perigraphæ: A. CH. CCCXXIV. In postica diabolus & mors catenis implicati conspiciuntur, cum lemmate Hetruscis, UT MICHELIUS putat, seu, UT SCHLEGELIO visum est, Vastualdi notis scripto: SALVATORI MUN-

DI

contra tot testes inferre possit, nondum video. Conf. de litteris Gothicis, quæ & Toletanæ audiunt, Mabillon. *lib. I. de Re diplom. c. 11. p. 48. & lib. V. p. 346. 347.* Roderic. Toletan. *lib. VI. Rer. Hisp. c. 20.* Justi Fontanini *Vindic. Antiqu. Diplom. contra German. lib. I. cap. 8.* Struvii *Alf. Litterar. ex MSCt. fascic. I. pag. 22.* (x) Dionys. Arcop. *lib. de Divin. nominib. cap. II. Sæcl. I. p. 415. & Sæcl. VII. p. 423.*

DI SACRUM. Licet autem non modo SCHZ-
GELIUS, sed & BAYSIUS, SYLBURGIUS, PAN-
NONIUS & HECKELIUS genuinum hunc nu-
mum judicent, & tum casum existiment,
quum Constantinus Nicomedie salutari ba-
ptismatis fonte initiatus, Christianorum di-
ptychis, & paullo post cælitum numero ad-
scriberetur. Sed omnium impudentissime
etatem mentitur inscriptio hæc Spoletana,
a CHRIST. AD. RUPERTO (y) descripta, quæ
ipsa quoque eram vulgarem adscriptam habet.

D. O. M.

S. MICHAELI ARCHA

NGELO POST CONS

VLATUM FELICIS ET

TAURI ANNO VERO SA

LV HUM. CCCXXVIII HO

C TEMPLUM DICATUM SA

CROQ. BAPTISMATIS FONT

E AD CATHED ECCLESIAM

POSTEA TRANLATO MAXIMISQ

INDULGENTIIS PER TOTUM MENSEM

MAII INSIGNITUM SACRATU

M. Q. FUIT.

Consulatus Tauri & Felicis ætæque vulga-
ris CCCXXVIII. concurrunt cum anno
Theodosii XXI. & XXII, quo nondum Ar-
changelis templa dedicata, nondum cathe-
dralis Ecclesiæ nomen auditum. Unde om-
nes credo ad sensu suo confirmaturos esse
judicium Reinesii, (z) qui, hanc Inscri-
ptio-

(y) Rupert. Epist. LXII. ad Reines. p. 562.

(z) Reines. Epist. ad Rupert. ibid.

16 *De Genuina Nativitate Christi Æra.*
ptionem a recentiore manu ex annalibus Ecclesie Spoletanæ compilatam esse, credit.

§. VII.

Quo certius igitur est, æram Dionysianam ante Carolingorum tempora in monumentis publicis nondum usurpatam fuisse, eo magis subit mirari, cur in mediis ævi numis, ne ea quidem ætate, qua in diplomatibus adscribi cœpit, adpareat? Quam plurima sane mediæ ævi numismata tum solida, tum bracteata, passim in eruditorum scriniis servantur, nec pauca a Domino LE BLANC, FONTANA, CORNELIO DE ALKEMA, ELIA BRENNERO, THOMA BIRCHERODIO, SPERLINGIO, TENZELIO, MELLEONIO, SCHLEGELIO & Rev. JO. ANDR. SCHMIDIO delineata sunt: sed in nullo omnino æræ Christianæ vola aliqua aut vestigium extat. Repertus quidem est numus bracteatus BERNARDI, Ducis Saxonie, (a) ita inscriptus: BERNARDUS DUX SAXONIE MOSI, ex qua voce ultima nonnulli elicere volunt annum MCSI. id est 1181, quæ scribendi ratio, ex numeris Romanis & barbaris mixta, in Mæstis codicibus non nunquam observatur. (b) Sed quoniam characteres tam obscuri sunt, ut æque facile MOSI ac MCSI legas; malim ego

-
- (a) Possidet hunc quantivis pretii bracteatum Dn. Zollmannus *Consiliarius Saxonicus*. Ejus vero iconem dedit Tenzel in *Dial. Menstr. ann. 1691. pag. 619.*
(b) Sic Tenzel in *dial. menstr. an. 1693. p. 456.* ex MSCro adducit exemplum nu-

ego quidem accedere TENZELII (c) & clar. OLEARII (d) sententiæ, qui vel MONETAM SIGNAVIT, vel aliud quid, huic simile, legendum putant, quam aliorum, qui æram Christi hic sibi videntur invenisse. Paucis ut me expediam, tam constanter ex monumentis antiquis æra Christiana exsulat, ut sperandum vix videatur, ullo nos in inveniendō genuino Christi natali adjutum iri.

§. VIII.

Attamen non desunt monimenta, quibus veluti aliud agendo ad verum Christi natalem adducimur. Quum enim tres præcipue characteres ab Evangelistis proponantur, ad quos, tamquam ad Lydium quemdam lapidem, Chronologorum sententiæ exigendæ sunt: totidem quoque modis monimenta antiqua nobis erunt adiumento. *Primus* character est ille MATTHEI, (c) qui Christum natum adfirmat *ἐν ἡμέραις Ἡρώδης τοῦ βασιλέως* in diebus Herodis regis, atque ejus quidem Herodis, cujus imperium paullo post ad Archelaum filium devolutum est.

Huc

meri ∞ cc ∞ 1. Mabillonius vero *lib. V. de Re Dipl. Tab. 15. p. 373.* specimen profert ex Codice Cavenfi, in quo Kempisii libellus de Imitatione Christi habetur. In eo vero hæc occurrunt notæ numerales X₂ pro XII. X₃ pro XIII. X₄ pro XIV. &c. (c) Tenzel. *l. c. & anno 1693. p. 455.* (d) Olear. *Isagag. in numophylac. brasileat. cap. III. Sect. IV. p. 20. seq.* (e) Matthæ

Huc igitur facient monumenta, quæ chronotaxin Herodiadum ordinant. *Secundus* est LUCÆ, (f) qui Christum virgineo partu in lucem editum ait, quum Cæsaris Augusti auspiciis census per P. quirinium ageretur. Hic igitur usui nobis erunt monumenta, quæ census ab Augusto actos, & Præsidium Syriæ chronologiam illustrent. *Tertium* characterem eidem Evangelistæ (g) acceptum ferimus, isque omnium distinctissime, Christum decimo quinto Tiberii anno *ὡς ἐν τετράκοντα ἔτη ἀρχομένου*, quasi triginta annos habere cepisse, docet. Et huc referri oportebit monumenta, quæ annis Tiberii in ordinem redigendis sunt idonea. Quod qua ratione expediri possit, brevi specimine nunc experiemur.

§. IX.

Ad ordinanda Herodiadum tempora præcipue facit numus Herodis Antipæ, quem e RIGORDI Museo multi eruditorum adhuc exhibuerunt, suisque illustrarunt observationibus. Postquam enim ejus ectypum a RIGORDO acceperat ANTON. MAGLIABECCHIUS, hic statim illum cum HENRICO NORISIO communicavit, qui deinde erudita epistola, ad ANTONIUM PAGI exarata, (h) sententiam suam de præclaro monumento exposuit. Paulo post ipse RIGORDUS Dissertationem de

II, 1. (f) Luc. II, 1. (g) Luc. III, 1. coll. 23. (h) Edita est hæc Norisii epistola cum Tractatu de Anno & Epochis Syro-Macedonum Florent. 1689. 4.

de hoc numo historicam edidit. (i) Sed & D. HARDUINUS (k) & EMMANUEL SCHELSTRATENUS. (l) ejus expositione exercuerunt ingenia, licet ille, more suo, nova potius & paradoxa, quam vera, sectari voluisse videatur. Ceterum ipse numus est æneus, minoris moduli, (m) & in antica quidem palmam, follemne illud Judaicæ monete *χάρισμα* præfert, cum lemmate: *ΗΡΩΔΗΣ ΤΕΤΡΑΡΧΗΣ* L: MT. in postica Cæsaris Caligulæ nomen, corollæ inscriptum: *ΓΑΙΟ ΚΑΙΣΑΡ ΓΕΡΜΑΝΙΚΟ*. Sic numi inscriptionem & MORISUS & RIGORDUS & HARDUINUS & SCHELSTRATENUS initio exhibuerunt. Quum vero paullo post Lutetiam esset missus, TOINARDUS alique æris antiqui censores observarunt, hos omnes deceptos, legere potius debuisse *ΓΑΙΟ ΚΑΙΣΑΡ ΓΕΡΜΑΝΙΚΟ ΣΕΒΑΣΤΟ*. Unde SCHELSTRATENUS appendicis loco denuo hunc numum æri incidendum, lectoremque de errore monendum, putavit.

§. X.

De fide hujus numi subdubitare initio aliquantulum visus est MORISUS. Sed quum alii,

-
- (i) Rigordi *Dissertationen* cuncta Gallico scripta prodiit Paris. 1689. 4. (k) Harduin. in *Prolusione Chronol. è numis restituta de numis Herodiad.* p. 48. (l) Schelstraten. *Antiqu. Eccles. illustrat. Tom. 1. p. 653.* (m) Numi figuram habes etiam in *Alt. Erud. Lips. Anno 1690. p. 431. & Supplem. Tom. 11. p. 364.*

alii, in numismatocritica versatissimi, qui ipsum numum viderant, consentiente iudicio eum *νοθείας* absolverent: ipse quoque laudatus NORISIUS in epistola, a SCHELSTRATEN edita, (n) sententiam mutavit. Omnia sane in hoc numo antiquitatem redolent, nec ullum in eo est fraudis vestigium. Littera L. pro A posita tantum abest, ut suspicionem nobis injicere ullam possit, ut de antiquitate numi non obscure testetur. Græcas enim litteras olim cum Latinis ejusdem plane figuræ fuisse, ex Tabula Delphica docet PLINIUS. (o) Quod quum varia monumenta confirmant, tum vetus inprimis inscriptio apud SPONIUM, (p) in qua hæc nomina Græca per L scripta occurrunt: ΛΥΚΙΝΟΣ, ΛΥΣΙΜΑΧΙΔΗΣ, ΛΥΣΙΣ, ΚΑΛΛΙΠΠΟΣ. Ut taceam, in numis epochæ vix aliter quam per L. quod *λυκάβαρτα*, id est, annum notat, exprimi. Quum porro magnum hoc sit γνησιότητος argumentum, si numus cum aliis ejusdem principis conveniat: nostro non potest non magnum inde pondus accedere, cui geminum servat numophylacium Regis Franciæ, (q) in hoc tantum a nostro diversum, quod non *λυκάβαρτα* μὲν sed L. ΔΔ præfert, & in corolla exhibet locum, ubi cussus est, nempe Tiberiadem. Ut adeo nihil sit,

(n) Schelstraten. *Tom. I. Antiqu. Eccl. p. 653.*

(o) Plin. *lib. VII. hist. nat. cap. 58.*

(p) Spon *Miscell. Antiqu. Sect. X. n. 1. p. 315.* (q) Schelstraten. *l. c. Ez. Spanh.*

fit, meo quidem iudicio, quod numum
hunc RIGORDI suspectum reddere possit.

§. XI.

Ceterum hic numus, si cum aliis moni-
mentis conferatur, ea de causa inprimis
ad institutum nostrum facit, quoniam no-
bis initium tetrarchiæ Herodis Antipæ pro-
dit, quo invento, etiam mors Herodis M.
fiet manifestior, atque sic totum confectum
erit negotium. Constat igitur e JOSEPHO,
(r) Herodem M. prioribus, quas confece-
rat, tabulis, Antipam filium successorem
destinasse, postea vero, pertasam prioris
testamenti, Archelao regnum, Antipæ Ga-
lilæam cum Peræa, Philippo denique Ba-
tanæam & Paneada tetrarchiæ nomine adsi-
gnasse. (f) Mortuo inde parente, Antipas
a Salome ad regni spem erectus, Romam
navigavit, ita ibi instructurus scenam, ut
priores tabulæ posterioribus præferrentur,
ipseque, exclusis fratribus, ad regnum ad-
spiraret. Lite itaque aliquantulum protra-
cta, Augustus Cæsar in sollemni amicorum
confessu ita divisit provincias, ut Philip-
pum Batanææ, Trachonitidi & Auranitidi;
Antipam Galilææ & Perææ tetrarchas da-
ret, majorem natu, Archelaum, Judææ &
Samaritæ ethnarcham præficeret. (t) Fa-
ctum hoc esse ante æræ vulgaris initium,

ex

de Usu & præf. numism. Diff. VIII. p. 527.

Tom. I. (r) Joseph. lib. XVII. Antiqu.

Jud. cap. 10. (f) Joseph. lib. XVII. cap. 11.

(t) Joseph. lib. XVII. cap. 13.

ex eo adparet, quod idem JOSEPHUS narrat, (u) Cæsarem in consilium advocasse amicos, & in his Cajum, nepotem, jam a se adoptatum, cui honoratissimum in consistorio locum dederit. Inde enim facile liquet, Cajum tum adhuc Romæ fuisse, Lucium vero, ejus fratrem, nondum in forum prodiisse, alias pari cum Cajo honore fruiturum. Quum igitur Cajus anno Augusti XLV. in Orientem missus, numquam redierit Romam, morte quippe præpropere in itinere extinctus, Lucius vero eodem anno demum in forum deductus sit: (x) sane inde consequitur, ut divisio ista jam ante annum Augusti XLV, atque adeo etiam ante æræ vulgaris initium facta sit. Jam ex numo nostro discimus, Herodem Antipam ex eo tempore adhuc L. M. hoc est annos XLIII. tetrarchiæ præfuisse. Ponamus interea, annum hunc quadragesimum tertium cum tertio Caji Caligulæ, hoc est Juliano LXXXV. concurrere, eodemque anno numum cūsum esse, quo Herodes, de novo regnum anhelans ad Cajum Bajas profectus est, (sane enim post ea tempora Antypas in exilium missus numos cudere non potuit,) consequens erit, ut primum Herodis Antipæ annum incidere in consulatum Cn. Cornelii Lentuli & M. Valerii Mes-

(u) Joseph. lib. XVII. cap. 11. (x) Sueton. cap. XXVI. Aug. Pagi *Adpar. ad Crit. Baron.* n. 153. & 155. seqq. p. 40. Norisius *Genotaph. Pisana. differt.* II. p. 119.

Melsallæ, hoc est, annum Julian. XLIII. & Cæsaris Augusti XLII. fateamur.

§. XII.

Supputationi huic non parum ponderis accedit ex Archelai imperio, cujus eadem cum fraterno fuere primordia. Auctor est DIO CASSIUS, (y) Historicorum per hæc tempora facile princeps, Archelaum, quem gentili nomine Herodem adpellat anno ab U. C. DCCLIX. Julian. LL. M. Lepido & L. Aruntio Coss. provinciis regnoque ab Augusto esse mulctatum, & exulem in Galliam deportatum. Ita enim ille ad annum supra signatum: Ο Ἡρώδης ὁ Παλαιστίνος αἰτίαν τινὰ ὑπὸ τῆς ἀδελφῶν λαβὼν, ὑπὸ τὰς Ἀλπεὺς ὑπερωρίσθη. καὶ τὸ μέρϑ τῆς ἀρχῆς αὐτῷ ἐδημοσιώθη. Herodes Palæstinus, à fratribus accusatus, trans Alpes est relegatus, ac pars ejus ditionis in publicum redacta. Quod ne cuiquam dubium videatur, consentientem DIONI producam JOSEPHUM, (z) qui, ubi censum, legato Archelao, a Quirinio actum enarrat, eum incidere aie in annum trigesimum septimum post vultum a Casare in Alliana pugna Antonium, qui est ille proximus annus ab eo, quem Dio signavit. Apud Actium enim pugnatum est III. Non. Septembris A. U. C. DCCXXII. Julian. XV. Inde annus XXXVII. est Julian. LII, quem proxime antecessit Archelai pro-

scri-

(y) Dio Cass. lib. LV. p. 567.

(z) Joseph. lib. XVII. Antiquit. Jud. cap. 3.

scriptio. Porro eidem JOSEPHO (a) observatum est, Archelaum provinciis excidisse δεκάτω ἔτει τῆς ἀρχῆς *decimo principatus anno*, hoc est nono exacto. Quod si igitur ab anno U. C. DCCLIX. retro mimeres novem annos, incidet in annum ab U. C. DCCL. Julian. XLIII, hoc est in illum ipsum, quem Herodiani numismatis beneficio superiore paragrapho imperii illorum auspicalem esse adseruimus.

§. XIII.

Præterea hæc supputatio confirmatur chronotaxi annorum Philippi, tertii fratris, quem Trachonitidem cum Batanea tenuisse diximus. De hoc ita JOSEPHUS (b) *Tunc etiam Philippus, Herodis (Antipæ) frater: diem suum obiit, anno Tiberii principatus vigesimo, quum ipse præfuisset triginta septem annis Trachonitidi & Gaulanitidi ac Batanae.* Quum ergo Tiberii annus XX. & Philippi XXXVII. concurrat cum anno U. C. DCCLXXXVII. Julian. LXXIX, necessario sequitur, auspicia Herodis incidere in annum ab U. C. DCCL. Julian. XLIII, jam antea numi auctoritate a nobis stabilitum.

§. XIV.

Ordinatis igitur Herodis Antipæ temporibus, & cum fratrum chronotaxi conciliatis, non difficulter licebit colligere, quid sentiendum videatur de HARDUINO, (c) annum

(a) Idem lib. XVII. c. 15. (b) Joseph lib. XVIII. *Antiqu. Jud.* c. 6. (c) Harduin. *prolus. Chronol. de numis Herod.* ad. p. 48.

num Herodis XLIII, qui in numo adparet, cum Caji Imperatoris anno primo conjungente. Quam rem demonstraturus hanc præstruit hypothesin: *Ubi in numis Herodum Imperatorum annus omittitur, primus est semper intelligendus. Hanc enim ab illis veluti fidei sua tesseram dari Caesaribus oportuit in auspiciis imperii, suamque vel sic probare clientelam aut conjunctionem.* Sed hæc regula, ex HARDUINI ingenio nata, nullum in re numaria invenit præsidium, pluresque exceptiones patitur. Extant enim numi Agrippæ Regis quam plurimi, (d) in quibus Vespasiani, Titi vel Domitiani capita conspiciuntur, annis imperii non adscriptis, & tamen aversæ humorum facies modo è ΤΟΥ ΙΘ ΒΑΣΙΛΕΩΣ ΑΓΡΙΠΠΑC, modo è ΤΟΥ ΚΑ. ΒΑ. ΑΓΡΙΠΠΑ, modo ΕΤΟΥ ΚC ΒΑ. ΑΓΡΙΠΠΑ, modo ΕΤΟΥ ΚΘ. ΒΑ. ΑΓΡΙΠΠΑ, id est, modo annum Agrippæ Regis XIX, modo ejusdem XXIV, modo XXVI. modo XXIX. præferunt, quos omnes nec Harduinus, nec alius quisquam, salva chronologia, cum primis istorum Imperatorum annis conjunget.

§. XV.

Jam igitur quærendum videtur, quantum temporis inter Herodis mortem & Antipæ initium effluxerit? Hoc vero negotium non rectius expediemus, quam ubi anni tempus, tum quo Herodes M. impu-

ram.

(d) Spanhem. de Usu & præstant. numism.

Differt. IX. p. 533.

Hein. Opusc. Var. Pars I.

tam animam efflavit, tum quo Antipas cum fratribus principatum Romæ obtinuit, indagaverimus. Hic iterum nos juvat iosephus, (e) qui ubi Archelaum æque, ac Antipam, instante festo paschæ, Romam navigasse exposuit, statim pergit ad seditionem Judæorum, ingruente festo Pentecostes contra Sabinum excitatam, (f) atque interea, dum hæc gesta sint, fraternam de regno contentionem a Cæs. Augusto sopitam tradit. Unde certo constat, adulta jam ætate causam hanc Romæ ad liquidum fuisse perductam. Herodis autem mors quo anni tempore contigerit, non æque facilis conjectura est. Valeat tamen hic tantisper Judæorum auctoritas, qui in libris jejuniorum ad diem VII mensis Casleu Synagogæ supplicationem indicunt, quod is sit *יום שמחת תורה* *dies quo oncesse Herodes*. (g) Ex quo colligitur, circa Novembrem eum obiisse, & quidem anno, qui filiorum principatum proxime antecessit, nempe Juliano XLII Augusti XLI, C. Calvisio Sabino & L. Passieno Rufo Coss.

§. XVI.

Sed ne quis existimet, emortualem hunc Herodis annum, in quem EM. SCHELSTRATENUS, (h) ANTONIUS PAGI, (i) NOR-

SUS,

(e) Joseph. lib. XVII. c. 11. (f) Idem lib. XVII. c. 12. (g) Vid. Jacobi Ufferii *Annal. V. T.* (h) Schelstraten. *Antiqu. Eccles. illustr. l. c.* (i) Anton. Pagi in *Ad-*

mus, (k) RIGORDUS, (l) JO. CLERICUS, (m) Auctor anonymus apud SARNELLIUM, (n) TILLEMONTIUS, (o) GUIL. VVHISTON, (p) BASNAGIUS, (q) alique eruditorum antesignari miro consensu feruntur, solo Judaeorum testimonio niti, etiam hoc addimus, quod ipsorum chronologia cum hac hypothese amantissime conspirat. Hic enim de Herodis morte ita tradit: (r) Τελὲται βασιλεύσας μεθ' ὃ ἤν αἰώνιας Ἀρτίγονου, ἐτε τιαντα ἢ τριακοντα, μεθ' ὃ ἦν τὸν Π' αἰώνιον ἀνδεδέκναιτο, ἐπὶ δ' ἢ τριακοντα. Meritur, quum regnasset post sublatum quidem Antigonum triginta quatuor annis, posteaquam vero renuntiatus fuerat a Romanis, triginta septem. Hinc nemo non videt, emortualem Herodis annum statim in apice futurum, si, quo anno imperare coeperit, coetum fuerit

parat. ad Crit. Baron. n. 142. pag. 35. Tom. 1.
 (k) in Genesiph. Pisan. & epist. cicar.
 (l) Rigord. Discours sur une medaille de
 Herodes Antipas, (m) Jo. Cleric. Diss. l.
 de annis vite Christi ad Harmon. Evang. p. 1.
 seqq. (n) Vid. Sarnell. lettera Ecclesiastica
 35. (o) Tillemont. dans les me-
 moires pour servir à l'histoire Ecclesiasti-
 que Tom. 1. part. 1. (p) Gu. VVhiston.
 Campbell. Chronol. N. T. prop. 12. ubi an-
 num emortualem Herodis adsignat pe-
 riodi Julian. 4710. qui idem est cum Ju-
 liano 40. (q) Sam. Basnag. Anal.
 p. 117. seqq. (r) Joseph. lib. XVII. cap.
 10. & lib. 1. de bello Jud. cap. 21.

rit atque exploratum. Sed & hac, in re Josephi laudanda industria, siquidem accurate annum designavit, quo Herodes Romanorum auspiciis regni decus in familiam suam intulit. Factum enim hoc testatur ὅτι τῆς ε' ἐ' π' καὶ δ' Ὀλυμπιάδῃ, ὑπατάδοντῃ Γαίῳ Δομετίῳ Καλβίνῳ τὸ δεύτερον ἐ' Γαίῳ Ἀσινίῳ Παλίῳ, *Olympiade CLXXIV. C. Domitio Calvino iterum & C. Asinio Pol- lione Coss.* (f) qui fuit annus ab U. C. DCCXIV. Julian. VI. Augusti vero V. Quod si igitur ab hoc anno numeraveris annos XXXVII, quos imperavit, habebis annum ab U. C. DCCL Jul. XLII. Augusti XLI, quo mortuum illum demonstravimus. Alio loco narrat, (t) illum Hierosolymam expugnasse tertio anno, ex quo Romæ Rex fuerat renunciatus, Cónsulatumque tunc Romæ gessisse M. Agrippam & Canidium Gallum. (u) Qui annus Fastorum omnium fide est ab U. C. CXVII. Julian. IX. Augusti IIX, a quo si numeraveris annos XXXIV, quos ex eo tempore regnavit, denuo incidet in annum ab U. C. DCCL Julian. XLII. Augusti XLI, supra a nobis consignatum.

§. XVII.

Sed ultima superest quæstio omnium difficillima, quandoquidem in ea & JOSEPHI, & patrum testimoniis destituimur. Nondum enim

(f) Idem *lib. XIV. Antiqu. cap. 14.*

(t) Idem *lib. XIV. cap. 26.*

(u) Idem *lib. XIV. cap. 16.*

enim ad liquidum perductum est, quantum temporis inter Christi natalem & Herodis excessum intercesserit. De mense & die non adeo laborabimus, quum omnes & traditiones & conjecturæ sine fundamento sint. Occidentalis quidem Ecclesia, quam constanter diem VIII Kalend. Januarii Christi natalem fuisse crediderit, singulari Dissertatione docuit doctissimus ITTIGIUS. (x) Sed præterquam quod cum isthac anni tempestate vix conciliari queat pastorum sub diu mansio, Luc. II. 8. dudum etiam suspicati sunt eruditi, (y) Latinam Ecclesiam æmulatione gentilium hunc diem consecrasse, ut scilicet, quo die pagani Natalem Solis celebrabant, Christiani solis iustitiæ illucescentis recolerent memoriam. Nec ecclesiastica nos hic adstringit auctoritas, si quidem

(x) Thom. Ittig. *Diff. III. Adpendici de Hæresarch. Apostol. azar. annexa.* (y) Sententiam hanc ex Fastis Romanis confirmant Grævius, *noët. ad Lactanc. de morib. persecutor.* Harduinus in *Antirrhetico de numis antiqu. colon. & municip. & Salom. van. Till. in Dissert. de anno, die & mense nati Christi cum Phosphoro prophetico edita part. I. cap. 2.* Sed hos refutare instituit Philippus a Turre in *Monimentis veteris Antii Part. II. cap. 6.* diabolo auctore factum putans, ut Mithræ turpissima sacra in diem hunc Christianis sacrosanctum transferrentur.

quidem ne ipsi quidem veteres discreverunt, Ecclesiam in diebus festis constituendis, nullam saepe temporis habuisse rationem, (2) sed iis perinde fuisse, quo die in Ecclesia agerentur. Denique ne sciant quidem computatio, ephemeriarum Leviticarum ordine innixa, omni exceptione major est, ut adeo non temere ANTON. BYNEUS (2) hic, collatis inter se omnium consensibus, illud Terentianum usurpet: *Faciatis probe, lateribus sum multo, quam dudum.* Sed hae diei mensisque obscuritas nihil impedit, quo minus ad annum natalem quam proxime perveniamus. Quod fieri poterit, si epocham templi ab Herode Ma. restaurati in consilium adhibeamus. Constat enim ex JOHANNIS Evangelio, (b) Judaeos Christo, de morte & resurrectione sua sub templi schemate loquenti, hunc in modum respondisse: *Ἐσχατάρωντα καὶ ἔτι ἔτεον οὐδοποιῶν ὁ οὗτος ἅγιος, καὶ οὐ καὶ τρεῖς ἡμέρας ἔσται αὐτῶν; Quadragesima & sex annis templum istud exaedificatum est, & tu intra tres dies excitaveris?* Cernam puto, Herodianam structuram hic intelligi, quum templum a Zorobabele intra decennium exa-

ficia-

-
- (2) Florentinus in *Admonit. fratris ad Martyrolog. adm.* 11. Petrus Damian. in *Opusculo cœtitulus: Dominus vobiscum sup.* 19. *Conf.* Anton. Pagi *Critic. Baron. ann.* 67. n. 23. p. 98. (2) Bynæus de *Nativitate Christi lib. 1. cap. IV. §. 14. p. 414.*
 (b) Jo. II, 20.

ficatum sit, nec anni XLVI. prodeant, si vel maxime tempus quo ab opere cessatum est, adjicias. (c) Loquuti vero hoc sunt Judæi primo, quod Christus durante ministerio suo celebravit, paschate, quando trigessimum circiter ætatis annum compleverat. Herodes autem novum templum moliri coepit, anno regni sui decimo octavo, post debellatum Antigonom decimo quinto, (d) id est Juliano XXVI. Unde sua sponte consequitur, ut annus a templo ædificato XLVI, quo Judæi hæc loquuti sunt, incidat in Julian. LXXI, a quo numero si demas annos XXX, quos Christus tum natus erat, habebis annum Julian. XLI, ab U. C.

(c) Vid. Lightfoot *Hor. H. br. & Talmud. ad Joan. 11, 20. p. 977. sqq.* (d) Testatur hoc Joseph. *lib. XV. Antiquit. Jud. cap. 14. & lib. 1. de bell. Jud. cap. 16.* Et quamvis Herodes anno octavo hanc templi structuram eidem Josepho dicatur absolvisse, illud tamen de sanctuario solum & sancto sanctorum videtur accipiendum. In ceteris ædificiis, quæ civitatis speciem præ se ferebant, semper aliquid fuisse adjectum, ex eo liquet, quod Josephus *lib. XX. Antiquit. cap. 8.* ad Agrippæ Regis tempora refert, ὅ τότε καὶ τὸ ἱερὸν τελείωτο. Tunc etiam templum demum absolutum est. Confer præter Lightfoot modo allegatum Lud. Capelli *Adnot. ad Joan. p. 1579. 1580. Tom. IV. Crit. Sacr.*

U. C. DCCXLIX Augusti XL, quo Augustus Cæsar & L. Sulla fasces consulares Romæ tenebant. Quem annum genuinum Christi natalem fuisse, paullo post aliis quoque argumentis constabit.

S. XVIII.

Sed quæ minus de primo charactere prolixiores sumus, prohibet promissæ brevitatibus fides, subinde nos admonens, quanto omnia transcurso dicenda sint. Pergendum igitur jam erit ad secundum, quem ægre adhuc cum historia Romana Syriacæque conciliarunt, videndumque, annon ex monumentis genuinis censuum ab Augusto actuum, Præsidumque Syriæ historia possit quodammodo illustrari. De censu itaque LUCAS: *Ἐγένετο ὅτε καὶ ἡμεῖς ἐκείναις ἔξηλθε δόγμα παρὰ Καίσαρος Αὐγύστου, ἀπογράφεσθαι πᾶσαν τὴν οἰκουμένην.* (e) Factum vero est, in diebus istis exiit edictum a Cæsare Augusto, ut describeretur universus orbis. Quamvis vero hæc ita clara videantur, ut vix vocabulum aliquod in quæstionem venire crederes: in eo tamen adhuc in diversa abierunt eruditi, quod per *πᾶσαν τὴν οἰκουμένην* alii solam Judæam, alii universum orbem Romanum intelligendum existimant. Ex quo nova subnascitur quæstio, utrum Evangelista de universali, an de particulari aliquo censu loquatur? Posteriores sententiam tueretur ANTONIUS BYNEUS, (f) provocatque ad

Es.

(e) Luc. II, 1. (f) Anton. Bineus *lib. I. de Natali Christi cap. I. p. 304.*

Es. XIII. 5. XIV. 26. ubi Hebraicum יָרֵא לָךְ & Græcum $\pi\alpha\sigma\alpha\ \eta\ \omicron\iota\chi\mu\delta\acute{\upsilon}\nu$ de sola Iudæa accipiantur. Sed nescio, an hæc conjectura vel speciem ullam habeat. Sanè enim $\eta\ \omicron\iota\chi\mu\delta\acute{\upsilon}\nu$ apud omnes bonos scriptores non nisi de orbe terrarum habitabili dicitur. Nec aliam significationem vel apud *Lucam*, vel in toto novo fœdere, vox admittit, ceu ex inductione locorum omnium (g) constat. Nec septuaginta quoque interpretes aliam significationem substituisse videntur, quandoquidem loca *Isaie* de universo orbe acceperunt, & Hebræi textus sequuti sunt vestigia. Deinde vix puto exemplum in omni historia exstare, ex quo colligas, census particulares in regnis sociorum atque amicorum P. R. aliquando actos esse. Certe tum demum illud fieri solebat, quando in provincie formam essent redigenda, quod etiam Iudææ post Archelai proscriptionem contigit. At vero census universales etiam Reges, sub clientela Romanorum Cæsarium imperantes, recusare non poterant. Qua de re alibi fortassis fusius commentabimur. Non ferunt igitur nostræ rationes, ut cum *Bynæo* censum hic particularem fingamus, quem *Josephus*, his in rebus,

-
- (g) Ubivis in N. T. $\eta\ \omicron\iota\chi\mu\delta\acute{\upsilon}\nu$ notat orbem terrarum, nempe Matth. XXIV, 14. Luc. II, 1. IV, 5. XXI, 26. Actor. XI, 28. XVII, 6. 31. XIX, 27. XXIV, 5. Rom. X, 18. Hebr. I, 6. II, 5. Apoc. III, 10. XII, 9. XVI, 14.

34 *De Genuina Narrat. Christi Æra.*
bus, quidquid alii criminentur, diligentissi-
mus non sane ræuiset.

S. XIX.

Ceterum censum ab Augusto per Ro-
manum orbem actorum chronotaxim præ-
clare omnino illustrat MONTANIUM ARCYRA-
NUM, quod ab AUGUSTO MUSEO in Orien-
te descriptum, multos deinde editores in-
venit. (h) Equidem ISAAEUS CASAUBONUS
(i) huic inscriptioni non multum defert,
ideo, quod aliqua perperam, & contra
omnem Latinitatem expressa, contineat.
Sed multa sunt, quæ CASAUBONO respondean-
mus. Primo enim ferendum est hoc in pro-
vincialibus, ut eorum inscriptiones Latina
dictionis nitorem atque urbanitatem non
omni ex parte adsequantur. Deinde sus-
cepimus in describendo marmore amanuen-
sum opera usus est, qui quin sæpius hal-
lucinati sint, non dubitamus. Præterea ip-
sum marmor non modo hinc inde mutilum
est, sed & a barbaris ita clavarum secu-
rissi-

(h) Præterea edidit Andr. Schoettus Anno
MDLXXIX. cum Anselmo Villoro; postea
Leunclavius in Pandect. Turonicis; Gru-
terus in Inscriptionibus p. CCXXX. Jan.
Rutgers. Var. Lect. p. 163. seq. & edito-
res Svetonii recentiores plerique. De-
nique omnium emendatissime descri-
ptum a Daniele Cossonio, ex ejus sche-
dis in lucem extulit Jac. Gronov. in
Memor. Cossonian. p. 57. sequ. (i) Ca-
saubon. Not. ad Sveton. cap. CL. Aug.

riumque ictibus laceratum, ut plura legi non possint. Quis ergo miretur, multa perperam descripta esse? Audiamus ipsum BUSBEQUIUM, (1) erudite simul de monimenti præstantia judicantem: *Ancyra pulcherri-
mam vidimus inscriptionem, & tabularum
illarum, quibus indicem rerum, a se gesta-
rum, complexus est Augustus, exemplum,
id, quatenus legi poterit, per nostros homines
transcribendum curavimus. Exstat incisum
aëdificii, quod olim fortasse prætorium fuerat,
dirui & tello carentis marmoreis, parieti-
bus, ita ut dimidia pars intransibis ad
dexteram, dimidia ad sinistram occurrat. Su-
prema capita fere integra sunt, media lacu-
nis laborare incipiunt, infima vero clavarum
& fœcurium ictibus ita lacerata, ut legi non
possint. Quod sane rei litteraria non medio-
cre damnum est, a doctis merito deploran-
dum; idque eo magis, quod urbem illam ab
Asia communicate Augusto dirutam fuisse,
constet. Denique & alii, quibus eas re-
giones adire contigit, multa, quæ BUSBE-
QUII amanuenses perperam legerant, emen-
darunt, quod fecit præcipue ANTONIUS
VERANTIUS, & novissime DANIEL COSSONUS,
ex cujus schedis idem monumentum hanc
paullo locupletius atque emendatius vul-
gavit JACOB. GRONOVIVS, & notis suis illu-
stratum Memoria Cossontiana subjecit, editæ
Lugd. Batav. 1695. 4to.*

§. XX.

Ex laudato igitur monumento Ancyranò sequentia huc pertinent, quæ qualia ex schedis Cossonianis edidit GRONOVIVS, (m) hic subiiciemus, iis, quæ integriora sunt in apographo Busbequiano uncinulis inclusis:

PATRICIORVM NVMERVM AVXE CONSVL QVINTVM IVSSV POPVLI ET SENATVS SENATVM TER LEGI ET IN CONSVLATV SEXTO CENSVM POPVLI COLLEGA M. AGRIPPA EGI. LVSTRVM POST ANNVVM ALTERVM (ET QVADRAGESIMVM FECI (legi) QVO LVSTRO CIVIVM ROMANORVM CENSITA SVNT CAPITA) QVADRAGENS CENTVM MILLIA ET SEXAGINTA TRIA MILLIA. CVM IMPERIO LVSTRVM (S. LVS) FECI (legi) CENSA (RINO ET A) SINV COS. QVO LVSTRO CENSA SVNT CIVIVM ROMANORVM CAPITA QVADRAGENS CENTVM MILLIA ET DVCENTA TRIGINTA TRIA M. CONSVLARI CVM IMPERIO LVSTRVM COLLEGA TIBERIO CA. SEXT. POMPEIO ET SEX. APPVLEIO COS. QVO LVSTRO ETIAM CENSA SVNT ROMANORVM CAPITVM QVADRAGENS CENTVM MILLIA--IGINTA ET SEPTEM MILLIA.

§. XXI.

Quæ hic paullo plenius referuntur, ea paucioribus verbis suo more hunc in modum eloquitur SVETONIUS: (n) *Recepit & morum legumque regimen aqve perpetuum,*
quo

(m) Gronov. *Memor. Cosson.* p. 59.

(n) Sveton. *c. XXVII. Aug.*

quo jure, quanquam sine censura honore, censum tamen populi ter agit, primum ac tertium cum collega, medium solus. Quem admodum igitur SÆTONIUS monumentum Ancyranum confirmat; ita hoc illius narrationem egregie illustrat, dum, quo consule quisque census actus sit, accurate indicat. Unde sequens nascitur censuum Augusti chronotaxis:

Anno Juliano XVIII.

Ab U. C. DCCXXVI.

Cæs. August. & M.

Vipsanio

Agrippa II. Coss.

census primus
Augusti cum
Collega

Anno Jul. XXXVIII.

Ab U. C. DCCXLVI.

C. Martio Censorino &

C. Asinio Gallo Coss.

census secundus
folius Augusti.

Anno Jul. LIX.

Ab U. C. DCCLXVII.

Sexto Pompejo &

Sexto Appulejo Coss.

census tertius
proxime ante
mortem Augusti,
cum consorte Imperii,
Tiberio.

Iustam hanc esse temporum consignationem, nemo temere negaverit. De primo enim censu auctorem etiam habemus DIONEM, (o) qui res in consulatu sexto ab Au-

(o) Dio lib. LIII, p. 496.

Augusto gestas recensens, etiam hæc addit: Εἰς δ' ἐν τῷ τότε παρόντι τάττε ἄλλα, ὡς περ εἶδισα, ἔπραξε, καὶ τὰς ἀπογραφὰς ἐξέταλεσε. Εὖ quidem anno cum alia, qua mor erat facere, tum etiam censum peregit. Idem Dio (p) etiam de ultimo censu brevi ante mortem Augusti acto ita scribit: ἐπέμψεν ἄλλους ἄλλῃ, τὰ τε τῶ ἰδιωτῶν καὶ τὰ τῶ πόλεων κτήματα ἀπογραφὰς ποιῆσαι. Alios alio dimisit, qui privatorum ac civitatum facultates describerent. Nec putandum est, Dionem a monimento nostro dissentire, dum illud anno antecedente ab U. C. DCCLXVI. factum commemorat. Licet enim expirante hoc anno, censores isti extraordinarii dimissi sint, ipse tamen census ante sequentem annum, qui in monimento Ancyrano signatur, peragi non potuit. De medio quamvis taceat, vel hæc tamen testimonia, ad chronotaxeos nostræ veritatem monimentique Ancyrani sinceritatem probandam, sufficient.

§. XXII.

Quod si igitur census hos cum temporum ordine supra a nobis constituto conferamus: statim apparebit, nec primum, nec ultimum huc pertinere. Quapropter medius ille sit oportet, qui a LUCA cum Christi natalibus conjungitur. Sed sic triennii fere est intervallum hunc censum inter & annum Julianum XLI, quem superius Christo natalem adseruimus. Quod
ta-

tamen nemini videbitur mirum, qui censuum antiquorum rationem perspectam haber. Exemplo enim non uno constat, census, ab Imperatoribus indictos, per aliquot annos protrahi consuevisse, antequam ad finem perducerentur. Sic censui Augusti ultimo, eo ipso anno, quo hic Imperator vivis interesse desit, per Galliam præfuit Germanicus, (q) quod corrigie anno Jul. LIX, duobus Sextis Coss. & tamen postea ad absolvendum hoc negotium P. Vitellius & Caninius dimissi sunt. (r) Quod, quum factum sit L. Scribonio Libone & T. Statilio Siferma Coss. i. e. anno Jul. LXL censum hunc per Galliam solam tres omnino annos continuatum fuisse oportet. Sed & PLINIUS (s) census meminit, sua ætate ab Imperatoribus Vespasiani, patre filioque acti, quem intra quadriennium demum absolutum scribit. Admodum igitur sit verosimile, censum etiam, Christo nascente actum, jam anno ab U. C. DCCXLVI. indictum quidem, sed per annos tamen aliquot continuatum fuisse; in primis quam credibile sit, eum, ut omnia nova solent, multas per Judæam turbas dedisse. Certe non facile crediderim, totam Syriam ac Judæam breviori temporis intervallo absolvi potuisse. (t)

S. XXXII.

(q) Tacit. lib. Annal. I. cap. 33. (r) Idem lib. II. Annal. cap. 6. (s) Plinius lib. VII. Hist. nat. cap. 49. (t) Huetius *Demonstratio. Evang. præp. IX. pag. 703. 704.*

Video, etiam a doctissimo auctore Harmoniz evangeliorum, in bibliotheca Usseriana reperta, & hic loci bis excusa, ad MONIMENTUM nostrum provocari; (u) Sed quum ab eo aliquoties erratum sit, operæ pretium erit, ejus hypothesum expendere paullo accuratius. Primo igitur medium censum in marmore Ancyrano descriptum actum credit P. Vinitio & L. Alfinio Vero Coss. quum in marmore diserte consulatus C. Martii Censorini & C. Asinii Galli memoretur, unde censum octo annis recentiorem facit, quam marmor, quod tamen pro sententia sua adducit. Deinde consulatum P. Vinitii & L. Alfinii concurrere putat cum anno ab U. C. DCCXLIX. quemadmodum in margine legitur, quum potius in annum ab U. C. DCCCLV. incidat. Porro hunc censum per tres annos durasse, & denique Sexto Ælio Cato & C. Sentio Saturnino Coss. peractum fuisse, existimat, idque ex DIONIS lib. LV. colligi posse credit. Verum & tempora hic perturbat auctor, & DIONEM ipsum a se tum non fuisse evolutum, prout. Alias enim animadvertisset, DIONEM non de censu universalí isto, sed de particulari aliquo per solam Italianam instituto loqui. Ita enim ille: (x) Τὸτο μὲν δὴ δὲ ἑτέρων ἑπαρχίαι, αὐτὸς δὲ ἀπογραφὰς τῆς τῆ ἑτα-

(u) Anonymi *Adparat. ad harmon. Evangel.* pag. 5. (x) Dio lib. LV. pag. 75.

Ἰταλίᾳ κατοικούντων, καὶ μὴ ἐλάττω πέντε μο-
ριαδῶν ἰσὶαν κλητῶν ἐποίησατο. τὸς γὰρ
ἀδυνατέρας, τὸς τε ἔξω τῆς Ἰταλίας οἰκῦντας,
ἐκ λύσσης, ἀπογράφειν, δέσας μὴ νεω-
τερίσωσι τι ταραχδύντες. Hac quidem Augu-
stus per alios transiegit: ipse vero recensitionem
eorum, qui in Italia habitarent, ac ad du-
centa sestertia possiderent, iniuit. Pauperes
enim & eos, qui extra Italiam habitarent,
ad censum non coegit; veritus quippe, ne quid
turbarum darent. Quod si igitur census ad
solos Italos, & eos quidem, qui ducenta
sestertia possiderent, pertinuit, quomodo
ad illum Lucæ referri poterit, qui per tō-
tum Romanum orbem actus est, & Jose-
phum quoque & Mariam, tenuioris con-
ditionis homines, Bethlehemum ire com-
pulsit? Ipsa auctoris sententia, qua Chri-
stum tertio ante Dionysiacæ anno natum
statuit, quam incommoda sit, quibusque
difficultatibus exposita, jam ex iis, quæ
paullo ante dicta a nobis sunt, colligi
hæc difficulter potest.

§. XXIV.

Explicandum jam erit, quis eo tempo-
re, quo Christus natus est, Syriæ Præses
fuerit, quum ea quæstio hæc parum ad
rem pertinere videatur. Quandoquidem ve-
ro catalogum eorum nullum adhuc habe-
mus, omnibus numeris absolutum: (y) da-
bimus

(y) Præsidum Syriæ catalogum variè de-
dere Chronologi. In his Laurentius
Suslyga in tractatu de anno ortus ac mar-

bimus operam, ut quæ eruditi ex monumentis antiquis ea de re observarunt, hic veluti in brevi quadam tabula exhibeamus. Numerum ergo scriptorumque veterum auctoritate securi, hos Syriæ Præsides circa Christi tempora notamus:

Anno

sis Domini, deque universa I. G. in carne æconomia Græci 1605. 4. edito, qui liber jam Casauboni ætate tam rarus fuit, ut vix obiter sibi inspectum, nunquam vero lectum esse, fateatur Exercit. I. Anribaron. n. 30. p. 118. Tentavit & Baronius in Adparat. n. 85. eorum chronotaxin constituere, sed ita, ut nemo illo hac in re offenderit gravius. Postea Casaubonus l. c. cum in muleis emendavit, sed ut nec ipse omnia viderit. Vaillantii de Præsidiis Syria opus, quod in Numismatibus ævis Imperatorum Tom. II. p. 83. promisit, nunquam, quod sciam, in lucem prodiit. Omnibus interim in hoc genere diligentiam suam probarunt Paulus Pezron dans l'histoire evangelique pag. 64. seqq. Emanuel Schellstraten Anvign. illustrat. Tom. I. Diff. I. de Chronotaxi visâ Christi. Montacut. Adparat. IV. ad Orig. Ecclesiast. & purpuratorum doctissimus Henr. Norisius in Constat. Pissæ. Diff. II. cap. XVI. p. 269. sequ. Conferendus etiam Salom. van Till. Phosphorus propheticus in appendice, ubi numi præsidum Syriæ varii exhibentur atque illustrantur.

Anno Julian. XXXVII.
Ab U. C. DCCXLV.
vel DCCXLVI.

C. Sennius Satus-
rinus abeunti e
Syria Titio suc-
cessor missus est,
teste JOSEPHO. (z)

Anno Julian. XL.
Ab U. C. DCCXLVIII.
ante mensem Novembr.

Quinctilius Va-
rus jam Saturni-
no successerat.
Docet hoc nu-

mus Antiochenus e Florentino gazophyl-
acio ab HENRICO NORISIO (a) & e cimeliis
Regis Christianissimi ab ANTONIO PAGI (b)
& JO. HARDUINO, (cc) publicatus, cujus in
antica habetur caput Jovis laureatum, in
postica genius Antiochenorum tutelaris tur-
ritus monti, cui inferius symbolum Oron-
tis fluminis adsidet, innixus, dextraque pal-
mam tenens, cum perigraphie: ANTIO-
XENON ETIΩ OTAPOT EK. i. e. Numus *Antio-
chenorum sub Vero Anno XXX.* cufus. Quam
vero annus XXV æræ Antiochenæ, quæ a
victoria Augusti Actiaca confurgit, (d) in-
cidat in Julianum XL, Ab U. C. DCCXLVIII:
necessario sequitur, ut Quinctilium Varum
jam

(z) Joseph. lib. XVI. *Antiqu. Jud.* cap. 13.

(a) Henr. Noris. *Diff. III. de Epoch. Syro-
Maced.* cap. VII. p. 247.

(b) Anton. Pagi *Adparat. ad Crisis. Ba-
ron.* n. 136. p. 33.

(cc) Harduin *Antiquit.* p. 58.

(d) Noris. l. c.

jam ante Novembrem hujus anni Syriæ Præsidem fuisse, fateamur. (e)

Anno Juliano XLI. } Adhuc Syriæ præ-
Ab U. C. DCCXLIX. } fuit VARUS, cu-
liquet e numo VA-
ILLANTII, (f) ejusdem commatis, cum pe-
rigraphe: ANTIOXEΩN EΠI OTAPOT AK
(CK) id est: *Numus Antiochenorum sub Va-
ro anno XXVI. cufus.*

Anno Julian. XLII. } Adhuc præfuit VARUS,
Ab U. C. DCCL. } quod testatur numus
NORISII ejusdem generis cum perigraphe:
ANTIOXEΩN EΠI OTAPOT ZK. id est:
Numus Antiochenorum sub Varo cufus an. XXVII.

Anno Julian. L. ab } Syriam demandatam
U. C. DCCLVIII. } fuisse cuidam Sentio
Saturnino, ab illo superiore diverso, pri-
mus conjecit ANTONIUS PAGI, (g) idque be-
neficio numismatis, in quo huic præfidi ad-
scri-

(e) Convenit hæc Vari epocha cum
calculo Josephi, qui lib. XVII. *Antiqu.
Jud. cap. 7.* disertè testatur, Varum ex-
tremis Herodis temporibus Sentio Sa-
turnino successisse. Unde miror, Ca-
saubonum *Exercit. I. Baron. n. 30. p. 124.*
& Norisium ipsum in *Cenograph. Pisana.
Diff. II. cap. XVI. §. XI. p. 311.* ejus ini-
tium in annum ab U. C. DCCL. reji-
cere. (f) citati ab Harduin. in *Antir-
rhæz. & Noris. Epoch. Syro-Maced. Diff.
III. cap. VII. p. 147.* (g) Anton. Pagi.

scriptus est annus Antiochenus EA. Sed vereor, ut hic satis fuerit oculatus. Sane secundi hoc nomine Præsidis nusquam alias ullum vestigium adparet. Suspicio igitur, legi debuisse EK, quum facile fieri potuerit, ut K, superiore linea aliquantulum detrita, speciem π Λ præberet. Annum vero EK. id est XXV. Saturnino ultimum, Varo primum fuisse jam antea vidimus.

§. XXV.

Jam igitur facile iniri poterit ratio, in cuiusnam Præsidis magistratum inciderit tot anxiiis patrum votis expetita Servatoris nativitas. Sane de P. Quirinio cogitandum non erit, quippe quem diu post Christi nativitatem, Archelao nimirum jam ditionibus mulctato, in Syriam cum Præsidis dignitate missum, constat. Quum tamen Lucas Evangelista diserte adfirmet, descriptionem istam fuisse *ἡγεμονίας τοῦ Συναγᾶς Κυπλίου*: variis rationibus nodum hunc solvere, Lucanque cum scriptoribus profanis conciliare eruditi tentarunt. BARONIUS, Quirinium ter omnino Syriæ præfuisse ait: id quod tamen secare nodum est, non dissolvere. Alii inter quos & ANT. BYNÆUS (h) nomen suum profitetur, vocem *ἡγεμονίας* comparative exponunt pro *ὑπερέα*, commodissimumque hunc sensum existimant. Hæc descriptio *ἡγεμονίας* prior vel ante facta est,

loco citato: ad ann. Chr. XIX. n. 3. p. 16.

(h) Anton. Byanzus de Natali Christi lib. I. pag. 332. seqq.

est, quam præfideret Syria Quirinius. Sed non opus videtur, ut tam violenta interpretatione, & jamdudum ab ISAACO CASAUBONO (i) explosa, lucæ succurramus, quum ejus verba cum historia plane non pugnent, sed omnium optime conveniant, ut paullo post erit perspicuum. Nullum igitur est dubium, quin eo, quem supra Christi natalem fuisse diximus anno, Quintil. Varus Syriæ Præses fuerit, id enim numi tam clare doceant, ut frustra manifestæ veritati contradiceres: LUCAS vero tantum abest, ut Syriæ Præsidem nominare voluerit, ut potius hæc sententia ipsa verborum, quibus utitur, notione refellatur. Præsidem enim Græci *ἑταίριον* vel *ἐπιστάτην*, aliquando etiam *διοκράτορα* vocare solent. Vox vero *ὑπερδότης* vel *ὑπερὸν* non solis præsidibus Romanis dari, sed de omnibus usurpari solet, qui rem aliquam alieno nomine agendam suscipiunt, unde & illi, qui die baptisimi infantum loco sponsonem faciunt, *ὑπερδότες* sunt DIONYSIO. AREOPAGITE. (k) Quum igitur census non ab ordinariis præsidibus agerentur, sed a viris probatis aliis, cum extraordinario imperio in provincias missis: (l) perspicuum est, Quir-

(i) H. Casaubon. Exercit. Baron. 1. n. 32. p. 129. (k) Vid. Svicri Thesaur. Ecclesiast. in voce *ὑπερὸν*. (l) Adparet hoc ex Dione lib. LVI. p. 588. qui Augustum perhibet alios alio misisse, ut & privatorum fortunas describerent & pu-

rinium tum non præfidem, sed ὑψηλὸν δόρυ-
τα i. e. extra ordinem eo missum fuisse.
Hac de causa JUSTINO MARTYRI (m) vocatur
ἐπίτροπος τῆς Ἰουδαίας ὑψηλὸν δόρυ-
τα primus per Judæam procurator. Quod sane de Præ-
sede accipi non potest, quia tunc non Ju-
dææ, sed Syriæ præses dicendus fuisset,
neque etiam ita primus potuisset adpella-
ri: Si vero non de præsede: ergo de ma-
gistratu extraordinario ad censum agendum
misso. Εὐερπὸν δὲ ἀρτὶ enim, ut præclare
scribit Thom. Reinesius (n) demandatur
procuratio provincie, officium splendidiſſimum,
& quod aditus erat ad honores amplissimos,
& non nisi familiaribus & recepta auctorita-
tis viris concedebatur ab imperatoribus. Hi
in partem administrationis provinciarum una
cum Præsidibus veniebant, & de hanc pro-
vincialium integritatem habebant cognitionem.
Quæ verba rectè etiam vocem ὑψη-
λὸν δόρυ-τα, quæ huius apud Lucam synonyma
est. egregie poterunt illustrare.

§. XXVI.

blicas. Et Suidas in voce Ἀπορρητοῦ ex
veteri scriptore refert, Augustum ad has
Ἀπορρητοὺς elegisse εἰκοσὶν ἀνδρας τὸς ἀξι-
ους & βίον καὶ γένος, viginti viros vita
moribusque conspicuos. Sic ad census in
Gallia missi a Tiberio P. Vitellius & Can-
tius, Tacit. lib. VII. Annal. cap. 6. A Ne-
rone Q. Volusius Sex. Africanus & Tre-
bellius Maximus Tacit. lib. XIV. Annal.
cap. 46. (m) Justin. Apol. II. p. 75.
(n) Reines, l. 3. Par. Lett. cap. XVI. p. 599.

Sed objici nobis locus posset TERTULLIANI luculentissimus, de quo dispiciendum jam erit. Hunc in modum vero patrum Latinorum antiquissimus de censu nostro disferit: (o) *Sed & census constat actos sub Augusto tunc in Judæa per Sentium Saturninum, apud quos genus ejus inquirere potuissent.* Quanti hoc testimonium faciendum sit, ex eo perspicuum est, quod ad tabulas publicas censuales, tum procul dubio adhuc superstites, (p) provocat, quæ sane rem optime decidere poterant. Quum igitur

- ✓ (o) Tertullian. lib. IV. adv. Marcion. c. 19.
 (p) Non sine insigni impudentia Christiani primitivi provocare potuissent ad tabulas censuales, nisi ea de re certi fuissent. Facit vero hoc Justin. Apol. II. p. 75. cum ipsis Imperatoribus agens, quos haut impune profecto decepisset. Ita enim hic pater satis cordate scribit: Μα-
 δεῖν δὲ αὐτὰ ἐκ τῶν ἀπογραφῶν, ἡγορησάν-
 ται Κυπρίων. Discere ipsi poteritis (historiam nati Christi) ex tabulis censualibus, sub Quirinio descriptis. Post hunc etiam
 Tertullianus lib. IV. adv. Marcion. cap. 7. Censum, inquit, Augusti testem fidelissimum dominica nativitatis Romana archivia custodiunt. & c. 36. Tam distinctissima fuit a primordio Judæa gens per tribus, & populos, & familias, & domos, ut nemo facile ignorari de genere potuisset, vel de recentibus Augustanis censibus, adhuc

igitur TERTULLIANUS ex illis censum a LUCA descriptum ad Sentii Saturnini tempora esse referendum didicerit: merito suspecta erit nostra hypothesis, quæ censum sub Varo actum ponit. Verum tam facilis hic superpetit responsio, ut non opus sit numerorum auctoritatem deferere, multo minus textum LUCÆ sollicitare, & cum H. VALESIO pro Quirinio Sentium Saturninum, (q) aut cum HUETIO (r) pro Κυρίῳ Κυντίῳ legere. Quemadmodum enim supra e Mo-

ni-

fortasse pendentibus. Denique eadem tabulas sua adhuc ætate superfuisse, his verbis testatur Chrysostomus: Ὅθεν δὴ-
λον, ὅτι καὶ τὸ πρῶτον ἀπογραφὴν ἐτέχθη, καὶ τοῖς ἀρχαίοις τοῖς δημοσίοις κειμένοις κα-
δεῖξιν ὅτι τῆς Ρ' αἰῶνος ἔξῃς ἐντυχόντα καὶ
χειρὸν τῆς γραφῆς μαδόντα ἀκριβῶς εἰ-
δέναι τὸ βυζαντινόν. Unde manifestum est,
quod circa primam descriptionem natus sit,
veteres etiam, qui Roma servantur, codi-
ces evolventi & tempus descriptionis inda-
ganti licebit id, si voluerit, accuratius
cognoscere. Certe tabulas censuales cum
cura confici & servari solitas, patet ex
Dione lib. LIX. p. 657. ubi narratur, Ca-
ligulam Cæsarem, perdita inter aleam
pecunia, τὰς γαλαττὰς ἀπογραφὰς postu-
lasse, necatisque locupletissimis ad se-
xies millies sestertium coegisse.

(q) Henr. Valés. Not. ad Euseb. Histor.
Ecl. p. 11. (r) Huet. Demonstr. evan-
gel. quest. IX. cap. 10. p. 703.

Hein. Opusc. Var. Pars I.

C

nimento Ancyraño a nobis est demonstratum, census hujus primordia incidunt in annum Jul. XXXVIII. quo omnino adhuc Syriæ præerat Sentius Saturninus, anno demum XXXIX. vel XL, locum facturus Quintilio Varo, successori. Census igitur iste, qui a LUCA P. Quirinio tribuitur, sub Sentio Saturnino cœpit, sub Quintilio Varo est absolutus, atque adeo a Tertulliano recte vocatur census Saturnini, quum tabulæ publicæ titulum plerumque a primæ negotii auctore ferant.

§. XXVII.

Sed ad ultimum demum characterem pergendum est, qui accurata annorum Tiberii chronotaxi nititur. Hunc denuo LUCAS (f) his verbis suppeditat: Εὐ ἔτα ὁ πᾶντε καὶ δεκάτῳ τῆς ἡγεμονίας Τιβερίου καίσαρος, ἡγεμονούντων Ποντίῳ Πιλάτῳ τῆς Ἰουδαίας, καὶ τετραρχούντων τῆς Γαλιλαίας Ἡρώδῃ, Φιλίππῳ ὁ τὸ ἀδελφεὺς αὐτοῦ τετραρχούντων τῆς Ἰταραίας καὶ Τραχωνιτίδῳ Χωράς, καὶ Λυσανίῳ τῆς Ἀβιλλωνος τετραρχούντων -- καὶ αὐτὸς ὡς ἔστιν Ἰησοῦς ὡσεὶ ἐτηρ τετράκοντα ἀρχομένων. Anno autem decimo quinto Imperii Tiberii Caesaris, Pontio Pilato procurante Judæam, & Tetrarcha Galilææ Herode, Philippo autem, ipsius fratre, Tetrarcha Iturææ & Trachonitidis regionis, & Lysania Abilenæ tetrarcha, -- ipse autem Jesus incipiebat esse quasi annorum triginta &c. Hæc verba quemadmodum satis aperte docent Christum anni Tiberii XV. trigésimum suum age-

(f) Luc. III, 1. 23.

agere coepisse: ita multi inde arripuerunt errandi occasionem. Nihil enim amplius deliberandum rati, a decimo quinto Tiberii anno retrò numerarunt triginta, & sic inciderunt in annum Jul. XLIII, quem sine ulteriori discussione pro Christi natali venditarunt, quum tamen ille neque cum Herodum temporibus, neque cum æra templi Herodiani conspiret. Alii in interpretando Lucæ textu desudarunt, & particulam *ὅτε* cum latitudine sumendam, aut annum Christi trigesimum a decimo quinto Tiberii planè separandum existimarunt. Quibus tamen inventis adeo non solverunt nodum, ut potius magis magisque adstrinxerint. Hic vero interpretationibus cunctis minus opus erit, si, annos Tiberii non una eademque ratione semper numerari, observemus. Primi hoc notarunt atque ad liquidum rationibus perduxerunt IO. GEORG. HERVVARTUS, (t) & eundem postea sequutus ANTONIUS PAGI, (u) in eam suspicionem adducti a CLEMENTE ALEXANDRI-

NO,

-
- (t) Jo. Georg. Hervvart. in *Chronolog. cap.* 248. (u) Ant. Pagi *Critic. ad Baronium Tom. I. ad ann. XI. p. 6.* primus hanc observationem multis rationibus stabilivit, licet plagii eum arguat Sam. Basnagius. Tillemontius quoque dans *l'histoire des Empereurs Tom. I. not. 4. ad vitam Augusti* multis hanc Pagii conjecturam impugnat, verbis tamen potius, quam rationibus.

No, (x) qui de Tiberii principatu hunc in modum differit: Αὐγυς⊙ ἔτη τεσσεράκοντα τρία. Τιβέρι⊙ ἔτη κβ. Γαί⊙ ἔτη δ. &c. *Augustus annis quadraginta tribus, Tiberius annis XXII. Cæjus annis IV. &c. imperarunt.* Quo vulgari historicorum plerorumque calculo proposito, ita pergit: Τινὲς μὲν τὸν τὲς χρόνος ᾧ Ρωμαϊκῶν βασιλείων ἔως ἀναγράφουσι. Γαί⊙ Ιούλι⊙ Κάισαρ ἐτη γ, μῆνας δ' ἡμέρας ε', μεθ' ὃν Αὐγυς⊙ ἐβασίλευσεν ἔτη μ'ς μὲνας δ' ἡμέραν μίαν. ἔπειτα Τιβέρι⊙ ἔτη κ'ς μὲνας ε', ἡμέρας ιθ. *Quidam Imperatorum Romanorum tempora sic describunt. C. Julius Cæsar annis tribus, quatuor mensibus, quinque diebus. Post quem regnavit Augustus annis quadraginta sex, mensibus quatuor, die uno, deinde Tiberius annis viginti sex, diebus novendecim.* Ex his igitur locis, neque a SYLBURGIO, neque a SCRIBERIO castigatis, facile patet, Tiberiano principatui duplex initium, alterumque a morte Augusti, alterum vero a Proconsulari ejus potestate consortioque imperii esse arcessendum. Auctores enim sunt illorum temporum scriptores, Tiberium ab Augusto in imperii societatem receptum, parem cum patre potestatem extra urbem, in provinciis & apud exercitus, obtinuisse. Hanc rem ita memorix prodidit TACITUS: (y) *Nero solus e privignis erat; illuc cuncta vergere, filius, COLLEGA IMPERII, CONSORS TRIBU-*

-
- (x) Clemens Alexandr. lib. 1. *Stromat.* p. 339. (y) Tacit. lib. 1. *Annal.* cap. 3.

BUNICIE POTESTATIS adsumitur, omnesque per exercitus ostentatur. Paulo distinctius tempus signat VELLEJUS PATERCULUS: (2) *Cocussis, inquit, hostium viribus, classicis pedumque expeditionibus, quum res Galliarum maxima molis accensaque plebis Viennensium dissensiones coercitione magis, quam pœna, molisset, & Senatus populusque Romanus, postulante patre ejus, ut æquum ei jus in omnibus provinciis exercitiisque esset: (etenim absurdum erat, non esse sub illo, qua ab illo vindicabantur, & qui ad opem ferendam primus erat, ad vindicandum honorem non judicari parem;) in urbem reversus, jam pridem debitum, sed continuatione bellorum dilatum, ex Panoniis Dalmatisque egit triumphum.* Ex hoc VELLEII loco simul annum, quo Augustus Tiberium consortem Imperii adsumsit, licebit discere. Quum enim hoc eo tempore, quo in Gallia cum imperio fuit, & quidem ante triumphum Pannonicum, factum testetur: consequens est, ut id anno ab U. C. DCCLXIV, Julian. LVI. contigerit, quum hoc ipso anno, DIONS (a) teste, in Galliam abierit, sequente Romæ triumpharit. Id quod egregie cum Clementis computatione convenit. Quod si enim ab hujus anni V. Kal. Sept. quo Tiberium in societatem imperii admissum ANTONIUS PAGI ulterius probat, numeres viginti sex; incidet in V. Kal. Sept.

(2) Vellei. Pat. lib. II. c. 121. (a) Dion. lib. LVI. p. 586.

Sept. anni Jul. LXXII, porro adijce menses VI. pervenies ad V. Kal. Martii ejusdem anni, denique adde dies novendecim, habebis diem XVII. Kal. Aprilis, anni Jul. LXXXII. quo morari inter homines desit, ut adeo omnino hac ratione annos XXVI, dies novendecim imperaverit.

§. XXVIII.

Hanc æram Tiberii proconsularem haut parum confirmant monumenta antiqua, e quibus genuinum ejus initium hauriri quam commodissime poterit. Quum enim VELLEJUS PATERCULUS aperte dicat, Tiberium, antequam in urbem reverteretur, & de Pannoniis Dalmatisque triumpharet, collegam imperii creatum esse, monumenta antiqua multum nobis in eo præstant utilitatis, quod verum hujus triumphî annum, paullo ante à nobis descriptum, indicant. Sic numus exstat, (f) cujus in antica Cæsaris Augusti vultus exhibetur cum titulo IMPERATOR CÆS. AUGUSTUS, in postica Tiberius, curru triumphali insistens cum perigraphe: TI CÆSAR AVG. P. TR. POT XII. Qui annus in illum, quem superiore paragrapho signavimus, plane incidit. Multo tamen distinctius de hoc triumpho loquuntur Fasti consulares & triumphales, ex marmoribus Capitolinis ab HUBERTO

GOL-

(f) Hubert. Golz. in *Fastis magistras. & triumphor. Roman.* p. 231.

GOLTIO editi, (g) siquidem ad annum
Jul. LVII. ab urbe condita DCCLXV. hæc
occurrunt:

GERMANIC. IVL. TIB. F. AVG. N. CAESAR

C. FONTEIVS C. F. C. N.

CAPITO

TI IVLIVS. AVG. F. DIVI. N. CAESAR.

III COS. II. PROCOS.

DE ILLVRIIS PANNONIEIS DALMATEIS

ET GERMANEIS. VI. IDVS. MAI.

Ex his FASTIS supputatio nostra quam ma-
xime confirmatur. Fieri enim non potest,
quin alio anno, quam Juliano LVI. in
consortium Imperii admissus sit, si anno
Jul. LVII. triumphavit. Ex eo vero tem-
pore Tiberium, præter Augusti cogno-
men, omnia cum patre communia habuif-
se, monumenta denuo docent. Sane enim
exstant numi, quorum in antica Augustus
exhibetur cum titulo: CÆSAR AVGVSTVS PA-
TER PATRIÆ: in postica Tiberius cum pe-
rigraphe: TI CÆSAR AVGVSTI. F. TR. POT.
XV. Nec minus de communi utriusque im-
perio testantur sequentia ex FASTIS CONSU-
LARIBUS iisdem deprompta.

C. SILIVS. P. F. P. NEPOS. L. MVNATIVS.

L. F. L. N. PLANCVS

IMP. CÆSAR. DIVI F. C. N. AVGVSTVS

ET. TI. IVLIVS AVG F. DIVI. N. CÆSAR

REIPVELICAE CONSTITVENDAE POTESTATEM

IN DECENNIVM ACCEPERVNT.

Hæc igitur omnia, quemadmodum de Ti-
berii

(g) Idem in *Historia Augusti ex antiquo
numism. restituta* p. 212.

berii Proconsulari imperio satis testantur; ejusque initium ostendunt accurate: ita & chronotaxin Christi egregie illustant. Superiores enim characteres natalis Christi non aliam admittunt computandi rationem, quam hanc ipsam, a proconsulari ejus imperio arcessendam. Quod si igitur ab anno Juliano LXX, qui decimus quintus Tiberii fuit a proconsulari imperio, retrō numeraveris annos XXX. denuo sese offeret annus Jul. XXXXI, ab U. C. DCCXLIX. quem Christi natalem diximus. Nec putandum est, ita ignotam fuisse hanc Tiberii epocham, ut eam Lucas quoque ignoraverit; quum non modo CLEMENS ALEXANDRINUS diserte adfirmer, quosdam suo adhuc tempore ita numerare solitos, sed etiam certo constet, provinciales, Cæsarum suorum studiosissimos, & Romanarum consuetudinum non adeo gnaros, plerumque consortes imperii cum veris Augustis pari dignatos esse honore, eosque & Reges & Augustos vocasse. Ipsum Tiberium, de quo nunc agimus, viventi Augusto parem fecisse DIONYSIUM ALEXANDRINUM, alias Pariegeten dictum, viri quidam docti suspicati sunt. Ubi enim v. 1051. Poematis sui geographici ita cecinerat:

Α'λ' ἔμπης καὶ δῆλον ἀμαμακέτους περ
 ἔοντας

Αὐσονίῳ βασιλῆϊ ἐπεπρωμένῳ ἀκωκή.

Verumtamen p. alio indomiti quamvis essent, (Parchi)

Ausonii tamen regis mansuefecit hasta.

alio

NYSIII testimonio, res ipsa salva erit, & qui hæc omnia, quæ hæctenus diximus, paullo accuratius, adhibita in consilium ratione, expenderit, hypothesein hanc tam claram atque evidentem esse deprehendet, ut nulla alia cum istorum temporum historia monumentisque concilietur facilius.

§. XXIX.

Voss. *lib. II. de Hist. Græc. cap. 5.* Sub Severo, Caracalla & Geta floruisse contendunt Scaliger in *Notis ad Euseb. Chron. n. MMCCXV. p. 228.* quem etiam paullo post se ipsum deferens sequutus est Salmasius *Exercit. ad Solin. p. 411. 628.* Immo Luitprandus Ticinensis confundit hunc Dionysium Alexandrinum cum Dionysio, Pontifice Romano, qui præesse cœpit anno Chr. CCLIX. quem tamen, velut cæcus cæcum, hac in re sequitur Lud. Jacobus a S. Carolo in *Biblioth. Pontifical. II. p. 63.* Diserte quidem Plinius *lib. VI. Hist. N. cap. 27.* Hoc in loco, inquit, genitum esse Dionysium, terrarum orbis recensissimum auctorem, constat, quem ad commentanda omnia in orientem promissit Divus Augustus, ituro in Armeniam ad Parthicas Arabicasque res majore filio. Quod quum etiam Euthathius Scholiasies testetur: certo inde colligunt, ætatem Dionysii in Augusti tempora incidisse. Conf. Jo. Alb. Fabricii *Biblioth. Græc. lib. IV. cap. 1. p. 22.* Anton. Pagi *Tom. I. Critica Baron. p. 8.* B. Christ. Cellarii *Diff. de Poetis Schola*

§. XXIX.

Constitutum nobis initio erat, hypothesin hanc chronologicam ex mente VAILLANTII, auctoris anonymi apud SARNELLUM, RIGORDI, PAGII, PEZRONII, NORISII, TILLEMONTII, BASNAGII, CLERIET, aliorumque eruditissimorum hujus sæculi virorum propositam, patrum quoque suffragiis stabilire, atque cum reliqua vitæ Christi chronotaxi conferre. Sed quum hæc omnia succincta dissertatio minime capiat, ea alii occasione fuere destinanda. Hinc nihil videtur reliquum, nisi ut respiciamus portum, actisque summo Numini gratias, vela demum aliquando contrahamus.

DE

publica utilioribus Hala 1706. 4to. edita §. 18. sequ. At si dicendum, quod res est, id non adeo liquidum videtur, & diversum hunc ~~scenynotus~~ auctorem esse a Dionysio, in orientem misso, luculenter ostendit Henr. Dodwellus in *Dissert. de arce & parietibus Dionysii Perieg.* in *Geogr. minor. Hudson Vol. IV.* cujus argumentis nondum video ab ullo satisfactum.

60
DE VERÆ FALSÆQUE
SAPIENTIÆ
CHARACTERIBUS.

EXERCITATIO II

Cebes Thebanus, quo nemo felicius puriorem Socratis doctrinam sectatus est, in elegantissima, quam posteritati reliquit, Tabula universam vitæ humanæ rationem, studiaque mortaliū tam ingeniose adumbravit, ut hac quidem in re nemo illi comparandus esse videatur. At nescio, an in luculentissimo ejus libello quidquam occurrat, accurata attentione dignius, quam id, quod de vera falsaque eruditione prudenter monuit: (a) Postquam enim ostenderat fusius, quanta pericula homini in hoc vitæ theatrum prodeunti ab impostura, opinionibus, voluptatibus, ipsaque rerum domina, fortuna, immineant, & quam multi deinde ab incontinentia, luxuria, avaritia, & ad sensatione delati, triste faciant naufragium: porro addit vir sapientissimus, eos tantum hanc pestem effugere, qui a *Metavola*, id est, Poenitentia servati, in veræ sapientiæ viam reducantur. Verumtamen nec horum quidem rem omnem in vado esse. Ingressis enim
hoc

(a) Cebet. *Tabula* p. 34. sequ. edit. Hieronymi VVolffi.

hoc iter nova sese pandere diverticula, a quibus nisi diligentius sibi caveant, nihil esse facilius, quam ut ad *Idolorum deum*, hoc est, falsi nominis eruditionem evagentur, & vana doctrinae specie decepti, vel sic quoque pereant. Ex quibus demum colligit CEBES, hominum, qui eruditi vocantur, nonnisi paucissimos exitium evitare, & actum esse de plerisque omnibus, nisi falsa eruditioni nuncium mittant, arduamque illam, quæ ad veram sapientiam perducit, viam quam primum ingrediantur. Id enim qui faciant, eos demum, continentia ac tolerantia ducibus, ad beatorum domicilium pervenire, ubi splendidissima corona redimiti, sempiterna felicitate perfruantur. Hæc CEBES Thebanus, cui pro temporum, in quæ inciderat, sorte rationem dictorum suorum constituisse, nemo forsan dubitaverit. Ast quod eadem fabula hodiernum in vita mortalium agatur, pluresque etiam nostris temporibus, dum sapientia inhiant, falsa eruditionis specie deludantur, id vero est, quod paucissimi sibi persuadent. Omnes quippe laudamus temporum nostrorum felicitatem, ac non sine ambitione nobis gratulamur, quod in eam servati simus ætatem, quæ rerum divinarum atque humanarum scientia numeros omnes impleverit. Et tamen plerique, quos vulgus tanquam oracula & portenta quædam suspicit, in maximo, quem dare solent, eruditionis strepitu nihilo sunt stultis meliores, sed ita vitis omnibus laborant, ut nullis magis opus esse videatur magistris vivendi, quam qui

qui vitæ universæ, honeste ac prudenter instituendæ, rationem magno supercilio profitentur. Huc accedit, quod multæ, quæ passim inculcantur, doctrinæ ad evertendam potius, quam amplificandam veram eruditionem comparatæ sunt. Delere enim ex hominum animis pietatem, res divinas scurrili dicacitate subfannare, veritates evidentissimas argute explodere, pestilentissimos contra errores stabilire, hic vero eruditorum complurium labor est: hoc illi agunt, hoc moliantur, in hoc somnum, in hoc vigilias reponunt. Rediisse nos dixeris in illa tempora, de quibus VARRO dicere solitus est, neminem ægrotum quidquam somniare tam nefandum, quod non aliquis dicat philosophus. Adeo non modo sapientiam, sed ipsum etiam illius amorem, eheu amisimus. Quæ quum ita sint, facile quilibet intelligit, etiamnum inter mortales agi Cebetis fabulam, & magis nunc, quam unquam, varendum esse hominibus, ne falsæ eruditionis præstigiis decepti nubem pro Junone amplectantur, &, dum sapientiæ inhiant, in summam stultitiam incauti delabantur.

Considerans hanc insignem humanarum rerum caliginem ille apud CICERONEM (b) Cotta, eo vesaniæ prolabitur, ut Deo tantum non dicam scribat, quod hominem ratiocinandi facultate donaverit. *Haus scio,*
in-

(b) Cicero *libr. III. de Natur. Deor. cap. XXVII. p. 174.*

inquit, an melius fuerit humano generi, motum istum colorem excitationis, acumen, solertiam, quam rationem vocamus; quoniam pestifera sit multis, paucis admodum salutaris, non dari omnino; quam tam munifice & tam large dari. Existimat ergo vir liberioris ingenii, Deum melius consulturum fuisse hominibus, si rationis acumen eis omne ademisset, quandoquidem ejus usus admodum difficilis sit, abusus longe facilissimus. Plurimos enim homines, qui rationis ductum sequi se arbitrentur, in errores pestilentissimos incidere, multoque esse infeliciores bestiis, quibus illam intelligendi facultatem natura denegasset. Ex quo consequi credit Cotta id, quod antea diximus, non plus nos debere Numini, a quo rationem acceperimus, quam furiosus illi debeat, qui gladio illum accinxerit. At impia profecto hæc vox est, & stulto; quam viro sapiente, dignior. Facit enim Cotta, quod solet nequissimus quisque: siquidem crimen in alium transfert, quod in homine est, ipsumque Deum, quam se, accusare mavult. Sane enim non ratio nos in præcipitia ista ducit, sed rationis abusus, is vero non a Deo est, sed ab hominum insania, tantumque abest, ut ulla errorum culpa in supremo Numine hæreat, ut illud homini viam sapientiæ ostenderit expeditissimam. Neque existimandum est, viam hanc esse ita occultam, ut a diverticulis discerni nulla ratione possit: (misera enim sic esset hominum conditio, si in tot viarum erroribus nullis plane signis uterentur, quibus

veram a falsis distinguere possint:) sed quemadmodum aurum adulterinum, quamvis ad genuinum & colore & splendore proxime accedat, ab earum rerum pericis facili negotio dignoscitur: ita & vera falsaque sapientie certa sunt signa, certi characteres, ad quos quicumque sollicite attenderit, cum haut facile falli ac decipi posse, arbitramur. Et de his quidem vera falsaque sapientie characteribus commentarii nonnihil in presenti, haut intempestivum visum est. Quum enim a SERENISSIMO AC POTENTISSIMO PRINCIPE AC DOMINO, DOMINO FRIDERICO WILHELMO, REGE PRUSSIE, DOMINO MEO LONGE CLEMENTISSIMO, divinarum humanarumque rerum scientiam, quam Philosophiam vocamus in celeberrima hac bonarum artium sede publice profiteri iussus sum: merito me anxium sollicitumque tenuit hæc cura, qua demum ratione demandata mihi provincia rite defungi, & tam honesti, quod subeundum est, muneris partes ita implere possem, ut supremo Numini rationem aliquando intrepide redderem. Sane enim maxima ista, quæ mei ordinis hominibus a *deceptione* falsaque sapientia imminet pericula, nunquam magis obversata sunt animo, quam hoc tempore, quo aliis ad veram sapientiam præire jubeor. Identidem profecto mihi in mentem venit, quam sit arduum docendi munus, quantisque cum periculis conjunctum. Excolere atque emendare ingenia, evellere ex animis præjudicatas opiniones, indagare veri-

tatem, explicare rerum naturalium causas & adfectiones; aliis ad beatam illam sui notitiam, ad virtutem veramque felicitatem præire, nihil denique dicere, nihil agere, quod non juventuti exemplo ac incitamento ad veram honestatem esse possit, id demum esse mearum partium intellexi. At quam magnum hoc, quæso, ac difficile? Quanta cautione provisioneque opus est etiam exercitatissimis, ut istos, quos supra notavimus, scopulos feliciter defugiant? Quapropter primum hoc mihi duxi ac antiquissimum, ut nihil hic viribus meis, divinæque gratiæ omnia tribuenda esse mecum statuerem: proximum autem, ut de veræ falsæque sapientiæ characteribus cum cura cogitarem, ut eo veluti Ariadne instructus filo, e tot viarum anfractibus feliciter eluctarer. Et hanc meditationem, quod felix faustumque sit, tanquam muneris mei primitias in hoc bonæ mentis delubrum nunc primum dedico, ex re & vero arbitratus, non posse professorem utilius quidquam, quam hanc præstantissimam doctrinam, cum discipulis communicare.

Ut autem initio, quid antiquis hac de re in mentem venerit, paullo diligentius inquiramus: primus philosophorum de veræ falsæque sapientiæ characteribus cogitasse videtur SOCRATES. Quum enim illius ætate ubique in scholis regnarent sophistæ, genus hominum gloriosum & magniloquum, quod vanis promissis ditiores juvenes ære emungere, ac fumum pro sapien-

tia

tia vendere consueverat: id sibi negotii datum credebat SOCRATES, (c) ut larvam detraheret impostoribus, & nudam doctrinæ eorum vanitatem oculis omnium exponeret. Id quod sanè fieri non potuit, quin simul in veræ falsæque sapientiæ characteres sollicitè inquireret. Verum ut nihil scripsit Socrates: ita quidquid cum Sophistis egit, præter pauca, quæ Xenophon & Plato servarunt, dudum interiit, ut adeo vix constet, quibus characteribus in dijudicanda vera falsaque sapientia usus sit, præterquam quod jactantiæ, neglectæ veræ emendationis, ac turpis lucri cupiditatis eos insimulasse, hosque falsæ sapientiæ characteres non sine sale in iis notasse dicitur. Jactantiam sophistarum eum esse infectatum, & ex ista falsam eorum sapientiam collegisse, extra omnem dubitationis aleam positum videtur. Proditum enim memoriæ est, Socratem, quum sophistas omnium rerum scientiam profiteri animadvertisset, nullam prætermisisse occasionem, eos in angustias cogendi, eoque redigendi, ut ipsi, se nihil scire, cum rubore faterentur. Jam enim redeuntes ex eorum schola discipulos adgressus, acutis quæstionibus, ne ignorantiam suam dissimulare possent, faciebat. Jam ipsis sophistis, simulata ignorantia delusis, eandem extorquebat confessionem. Ex qua deinde colligebat minime

in

(c) Plutarch. in *Quest. Platon.* p. 999. Vide Charpent. *vis. Socrat.* cap. XV.

in illis inveniri eam, quam tanto supercilio jactarent, sapientiam, neque esse sapientis, earum rerum scientiam magnifice jactare, quarum ipse sit ignarissimus. Atque inde factum est, ut ipse sibi ab hac ostentatione prudenter caveret, nihilque se scire diceret, præter hoc unicum, quod sciret nihil: (d) quin adderet, se nondum judicare posse, cur ab Apolline Delphico sapientissimus mortalium judicatus sit, nisi ideo hoc factum esset, quod ipse sciret, se nescire, quæ alii nescire se, scire nollent. En ipsius verba: *Videtur autem, o viri Athenienses, solus Deus sapiens esse, atque hoc oraculo id sibi velle, humanam videlicet sapientiam parvi, imo nihili, pendendam esse. Quod vero Socratem nominat sapientem, ob id facere, quo nomine meo, tanquam exemplo quodam utens, quasi sic dicat: Is o viri sapientissimus est, qui quemadmodum Socrates, novit revera, sapientiam suam esse nihili pendendam. Hæc Socrates, ex quibus satis constat, eum jactantiam & vanam scientiæ ostentationem pro falsæ; modestam ignorantæ suæ agnitionem pro veræ sapientiæ caractere primo habuisse. Huic vero addebat alterum, veræ emendationis neglectum, cujus sophistas non minus graviter accusavit. Quum enim hi homines nescio quam juvenes ad remp. præparandi de rebus-*

(d) Plato in *Apol. Socrat.* p. 190. Cic. lib. I. *Acad. Quæst.* cap. IV. p. 5. Diog. Laert. II, 38. Plato in *Apol.* l. c. p. 191.

busque omnibus disserendi solertiam profiterentur: facile in se non minus, quam in discipulis, ferebant improbitatem, & mentem incompressam, dummodo doctiores, aut certe loquaciores, ex eorum scholis prodire viderentur. Hinc lepide apud PLATONEM (e) jocatur Socrates, sophistas quibusvis aliis artificibus esse feliciores, & velut dormientes rete trahere. Nam sutoribus, qui calceos veteres deteriores, quam acceperint, redderent, intra triginta dies fame fore pereundum: at Protagoram, famosum sophistam, universam Græciam annis plus quam quadraginta decepisse, & dum deteriores reddiderit discipulos, quam accepisset, plures ob hanc rem cumulasse pecunias, quam aut Phidias, aut decem alii sculptores, lucrati fuerint. Ex quibus denuo consequi existimat, sophistas non modo non sapientes, sed & insanos esse judicandos. Pertinet huc etiam elegantissima ejus dissertatio, a XENOPHONTE (f) recensita, in qua ex instituto docet, omnes virtutes ad sapientiam pertinere, nec sapientis nomen tueri eum, qui animum non a vitiis purgarit. Interrogatus enim, num eos, qui scirent, quid agere oporteat, & his contraria fecerent, sapientes ac temperantes esse putaret? potius insipientes ac stupidos esse respondit: πάντας ὃ οἶμαι προαιρεθῆναι ἐκ τῆς ἀνδεχόμενων, ἃ οἶον τε συμφορώτατα αὐτοῖς

(e) Plato in Menone p. 10.

(f) Xenoph. Mem. Socr. lib. III. cap. XII. p. 644.

τοῖς ἑ), ταῦτα. πράττειν. νομίζω ἂν μὴ ὀρθῶς
 πράττοντας, ὅτε σοφὸς, ὅτε σοφρῶνας εἶναι.
 Etenim, ait, omnes arbitror deligentes de il-
 lis, quæ fieri possunt, quam maxime ipsis uti-
 lia facere, quamobrem, qui non recte faciunt,
 eos neque sapientes, neque sanos esse statuo.
 Ex quibus verbis palam est, emendatio-
 nem voluntatis eum in sapiente quam ma-
 xime requisivisse. Quamvis enim in hoc
 fallatur, quod hanc voluntatis emendatio-
 nem ex emendatione intellectus derivat,
 quem nævum in Socrate jam notavit illu-
 stris noster CHRISTIANUS THOMASIUS: (g)
 illud tamen palam urget Socrætes, sapien-
 tem, nisi qui voluntatem emendaverit, es-
 se neminem. Quin nec illud prætermitten-
 dum, quod Socrates hunc characterem ad-
 plicaverit sibi ipsi, ex eoque de profecti-
 bus suis in sapientia judicavit. Quæ de re
 notari merentur verba EPICTETI apud AR-
 RIANUM: (h) ἀλλ' ὁ Σωκράτης τί λέγει; ὥσπερ
 ἄλλος τις, φησὶ χαίρει τ' ἀγρὸν τ' αὐτῷ ποιοῦν
 κρείσσονα, ἄλλος τ' ἵππον ὅτως ἐγὼ καθη-
 μέραν χαίρω παρακολουθῶν ἐμαυτῷ βελτίονα
 γίνομαι. Socrates autem quid dicit? Quem-
 admodum alius, inquit, delectatur, quum
 agrum suum meliorem facit, alius, quum
 equum: sic ego quotidie delector, quum me
 fieri meliorem deprehendo. Quæ fusius de-
 inde explicat Epictetus, & docet, quæ in
 re

(g) Christ. Thomaf. Cautel. circa praco-
 gn. juris cap. XIV. p. 218. (h) Arrian,
 Dissert. Epictet. lib. III. cap. V. p. 274.

re meliorem se fieri, gavisus sit Socrates, non scilicet in oratiunculis aut præceptiunculis, sed in vera virtute, ut incusaret neminem, reprehenderet neminem, eodem semper vultu & egrederetur, & rediret domum. Hæc demum fuisse, ex quibus Socrates, an profecerit in sapientia, cognoverit. Plura non addo. Vel ex his enim satis constat, alterum hunc fuisse Lydium lapidem, ad quem Socrates veram falsamque sapientiam exegit. Restat ergo tertius, *lucri cupiditas*. Solebant Sophistæ neminem admittere in disciplinam, nisi qui aurum liberalliter offerret. Qua sordida lucri captura immensas sibi divitias parabant. De Protagora paullo ante diximus. Nunc addimus Gorgiam Leontinum, (i) qui arte sophistica tantum quæstum fecerat, ut sibi ipse statuam auream & solidam suo ære posuerit. Qui gloriabantur de eo, seque Socrati longe anteponebant, quod, quum hic doctrina sua nihil lucraretur, ipsi rebus omnibus abundarent. A XENOPHONTE (k) enim relatum est, Antiphontem Sophistam, quum aliquando familiares Socratis ab ipso voluisset abducere, præsentibus amicis hac usum esse oratione: Arbitrabar ego, o Socrates, eos, qui philosopharentur, feliciores fieri oportere: at tu mihi videris contraria ratione philosophia tua frui. Vivis

(i) Athenæus lib. XI. Plin. lib. XXXIII. B. N. 8. 4. (k) Xenoph. l. c. lib. I. cap. XX. p. 576.

vis enim ita, quo pacto si vel quivis servus sub domino victitaret, non maneret: uteris cibo potuque vilissimo, neque tantum veste vili, sed eadem quoque per æstatem & hiemem indueris, semperque calceis tunicaque cares. Præterea pecuniam non accipis, quæ & comparantibus est voluptati, & iis, qui jam compararunt, liberalius jucundiusque vivendi causa est. Quamobrem si, quemadmodum reliquarum actionum magistri discipulos suos imitatores sui efficiunt, tales tu quoque familiares tuos reddes: putare debes, infelicitatis te magistrum esse. Adeo Sophistæ omnia ad quæstum referebant, aliosque existimabant minus esse sapientes, qui minus doctrinæ suæ lucrarentur. At alia longe mens erat Socrati. (1) Tantum enim abest, ut, philosophiam ad opes colligendas comparatam esse, crederet, aut a discipulis ullam acciperet mercedem, ut potius falsæ sapientiæ hunc characterem crederet certissimum. Quam verè ac rectè ita statuerit, jam non disputamus. Id factum certum est, illum ita statuisse. Antiphonti enim, cujus verba paullo ante adduximus, id responsi dedit: (m) Apud nos, mi Antipho, existimatur, eodem modo posse aliquem & formam, & sapientiam, vel honeste vel turpiter uti. Nam quum aliqua formam pecunia civis prostituit, scortum appellant:

(1) Vide Charpent. *A. c. cap. XVII. p. 64.*

(m) Xenoph. *A. c. p. 578.*

lant : eam vero , quæ quemcumque intellexit rerum honestarum & præclarum amatorem esse , amicum sibi adjungit , modestam ducimus : itidem , qui sapientiam pro pecunia cuivis prostituunt , sophistas , quasi quædam scorta , vocant : quicumque vero illum , quem egregia præditum esse indole animadvertat , quicquid boni scit , docet , ut amicum eum faciat , hunc facere putamus , quod virum honestum ac probum decet. Exstant & alia a Socrate hanc in rem dicta , ex quibus satis patet , eum hanc lucri cupiditatem tanquam falsæ sapientiæ characterem notasse : sed ea brevitate studio omittimus , id modo observantes , quod & Plato eo argumento Socratem (n) virum sapientissimum & divinitus datum esse Atheniensibus demonstraverit , quia fuerit ab omni quæstus studio alienissimus , & gratis semper docuerit , familiares , etiam si ditescendi occasio ei fuisset commodissima.

Sed a Socrate deveniendum ad ejus discipulum PLATONEM , (o) qui eandem de characteribus falsæ sapientiæ doctrinam singulari dialogo , quem Sophistam inscripsit , prolixè admodum explicavit. Quum enim subtili hac ac præstantissima descriptione id agat Plato , ut sophistarum doctrinam non minus a vera sapientia , quam res falsas a vero ente , differre doceat : peropportune
hac

(n) Charpent. l. c.

(o) Plat. in *Sophista* p. 70. sequ.

hac occasione simul *κατήγια* sophisticæ
 omnisque falsæ sapientiæ recenset. Ea
κατήγια eleganti oratione explicat THE-
 MISTUS, (p) ubi contra obtrectatores de-
 monstrat, sophisticæ characteres Platonicos
 sibi minime convenire. Quod si ergo rem
 diligentius expendamus, primus character,
 quem Plato in *Ἰδωταίδεια* falsaque sa-
 pientia observat, est ambitus, quo juve-
 nes nobiles inprimis & divites allicere so-
 leant sophisticæ. Inde enim est, quod so-
 phisticam jocosè dicit esse *artem qua in*
conciliando comparandoque versatur, anima-
liumque gressibilibus & terrenorum domestico-
rumque venationem, hominum videlicet pri-
vata capturam, ob numerum mercedem, &
juvenum divitum & nobilium opinione virtu-
tis disciplinaque irrecitationem. Secundus ejus
 character est *τερατολογία*, & vanorum ver-
 borum aucupium. Observat enim PLATO,
 sophisticas, licet res præclaras ac juventuti
 utilissimas promittant, in sermone tamen
 maxime hære, in idque dare operam, ut
 discipulos non quidem probos, sed ranis
 reddant loquaciores. Unde altera sophi-
 stæ definitio non minus lepida: *Sophista est*
commutator, emptor & venditor, mercator vi-
delicet, qui animi disciplinas venundat, ad
sermones institutaque virtutum præcipue perti-
nentes. Tertius sophisticarum character ex
 mente PLATONIS est *cauponario*. Quemad-
 modum enim caupones vinâ, suspensa he-
 dera,

(p) Themist. Orat. IV.

Hein. Opusc. Var. Pars I.

dera, venum offerunt, omnique fallaciarum genere alliciunt emtores, gavisi, si vappas jactatione sua delusis pro Falerio obtrudere possint: ita eadem ratione fictitiam sapientiam venditant sophistæ. Quum enim vere sapientes modeste de se semper sentiant: hi mera mysteria, & nescio quæ horrenda secreta jactant, inventa etiam nova, quæ nemini mortalium unquam in mentem venerint, magnifice crepant, ut audire te crederes illum apud HOMERUM:

Nos soli sapimus, reliqui volitant velut umbra.

Atque inde tertia PLATONI nata est sophistæ definitio: *Sophista est, qui in acquirendo versatur, commutat scilicet, emit, venditque couponando: sive sua inventa, sive aliena, circa virtutis studium vendat.* Addit his PLATO characterem quartum, contendendi disputandique pruritum. Quum enim jam ex superioribus characteribus liquido constet, sophistas non tam suam aliorumve emendationem, quam gloriam atque opes, mercenario studiorum labore querere: non mirum profecto est, si disputent, contendant, pugnent, & de lana, quod ajunt, caprina miro animi fervore digladiantur. Pertinere enim hoc arbitrantur ad gloriam suam, si omnes disputandi altercandique arte superaverint. Unde quarta ejusmodi sophistæ, vel athletæ potius, definitio Platonica: *Sophista est artifex quæstus gratia contentiosus, contradictionibus ambigens, in pugnando certans, lucri præ cæteris studiosus.*

Se-

Sequitur character falsæ sapientiæ quintus, curiosa opinionum vulgarium irrisio. Quamvis enim vere hoc sit philosophi munus, ut populares hominum errores, tanquam detracta larva, denudet, nullamque in ea re vel auctoritatis alienæ, vel fortunæ suæ, habeat rationem: contingit tamen sophistis, quod solet stultis, qui-

Dum fugiunt vitia, in contraria currunt.

Ut habeant enim, in quo exerceant ingenium, etiam evidentissimas veritates errorum popularium nomine traducunt, exhibitant, explodunt, & hoc consequuti, id sibi in primis laudi ducunt, quod discipulos suos præjudiciis atque erroribus liberarint. Hinc quinta definitio Platonica: *ειρωνικῶς* intelligenda: *Sophista est purgator animæ, opiniones extirpans omnes, quæ doctrinæ impedimento sunt.* Excipit quintum hunc characterem sextus, quem adfectatam *πολυμαθείας* laudem vocare liceat. Sollemne est sapientibus, modeste de doctrina sua sentire, & suo se pede metiri ac modulo. Hinc quanto proficiunt magis, tanto plus superesse fatentur, quod ignorent. Quin intellectus sui angustos limites adeo perspectos habent, ut plura ne sciri quidem posse, non inviti fateantur. At quid sophistæ? Sciunt omnia, & quod lepidum dixeris, etiam, quæ nesciunt, sciunt. Lufisse in hos homines crederes PLAUTUM, (q) quum ait:

Omnia

(q) Plaut. in *Trinum* *Æt. I. Scen. 2. v. 166.*

76 De vera, falsaq. Sap. Charact.

Omnia se simulant scire, nec quidquam sciunt:

*Quod quique in animo habeant, aut habi-
turi sint,*

*Sciunt: id quod Rex regina dixerit, sciunt:
quid*

*Juno fabulata sit cum Jove, qua neque fu-
tura, neque*

facta sunt,

Tamen illi sciunt.

Unde sexta Platonis definitio: *Sophista sunt, qui in omnibus sapientes discipulis videri volunt, nec tamen sunt.* Denique agmen claudit character septimus, quem ipse PLATO suo loquendi more præstigias vocat. Quemadmodum enim præstigiatores acetabulis suis ac calculis hominum oculis illudunt, & celeri manuum motu certas actiones ita effingunt, ut vere ita fieri videantur: ita sophistæ, quum vana & stulta venditent, ea tamen celeritate ingenii & sermonis tam eleganter exornant, ut severissimæ sapientiæ speciem præ se ferre videantur. Sic ista, ut cum SENECA (r) loquar, sine noxa decipiunt, quomodo præstigiatorum acetabula & calculi, in quibus fallacia ipsa delectat. Atque hinc tandem septima Platoni subnata est definitio: *sophista est quasi præstigiator quidam, & verarum rerum imitator.* Hæc sunt, quæ de veræ falsæque sapientiæ characteribus commentatus est Plato. Post eum vix quisquam ex instituto

(r) Seneca Epist. XLV.

stituto de illis cogitavit, præter CLEMENTEM ALEXANDRINUM, (f) qui in Stromatum libris multa hanc in rem dixit, sed suo more, hoc est, paullo confusius. Duo tamen exstare videntur loca, quibus sententiam suam clarius exposuit. In libro enim sexto Stromatum discrimen inter veram falsamque sapientiam traditurus: Καὶ ἡ μὲν αἰ, αἰάνας ὄσιν, ἡ δὲ χρόνῳ λυσitelής. καὶ ἡ μὲν μία καὶ ἡ αὐτή, αἰ. ὅ πολλὰ καὶ ἀδιάφοροι. καὶ ἡ μὲν ἀνδραπαυματικῆς τίνος κινήσεως, ἡ ὅ μετὰ παιδικῆς ὀρέξεως. καὶ ἡ μὲν τέλει, ἡ ὅ ἐνδεής. Quæ verba ita perperam solent reddere interpretes: *Et hæc quidem sapientia partim æterna, partim autem temporis utilis, & partim quidem una est & eadem, partim autem multa & indifferentes, & partim quidem est absque ullo motu patibili, partim autem cum patibili adpetitione, & partim quidem perfecta, partim vero indigens.* Sed malam hanc esse interpretationem, & contortam, quin nullius sensus, nemo non videt. Quare ita potius vertenda arbitramur verba CLEMENTIS: *Et hæc quidem (vera sapientia,) æterna est, illa vero (falsa) temporis utilis: hæc una semper & eadem, illa multa & differentes: hæc sine motu quodam patibili, illa cum patibili adpetitione: illa perfecta, hæc indiga.* Sane si ita intelligentur verba, expeditissimus est CLEMENTIS sensus. Quatuor videlicet tradit veræ falsæque sapientiæ characteres. Primo enim

(f) Clem. Alex. lib. VI. Strom. p. 642.

enim dicit veram esse æternam, falsam tempori utilem. Recte. Quum enim fictitii sapientes omnia ad caducæ hujus vitæ commoditates referant, ii contra, qui vere hoc nomen tuentur, æterna potissimum cogitant, & sapientiæ Fructus non minus, æ ipsam sapientiam, æternos esse cogitant. Deinde veram sapientiam unam, falsam multiplicem & sibi ipsi parum constantem esse ait. Id quoque sapienter. Nec enim potest doctrina, quæ a se ipsa dissentit, sapientiæ nomen mereri. Tertio veram sapientiam sine patibili motu, falsam cum patibili adpetitione esse conjunctam, adfirmat. Nec id quidem male. Falsa enim sapientia pravos hominum adfectus ac inclinationes irritat, mentemque vel ad avaritiam, vel ad vanam ambitionem, vel ad turpes voluptates ac libidines sollicitat: quum vera perturbatam revocet ad tranquillitatem, efficiatque, ut in summi boni possessione suaviter adquiescat. Denique vera sapientia est perfecta, falsa indiga, idque quantum est ex mente CLEMENTIS sapientiæ criterium. Et profecto, si quidquam, hoc recte ac prudenter dictum. Sophistæ enim & male sapientes aureos montes promittunt: at si ad rem veniendum, vix minima præstant, quin sæpius, quæ est eorum insignis impudentia, ubi vanis promissis animos paverint, deinde media sibi deesse fatentur, & imposturam suam ridicula illa distinctione inter finem *externum* & *internum* satis inepte excusant. Quid ergo famelica hac & paupere sapientia insipientius?

tius? At vera sapientia perfecta est, sibi-
que sufficiens. Veritatem quis desiderat?
dabit; summam felicitatem? hanc quoque
dabit; prudentiam? nec hanc negabit. Id
quod a PHILONIS, vel quisquis est sapientiae
Salomonae auctor, (t) tam praeclare de-
monstratum est, ut a nemine id fieri po-
tuisset elegantius. Alter CLEMENTIS locus,
qui huc pertinere videtur, & a JO. FR.
BUDDÆO, (u) viro sapientiae amantissimo,
alicubi praeclare expositus est, in septimo
Stromatum libro exstat. In eo quatuor il-
lis, quos hactenus recensuimus, caracte-
ribus tres novi adduntur. Sapientis enim
esse ait, primo *res nosse, deinde efficere,*
quod ratio distaverit, & denique qua occulta
fuerant apud veritatem, prout Dei majestati
convenit, tradere posse. Res nosse, id qui-
dem est veritatem perspectam exploratam-
que habere, ut de numine rebusque divi-
nis pariter ac humanis rectas habeamus
sententias. Ista vero cognitio scientiaque
deinde ad virtutem pietatemque referenda,
quæ profecto aliter sibi non constat, quam
si numinis voluntati nobis quacumque ra-
tione patefactæ obtemperemus, moremque
geramus lubentissime. Cujus obsequii ac
pietatis non alius denique fructus esse po-
test, quam ut alios quoque ad tantæ feli-
citatis perducamus societatem, eosque iti-
dem

(t) Sap. VII. & VIII. (u) Joh. Fr. Budd.
Progr. dei tñs γνάσιως ἁδδωνύμης p. 10.
 Clem. Alex. lib. VII. p. 701.

dein ad veram istam sapientiam erudiamus. Ex quo postremo colligit CLEMENS, omnes, qui vel a veritatis tramite aberrent, vel ea, quæ utcumque cognoverint, non ad morum vitæque emendationem, sed ad ostentationem aut foedas voluptates referant; vel denique alios deteriores potius, quam meliores, docendo reddant; falsæ sapientiæ præstigiis decipi, & pro Junone nubem, pro corpore umbram imprudenter amplecti.

Hæc sunt, quæ veteres de verâ falsâque sapientiæ characteribus commentati sunt. Possemus nunc, quid de eorum doctrinis sentiendum sit, quidque eruditi ætati nostræ propiores hac de re meditati sint, fusiùs explicare. Sed alterum in tanta brevitate minus necessarium, alterum plane supervacuum esse arbitramur. In quantum enim rem acu tetigerint veteres, ex iis, quæ paullo post dicturi sumus, facile quisque indicabit. Quid vero recentioribus hac de re visum fuerit, dicere, hic nostra parum interest, quum aliorum explare scrinia nolumus. Hinc reliquum est, ut quid nobis de sapientiæ characteribus in mentem venerit, paucis exponamus. Plerique, qui de sapientia adhuc scripserunt, in eo videntur parum accurati, quod, quid sit sapientia, docere superfederint. Quum tamen rei, cujus obscura notio est, characteres animadverti nulla ratione possint. Sane enim complures sapientiam cum eruditione confundunt, alii vera sapientia est doctrina Christiana, falsa gentiliû philo-

loſophia, quæ poſterior acceptio etiam in ſcriptura & patribus occurrit. (x) Quamvis autem definitiones nominales ſint in arbitrio hominum poſitæ, & cuivis liceat ſapientię vocabulo intelligere, quicquid voluerit: conſtat tamen inter omnes, priorem acceptionem falſam, poſteriore minus propriam eſſe. Primo enim ſapientem eſſe poſſe, qui non ſit eruditus, & rursus eruditum, qui non ſit ſapiens, ſatis demonſtrat experientia. Deinde quamvis largiamur, veram ſapientiam in Chriſtiana doctrina perfectiſſime doceri, nec unquam eum ſapientem poſſe adpellari, qui non ſit Chriſtianus: non omnes tamen, qui ſibi auguſtum hoc nomen vindicant, ideo eſſe ſapientes; res ipſa docet. Quare ut omnem æquivocationem evitemus, eruditum vocamus, quicumque ſibi veram & ſolidam rerum utilium & neceſſarium notitiam comparavit. At, ſi quis cum iſta notitia conjunxerit facultatem illius directricem, ita ut, quicquid didicerit, ad verum rectum que finem referre & velit & poſſit, cum jure dicimus ſapientem. Et hinc vera ſapientia eſt *viva veri bonique cognitio, cum emendata & ad omnem compoſita virtutem voluntate conjuncta, qua mentis facultates earumque operationes dirigit, ut obſectum legitimum eligant, inanibuſque dimiſſis utilia & ad felicitatem ſummam profutura conſe-*
quen.

(x) *Vid. Budd. Theol. Mor. P. I. cap. I. ſect. 2. n. 66. p. 98.*

Respondetur. Hæc est vera sapientia, hæc unica illa eruditionis diretrix, hæc summum illud ac incomparabile bonum, quod plures pro dolor! quærunt, quam inveniunt. Et hinc omnibus in medio posita est ratio falsæ æque ac veræ sapientiæ characteres inveniendi, ut non temere quisquam, si ratione recte uti velit, possit offendere. Diximus primo: Sapientiam esse cognitionem vivam, i. e. talem, quæ cum interno amore, desiderio, experientia ac veluti gustu conjuncta sit. Stultus enim est, non sapiens, qui multa novit, deque rebus divinis ac humanis subtiliter differit, nec tamen ipse tantorum, quæ jactat, bonorum suavitatem umquam percepit. Quum vero ad vivam hujusmodi cognitionem nemo mortalium pervenire queat, nisi qui se ipsum prius accurate noverit: consequens est, (y) *ut in rerum notitia, quæ cum notitia sui non conjuncta, aut illi impedimento est, sapientia nomen non mereatur.* Primum hunc statuo falsæ sapientiæ characterem. Ex quo facile patet, quid de plerisque philosophis paganis sentiendum sit, qui hominis nobilitatem & præstantiam ita collaudant, ut nec minimam miseriæ ejus habuisse rationem videantur. Extollunt mentis humanæ vires ac libertatem, & vix ullam ejus agnoscunt corruptionem, nisi quæ per corporis contagionem in animam derivetur. Num vero homines ejusmodi dixerimus sapientes?

(y) Character 1.

tes? num iis vivam concedamus veri bonique cognitionem, quum sui ipsorum ignari sint? Observamus hunc characterem in plerisque philosophiæ sectis. Platonici animam sibi concipiebant integerrimam, & sua natura ad virtutem aptam, nisi a corpore impediretur. Idem visum esse Stoicis, (z) non sinunt nos eorum scripta dubitare. Quin nec Judæos ab hoc errore immunes esse, præclare docet vir doctissimus CANPEGIUS VITRINGA. (zz) Sed unico tantum exemplo rem illustrare juvat. Quis non laudibus ornare solet purpuratum istum philosophum MARCUM ANTONINUM, (a) Imperatorem? quis non ejus sapientiam tanquam inusitatam ac prope divinam in cælum evehit? At quamvis in ejus libris *εἰς αὐτὸν* multa legantur, quæ pulcre & pie dicta videntur: nolim tamen ego vel minimam veræ sapientiæ laudem illi tribuere, qui non modo miseriam suam prorsus non agnoscit, sed & de perfectione hominis naturali tam magnifice gloriatur. En ejus verba: *Continentor te ipsum admone: nunc in*

(z) Vid. Marsil. Ficini *Comment. super Plat. conviv. orat. IV. cap. IV.* Just. Lips. *Physiolog. Stoicor. l. I. Diff. X. V. XV.* Io. Franc. Budd. *Diff. III. de Principiis Stoicorum erroribus §. IV.* (zz) Camp. Vitringa *Obs. S. lib. III. cap. XIX. IX.* (a) M. Anton. *lib. VII. n. 25.* Idem *lib. VII. n. 30. lib. V. n. 14. lib. VI. n. 15.* Budd. *l. c. Diff. I. §. 2.*

in mea est potestate, ut in animo hoc nihil sit malitia, nihil cupiditatis, nihil tumultus. Talia plura extant apud Antoninum reliquosque Stoicos, indicioque sunt clarissimo, viros hos quos veluti ex compacto sapientes prædicamus, a sapientia vera longe abfuisse. Sed non solum gentiles hunc falsæ sapientiæ characterem præ se ferunt, sed &, quod magis mirandum, christiani quidam philosophi. Nam ut vel unico exemplo rem declarem, notum est, quanti multis fiat JACOBI ABBA-
DIE de notitia sui ipsius libellus, quem ipse sane, tanquam inæstimabilem sapientiæ thesaurum, a non nemine commendari memini: & nihilominus tamen auctor mea quidem sententia fuit a vera sapientia alienissimus. Eo enim redit, quidquid in hoc libello inculcat, (b.) ut hominem ostendas esse creaturam nobilissimam, & quæ vel sola nobilitatis & perfectionis suæ sedula consideratione eo adduci debeat, ut virtutem rebus omnibus putet esse anteponendam. Quo ipso satis clare videtur ostendisse, miseriam humanæ mentis se nunquam cum cura expendisse. Sed ne nimis diu primo huic characteri inhæreamus, in ipsa definitione pergitur, in qua porro dicimus, sapientiam esse vivam cognitionem veri bonique. Ex quo denuo haut pauci characteres falsæ sapientiæ fluere videntur. Quum enim objectum veræ sapientiæ sit verum &

bo-

(b.) *L'art de se connoître soy mesme, ou la recherche des sources de la morale.*

bonum, verba vero in se neque ad veritatum neque ad bonorum classem pertineant, consequens est, ut (bb) *eam notitiam, quæ in solis verbis hæret, aut obscuris vocabulis nugas ac ineptias occultat, nihil minus esse dicamus, quam sapientiam.* Hinc facile patet, criticam aliasque hujus generis artes ad sapientiam non pertinere, si quis per omnem vitam in hujusmodi triciis versetur, & nunquam iis ad veram eruditionem ac sapientiam consequendam utatur. Sed & hoc adparet, philosophiæ Aristotelicæ & scholasticæ haut exiguam partem nihil facere ad sapientiam. Obscuris enim vocabulis Aristoteles ejusque sectatores quam maxime delectantur, & a communi usu remotis vocibus nescio quem insignis sapientiæ strepitum edunt, quum, detracto hoc involucre brutis istis sine mente sonis nihil plerumque insit, quod vel cassa nuce emeris. Evolve totam Aristotelis dialecticam, eam loquendi potius artem esse deprehendes, quam inveniendi veritatem. (c) Eamdem circa nuda verba obscuram diligentiam in metaphysicis & physicis Aristotelicorum scriptis facile animadvertes, nisi tibi Aristotelis amor aciem mentis omnem obtulerit. Et quidni animadvertas, quum ipse P. I. NUNNESIUS, (d) at quantus Aristotelis admi-

(bb) Charact. 2. (c) Vid. Jo. Cleric. Log. Part. I. cap. V. VIII. XI. & alibi passim.

(d) P. Jo. Nunn. de Caus. obscur. Arist.

admirator, diffiteri hoc non possit? Si causam quæris, omnium solidissime respondebit ARN. VVESENFELDIIUS *Aristotelem inani horum verborum strepitu uti voluisse, quo plura & difficiliora scire videretur. Obtinere enim hoc apud plerosque homines, ut res eo magis admirentur, quo minus eas penetrent & ex ipsa ignorantia sua de aliorum scientia judicent. Quum ergo præstigiæ ejusmodi cum sapientia conciliari non possint, nemo certe erit, quin Aristotelicam & scholasticam philosophandi rationem vel hoc charactere vanitatem suam prodere intelligat. Et nescio sane, an non jure etiam huc referenda sit maxima pars cabbalæ, de qua alii tam magnifice sentiunt. Quamvis enim in ea lateant nonnulla non contemnenda: pleraque tamen obscuris vocabulis data opera ita involuta sunt, ut nescio quæ inaudita mysteria continere videantur, quum, detracto cortice nihil intus nuclei adpareat. Sane si expenderis accuratius, quæ de quatuor mundis cabbalisticis, de Adam Kadmon, de spiritu Sandalphon aliisque hujus notæ doctrinis, subtiliter disputant CHRISTIANUS KNORRIUS, HENR. MORUS & alii hujus arcanioris Hebr. philosophiæ admiratores, nihil temere reperiēs, quam aut vulgares aut frigidas doctrinas, vocabulis sphingis ænigmate obscurioribus involutas. (c) Ut adeo aureo piscari hamo videan-*

ARN. VVesenf. *de Philos. sect. & elect. Diff.*
H. c. l. n. 6. p. 12. (c) Vid. budd. Hist.

deantur, qui tot bonas horas. eruendæ e-
 tot nugis uni atque alteri veritati impen-
 dunt. (f) Quare tantum abest, ut in cab-
 bala antiquæ Hebræorum sapientiæ thesau-
 ros reconditos putem, ut ea characterem
 non unum falsæ sapientiæ præ se ferre vi-
 deatur. Quum porro sapientiam vivam ve-
 ri bonique cognitionem esse dixerimus, et-
 iam hoc inde sequi arbitramur, (g) *ut*
eam notitiam, quæ vel, neglecto bono, sola
cognitione veri absolvitur, vel, veritate in-
super habita, sine illa bonum consistere posse
statuis, sapientia nomine plane indignam esse
judicemus. Quamvis enim distincti sint con-
 ceptus veri & boni, re ipsa tamen tam
 arcto vinculo cohærent, ut, alterutro se-
 cluso, vix umbra supersit veræ sapientiæ.
 Bonum est vel verum, vel adparens. Tolle
 ergo veritatis studium, quid facilius erit,
 quam ut pro vero bono ejus umbram con-
 fecteris? Sic & veritates quædam sint uti-
 les: sunt vero & aliæ inutiles & noxiæ.
 Tolle ergo boni cognitionem, quid faci-
 lius erit, quam ut veritatum inutilium &
 noxiarum studio te unice oblectans, a ve-
 ro sapientiæ tramite turpiter aberres? Quæ-
 quum ita sint, vix dignos eos existima-
 mus glorioso sapientum nomine, qui ob-
 jecta sapientiæ separant, quæ non minus
 arcte, quam ipse intellectus & voluntas,
 in-

philos. Hebr. p. 306. seq. (f) Conf. Tho-
masii Caus. circ. præcogn. juris cap. VI. n.
21. p. 76. (g) Charact. 3.

inter se connexa sunt. Secundum hunc characterem denuo poterit de pluribus eruditus judicari. Priorem enim errorem, (h) quo vera eruditio & sapientia in sola cognitione veri consistere creditur, errarunt permulti, etiam ii, qui se viam sapientiae expeditisse, arbitrati sunt, nec hodiernum ab isto immunes sunt viri ceteroquin maximi. Posteriori non minus multi favent, quicunque videlicet hodie, revocata Gnostomachorum stultitia, veritatis nullam, virtutis vero & emendatae voluntatis unice habendam esse rationem existimant, & perinde habent, quid quisque credat & opinetur, dummodo mentem ad veram virtutem componat. Horum nos omnium eam esse conditionem arbitramur, ut a vera sapientia quam longissime absint, licet ab aliis tanquam oracula quaedam suspiciantur. Porro in definitione sapientiae observavimus, vivam istam veri bonique cognitionem cum (i) *emendata & composita ad omnem virtutem voluntate esse conjunctam*. Hoc ergo si desit, nihil, quod vel sapientia umbram referat, adesse existimamus. Sane enim quum vel ipsa ratio doceat, mentem, vitiis omnibus contaminatam, ad vivam veri bonique cognitionem frustra adspirare, & tametsi sibi aliquam

(h) e. g. Auctor Medicinæ *Ment. p. 9. Vid. Thomas. Cautel. cap. 1. n. 3. p. 1. & in Cægitat. mensur. P. 1. pag. 421. sequ.*

(i) *Charact. 4.*

quam veritatum farraginem comparaverit, illa tamen non ea, qua par est, ratione uti: quo jure, quæso, ejusmodi homo sapientiæ sibi laudem deposceret? Hinc ipsa sacra scriptura ubique hunc sapientiæ stultitiæque characterem inculcat. Luculenter jacobus (k) Apostolus: *Qui in vobis, inquit, est sapiens, ostendat bonis moribus sua opera, cum sapientia mansuetudine.* Et paulo post: (l) *As superne oriens sapientia primum casta est, deinde pacifica, aqua, obsequiosa, pietate bonisque referta fructibus, serena & minime simulatrix.* Pari ratione & stulti infami nomine nemo in scriptura sacra notatur, nisi qui ad omne scelus simul sit profligatissimus. Quid? quod non tantum sacri, sed & profani scriptores hunc characterem agnoscunt. Jam supra diximus, quid SOCRATES (m) responderit interroganti, num eos, qui scirent, quid agi oporteat, & his contraria faciant, sapientes esse putaret? Ajebat enim philosophus, *sibi ejusmodi homines potius insipientes & stultos videri, quam sapientes.* Idem docet SENECA, (n) qui, tametsi ipse a vera sapientia alienissimus, eam tamen solam veram illam & antiquam sapientiam existimat, quæ facienda vitandaque doceret, hominesque redderet meliores. Omitto alia hujus generis quamplurima, quum vel ex his

(k) Jac. III, 13. (l) Jac. III, 17.

(m) Xenoph. Mem. Socr. l. III. c. XII. p. 614.

(n) Seneca Epist. XLVI.

his virtutis cum sapientia nexus satis superque pateat. Jam si proinde tantum quis abest a vera sapientia, quantum a virtute abest: quam multi quæso, qui sibi hodie mirifice placent, sapientiæ laudem amittent? Quam multi enim sunt, qui, virtute insuper habita, vitia vel defendunt, vel in se ac aliis ferunt? Quam multi, qui id sibi negotii credunt dari, ut aliorum potius errores, quam eorum suæque vitia, emendant? Quam multi, qui aliorum vitia non emendant, sed, quod turpius est, rident, identidem jactantes illud LUCRETII: (o)

*Nil dulcius est, bene quam munita tenere
Edita doctrina sapientum templa serena:*

Despicere unde queas alios, passimque videre

Errare, atque viam palantes quarere vitta,

Certare ingenio, contendere nobilitate,

Noctes atque dies nisi prestante labore,

Ad summas emergere opes, rerumque partiri.

Hæc sane hodiernæ eruditionis eruditorumque nostræ ætatis plurimorum facies est, quam si quis cum sapientia conjunctam dixerit, nã is vehementer, ex mea quidem sententia, fallitur. Sed & hoc ex eo, quod in definitione diximus, sequitur, (p) *ut nemo sapientiæ laudem mereatur, qui suam quam proficitur, doctrinam vitia primaria,*

uo-

(o) *Lucret. lib. 1. v. 7. seqq.*

(p) *Charact. 5.*

voluptatem, ambitionem & avaritiam irritat. Quod si enim sapientia cum emendatione voluntatis & virtute necessario conjuncta est, nihilque magis est emendationi morum & veræ virtuti inimicum, quam triiceps istud monstrum: dubitari profecto non potest, quin mentem per sapientiam veram oporteat ab omni ambitione, voluptate & avaritia revocari. Hinc recte concludunt (q) eruditi, veram sapientiam in Caini posteris defecisse, quandoquidem omne studium industriamque ad eas artes retulerint, quibus tria vitia primaria maxime irriterentur. Nec minus verum est, hodiernum artes omnes, quæ vel hominibus ære emungendis, vel vanæ ambitioni, vel meræ curiositati velificantur, ad veram sapientiam non esse referendas. De prioribus non opus est, ut plura dicamus. Quis enim est, qui artem rabulisticam, aut disputatoriam scholasticam sapientiæ partem crediturus sit? At vero, qui studiis curiosis delectantur, ii excusatius peccare plerisque videntur. Et tamen, si rem æqua lance ponderaveris, generosa stultitia, ut mirissime dicamus, insaniunt, qui, ut curiositati suæ satisfaciant, verbi causa omnem ætatem in colligendis numis antiquis, aliisque ejusmodi reculis, consumunt. Quamvis enim ea studia, si ad rectum referantur finem,

in

(q) Vide Thomas. Cautel. cap. VI. n. 13. p. 75. Budd. Introd. ad Hist. philos. Hebr. §. II. p. 4.

in se non contemnenda sint : tamen quum curiositati suæ eorum cultores plerumque plus æquo indulgeant, curiositas vero non parum vitii a voluptate trahat : fit inde , ut homines nihilo fiant hac industria sua sapientiores, & tempus insuper sibi præripiant ad meliora tractanda, parum memores sententiæ SENECE : (1) *Dementia est, supervacua discere in tanta temporis egestate.* Sed ut pergamus in definitionis nostræ ἀναλύσει, diximus porro, veram sapientiam mentis facultates earumque operationes dirigere, & quidem in duobus capitibus, primo ut objectum legitimum eligant, secundo, ut missis inanibus, utilia & ad felicitatem summam profutura consecutentur. Ex iis axiomatibus denuo plures sequuntur conclusiones, quæ characterum sapientiæ vicem jure præstabunt. Si enim sapientiæ munus est, mentem ejusque facultates & operationes dirigere : statim inde adparet, (f) *eam non esse sapientiam, quæ mentis operationes turbat ac pervertit.* Fieri hoc potest modo non uno. Sunt, qui, quum sapientiam polliceantur, homines reddunt insanos, quod omnes facere videntur, qui vel olim vel hodie entusiasmos & adflatus urgent divinos, & tum suæ, tum aliorum, imaginationi persuasionibus istis turpissime illudunt. Gravissimus enim ac pæne desperatus morbus est enthusiasmus, quo

(1) Seneca *Epist.* XLIX.(f) *Charact.* VI.

quo operationes mentis maximopere turbantur, ut accuratius exempla hujusmodi hominum passim in scriptoribus Historiæ philosophicæ obvia docent, & post MERITUM CASAUBONUM (t) & JO. LOCKIUM (u) demonstravit celeberrimus BUDEUS. Pertinere etiam huc videtur omnis scepticismus, cujus varias species recenseri solent a philosophis. Proxima enim hæc via est ad insaniam, (x) si quis omnia veritatis criteria impudenti conatu tollat, & data opera tenebras quærat. Nec refert, utrum practico an theoretico scepticismo (y) quis demeretur, quum uterque mentis operationes turbet, & in summam sensim abducatur stultitiam. Denique & doctrina, quæ decorum omne proscribit, eodem charactere falsitatem suam prodit. Certum enim est, decorum niti pudore naturali, quæ virtus est veluti homini propria. Sublato igitur decoro, pudor simul tollitur, & stabilitur impudentia, qua nihil ab hominis natura magis abhorret. (z) Unde statim patet, quid de Cynicorum aliorumque stulta sapientia judicandum sit, qui, quantum in illis fuit, omnem

(t) Meric. Casaub. *Diff. de Enthuf.*

(u) Jo. Lok *de Intell. hum. lib. IV. c. XIX.*

(x) Budd. *P. I. cap. I. sect. 5. num. 17. sequ.*

p. 243. (y) Vide *de scepticismo practico vel morali Dissert.* Budd. *qua in annalibus ejus hist. philos. habetur.*

(z) Barbayrac *Prefat. advers. Pufend. §. 21.* le Mothe Vayer *T. V. p. 717.*

omnem verecundiam omnemque decentiam
 morum ex humano genere sublatam volue-
 runt. Præterea & hoc in definitione obser-
 vatum est, veram sapientiam ita dirigere
 mentis facultates & operationes, ut obje-
 ctum legitimum eligant: ex quo axiomate
 demuo aliquot characteres falsæ sapientiæ
 peti possent, sed sufficiat unicus. Sua enim
 sponte inde consequitur, (a) *ut insipientes*
illi judicandi sint, quicumque menti sua om-
nia indulgent, eamque extra limites evagari
patiuntur. Sunt enim, qui intellectus fini-
 bus regundis parum intenti, omnia rimantur,
 etiam quæ extra hominis posita sunt
 intelligentiam. (b) Quorum insignem in-
 saniam & stolidam curiositatem facere nota-
 tam a non nemine animadvertimus elegan-
 tissimis his versibus:

*Qui curiosus postulat totum sua
 Patere menti, ferre qui non sufficit
 Mediocritatis conscientiam sua,
 Judex iniquus, estimator est malus
 Suique naturaque: nam rerum parens,
 Libanda tantum qua venit mortalibus,
 Nos scire pauca, multa mirari jubet.
 Hic primus error auctor est pejoribus:
 Nam qui fateri nil potest incognitum,
 Falso necesse est placet ignorantiam,
 Umbraeque inanes capter, inter nubila
 Imaginosa adulter Ixion Dea.*

Ma-

(a) Character 7. (b) Jo. Cleric. Dedic.
 Phys. Tom. III. Opp. philos.

*Magis quiescet animus, errabit minus,
Contentus eruditione parabili,
Nec quæret illam, si qua quærentem fu-
git.*

Nescire quædam magna pars sapientiæ est.

Hinc ne particulam quidem sapientiæ scho-
lasticis superfuisse dixeris, qui quæstionibus
humanæ rationi impervestigabilibus eno-
dandis dicam an implicandis ad insaniam
usque vacarunt. Quæ quidem vulgo hæc
hodie deridentur, sed vereor, ut meliora
sint, quæ hodiernum passim jactantur. Fi-
ctiones sane illæ Cartesianæ & Burnetianæ
de rerum omnium origine, de terræ ante
creationem conditione, aliæque hujus fur-
furis ita comparatæ videntur, ut vix hu-
jus male sanæ curiositatis notam effugiant.
Et tamen sunt, qui in his procacium in-
geniorum inventis invenisse se putant, non
quod pueri in faba. Quemadmodum vero
intellectus suis gaudet limitibus, ita & vo-
luntas. Optare quidem multa possumus,
quæ sperare per naturæ nostræ conditio-
nem haut licet, at ultra votum progredi,
& velle, quæ adsequi non possis, stulto-
rum esse videtur. Ex quo adparet, quam
parum sapientes videantur, qui & hic na-
turæ limites transiliunt, & ridiculo conatu
rebus, quæ fieri non possunt, inhiant. Re-
ferrem in hunc desipientium ordinem An-
glum nescio quem, qui de evitanda cor-
poris morte consilium iniit, si putarem ho-
minem, nisi febriculofus fuerit, serio po-
tuisse hæc somniare. Sed exstant exempla
alia

alia. Quam enim tot Alchemistæ quærent
 artem conficiendi aurum & nescio quam
 universalem medicinam, vereor ne pruden-
 tiores ob eandem causam suspectam sint
 judicaturi. Si enim vel maxime largiamur,
 quibusdam hanc adire Corinthum datum
 fuisse: merito tamen arbitrari nobis vide-
 mur, saltim plerosque, qui in hac arte sa-
 pientix acropolin constituunt, viribus suis
 majora imprudenter moliri. Nimis enim
 multis, CCU H. CORN. AGRIPPA (c) lepide
 ait, contingit, ut pradiis, mercibus, patri-
 moniis omnibus in cinerem ac fumum conver-
 sis, dum longi laboris præmia & nascituros
 sætus aureos, perpetuamque cum rejuvenescentia
 sanitatem sibi molliter pollicentur, devo-
 ratis multo tempore sumtibus, tum primum
 vetuli, annosi, pannosi, esurientes, semper
 sulphur olentes, & inter carbones atra fuligi-
 ne sordidi, adfiduaque argenti vivi contrecta-
 rione paralytici, solius nasi adfluentia divi-
 tes, ceterum adeo miseri, ut pro tribus cascadeis
 etiam animam venalem habeant, quam me-
 tallis inferre conabantur, metamorphosin, in
 se ipsis experiantur, effecti jam ex alchemistis
 cachemici, ex medicis mendici. Quocumque
 modo se res habeat, illud certum est,
 stultum esse, insectari id, quod te fugiat,
 & illud sequi, quod adsequi non possis.
 Denique ut portum aliquando respiciamus,
 etiam hoc in definitione monuimus, ve-
 ram

(c) H. Corn. Agrippa de Vanitate scient.
 cap. XC.

ram sapientiam utilia tantum & ad felicitatem summam profutura consecrari. Ex quo merito colligimus, (d) eam quidquid potius esse, quam sapientiam, quæ de quadam veritatum inutilium farragine sollicita, parum curat, an, quæ tanto sibi molimine comparat, ad veram sapientiam aliquid conferant. Tam arduum est veræ felicitatis negotium, ut, si per omnem vitam in eo elaboremus, semper tamen, quod agamus, superfuturum sit. Quam parum prudenter itaque tempus in rebus vanis ac inutilibus collocatur? Non inibimus hic rerum ejusmodi inutilium recensum. Id modo addere juvat, si quis hodiernæ eruditionis faciem paullo attentius consideret, ei non posse non magnam earum copiam passim occurrere. Nam si plerique, qui in academiis studiis operam dederunt, vitæ antea actæ rationes subduxerint, paucissimarum forsan horarum recordabuntur, quas veræ felicitatis curæ impenderint, at plurimarum, quas rebus inutilibus transmiserint. Ut adeo & ipsi verum esse dicturi sint, quod ait SENECA: (e) *Si volueris attendere, magna vita pars elaboratur male agentibus, maxima nihil agentibus, tota aliud agentibus.* Hæc de veræ falsæque sapientiæ characteribus commentari decrevi, plura dicturus, nisi chartæ esset habenda ratio. Vos itaque nunc alloquor, NOBILISSIMI SVAVISSIMIQUE COMMILITONES, quibus non luxus, aut turpe otium, sed veræ
fa-

(d) Charact. 8. (e) Seneca Epist. 1.

Hein. Opusc. Var. Pars I.

sapientia, curæ cordique est. Vobis hanc meditationem dedico, vobiscam propriam sacramque esse jubeo. Nolite existimare, aliis me hæc scripsisse: mihi enim primo scripsi, deinde & vobis. Quum enim, ut initio dixi, divinis auspiciis potentissimique REGIS nostri clementissimo jussu illam sapientia partem, quæ philosophia jam ab antiquissimis temporibus salutatur, in posterum mihi esse docendam intelligam: cavendum profecto mihi sedulo fuit, ne ex me quidquam audiat, quod non audivisse fuerat rectius. Cogitandum ergo putavi de veræ falsæque sapientia characteribus, ut & mihi docendi, & vobis judicandi norma certissima in promptu esset. Jam ergo, quod felix, faustum, fortunatum sit vobis & universæ huic academici, ad hanc veram sapientiam consequendam ego vobis, quantum vires meæ ferent, ducem ac comitem me profiteor. Videbitis me, vestri causa quotidie efficientem, quæcunque potero; & ea, quæ in lectionum indice pollicebor, sedulo præstantem; vestrum est, ut studium meum alatis attentione vestra, certissimeque vobis persuadeatis, me omnibus vigiliis ac laboribus salutem vestram antepositurum, daturumque operam, ne umquam vestra vos de me opinio fefellerit videatur. P. P. Halæ Magdeb. XV. Kal. Oct. MDCCXIII.

99
DE INCESSU ANIMI INDICE
DISSERTATIO MORALIS.

EXERCITATIO II.

CAPUT I.

De Incessu generationis, ejusque cum Moribus ac Propensionibus hominum connectione.

Euvola.

I. Multa sunt latentium propensionum humanarum signa. II. In quibus habet postremum est incessus. III. IV. De quo a paucis, perspicue cum cura, actum. V. Quid per incessum hoc loco intelligatur? VI. Quando propensionum signum inde peti possit? VII. VIII. Esse incessum morum signum, probatur ex fundamentis physicis. IX. Et ex analogia adfectuum & propensionum. X. Nec non exemplis, cum integrarum gentium, quae mores incesu produnt, XI. Tum eorum, qui ex incesu de moribus hominum feliciter iudicaverunt, quales fuerunt Pythagoras, XII. Augustus Imperator, Chrysis apud Petronium, Gregorius Nazianzenus, Ambrosius Mediol. Episcopus. XIII. Impugnant quidem eadem propensionum signa Maximus Tyrinus & Jo. Franc. Picus Mirandulanus. XIV. Sed eorum hyperbasi paucis satisfieri potest. XV. Conclusio Capitis.

E 2

§. I.

§. I.

CUM multa sunt & egregia admodum Dei immortalis, quæ in humanum genus contulit, beneficia: tum haut postremum illud videtur, quod latentes mortalium propensiones signis luculentissimis notavit, & homines frugi a malis & sceleratis accurately discrimine sejunxit. Quæ impressa divinitus signa quum pæne ex omnibus humani corporis partibus, ex sermone, motu, minimisque actionibus eluceant: mirandum profecto est, homines bene multos non solum ad hæc propensionum humanarum indicia caligare, sed & in eo errore versari, ut artem internoscendi inæptia aut vanam & futilem, aut omnino nullam esse judicent. Ita sane sensitse cum aliis videtur Medea apud EURIPIDEM, (a) quæ a Jasone, marito, turpiter delusa, in ipsos Deos furorem convertit, per quos fterisse ait, quo minus boni a malis simulata amicitia circumvenirentur, dummodo hos signis quibusdam, ac veluti stigmatibus, notare, & a bonis distinguere voluissent. Hinc ejus verba:

Ως ζεῦ, τί δὴ χρυσὸν μὲρ, ὃς κίβδηλα ἢ,
 Τεκμήρῳ ἀνδραποισιν ὅπασας σαρῆ,
 Ἀνδρῶν δ' ὅτῳ χεὶρ ἔκκακόν διειδέναι,
 Οὐδείς χαρακτήρ ἐμπέφυκε σώματι;

O Ju-

(a) Euripides in *Medea* v. 516. p. 291.
 edit. Comelin.

O Jupiter, quare auri quidem, quod sis
adulterinum,

Clara signa hominibus dedisti:

Sed quo oporteat discerni malum virum,
Nullum signum inditum est corpori?

Parum religiose profecto insana mulier in Deum conjicit culpam, a qua abest ille longissime. Quamvis enim nemo omnino negare possit, miros esse mentis humanæ recessus, adeo, ut quo magis penetrare in illos amittimur, eo magis illa veluti refugiat, & ausibus nostris se subtrahat: tantum tamen abest, ut latentes in animo propensiones nulla sagacitate indagari possint, ut potius signa adsint clarissima, quæ non temere solertiam nostram destituunt, si *δυσωχία* quædam accesserit. Ne enim longius abeam, quis quæso ignorat, quam sapienter Deus hominum facies magnitudine partium, forma item ac lineamentis distinxerit? Sane quum omnibus easdem partes concesserit, eodemque situ atque ordine dispositas: tamen eas tanta arte formavit, ut tot hominum myriades etiam vultu possint internosci, & monstri videatur simile, si bini homines ejusdem per omnia formæ reperiantur. (b) Non ita ratio comparata est reliquorum animantium. In una vulpe omnes vides: in uno leone omnium for-

(b) *Exempla hujusmodi collegit Valer. Maxim. lib. IX. cap. XIV. p. 322. edit. Elzevir.*

formam perspicis : ac solum genus humanum tot formas ostentat , quot homines , ut inter cetera , propter quæ mirabile divini artis ingenium est , hoc quoque , SENECA iudice , (e) referendum sit , quod in tanta copia rerum , (adde & hominum) nunquam in idem incidit , quum etiam , quæ similia videntur , quum consuleris , diversa sint . An vero Deum frustra existimemus ora hominum tam provide distinxisse ? Nonne præter alia etiam hoc cum intendisse credamus , ut tam diversa lineamenta vultuum certa essent occultarum inclinationum indicia ? Ita sane visum est sapientissimo mortalium , SALOMONI , (d) ita SIRACIDI , (e) omnibusque post eum philosophis , ipsique , qui Medeam secus sentientem introduxerat , EURIPIDI , (f) qui plane φιλοσοφῶνς , id est , suo more :

Γνῶν δ' αὖ ὅς τις τὰ πολλὰ γ' ἀνδρώπῳ τίει ,
Τὸ χῆμ' ἰδὼν τις , εἰ τίθειεν δ' ἡμῖς .

De homine plerumque quis judicaveris ,

Figuram ejus conspiciens , an sit generosa indolis .

Nec tantum de facie , sed & reliquarum corporis partium figura , magnitudine ac dispositione , ipsisque hominum moribus ,
ora-

(c) Seneca *Epist.* CXIII. (d) *Prov.* VI, 12. 13. XVII, 24. *Ecclesiast.* VIII, 1,

(e) *Sirac.* XIII, 31. 32. XIX, 26.

(f) Euripides in *Ione* v. 239. 240.

oratione, gestibus, & actionibus idem sentiendum est. Ex iis enim tam evidenter hominum indoles elucet, & veluti foras prominet, ut PLUTARCHUS, (g) auctor gravissimus, scribere non dubitet: ὅτε ταῖς ἐπιφανέσασιν πράξεσι πάντως ὥςτις δήλωσις ἀρετῆς ἢ κακίας· ἀλλὰ πρᾶγμα βραχὺ πολλάκις ἢ ῥῆμα ἢ παιδία τις ἐμφασιν ἥδυσ ἐποίησε μᾶλλον, ἢ μάχαι μυριόνηκροι, ἢ παρατάξεις αἱ μέγισται, ἢ πολιορκία πόλεων. Neque semper clarissima quæque res virtutes & vitia representant, sed exiguum subinde factum dilutumque, & jocus aliquis, citius speciem edat morum, quam funestissima prælia, maxima acies, urbiumque expugnationes. Ast vereor, ne actum agere videar, si rei, consentiente eruditorum suffragio ipsaque experientia satis stabilitæ, diutius immorandum existimarem. Esse enim certa morum signa atque indicia, nemo fortassis hodie, nisi hospes in philosophia morali, negaverit.

§. II.

Quum vero plures sint ejusmodi characteres propensionum, quos ethicæ characteristicæ magistri (h) in *causales* & *non causales* distinguere solent, his iterum in *morales* & *naturales* divisis: facile adparet, uberiolem esse hanc doctrinam, quam quæ brevi dissertatione pro dignitate explicari queat.

(g) Plutarch. in *Vita Alexandri* M. p. 664. Tomo I. operum edit. Xylandri.

(h) Scipio Claramont, de *conjectand. moribus* lib. I. cap. II. & III. pag. 20, 29.

queat. Quare, prætermisissimis tantisper characteribus reliquis, jam quidem ex signis naturalibus, quæ Physiognomones disciplina sua complecti solent, incessum solum considerabimus. Vetus opinio est, jam inde ab antiquissimis ducta temporibus, omniumque pæne gentium firmata consensu, inesse incessui nescio quid, quod latentes mores ac inclinationes hominum indicio non admodum fallace prodat. Ipse sapientissimus SALOMON (i) in hac fuit sententia, dum hominem nequam etiam ex incessu cognosci, his verbis docet: *Homo nequam, vir iniquus, graditur ora perverso, nititur oculis, terit pede, digitis indicat, pravo corde machinatur malum, & omni tempore jurgiis discepsat.* Idem visum fuit SYRACIDI, (k) qui inter signa morum refert etiam *ta fân-pata*, i. e. gressus vel incessum, & CICERONI, (l) qui tantum huic signo tribuit, ut scribere non dubitet: *Cavendum est ne aut tarditatibus utamur in gressu mollioribus, ne pompæum ferculis similes esse videamur, aut in festinationibus suscipiamus nimias celeritates, quæ quum sunt, anhelitus moventur, vultus mutantur, ora torquentur, ex quibus magna significatio fit, non esse constantiam.* Denique & ex patribus huic sententiæ accedunt AMBROSIIUS, (m) cujus verba infra paragrapho XII. pro-

(i) Proverb. VI, 12. 13. 14.

(k) Syracid. XIX, 27. (l) Cic. lib. I. de

Offic. cap. XXXVI. (m) Ambros. lib. I. de Officiis, cap. XVIII.

proferemus, & BERNARDUS, (n) qui utilissimas quasdam de componendo incessu regulas præscribens: *Sic, inquit, in ingressu tuo simplicitas, in incessu honestas, nihil dedecoris, nihil lascivia, nihil petulantia, nihil levitatis in incessu tuo adpareat. Animus enim in gestu corporis adparet, gestus signum est mentis.* Quum itaque tot clarissimi ac eruditissimi viri de hac arte ex incessu de moribus divinandi tam præclare sentiant, & nos haut præter rem verëamur, ne temere vel falsæ rei, vel non satis cognitæ, adsentiri videamur: faciendum videtur, ut diligenter etiam argumenta cum argumentis comparemus, &, quid veri insit eorum sententiæ, paullo accuratius dispiciamus. Nam cum in rebus omnibus temeritas in adsentiendo errorque turpis est, tum in eo loco maxime, in quo de hominum inclinationibus judicandum. Est enim periculum, ne aut neglectis earum characteribus imprudentia, aut iis observatis, anili credulitate obligemur.

§. III.

Quæ quum ita sint, videmur profecto nobis operæ pretium facturi, si in hac potissimum tractatione nostrum exerceamus ingenium. Præterquam enim, quod non poterit nobis deesse disserendi de rebus jucundissimis atque utilissimis occasio: certum est

(n) Bern. de modo bene vivendi cap. IX.

est etiam, neminem de incessu ex philosophiæ moralis principiis cum cura egisse, eosque, qui physiognomiam scriptis illustrarunt, amplissimum nobis post mensem reliquisse spicilegium. Equidem, qui primus hanc disciplinam iusto commentario illustravit, ARISTOTELES, (o) de incessu etiam ejusque significationibus nonnulla observavit, tum in ipso libro *φυσιογνωμονικῶν*, tum in illis, quos de animalium motu conscripsit, & fatendum sane est, curiosa multa & vera ejus meditationibus inesse: sed mox homo redit ad ingenium, omniaque obscuris ratiocinationibus tanquam gyris concludit. Certe primum ejus principium, ex quo omnes pæne conclusiones colligit, eo redit potissimum, quod corpora hominum cum animantium corporibus contendit. Si cubi enim similitudinem quandam inter ea deprehendere se existimat, statim concludit,

(o) Francisc. Patrit. in *Discuss. peripat.* Tom. I. lib. II. p. 25. & lib. IV. p. 45. supposititia esse putat Aristotelis *φυσιογνωμονικῶν*, sed non alio fere argumento adductus, quam quod in auctore quodam veteri nonnulla ex Aristotele citentur, quæ in opere, quod nos legimus, non existunt. Sed quis iste verus auctor? Unde constat, eum ex Aristotelis *physiognomonicis*, & non alio potius deperdito Aristotelis libro sua hausisse? Videtur ergo hic Patritius in obolo notandis Aristotelis operibus aliquum obtinere.

dit, mores quoque hujusmodi hominum tales esse, qualium simulacra in animantibus deprehenduntur. (p) Id vero quam sit lubricum fundamentum, nemo non videt. Ut enim largiamur, observationem hanc procedere in moribus ex faciei forma dijudicandis, quam cum animantium capitibus, eorumque lineamentis curiosa industria comparavit JOANNES BAPTISTA PORTA: (q) incessus tamen hominum brutorum motui vix quidquam habet simile, quum hæc vel quatuor pedibus, vel certe prona incedunt, illi sublimes, & duobus subnixi pedibus progrediantur. Adde quod nec animalium ejusdem speciei idem semper ac similis incessus adparet. Equorum alii segnius & molestius, alii fastuosius & facilius moventur. Idem in canibus, aliisque pluribus bestiis observatur, quarum vix binas deprehendes, qui eodem per omnia incessu procedant. Ex quo consequitur, ut ex comparatione ista hominum atque brutorum animantium vix quidquam certi possit colligi. Signum enim semper obscurius erit re signata, explorandaque prius erit cujusque animantis indoles, quam ex ejus incessu de homine judicemus. Quæquam ita sint, recte observavit FRANC. BAC-

CO

(p) Vid. *quonoyvayovixà* & *Analyt. priorum lib. II. cap. ultimum*, ubi hæc principium phisognomonicum in compendio proponit. (q) Jo. Baptista Porta in *Phisogn. humana lib. II. cap. 2. seqq. p. 47.*

CO DE VERULAMIO, (1). Aristotelem in physio-
gnomoniciæ ingeniose & solacior corporis fa-
bricam, dum quiescit, tractasse: eandem ve-
ro in motu omisissæ, qui tamen non minus ar-
tium regulis subjiciatur, & majoris sit usus.
Ex quibus satis adparet, Aristotelis regulis
atque observationibus physio-gnomicis
hac quidem in tractatione nos parum ju-
vari.

IV. Multo minus calamio nostro ferias indi-
gunt ADAMANTIUS & POLEMON, (f) quorum
opuscula physio-gnomonica nitida Aristote-
lis editioni, e Wecheliana officina exeun-
ti, inseruit FRIDRICUS SYLBURGIUS. POLEMON
enim nihil admodum, ADAMANTIUS parum
de incessu observavit, uterque Aristotelem
in plerisque *αὐτὴν πᾶσα* sequutus. Successit
his duumviris interjecto tempore ignobilis
scholasticorum turba, qui quidem certatim
& operose in ARISTOTELIS *φυσιολογικὰ*
commentati sunt, sed ita, ut aut errores
Aristotelis suis augerent, aut ejus recte di-
cta turpiter depravarent, & præterea mul-
ta interfererent ex astrologia apotelesmati-
ca, quibus physio-gnomia tota in cordato-
rum hominum odium adducta est. Pertin-
ent huc satis famosa AVERROIS (1) & AL-

BER-

03

(1) Fr. Baco Verulam. lib. IV. de Augm.
Scient. cap. I. p. 288. (f) Conf. de his
auctoribus Jo. Alb. Fabricius lib. III. Bi-
blioth. Græc. cap. VI. p. 179. (1) Aver-
roes Tom. VII. Operum.

BERTI MAGNI (u) physiognomix, quibus & aliarum cumulum adicere possemus, si tot scholasticorum volumina in re non maximi momenti evolvere vacaret. Sed & in his omnibus parum nobis erit presidii, quum jurantibus in verba Aristotelis religioni fuerit, ejus principia ullatenus deferere. Denique idem sentiendum de recentioribus videtur, veluti FRANCISCO SANCHEZ, (x) CAMILLO BALDO, (y) GUILIELMO GRATAROLO, (z) & qui reliquis jure anteferendi sunt, JO. BAPTISTA PORTA (a) & SCIPIONE CLARAMONTIO, (b) qui in libellis suis physiognomonicis & semejoticis etiam de incessu nonnulla observarunt, sed jejuna maximam partem, & ex ARISTOTELE & ADAMANTIO deprompta, adeo ut ethica characteristica & semejotica paulo accuratioꝛ adhuc sit inter res desideratas referenda. Quapropter adeo non veremur, ne nobis

-
- (u) Albert. M. lib. I. de Animal. de quibus conf. P. Bailii Dictionnaire historique & critique T. I. pag. 414. (x) Franc. Sanchez Comment. ad Arist. physiogn. qui cum operibus ejus prodit Tolos. 1636. 4to. (y) Camill. Bald. in Opere ejusdem tituli Bonon. 1611. fol. (z) Guil. Gratarol. de praelectione morum naturarumque hominum cap. XXII. pag. 265. edit. Ursell. 1603. 8vo. (a) Jo. Bapt. Porta de physiogn. hum. libr. II. cap. LV. p. 264. Francof. 1618. 8vo. (b) Scipio Claramont. de Conjectandis eorumque morib. lib. VIII. cap. V. p. 422.

de incessu commentaturis quisquam novum opus nunciaturus sit, ut potius gratiam iniriuri videamur ab æquis lectoribus, quod fundum, a nemine occupatum, excoluerimus diligentius, & rem omnem ad certiora & probabiliora principia retulerimus.

§. V.

Ne vero ad rem illotis, quod ajunt, manibus adgrediamur: in ipso limine expediendum est, quid nobis sit *incessus*, & quale *signum*, qualemque *characterem* latentium propensionum ille nobis suppeditet. *INCESSUS* itaque, de quo primo loco agendum, vulgo notat motum pedum, quo corpus a loco ad locum una transfertur. Unde & infantes, simulac pedes justo ordine movere, & certos firmare gressus coeperunt, *INCEDERE* dicuntur. At nobis paullo latius accepta voce *incessus* notat statum, motum, habitumque totius corporis, qui cum ista pedum motione solet esse conjunctus, quique maxime in dijudicatione morum ac propensionum humanarum attendendus est. Non ignota sane est hæc vocis significatio optimis auctoribus, tum Græcis, tum Latinis. His enim familiares admodum sunt loquutiones: *incedere cervice obstipa, flexa, rigida, opima, corpore erecto, prono, alto*, pluresque hujus generis alie, in quibus & humeros, & cervicem, & totum corporis habitum ad *incessum* referunt. Illi vero in describendo *incedentium* habitu & motu felicissimi, pro ubertate linguæ suæ, propria in promptu habent vocabula, quibus singulos *incedentium* status de-

depingant. Fastuosius enim incedentes ἐκπομπέοντας, capite retrorsum adducto progredientes σιμωπαχήλας, ceruice contracta & elatis humeris ambulantes βυσσάχυνας, ceruicem elatius attollentes ἐρημάχυνας, ceruicem incuruantes κυρτάχυνας, manibus inter eundem gesticulantes χειρονόμους appellitant, & quæ sunt alia hujus generis composita in auctoribus Græcis ac lexicis passim obvia, ex quibus sane liquido constat, veteres, incessum hominum considerantes, non solum ad pedum motum & positum, verum etiam ad corporis habitum, attendisse, id quod adeo & nobis videtur faciendum. Deinde & hoc de incessu monendum est, quod hic nonnisi naturalis in censum veniat. Ex gressibus enim, arte compositis, aut morbo vel senectute corruptis, si quis de moribus hominum judicare vellet, nã iste mea quidem sententia, Jove parum æquo judicaret, seque ipsum traduceret turpiter. Multo minus incessus adfectatus, vel ad aliorum imitationem compositus, inter propensionum characteres referendus videtur. Quum enim omnes, qui philosophiam methodo χαρακτηριστικῇ tradiderunt, suadere soleant, tum demum signa morum esse observanda, quum homines, quasi posita persona comica, rejectoque ascititio vultu & habitu, palam ingenio suo obsequantur: (c) maxime profecto hoc consilium valet.

(c) Scipio Claram. *roto lib. IX. p. 536. sequo.*
 Petr. Petit. *lib. I. Miscell. philol. cap. XV.*

valet de incessu, quem homines, ad imitationem natura proclives, facile ad aliorum exemplum componunt. Notavit antiquitas eos, qui SOCRATIS & gibbum & PLAXONIS incedentis incurvos humeros imitati sunt, (d) & de MACRINO Imperatore memoriz proditum est, (e) quod Antiochiæ commoratus, barbam nutriverit, cujus rei causam ostensurus Herodianus: ἔφηλον ὅ ταῦτα inquit, ὡς δὴ Μάρκῃ ὁμιτηδόμενα, τὸν ὅ λοιπὸν βίον ἐκ ἐμιμήσατο. Hac enim de-
num sibi de Marci moribus imitanda proposuerat, quum ad illius reliquam vitam nullo pacto aspiraret. Et quis est tandem, qui ignoret, quanta cura gressus ad Gallorum exemplum componant Germani, aliæque exteræ gentes? Jam sua ætate hoc notavit, ac false admodum derisit JO. BARCLAJUS: (f) quid nos dicamus, qui in sæculum, ad imitationem unice factum, incidimus? Quamvis autem omnis adfectatio habeat nescio quid, quod se prodit turpissime, arque ita sit natura comparatum, ut sagacioribus facile suboleat, si incessus a naturali forma quocunque modo abhorreat: fieri tamen non potest, ut de adfectione regulæ præscribantur, quippe diligenti potius observatione detegenda. Ex quo facile liquet,
 eum

(d) Plutarch. *de amici & adulatoris discrimine* Tom. II. opp. p. 53.

(e) Herodian. *lib. V. Hist. cap. II. p. 163. edit. Londin.*

(f) Jo. Barclai. *Icon. Anim. cap. III. p. 44.*

eum, demum corporis motum hic esse potissimum considerandum, qui cuique proprius est & naturalis.

§. VI.

Sed hæc de incessu; jam explicandum etiam; qualia propensionum humanarum signa inde petenda videantur. Duorum ea generum esse, jam observavit ex Aristotele SCIPIO CLARAMONTIUS. (g) Alia enim sunt *Ἀποδείκτικὰ*, id est certa & evidentiæ, quæ indubitatam producant *conjecturam*: alia probabilia, quæ verisimili tantum *presumptioni* locum faciunt. *Ἀποδείκτικὰ* sunt ex mente SCIPIONIS CLARAMONTII, quæ in syllogismum primæ figuræ possunt resolvi: at quæ secundæ tantum aut tertiæ figuræ ratiocinationem gignunt, probabilia illi dicuntur. Sed non opus est istis amagibus, si dicamus, tum demum certam nasci ex signis conjecturam, si illa sint propria, ita ut vel unica morum causa sint, vel certe effectus illius generis, qui non aliam, quam hos mores, causam agnoscat: Sin hæc conditiones defecerint, tum signa tantum esse communia, probabilia, & ad solam presumptionem producendam comparata. Sic si quis pro amico capitis periculum adire non dubitet, eum profecto signum *Ἀποδείκτικόν* veræ amicitiae edidisse dicam. Fieri enim non potest, ut hic effectus ex alia causa,

quam

(g) Aristot. *Analyt. I. libr. II. cap. paulatino*. Scipio Claramont. *Libro citato*

pag. 22.

quam Pyladea amicitia, proficiscatur. Aequum verbi gratia pallor timiditatis signum creditur, quis est tandem, quin videat, signum hoc esse tantummodo probabile? Quamvis enim timidi fere omnes palleant; non omnes tamen, qui pallent, timent, nec adeo signum hoc est timiditati proprium. His ergo positis, facile expedietur quaestio, sitne incessus ex eorum numero signorum, quæ certæ conjecturae fundamentum præbeant, an præsumtio tantum probabilis ex eo nascatur? Fatemur enim non inviti, signum hoc plerumque esse tantum probabile. Quamvis enim exempli causa incessus elatior fastum hominis certissimo indicio prodere videatur: contingere tamen potest, ut ejusmodi gressus ab alia quacunque causa, quam ex hoc naturali vicio, veluti a consuetudine, imitatione, incuria parentum, proficiscatur. Quin contingit nonnunquam, ut homines, ad fastum natura proclives, animum cum cura emendaverint, nec tamen incessum elatiorem, diuturna consuetudine firmatum, mutare possint. Unde perspicuum est, incessum fastuosum non esse signum fastus proprium & *σποδεντικόν*. Et sic etiam se res habet in aliis. Attamen quum rariores sint hi casus, quam ut semper attendendi videantur, hoc signum, cum aliis conjunctum, ad magnum ac summum fere probabilitatis gradum accedet, clarissimumque morum faciet indicium.

§. VII.

His præmissis, ad rem ipsam accingemur,

mur, demonstraturi argumentis evidentissimis, esse inter Incessum & hominum propensiones societatem, & connexionem arctissimam, ita ut de his ex illo omnino possit judicari. Quod ut rite exsequamur, auspicabimur ab ipsa incessus natura, eamque ita comparatam esse docebimus, ut non possit non morum facere indicium. Primo itaque apud omnes in confesso est, incessum ejusque varietatem a spirituum animalium, nervorum, musculorum, ipsiusque sanguinis & ossium natura & qualitate unice pendere. Præclare ac ingeniose eo opere, quod de motu animalium inscripsit, hoc demonstravit JOANNES ALPHONSUS BORELLUS, (h) cujus hypotheses perspicue exposuit, navisque experimentis doctissimi CRONII (i) illustravit JOANNES CLERICUS. (k) Omnis scilicet motus corporis fit per musculos, ossibus adhaerentes. Hi enim prout instantur, subeuntibus per nervos spiritibus animalibus, ossa ad se trahunt, aut prout in alterum musculum, quem a contraria functione antagonistam vocant, transeunt spiritus, remittuntur, & tracta

(h) Prodiit hoc opus cedro dignum Romæ 1680. 1681. (i) Exstant ejus observationes in *Actis philos. Angl.* anno 1681. n. 2. ex quibus ea repetuntur in *Actis Erud. Lips.* 1682. pag. 194. Conferatur etiam Dan. Tausvry. *Nouvelle anatomie raisonnée* ibidem 1691. p. 472. (k) Jo. Cleric. *Opp. Philos.* Tom. III. libr. IV. *Phys.* cap. X. p. 158. 159.

tracta prius ossa in pristinum situm restitunt. Porro muscoli tum demum inflantur, quum fibræ ejus, subeunte materia, tenduntur. Observatum enim est a viris doctissimis, singulas musculorum fibras constare veluti catena quadam vesicularum vel utriculorum, e quorum aliis in alios subtilissimi meatus pateant. Jam si ergo contingit, ut spiritus animales in vesiculas istas influant, non possunt non omnes vehementer inflari, eademque opera intendere musculum, ut veluti induretur, & non modo gravissima pondera sustineat, sed & os, cui tendine adnexus est, eam in partem adducat, in qua ipse inflatus est. Quæ quum ita sint, totum incessus negotium hoc ordine absolvi videtur. Mens, simul ac corpus moveri vult ab hoc loco in alium, ex cerebro per nervos dimittit spiritus animales. Hi per ramos, quaquaversum sparsos, influunt in musculos, huic motui destinatos, & mixti succis, jam in musculis restagnantibus, fibrarum vesiculas subeunt, quæ inflatæ & extensæ, ut paullo ante dictum, ipsos musculos simul intendunt, & per tendines os promovent, quod, simul ac motum suum absolvit, in contrariam partem per musculos antagonistas, eodem modo inflatos, movetur. Hæc omnia clara videntur ac perspicua, & quamvis non desint aliæ de motu musculorum hypotheses: (1) in eo tamen omnibus convenit, quod ad istum motum spiritus ani-

ma-

(1) Videantur Jo. Bernoullii *Meditat. ma-*

males, (aut quocumque eos nomine appellites,) per nervos dimissi, concurrant, nec muscoli sine eorum ope munere suo fungantur. Ex quibus omnibus consequitur, ut tantam incessus varietatem non aliunde, quam ex musculorum & nervorum diversa capacitate, succorumque & spirituum animalium virtute & vel copia vel penuria, derivandam esse dicamus.

§. VIII.

Deinde & hoc certum esse arbitror, quod spirituum animalium, atque adeo ipsorum nervorum pariter ac musculorum, virtus a sanguine pendeat. Ut enim jam non urgeamus, pæne omnes humani corporis partes nutrimenta a sanguine desumere: spirituum certe animalium generatio vix potest alio modo commode explicari, quam si ex sanguine eos secerni statuas. Nam sanguis, ex præstantissimorum philosophorum sententia, ubi in suo versus cerebrum adscensu paullatim vias arctiores, & potissimum glandulas illas, quibus substantia cerebri corticalis constare videtur, offendit, non potest non subtilissimas sui partes secernere, quæ ad cerebrum elevatæ, nervosas deinde fibras subeunt, & sive

—spi—

them. de motu musculorum in Act. Erud. Lips. 1694. p. 200. Jo. Godofr. Bergeri Physiol. med. lib. 1. cap. XXI. Franc. Bayle Instit. physic. Tom. 1. diff. VII. prop. 9. Guil. Kokburn. Oeconom. corporis pag. 99. seqq. Ge. Baglivii de Fibra motrice libro 1. cap. IV. p. 15.

spirituum animalium, sive succi nervosi, sive aliud quodcunque nomen sortiuntur. (m) Quæ si ponamus, consequens omnino erit, ut spirituum animalium vel minor vel uberior suppetat copia, prout sanguis vel subtilior & fluidior, vel particulis terrestribus & crassioribus foecundior est. Jam quum denique apud omnes in confesso sit, sanguinis naturam differre pro ratione temperamentorum, hæc autem, consentiente omnium judicio, maximum in producendis moribus momentum habeant: satis profecto adparet, cur incessum pro morum diversitate oporteat esse diversissimum. Ut enim eorum, quæ paullo prolixius hæctenus differuimus, faciamus compendium, incessus diversitas pendet a diversa virtute musculorum, musculorum virtus a nervis & spiritibus animalibus derivanda est. Hi varia pollent virtute & efficacia, prout sanguis vel subtilior est, vel crassior. Sanguinis porro qualitates varix sunt pro varietate temperamentorum; quæ denique cum moribus & propensionibus humanis maximam habent connexionem.

§. IX.

Sed & alterum argumentum, quo thesin nostram stabiliamus, ipsa nobis sufficit experientia. Quis enim ignorat, unius ejusdemque hominis incessum statim mutari, simul

(m) *Vide hic omnino, quæ ex Malpighio repetit Jo. Clericus libro citato IV. cap. VII. p. 100. seqq.*

simul ac mens vehementiore quodam adfectu perturbatur? Finge, hominem placidi admodum incessus iræ stimulis agitari: observabis profecto simul, gressus illius uno momento concitatiores ac confusiores adparere. Unde **SENECA**, (n) iratorum faciem & gestus describens: *Ut furentium*, inquit, *certa indicia sunt, audax & minax vultus, tristis frons, torva facies, citatus gradus, inquieta manus, color versus, crebra & vehementius acta suspiria: ita irascentium eadem signa sunt, flagrant & micant oculi, multus ore toto rubor, exastuante ab imis præcordiis sanguine, labia quatiuntur, dentes comprimuntur, horrent ac subriguntur capilli, spiritus coactus ac stridens, articulorum se ipsos torquentium sonus, gemitus mugitusque, & parum explanatis vocibus sermo præruptus, & complosa sæpius manus, & pulsata humus pedibus, & totum concitum corpus, magnasque minas agens. Nec aliter comparatum est, si alii adfectus animum in transversum agant. Tardius & molestius procedunt, quos vehementior angit tristitia: at tanto celerius, qui subito pavore concutiuntur; Unde **VIRGILIUS**, (o) rationem celerioris fugæ redditurus, ait:*

Pedibus simor addidit alas.

Idem in effusioe lætitiæ contingere animad-

ver-

(n) Seneca *Lib. I. de ira cap. I. p. I.*

(o) Virgilius *lib. IX. Æneid. v. 244.*

vertimus, quæ in hominibus etiam gravissimis nonnunquam efficit, ut exsultantes, & decori in incessu parum observantes, videantur. Nec dubium est, quin & ambitio, desperatio, audacia, pudor, alique adfectus paullo vehementiores incessu se prodant, quum & vulgus ex incessu de adfectibus judicet, & histriones nihil soleant agere diligentius, quam ut singulos adfectus etiam incessu & motu corporis exprimant. At vero quum inter adfectus & propensiones id tantum intersit discriminis, quod illi sint commotiones transeuntēs, hæ autem sive natura, sive educationis & consuetudinis vitio, menti perpetuo insint: non male nobis videtur colligere, mores quoque posse ex incessu deprehendi. Quin tanto facilius hoc signum in propensionibus, quam in adfectibus dignoscendis, procedit, quanto probabilius est, id, quod perpetuo inest homini, magis incessum in certam formam componere, quam quod non multo post transit.

§. X.

Addimus & tertium argumentum, quod nobis ex integrarum contemplatione gentium subnascitur. Harum enim haut paucas non moribus magis, quam incessu, differre, notum est ac provocatum. Celebrantur apud antiquos SYBARITÆ, gens in excogitandis voluptatibus ingeniosissima, simulque mira superbia ac fastu turgida. Horum incessus tam claro indicio superbiam prodidisse fertur, ut inde natum sit ada-

adagium: *Συβαρῶνται διὰ πλατείας*, (p) *Sybarita per plateas*, quod in illos, qui fastuosius per viam ingrediebantur, jactatum est. Sed nec hodie quidem curiosus deerit occasio de integrarum gentium moribus ex incessu judicandi. Neque enim quisquam erit tam hebes, quin viso Hispanorum ac Gallorum incessu, statim, mores eorum esse diversissimos, conjiciat. Hispanorum incessu nihil est tumidius, nihil elatius, adeo ut Hispano viso, aut præfecturam, aut ferula pomparum incedere, credas. Quare jam olim in HADRIANO Imperatore Hispanicæ originis principe, JULIANUS (q) notavit *σοβαρόν τι*, quem characterem, a CAROLO CONTOCLARO in versione Juliani omis- sum, PETRUS CUNÆUS (r) & EZECHIEL SPANHEMIUS (s) recte ad incessum insolentem & fastuosum retulerunt. Egregium certe testi- monium, non degenerasse a majorum moribus Hispanos, sed eundem retinere, qui jam olim in ipsis notabatur, incessum. Ex eo vero quid aliud colligas, quam elatio- rem animum, & ut eleganter BARCLAJUS (t) loquitur, *in cothurnos adsurgentem*, qualem jam olim veteres in ista gente mi- rati sunt? Contra in Gallorum motu nihil est

(p) Erasmi. *Adag. Chiliad. ll. Centur. ll. n.*

67. p. 411. (q) Julian. *in Caesaribus* p.

311. Opp. (r) Petr. Cun. *in Opp.* p. 488.

(s) Ezech. Spanhem. *in Versione Gall. hujus*

satyra p. 24. (t) Jo. Barclaj. *in Icone*

avim. cap. VII. pag. 127.

Hein. Opusc. Var. Pars I.

est adfectatum, nihil molestum, aut ad ostentationem compositum, sed venusta omnia, & cum quadam naturali elegantia conjuncta. Quæ itidem cum eorum moribus egregie conspirare, nemo non animadvertit. Accedant his Hungari, quorum nobilibus BARCLAYUS (u) tribuit *incessum, ad venustam majestatem compositum*. At quis ignorat, eisdem revera esse mentis erectioris & tam generosæ, ut ad magnificentiam facti videantur? Largiuntur hanc laudem Hungaris, quicunque cum illis versari sunt, nec ipse quidem BARCLAYUS hoc diffitetur, quem ego in describendis gentium moribus principem esse arbitror. Quum ergo integras gentes indolem suam ac mores incessu prodere videamus: quid prohibet, quæso, quo minus idem de singulis hominibus statuamus, quorum inclinationes, ceu philosophiæ moralis principiis constat, multo facilius, quam integrarum gentium, hujusmodi indiciis deteguntur?

§. XI.

Denique non parum ponderis habere existimo exempla eorum, qui hanc artem exercuerunt feliciter, & ex incessu non minus, quam ex aliis signis, latentes hominum inclinationes mira sagacitate indagaverunt. PYTHAGORAS, in cujus philosophiâ nescio quid sublime atque admirandum deprehendere mihi videor, non solebat quemquam ad disciplinam & convictum suum ad-

(u) Idem *cap. VIII. p. 119.*

admittere, nisi prius ex vultu totiusque corporis habitu & motu probam ejus indolem perspexisset. Testes hujus rei habemus A. GELLIVM (x) &, qui prolixius Pithagoræ res gestas persequutus est, JAMBlichuM, (y), qui, quibus signis in hoc ingeniorum scrutinio Pythagoras plurimum tribuerit, multis verbis enarrat. Observat enim, eum primum inquisivisse, quo animo, quoque affectu parentes & familiares prosequuti sint: deinde norasse eorum risus intempestivos, silentium, & sermonis abusum: tum quibus potissimum cupiditatibus indulgerent, quorum hominum consuetudine uterentur, quibus maxime rebus interdiu vacarent, quibus item gauderent dolerentque. Quibus præmissis, ita pergit JAMBlichus: Προδιδόκει δ' ἐν τῷ εἶδῳ, καὶ τῇ πορείᾳ, καὶ τῷ ὅλῳ τῷ σώματι κίνησις τοῖς δὲ τῆς φύσεως γνωρίσμασι φυσιογνωμῶν αὐτῆς σημεῖα τὰ σαφέστατα ἐπορεύτο τῷ ἀφανῶν ἡδῶν ἐν τῇ ψυχῇ. Inspiciebat & vultum, & incessum, & totius corporis motum, atque ex nativis faciei lineamentis ipsos ita noscitabat, ut manifesta indicia occultis animorum inclinationibus indagandis adhiberet. Repetit rem statim insequente pagina, ac denuo Pythagoram signa petiisse ait ἐκ τῆς μορφῆς τε καὶ βαδίσματος, καὶ τῆς ἀλλῆς κινήσεως τε καὶ καταστάσεως, ex forma, ingressu, & totius

cor-

(x) A. Gell. lib. I. No. I. Attic. cap. IX.

(y) Jamblich. in vita Pithagoræ cap. XVII. p. 58. edit. Kusteri.

corporis motu & habitu. Quin PORPHYRIUS, (z) qui pari cura Pythagoræ vitam composuit, non solum de eodem ejus instituto verbis luculentissimis testatur, sed & exemplis quibusdam, præfagia ista haut vana fuisse, docet. Narrat enim, Pythagoram, quum Astræum servulum a Mnecarcho dono accepisset, statim ejus indolem ex corporis habitu explorasse, &, quandoquidem ex motu & quiete, frugi esse illum, comperisset, protinus doctrinæ suæ fecisse participem. At Cylonem Crotoniatam, qui clarissimæ huic interesse disciplinæ peroptabat, eodem (a) teste PORPHYRIO, constanter rejecit, ὁποῖον ἔστι, σωματικὸν ἐκ τῶν συμπτῶν, ἃ διὰ τῶν σώματός ἐστιν, τῶν ποσειδώνων, eo, quod ex indiciis, quæ ex accidentibus corporis captabat, quali esset ingenio, satis perspexerit. Neque fefellit profecto Pythagoram augurium. Astræus enim talis erat revera, qualem futurum, herus judicaverat. (b) Cylon vero asperitatem morum, quam e corporis motu collegerat Pythagoras, satis prodidit turpissimo facinore, dum paulo post, repulsiæ contumeliam ulturus, Pythagoreos circiter XL. in Milonis ædibus congregatos, partim combussit, partim fugientes lapidibus obruit, solo

(z) Porphyrius *de Vita Pythagoræ* sect. XIII. p. 16. edit. Kust.

(a) Idem *l. c.* sect. LIV. p. 49.

(b) *Id.* Thom. Stanleii *Hist. Philos. Part. VIII. cap. XXI. p. 697.*

solo Archippo & Lyfide felici fato elapsis. (c)

§. XII.

Ne quis autem existimet, intra solos Pythagoricæ scholæ parietes artem hanc ingenia ex incessu explorandi delituisse: addi possunt exempla complura alia, non minus profecto admiranda. AUGUSTUS certe Imperator cum omnibus regnatricis prudentiæ artibus, tum maxime ingenia internoscendi sagacitate excelluit. At quo potissimum signo usus est? Hoc ipso, in quo jam versamur. Incessum scilicet curiose spectabat, ex eoque de hominum propensionibus callidissime judicabat. Cujus rei grande experimentum dedit in ipso, quem adoptaverat, Tiberio. De hujus enim moribus, SVETONIO teste, (d) male ominabatur ideo, quod, eum *cervice rigida & obstipa, adductoque fero vultu incedere*, animadverteret. Quam verus autem vates fuerit, eventus docuit, quo comprobatum est, revera Tiberio arrogantiam illam & vecordiam insuisse, quam in incessu ejus Augustus paterprehenderat. Nescio, an huc etiam referenda videatur Chrysis apud PETRONIUM, (e) quæ de *ἄσوخία* sua in dignoscendis moribus magnifice gloriatur, dum viso juvene

(c) Porphir. l. c. Jamblich. cap. XXXV.

Diog. Laert. lib. VIII. segm. 39. p. 520.

edit. Menag. Stanlei. l. c. cap. XIX. p. 688.

(d) Sveton. in Tiber. cap. LXVII.

(e) Petron. in Satyr. p. 53. edit. P. Lotichii.

vene libidinoso: *Vides me?* inquit, nec auguria novi, nec mathematicorum calum curare soleo, ex vultibus tamen hominum mores colligo, & quum spaiantem vidi, quid cogites, scio. Quo enim incessus arte compositus, & ne vestigia quidem pedum extra mensuram aberrantia, nisi quod formam prosternis, ut vendas? Si vera narravit PETRONIUS, elegantiarum pariter ac nequitiarum arbiter, ac non potius ingenio indulgit, exemplum nobis dedit ancillæ, in hac arte excellentissimæ. Sed si maxime per fictionem hæc excogitata dixeris: oportet tamen PETRONII ætate hanc physiognomiæ partem etiam vulgo fuisse cognitam, alias τὸ κοινόν, ad quod in fictionibus vel maxime respiciendum est, omnium minime observasset. Sed ad majoris momenti exempla pergo, in quibus facile eminet illud GREGORII NAZIANZENI, viri in ecclesia celeberrimi, & non sacrarum solum, sed & humanarum litterarum, callentissimi. Hic quantum in hac arte valuerit, vel ex eo adparet, quod adhuc juvenis de Juliano Cæsare, æquali & condiscipulo suo, qualis esset futurus, cecinit ut vates. Ipse enim refert, (f) se de eo male ominatum, quum una Athenis vixissent, ejusque scelera jam tum se multis amicis prædixisse, qui hujus rei procul dubio nondum dememinerint. Si quæras, quibus ille signis conjecturam superstruxerit,

(f) Gregor. Nazianz. Orat. IV. in Julianum
Tom. I. operum p. 122.

rit, ipse respondet: ἰδὼν δὲ ἰδόμενοι
σημείον τῷ Χριστῷ αὐχλὺ ἀπαγῆς, ἔμοι παλλό-
μοι καὶ ἀσσηκῶμοι, ὀφθαλμοὶ σοβῶμεν καὶ
φεισερόμεν, καὶ μανικὸν βλέπων, πόδες ἀσ-
τῦντες καὶ μετοκλάζοντες. κ. τ. λ. Neque enim
mibi boni quidquam significare videbantur cer-
vix minime firma, humeri, quos subinde agi-
tabat, & attollebat, oculus vagus & ober-
rans, ac furiosum quiddam intuens, pedes in-
stabiles & titubantes, &c. Idem refert, qui
vitam GREGORII NAZIANZENI conscripsit, al-
ter GREGORIUS Presbyter, (g) cujus ver-
ba, quum elegantiora sint, quam ut hic
prætermittenda videantur, semel, id est
Latine tantum, adscribam: Gregorius, in-
quit, Athenis adhuc agens, cum Juliano ad-
modum adolescente, nec dum ad imperium eve-
cto, sed ludimagistris operam dante, congres-
sus, qualis futurus esset, amicis tanto ante
significavit, subdolum videlicet & impium, &
ad omne scelus proclivem eum fore, prædi-
cens, conjecturam hujus rei faciens ex pertur-
batis oris lineamentis & risu petulanti & fe-
rino adspectu & toto corpore vago temereque
subsultante, & progressibus vocordia plenis &c.
Hæc ille perspicuens, omnibus prædicebat,
fore, ut in gravissimum scelus tandem erum-
peret latitans adhuc Juliani ingenium, at-
que in apertum aliquando prodiret. Esto,
patres nonnunquam in Julianum fuisse pau-
lo

(g) Gregor. Presbyter in Vita Gregor. Na-
zianz. ante hujus opera p. 12. Conf. So-
crat. libr. III. H. E. cap. XXIII. p. 198.

Io acerbiores : hanc tamen GREGORII NAZIANZENI narrationem quo minus rejiciamus, prohibet tot testium, ad quam ipse provocavit, conscientia, a quibus facile potuisset turpis mendacii argui, nisi vera ipsisque notissima scripsisset. Quid? quod & AMMIANI MARCELLINI (h) exstet locus, ex quo, Juliano non factam fuisse injuriam, satis adparet. Gravissimus enim iste historicus, Juliani formam & habitum corporis descripturus: *Figura, inquit, talis utique erat membrorum, mediocris erat statura, capillis, tanquam pexisset, mollibus, hirsuta barba in acutum desinente vestitus, vanitate oculorum micantium flagrans, quæ mentis ejus angustias indicabant, superciliis decoris, & naso rectissimo, ore paulo majore, labro inferiore diviso, opima & incurva cervice, humeris vastis & latis, ab ipso capite usque ad unguium summitates lineamentorum recta compage.* En hic ὠχρία ἀπαλὴ, ἄμυς παλλομένης, ὀρθαλμὸν σοβόρην, id est, eosdem, quos GREGORIUS NAZIANZENUS in Juliano notaverat, characteres, dum, ne quid dubites de GREGORII præfatio, ipse AMMIANUS fatetur, ex oculis micantibus *mentis angustias*, id est, ut ipse interpretatur, levius ingenium eluxisse. Unde patet non esse nobis rationes, quibus adducti GREGORII fidem hac quidem in re in dubium

(h) Ammian. Marcellin. *libr. XXV. c. XVI.*
p. 602. edit. Jan. Grut.

bium vocemus. Quodsi itaque vere a Græcis dictum est: (i)

Bene qui conjiciet, vatem hunc perhibero optimum;

perfecto & divinum oportet fuisse GREGORIUM, qui tam mature, quid Julianus minetur, prædixit, & artem minus fallacem sequutus tam feliciter divinavit. Sed addam GREGORIO alterum ejusdem dignitatis ac instituti virum, AMBROSIVM, Mediolanensem Episcopum, qui simile quid de se ipso in eleganti, quod de officiis inscripsit, opusculo refert. (k) Ait enim, sibi fuisse amicum, qui omni officiorum genere se prosequutus esset: at, quum peroptasset sacro ordini adscribi, nunquam eum, hoc impetrare a se potuisse; nec alia de causa tulisse repulsam, quam quod incessu parum gravi ac composito uteretur. Alterum autem, quem jam ante ei ordini adscriptum invenerit, non quidem a se potuisse exauctorari, at non passum tamen se unquam esse, ut sibi in solemnioribus sacris præiret: Eluxisse enim ex utriusque incessu, *nescio quam imaginem levitatis, & speciem scurrarum præcurfantium*, ex qua non potuerit non male de iis ominari. Ne vero, falsum esse hac suspitione sua AMBROSIVM, existimemus: statim addit, tristem eventum huic præfatio plus, quam voluerit, respond-

(i) Cicero lib. II. de Divinat. cap. IV. p. 196.
Tom. IV. opp. edit. Guilielm.

(k) Ambros. lib. I. de Officiis cap. XVIII.

pondisse, quum uterque ad hæreticos turpiter delapsus, desultoria levitate ab ecclesia recesserit. Et hoc quidem experimento edoctus AMBROSIVS tantum tribuit incessui, ut scribere non dubitet: (1) *Habitus mentis in corporis statu cernitur: hinc homo cordis nostri absconditus aut levior, aut iactantior, aut surbidior, aut contra gravior & compantior, aut purior & maturior affirmatur. Inque vox quadam est animi corporis motus.* Grave profecto & dignum AMBROSIO iudicium, cui & nos, tot convicti argumentis, merito suffragamur.

§. XIII.

Hactenus argumento non uno, indolem hominis ex incessu elucere, demonstravimus: proximum est, ut sententiam eorum, qui in alia omnia eunt, expendamus. Non defuerunt enim, qui totam physiognomiam, atque adeo hoc etiam signum, artibus vanis ac futilibus esse adnumerandum contenderent. Jam ex antiquis huic sententiæ favit MAXIMUS TYRIUS, (m) qui, ubi obiter meminit Zopyri, physiognomonis, de SOCRATIS indole ex signis naturalibus judicantis, non obscure, totam physiognomiam sibi rem vanam atque anilem videri, docuit. In quo sane ab ipso SOCRATE longissime discedit, quippe qui, audito Zopyri de se iudicio, adeo non artem ejus omnem adspersatus est, ut potius
vera

(1) Ambros. l. c. (m) Maxim. Tyr. Diss. XV. p. 148. edit. Dan. Heinsii.

vêra esse, quæ Zopyrus de se coniecisset, ingenue fassus sit. (n) Nihilominus elegantem istum philosophum sequutus est JOANNES FRANC. PICUS MIRANDULANUS, (o) qui eum omnes artes divinatrices non sine sale exagitat, tum physiognomiam quoque non minus, quam astrologiam apotelesmaticam, chiromantiam, aut quancunque hujus generis aliam, vanam ac fallacem esse arbitratur. Quod si verum est atque æquum judicium: male profecto nobis perierunt horæ, quas in conscribenda hæc dissertatione collocavimus, quum incessum ad signa *quævis* pertinere, ultro fateamur. Quamobrem e re erit, eorum dicta expendere paullo accuratius, &, quid illis ponderis insit, paucis considerare.

§. XIV.

Equidem si recte calculum posueris, unicum invenies utriusque argumentum, unicum telum, quod physiognomonibus minantur. Ponunt enim, nihil inter mentem & corpus intercedere commercii. Ex quo deinde ulterius colligunt, male ratiocinari physiognomones, qui ex corporis forma & motu de animi propensionibus judicent. Satis clare hoc *quævis* prodidit MAXIMUS TYRUS, in laudata paullo ante dissertatione. Expofita enim nota illa de Zopy-

(n) Ciccr. *de fato* cap. V. p. 313. Euseb. *lib. VI. præp. Evang. cap. IX.*

(o) Jo. Franc. Pic. Mirand. *lib. VI. de rerum præst. p. 602. Tom. II. Operum.*

ro historia, statim hæc subnectit: *Μαρτείας ἀσαφὴς. Τίς γὰρ ἀντιζῆτα, πρὸς ἀμύβλητα τῆς φύξεως καὶ σώματος; Incerta profecta divinatione.* Quid enim cum anima commune habes corpus? Eadem est Comitæ Mirandulani hypothesis, qui proinde physiognomones accusat, quod, posthabitis rectæ ratiocinationis legibus, a specie ad genus, & a genere ad certam quamdam speciem, affirmativum ducant argumentum. En ejus verba: *Non secus, inquit, abebras, qui de corporis complexione ad mores ratiocinetur, quanto qui a corpore ad animal, ab animali ad hominem recte se argumentari putaret.* Piaculum hoc in arte dialectica ponitur maximum, si in affirmationibus a superiori, ut ajunt, ad inferius adfirmando adscendunt, verbi causa, hoc est corpus, ergo hoc est animal, igitur homo. Quid his verbis sibi velit Mirandulanus, non obscurum est. A corporis scilicet habitu ad hominis propensionem nullam esse consequentiam arbitratur, ideo, quod mentis cum corpore nullum sit commercium. Sed non ferunt nostræ rationes, ut viro doctissimo hac quidem in re adsentiamur. Experientia enim docet, artificissimum esse foedus inter corpus & mentem, & societatem tam amicam, ut certos motus corporis certi motus mentis & vice versa hos illi semper consequantur. Corpore bene adfecto, mens incredibilem voluptatis sensum capit. Eodem morbis languente, vel ebrietate obruto, mens quoque languet & obruitur, nec ulla officii sui parte rite defungitur. Vicissim mente

la

latabunda, corpus una adfcitur, explicatur frons, omnesque corporis partes veluti revivifcere & gestire videntur. At fi eadem, metu, triftitia, desperatione alioque moleftiore adfectu turbetur, corpus quoque in doloris iftius societatem rapitur, adeo ut iftius animi mœrorem nonnunquam tabes in corpore, canities capillorum, aut ipfa mors confequatur. Notum eft curiofum SANCTORII, Medici Patavini, experimentum, quo unum eundemque hominem pro varia mentis difpofitione modo graviorem, modo leviozem, deprehendit, graviorem puta & ponderofiore, quoties vehementiore triftitia angeretur, at leviozem viciffim, fi quando frons exporrecta latitiam quandam ac hilaritatem præ fe ferret. Cujus rei profecto non alia fuppetit ratio, quam mutuum corporis & animi commercium, quo fit, ut mente triftitia vacua, corpus felicius perfpiret, eadem autem mœrore turbata, transpiratio fit impeditior. Omitto hujus generis alia, quum integer GALENI (p) libellus, hoc de fœedere confcriptus, & tota de temperamentis doctrina rem extra omnem dubitationis aleam collocare videantur. Quare nemo non videt, injuriam fieri phyfiognomoni- bus a MIRANDULANO, tam ridicula argumen- tandi ratione illis tributa. Tantum enim ab-

(p) Videatur Galeni Opusculum quod mor-
tes animi temperamentum corporis fequuntur,
Tom. V. Opp. p. 444. edit. Parisienf.

abest, ut a specie ad genus, aut ab hoc ad certam speciem inepte ratiocinentur, ut potius argumentatio eorum procedat ab effectu ad causam, ceu initio hujus capituli demonstratum est.

§. XV.

Hæc vero de incessu generatim dixisse sufficiant. Quum enim, considerata ejus natura, illum omnino esse animi indicem, argumentis ac exemplis luculentissimis demonstratum, prætereaque MAXIMI TYRII & JO. FRANC. PIET Mirandulani objectionibus pro virili satisfactum sit: reliquum est, ut ad ipsas artis regulas proferendas, atque exemplis illustrandas, progrediamur.

C A P U T II.

De Variis Incedendi Formis, & signis
Propensionum Humanarum inde
capiendis.*Summa.*

- I. Hominum, si ad mores respicias, quatuor potissimum genera sunt. II. Quadripartita ista hominum distributio a quatuor temperamentis pendet. III. Temperamenta unde nascantur; & quam connexionem habeant cum moribus. IV. Eorum mixtura & propensiones inde emergentes. V. VI. Canones generales de incessu singulis temperamentis conveniente. VII. Quid præter has regulas sunt.

*fundamentales in dijudicatione morum ob-
servandum sicut VII. Incessu maximo se pro-
dit ambitio, quatuorplex sicut IX. Canon 1.
de Incessu STOLIDE AMBITIOSORUM & PEDAN-
TARUM. X. Canon 2. de Incessu THRASO-
RUM. XI. Canon 3. de Incessu PRUDENTIÆ
& FORITUDINIS gloriam adfallacium. XII.
Canon 4. de Incessu hominum ambitio-
no PHARISAICA surgidorum. XI. Canon. 5.
de Incessu LASCIVORUM. XIV. Canon. 6. de
Incessu VOLUPTATI AMICE deditorum. XV.
Canon. 7. de Incessu AVARORUM & SORDIDO-
RUM. XVI. Canon 8. de Incessu hominum VE-
CORDIUM. Canon 9. de Incessu SIMULATO-
RUM & CRUDELIVM. Canon 10. de Incessu
PERIDORUM & INQUIETORUM. XVII. Qua-
lis Incessus hominum VIRTUTE vera pradio-
rum. XVIII. Conclusio capitis.*

§. I.

DEfuncti jam tandem tractatione gene-
rali, ad specialem nos accingimus,
in qua ita versabimur, ut, jactis solidiori-
bus fundamentis, eas, quæ certiores nobis
videntur, regulas subijciamus, easdemque,
petitis, ex historia & antiquitate exemplis
ac testimoniis, hinc inde illustremus. Ac
primo quidem, ut hinc potissimum ordia-
mur, omnes, qui in hac rerum universita-
te vivunt, mortales, si mores, ac inclina-
tiones eorum spectes, quatuor potissimum
generum esse, ipsa demonstrat experientia.
In vulgus notum est, alios esse alacriores,
ipsoque gestu & adspectu hilares, futuræ
seu-

securos, & commoditatum hujus vitæ amantissimos: alios paulo ferociore, sui item plenos, moræ quidem & otii impatientes, sed tamen gravitatis studiosissimos, ad audaciam denique & iracundiam natura proclives: alios porro meticulosos, suspicaces, tristiores, & cum sollicitudine quadam rerum suarum fatigantes. Postremo alios ignavos, tardos, somnolentos, abjectos, & non modo laborum, sed & voluptatum, ob naturale quoddam tædium, vix patientes, tales denique, qualem se esse proficitur ille apud TERENTIUM Menedemus: (q)

*In me quidvis harum rerum convenit,
Qua sunt dicta in stultum: candex, stipes
v. asinus, plumbeus.*

Hanc inquam quadripartitam hominum distributionem unusquisque, ad res humanas paulo attentior, facili negotio deprehendet. Quamvis enim una harum propensionum non apud omnes in excellentiore aliquo gradu reperiatur: id tamen certum est, singulos homines ad aliquam istarum speciem magis, quam ad reliquas, esse proclives. Quo factum est, ut jam inde ab antiquissimis temporibus philosophi quadruplex hoc hominum discrimen observaverint, nullaque parte fuerit secta philosopho-

(q) Terent. Heautont. Act. V. Scen. 1. v. 3.
sequ.

phorum, in qua non quædam saltem occurrant doctrinæ istius vestigia. (r)

§. II.

Jam si porro disquiramus, quænam causa sit istius propensionum differentiarum: non temere semper assensum sumus iis, qui totidem agnoscunt humani corporis temperamenta, iisque propensiones ad certas quasdam species terminari docent. Quamvis enim adeo abhorreamus ab eorum sententia, qui per solam corporis constitutionem vitiorum labem in animum derivari existimant, (s) ut potius proclivitatem quamdam ad peccatum summamque corruptionem humanæ menti natura inesse, certissime nobis persuadeamus: ad innatum tamen istud mortalibus malum partim corroborandum, partim modificandum, determinandumque, quadruplicem istam corporis constitutionem plurimum conferre, merito

(r) Vide Jo. Franc. Buddei *Dissert. de temperamentis*, ubi historia hujus doctrinæ secundum omnes philosophorum sectas describitur. (s) Fuit hac plurimorum philosophorum sententia. ipsos Judæos ab hoc errore non esse immunes, docet Campeg. Vitringa in *Obs. Sacris* libr. III. cap. VIII. & IX. de Platoniciis videatur Marcilii Ficini *Commentarius super Platonis conviv. orat.* IV. cap. IV. De Stoicis I. Lips. *Physiolog. Stoic. lib. I. Diss. XIV. XV.* Jo. Franc. Budd. *Dissert. III. de præcipuis Stoicorum erroribus.* §. IV.

rigo arbitramur. Id quod vel ex eo liqui-
do constat, quod plerumque corpus, pau-
lo lautius nutritum, mentem magis ad
voluptatem percellit, quam quod coena
Cynica contentum esse cogitur. Inde ve-
ro ita colligimus: Quod si corporis, ali-
quamdiu uberius pasti, ea vis est, ut ad
certam quamdam propensionem animum
inclinat: quanto magis oportet mentem
ad eandem propensionem incitari, si cui
corpus saginatum & succi plenum natu-
ra contigerit? Et quum porro parium ea-
dem sit ratio, quis tandem dubitet, quin
mens reliquis etiam humani corporis tem-
peraturis ad certas propensiones determi-
netur? Atque eatenus verum existimamus,
quod inculcat PLUTARCHUS, (1) corporis
temperamenta appetitui certos & ascendere
& alere.

§. III.

Sed ut consideremus tandem, quibus
fundamentis tota hæc de temperamentis
doctrina innitatur: missa merito facimus,
quæ ab ARISTOTELE, GALENO, eorumque se-
ctatoribus hac de re fusius disputantur, (u) &
rem ipsam potius sine ambagibus adgredi-
mur. Observatum nimirum est a viris eru-
ditione claris, temperamentorum differen-
tiam

(1) Plutarch. *Quest. Natur.* Tom. II. Opp.
p. 928. (u) *Vid. laudari Jo. Eranc. Bud-
dei Differs. de Temperamentis n. XXIX.
segg. p. 30. sequ. Scipion. Claramont.
lib. 2. cap. VI.*

tiam tum a sanguinis & succorum in eò natura & motu, tum a vasorum totiusque corporis constitutione, esse derivandam. Nam ad sanguinem quod attinet, constat, illum e variis particulis esse compositum. Est in eo seïum, sunt deinde particule crassiores & terrestres, sunt oleaginosæ & inflammabiles, & aliæ denique salinæ, (x) exque omnes tam diversa ratione ac proportionē inter se mixtæ, ut alii homines his, alii aliis particulis copiosioribus præditi sint. Vasa deinde si consideres, ista vel ampliora, vel contractiora deprehendes, quibus & mediocria, si visum fuerit, addi possunt. Tandem, si etiam corpus contemplemur, aliis porosum & transpirationi magis aptum, aliis strictius textum, natura contigisse, ipsa quemvis docet experientia. His ergo observatis, non difficile erit, de singulis temperamentis paullo accuratius, quam vulgo fieri solet, judicare. Sanguineis proinde sanguis est salinis abundans particulis, & ob earum puritatem nativumque calorem perquam fluidus, aut potius, quum nullis impedimentis intercipiatur, rapidissimus: vasa præterea exiliora quidem, sed patentia tamen, & facile pervia: totum denique corpus porosum, & admittendis humorum meatibus aptissimum. Ex quibus consequitur, ut illis motus sanguinis sit liber & expeditus, impulsus mediocris & suff-

(x) Vid. Rob. Boyle in *Adparatu ad historiam sanguinis*.

sufficiens, & mens ipsa tam præclaro instructa domicilio, ruinamque ejus non facile metuens, secura semper hilaritati indulgeat. Atque inde patet ratio, qui fiat, ut hujus temperaturæ homines ad voluptates sint natura proclives, ut in rebus secundis spem facile concipiant, in adversis & difficilibus angantur & trepident, ut curiosa magis, quam utilia, consecretentur, ut denique commoditatum & otii amantes genio indulgeant, & tædiosi non minus otii, quam laboris molestioris sint impatientissimi. Omnes enim hi mores proficiscuntur ex mente secura & hilari, quæ facilem & æqualem in corpore motum animadvertens, omnia sibi secura, prona ac facilia fingit, & nunquam fere male ominatur. In biliosis contra aliter res comparata est. Sanguine enim hi gaudent, particulis oleaginosi & inflammabilibus reposito, atque hinc tenui, & volatili magis, quam fluido. Denique vasa iis sunt capaciora, quam sanguineis, licet corporis textura his, quam illis, sit strictior. Quum itaque humorum motus satis recte procedat, & meatuum qualemcumque angustiam sanguinis tenuitas, & vegetior, qui in cholerici observatur, impulsus facile superet: consequens est, ut mens, ejusmodi inhabitans domicilium, sibi placeat, seipsam veluti admiretur, & nulla re minus, quam metu, angatur. Quapropter minime mirandum, quod biliosi sint severi & honoris cupidi; quod superatis omnibus difficultatibus & periculis contra fortunam spei

infi-

insistant; quod quietis impatientes pro vivida indole semper aliquid moliantur, & in ipso labore quærant requiem; quod denique omnem sui contentum vindicent, rebusque adversis ad iracundiam magis, quam desperationem, percellantur. Non alii enim niore possunt ab animo, qualem cholericis esse videmus, id est, audace & sui admiratione pleno, exspectari. Alia porro illorum est ratio, in quibus atra bilis abundat, & quos ideo melancholicorum nomine venire scimus. Totus horum sanguis particulis terrestribus refertus, atque hinc, quod consequi necesse est, crassior & spissior est, id quod tanto illis accidit molestius, quanto angustiores in strictiore corporis textura sunt meatus, quos sanguinem, spissitudine suam jam sic satis impeditum, subire oportet. Hinc nihil profecto esset ejusmodi hominibus miserius, nisi natura consultrix utilitatumque provida, tam impeditum sanguinis motum, non quidem præcipiti, (ex quo obstipatio metuenda esset,) sed forti tamen validoque impulsu, adjuvisset. Ita enim fit, ut spissus humor, in arctiores vias mediocri quodam impetu impulsus iter facilius absolvat, quam ejus crassities concedere videbatur. Verumtamen quum hæc constitutio corporis ita sit comparata, ut sanguis etiam sic satis difficulter procedat: mentem tam quasso corpori inhabitantem semper oportet esse tristiore, suspicacem, meticolosam, suisque rebus maxime diffidentem. Atque hinc omnes melancholicorum

cha-

characteres facili negotio explicantur, in
 promptuque causa est, cur raro explicent
 frontem, cur nec presentibus fidant, nec
 futuri securi sint, cur habendi cupiditate
 angantur perpetuo, & quanto plura pos-
 sident, tanto plura semper concupiscant,
 cur porro, quoties alios successibus felici-
 bus frui intelligunt, invidia æstuent: cur
 denique magna sedulitate & cura rerum
 suarum satagant, & a fortuna in calami-
 tates conjecti, despondeant animum, & a
 spe omni deturbentur? Vix enim aliter ad-
 fecta esse potest mens, ob ruinosi corporis
 commercium perpetue formidini atque an-
 xietati adfucta. Reliquum est, ut de quar-
 to etiam temperamento nonnulla addamus,
 quod phlegmaticum vocari solet. Abundat
 in ejusmodi hominibus sanguis particulis
 ferosis, quæ totam illius massam dilutio-
 rem reddunt, & satis fluidam. Sed & va-
 sorum capacitas totiusque corporis textura
 laxior est, & non parum porosa: at im-
 pulsus tanto debilior & vitiosior. Quo fit,
 ut quum motus sanguinis facilis quidem
 sit, sed ob debilem impulsum non admo-
 dum celer, mens, tali corpore circumda-
 ta, nec metuat vehementer, nec anxie spe-
 ret, sed mira *adiaporesi* in rebus omnibus
 versetur, nulloque vel voluptatis, vel do-
 loris, sensu tangatur. Et hinc facile pa-
 tet, phlegmaticorum indolem neque vir-
 tutis, neque magnorum scelerum esse ca-
 pacem, quamvis ob patientiam atque ab-
 stinentiam virtutis quamdam speciem præ-
 se ferre videantur. Quin constat simul,

tem-

temperamentum phlegmaticum non tam ad mores certos mentem impellere, quam ignavia ac torpore reliquas inclinationes omnes impedire.

§. IV.

Hæc sunt, quæ de temperamentis præmittenda duximus. Jam & hoc adjicimus, quod dudum ab aliis observatum est, neminem mortalium unico eoque solo temperamento gaudere, sed in singulis omnia hætenus enumerata, licet mira mixturæ & graduum diversitate, reperiri. Quum enim fieri non possit, ut ullius hominis sanguis solis particulis terrestribus, aut salinis, aut mero phlegmate constet, sed omnes sanguinem habeant, ex quadruplici ista materia, diversa ratione ac proportionem compositum: consequens est, ut ipsorum etiam temperamentorum multiplex in hominibus sit mixtura, ita ut unum quidem plerumque dominetur, sed reliqua tamen etiam vel majore vel minore gradu adsint, & primarium illud vel moderetur, vel data occasione, quo minus se possit exserere, impedian. Quandoquidem vero mixtura ista tam est varia, ut pæne infinitæ hominum species inde nascantur, idemque hic pæne contingit, quod solet in coloribus, diversa ratione mixtis: (y) danda omnino videtur opera, ut multiplices istæ hominum temperaturæ ad summa quædam genera

(y) Christ. Thomas. viri celeberrimi *Præx. Ethic. cap. XII. n. 1. 2. p. 308. sequ.*

nera revocentur. Consideratis itaque rebus omnibus, quæ huc facere videntur, rationibusque subductis, hanc feci summam cogitationum mearum, sex potissimum esse temperamentorum mixturas primarias, ad quas reliquæ omnes commode referantur. Primo enim si temperamento cholerico primum, sanguineo proximum, ac postremum denique locum melancholico concedas, habebis homines amabiles & gratiosos, miraque virtutis specie fallentes, siquidem omnium præce temperamentorum vitia ad quandam moderationem adducuntur, adeo, ut nullum præce excedere, aut incurrere in hominum oculos videatur. Taciturni erunt ejusmodi homines, sed non inepte: dissimulatores, sed cum quadam calliditate: humani, sed non omnibus promiscue obvi: laborum patientes, existimationis & decori sine adfectione observantes, graves, & in tempore magnifici, nec tamen profusi. Sin deinde eidem cholerico primum, melancholico secundum, ac sanguineo tertium locum concedas: homines reperies, qui non tam amore, quam reverentia quadam, digni videntur. Erunt enim circumspecti & alacres, sed simul suspicaces, simulatores ad admirationem usque maximi: adfabiles, sed cum maxima cautione: magnifici, si existimatio in eo vertitur, ceteroquin pecuniarum tanto parciores: in secunda fortuna ambitiosi, in adversa cum quadam magnanimitate comes & demissiores: nec injuriarum patientes, nec vindictæ cupiditate cum furore flagrant-

tes

tes, & sic ad rancorem potius, quam ad
excandescentiam, proclives: porro conti-
nentes & frugales, nec tamen *μυρογνώστοι*
aut sordidi, laborum sine anxia cura ac
solicitudine patientes, denique sui spe com-
modi erga alios officiosi. Tertio si tempe-
ramenta eo ordine disposita sint, ut prin-
cipem locum sanguineum, proximum cho-
lericum, ac melancholicum denique postre-
mum teneat: novum inde nascitur genus
hominum apertorum & minus simulantium,
nec tamen omnia sine iudicio effutientium,
pronorum item ad largitionem, nec tamen
prodigorum: porro humanorum, & sine
existimationis suæ periculo submissorum:
nec audacium admodum, nec meticuloso-
rum, sed spes suas ambitione donantium:
contemptorum injuriarum, ac omnium vo-
luptatum cum quadam cura *ἡρώδης* cupi-
dissimorum: humanorum denique, hilarium,
& ut paucis dicam, in omni vitæ genere
elegantissimorum. Quarto si sanguineum
temperamentum regnet, melancholico pro-
ximum, ac cholericum postremum tenente
locum, homines inde nascentur prope ri-
diculi. Habebis loquaculos & incautos nu-
gatores: profusos in omnes, easque turpif-
simas vilissimasque libidines, & tamen si-
mul ad rem attentissimos; in serenioris for-
tuna ostentatores grandiloquos & pæne in-
tolerabiles, in adversa timidos ac pusilla-
nimes: elegantiae sine iudicio amantes, &
hinc simul in omni vitæ genere spurcos &
sordidos: laborum utilium incapaces, ar-
deliones denique, obscænos, ad excande-

scientiam potius, quam ultionem, proclives, & hoc quidem tanto minus, quanto profundius temperamentum cholericum subfidit. Quinto si ponas homines, in quibus a temperamento melancholico cholericum, & ab hoc sanguineum superatur: esse illos intelliges simulatores, sed simul comes, parcos, si sibi vivunt, sin veluti foras prominent, lautos & pecuniarum contemptores, porro assentatores, iracundos, insidiosos, voluptatum parum studiosos, at tanto laborum amantiore, denique parum officiosos nisi quum commodum maximum leviori jactura redimunt. Postremo, si temperamentum melancholicum primum, sanguineum secundum, cholericum tertium locum obtineat, homines videbis ejusdem fere generis, quales paullo ante quarto loco descripsimus, si id modo observes, quod minus loquaces, at tanto mendaciores, minus jactantes, at tanto timidiore, minus lascivi, at tanto parciores, minus elegantiz amantes, at tanto munditiei studiosiores, minus obscœni, at tanto ineptiores, minus denique otio dediti, at tanto tardiores sint, quam illi, de quibus supra diximus. Hæ sunt præcipuæ temperamentorum & efflorescentium inde propensionum mixturæ. Phlegmatici enim vel ideo nullam rationem habuimus, quod non tam singularem propensionem, quam torporem quandam, inducit, & reliquas propensiones veluti exstinguit. Soli sanguineo si misceatur phlegma paullo copiosius, id veluti singulare habere videtur, quod proclivitatem in

voluptates non tam exstinguat, quam augeat, adeo ut ejusmodi homines impurissimis flagrent libidinibus, & veluti omnem exuisse pudorem videantur, ceu Caligula, Elagabali, Wenceslai, Imperatorum aliorumque exemplis constat, quorum indoli hanc temperamentorum mixturam esse convenientissimam, arbitramur,

§. V.

His ergo de temperamentis, eorumque mixtura præmissis, ad incessum redeundum, & quænam ejus ex temperamentis sequantur differentia, exponendum erit paullo accuratius. Quum enim hætenus, sanguinis motum in aliis temperamentis tardiorrem & difficiliorrem, in aliis esse expeditiorrem, observatum sit: non potest non ob rationes superiore capite explicatas, ipse etiam incessus pro temperamentorum ratione vel concitator esse, vel tardior & molestior. Quoniam itaque cholericis motu sanguinis vegeto potius, quam præcipiti, gaudent, incessum quoque eorum oportet esse tardiorrem, & ad gravitatem compositum. Sanguineorum motus quum facilis sit, & nullatenus molestus, incessum quoque eorum mollem, agilem, liberum, & minus, quam cholicorum, gravem esse debere, constat. Melancholicorum contra motum molestum esse & difficilem, observavimus: quid mirum, si & incessus eorum sit molestior, difficilior, omnisque elegantia expertus, ob vehementem tamen impulsus non adeo lentus? Phlegmaticos denique repere potius, quam progredi, & summa cum difficultate incedere oportere.

tere, ex rationibus ante dictis, rotaque eorum temperatura evidenter elucet. Quæ omnia clara sunt, ut arbitror, & perspicua, & non modo ipsa experientia egregie confirmantur, sed & facillime cum aliorum, qui de incessu commentati sunt, hypothesebus possunt conciliari. Ut enim rem uno atque altero exemplo ostendam: notissima est physiognomonum regula: (2) Qui brevis & tardi gressus sunt, non perfectivi & segnitie molesti sunt. Recte. Indicium enim hoc est temperamenti phlegmatici, ad segnitiam & torporem inducendum natura comparati. Iidem jactant canonem: Cujus passus sunt luri & tardi, prosperabuntur in omnibus factis suis. Nec id quidem male. Est enim hoc signum temperamenti cholericæ, res maxime molientibus aptissimi. Porro & hoc eorundem est scitum: Qui brevis & celeris est ingressus, molestus est, & non perfectivus. Recte & hoc. Habes enim characterem melancholicorum, qui, quum semper moveant, promoveant nihil, laboriosi magis, quam in elaborando felices. Et hinc ADAMANTIUS (a) ad avaritiam hoc signum retulit, dum ait: Ο ὅ ταχὺ μὲν, μικρὰ δὲ βαίνων, φιλοκερδὴς, κακῦργος, δειλίας δὲ εἰς ἄκρον ἤκων. Qui veleciter & breviter incedit, lucri cupidus, improbus, & ad sum-

(2) Jo. Bapt. Porta in *Physiogn.* p. 266. Scipio Claramontius *lib. VIII. cap. IV. pag. 489.* (a) Adamantius in *Physiogn. cap. XXVI. p. 217.*

summam timidus est. Eodem modo & alia se habent, quæ a physiognomonibus vulgo circumferuntur. Quamvis enim illi alia sequantur principia: regulæ tamen ipsæ facile cum nostris possent conciliari, si id nunc ageremus.

§. VI.

Enimvero non modo ex principiis physicis quadruplex hæc incessus differentia sequi videtur, verum etiam ex ipsis propensionibus primariis, quas cum temperamentis esse conjunctas, philosophia moralis docet. Primaria cholerorum inclinatio est ambitio. Qui vero hac gloriæ atque honorum siti aduruntur, ii nihil faciunt reliqui, ut auctoritatis & prudentiæ laudem sibi concilient. Hinc sicuti ab omni levitate, ita & ab incessu celeri & concitato abhorrent, & gressus omnes ad gravitatem quamdam componunt. (b) Sanguinei ad voluptates animum adjiciunt. At vero voluptuosi, quum nullius rei minus, quam moræ, patientes sint, prætereaque inconstantes & hilares: incessum quoque hisce eorum moribus oportet esse convenientem, id est, mollem, celerem, inconstante n, talem denique, qualem supra descripsimus. Melancholiæ individuus comes avaritia est. Hac vero inexplebili opum accumulandarum aviditate quicumque laborant, decorum omnium minime curant, & quum in rebus

om-

(b) *Vid. Budd. Elem. philos. moral. cap. V. §. XXIII. p. 165.*

omnibus mira eorum cluceat lucri cupiditas, & tamen iudicio & ingenio destitutis male ipsis pleraque procedant, festinantes fere nihil agunt. Hinc denuo in medio posita est ratio, quamobrem in ipsis incessum difficilem, molestum, incompositum & præcipitem notaverimus. Phlegma torporem & somnolentiam inducit propemodum inexpugnabilem, & sic reliquis temperamentis obicem potius ponit, quam ut inclinationem singularem producat. Hinc magnus horum hominum torpor, magna socordia & somnolentia. Nec mirum profecto, & incessum eorum lentum dici, qualem in advocatis suis miratur apud PLAUTUM (c) Agorastocles adolescens, quos vocat

homines spissigradissimos,

Tardiores multo, quam corbisa sint in tranquillo mari.

& pergens in eorum criminatione:

Nec quidquam mihi hos patronos elegi, laripedes tardissimos,

Qui si ituri hodie estis, ite, aut ite hinc in malam crucem.

Nam iste quidem gradus secretus est cribro pollinario.

Videtur quidem PLAUTUS notare homines triviali fastu turgentes: sed nescio an facilius quisquam describere posset incessum phlegmaticorum, quos repere potius, quam progredi, supra diximus.

S. VII.

(c) *Vide Plautum in Pænulo Act. III. Scen. I. v. 1. sequ.*

§. VII.

Jaſtis his tractationis noſtræ fundamen-
tis, regulæ ſpeciales, vulgaribus multo cer-
tiores, facile poſſunt ſuperſtrui. Hujus ve-
ro antequam faciamus periculum, hoc ob-
ſervari velim, conjungendas eſſe cum his
hypotheſibus obſervationes, in vita com-
muni obvias. Ars enim ſemejotica, ſeu
aliorum mores ex certis ſignis, quo etiam
inceſſus pertinet, cognoscendi, non ſolum
ex ratiocinatione, ſed & ex diuturna obſer-
vatione maxime effloreſcit. Quamvis enim
vel ſola ratiocinatione intelligere poſſimus
tardusne, an celer, gravis, an incompoſi-
tus inceſſus huic vel illi temperamento con-
veniat: tamen ſi de geſtibus corporiſque
habitu, qui ad inceſſum gravem, incompoſi-
tum, moderatum, lentum, brevem, lon-
gum & ſic porro, requiritur, quæſtio ſit:
tantum abeſt, ut ſola ſufficiat ratiocinatio,
ut opus ſit attenta plurium ſenſionum ob-
ſervatione, quæ regulas ratiocinatione con-
ſtitutas ſuppleat, confirmet & clariores red-
dat. Et hæc attenta plurium ſenſionum ob-
ſervatio maximum quoque in dijudicando
inceſſu, cum temperamentis mixtis conjun-
cto, momentum habet. Tametsi enim ex
comparatione quatuor fundamentorum, quæ
(§. V.) jecimus, quodammodo conſtare
poſſit, qualis emergere debeat ex iſta tem-
peramentorum mixtura incedendi ratio:
obſcuræ tamen manebunt regulæ, niſi dili-
gens obſervatio geſtuum, omniumque in
univerſo corpore motuum, acceſſerit. Un-
de hic maxime valet, quod de ſignis mo-

rum e facie humana petendis præcipit vir illustris, CHRIST. THOMASIVS (d) *Æque ratiocinatione, aut certe attenta observatione plurium sensuum opus est in cognoscendis facierum (adde & incessus) signis plerorumque hominum, in quibus non una aliqua passio præ reliquis dominatur, quia intellectus noster habet congenitas quidem notitias passionum singularium dominantium, non vero mixtarum. Maneat ergo hoc fixum ac certum, in cognoscendis distincte incedendi formis, ratiocinationem non tantum, sed & attentam plurium sensuum observationem utramque facere paginam, atque ex hac illam hinc inde supplendam illustrandamque esse.*

S. VIII.

Jam demum ad ipsos, quos reliquis certiores arbitramur, canones progredimur, &, ut ordinis nobis constet ratio, a temperamento cholero, id est, signis ambitionis capimus primordia. Hoc vitium prout aliis temperatum est propensionibus, varias induere formas, omnes, qui mores hominum paullo attentius contemplantur, non inviti fatebuntur. Attamen si recte posueris calculum, ad tria summa genera omnes referri posse intelliges. Est enim ambitio alia *stulta & ridicula*, alia *bruta & rursusonica*, alia *speciosa*. *Stultam & ridiculam* vocamus, quæ prerogativam adfectat
in

(d) Christ. Thomasius in *Fundamentis Jur. Nat. & Gent. lib. I. cap. I. num. 114. p. 37.*

in rebus nihili & futilibus: *Thraſoniam*, qua quis præferendum ſe aliis exiſtimat ob actiones in ſe vitioſas & turpes: *ſpecioſam* denique, qua quis ob ſingulares animi aut corporis dotes palmam ſibi, contemptis aliis, depoſcit. Luculentiffimum ſtultæ ambitionis exemplum ab elegantiffimo JANO NICIO ERYTHREO (e) memoriæ proditum legimus in BELMONTIS CAGNOLI vita, inter cujus ſtulta ac ridicule geſta, qualia de eo multa narrat, non poſtrema ſunt, quæ ERITHREUS hiſ verbis refert: *Primum in heroico carmine multis partibus ſe Torquato Taſſo, (quis vero tanto inter Poetas nomini non adſurgit!) ſuperiorem ſingebat, ac propterea multos, ex ſua Aquileja capta ſoloque aquata, rhythmos, octonis incluſos verſibus, ſelegerat, ac ſeorſim a ceteris una cum totidem Torquati Taſſi ejusdem fere argumenti verſibus edendos curaverat, ut fieri judicium poſſet, quantum ipſe illis præſtaret. Deinde homo, gloriarum pleniffimus, ſibi perſuadebat, in toto orbe terrarum celebratum ſuum nomen eſſe, ac ſi litteratus quiſpiam ipſi advenienti continuo non adſurrexiſſet, elatus iracundia, hiſce hominem verbis accipiebat: liane? Abbas Cagnolus, everſa Aquileja, & tantorum carminum auctor, tuam potuit notitiam effigere? non fit veriſimile. Et qua tempore Cardinalis a Balneo aula ludus erat, cum die quodam in Humoristarum cœtum ſe inſuliſſet, & amatoria quadam carmina ab alio, ut ipſe dice-*

(e) Vid. Pinacoth. I. n. 8. p. 18.

dicabas, consilia, qui in ejus disciplina educatus esset, senex candidissimus recitasset, omnium in se risus excitavit. Quamobrem ille, inflammatus ira: Quid videtis, inquit, insani? Ego sum ille Abbas Cagnolus, omnium, qui sunt ex hoc numero, multo antiquissimus, quique ex diruta Aquileja poemate tantam mihi gloriam famamque collegi, ut nullus in terra vivat, cujus nomen sit apud omnes illustrius & clarius. Hæc ERYTHREUS, qui & hoc addit, hominem ridiculo sui amore insanientem, amplissimorum honorum spe animo concepta, ex pedissequis aliisque imi subsellii viris & Gnathonibus, numerosam sibi familiam elegisse, & illum domus suæ præfectum, illum sibi cubicularium, illum pincernam, illum convivii magistrum, constituisse. Ridiculum profecto caput, & quod vix denis Anticyris deterfisses. Sed nescio an non illud insania superaverit alterum, JACOBUS puta CLAVERIUS, (f) quem idem auctor perhibet, a pueris ex schola redeuntibus, blanditiis, laudibus & juglande, melle condita, versiculos quosdam de laudibus suis scriptos extorsisse, conjunctim deinde ab ipso editos duobus voluminibus. Qui rebus ejusmodi futilibus se efferunt, quis tandem eos non ineptissime ambitiosos dixerit? Et in hoc numero esse merito dixeris totum illud genus mortalium, qui, ut ait TERANTIUS, esse primos se omnium rerum volunt, nec sunt, qui
si ul-

(f) Ejusdem Pinachorb. L. II. 3. p.

si ultra trivium sapiunt, jucundissimo hoc imaginationis errore delusi statuas aureas & tantum non supplicationes ad omnia Deorum pulvinaria sibi deposcunt, qui denique laudes ipsi suas pleno ore ebuccinant, si nomen suum e prælo aliquando exiisse meminerint. Quin & illud ipsum vitium, quod novo pedantismi nomine (g) percerebuit, revera esse ridiculæ hujus ac desipientis ambitionis speciem, res ipsa docet, & tradita a tot viris doctissimis definitio. Quamvis enim hoc hominum genus ab omnibus ob vitæ fordes, quibus plerumque indulget, exhibiletur, & in tritarum vocum, obscurarumque distinctionum & abstractionum investigatione somnum plerumque vigiliasque reponat: tamen ineptas hasce tricas, ad sterquilinum jure damandas, pretiosarum gemmarum instar venum exponit, & non nisi magnifice de istis loquitur, quin bidental morum esse vociferatur, si quis parum honorifice de eorum stulticia sentiat. Quis risum vero teneat, si viderit homines, tam nullius momenti rebus gloriantes? Sanos ne putemus, qui hoc morbo laborant? Minime. Hæc enim

Non sani esse hominis, non sanus juret Orates.

Quare æquo animo ferant omnes magniloqui pedantæ, si eos ridiculæ ambitionis humilaverimus. Ad Thraſonicam & brutam

(g) Vid. Huberi Orat. de Pedantismo.

tam ambitionem quod attinet, diximus eam ob actiones natura sua vitiosas & turpes, prærogativam adfectare. Et talium quidem hominum exempla quotidie in omni vitæ genere occurrunt. Sunt, qui non nisi palmas & adorias narrant, & pugnas, cum aliis ob leviusculam injuriam pugnatas, qui occisorum a se aut vulneratorum tantum numerum ineunt, ut a bello Trojano eos redire crederes. Recte illis acclamaret Artotrogus apud PLAUTUM: (g).

Memini: Centum in Cilicia,

Et quinquaginta centum Sicelatronida,

Triginta Sardis, sexaginta Macedones,

Sunt homines, quos tu occidisti uno die.

Alii, abdomini nati, non nisi Scythica scyphorum certamina, validasque in exhaustendis poculis vires loquuntur, & alios se propinando tantum non enecasse, jactant. Alii scorta & impuros amores recensent & Herculeas noctes, & cum PLAUTINO illo milite, idemdem repetunt querelam:

Nimia est miseria, pulchrum esse hominem nimis.

Quid dicam de illis, qui fraudibus, calumniandi arte, obscœnitateque sibi mirifice placent, & nescio quas prudentiæ, ingeniique laudes sibi ob hæc scelera pollicentur? At mittamus tandem homines impurissimos, & id adhuc observemus, ambitionem Thrasonicam in stultam & ridi-

(g) Plaut. *Mil. glorios.* Act. 1, Scen. 1. v. 42.

diculam sæpius degenerare, adeo ut Thra-
siones per sæpe non minus stulta & ridicula
faciant, quam aut Cagnolus ille, aut Cla-
verius, de quibus jam proxime diximus.
Quare TERENCEIUS, mirus in describendis
hominum ingeniis artifex, Thrasoni suo
non solum brutæ, sed & stultæ ambitio-
nis characteres tribuit. (h) Reliqua est
ambitio speciosa, quam ob singulares cor-
poris animique dotes prærogativam adse-
ctare diximus. Et hæc quidem, pro diver-
sitate objectorum, est vel *aulica*, qua quis
ob prudentiam, vel *erudita*, qua ob scien-
tiam, vel *militaris*, qua ob fortitudinem,
vel *pharisaica* denique, qua ob sanctitatem
imaginariam se omnibus esse anteferendum,
reliquos velut umbras volitare, existimat.
Ubi tamen nolim existimes, hac distinctio-
ne ad statum hominum respici. Animus
enim hic spectatur potissimum, qui in ho-
minibus etiam vilissimis ita potest esse ad-
fectus, ut ab ambitione vel aulica vel mi-
litari vel erudita vexetur.

§. IX.

Quum itaque tam varia sit ambitio, nec
dubitandum videatur, quin singulæ pæne
species incessu etiam se prodant: proxi-
mum est, ut demum canones huc pertinen-
tes subjiciamus. Statuimus ergo primo:

(h) Vide Terentii *Eunuchum*, ubi act. IV.
Scen. VII. invenies characteres ambitionis
Thrasonica, Act. III. Scen. I. ridicula &
stulta eidem persona tributa.

*Incessum cum adfectione quadam & molestia
tardum gressus Hispanicos, habitum corporis
ad pompam compositum, cervicem obstipam &
vultum adseveratum, esse signa ambitionis
ridicula. Quum enim supra demonstratum
sit, ambitiosos tardo lentoque incessu mo-
veri, ab ambitione vero stulta iudicium
omne absit quam maxime, tales denique
homines pulcherrimum sibi ducant, (i)*

Monstrari digito, & dicier: hic est;
non potest non eorum incessus tardiosam
tarditatem, & cum adfectione & mole-
stia conjunctam, præ se ferre. In quo au-
tem consistat ista adfectatio, observatione
plurium sessionum constat, nimirum in gres-
sibus Hispanicis, in corpore ad pompam
ridicule composito, in cervice alta & ob-
stipa, vultu denique inter incedendum ad-
severato, & quasi sublime quid meditan-
te. Unde sane tam ridiculus istorum ho-
minum incedendi mos est, ut vel severum
os Catonis eorum adpectu in risum solve-
retur. Quare & multi auctores gravissimi
venuste admodum & facete eorum gressus
describunt, & tam vivide adumbrant, ut
ejusmodi ostentatores te coram intueri cre-
das. Epictetus, false perstringens eos,
qui admirationi esse cupiunt, id est, ho-
mines, scholastico supercilio seu pedanti-
smo auctoritatem aucupantes, ita inquit: (k) *Ti*

(i) *Perf. Satyra l. v. 28.*

(k) *Vid. Arrian. Dissert. Epist. lib. l. c. XXI.*
pag. 139.

ἢ ἡμῶν ὀβελίσκον κατατιῶν περὶ τοῖς; ἡδε-
λον, ἵνα μὲν καὶ οἱ ἀπαντῶντες θαυμάζωσι, καὶ
ἐπακολουθεῖντες ὀπκραυγάζων. ὁ μέγας φι-
λοσόφῳ. Quid ergo nobis tamquam obelisco de-
vorato obambulas? Vellem, te obvius etiam
admirationi esse, & sectantes mihi adclama-
re: O magnum philosophum! En hic corpus,
ad fastuosam pompam compositum, quod
in ipso canone notavimus. Nec minus di-
vite vena ejusdem notæ homines his ver-
bis, tamquam coloribus quibusdam depin-
xit PERSIUS: (1)

Obstipo capite, & figentes lumine ter-
ram,

Murmura quum secum & rabiosa silentia
rodunt,

Atque exporrecto scrutinantur verba labello.

En hic obstipam cervicem & vultum ad-
severatum, quem in ejusmodi hominum in-
cessu notavimus. Recte enim observat poe-
ta, hos homines faciem inter ambulandum
tam curiose ad quamdam severitatem com-
ponere, ut nescio quid magnum & uni-
versæ reipublicæ salutare meditari videan-
tur. Sed principem hic locum merentur
elegantissima ΗΙΒΚΟΝΙΜΙ verba, (m) ex il-
lis Persianis, ut videtur, expressa, quibus,
tamquam penicillo quodam, ridicule am-
bi-

(1) Vid. Pers. Sat. III. v. 80.

(m) Vid. Hieronym. Epist. IV. ad Rustic.
Monachum T. I. Opp. p. 30. edit. Francos.

bitiosos delineat: Alii, sublati in al-
 tum humeris, & intra se nescio quid corni-
 cantes, stupentibusque in terram oculis, tu-
 mentia verba trutinant, ut, si præconem ad-
 dideris, putes incedere præfecturam. Nihil
 profecto in hos homines dici poterat ἐμ-
 πατίζαίτερον. Vere enim tantam superciliis
 nubem inducunt, tamque meditabundi in-
 cedunt, ut, qui insaniam eorum ignorat,
 illos incedentes de capeſſendo orbis terra-
 rum imperio conſultare crediturus ſit.

§. X.

Sed ad Thraſonicam ambitionem pergi-
 mus, quæ, quum tot pæne objecta habeat,
 quot ſunt vitia, ſufficiet in præſenti, de
 iis nonnulla dixiſſe, quibus in armorum
 conflictu, rixis, nocturnis vociferationibus,
 fenestrarum oppugnationibus, & ſimilibus
 facinoribus omnis poſita eſt gloria. Horum
 inceſſum ſecundo canone ita depingimus:
*Inceſſus tardus & interruptus, cum motu cor-
 poris erecto, geſticatione brachiorum gladiat-
 oria, ceruice exſerta, vultuque truce, & ad
 terrorem incutiendum compoſito conjunctus, ſi-
 gnum eſt ambitionis Thraſenitica.* Tarditas
 inceſſus ſecundum ea, quæ §. V. notavi-
 mus, ex ambitione proficiſcitur. Quum ve-
 ro hi homines nihil reliqui faciant, ut ter-
 rorem aliis injiciant: mirum profecto ef-
 ſet, niſi omnes geſtus huc referrent. Hinc
 inceſſum eorum diximus eſſe interruptum.
 Sæpius enim in via reſiſtunt, & quaſi ſpe-
 culantur, an pugnandi ſit occasio futura.
 Hinc deinde corpus eos erigere notavi-
 mus, quaſi majores adparere vellent, id
 quod

quod Latini vocant *alte incedere*. (n) Hinc porro est, quod brachia ita movent, quasi aut excipiendi essent ictus, aut inferendi, quodque cervicem exserunt, tamquam alios insultando provocaturi. Denique incedentes vultum minarum ferocia muniunt, ut Furiarum crederes domicilium, non alia quidem de causa, quam ut obvii, visa tam horrenda facie, tamquam objecto Medusæ capite, obrigescant. Omnia hæc ex attenta observatione constant, nec ulla indigent probatione, nisi apud eos, qui Thrasones nunquam viderunt. Sane & veteres hoc observarunt, e quorum numero ADAMANTIUS (o) hoc signum ad ambitionem thrasonicam retulit, his usus verbis: *Εἰ δ' ἐκὼν βραδυῖσι καὶ ἐπιστάμῳ γὰρ ἐν ταῖς ὁδοῖς περιβλέποι, ὑπαυχνῶν ἴσι καὶ ὑβρασμῶντα καὶ ὑπερήφανον.* Quod si quis tardo gradu incedit, & sponte moratur in viis, hunc in scito esse gloriosum, injuriosum & superbum. Quin ipse etiam CICERO, (at quantus in describendis hominum ingeniis artifex,) iisdem pæne characteribus utitur, quoties Thrasonum mores describit. In oratione pro P. Sextio (p) id agit ex instituto, ut Gabinium & Pisonem Coss. parum frugi esse, ex incelsu demonstret. Hinc ait:

Quo-

(n) Vide de incesso alto §. sequentem, ubi de ambitione speciosa. (o) Adamant, in *Physiogn.* cap. XXVI. p. 216.

(p) Cicero *Orat. pro P. Sextio* cap. VII. VIII. pag. 345.

Quorum per Deos immortales si nondum scelerum vulneraque iniusta reipublica vultis recordari, vultum atque incessum animo intueamini, facilius facta eorum occurrent mentibus vestris, si ora ipsa oculis proposueritis. Quibus præmissis, alterum describit tanquam hominem lascivia & luxu diffluentem, alterum tanquam Thrasonem, & mollitiem suam supercilio, & nescio quo terribili aspectu, obtegentem. De hoc posteriore: Alter, inquit, o Dii boni, quam teter incedebat, quam truculentus? quam terribilis aspectu? Unum te aliquem ex barbatis illis, exemplum imperii veteris, imaginem antiquitatis, columnen reipublica, diceres intueri. -- Nam quid ego de supercilio dicam? quod tum hominibus non supercilium, sed pignus reipublica, videbatur. Tanta erat gravitas in oculis, tanta contractio frontis, ut illo supercilio respublica, tanquam Atlante calum, niti videretur. Erat denique hic omnium sermo: Est tamen reipublica magnum firmumque presidium. Quis tandem in his CICERONIS verbis non agnoscat Thrasonem quemdam aut gloriosum militem? Quis, vel hac sibi ob oculos posita incessus ratione, non colligat, consulem istum hoc, quem hætenus descripsimus, ambitionis ridiculæ morbo gravissime laborasse?

§. XI.

Reliqua est ambitio speciosa, cujus quum quatuor constituerimus species, observari velim, nonnisi aulicam, militarem & pharisaicam singulari sese incessu prodere, eruditam vero non æque, nisi in absurdissimum

finum pedantissimum degeneraverit, cujus characterem jam ante communicavimus. Deinde nec hoc prætermittendum est, aulicam & militarem vix incessu posse inter nosci, nisi quod vultus illius generis hominibus inter ambulandum placidior sit & gravior, his multo efferatior & protervior. Quibus præmissis observationibus, hunc de ambitione aulica condimus canonem: *Incessus tardus, altus, constans & gravis, cum motu corporis reciproco & motu manuum decoro conjunctus*, est signum ambitionis tum aulicæ, tum militaris, quanquam in illa vultus fere est placidior, in hac ob cervicem inflexam & elatum supercilium multo efferatior. Tribuimus itaque hujus generis ambitiosis incessum tardum, quem cum omnibus, quos vana vexat ambitio, communem habent. Addimus deinde incessum altum, quo quid intellectum voluerint Latini, jam superiore paragrapho ostendimus. Hic enim character & in ambitione ridicula, & in speciosa, conspicitur, illud modo si observaveris discrimen, quod in illa altus incessus cum turpi & incurrente in oculos adfectione conjunctus, in hac multo gravior sit & adpectu jucundior. Unde etiam poetæ tum Diis, tum heroibus virisque excellentibus incessum altum attribuunt. Sic majestatis plenum Stiliconis sui incessum CLAUDIANUS his verbis prædicat: (q)

Spondebatque ducem celsi nitor igneus oris

Mem-

(q) Claudianus lib. I. de laud. Stilic. v. 25.

Membrorumque motus, qualem nec carmina fingunt

Semideis: Quacunque alto gradereris in urbe,

Cedentes spatiis adsurgentesque videres.

Et alio loco Honorii incessum hoc modo describit: (1)

Sic te testatur & offert

Celsa potestatis species, non voce feroci,

Non alto simulata gradu, non improba gestu.

Adsestant alii quicquid fingique laborant,

Hoc donat fortuna tibi.

Nec sane mirum est, si homines admirationi aliis futuri, majores quasi atque erectiores, quam sunt, videri velint, & sic alto gressu, tanquam cothurno, innixi, incedant. Adjecimus porro motum gravem & constantem, quippe qui ambitionis genio videtur dignissimus. Nam quemadmodum omnem levitatem cane pedes & angue fugiunt, ita & passus veluti omnes ad mensuram componunt, ut neque tardi nimis, neque celeres adpareant.

Id

(1) Id. de nupt. Honorii v. 236. seq. Confer Casp. Barthii Adnot. ad Stat. Papinian. T. II. p. 394. & T. I. p. 19. ubi incessum amplum & altum insignem arguere virum ait, quod tamen limitandum videtur, nisi turpis adsit adsestatio, qua potius ambitionem ridiculam significat.

Id quod & CICERO (f) in homine, qualem fingit, virtute prædito, id est, ut ego interpretor, honoris, & existimationis suæ studioso, requirit. (t) Videri quidem hic poteramus parum accurati, dum talem ambitioni speciosæ incesum tribuimus, qualis pæne in hominibus virtute ornatis conspicitur. Sed in vado rem omnem esse arbitramur. Quis enim ignorat, ambitionem aulicam & militarem, quum plerumque haut parum voluptatis sibi admixtum habeat, miram virtutis speciem præ se ferre? Unde nec mirandum, incesum eorum ad hominum virtute præditorum motum proxime

(f) Cicero *lib. 1. de officiis cap. XXXVI.*

(t) *Dudum observatum est eruditis, Ciceronem aliosque hujus generis scriptores, sicubi homines virtute præditos describunt, plerumque hanc laudem tribuere ambitiosis. Revera enim ambitio plerisque gentiliū philosophis virtutis esse incitamentum videbatur. Qua de re legi merentur Ciceronis Orat. pro Archia poeta cap. XI. p. 292. & insignis locus Marini in vita Procli cap. XVI. p. 38. ubi Marinus, quum Procli ambitionem negare non posset, eam ita excusat: Verum non erat ambitio in eo, ut in plerisque, vitium, propterea quod ad bonum tantum respiciebat & ad virtutem. Ac fortasse ne fieret quidem in hominibus quidquam præclarum, absque hac animi concitatione.*

time accedere videri. At poterunt tamen facile internosci, si observetur, emendatæ mentis homines, minus tarde, minusque alte incedere, quam ambitiosos, & sic in hoc quoque retinere mediocritatem. Diximus quoque, ambitiosis motum corporis convenire reciprocum. Quamvis enim ceteroquin statum corporis erectum teneant: sit tamen ob motum tardiolem, & gressus paullo ampliores, ut anteriorem corporis partem modo dextræ, modo lævæ, paululum obvertant. Denique observamus, omnem gesticulationem ineptam a motu ambitiosi longissime abesse, quum eam levitatis, & nescio cujus adfectionis notam esse, vel pueris notum sit. Equidem non dicimus, ab omni brachiorum motu abstinere ambitiosum, quippe quod experientiz quotidianæ repugnaret: attamen ille ita comparatus est, ut decorus potius, aspectuque jucundus, quam adfectatus & celerior, adpareat, id quod & SCIPIONI CLARAMONTIO (u) observatum est. Adnotavimus quoque nonnulla de vultus forma, quæ in utraque ambitionis specie est notabilis, & eam prodere videtur certissime. Quemadmodum enim, qui aulica ambitione turgidi sunt, vultum præferunt placidiorē, & quasi serenū, ita militaris gloriæ cupidorum vultum ob supercilium & inflexam cervicem multo esse efferatiorē, diximus. Non heri demum aut nudius tertius

(u) Scipio Claramontius l. 6. p. 496.

tius nata est hæc de inflexa in sinistram
 cervice observatio: sed jam tum perspe-
 ctam eam habuerunt antiqui, qui istam cer-
 vicis formam indicium fortitudinis certissi-
 mum judicarunt, ideo, quod hic gestus
 educendo gladio videretur convenientissi-
 mus. Observarunt hunc gestum in AVRE-
 LIANO AUG. milites, (x) quem inde cogno-
 men: *Manu ad ferrum* mansit. Sed & in
 ALEXANDRO M. tale quid observat PLUTAR-
 CHUS, (y) quippe cui tribuit ἀτάσιν ^{αὐχένος}
 αὐχένος εἰς ὤμους ἡσυχῇ κεκλιμένω, pro-
 jectam cervicem, & in sinistrum humerum le-
 viter inflexam, additque, eum Alexandri
 gestum complures postea ejus successores
 & amicos fuisse æmulatos. Unde & in nu-
 mis Seleucidarum & Ptolemæorum a VAIL-
 LANTIO editis, hoc cervicis sinistrorsum in-
 flexæ schema subinde adparet. Heroicam
 vero fortitudinem hoc gestu non obscure
 innui, communis eorum est sententia, qui
 ethicam semejoticam scriptis illustrarunt,
 licet ADAMANTIUS (z) istum ad superbiam
 Thraconicam referre malit, forte quod Thra-
 cones plerumque ad ambitionis militaris
 formam incesum suum quam maxime com-
 ponunt.

§. XII.

Ad ambitionem PHARISAICAM nostra se
 nunc convertit oratio, quæ se omnium ma-
 xime

(x) Vopisc. in Aureliano cap. VI. p. 417.

(y) Plutarchus T. I. Opp. p. 66.

(z) Adamantius l. c.

xime incessu & motu corporis solet prodere. Quum enim ejus generis hominibus omnis pietatis laus in externo quodam schemate posita sit, quo sublato, nihil sanctitatis ipsis futurum esset reliquum: consequens omnino est, ut incessu etiam aliis admirationi esse velint. Esto ergo canon: *Gressus lenti, corporis habitus veluti in se contractus, caput demissum, oculi dejecti, & subinde ad cælum sublato, totus vultus torvus, suspiria altius & frequentius ducta, ceteris paribus, signum sunt ambitionis pharisaica.* Tarditatem cum reliquis ambiosis pharisei habent communem, id vero proprium, quod corpus contrahunt adeo, ut vix ullam in humeris & brachiis motionem reperiās, quin brachia adglutinata, aut potius omni sanguine nervisque destituta, crederes. Quia enim corporis, humerorum & brachiorum motus facile vel superbiæ, vel levitatis suspicionem injicit, hi, utraque carituri, ab omni prorsus motu abstinere, ut obeliscum quemdam aut Diogenis statuem incedere credas. Sic

Stulti, dum fugiunt vitia, in contraria currunt.

Et hinc reddi poterit ratio, cur caput demittant, cur oculos dejectos humi veluti defigant, cur denique eos subinde ad cælum retorqueant, crebraque ab imo pectore ducant suspiria. Audiunt enim, hos gestus ab aliis laudari, tanquam quos veræ pietatis sensus hominibus probis nunquam extorqueat; quamobrem permine-

re hoc ad laudem suam arbitrantur, ut eos a non fucatae probitatis cultoribus mutantur, ex re & vero judicantes, nemini se esse persuasuros, quod pietatem colant, nisi his gestibus tanquam persona quadam tragica, turpissimam fraudem tegerent. Observata hæc jam olim sunt in philosophis, virtutis laudem adfectantibus; observata deinde & in aliis pietatis fucis fallentibus. Ceterum intellectum hunc canonem volumus *ceteris paribus*. Nam veræ equidem virtutis & pietatis cultor tantum abest ab omni adfectione in cultu atque motu corporis, ut potius accurate observet, quod graviter monuit SENECA: (a) *Illud autem te moneo, ne eorum more, qui non proficere sed conspici cupiunt, facias aliqua, qua in habitu tuo aut genere vita notabilia sint*. Attamen contingere potest, ut vel ob defectum iudicii, vel ob consuetudinem, vel ob alias causas, etiam vere pii tam adfectato incessu utantur. Hinc prudentissime agent, qui hunc quidem canonem non temere adplicant cuivis, nec quemquam ob talem incessum pharisaicæ ambitionis insimulant, nisi alia fictitiæ pietatis signa simul hoc suadere videantur.

§. XIII.

Proximum jam est temperamentum sanguineum, ejus in natura & characteribus indagandis opera nostra nunc versabitur. Præcipua, quam hæc sanguinis temperatura in-

(a) Seneca-Epist. V.

Hein. Opusc. Var. Pars I.

inducit, propensio est voluptas, quam æque, ac ambitionem, non unius esse generis intelligimus. In eorum tamen maxime imus sententiam, qui, eam in VENEREAM, BACCHICAM & AMICAM commodissime dispesci posse, statuunt. Priores ob manifestam semper turpitudinem in se notæ sunt. Postremam, quam amicam vocamus, eam dicimus esse voluptatis speciem, quæ arctam conjunctionem animorum, & capiendam ex illa delectationem, anhelat. Primum voluptatis genus indicibus haud obscuris cognoscitur. Unde de incessu lascivorum hunc formamus canonem: *Incessus agilis, mollis, & ad scenicam levitatem formatus, nec non oculi, inter ambulandum provociter circumacti, voluptatis veneræ signum sunt.* Agilitatis & mollitiei jam supra (§ V.) rationem reddidimus: scenica vero levitas ex ipsa impura libidine proficiscitur. Solent enim isti molliculi omnes gestus ita formare, ut & mares foeminarum personam induisse videantur, non alia de causa, quam ut aliorum amores eo felicius aucupentur. Hinc gressus veluti artificiose meriuntur ac suspendunt, hinc modo hanc, modo illam vestium partem, mira manuum gesticulatione in ordinem redigunt. Denique quum oculis potissimum hoc institutur aucupium, recteque a non nemine dictum sit: (b) ἐρῶτα μὲν ὁδὸν ἐρωτικῆν τραῦματι, oculum esse viam, qua menti veneræ vulnora infligantur.

(b) Achilles Tat. lib. I. conf. Barth. ad

ganeur : fit inde, ut lubricos indomitosque oculos inter ambulandum huc illuc circumagant, & fascinum veluti minari videantur. Atque eam ob causam veteres olim veluti ex compacto hæc signa ad lascivum amorem retulerunt. Sane quod ad incessum agilem, & mollem scenicamque, de qua diximus, levitatem attinet: ex iis miro consensu collegerunt voluptatem venerem. Hinc Chrysis apud PETRONIUM, (c) viso lascivo quodam juvene: *Quo incessus, inquit, arte compositus, & ne vestigia quidem pedum extra mensuram aberrantia, nisi quod formam prostituis, ut vendas?* Sed paullo ante idem PETRONIUS (d) impuris prostibulis tribuit

Fractus enervi corpore gressus.

adeoque cum CATULLO (e) facit, qui similem scorti impurissimi characterem his verbis describit:

*Quæ sit quævis? illa, quam videtis
Turpem incedere, mimice, ac moleste.*

sed ne in sola poetarum verba jurasse videamur, addemus & philosophos, ex quorum numero JUL. FIRM. MALARBUS (ff) satis etc.

Claudianum p. 800. (c) Petron. p. 53.

(d) Idem p. 14. (e) Catullus p. 22. edit.

Scalig. qui veram lectionem Mimice restituit, quæ antea legereur Myemice, id est, fornicarum more, qui character plane nihil ad rem facit.

eleganter : Molliter , ait , ambulantes & suspendentes vestigia , eo dolere ostendunt , quod viri nati sunt . Nec multum discrepare ab hac sententia SENECAE (f) iudicium , sequentia ejus verba comprobant : Omnia rerum omnium , si observentur , indicia sunt : & argumentum morum ex minimis quoque licet capere . Impudicum & incessus ostendit , & manus mota , & unum interdum responsum , & relatus ad caput digitus , & flexus oculorum . Qui locus tanto nobis est gratior , quo & clariorem oculorum flexus facit mentionem . Is enim tam luculentus est amoris impudici index , ut eum & sacri scriptores observatione dignum judicaverint . Notum est , quo loco APOSTOLUS habeat ὀφθαλμοὺς μέντοι μοιχαλίδας , oculos adulterinos , & quam diserte sapientissimus SYRACIDES (g) puellam impuram & lascivientem cognosci ostendat ἢ μεταωρισμοῖς ὀφθαλμῶν , καὶ ἢ τοῖς βλεφάροις αὐτῆς , ex vagis & emissitiis oculis , eorumque palpebris . Quin & profani auctores idem de emissitiis lascivorum oculis sentiunt , quorum e numero OVIDIUS , (h) talium observator curiosissimus , Helenam introducit ita de Paride conquerentem :

Dummedo me spectas oculis , lascive , protervis ,

Quos vix instantes lumina nostra ferunt .

Ex

(f) Seneca Epist. LII. p. 264. Tom. I.

(g) Syracid. cap. XXVI. v. II.

(h) Ovid. Epist. Helena ad Paridem.

Ex quo simul intelligitur, cur Gallieno Imperatori JULIANUS (i) in laudata satyra tribuat κίνησιν μαλακωτέραν, ὥσπερ τῆς γυναικῶν, *incestum molliorem, mulierum ritu*, addatque Silenum in illum ingredientem lusisse illud poetæ:

Qui tenera auratus lascivit virginis in-
star.

Hic enim character optime cum ejus moribus convenit, quem abdomini & voluptatibus natum, dies ac noctes vino & stupria perdidisse, refert TREBELLIVS POLLIO. (k)

§. XIV.

Altera voluptatis species est BACCHICA: sed eam singulari incesu sese prodere vix arbitramur, nisi forte gulosis ejusmodi hominibus motum levem, remissum, dissolutum, ab omni decentia abhorrentem, sordidum, pedes infirmos ac instabiles, & genua succidua, adscribere velis. At tanto magis ex incesu voluptas amica elucet. Solent enim hi homines paullo propius accedere ad decorum, quem hominibus virtute ornatis tribuimus, incesum, eo, quod incesu, inter voluptatem veneream & ambitionem speciosam veluti medio, utantur. Unde canon: *Incessus agilis & tamen compositus, cum motu corporis decoro conjunctus, nec tamen mimicus, vultus denique serenus & hilaris indicant voluptatem amicam.* In prom-

(i) Julian. Opp. p. 313.

(k) Trebell. Pollio *Vit. Gallieni* cap. XVI. p. 329. edit. Gruteri.

promptu erit hujus incessus causa; si observes, multum hos homines trahere ab ambitione, quæ deinde eorum incessum ita moderatur, ut nec graves ambiciosorum, nec molles voluptuosorum gressus referat, sed ex utrisque retineat aliquid, quod miram illi conciliat venustatem. Exempli loco procul dubio adduci posset TITUS VESPASIANUS, princeps amicæ voluptati deditissimus, dummodo auctores in describendo ejus incessu majorem adhibuissent diligentiam. Sufficit tamen, quod in tota ejus forma corporisque habitu plerique observant *decorem* quemdam, & *singularem gratiam* (1) unde etiam in ejus incessu virtutes has eluxisse, merito colligimus.

§. XV.

Reliqua est tertia propensio primaria, inexplebilis illa OPUM CUPIDITAS, quæ gradu magis quam specie varia videtur. Quamvis enim multa ejus sint objecta: ea tamen avaro non aliam ob causam sunt in deliciis, quam quia æstimationem admittunt. Hoc ergo unum est, quod sitit avarus, quodque unice concupiscit. Quare nec opus erit multis de avarorum incessu regulis. Unicus enim, qui se ultro offert, sufficiet canon: *Incessus difficilis, & cum molestia quadam velox, incompertus, interruptus, & cum anhelatione, statimque & motu corporis indecore conjunctus animum servilem deno-*

{1} Suet. in Vita Titi cap. III. p. 758. & ibi viri docti.

denotat, *Opum ac divitiarum cupidissimum*. Incessum difficilem, & cum molestia festinatum, cur avaris adsignemus, satis jam supra explicatum est. Melancholicorum enim motus ob spissiores in sanguine particulas, natura tardus, & fere testudineus est. Quum vero curarum stimulis agantur, anxieque semper metuant, ne immincant feriæ esuriales, aut ulla ipsis pereat lucrandi occasio: evenit inde, ut istis veluti calcaribus ad alacritatem quamdam incitentur. Quapropter non secus, ac si ad congiarium eundum esset, præcipiti cursu feruntur per viam. Primo enim non facile domo pedem efferunt, nisi quæstum facturi, & hinc tanto magis festinant, ut thesauro potiantur. Deinde sua haut parum referre arbitrantur, ut statim revertantur domum, ne quis e familia interim a laboribus cesser. Quin & hoc accedit, quod nullum illi hominum genus magis metuant, quam fures, & hinc nec parietibus fidant, nec pessulis & repagulis. Properant ergo homines, rebus suis anxie metuentes, ut ipsi domi possint agere excubias, identidem secum cogitantes, quod ille apud PLAUTUM (m) Euclio:

*Nimis ego homines metuo malo,
Ne mihi ex insidiis verba imprudenti
dunt,
Nem persentiscant, aurum ubi est abscon-
ditum,*

Qui

(m) Plaut. *Aulular.* Act. I. Scen. I.

H 4

*Qui in occipitis quoque oculos habent
pessimi.*

*Nunc ibo, ut visam, esto ita aurum,
ut condidi:*

*Quod me sollicitas plurimis miserum me-
dis.*

Adeo plures sunt avaris festinandi causæ,
nec potest eorum incessus ideo non esse
concitatissimus: sed talis tamen, ut statim
adpareat, adfectatam hanc esse celeritatem,
& eorum naturæ minus convenientem. Hinc
porro. in canone observavimus, gressus ava-
rorum esse incompositos & interruptos.
Quoniam enim natura ab omni decore ab-
horrent: non possunt profecto a se impe-
trare, ut gressus ad aliorum componant
sententiam, aut sibi ipsi modum incedendi,
quem perpetuo sequantur, fingant. Hinc
modo per plateas volant velocissime, ut
pæne spiritum sibi intercludere velle videan-
tur; modo resistunt, & in minoris momen-
ti rerum contemplatione hærent. Rem om-
nem verbo eloquemur, si ἀγοικίαν, i. e.
rusticitatem avaritiæ propriam esse dixerim-
us. Inter ejus enim κειμήλια. THEOPHRA-
STUS (n) recte etiam incessum interruptum
refert, dum ait: Καὶ ἐπ' ἄλλω ἢ μήτε θαυ-
μάζειν μήτε ἐκπλήττεσθαι ἐν ταῖς ἰδοῖς ὅταν
ᾧ ἴδῃ βῆν, ἢ πρᾶγον, ἐσηκῶς θεωροῦν. *In via
aliorum quidem nihil admiratur, neque ulla
re*

(n) Theophrastus in *Characteribus morum*
p. 7. edit. Th. Gale.

ne percellitur. At si bovem viderit, aut asinum, aut hircum, ibi homo gradum sistere, & contemplari. Si rationem exquiris, ea in promptu est. Sunt enim hæ res ita comparata, ut pretium emi vendique possint. Quod quum unicum sit avaritiæ objectum: nec mirum certe est, si in illius contemplatione defixi sint avarorum oculi. Nam quod quisque maxime amat, illud spectat consideratque libentissime. Denique quum jam observatum sit, avaros ob atræ bilis abundantiam molestius moveri: oportet certe non modo anhelationem sequi, sed etiam statum corporis indecorum, qui rectius oculis observari, quam verbis describi potest. Turpis ergo est avarorum incessus, servilis, & negligentior, bajulis denique aut jumentis, quam liberis hominibus, dignior. Quare etiam veteres ab indecoro & illiberali ejusmodi incessu graviter dehortantur.

ALEXIS COMICUS: (o)

Οὐ γὰρ νομίζω, τότο τ' ἀνελδύδερων
 εἶναι, πὸ βαδίσειν ἀρρύθμως ἐν ταῖς
 ἰδοῖς.

Non ego puto liberi hominis
 Esse, incessu incompósito ferri per viam.

Et PLAUTUS in Poenulo: (p)

Li-

(o.) Vid. Alexidis Comici Fragmenta.

(p.) Plautus in Poenulo Act. III. Scen. I.
 vers. 9.

Liberos homines per urbem modico par est gradu

Ire: servile esse duco, festinantem currere.

At non opus est pluribus. Nulla enim incedendi forma magis incurrit in oculos, quam avarorum, quorum in motu nihil liberale, nihil decorum aut venustum elucet.

§. XVI.

Hactenus de propensionibus hominum primariis, earumque signis dictum: jam, quod reliquum est chartæ, secundariis quibusdam destinavimus. Quarum tametsi plures ex temperamentorum mixtura nascantur, fieri tamen non potest, ut omnium exacte hic ineamus numerum, aut, quomodo in-cessu differant, expediamus. Hinc saltem unum atque item alterum canonem, per hancem veluti saturam, adjiciemus. Esto ergo primus: *meffus varius, & modo tardus, modo concitatus, cum vulsu feroci & oculis vagis conjunctus, signum est summa levitatis & vecordia.* Quodsi enim expendamus regulas, supra (§. V.) adductas, rationesque subducamus, tam versatilis & inconstans incedendi ratio mentem arguit modo avaritia, modo voluptate, modo ambitione in transversum actam, id est, ad omnem vecordiam & omne scelus profligatam. Observarum hoc pridem Jo. Bapt. Porta, (q) SCIPIO CLARAMONTIUS, (r) &
EX

(q) Jo. Bapt. Porta *lib. II. cap. LV. p. 266.*

(r) Scipio Claramant. *p. 491.*

ex antiquis ARISTOTELES, (f) POLEMON & ADAMANTIUS (t) qui simulationem pravam & summam improbitatem in hominibus ita incedentibus agnoscunt. Nec falli profecto eos opinione sua, satis docet exemplum L. CATILINÆ, de quo SALLUSTIUS, (u) gravis inprimis ac prudentissimus historicus: *Color ejus, inquit, exsanguis, fœdi oculi, citius modo, modo tardus incessus; prorsus in facie & vultu vecordia inerat.* Ecquis nescit autem, qualis fuerit Catilina, quam dirum monstrum, & ex omnibus sceleribus conflatum? Sed addimus & alterum canonem: *Taciti & cum cervice rigida & obstipa incedentes, & quasi consilia intra se agitantes, simulatores, arrogantes & crudeles sunt.* Est hoc illud ipsum signum, ex quo Augustum Tiberii indolem deprehendisse, superiore capite diximus. Qua de re SVETONIUS: (x) *Incedebat, inquit, cervice rigida & obstipa, adducto fere vultu, plerumque tacitus; nullo etiam, aut rarissimo cum proximis sermone, eoque tardissimo, nec sine molli quadam digitorum gesticulatione. Qua omnia ingrata atque arrogancia plena & animadvertit Augustus in eo, & excusare tentavit saepe apud senatum ac populum, professus, natura vitia esse, non animi.* Denique ut portum aliquando respiciamus, tertius additamenti loco accedat

ca-

(f) Aristoteles lib. IX. moral. cap. IV.

(t) Adamantius l. c.

(u) Sallust. in Bell. Catilin. cap. XV.

(x) Sveton. Tiber. cap. LXVIII. p. 374.

canon; *Incessus cum violento humerorum motu, oculis stupentibus, & ore distorto conjunctus, ingenium arguit dolosum, invidum, & nulli mortalium fidum.* Observavit hos fere characteres in Juliano. GREGORIUS NAZIANZENUS, cujus locum jam priore capite adscriptimus. Os vero inter ambulandum distortum, omnibus etiam antiquis animi perfidi signum visum est, adeo ut & Comici servis scelestis, & fallaciarum architectis, hunc gestum adfingant. Sic apud TERENCEM (y) Phædria: *oh, inquit,*

Illud vide, os ut sibi distortis carnifex.

Longam ipse enarrare possem illorum scelerem, qui tali incessu usi sunt, quorumque malam mentem, malum animum, ipse expertus sum. Sed hic verbis non opus est. Provida enim natura istiusmodi hominibus tam notabiles notas ac veluti stigmata inussit, ut, simul ac conspiciantur, statim appareat, illos, tanquam societatis humanæ pestes, cane pejus & angue esse fugiendos.

S. XVII.

Hactenus vitiosorum hominum incessum fufius distinctiusque consideravimus: unde jam nihil esset reliquum, nisi ut eadem diligentia de motu virtute ornatorum ageremus. Sed veremur, ut virtus æque facile ex gressibus eluceat, ac vitia morbi que voluntatis. Nam hæc nobiscum nasci, ac sensim

(y) *Vid. Terent. Eunuch. Act. IV. Scen. IV.*

sum consuetudine firmari, nemo ignorat. Quare nec mirum est, si incessum in hanc vel illam formam componant. At virtus nemini mortalium natura contingit, sed divinitus datur, maximoque studio, & quidem satis plerumque sero, acquiritur. Et hinc tantum abest, ut homines emendata voluntate incessum simul emendare soleant, ut potius plerumque hic valeat illud poetæ:

Quo semel est imbuta recens, servabit odorem.

Testa diu.

Contingit ergo haud raro, ut qui natura antea ad voluptatem proclives fuerunt, voluptatem quamdam incessu adhuc prodere videantur, etiamsi mentem revera emendaverint. Et sic in reliquis etiam se res habere potest, præsertim si nemo ipsis velliget autem, ac de nævis istis, quos plerumque ignorant, illos admoneat. Quæcumque ita sint, temere agere merito videbimur, si etiam de hominum virtute prædicatorum incessu certos condere canones non dubitaremus. Et hinc mutato consilio, non, quid fiat ab ejusmodi hominibus, sed quid fieri deceat, docebimus, paucisque ostendemus, qualem potissimum incessum viro honesto esse arbitremur dignissimum. Omnes, qui vitio quodam laborant, a regia mediocritatis via evagari videmus. Aut enim justo celerius moventur, aut ab uno extremo, ut loquuntur philosophi, ad alterum ruunt, & incessu inconstante animi produnt levitatem. Huc accedit, quod omnia

nia vitia cum quadam ridicula adfectione conjuncta sint, & vel in pedum positura, vel in gestibus, quidquam habere videantur, quod a nativa elegantia abhorreat. Ex quibus omnibus consequitur, ut cum incessum esse viro bono dignissimum judicemus, qui nec tardus nimis sit, nec iusto celerior, sed mediocris, prateraque equalis, simplex, & ab omni levitate atque adfectione sejunctus. At hæc est decora ista incedendi ratio, quæ naturali quadam pulcritudine se commendat, & ab omnibus, qui de decoro præcipiunt, cum cura inculcatur. Quid CICERO (2) de illa scripserit ad filium, initio dissertationis diximus. Cavendum enim esse monet, ne aut sarditibus utamur in ingressu mollioribus, ut pomparum ferculis similes esse videamur, aut in festinationibus suspiciamus nimias celeritates, quibus anhelitus moveantur, vultus mutetur, aut os torqueatur. Ea enim omnia animi parum compositi esse significationes. Idem docet, qui post CICERONEM de officiis commentatus est, AMBROSIVS. (a) Eo enim, quem supra laudavimus, loco tenendam esse monet in ipso motu, gestu ac incesu verecundiam. Et, paucis interjectis, paullo distinctius adumbrans viri honesti ac pii incessum, ita pergit: *Esto etiam gressus probabilis, in quo sit species auctoritatis, gravitatisque pondus, tranquillitatis vestigium,*
ita

(2) Cic. lib. I. de Offic. c. XXXVI.

(a) Ambros. lib. I. de offic. cap. XVII.

ita tamen, si studium desit, atque adfectatio, sed motus sit purus ac simplex. Nihil enim fucatum placet: motum natura informat. Si quid sane in natura vitii est, industria emendetur. Ut ars desit, non desit correctio. Nihil profecto poterat dici elegantius, aut ad mentem nostram accommodatius. Habes enim hic, quicquid antea de incessu viri honesti diximus. Sed dignatamen sunt & BERNARDI (b) verba, quæ hic legantur. Quemadmodum enim hic in multis rebus ultra sæculum sapit: ita & præclara, & plane philosophica sunt, quæ de incessu præcipit: *Sit, inquit, in ingressu tuo simplicitas, in incessu honestas, nihil dedecoris, nihil lascivia, nihil petulantia, nihil insolentia, nihil levitatis in incessu tuo adpareat. Animus enim in gestu corporis adparet, gestus signum est mentis.* Et hoc quidem præstantissimo præcepto, tanquam epiphonemate quodam, hanc dissertationem obsignamus.

§. XVIII.

Ne enim nimis diu lectoris defatigemus oculos, demum hic vela contrahenda, portusque tandem aliquando respiciendus videtur. Plura, eaque magis exquisita, dari poterant, nisi temporis pariter ac chartæ fuisset habenda ratio: at vero, quum tot nobis.

(b) Bernard. de modo bene vivendi cap. IX.

nobis fuerint festinandi causæ, ipsumque speciminis academici nomen nos subinde monuerit, quanto omnia transcurfu dicenda essent: brevitatis studio filum hic abruptimus, nihil quidem, quod addamus, reliquum esse rati, præterquam, ut immortalī DEO gratias, quas mens potest concipere, maximas agamus, eumque precemur, ut nos, inter tot viarum anfractus incedentes, ita Spiritu suo ducat ac dirigat, ut evitatis præcipitiis ac *seductibus* diverticulis, ad veram sapientiam perveniamus, in eaque unice adquiescamus.



187

DE PHILOSOPHIS SEMICHRISTIANIS.

EXERCITATIO IV.

HISTORICA ET PHILOSOPHICA.

Σύνοψις.

- I. *Philosophia viam munit ad religionem Christianam.* II. *Sed viam hanc philosophi nonnulli adspernantur, nonnulli eam ex parte tantum probant. Et hinc PHILOSOPHI SEMICHRISTIANI, de quibus hac differratione agitur.* III. *Describuntur hi philosophi, & in suas classes dispeſeuntur.* IV. *Cur gentiles philosophiam doctrinis christianis interpolarent?* V. *Quomodo id fecerint?* VI. *Probatur hac interpolatio testimoniis Patrum.* VII. *Nec non recentiorum, veluti IO. OYNERI. VIII. LUCE HOLSTENII. IX. HUETII, CAVEI. H. VVITSII, G. OLEARII. X. Ipsorum denique gentilium.* XI. *Via, quibus philosophi gentiles ad Christianam religionis notitiam pervenire: quales sunt lectio sacrarum litterarum.* XII. *Frequens cum Christianis consuetudo.* XIII. *Frequentatio scholarum christianarum.* XIV. *In primis schola Ammonii Sacca, de cujus religione disquiritur.* XV. *Recensentur philosophi huc pertinentes iique vel cautiùs & occultius Christianorum doctrinas sectati, ut: EPICLETUS. XVI. PLOTINUS, XVII. PORPHYRIUS, XVIII. HIEROCLES, XIX. JAMBlichus, XX. vel apertius*

*ius Christianisantes, veluti SIMPLICIUS, XXII. CHALCIDIUS, XXIII. JO. LYDUS, XXIV. PRO-COPIUS, XXV. SYNESIUS, XXVI. An etiam SENECA, XXVII. PLUTARCHUS, XXVIII. & SEV. DOMINIUS huc referendi? XXIX. Philo-
sophi Christiani quidam ad gentilismum procliviores. XXX. Causa semichristianismi philosophici ex parte gentilium. XXXI. Ex parte christianorum. XXXII. Remedia semichristianismo philosophico opponenda. Con-
clusio dissertationis.*

§. I.

Vetus opinio est, jam inde ab antiquis-
simis ducta temporibus, ipsorumque
veterum theologorum, quos patres vocant,
firmata consensu, philosophiam, si quis ea
recte utatur, viam quodammodo munire
ad religionem Christianam, ejusque veri-
tatem argumentis validissimis stabilire. CLE-
MENTI (c) certe Alexandrino hoc tam cer-
tum exploratumque visum est, ut non du-
bitarit ita hanc in rem disserere: Ἐπειδὴ α-
γάγει ἡ φιλοσοφία τὸ ἑλληνικόν, ὡς ὁ νόμος
τοὺς ἑβραίους, εἰς Χριστὸν προεπαρσκαδιάζει τοί-
νυν ἡ φιλοσοφία, προδεδειγμένα ἢ ὑπὸ Χριστοῦ
τελειωμένοι. ipsa etiam philosophia Græcos,
sicut lex Hebræos, deducebat ad Christum.
Præparat ergo philosophia, ei viam muniens,
qui a Christo perficitur. Cum qua Clemen-
tis sententia, non uno solum loco decla-
rata,

(c) Clemens Alex. *Stromat.* I. p. 282.

rata, sed sæpiusculæ repetita, (d) iudicium auctoritatemque suam conjungunt & alii, ejusdem ordinis viri, & in iis etiam GREGORIUS NYSSENSIS, (e) qui luculento alterius Gregorii Neocæsariensis exemplo demonstrat, philosophiam quasi indicem esse christianæ veritatis. Quum enim revulisset, Gregorium illum, adhuc tum adolescentem, operamque philosophiæ navantem, veluti stimulum quemdam sensisse ad probandam suscipiendamque religionem Christianam: ita pergit vereloquentissimus: Τῇ ἑξῆς φιλοσοφίᾳ δὲ ἐπιμελείας καὶ δοκιμίας, δὲ ὧν ἐλλείποντος τοῖς πολλοῖς βεβαῖνται διὰ τῶν ὠδηγηθῆναι πρὸς τὴν χριστιανικὴν κατανέον. Quum in externæ philosophiæ studio diligenter versatus esset, per quas res a plerisque errores Græcorum stabiliuntur, iis deducit fuit ad christianæ religionis cognitionem. Hæc aliaque, quæ passim apud veteres occurrunt, quamvis magnificentius, quam verius, dici existimentur, ipsique CLEMENTE (f) sæpius hoc acciderit, ut nimia philosophiæ admiratione abreptus, paullo incautius in ejus laudes se diffundat: hætenus, tamen nihil eum docuisse, quod sit a recta ratione alienum, arbitramur. Reipsa enim philosophiam veram ac rite adhibi-

(d) Idem Strom. VII. p. 710. (e) Greg. Nyssen. vita Gregorii Thaumaturgæ, Tom. III. Oper. p. 539.

(f) Ittigius Praef. ad Suppl. Operum Clementis Alex. n. VII.

tam revelationi, christianæque religioni
viam sternere, tam certum exploratumque
est, ut a nemine possit in dubium vocari.
Simulac quis veræ se philosophiæ perpo-
liendum tradit; non potest non animadver-
tere, mentem humanam morbis gravissimis,
ac incredibili ad quævis mala propensione
laborare, neque vera felicitate se unquam
esse potiturum, nisi mentem tot morbis
vitiisque obnoxiam emendarit, & ad bea-
tam cum Deo conjunctionem, quocumque
demum medio adjutus, pervenerit. Id ve-
ro dum anxie anhelat animus, statim de-
prehendet, tum de mali istius origine,
tum de Dei natura, conjunctionisque istius,
quam adspirat, modo ac indole vix quid-
quam sibi e ratione constare, deploran-
damque hanc esse mentis cœcitatem ac ca-
liginem. Porro dispicienti de mediis, oc-
current quidem illi præcepta philosophorum
quamplurima, nec ea quidem in se mala,
sed quantumlibet ista accurate observan-
tem, ipsa mox illum edocebit experientia,
mediis his omnibus parum se ad rei sum-
mam proficere. Quo magis enim philoso-
phiæ parebit: eo longius se a vera illa
summaque felicitate abesse sentiet, mirabi-
turque non sine dolore, actionibus ad phi-
losophiæ præcepta accurate compositis, ani-
mum tamen se circumferre nihilo, quam
antea, emendatiorem. Quin immo, si vel
maximè in tantis angustiis ad Deum con-
fugere, ejusque efflagitare auxilium statue-
rit: animadverteret tamen, illum summe
qui-

quidem bonum, at eundem quoque esse
 justissimum. Cum vero peccata expiandi
 modum nullum, ratione duce, inveniat:
 profecto ita secum necessario cogitabit,
 aut nullam esse ex miseria hac eluctandi
 rationem, quod cum summa Dei bonitate
 conciliari vix potest, aut tutiorem certiore-
 que viam divinitus esse hominibus patefa-
 ctam, atque hinc dari revelationem, qua
 duce ad veram cum Deo conjunctionem
 possit perveniri. Enimvero dum revelatio-
 nis in mentem veniet, eadem opera agno-
 scet, ita eam debere esse comparatam, ut
 omnes, quos in ratione deprehenderat, de-
 fectus abunde suppleat: Hoc enim nisi præ-
 stiterit revelatio, non intelliget, cur data
 sit, aut quid utilitatis miseris hominibus
 adferre queat. Oportebit ergo revelatio-
 nem, si augustum hoc nomen tueri velit,
 docere, quænam sit innata illius labis ori-
 go, quæ Dei natura ac voluntas, quo pa-
 cto peccata expiare liceat, quæ sint ani-
 mum vere emendandi media, & quæ sunt
 hujus generis alia. Denique si omnia inve-
 stigaverit monimenta, quæ divinæ revela-
 tionis titulum præ se ferunt: nullum om-
 nino reperiet, cui characteres isti omnes
 conveniant, præter divinas litteras, quibus
 Christianorum coetus regitur. Eas itaque
 solas a Deo profectus statuet, eas exoseu-
 labitur unice, iis ducibus tutâ certissima-
 que via ad CHRISTUM, & per eum ad sum-
 mam sempiternamque felicitatem perveniet.
 Quæ quum ita sint, (est enim hic locus

2 VINCENTIO PLACCIO (g) & JO. FRANCISCO BUDDEO (h) tam luculenter explicatus, ut pluribus isti immorari haud opus sit,) consequens omnino est, ut philosophiam ducem ad christianam religionem non infidam esse cum CLEMENTE fateamur.

§. II.

Enimvero, quemadmodum eorum, qui ipsa revelatione divina utuntur, non omnes ad Christum perveniunt: ita non mirandum est, nec philosophis omnibus maximam præstantissimamque istam felicitatem contigisse. Sane enim quum paucissimi philosophia duce ad Christianam veritatem perducti sint: longe plures in varia diverticula delapsi misere perierunt. Alii quippe philosophia perperam usi, in atheismum ac Spinozismum (i) inciderunt. Alii profanz superstitioni, tamquam scopulis obfirmato animo adhæserunt. Alii denique, agnita quodammodo Christianæ religionis præstantia, impetrare tamen à se haut potuerunt, ut avitz superstitioni nuntium mitterent, & divinam, quam admirabantur, religionem amplecterentur. Hi ergo ancipiti animo huc illuc fluctuantes, plura quidem, quæ Christus præcipit, mi-

rifi-

(g) Vincent. Placeius *de præcipuo philos. mor. fructu.*

(h) Jo. Fr. Budd. *Elem. philos. mor. VI. 54. sequ. p. 191.*

(i) Idem *in Diss. de Spinozismo ante Spi- nozam.*

rifice probarunt, nec pauciora tamen fastidiose rejecerunt, similes illi ΑΓΡΙΠΠÆ, (k) Judæorum Regi, qui, audita Apostoli oratione: ὦ ὀλίγω, inquit, με πείθεις χριστιανὸν γίνεσθαι, *Parum abest, quin persuadeas, ut Christianus sim.* Et de his quidem philosophis ὦ ὀλίγω christianis commentari nonnulla in præsentī placuit. Quum enim nihil sit isto semichristianismo perniciosius, ipseque generis humani Servator (l) ejusmodi homines ἐπαμφοτερίζοντας, ac neque calidos, neque frigidos, ex ore suo se ejecturum, minetur: existimavimus nos operæ pretium facturos, si Dei optimi maximi freti auxilio de hoc potissimum philosophantium periculo differeremus paullo diligentius, fyrtesque illas ostenderemus, ad quas tot eruditissimi viri triste fecissent naufragium. Jam dudum est a LIVIO (m) observatum, esse hoc in verum cognitione præcipue salubre ac frugiferum, omnis re exempli documenta, tamquam in illustri posita monumento, intueri, ut inde tibi, quod imitere, capias, inde sædum inceptu, sædum exitu, quod vites. Quæ si vera sunt, ut sunt certe verissima, nec hanc utilitate carituram existimamus tractationem historicam, quæ alienis exemplis cautiores reddere poterit philosophos, ut melius ipsi suis consulant rationibus, eaque summa cautione defugiant,

(k) Αἰ. XXVI, 28.

(l) Apoc. III, 15, 16.

(m) Livius Præfat. Hist. p. 3.

2 VINCENTIO PLACCIO (g) & JO. FRANCISCO BUDDEO (h) tam Inculenter explicatus, ut pluribus isti immorari haud opus sit,) consequens omnino est, ut philosophiam ducem ad christianam religionem non infidam esse cum CLEMENTE fateamur.

§. II.

Enimvero, quemadmodum eorum, qui ipsa revelatione divina utuntur, non omnes ad Christum perveniunt: ita non mirandum est, nec philosophis omnibus maximam præstantissimamque istam felicitatem contigisse. Sane enim quum paucissimi philosophia duce ad Christianam veritatem perducti sint: longe plures in varia diverticula delapsi misere perierunt. Alii quippe philosophia perperam usi, in atheismum ac Spinozismum (i) inciderunt. Alii profanz superstitioni, tamquam scopolis obfirmato animo adhaerunt. Alii denique, agnita quodammodo Christianæ religionis præstantia, impetrare tamen à se haut potuerunt, ut avitz superstitioni nuncium mitterent, & divinam, quam admirabantur, religionem amplecterentur. Hi ergo ancipiti animo huc illuc fluctuantes, plura quidem, quæ Christus præcipit, mi-

rifi-

(g) Vincent. Placeius *de præcipio philos. mor. fructu.*

(h) Jo. Fr. Budd. *Elem. philos. mor. VI. 54. sequ. p. 191.*

(i) Idem in *Disq. de Spinozismo ante Spi- nozam.*

rifice probarunt, nec pauciora tamen fastidiose rejecerunt, similes illi AGRIPPÆ, (k) Judæorum Regi, qui, audita Apostoli oratione: ὦ ὀλίγω, inquit, με πείθεις χριστιανὸν γνέσθαι, *Parum abest, quin persuadeas, ut Christianus sim.* Et de his quidem philosophis ὦ ὀλίγω christianis commentari nonnulla in presenti placuit. Quum enim nihil sit isto semichristianismo perniciosius, ipseque generis humani Servator (l) ejusmodi homines ἐπαμφοτερίζοντας, ac neque calidos, neque frigidos, ex ore suo se ejectionum, minetur: existimavimus nos operæ pretium facturos, si Dei optimi maximi freti auxilio de hoc potissimum philosophantium periculo differeremus paullo diligentius, fyrtesque illas ostenderemus, ad quas tot eruditissimi viri triste fecissent naufragium. Jam dudum est a LIVIO (m) observatum, esse hoc in verum cognitione præcipue salubre ac frugiferum, omnis re exempli documenta, tamquam in illustri posita monumento, intueri, ut inde tibi, quod imitere, capias, inde sædum inceptu, sædum exitu, quod vites. Quæ si vera sunt, ut sunt certe verissima, nec hanc utilitate carituram existimamus tractationem historicam, quæ alienis exemplis cautiores reddere poterit philosophos, ut melius ipsi suis consulant rationibus, eaque summa cautione defugiant,

(k) Act. XXVI, 28.

(l) Apoc. III, 15, 16.

(m) Livius Præfat. hist. p. 3.

giant, quæ aliis detrimento exitioque fuisset deprehenderint.

§. III.

Ut ergo ab ovo, quod ajunt, ordiamur, vel ex iis, quæ paullo ante monuimus, poterit colligi, quid philosophorum semichristianorum nomine intellectum velimus. Vocantur ita nobis philosophi, qui in ipsam religionem tantum sibi juris statuerunt, ut ex Christianis doctrinis, non plus quam commodum videretur, decerperent, illudque philosophiæ suæ miscerent, atque ad eo novum sibi ipsi fingerent religionis genus, ex Christianis philosophicisque doctrinis conflatum. Horum autem philosophorum *ὡς ὁλίγη χριστιανὴν* quamvis duo potissimum sint genera, alterum veterum, qui ad paganam fere superstitionem erant propcliviores, eamque tantum petitis ex ipso Christianismo dogmatibus callide interpolabant; alterum eorum, qui, licet in multis cum paganis facerent, ipsi tamen Christianæ religioni plus pretii statuere viderentur: tamen in eo utrisque convenit, quod nec in solidum essent christiani, nec omni ex parte cum philosophis paganis facerent, sed ex utraque disciplina constarent tertium nescio quid, quod sublimioris philosophiæ specie falleret, & imprudentiores raperet in admirationem.

§. IV.

De utrisque ergo quum nonnulla agere animus sit, ab antiquioribus merito ordiendum,

dum, dispiciendumque est, cur gentiles philosophiam suam doctrinis christianis, tanquam phaleris quibusdam, exornandam putaverint? Circumspectis vero rebus omnibus, quæ huc facere videntur, rationibusque subductis, hanc potissimum rei istius causam deprehendere nobis videtur. Audis paulatim christianorum rebus, adeo in omnium oculos incurrere cœperat paganæ superstitionis turpitudine, ut publico risu exciperentur sacra, mirifica quondam veneratione celebrata. Sane enim Christiana religio maxima subinde capiebat incrementa, per universum terrarum orbem tam subito diffusa, ut urbes, castella, municipia, conciliabula, castra, tribus, decurias, palatium, senatum, fora denique omnia, TERTULLIANO (n) teste, impleret, ecclesiæque termini brevi tempore pæne iisdem, quibus orbis terrarum, limitibus finirentur. Accedebat insignis christianorum pietas castissimique mores, & cruenta, quæ latissimo animo subibant, supplicia, ex quibus non obscure intelligi poterat, divinam utique ac immotam esse religionem, quæ nec inter tot acerbissimos dolores, dirissimaque tormenta homines destitueret. Obstupescabant ad hæc gentiles, & quemadmodum christianorum pietatem sapientiamque, vel inviti admirabantur: ita ex raro victimarum mercatu patris superstitionis ruinas tristi augurio prævidebant. Quid ergo agerent

(n) Tertull. Apol. cap. XXXVII. p. 182.

Hein. Var. Opusc. Pars I.

rent inter hæc homines, rebus suis male metuentes? Quid caperent consilii? Non aliud profecto succurrebat miseris, quam ut velo honestiore palliarent prostitutam in ludibrium religionem, & subreptas e christianorum purpura lacinias ingeniose illi adsuerent, quo isto induta habitu, confestim alio, multoque honestiore schemate prodiret, hominumque judicia sustineret facilius.

§. V.

Quum vero tria gentilibus essent theologiæ genera, NATURALE, CIVILE & FABULOSUM, (o) quorum hoc in turpissimis Deorum facinoribus, monstrosisque natalibus enarrandis; illud in constituendis sacris publicis; istud in exponenda rerum divinarum humanarumque natura ac indole versabatur; harum quidem disciplinarum nulla fuit, quæ non christianorum causa ornamenta quædam aliena sibi adsumserit. Poetarum fabulæ, in quibus de Diis ea, quorum vel homines puduisset, referuntur, tam callide ea tempestate explicari consueverant, ut dextras jungere sapientia stultiæque viderentur. Quod, licet jam olim quidam tentassent, maxime Platonici, (p)

qui

(o) Augustinus *de Civ. Dei* VI, 5. Lactant.

l. 12. & 17. Coel. Rhodig. Antiq. Lect.

II, 12.

(p) Tales sunt Metrodorus Lampfacenus & Heraclides Ponticus, quorum meminit Tatianus *adversus Græcos* p. 160. Chr.

qui omnia ἀλλυγοεικῶς interpretari ex se-
ctæ formula adfueverant: nunquam tamen,
quam florentibus christianis, hoc studium
inter ethnicos vixit vehementius. Sic LI-
BANIUS, sophista, teste GREGORIO NAZIANZE-
NO, (q) nulla re magis callidissimum ex-
ercuit ingenium, quam inveniendis allego-
riis, quibus christianorum tela eluderet,
poetasque impietatis stultitiæque crimine
absolveret. Idemque post hæc etiam alii
permulti factitarunt, quemadmodum a lau-
datissimo THOMÆ STANLEII (r) interprete,
in erudita de philosophia eclectica appendi-
ce, præclare est observatum. Nec remissio-
re studio sacrificuliturpissima sacra sua tum
emendabant. Ea enim tam ingeniose ad
Christianorum rituum similitudinem com-
ponebantur, ut speciem mysteriorum ad-
modum insignium præ se ferrent. De qua
gentilium æmulatione satis luculenter testa-
tur antiquum marmor, in quo abominan-
da Taurobolii & Criobolii mysteria ita de-
scribuntur: (f)

DIS.

remon. & Cornutus apud Eusebium
Hist. Eccles. V. 19.

(q) Gregor. Nazianz. *Orat. III. contra*
Julianum.

(r) Appendix ad Stanleii *Hist. philos.*
cap. VI. p. 1221.

(f) Salmastius ad Lamprid. *Elagab. cap. VII.*
p. 180. Rigaltius ad Cyprian. p. 233.

DIS. MAGNIS.

MATRI. DEVM. ET. ATTIDI. SEXTILIVS.

AGESILAVS.

AEDISIVS. V. C. CAVSARVM NON. IGNOBILIS.

AFRICANI. TRIBVNALIS. ORATOR.

TAVROBOLIO.

CRIOBOLIOQVE. IN. AETERNYM. RENATVS.

ARAM. SACRAVIT. D. D. NN. VALENTE. V.

ET. VALENTINIANO. IVNIOR. AVGG. COSS.

Quis vero non animadvertit, profanos istos ritus ita hic exornari, ut baptismo aliquatenus comparari possent? Tam sublime enim profecto est regenerationis mysterium tamque humanæ rationi abstrusum, ut ipse NICODEMUS, (t) in sacris litteris versatissimus, cœcutiat ad illud, & audito tantum nomine, rem *ἡ τοῦ ἀδωάτου* habeat. Quomodo ergo profana sacrificulorum disciplina tantum mysterium inculcare potuisset, nisi Christianis vocabulum, eorum religioni proprium, essent suffurati? Ab his videlicet quum frequentius regenerationem quamdam nominari observassent, ipsi eandem regenerandi virtutem, quam hi baptismo tribuebant, Taurobolio suo conabantur vindicare, ne, mysteria sua Christianorum sacris ulla in re deteriora esse, fateri cogerentur. Incredibile hoc poterat videri, nisi & aliis testimoniis res extra omnem dubitationis aleam poneretur. Exstat enim JULIANI Imperatoris insignis epistola,

(t) Jo. III, 4. 9.

la, (u) in qua, postquam sacrificulis multas leges præscripsit, non dissimulat, ista omnia se, Christianorum æmulatione incensum; imperare. Si enim, inquit, sacerdotes nostri in elargiendis beneficiis segniores fuerint: præbunt Galilæis materiam, liberalitate sua & beneficentia factionem suam stabiliendi, & honestos Deorum cultores calumniandi. Eandem rem agit in alia ad Arfacium, Galatiæ Pontificem, epistola, in qua graviter hortatur hunc flaminem, ut sacrificulos, ad cleri Christiani instituta, mores, hospitalitatem ac disciplinam instituat. At quò consilio? (x) Cur enim inquit hanc sacrarum mutationem sufficere posse credimus, neque ad ea respicimus, quibus impia Galilæorum religio creverit: id est, ad benignitatem in peregrinos, ad curam a' illis in mortuorum sepultura positam, & ad sanctimoniam vitæ, quam simulant? Quorum singula a nobis vere exsequenda esse censeo. Referendum etiam huc est ALEXANDRI SEVERI, (y) principis semichristiani, institutum, qui non modo Christum in larario suo una cum heroibus paganorum coluit, sed & tanti æstimavit sacros christianorum ritus, ut eos ad ipsam rempublicam transferret, & magistratus surrogandos illorum exemplo

(u) Julian. *Fragm. Epist.* p. 305. *Operum.*

(x) Idem *Epist.* XLIX. p. 429. *sequ.* & *en ea* Sozom. *Hist. Eccles.* V. 16.

(y) Lamprid. *in vita Alexandr.* cap. XLIII. & XLIX.

plo publice proponeret, & hortaretur populum, si quis quid haberet criminis, ut manifestis rebus probaret. Quin dudum observatum est eruditis, nunquam philosophos de precibus, de hymnis Deo canendis, aliisque ejusmodi cultus divini partibus studiosius egisse, quam ex quo christiani iis exemplo suo præverint. Ex quibus satis adparet, gentiles etiam sacrorum suorum rationem, quoad ejus fieri poterat, ad Christianorum exemplum composuisse. Ad naturalem denique theologiam quod attinet, expoliendam sibi illam sumserunt philosophi, maxime illi, qui in nullius verba magistri jurantes, eclecticum quoddam philosophandi genus sequebantur. Quemadmodum enim hi non dubitabant ex ipsis Chaldaeorum, Ægyptiorum, Phœnicum monumentis nonnulla in rem suam vertere: ita & Ecclesiæ thesauris inhiant, plura, quæ præclare a Christianis de rebus divinis & moralibus tradebantur, impudentissimo conatu surripientes, lucemque ita miscentes tenebris, ut difficillimum subinde sit, ea, quæ rationis ductu cognoverant, a Christianorum spoliis discernere. Et hæc quidem est philosophorum *αὐτὴν ὁλίγη* Christianorum origo, hæc occasio, qua in lucem prodire coeperunt. Ex eo enim tempore vix ullus est doctorum gentilium *κατ' ἐκλογὴν* philosophantium, cujus in operibus non aliqua *saltem* occurrant istius semichristianismi vestigia.

§. VI.

Animadverterunt hanc philosophorum rapinam

pinam jam olim viri eruditissimi, qui veluti conditionem rei furtivæ contra illos passim instituerunt. EUSEBIUS, (z) in veterum philosophorum lectione versatissimus, de AMELIO refert, eum divi Joannis expilasse evangelium, eumque non sine laude citasse. De PLUTARCHO & PLOTINO idem testatur THEODORITUS. (a) Et quamvis, quod ad Plutarchum attinet, ratio eum fugiat: de Plotino tamen res magis videtur dubio carere. Præterea etiam PROCLUS eandem dicam scribit COSMAS INDICOPLEUSTES, (b) sexti sæculi scriptor christianus, qui de eo diserte: Ἔπος, inquit, τὰ ὅμοια ἡμῖν λέγει, μεταπλάσας τὸν λόγον. Ipse quoque nostris similia proferre, mutato solum in aliam formam sermone. Denique & de alijs suæ ætatis philosophis BASILIUS (c) idem affirmare non dubitat, dum scribit: *Hæc, (quæ paullo ante ex Joannis evangelio adduxerat,) ego novi multos, etiam extra veritatis rationem mundana sapientia præditos, jactantes, & admirantes suis decretis & scriptis miscere auctos esse.* Κλέπτης γὰρ ὁ διάβολος, ἐκ τὰ ἡμέτερα ἐκπερομυθῶν πρὸς τοὺς ἑαυτῷ ἱκανήτας. *Fur enim est diabolus, qui nostra quæ sunt, extra ad suos fert interpretes. Nihil eo loco pla-*

(z) Eusebius *Præp. Evang.* XI, 10.

(a) Theodoritus *Therapeut.* II, p. 33.

(b) Cosmas Indicopleust. *Christian. Opin. de mundo* XII, p. 341. in Bernardi Montfaucon *Collect. nova PP.* Tom. II.

(c) Basilius *Homil.* XVI. in *princ. Joan.*

planius, nihil evidentius. Non enim loquitur de λόγῳ Platoniorum, quasi ex ea doctrina falso collegerit BASILIUS, philosophos Joannem expilasse: sed de ipsis Joannis verbis, in opere eorum non uno adductis, ex iisque recte infert id, quod nos demonstrandum hic suscepimus, philosophos etiam gentiles christianæ religionis præstantiam tam compertam habuisse, ut subreptas illi purpuras pannis suis adsuere non dubitarint.

§. VII.

Neque nostra ætate defuerunt viri accurate docti, qui collatis inter se veterum juniorumque scriptis, horum plagia sagaci ingenio deprehenderunt. JOANNES ENIM OVVENUS, (d) qui primus mihi nunc in manum incidit, in eruditissimo opere, quod Θεολογύμνημα inscripsit, ultimum istum ruentis gentilismi conatum diligentissime describit, observatque, diabolum, prævisa antiquæ superstitionis ruina, ne in extremo actu sibi deesset, religionem, in qua ipse unus omnia fuerat, varie instaurasse, & novas ei vires, novum splendorem addere pro virili tentasse. Quam vero dux potissimum fuerint gentilismi partes, una, quæ in variis de Deo rebusque divinis opinionibus, altera, quæ in profano deorum cultu versaretur, in eo elaborasse veteratorem, ut viros doctissimos excitaret, qui,

salva

(d) Jo. Ovveni *Theologumena* l. 9. p. 126.
 & III. 6. p. 211.

salva ἀντομαρτία sua, & opiniones de Deo sobrias magis, ac sublimiores excogitarent, & cultus superstitiosi rationes minus, quam antea, ridiculas ac ineptas præscriberent, & eas veluti fucō delinirent. In prima operis parte AMELIUM, EUMENIUM, PLOTINUM, PROCLUM, HIEROCLEM, CELSUM: in posteriore APOLLONIUM TYANEUM, PORPHYRIUM, JAMBlichum, & JULIANUM sedulo elaborasse. Quæ ubi fufius doctiffimus auctor exposuit, ita pergit: *Hoc autem conatu illos ejus veritatis, quam odio habuerant, beneficio, qua jam sui radios in hominum mentes immiserat, usos esse, certissimum est. Quin generatim denique pronunciat, primis ecclesia temporibus totam philosophandi rationem ex christianismo esse innovatam.*

§. VIII.

Eundem locum cum cura tractavit LUCAS HOLSTENIUS, (e) quo nemo in scriptis juniorum PLATONICORUM fuit versatior. Postquam enim de PLOTINI ac PORPHYRII doctrina atque universa philosophandi ratione proluxius disseruit, subductis rationibus omnibus, quæ huc facere videbantur, hanc facit cogitationum suarum summam: (f) *Non possum, quin præstantissimorum ingeniorum sortem miserear, qua in ea tempora inoderunt, quum religio Christiana novam ac insue-*

(e) Lucas Holstenius de vita & scriptis Porphyrii cap. VI. p. 24.

(f) Idem l.c. p. 28.

suasam mortalium animis lucem extolleret, NUMENII, inquam, PLOTINI, PORPHYRII, AMELII, HIEROCLIS, qui quum divina veritas gustum ex sacris litteris & nascentis ecclesie doctoribus, aut christianorum doctorum ore percepissent, purissimos veritatis rivulos in Pythagora & Platonia derivarunt lacunas, & igniculos divina lucis mendaciorum fumo & tenebris obscurarunt. Idem vir clarissimus (g) paullo post observat, in posteriorum Platoniorum scriptis, praesentim PLOTINI, JAMBLLI-CHI, & PROCLI, multa passim reperiri, quae non ex obviis & communibus religionis nostrae dogmatibus, sed ex intimis & reconditissimis mystica theologia penetratibus videantur deprompta, neque obiter tantum strillimque verbis adumbrata, sed proprio ac efficacissimo orationis genere adeo luculenter ab iis expressa, ut magnis ingeniis materiam dubitandi non levem reliquerint, alios in eum impulerint errorem, ut quae apud vetustissimos ecclesiae scriptores divina prorsus in hoc genere, exstant, ea inverso ordine a Platoniciis illis mutuata, & velut Aegyptiorum spolia in pios usus conversa, adfirmarint, atque ista etiam argumenta praestantissimorum operum fidem auctoritatemque convellere voluerint. Hæc HOLSTE-NAUS, qui his verbis non obscure eos notare videtur, qui DIONYSIUM AREOPAGITAM Pla-

(g) Vid. Petavii *Dogm. theolog.* IV. 10. de Deo. Thomæ Gale adnot. ad Jambl. de myster. Aegyptiorum p. 288. Jo. Albert. Fabric. *Proleg. ad Marini vitam Procli.*

Platonica quædam in theologiam mysticam transtulisse arbitrantur. Ipse enim contra ea existimat, Platonicos potius mysticorum scriptura expilasse. Quod etiam de Proclo testatur SVIDAS, (h) dum ait: Ἰστέον, ὡς τινες τῶν ἐξω σοφῶν, καὶ μάλιστα Πρόκλος, θεωρήμασι πολλὰ καὶ μακαρίᾳ Διονυσίου κέχρηται, καὶ αὐταῖς ταῖς ξηραῖς λέξεσι. Sciendum autem est, quosdam ex profanis sapientibus, præcipue vero Proclum, sæpe theorematibus beati Dionysii, & interdum nudis ejus verbis, usos esse. Sed quocumque modo se res habeat, (nolumus enim jam hac de re cum quocumque litigare) id saltem certum est, philosophos istos, de quibus HOLSTENIUS agit, multa, si non e Dionysio aliisque mysticis, at certe ex aliis doctorum christianorum operibus, in rem suam vertisse.

§. IX.

Non magis hæc philosophorum æmulatio fugit sagacitatem illustrissimi episcopi Sueffionensis. P. D. HUETII, (i) qui ubi Jamblichi de mysteriis Ægyptiorum sacerdotum opus citat, in eo passim dicit micare lucidissimæ veritatis scintillas, & strituras quasdam christianismi. Cujus rei redditurus rationem: Ex quo enim, inquit, fulgere cæperat Christi philosophia, jam inde etiam ethnicam philosophiam lucis suæ radiis late persudit, idque cum in Procli, Porphyrii, alia-

(h) Suidas voce Διονυσίου. Tom. I. edit. Lud. Kusteri.

(i) Huetii i Demonstr. Evang. Prop. IV. p. 23.

vix possit. Observat porro, id omne ab illa æmulatione religionis christianæ factum, ne quidquam scilicet deesse philosophiæ videretur eorum, quibus illa sese maxime hominum animis commendare deprehenderetur. Nam ab indoctissimis quoque hominibus eam in christiana religione doctrinæ morumque probitatem deprehensam esse, atque innocentiam, ut non potuerit non animos eorum ducere, atque convincere conscientias. Addit præterea, non alios facile in ornanda spoliis huiusmodi philosophia diligentiores se præstitisse, quam qui infensissimo fuerint adversus Christianos animo. JULIANUM enim, PORPHYRIUM & PROCLUM, quos peculiaribus scriptis christianismum impugnasse constat, diligentissimos fuisse in imitanda doctrina morum, institutisque christianorum. Quæ & aliis quibusdam speciminibus demonstrat, ob præmissæ brevitatis fidem hic omnino præmittendis.

§. X.

Minimum fortasse momentum domestica hæc testimonia ad rem adferre videbuntur. Quum enim nihil contingat frequentius, quam ut adfectus migrent in calamum, & ad id credendum sit quisque proclivior, quod suæ, quam profitetur, religioni honorificum esse existimaverit: verèri quis posset, ne & hi, quos recensuimus, humani quid passi sint, istaque omnia non tam veritate, quam religionis studio adducti, scripserint? Enimvero, quo minus hæc in eos cadat suspicio, ipsi prohibent gentiles.

niles philosophi, qui, ut sollemne est furibus, suas sociorumque rapinas turpiter prodiderunt. PROCLUS (n) enim, qui reliquis plagariis vult videri ingeniosior, laudatis quibusdam, quæ de archangelis disferuerat PORPHYRIUS, caute admodum monet, novum hoc philosophandi genus a JAMBlichO esse reprehensum, ideo, quod PLATO archangelorum nusquam meminerit, quibus addit PROCLUS: ὁ δὲ φιλόσοφος ὁ πρό-
πτος ἐστὶ τῆς θεωρίας, ἀλλὰ βαρβαρικῆς ἀλαζονείας μεσός. Neque philosophicus hic speculandi modus, sed barbarica ostentationis plenius. Quibus verbis quid innuat, non adeo obscurum est illis, qui JOANNEM Evangelistam ab AMELIO βάρβαρον, (o) ipsumque disciplinæ Christianæ institutum a PORPHYRIO (p) βάρβαρον τὸ λήμμα, a JULIANO (q) denique βαρβαρικῶς ἀλαζονείαν frequenter adpellatum, meminerint. Sed quid opus est, inquis, ad christianos confugere: quum archangelorum jam multo ante PORPHYRIUM ZOROASTRIS oracula & ORPHEUS meminerint? An non ab his potius, quam a Christianis, mutuam hanc doctrinam acceperit PORPHYRIUS? Annon probabilius est, PROCLUM Chaldaeorum potius & Orphei dogmata τῆς βαρβαρικῆς ἀλαζονείας nomine notasse, quam Christianorum? Sed sunt for-

(n) Proclus in *Timaeum* l. p. 41.

(o) Eusebius *Bras. Ecc.* XI, 19. p. 540.

(p) Idem *Hist. Eccl.* VI, 19.

(q) Julianus *Epist.* LXIII. p. 454.

fortassis, quæ his reponamus. Fateor equidem, multos in ZOROASTRIS oraculis angelos quærere & archangelos. Quemadmodum & THOMAS GALE, (1) disquirens in eruditis ad JAMBlichum adnotationibus, unde archangelorum doctrinam Porphyrius acceperit? respondet, plures esse vias, quibus ad ejus notitiam potuerit pervenire. Præter libros enim Judæorum, Christianorum & Gnosticorum apocryphos, etiam ZOROASTRIS existisse oracula, e quibus de archangelis quædam haurire potuerit. Sed in iis, quæ exstant, oraculis neque archangelorum, neque angelorum ulla fit mentio. Adscribunt equidem Chaldæis hanc doctrinam PELLUS, DAMASCIUS, & alii: (2) sed qua fide, ipsi viderint. Mihi sane omnia, quæ de ZOROASTRIS & Chaldæorum doctrinis vulgo referuntur, talia videntur, ut iis vix tuto innitaris. Quamvis enim non negem, inesse iis nonnulla vere Chaldaica, res ipsa tamen docet, adeo illa alienis Platoniorum & Judæorum doctrinis esse interpolata, ut genuina a spurgiis ægre discernere liceat. Idemque sentiendum videtur de ORPHEO, (3) cujus hi versus circumferuntur:

Σὺ δ' ὁ θρόνῳ πρῶτοντα ἀρετῶν πολὺ
μοχθῶς.

Ἄγ.

(1) Thom. Gale. ad Jambli. p. 206.

(2) Thom. Gale l. c. Thom. Stanleii Hist. Philos. Chald. l. 2. 9. (3) Orpheus ap. Clem. Alex. Strom. V. p. 608.

Ἄγγελοι, οἷσι μέμνη, βροτοῖς ὡς πάντα
τελεῖται.

*Candentique tua sedē permulta laborans
Adstant Angelicus populus, quēis maxima
cura*

Mandata est hominum.

Quis enim eos genuinos præstiterit in tanta carminum Orpheo suppositorum turba? Quare id verosimillimum videtur, quod RUCÆ HOLSTENIO (u) visum est, hanc de angelis doctrinam Porphyrium accepisse a christianis, hosque ipsos esse, quos barbarorum nomine PROCLUS traducat. Adjungimus vero PROCLUS JULIANUM, ἢ παραβάτιν, qui, quum ad paganorum defecisset superstitionem, nihil reliqui fecit, ut quantum in se esset, absurdissimæ religionis maculas elueret. Hinc non ipse tantum cautius sublimiusque philosophari cœpit, verum etiam reliquos paganos, in primis sacerdotes, ad emendatiorem illam & semichristianam philosophandi methodum est cohortatus. Ad sacrorum enim antistites inter alia & hæc scribit: (x) Προσεκτέον ἢ ὅτε πᾶσιν, ὅτε τοῖς πάντων δόγμασιν ἀλλὰ ἐκείνοις μόνον καὶ ἐκείνων, ὅσα δειβεῖται ὅτι ποιητικά, καὶ διδάσκει περὶ θεῶν, πρῶτον μὲν, ὡς εἰσὶν, εἶτα ὡς προνοοῦσι τὴν θεῶν, καὶ ὡς ἐργάζονται.

(u) Holstenius de vita & scriptis Porphyrii cap. VI. pag. 27. sequ.

(x) Julian. Fragm. Epist. p. 300. sequ.

ζονται μὲν ἕδὲ κακὸν, ἕδὲ ἄλλας φθονῶντες
 καὶ βασκαίνοντες; καὶ πολεμῶντες. Non omnibus
 aut omnium dogmatibus, auscultandum, sed
 illis, & eorum decretis dumtaxat, qua pie-
 tatem animis inſpicere poſſunt, deque Diis ita
 docent: primum aliquos eſſe, deinde infima-
 rum rerum penes illos eſſe curam, ad hæc ni-
 hil ipſos mali, neque hominibus, neque cete-
 ris inferre, livore, invidia aut mutuis inter
 ſe præliis exercitos. Quorſum autem hæc
 ſpectent, facile conjiciet, quicunque ea,
 quæ ſtatim ſequuntur, verba expenderit:
 ἀποῖα γράφοντες μὲν οἱ παρ' ἡμῖν ποιηταὶ κατε-
 φρονίδησαν· οἱ δ' Ἰουδαίων προφῆται, διατε-
 ταγμένως συγκατασκιάζοντες ὑπὸ τῷ ἀδελίων,
 τῷ πορσνευμάτων ἑαυτοὺς τοῖς Γαλιλαίοις δαμ-
 νάζονται. Huiusmodi (de deorum invidia
 & contentionibus) quum Poeta noſtri ſcri-
 ptis prodidiſſent, contemptui habiti ſunt, ac
 vero Judæorum propheta; quum illa pro certis
 & conſtitutis adſeuerent, apud infelices illos,
 qui ſe ad Galilæorum cætum adplicarunt, in ad-
 miratione verſantur. Quid aliud ergo inten-
 dit JULIANUS, quam ut gentiles chriſtiano-
 rum æmulatione accendat, horteturque ad
 philoſophiam illam ſemichriſtianam, maio-
 re, quam adhuc feciſſent, cura excolen-
 dam? Id uauum ſcilicet reliquum videbatur
 JULIANO, turpi ad gentiliſmum defectione
 omnium reprehensionem incurrenti, ut ſtru-
 mam, quod eſt in proverbio, dibapho te-
 geret, quæ emendata quodammodo ad
 Chriſtianorum exemplum philoſophia, paul-
 lo minus inſanire videretur.

Enimvero despiciendum porro est, quibus demum viis philosophi isti ad christianæ veritatis thesauros penetrarint. Notum enim est, jam inde a sæculo tertio Christianos mysteria sua habuisse secretissima, & ne catechumenis quidem, nedum paganis, illa facile enunciasse. (y) Quomodo factum est igitur, ut ad ipsos paganos eorum notitia pervenerit? Sed cogitanti mihi ea de re, & recentior videtur illa, quam jactant, disciplina arcani, & tres occurrunt viæ, gentilibus philosophis expeditissimæ: Alii enim ex sacrarum litterarum ecclesiæque doctorum lectione, alii ex quotidiana Christianorum consuetudine, alii in eorundem scholis profecere. Librorum sacrorum lectioni operam dedisse juniores philosophos, ex iisque, quantum eorum rationes tulerunt, in rem suam vertisse, extra omnem dubitationis aleam positum est. Quamvis enim hæc oracula criminossissime insectarentur, eorumque *Prophetiarum* data opera impugnarent; non puduit tamen homines impios, ea, quæ sublimiora ipsis videbantur, operibus suis intexere, hisque alienis plumis se efferre. Inter hos merito referimus NUMENIUM, quem ORIGENES (z) ait multa suis inseruisse comen-

(y) Gebh. Theod. Meyer *de recondita veritate Eccles. Theologia* §. XVI. p. 18. Guil. Ernest. Tenzel. *de discipl. arcani*.

(z) Origen. *adv. Cels.* IV. p. 198. & I. p. 113.

mentariis de prompta e Moſis & Prophetarum libris, & tractata per veriſimilem tropologiam. Quæ ne quis paullo jactantius ab Origene dicta exiſtmet: ſpeciem hujus rei nobis ſuppeditant PORPHYTIUS (a) & EUSEBIUS, (b) qui verba Moſis: ἐκφέρειται ἐπ' αἶνα τῷ ὕδατι θεῷ πνεῦμα (c) a Numenio adducta explicataque teſtantur. Quin immo non ſolum veteris teſtamenti ſcrinia expilavit, quemadmodum ab Origene obſervatum eſt, ſed & in libro tertio περὶ τὰ γὰρ δὲ narravit quamdam hſtoriam de JESU, non addito nomine, ſed narratione in tropologiam converſa. (d) Porro NUMENIUM in iſthac inſtituto ſequuti ſunt alii, maxime AMELIUS, qui EUSEBIO (e) teſte, laudato principio evangelii JOANNIS, per Jovem juravit, quod barbarus ille, (ſic vocat Joannem,) recte ſapienterque de λόγῳ diſſeruerit. Quo loco non poſſum non monere, Platonicos juniores, quum in magiſtri ſui ſcriptis de λόγῳ quodam multa dici deprehendiſſent, maximopere ſuſpexiſſe divinum illud evangelii Joannis principium, exiſtimantes videlicet, illam PLATONIS περὶ τοῦ λόγου doctrinam, tanti tamque inter chriſtianos honorati viri teſtimonio non leviter ſtabiliri. In quo quamvis valde eos fugiat ratio, quum JOANNIS evangeliftæ Platonique diſ-

fen-

(a) Porphy. de antro. p. 256.

(b) Euseb. Prap. Evang. X, 17. XI, 9, 18.

(c) Gen. I, 2. (d) Origen. adv. Cels. IV. p. 128. (e) Euseb. ibid. XI, 19. p. 340.

sensus a viris eruditissimis contra JO. CLERICUM (f) luculenter admodum demonstratus sit: (g) Platonici tamen id adeo non potuit persuaderi, ut prima illa JOANNIS commata, quum cetera christianorum omnia contemtu haberent, amplissimis semper laudibus efferrent. Hinc e SIMPLICIO, Mediolanensium episcopo, sapiuscule se audivisse ait AUGUSTINUS, (h) quemdam ex Platoniciis dixisse, *aureis litteris describendum esse evangelii Joannis initium, & in conspicuis ecclesiarum omnium locis proponendum*: Omittimus jam, quæ de PLUTARCHO & PLOTINO observare sibi visus est THEODORITUS. (i) Omittimus, quæ de CELSO, PORPHYRIO, JULIANO, & CHALCIDIO dici poterant, quorum vel opera & fragmenta, quam adfui fuerint in evolvenda sacra scriptura, legendisque christianorum libris, perspicue docent. Quis vero viros tam prudentes atque eruditos a divini verbi lectione plane inanes rediisse credat? quis dubitet, quin etiam aliud agentibus plura in eo occurrerint, quæ animos, quantumlibet a CHRISTO alienos, in admirationem raperent? Unde adeo non mirum est, philosophos hos ex scripturis sublimius philosopha-

(f) Jo. Clerici *Animadv. ad XVIII. primam commata cap. I. Joannis & Ep. Critic. IV. p. 247.* (g) Hermann. Witsii *diff. de λόγῳ in dodec. Exercit. Hist. theolog.*

(h) August. *de Civit. Dei. X, 28.*

(i) Theodorit. *Therapeut. II. p. 32.*

phari didicisse, ut mirandum potius esset, nisi vani hi sapientiæ diviniore ostentatores spoliis quibusdam, ex divino codice surreptis, *φλαγίας* suas exornassent.

§. XII.

Alteram viam, qua philosophi pagani ad sublimiorem quamdam sapientiam notitiamque christianæ religionis pervenerunt, munivit illis perpetua christianorum consuetudo, quæ iis vel nihil tale cogitantibus profuit, dum tot laudandis christianorum exemplis quotidie excitabantur. Magna nimirum exemplorum etiam apud malos vis est, & quemadmodum, qui in sole ambulant, etiamsi id non agant ut colorentur, colorantur tamen: ita fieri vix potest, quin is, qui cum sapientibus vitæque emendatæ viris quotidie versatur, aliquam, si non sapientiam ac probitatem, at certe illarum speciem induat. Jam consideret mihi quisquam illorum temporum conditionem, secumque cogitet, annon oportuerit philosophos ad æmulationem accendi. Omnes civitates tum impleverant christiani, veram illam animique formatricem sapientiam professi. Eorum non modo doctores & antistites, sed & mulierculæ & servuli, a lacu & furno redeuntes, & sublimius reverentiusque de rebus divinis differebant, & plus veræ sapientiæ exprimebant vivendo, quam philosophi universi integris voluminibus tradiderant. (k)

At

(k) Athenagoras *Apolog.* p. 39. & ibi *Rechenbergi Adnotat.*

At qui eodem tempore florebant philosophi, dici non potest, quam anilem ac insipidam sectati sint philosophandi rationem, priusquam sublimioris cujusdam sapientiae gemmas furtim christianis surriperent. Alii, ut LUCIANUS (I) ait, ἀρετὴν τινα καὶ ἀσώματα καὶ λήρησιν magno strepitu jactare: alii vulgaria quaedam vivendi praecepta miro supercilio inculcare, ipsi ceteroquin ab emendata vita remotissimi: quidam disputando cum vitiis bellum gerere, & gloriosum sibi ducere, si paullo loquaciores & in vibrandis excipiendisque quaestiunculis essent exercitiores. Denique omnes, qui tum sapientiam nomine pallioque praeferabant, philosophiam in popolare converterant artificium, verborum inanium fumum aere vendentes, quales ὅτι μισθῷ φιλοσοφῶντας ἐπὶ ἀρετῇ ὄντιον ὥσπερ ἐξ ἀγορᾶς ἀποτιδύνας, pro mercede philosophantes, & virtutem veluti venum in foro exponentes, non sine sale exagitat LUCIANUS. (II) Quid agerent igitur excitatoria ingenia, quae in tanto stultorum proventu subinde nascebantur? A Christo & vera, quam evangelium exigit, fide penitus abhorrebant. Ex christianis in quotidianis congressibus multa audiebant de Deo, ejusque natura & operibus, multa de spiritibus bonis & malis, de rerum origine, de hominis naturali corruptione,

de

(I) Lucianus in *Timone* p. 97. Tom. I.

(II) Lucian. in *Nigrino* p. 39. T. I.

de purgatione animi & vera virtute, de casto Dei cultu, aliisque hujus generis doctrinis, quæ vel inviti cogeantur admirari. Nec ferre profecto poterant æquo animo, sapientissimos quosque gentilium, a christianorum mulierculis & ancillis sapientia & pietate superari. Quid consilii itaque erat reliquum, quam ut christianorum dogmata, quantum salva religione fieri poterat, sua faceret, iisque spoliis exornarent philosophiam, publico risui adhuc expositam, ipsisque gentilibus, sine his tegumentis, dedecori futuram?

§. XIII.

Enimvero ex ipsis denique christianorum scholis lumen haut minimum philosophiæ gentilium effulsit. Eas enim & ab ipsis paganorum philosophis esse frequentatas, exemplis constat quam plurimis. Mirum quidem hoc videri poterat, vel eo nomine, quod pagani odio plus quam Vatiniano christianos prosequerentur. Unde facile quis posset colligere, quosvis potius, quam christianos doctores, ab iis esse auditos. Sed nota est curiositatis indoles, quæ reliquos adfectus haut raro suppressit, ipsumque odium aut exstinguit aut suspendit. Sane ipsorum Imperatorum & Augustarum nonnullos a christianorum institutione non prorsus abhorruisse, legimus. De Severo enim Imp. a TERTULLIANO (m) memoriæ proditum est, quod in palatio habuerit PROCULUM

(m) Tertull. ad Scapulam. cap. IV.

zum quemdam christianum, qui Torpacion sit cognominatus, quique Imperatorem aliquando oleo curaverit, ipsumque ejus filium Antonium Caracallam lacte christiano educaverit. Idem de Julia Mammæa, Alexandri Severi matre, est certissimum, (n) quippe quæ Antiochiam accivit ORIGENEM, ut ex ejus præceptis sermonibusque proficeret, & christianam perdisceret doctrinam. Hæc si ipsi Imperatores & Augustæ fecerunt, qui, quantum nobis constat, antiquæ superstitioni, tamquam scopulis adhæserunt: cur dubitassent, quæso, tenuioris conditionis homines, christianorum scholis interesse? Sed quid opus est verbis, ubi res ipsa loquitur? Nota est schola christianorum Alexandrina, ex qua tamquam ex equo Trojano lectissima semper ingenia prodierunt. Jam inde enim a prima christianorum ætate eam illuminarunt doctores celeberrimi, CLEMENS, PANTENUS, AMMONIUS, ORIGENES, HERACLAS, PIETUS, SERAPION, (o) DIDYMUS, RHODON, & alii quamplurimi: quorum institutum licet ad τῶν λόγων διδασκαλίαν potissimum spectarit, eoque factum sit, ut κατηχήσεων magistri vocarentur: philosophiam tamen eadem opera professi sunt, omniaque, quæ

(n) Euseb. *Hist. Ecclæs.* VI. 27. pag. 223.

(o) Philippi Sidetæ *Catal. catechetarum* Alex. apud. Dodvvelum ad finem dissert. Ironaic. Jo. Andr. Schmidii *diff. de Schola Alexandr. catechet.*

in gentilium operibus reperiiebantur, in suos selegerunt usus, non quod christianæ religionis his phaleris opus esse existimarent, sed quia hæc non incommoda videbatur gentiles ad se alliciendi occasio. Et sane non infeliciter ipsis cecidit hoc consilium. Quamvis enim fatendum sit, quosdam Alexandrinos inquisitionis philosophiæ decreta nonnumquam esse amplexos, & dum nescio quem eruditionis suum captarint, multos una errores in ecclesiam invexisse: (p) effecerunt tamen hac docendi ratione, ut & gentiles, his ἀκροάσειν invitati, eorum scholis interessent, in iisque veluti aliud agentes ad christianam religionem præpararentur. Cujus rei luculentum testem habeo EUSEBIUM, (q) qui ubi de ORIGENE, ejusque docendi dextertate & fama agit: Τοιαῦτα δὲ, inquit, φιλοσόφου, βίη τοῖς θεωρημαῖς παρέχων ὑποδείγματα εἰκότως ὅτι τὸ ὅμοιον αὐτῷ ζῆλον, πλεὺς παράρμα τῷ φοιτητῇ, ὥστε ἤδη τὸ ἀπίστον ἐθνῶν τὸ ὑπὸ παιδείας καὶ φιλοσοφίας καὶ τὸς τυγχόντας ὑπάγαγε τῇ δι' αὐτὸν διδασκαλίᾳ. Hujusmodi igitur philosophica vita exempla omnibus spectanda præbens, plures ex discipulis ad imitationem sui merito provocavit, ita ut multi ex gentilibus, tum in omni doctrina genere, tum in philosophia præstantissimi, ejus se magisterio submitterent. Cui suffragatus HIERONYMUS

(p) Thom. Ittigii *Præfat. ad operum Clement. Alex. Supplementum* n. VII.

(q) Euseb. *Hist. Eccles. VI, 3. p. 167.*
Hein. Opusc. Var. Part I. K

NYMUS: (1) *illud, inquit, de immortalitate Origenis ingenio non taceo, quod dialecticam quoque & geometriam, & arithmeticam, musicam, grammaticam, & rhetoricam, omniumque philosophorum sectas ita didicit, ut studiosos quoque secularium literarum sectatores haberet, & interpretaretur iis quotidie, concursusque ad eum miri fierent, quos ille propterea recipiebat, ut sub occasione secularis litteraturæ in fide Christi eos institueret. Possem hanc in rem exemplum adducere non unum, iisque rem omnem perducere ad liquidum. Ipse enim EUSEBIUS (2) recenset Plutarchum, Serenum, Heraclidem, Heronem, alterum Serenum, Heraclam, qui omnes, gentiles quum essent, Origenis scholas frequentarant, in iisque tantum profecerant, ut non modo verbis factisque, sed & sanguine, CHRISTUM confiterentur. Sed sufficient fratres germani GREGORIUS THAUMATURGUS & ATHENODORUS, quorum uterque philosophicis studiis in Origenis scholis initiatus, abjecta veteri superstitione, inter christianos nomen professus est, ceu in ipso dissertationis limine ex GREGORIO NYSSENO docuimus.*

§. XIV.

Inter omnes verò, quæ tum florere, scholas, facile reliquis omnibus, palmam præripuit illa Ammonii Saccæ, cujus tantum

(1) Hieronymus *Catalog. Viror. illustr. c. LIV.*

(2) Euseb. *Hist. Eccl. VI, 3. p. 165. & 4. p. 167. sequ.*

tum erat fama, tantaque celebritas, ut etiam PLOTINUS, HERENNIVS & ORIGENES, ab Adamantio illo diversus, aliique gentiles philosophi, illi interesse non dubitarent, multaque inde procul dubio referrent, ex reconditissimis christianæ religionis dogmatibus deprompta. Sed multa hic eruditis subnata sunt dubia, quorum quædam, quæ huc faciunt, paucis discutiemus. PORPHYRIUS, (t) qui vitam PLOTINI accurate admodum perscripsit, ut & HIEROCLES, (u) de AMMONIO prodiderunt memoriæ, eum veterum philosophorum opinionibus perpur-gatis, rejectisque, quæ instar lolii succreverant, nugis, puram ac genuinam philosophiam restituisse, & multos sibi undequaque accivisse auditores, & in his maxime Plotinum, Herennium & Origenem, qui fidem sibi mutuo obstrinxerint de dogmatibus AMMONII non evulgandis. At quum PLOTINUS promissis bona fide stetisset: HERENNIVS, teste PORPHYRIO, eam primus violavit, eundemque postea sequutus est Origenes. Hæc partim HIEROCLES, partim PORPHYRIUS referunt. Quum itaque adhuc inter omnes constiterit, AMMONIUM istam Sacca Christianorum sacris fuisse addictum, collegerunt ex Porphyrii verbis LUCAS HOLSTENIVS (x) & PHILIPPUS LABBEUS, (y)

dog-

(t) Porphy. *Vita Plotini*, c. III. (u) Hierocles apud Photium in *Biblioth. Cod. CCXIV. p. 549.* (x) Luc. Holstenius *de vita & scriptis Porphyrii*. p. 281. (y) Phil. Labb. *diff.*

dogmata illa Ammonii, de quibus non evulgandis fidem sibi invicem obstrinxerit illa condiscipulorum triga, nihil fuisse aliud, quam doctrinas sublimiores, ex ipsa religione christiana depromptas, quæ a PORPHYRIO invidiæ amoliendæ causâ *δόγματα ἐν ἀρετῇ διαποικίλονται*, dogmata imprimis perpurpurgata adpellentur. Sed alia omnia hic videntur doctis quibusdam viris, qui HOLSTENIUM & LABBEUM falli existimant. Celeberrimus, mihiq̃ue nunquam sine laude dimittendus STANLEII interpres, (z) in eo ait utrumque errasse, quod crediderint, PORPHYRIUM in animo habuisse philosophiam, doctrinis christianis interpolatam, quum potius ejus verba ad philosophiam eclecticam, ab AMMONIO excultam, pertineant. At ulterius progrediuntur PETRUS BELIUS (a) & JO. ALB. FABRICIUS, (b) qui non hunc modo errorem in Holstenio & Labbeo notant, sed & penitus AMMONIUM tum christianum fuisse negant, quum PLOTINUS ei daret operam. Quæ si vera sunt, ne suspicandum quidem erit, AMMONIUM discipulis dogmata Christiana instillasse. Sed ut largiamur, PORPHYRIUM non de dogmatibus Christianis, sed eclecticis, esse loquutum, (quamvis tunc vix possit reddi ratio,

de script. Eccles. Tom. I. p. 58.

(z) *Append. ad Stanl. de philos. eclectica cap. III. p. 1210.* (a) *Bael. dission. Historique & Critiq. Tom. I. p. 200.*

(b) *Fabric. Bibl. Gr. IV. 26. p. 151. & 159.*

tio, cur hæc discipulorum trigia, ea dogmata eclectica evulganda non putaverit,) ea tamen, quæ de paganismo AMMONII suspicati sunt viri doctissimi, non videntur tam firmis niti argumentis, ut eorum causa, virum tam illustrem, e christianorum diptychis expungendum arbitremur. Primo enim ΣΟΔΙΣΑΚΤΗ cognomen urget BELIUS, quod AMMONIO ab HIEROCLE (c) tribuitur, additque non esse probabile, gentilem philosophum Ammonium elogio hoc ornare voluisse, ob accuratiorem theologiæ christianæ notitiam, sed procul dubio, illud ei datum fuisse ob Ἀθυσιασµὸν, & accuratiorem philosophandi rationem, in qua tamen non Christus & evangelium, sed PLATO & ARISTOTELES, regnarent. Deinde addit, AMMONIUM discipulos habuisse, non solum christianos, sed & Deorum cultores, quos AMMONII scholas mox fuisse deserturos, credibile sit, si is vel dogmata christiana discipulis inculcasset, vel ipse fuisset christianus. Præterea etiam provocant ad auctoritatem PORPHYRII, (d) a quo observatum sit, AMMONIUM Plotini magistrum, christianis sacris initiatum ad gentiles, simulac adoleverit, defecisse, constanterque apud eos mansisse. Denique e LONGINO (e) observant, AMMONIUM
 Plo-

(c) Hierocles apud Photium Cod. CCXIV. p. 549. (d) Porphyrius apud Euseb. Hist. Eccl. VI, 29. (e) Longinus ap. Porphyr. in vita Plotini cap. XX.

Plotini præceptorem, nihil scripsisse, quum Christiani Ammonii opuscula quædam ab EUSEBIO & HIERONYMO laudentur. E quibus omnibus demum colligunt, AMMONIUM hunc Saccam eo tempore, quo Plotinum aliosque paganos auditores habuerit, non amplius fuisse Christianum, sed dudum ad gentilium castra transisse, atque hinc non leviter errasse EUSEBIUM, qui Ammonium hunc Saccam, alterumque christianum ab eo diversum, primus confuderit. Sed fortassis rationibus hisce nondum satis evictum est, aut EUSEBIUM tam graviter errasse, aut ipsum AMMONIUM fuisse gentilem. Quod enim ad primam attinet, nostra non multum interest, unde Θεοδιδάκτυς cognomen retulerit Ammonius. Si vel maxime enim hoc demus EALIO, quod illud Ἀδυνατούς cuidam philosophico originem debeat: nondum tamen inde sequitur, ut Ammonium christianum fuisse negemus. Non mirum enim est, gentiles, rei ignaros, ei Ἀδυνατούς tribuisse, qui quum juvenis faccis ferendis vitam ægre tolerasset, subito non modo philosophus, sed & novæ emendatissimæque philosophiæ auctor exstiterat.

(f) Nec magis nos urget alterum EALII argumentum, a discipulis Ammonii gentilibus desumptum. Quum enim ipse fateri non dubitet, Ammonio, quem gentilem putat, christianos discipulos dedisse operam: cur adeo absurdum sit credere, gentiles

(f) Ammianus Marcell. XX.1. ad finem.

tiles etiam christianorum scholis interfuisse, maxime quum id superiore paragrapho exemplo non uno luculenter demonstratum sit? At procul dubio, inquit, gentiles Ammonii scholam statim deseruissent, si in illa doctrinæ christianæ fuissent propositæ. Deseruissent utique, fateor, si audivissent mysteria & fundamenta ipsa christianæ religionis, si Ammonius illis inculcasset *CHRISTUM*, cruci adfixum, *Ἰουδαίοις μὲν σκαῖδαλον Ἕλλησι δὲ μωροῦν*: (g) sed hujus generis doctrinarum non adeo multam in his scholis factam esse mentionem, facile adducor, ut credam. Sunt verò & alia christianorum præcepta, ad mores componendos comparata, a quibus adeo non abhorruere gentiles, sublimioris philosophiæ studiosi, ut ea admirati sint maxime. Hæc vero sunt, quæ inculcarunt magistri Christiani: hæc sunt quæ sectati sunt pagani philosophi: his purpuris pallia sua exornari posse, non præter rem existimarunt. PORPHYRII porro testimonium de desertæ ab Ammonio Christiana religione ita comparatum est, ut mirari subeat, viros doctissimos huic viro tam multum tribuisse, quo nemo fuit mentiendi in rebus christianorum studiosior. Laboravit enim homo infelicissimus eo insanix genere, ut omnes præne viros doctos gentilibus vindicaret. Sic ORIGENEM Adamantium gentilibus sacris innutritum sero demum ad christianos delapsum, scribit eodem

(g) 1. Cor. I, 23.

dem loco, quo Ammonium ad paganos de-
 scivisse tradidit. (h) Qui itaque de ho-
 mine celeberrimo, sibi que prope æquali,
 tam turpiter mentitur, quomodo magis ve-
 ra dicere crederetur de Ammonio? Sane
 EUSEBIUS, (i) qui non multum ab his tem-
 poribus absuit, virosque ecclesiasticos, si
 quis alius, habuit exploratissimos, hanc
 PORPHYRII calumniam dudum explosit, dum
 ait: τῷ δ' Ἀμμονίῳ τὰ τῆς ἡνδὲν φιλοσοφίας
 ἀκέραια καὶ ἀδιάπτωτα καὶ μέχρ' ἐσχάτης τ' βίᾱ
 διέμενε τελευτῆς. Ammonius divina philoso-
 phia præcepta ad extremum usque terminum
 vita integra atque immota retinuit. Quis
 vero credat, viri tam illustris ἀποσείαντα
 ignotam fuisse Christianis, ut ea EUSEBIUM
 fugere potuerit? Unde & ultimum, quod
 e LONGINO desumitur, argumentum cadere
 videtur. Quamvis enim negare videatur
 LONGINUS, Ammonium libris scribendis ope-
 ram dedisse: ex ipsis, tamen illius verbis
 satis adparet, eum loqui de libris tantum
 philosophicis, & eos recensere, qui libros
 scribendi operam non primam & antiquis-
 simam, sed quasi πάρεργόν τι habuerint.
 Hinc statim addit: καὶ γὰρ εἰ τὶ τέτων γέγρα-
 πται τισιν, ἔχει ἐχέγγυα (k) πρὸς τὸ μετὰ τ'
 ἐξειργασμῶν τ' λόγων αὐτὰς ἀριθμεῖν ἀν-
 γνῶντο, πάρεργον τῇ ποιαύτῃ χησαμῆδες ἀνα-
 δῆ,

(h) Euseb. Hist. eccles. VI, 29.

(i) Euseb. l. c. (k) Sequimur hic & in
 sequentibus emendationes Cornelii Tollii,
 quas ipse probat & laudat Fabricius Bibl.
 Gr. IV, 26, p. 128. not. 1.

ἢ, καὶ μὴ ἀπογυμνῶμεν τοὺς ἑαυτοῦ γράψαντας ἄρματα λαβόντας. Jam vero si quid ab aliquo eorum scriptum est, . . . non illud tanti est, ut ea propter inter illos referri mereantur, qui de-
dita opera litteris: philosophia dogmata expli-
cuerunt, quum hac ipsis opuscula veluti πά-
περρα, seu fortuita fuerint, neque scribendi
munus, tanquam primum ac precipuum, in
se susceperint. Ex quibus sane perspicuum
est, LONGINUM adeo non negare, Ammo-
nium quædam theologiæ argumenti scrip-
sisse, ut ne philosophica quidem opuscula
ei plane abjudicet, qualia ab AMMONIO scrip-
ta esse, vel e GREGORIO NYSSENO, (1) aut,
si mavis, NEMESIO non obscure colligitur.
Quum igitur nulla doctissimorum virorum
ratio nobis persuadeat, ut Ammonium ad
gentilium superstitionem defecisse creda-
mus: nobis contra non desunt rationes,
quæ alia omnia suadeant. Primo enim om-
nes, qui præter Porphyrium Ammonii memi-
nerunt, Christianum eum vocant. Deinde
luculentus exstat AUGUSTINI (m) locus,
quo christianismus Ammonii non obscure
confirmatur. Mentionem enim faciens Plo-
tini, ita differit: Tunc PLOTINI schola Ro-
mæ floruit, habuitque condiscipulos multos
acutissimos, & solertissimos viros. Sed aliqui
eorum magicarum artium curiositate deprava-
ti sunt, alii Dominum JESUM CHRISTUM ip-
sins.

(1) Gregor. Nyss. aut potius Nemes. de
anima T. II. opp. p. 91. & 109. (m) August.
Epist. LVI. ad Dioscorum T. II. opp. p. 269.

sus veritatis atque sapientia incommutabilis, quam conabantur attingere, cognoscentes gubernare personam, in ejus militiam transferrent. Ex quo loco Augustini nihil aliud colligi potest, Plotinum in ea schola adolevisse, in qua aliqui ejus condiscipuli ad veram Christi cognitionem potuerint pervenire, qualis profecto non fuisset schola Ammonii, si Belii & Fabricii (n) judicio standum esset. Excipit quidem laudatissimus Fabricius, Augustini hæc scribentis animo obversatum fortassis esse Origenem Adamantium, quem per errorem cum altero Origene, Plotini *συμφοιτητῇ*, confuderit. Verum res ipsa docet, nec Origenem Adamantium, nec alterum gentilem, eum in animo habuisse, quum alter nunquam gentilis, alter nunquam christianus fuerit. Plures itaque alios fuisse Ammonii discipulos oportet, qui in ejus schola ad Christum adducti sunt, nisi Augustinum plane mentitum dicere velimus. Quæ quum ita sint, adfirmare non dubito id, quod consentiente adhuc eruditorum omnium suffragio adseveratum est, Ammonium christianam fidem nunquam deseruisse. Et hinc in medio posita est ratio intelligendi, ex quo fonte sua tot philosophi arva irrigarint. Ammonium enim audiverunt Herennius, Plotinus & Origenes gentilis, Plotinum & Origenem Porphyrius & Amelius, Porphyrium Jamblichus, quem deinde Plutarchus Atheniensis, Syrianus, Proclus, Marinus, Ili-

(n) Fabric. *Bibl. Gr.* IV, 26. p. 151.

Isidorus, Damascius, continua serie exceperunt: (o) ut adeo non præter rem dicere liceat, philosophorum maximorum turbam, Scholæ Ammonianæ veluti coloniam quamdam fuisse.

§. XV.

His veluti fundamenti loco substratis, proximum est, ut, quinam sint illi philosophi gentiles, ἡ ἀλήθεια christiani paullo accuratius dispiciamus. Ii vero denuo duorum esse generum videntur. Alii enim paullo cautius atque occultius *χρειαστέον*, & spolia illa aliena clam habere solent. Alii paullo perfrictioris frontis doctrinas christianis surreptas tam manifeste præ se ferunt, ut eruditis quibusdam dubitandi fecerint materiam, paganine fuerint an christiani? In priorem censum merito referimus *ΕΠΙΚΤΗΤΟΝ*, gente Phrygem, domo Hierapolitanum, qui quum esset conditione servus, istum fortunæ errorem incredibili eruditione ac virtute emendavit, & philosophiæ ita percepta habuit præcepta, ut iis ad componendos mores, non ad ostentationem uteretur. Profecto, si quis unquam philosophorum fuit, cujus cum verbis & doctrina accurate vitæ moresque conspirarunt, Epictetus, *ΒΟΥΔΔΟ* (p) celeberrimo iudice, hanc laudem prome-

(o) Vide *Append. ad Thom. Stanleii Hist. cap. III. p. 1213. sequ.*

(p) *Budd. philos. dialog. de moribus philos. pag. 103.*

meretur, prope certe ab ista gloria, quæ summa utique est atque excellens, absuit. Exstant hujus philosophi enchiridion & disputationis ab ARRIANO collectæ, quarum hæ magnam partem tam sunt præclaræ ac sublimes, ut non modo GUIL. CAVEUS (q) eum e christianorum potius consuetudine, quam e Zenonis porticu profecisse existimet, sed & idem se iusto commentario demonstraturum receperit CASPAR BARTHIUS, (r) quibus & nos adsentiri non dubitamus. Quamvis enim haut probeinus audaciorē conjecturam ABR. BERKELII (s) & GUILIEL. SALDENI, (t) qui Epaphroditum, Epicteti herum, eundem cum eo, qui a Paulo (u) aliquoties commendatur esse existimant, atque inde colligunt, EPICTETI animum ab hero tam pio. matutino Christianæ religionis rore quodammōdo fuisse adpersum: certum tamen est, EPICTETUM, qui ipsis nascentis ecclesiæ temporibus floruit, incredibili christianorum æmulatione incensum, decreta atque instituta eorum curiosius investigasse. Hinc subinde meminit christianorum, discipulosque eorum exemplo ad virtutem alacriores reddere conatur. Exstat in disputationibus ejus locus,

(q) Guil. Cave *Christ. Primit.* I. p. 64.

(r) Casp. Barthius *Advers.* III, 10.

(s) Berkel *Præfat. ad Epictet.*

(t) Salden. *Orior. theolog.* p. 43.

(u) Philipp. II, 21. Coloss. I, 7.

eus, (x) in quo egregia philosophiæ præcepta vivendo etiam esse exprimenda, hoc suadeat argumento: Τί ἐξαπατᾷς τὸς πολλὰς; τί ὑποκρίνη, Ἰουδαῖοι ὧν ἔλλωπα ἡ ἐχ. ὁρᾷς, πῶς ἕκαστος λέγεται Ἰουδαῖος; πῶς Σύρος; πῶς Αἰγύπτιος; καὶ ὅταν τινα ἐπαμφοτερίζοντα εἰδῶμεν, εἰώταμεν λέγειν, ἔκ ἐστιν Ἰουδαῖος, ἀλλ' ὑποκρίνεται ὅταν δ' ἀναλάβῃ τὸ πάθος τὸ βεβαμμένον καὶ ἡρημένον, τότε καὶ ὅτι τῶν ὄντων καλεῖται Ἰουδαῖος. ὅτω καὶ ἡμεῖς παραβαπτίσασθαι λέγωμεν Ἰουδαῖοι, ἔργον δ' ἄλλο τι. Quid populo fucum facis? Quid te quum Judæus sis, Græcum esse simulas? Nonne vides, ut quisque dicitur Judæus, aut Syrus, aut Ægyptius? Quod si quem alternantem viderimus, dicere solemus, non esse Judæum, sed simulatorem. Quum autem adfectum illa disciplina imbuti, (baptizati) sectamque professi, adhibuerit, tum revera Judæus est. Et nominatur. Sic et nos adulterini, (baptismi desertores,) sumus, nomine quidem Judæi, re vero ipsa quiddam aliud. Christianos hoc loco Judæorum nomine censeret, ex baptismi mentione patet, recteque est ab HIER. VVOLFIO (y) observatum. Sane si de Judæis vere ita dictis loqui voluisset: non videor, cur baptismum proselytorum, paucissimis gentilium procul dubio notum, commemorare mauerit, quam circumcisionem, paganis om-

mi-

(x) Arrianus. *Disp. Epist.* II, 9, p. 192.

(y) Hieron. *VVolfii Adnot. ad hunc locum.* p. 470. *sequ.*

nibus notissimam. Accedit, quod vulgo-
tum erat receptum, ut christiani, quorum
religio ex Judæa prodierat, & quædam
cum Judæis communia habere videbatur,
Judæi per errorem nuncuparentur, quem-
admodum multis exemplis demonstrarunt
JUSTUS LYPsius, (z) PETRUS PITHOEUS, (a)
CASP. BARTHEIUS, (b) alique viri doctissi-
mi. Nec minus notabilis est alter ex eo-
dem ARRIANO (c) locus, in quo clarius
christianorum meminit, sed ita, ut, dum
reprehendit, laudet, dum odium turpissi-
me prodit, mores eorum suis proponat
imitandos. En enim ejus verba: ποῖ-
ἔτι τέτρω τύραννός; φοβέρος; ἢ ποῖοι δορυφόροι;
ἢ ποῖαι μάχαι αὐτοῦ; εἴτα ὑπὸ μανίας μὴ
δυνάται τις ἔτι διατεθῆναι πρὸς ταῦτα καὶ
ὑπὸ ἔδους, οἱ Γαλιλαῖοι, ὑπὸ λόγῳ ὃ καὶ ὑπο-
δείξαις εἰς δυνάται μαθεῖν, ὅτι ὁ θεὸς πάν-
τα πεποίηκε, τὰ ἐν τῷ κόσμῳ. Quis adhuc
tyrannus isti erit formidabilis? aut qui sa-
tellites? quive eorum gladii? Ergo furore
quidem sic aliquis affici potest adversus illa,
& consuetudine, ut Galilai; ratione vero &
demonstratione cognoscere nemo potest, Deum
ea qua in mundo sunt, universa fecisse?
Quibus verbis haud obscure prodit EPICTE-
tus, multa se in christianis, quos familia-
ri convivio Galilæos vocat, laudanda ob-
ser-

(z) Lips. ad Taciti *Annal.* XV.(a) Pithoei *Advers.* II. 2.

(b) Barth. ad Rutil. Numantin. II. p. 159.

(c) Arrianus *Disp. Epil.* IV. 7. p. 400.

servasse, atque inde eum cepisse fructum, ut quæ hos furore quodam aut consuetudine facere falso existimabat, ipse, ratione duce adsequi niteretur. Quum itaque philosophus tam accurate cognitos haberet christianos, multaque eorum instituta vel invitus miratus sit: ecquis dubitet quæso, quin multas eorum doctrinas, quas, salvis stoicorum decretis, potuit adoptare, philosophiæ suæ miscuerit? Dubitat equidem doctissimus FABRICIUS, (d) cui *vanissima* videtur *de propensione ejus ad christianismum suspicio*, eo, quod nihil ejus feratur, quod non a stoico philosopho proficisci potuerit, multa autem, quæ hanc potuerit proficisci a christiano. Sed quemadmodum facile in hoc ei adsentior, quod neque christianus fuerit EPICTETUS, neque christianis magnopere faverit, multaque præterea scripserit, quæ a christiano non possent proficisci: ita paullo fidentius dictum videtur, quod nihil, nisi *τὰ ἐκ τῆς σοφίας* docuerit. Quamvis enim omnia, quæ tradit EPICTETUS, ipse ratione duce discere potuisset: satis tamen constat, multa, quæ etiam ex ratione colligi potuissent, fugisse philosophos, donec christianorum exemplis moniti, ea diligentius excoluere. Exemplo sit doctrina de celebratione Numinis. Non ea sane abhorret a ratione: sed quis, quæso, ante Epictetum philosophus, quis Stoicus ante christianæ religionis exortum tam præclare

(d) Fabr. Bibl. Græc. IV, 7: p. 257.

de ea loquutus est, ut *EPICTETO* paria faciat? An *Christianus* potuisset efficacius de ea differere, quam *Epictetus* apud *ARIANUM* (e) differuit? Loquutus enim de operibus Dei sapientissime creatis: Num, inquit, oratione hac satis aut laudari, aut illustrari possunt? Nam si sani essemus, quid nobis aliud agendum erat, & publice & privatim, quam Numen celebrandum? Nonne & interfodiendum, & arandum, & edendum, hymnus hic cantandus erat Deo: Μέγας ὁ Θεός, ὅτι χεῖρας δέδωκεν, ὅτι κατάποσιν, ὅτι κοιλιάν, ὅτι αὐξέειν λεληθότας, ὅτι καθάδοντας ἀναπνεῖν. Magnus est Deus, qui nobis instrumenta praeberit hac, quibus terram colamus: magnus est Deus, qui manus dedit, qui deglutiendi vim, qui ventrem, qui effecerit, ut latenter crescamus, ut dormientes respiremus! Hac singulis in rebus cantanda erant, & hymnus maximus ac divinissimus resonandus, quod facultatem dederit harum rerum intelligentem, & utendi ratione instructam. Quid ergo? quum vulgo excæcati sitis, nonne oportebat esse aliquem, qui hoc munere fungeretur & loco omnium hymnorum de Deo publicaret? Quid enim aliud possum senex claudus, nisi celebrare Deum? Quodsi lusciniā essem, lusciniā officio fungerer: si olor, oloris. Nunc rationis quum particeps sim, Deus mihi celebrandus est, hoc munus meum est, hoc exsequar, neque stationem hanc deferam, quoad licuerit, & vos ad
cam-

(e) *Arrianus Disput. Epict. l. 16. p. 127.*

eandem hanc cantilenam exhortor. Si Platonius aut Pythagoræus ita scripsisset, esset fortassis, quod paullo minus miraremur. Sed quis a stoico hæc exspectaret, cujus de Deo sententia pro sectæ ratione non longe a Spinozæ principiis aberat? Quis ergo non videt, philosophum imitari christianos, quorum ea tunc pervulgata laus erat, quod perpetuum Christo Deo carmen invicem dicerent? (f) Adde quod hymnus illè Epicteticus ad psalmorum stilum quodammodo accedere, & ex ipsis christianorum hymnis expressus esse videatur. Quod sane nemini mirum videbitur, qui sequentia ejusdem Epicteti verba (g) expendit: Νῦν πρέμοντες τὸ ὀρνιδάριον κρατῆρ, καὶ τὸ θεὸν ὀπικαλέωμεν, δεόμεθα αὐτῷ ΚΤΡΙΕ ΕΛΕΗΣΟΝ, ὅτι πρεσβὸν μοι ἐξελεῖν. Nunc tremantes augurium captamus, Deumque invocantes, precamur eum: DOMINE MISERERE, fac mihi exeundi potestatem. Quæ vel solâ, nisi fallor, persuadent, ut Epictetum, quamvis a sacris mysteriisque christianorum alienum, moralibus tamen eorum doctrinis philosophiam suam passim interpolasse credamus, licet id occultius tectiusque eum fecisse non negemus.

§. XVI.

Iidem censendum videtur de PLOTINO, quem supra Ammonio operam dedisse adfirmavimus. Hic quum esset gente Ægyptius,

plu-

(f) Plinius *Epist.* X, 37.

(g) Arrianus *disp. Epictet.* II, 7. p. 186.

pluresque philosophos juvenis audivisset, ex omnium scholis paullo tristior exierat, donec audito Ammonio, ejusque doctrina unice probata, exclamaret: τῦτον ἐζήτην, *hunc ipsum quarebam.* (h) Equidem quid potissimum in Ammonio miratus sit PLOTINUS, non adeo obscurum est. Quum enim ideo ab aliorum acroasibus, quod sectarum studio, quidquid vel Plato, vel Aristoteles, vel Zeno somniasset, mire supercilio discipulis obtruderent: non poterat non probare institutum Ammonii, qui in nullius magistri verba juraverat, eclecticamque & sublimiorem quamdam philosophiam, raro tum exemplo, colebat. Hanc ergo retinuit etiam PLOTINUS, qui quamvis vulgo Platonice accenseatur, æquiore tamen jure inter eclecticos refertur à doctissimo STANLEII interprete. (i) Nam præterquam quod in ejus schola etiam Pythagoræorum, peripateticorum, & stoicorum commentarii legerentur: relatum legimus a PORPHYRIO, (k) Plotinum adeo prudentiorem dogmatum ἐκλογὴν probasse, ut & Persarum atque Indorum philosophiæ periculum facere constituerit, & iter ideo suscepit in Mesopotamiam. Quum ergo nullius gentis dogmata adspersus sit Plotinus: quis quæso negaret, eum etiam ratio-

(h) Porphy. *vita Plotini* cap. III. (i) *Appendix ad Stanleii de philosoph. Eccl. cap. III. pag. 1210. sequ.* (k) Porphy. *vita Plotin. cap. XIV. & III.*

tionem habuisse Christianorum, in quorum scholis adoleverat? Certe ita visum est multis, iisque eruditissimis viris, THEODORICO, HOLSTENIO, OVVENO, aliisque plurimis. Et quamvis ab eorum sententia alieniorem se profiteatur ὁ πᾶσι FABRICIUS: (1) crediderim tamen, eum de mysteriis tantum christianis loqui, quæ in PLOTINO non reperiri, facile concedo. Ipse enim nunquam satis laudatus FABRICIUS (m) in eruditis ad MARINUM prolegomenis diserte ait: *Quod vero Plotinus & reliqui ex christianis dogmatibus quadam in suam philosophiam vel receperint, vel cum illa conciliare, aut denique expotire conati fuerint, non videtur temere esse vel negandum vel explodendum.* Rem unico exemplo illustrabimus. Constat inter omnes, creationem rerum omnium ἐκ μὴδενὸς ἀρχιτοκτείνου, id est ex nihilo, doctrinam esse adeo christianis propriam ac peculiarem, ut nulla philosophorum secta eam unquam adsequuta sit. Omnes enim veluti ex compacto somniant materiam quamdam Deo cœternam, ex qua deinde hoc universum vel fortuito exstiterit, vel a Deo factum sit. Hinc omnes philosophi de rerum origine perperam senserunt, ne ipso quidem excepto PLATONE, ceu ex ALCINOO (n) constat, quem & CHALCIDIUS fate-

(1) Fabricius *Bibl. Græc.* IV. 26. pag. 257.

(m) Fabric. in *Proleg. ad Marini vitam Procli* Sell. II. pag. 121.

(n) Alcinoüs *doctr. Platon.* cap. VIII. & XII.

fatetur, (o) docuisse, non Deum ex his, qua non erant, fecisse mundum, sed ea, qua erant, sine ordine ac modo, ordinasse. Eoque factum est, ut PROCLUS, (p) Platonis doctrinam vindicaturus, huic dogmati Christianorum duodeviginti argumenta opposuerit, a JO. PHILOPONO totidem libris refutata. Et tamen PLOTINUS primus omnium, fatente ipso RADULPHO CUDVVORTHO, creationem universi ex nihilo docuit, quem deinde longo agmine sequuti sunt Platonici recentiores tantum non omnes, Porphyrius, Jamblichus, Syrianus, Hermias, Damascius, Priscianus Lydus, HIEROCLES, alique, quos præter laudatum CUDVVORTHUM (q) operose enumerarunt LIVIUS GALANTES (r) & JO. ALB. FABRICIUS. (f) Unde verò hanc sublimiorem doctrinam hausisse dicamus Plotinum? Non sane ex Platonis & Aristotelis operibus, neque ex Chaldaeorum Persarumque oraculis, in quibus alia omnia occurrunt, sed a christianis hæc omnino didicit, maxime ab AMMONIO, cujus inschola, ut diximus, fuerat perpolitus.

S. XVII.

Conf. & Thom. Gale ad Jamblich. de myster. Æg. p. 276.

(o) Chalcid. ad Timæum Plat. p. 103.

(p) Fabric. append. ad Marini vitam Procli. pag. 95. (q) Cudvvorth. *Systema mundi intelligib.* p. 749. 751. 753. 763.

(r) Livius Galantes *Compar. Christ. & Platonica Theolog.* p. 273. (f) Jo. Albert. Fabr. *Bibl. Gr.* II, 12. p. 464.

§. XVII.

Præceptori jungimus discipulum Porphyrium, Bataneotem Tyrium, patrio nomine Malchum, quem omnes nervos ad everendam christianam religionem intendisse constat. Hunc philosophum nihil fecisse reliqui, ut philosophiam ad christianæ religionis exemplum componeret, & passim daret emendationem, adeo non mirum est, ut, si id non fecisset, omnino miraremur. Ipse enim Christianis editus parentibus, eorum doctrinas accurate imbiberat, iisque desertis, ad paganam desciverat superstitionem. Quod licet dubium videatur Guilielmo Caveo, (t) ideo, quod præter Nicephorum, (u) nemo veterum istius *ἱστορίας* discrete meminerit: rem tamen putamus certissimam, & miramur, viro doctissimo non succurrisse testimonium Socratis, (x) quod rem utique extra dubitationis ponit aleam. Hic enim gravissimus auctor ad Eusebii provocans auctoritatem: *jam vero, inquit, idem, ut videtur, Juliano accidit, quod Porphyrio. Nam iste Casarea Palestina, a quibusdam christianis reprehensus, quum pro gravi, qua ardebat, iracundia ferro non posset, religionem christianam deseruit.* Ejurato itaque desultoria levitate christianismo, fecit, quod solent omnes fere apostatæ. Nam non modo divi-

nam

(t) Cave *H. Litt. part. I. Sacul. III. p. 78.*

(u) Niceph. *H. E. X. 36.*

(x) Socrat. *H. E. III. 19.*

nam hanc religionem ejusque fundamentum, violentissimis scriptis oppugnavit, (y) &, ut id eo operosius exsequeretur, omnes scripturæ sacræ libros diligentissime evolvit: verum etiam data opera gentilissimum emollire & sublimiorem invenire philosophiam ausus est, ut esset, quod christianorum diviniore sapientiæ opponeret. Id vero tanto facilius præstitit homo, ad hanc fallaciam ingeniosissimus, quod in eos incidit præceptores, qui eodem instituto utebantur. Audivit enim Origenem, non Adamantium quidem christianum, ut Holstenius credidit, sed alterum gentilem, Longinum, Plotinum, Ammonii discipulos, eorumque in scholis ita profecit, ut omnibus magistris suis videretur superior. (z) Sed ut hujus quoque sublimiorem ac semichristianam philosophandi rationem uno atque altero exemplo demonstramus: jam non repetimus doctrinam de creatione ex nihilo, quam in Porphyrio quoque deprehendit CUDVVORTHUS, (a) nec dogma ejus de angelis & archangelis, quod supra excussimus, nec sublimiora denique illa decreta de morte philosophica, sensuum corporisque fuga, de cura animi item, mentisque cultu, & elevatione in Deum, in quibus non solum aliquid christiani, sed & ipsam scripturæ *φράσις* mirantur L. HOL-

STE-

(y) *Vide Holsten. de vita & Script. Porphyri. c. III. & VI.* (z) *Eunapius p. 21.* (a) *Radh. Cudvvorthus l. c. vide supra §. X.*

STANTUS (b) & sæpe laudatus Stanleii interpretres. (c) Sed unicum addo ejus testimonium, quod rem illustrabit maxime. Quid philosophi pæne omnes, ac Platonici maxime, de animæ integritate senserint, notum est & pervulgatum. Omnes enim animam tanquam in se bonam ac divinam collaudabant, & hinc peccata, ad quæ homo natura est præclivior, non animæ imputabant, sed corpori, a cujus contagione ipsam mentem labem & vitium contrahere arbitrabantur. (d) Pestilentissima hæcerat doctrina, & procul dubio a christianis primitivis sæpius explosa. Quanto sublimius itaque hic philosophatur Porphyrius? quam præclare scribit? (e) Ἀλλ' ἡ ψυχὴ οὐκ ἐστὶ καλὴ ἀγαθόν, ἀλλ' ἀγαθὸν μετέχει διωάδρον, καὶ ἀγαθοειδὲς ὃ δὲ αὐτῇ ἐγγέτο ἐν κακῷ, τὸ ἐν ἀγαθῷ αὐτῆς ἐν τῷ σωεῖναι τῇ ἡμνήσαστι κακία δὲ τὸ τοῖς ὑπέροις. At natura anima non est bonum, sed quod particeps boni fieri potest, & boniforme, alias non incideret in malum, bonum ergo ejus consistit in eo, si auctori suo conjungantur, malum autem, si rebus inferioribus. Quis non videt, hæc

(b) Holsten. l. c. cap. VI. pag. 26.

(c) Append. ad Stanlei. de philosoph. eccl. cap. VII. p. 1222.

(d) Marsilii Ficini Comment. super Platon. Conviv. Orat. IV. Campeii. Vitringa Observat. Sac. III, 8. 9.

(e) Porphy. Sentent. cap. XXXIV. pag. 236.

hæc semichristiana potius esse, quam aut Platonica aut Pythagorica? Talia plura addi possent, nisi chartæ habenda esset ratio, pluresque, qui nos ad se vocant, superessent philosophi.

§. XVIII.

Prodeat ergo Hierocles, non ille Bithyniæ, & post Alexandriæ ἐπαρχῶ; libris contra christianos scriptis notus, quem plures (f) perperam cum nostro confundunt, sed philosophus eclecticus, qui medio sæculo quinto floruit, & præter libros de fato seu providentia a Photio (g) exscriptos, aureum reliquit in aurea Pythagoræ carmina commentarium. In his libris Pythagoræ ac Platonis doctrinas tam prope ad veritatem christianam extollit, ut nemo paganorum sublimius scribere potuisse videatur. Unde non mirum, quosdam ejus auditores tam admirandis magistri dogmatibus ad Christianismum præparatos esse. Æneas certe Gazæus, qui Christo nomen dedit, Hieroclis philosophiæ se innutritum ipse subinnuit in limine dialogi de resurrectione. Ceterum omnes, qui Hieroclem legerunt paullo diligentius, sublimem ejus ac ad christianismi exemplum compositam philosophiam amplissimis laudibus extollunt. Inter quos JO. AURISPA, Siculus, qui primus Hieroclem latinitate dona-

(f) Veluti Jonsius *de Scriptoribus Hist. philosoph.* III. 15.

(g) Photius *in Biblioth. Cod. CCXIV. p. 549.*

donavit, (h) in luculenta ad Nicolaum V. Pontificem præfatione fatetur, se, jam prope octogenarium, nihil aut græce aut latine legisse, quod sibi magis profuisse intelligat. Cui suffragatur alter editor, Jo. Curterus, qui in præfatione, Francisco Rupifucaldo inscripta: (i) Hoc quoque, inquit, doctorum multorum judicio, quibus ipsum Hieroclem videre contigit, affirmare non vereor, nullum profani nominis auctorem luci donatum adhuc, quod sciam, qui tam multa de moribus, de providentia, similibusque rebus, more nostro, id est christiano, hostis aliquin (k) hujus nominis acerrimus, tam bene, tamque aperte diserneret. Denique & Dacerius, qui Hieroclem gallice reddidit, in præfatione diserte ait: Hieroclem dogmata quam plurima, quæ ex libris & dogmatibus Judaicis Pythagoras hauserat, nulli interpretum antea intellecta, Christiana religionis subsidio egregie exposuisse. Quæ quidem jactantius dicta videri poterant, (siquidem ipse dubito, an a Judæis quidquam acceperit Pythagoras,) nisi ex ipsis Hieroclis operibus constaret, eum christianorum spoliis se extulisse. De-

men.

(h) In edit. Patav. 1474. 4to. & Romana 1475. quas indicat. Fabric. in Bibl. Gr. c. II, 12. p. 462.

(i) Edit. Lond. 1654. in 12mo.

(k) Confundit hic Curterius Hieroclem Bithyniæ ἱεραρχον cum Hierocle philosopho, quem eodem loco falso fuisse putat stoicum.

Hein. Opusc. Var. Pars I.

monstravit id exemplis haud paucis RUGO GROTIIUS, qui in commentariis ad Matthæi Evangelium divinam illam Christi concionem in monte habitam, cum Hieroclis principiis moralibus passim comparavit. Sed exempli loco esse possunt vel sola illa, quæ de auxilio divino, precibus obtinendo, (l) de vitanda jurandi levitate, (m) de *μετανοία* seu poenitentia, quam ipse *principium sapientia* vocat, (n) aliisque ejusmodi capitibus moralibus efficacissimo orationis genere disputat, quæ tamen quominus hic exscribamus, ipsa prolixitate prohibemur.

§. XIX.

Denique ex aliquorum sententia huc etiam pertinet JAMBlichus, patria Chalcidensis, gente Syrus, Porphyrii discipulus, quartique adeo sæculi scriptor celeberrimus, cujus vitam, multis præstigiis dicam ammiraculis distinctam, opere se exposuit EUNAPIUS. (o) Accensetur & hic vulgo Platonici, sed perperam profecto, quum ab omni sectarum studio alienissimus, non modo Platonem, sed & Aristotelem, Pythagoram, quin & Chaldaeos ac Ægyptios, sequatur. Unde eo facilius quibusdam persuasum est, Jamblichum ne christianorum quidem dogmata esse prorsus adspernatum, sed

(l) Hierocl. *ad anr. Pythag. carm.* 45. p. 233. ed. Cutteriana.

(m) Idem p. 31. *sequ.*

(n) Idem p. 167. (o) Eunap. *vit. philos. statim ab initio.*

sed iis hinc inde opera sua tanquam gemenis quibusdam distinxisse. Equidem quodnam sit illustris Huetii de hoc philosopho iudicium, jam supra, ipsis adlatis ejus verbis, ostendimus. (p) Nunc THOMÆ GALE (q) addimus testimonium, qui adfirmare non dubitat, hominem hunc minime christianum, immo hostem fidei nostræ, (ne quis studium partium invidiose eriminari possit,) in libris de mysteriis ita de Deo, angelis & anima scribere, ut nonnullis, qui se christianos dici volunt, de rebus divinis sanius & castius sentiendi merito magister esse debeant. Sed denuo intercedit ὁ πᾶν FABRICIUS, (r) fateturque, ut theologia naturalis insignita quædam magnoque numero, ita christianismi propriæ dicti vestigia se reperire nulla in illo potuisse. Recte profecto & sapienter. Sed id modo vereor, ut Huetium recte perceperit vir doctissimus. Strictura enim christianismi, quas in Jamblichi operibus micare, ait Huetius, non sunt christianismi propriæ dicti capita, qualia in nullo philosophorum hæctenus recensitorum opere occurrunt, sed sublimiores quædam doctrinæ, a ratione quidem non abhorrentes, sed antiquioribus tamen philosophis fere ignotæ, a junioribus vero christianis surreptæ, ut iis commentarios suos illustrarent. Tales vero doctrinæ sublimiores in Jambli-

(p) Vid. supra §. 9. (q) Thom. Gale

proferat ad Jamblich. de myster. Egypt.

(r) Fabric. Bibl. Græc. IV. 28.

blichi operibus reperiri, nec ipse forsan negaverit laudatus Fabricius. Quamyis fateri non dubitem, plerasque tam esse barbaris Ægyptiorum & Chaldæorum doctrinis obfuscatas, & corruptas, ut vix sui similes videantur. Idemque etiam sentiendum de SIRIANO, PROCLUSO, MARINO, ISIDORO, DAMASCIO, hominibus Asiaticis, qui continua serie in Atheniensi schola Platonica docuerunt, (f) quique non contenti luxuriantis ingenii argutiis, magnam veterum opinionum farraginem suis commentis admiscuerunt, & dum crescentis longe lateque eo tempore Christianismi æmulatione Platonice theologiæ phaleris nimium ornare studuerunt, philosophiam ab Ammonio perpurgatam πολυλογία καὶ ἀλλοτρίων δόξαματων ἱστορία rursus obruerunt. Quare & de iis non est quod multa dicamus.

§. XX.

Progredimur potius ad eos, qui multo apertius christianorum dogmata jactarunt, eaque ita philosophiæ gentili miscuerunt, ut difficile interdum sit judicare, Deosne falsos, an CHRISTUM coluerint magis. Et in hunc quidem numerum primo refero Simplicium, gente Cilicem, Græcorum Aristotelis interpretum facile principem, &c, quod caput rei est, nulli sectæ ita additum,

(f) Luc. Holsten. *de vita & scriptis Porphyrii. cap. VI. p. 26.*

ctum, ut non & ex aliis, quæ probasset, exciperet. Exstat præter ea, quæ in Aristotelem scripsit, luculentissimus in Epicteti Enchiridion commentarius, quem post alios cum Epicteti translatione Arabica CLAUDIUS SALMASIUS edidit. In eo tam præclare de vita instituenda, componendoque animo philosophatur apertus christiani nominis hostis, ut BONA CARDINALIS (t) eum christianis accensere non dubitet. Qua in re tametsi ratio eum fugiat, quum de ejus paganismo nullus sit addubitandi locus: negari tamen non potest, SIMPLICIUM ita doctrinis ac dictionibus christianis stilum rotum imbuisse, ut & Platoniorum mysteria nonnunquam verbis, *οράων* christianam redolentibus, involvere soleat. Id quod satis demonstrat precatio illa, qua commentarium istum in Epictetum obsignavit, quamque observante GUIL. CAVEO (u) ita concepit, ut, nisi hominem gentilem ita precari scires, crediturus sis, Christianum hac oratione sacrosanctam Trinitatem, Patrem, Filium & Spiritum sanctum, adorare. Ita enim precatur philosophus *Ὁ ἐλὶ γὰρ Χριστιανὸς: Ἰκετάω σε δέωτοτα, ὁ πατήρ καὶ ἡγεμὼν τῶν ἡμῶν λόγων, ὑπομνηθῆναι μὴ ἡμᾶς τῆς ἐαυτοῦ δόξης, ὥς ἡξιώθημεν παρὰ σε. κ. τ. λ.* Tibi Domine PATER & auctor hu-

(t) Card. Jo. Bona *in indice librorum, allegatorum in tractatu de rebus liturgicis.*

(u) Guil. Caveo *Christianism. primit.* 1, 3o pag. 65.

humana mentis supplice, ut nos memores facias ejus nobilitatis, qua nostrum genus dignatus es: utque faveas nobis pro conditione libertatis nostra, dum a corpore nos liberare, & adfellibus brutis repurgare conamur, ut iis superiores evadamus, ipsis imperemus, eorumque ministerio utamur, prout fert natura. Quis non hic Deum Patrem invocari crederet? sed age, quid porro? Καὶ πρὸς θρόνον σου ὦ ὁ ἡμῶν λόγος καὶ ἡσων αὐτὰ πρὸς τὰ ὄντως ὄντα διὰ τῆς ἀληθείας φωτός. Porro ut adsis nobis in emendatione diligentī rationis nostra, ut cum cum rebus veris & æternis conjungamus, per illam veritatis lucem. Quis simplicium, ac non potius quemcumque Christianorum precantem se audire putet, & Spiritus sancti efflagitantem auxilium? Sed nondum satis christianum simulavit, en sequentia verba: Καὶ τὸ τρίτον, ὅτι σωτῆρα ἐκεῖνον, ἀφελὲν τελείως ὅτι ἀχλὺν τοῦ ψυχικῶν ἡμῶν ὁμιμάτων, ὅρα γινώσκωμεν εὖ, καὶ ὅτι Ὀμήρου, ὅτι μὲν Θεὸν ἡδὲ καὶ ἄνδρα. Denique SERVATOREM comprecor, ut penitus abstergere velit omnem ætiginem ab oculis animarum nostrarum, ita ut clare, cen-Homerus ait, & Deum & hominem cognoscamus. Quis non hic denuo agnoscat ὁράσει ipsius scripturam? Nihil ergo huic precatōni, si ad verba respiciamus, deesse dixeris, præter illud AMEN, quod solas vere Christianorum preces obsignat. Ceterum hujus generis plura existant in simplicii commentariis, quæ argumento sunt, hominem infelicem tam prope abfuisse a christianorum doctrinis, quam

pro-

procul ab ipso Christo, maximo malo suo, absuit.

§. XXI.

Idem judicandum est de Chalcidio, ejus commentarius in Platonis Timæum ejusdem commatis est. De auctore omnia incerta sunt, adeo ut ne de ipsa quidem, qua floruit, ætate, quidquam compertum habeamus. Quamvis enim Guil. Caveus (x) eum ad annum æræ CHRISTIANÆ CCCXX referendum putaverit: non alio tamen fundamento, ceu ipse fatetur, nititur, quam quod ipse CHALCIDIVS, Hosio suadente, se ad interpretandum Platonis Timæum accessisse, ianuatur. Sed hosius iste an fuerit notissimus ille Episcopus Cordubensium, qui sæculo quarto floruit, nondum adeo expeditum est, ut CASP. BARTHIO (y) videtur. Certe non sit credibile, virum tam gravem, & negotiis maximis districtum, qualem fuisse Hosium Cordubensem constat, homini profano & semichristiano id negotii dedisse. Æque incerta est hominis religio, quam nec ex ejus commentario dijudicare possunt eruditi. Sunt qui Christianum & Carthaginensem Archidiaconum fuisse existimant, sed FABII PLACIADIS EULGENTII, scriptoris christiani, & Marciani Capellæ junioris auctoritate freti, qui Chal-

ci-

(x) Guil. Cave *Hist. litter. Part. L. Sæc. IV. p. 106.*

(y) Barth. *Advers. p. 2257.*

cidium *Leuitarum sanctissimum* adpellat .
 (2) At alii hominem paganæ superstitioni
 fuisse deditum , credere malunt . Nec de-
 sunt denique , qui Hebræis eum accensent ,
 quandoquidem & horum placitis nonnun-
 quam favere videtur . Et revera Chalcidius
 non raro ad sublimiorem Christianorum
 sapientiam adsurgit . Exscribit subinde Mo-
 sen , ex eoque doctrinam de creatione il-
 lustrat : laudat Salomonem : in partes vo-
 cat LXX Interpretes , ut & versionem Sym-
 machi & Aquilæ : est , ubi Origenis testi-
 monio utitur : quin ex ipsius N. Testamen-
 ti libris nonnulla depromit , maxime illam ,
 de stella Magis adparente , historiam , quam
 cum cura enarrat . Quæ omnia laudatissi-
 mo FABRICIO tam manifesta visa sunt chri-
 stianismi indicia , ut de eo vix dubitan-
 dum censeat , quamvis affirmare nolit ,
 eum fuisse diaconum , quia forsan talis ma-
 gis sibi religioni duxisset , christianismum
 ambiguitate verborum occultare . Sed aut
 fallor ego magnopere , aut CHALCIDIUS (a)
 nihil minus fuit , quam christianus . Quam-
 vis enim , hyenæ instar , christianam vo-
 cem simulet , eorumque doctrinas , manife-
 sto plagio , in scripta sua transferat : ani-
 mum tamen a Christo alienum ubique pro-
 dit . Sic ubi stellæ , quæ magis illuxerat ,
 meminit , rem refert , tamquam sibi minus
 credibilem , & dubitantis more illud dictu-
 TUR

(2) Vide Fabric. *Bibl. Latin.* III. 7. p. 554.

(a) Chalcidius *ad Tim.* p. 219. & 226.

tus usurpat, additque, *Hosio suo hac mul-
to melius esse comperta, quam ceteris*: Quo
innuere videtur, ad christianum se scribe-
re, a quo se gratiam fortassis hujus com-
memoratione historiæ initurum, sperabat.
De MOSE etiam ita differit, ut non obscu-
re, quanti eum habuerit, præ se ferat:
(b) *Hebraorum*, inquit, *sapientissimus Moy-
ses, non humana facundia, sed divina, ut*
FERUNT, inspiratione vegetatus, in eo libro,
qui de genitura mundi censetur: reliqua.
An vero de Mose ita scriberet homo chri-
stianus? An ejus *θεοπνευσίας* ad famam re-
ferret? Omitto ejus dogmata de æternita-
te mundi, ipsiusque humanæ mentis, quæ
ita defendit CHALCIDIVS, ut & saniora Pla-
tonis dicta in sensum hunc deteriorem de-
torqueat. Quæ quum ita sint, rectissime
statuere nobis videmur, nec christianum
fuisse Chalcidivm, nec gentilem, sed *ἐπαυ-
ποτερίστρα*, i. e. ut paucis dicam, philo-
sophum semichristianum.

§. XXII.

Erant tum scilicet tempora, quibus plu-
res ejusmodi homines oberrabant, qui mi-
sero errore huc illuc circumacti ac veluti
fluctuantes, non inveniebant, ubi consiste-
rent. Disputare hodie solent eruditi de
ejusmodi hominum religione, quæ, qualis
verit, ne ipsi quidem miseri isti fortassis
civerunt. Possem hic multa adferre exem-
pla:

(b) Calcid. *ibid.* pag. 372.

pla: sed pauciora sufficient. PHOTIUS (c) qui multorum librorum notitiam ac fragmenta in aurea bibliotheca nobis servavit, inter alios, quos legerat, codices recenset etiam JOANNIS LAURENTII, Philadelphienſis Lydi, tractatus tres de prodigiis, demensibus & de politicis magistratibus, de quorum argumento & dictione postquam suo more graviter judicavit, addit, hunc virum initio militasse, post causas egisse, deinde & honoribus functum, imperantibus Anastasio, Justino & Justiniano, ac demum de religione hominis ita loquitur: *ἢ ὁ θρησκείαν ὁ αὐτὸς εἶκοι. δεῖσι δαίμων εἶναι, σέβεται μὲν τὰ ἑλλένων καὶ δειάζει. δειάζει ὁ τὰ ἡμέτερα, μὴ διδὼς τοῖς ἀναγινώσκουσιν ἐκ τῆς ῥάσης συμβαλεῖν, πότερον ἢ τὰ νομίζων δειάζει, καὶ ὡς ὁπὶ σκλῶνς.* Religione supersticiosior videtur. Gentilium enim sacra simul veneratur, & fidem nostram, ut lectori difficillimum sit judicare, utrum sic vero opinesur, an potius veluti in scena ludat. En denuo philosophum semichristianum. Quamvis enim nomen Joannis arguat, eum christianis parentibus esse usum, tam male tamen ipse fuit christianus, ut inter paganam superstitionem veritatemque divinam veluti medius fluctuarit & in his mentis erroribus tristi perierit naufragio.

§. XXIII.

Ejusdem ætatis ac religionis merito esse dixeris, PROCOPIUM, virum omni eruditione poli-

politissimum, diuturnoque rerum gestarum usu prudentiaque civili celeberrimum. Huic quamvis non vacaverit per tot negotia, philosophiæ totum se tradere: in libris tamen, quos reliquit, historicis ita philosophatur de Deo rebusque divinis, ac ipsa demum religione, ut & de eo, gentilisne fuerit an Christianus, non levis sit inter eruditos disputatio. In libris, quos de ædificiis Justiniani conscripsit, subinde detestatur gentiliū sacrificia (d) &, ut ipse loquitur ἀθεΐαν καὶ πολεθεΐαν, & alibi Joannem Cappadocem gentilitiæ superstitionis damnat, (e) & se paullo æquius de Christianis sentire passum profitetur. Nec dubito, quin a Justiniano Imperatore pro Christiano vere habitus sit, quum vix credibile videatur, eum de sacris a se excitatis ædificiis historiam Procopio gentili fuisse commissurum. Quo factum est, ut & GUIL. CAVEUS (f) eum in scriptorum ecclesiasticorum numerum referre nullus dubitaverit. Sed nec pauciora occurrunt in ejuslibris, quæ a quovis potius gentiliū, quam a PROCOPIO expectasses. In ea enim, quam de Gothorum bello composuit, historia, manifesto exagitat Christianos, eorumque de Deo & rebus divinis controversias rideret petulantissime, ac demum suam, quam colat, religionem his verbis profectur :

(d) Procop. de ædific. Justinian. V. 7.

(e) Idem de bello Persico l. 5. 25. II. 12.

(f) Cave Hist. litt. Sæc. VI. p. 283.

tur: (g) Τὰ δ' ἀντιλεγόμενα ἐγὼ ἐξεπιστάμε-
 ὡς ἤκιστα ἐπιμνησθήσομαι ὑπονοίας γὰρ μανιώδους
 τινος ἠγῶμαι (i) διεκδιναῶν τὸ θεῶ φύσιν,
 ὅποια ποτέ ὄν. Ἀνθρώπων γὰρ ἔδὲ τὰ ἀνθρώ-
 πεια εἰς τὸ ἀκριβὲς οἶμαι καταληπτά, μὴ τί-
 γὰρ δὴ τὰ εἰς θεῶ φύσιν ἠκόντα. Ἐμοὶ μὲν ταῦ-
 τα ἀκινδυνῶς σεσαπείδω, μόνω τῷ ἀπιστῆσαι
 τετιμημένα· ἐγὼ γὰρ αὖ ἔδὲ ἄλλο πλεῖον θεῶ ὅτιον
 εἶπαμι ἢ ὅτι ἀγαθός τε παντάπασιν εἴη, καὶ
 σύμπαντα ἐν τῇ ἐξουσίᾳ τῇ αὐτῷ ἔχην λεγέτω
 ὅς ὡς πῦρ ἕκαστος γινώσκων ὑπὸ αὐτοῦ αἰεταί
 καὶ ἱερῶς καὶ ἰδιώτης. Eam controversiam etsi
 probe ipse teneam, minime tamen commemo-
 rabo, quod vesanam esse putem insaniam,
 Dei qua sit natura, disquirere: nam huma-
 na hac ipsa, nedum Dei naturam, perfelle
 adsequi mortales haudquaquam existimo. Qua-
 re intius hac ego silentio prateribo, sola tantum
 credulitate veneratus. Siquidem de Deo nihil
 ipse praterea adfirmaverim, quam quod bonus
 omni ex parte sit, resque universas sua potentia
 complectatur: de hisce vero controversiis ita quis-
 que vel sacerdos, vel privatus homo, loquatur,
 quemadmodum ipsi sentire libuerit. Est, ubi
 PROCOPIUS (h) eadem facilitate optionem
 facit hominibus, providentiamne credere
 velint, an fato, & casu, impetuque teme-
 rario, res humanas ferri. Ex quibus facile
 intelligitur, Procopium gentilium supersti-
 tione & christianorum tum viventium al-

ter-

(g) Procop. de bell. Goth. I. conf. Eichel.
 prefat. n. XVII. sequ.

(h) Procop. de bell. Vandal. II.

tercationibus offensum, neurri se parti ad-
dixisse, & genus quoddam religionis ter-
tium, ex philosophia & christianismo con-
flatum, sibi temere finxisse. Unde male il-
li quidem sentiunt, qui hominem gentilibus
accensent, sed nec melius illi, qui inter
Christianos ei locum concedunt. Optime
vero ejus religionem perspexisse videtur do-
ctissimus NICOLAUS ALEMANNUS, (i) qui ejus
avénocta, seu arcanam historiam, primus
in lucem edidit. Is enim de celeberrimo
auctore hoc fert judicium. *Ad eos se com-
posuisse videtur Procopius, quos POLITICOS ad-
pellant, sed longe verius omnium haresium
sentinas, prorsusque atheos adpellarent, qui
licet in speciem christiani videantur, nullique
secta nominatim additi sint, privatis tamen
rationibus vel reipublica commodis christia-
nam religionem pietatemque metiuntur, neque
de Deo, quid sentias quidve doceas, si resita-
ferat, vehementer laborant.*

§. XXIV.

Denique in eandem semichristianorum
classem non dubito referre STAESIUM, gene-
te Pentapolitanum, domo Cyrenensem,
philosophum Platonium, qui incredibili
doctrinae facundiaeque fama, saeculo quin-
to ineunte, claruit. Hic, paganus quum
esset, sublimiori, quod prae se tulit, phi-
losophiae genere tantam sui admirationem
concitavit, ut ipsi christiani eum suae reli-
gioni

(i) Nicol. Alemann. *præfat. ad Procop.
avénocta. p. XI.*

gioni deditum crederent, & urbis Ptolemaidis constituerent episcopum, non modo nihil tale sperantem, sed & refugientem, & fatentem disertis verbis, se nec animarum ἀντίπαρξιν negare, nec mundi interitum, defunctorumque in vitam reditum, unquam credere posse. (k) Temerarium hoc videri poterat ignaræ plebis facinus, quod impetu magis inconsiderato, quam iudicio & ratione, admiserit. Sed ratam rem habuit Theophilus, Alexandriae antistes, qui Synesium episcopum consecrare non dubitavit, sperans fore, ut aliquando rectius sapiat, si diligentius institueretur. Memoriae hoc prodidit EVAGRIUS, (l) cuius narrationi NICEPHORUS (m) addit, SYNESIUM, a Theophilo ad saniores mentem adductum, sacrum baptismi lavacrum suscepisse. Sed, quod pace horum omnium dixerim, Theophilus pessimo ad omnem posteritatem exemplo paganum præfecit Ecclesie, ex Platónico, aut saltem Platonizante, non episcopum christianum, sed philosophum semichristianum futurum. Sane enim SYNESIUS etiam, summa ista inter christianos dignitate auctus, nonnisi religionem quamdam ἐκλεκτικὴν, ex christianismo & Platónica barbaricaque philosophia constatam, sectatus est. Multa equidem, fateor, egit docuitque episcopus, christiano antistite digna. Legit interpre-

ta-

(k) Synes. *Epist.* CV. p. 249. edit. Dion. Pervarii. (l) Evagr. *H. E.* I, 15.

(m) Nicephor. *H. E.* XIV. 45.

tatusque est sacras litteras: (n) convocavit synodos: (o) externæ ecclesiarum suarum tranquillitatis fuit studiosissimus: (p) perperam docentes non ipse tantum stilo compescuit, sed & presbyteris, idem ut factitarent, auctor fuit: (q) exercuit etiam haud negligenter disciplinam Ecclesiasticam: (r) quin & de Christo pro omnium peccatis cruci adfixo ipsoque Spiritu sancto præclare nonnunquam disseruit: (s) Sed his omnibus nondum adducor, ut Synesium serio Christianum fuisse persuadeam. Videtur potius vir doctus, quum ad episcopatum se compulsus intelligeret, ad prudentiæ civilis regulas se totum composuisse, eaque omnia egisse, quæ christianum episcopum decere intelligebat, salva tamen sentiendi libertate, quam tanti habebat vir callidissimus, ut ea demum legesacerdotium subiret, si ista sibi intacta relinqueretur. (t) Sane in operibus suis ita sæpenumero disserit, ut gentilem ubique agnoscas. De Fortuna, Fama, Mercurio & stellis, tamquam de veris diis deabusque,

lo-

(n) Vid. Synes. *Homil. in Psalm. LXXIII.* qua novissima editioni Paris. 1633. accessit. (o) Idem *Epist. XIII.* p. 174.

(p) Idem *Epist. LXVI. LXVII.* p. 206. 208.

(q) Idem *Epist. V.* p. 169.

(r) Synes. *Epist. LXII. & XII.* p. 191. 173.

(s) Idem *Epist. LVII. l. c. & LXVII. p. 208. sequent.*

(t) Synes. *Epist. CV.* pag. 242.

loquitur: (u) ubi de peccato, de viribus humanis, de gratia, aliisque hujus generis capitibus disserit, adeo πλατωνίζει, ut nec miseriam hominis, nec œconomiam salutis, satis videatur adsequutus. In libro de insomniis, Chaldaeorum teletas & oracula, Ægyptiorum mysteria & secretiores artes, mirifice extollit, nonnullasque amborum opiniones præcipuas, & a christianismo alienissimas, amplectitur. Quæ omnia quantopere non dicam ab Episcopi, sed christiani, persona abhorreant, nemini profecto obscurum esse potest. Sunt equidem, qui hunc librum non minus, ac famosa scholia & epistolam ad Dioscorum, (x) magnum Serapidis sacerdotem, a Synesio, nondum christiano, scriptum contendunt. Sed præterquam quod hoc ipsum dubium videtur, illud contra certissimum, in libris de providentia, laude calvitii & catastasi, quæ omnia ab eo jam episcopo scripta esse constat, (y) eisdem nugis occurrere, paullo obscurius tamen propositas, ne, quam induerat, episcopi personam

(u) Idem *Epist.* XLIII, XLIV, 181. *sequ.*

(x) *Vide de his scholiis & Epistola, quæ chemiam inculcant.* Petr. Lambec. *Comment. de Bibl. Vindebonenf.* VI, 2. pag. 168. *sequ.* Borrichii *Vindic. Hermet. & Morbof. Polyhist. litter.* I, 11. pag. 113.

(y) *Conferri etiam potest Epist. CXXI. in qua similia deprehendit oculatus in hæc rebus Morhoffius.*

nam incautius agere videretur. Et quid quaeso verbis opus est, ubi res ipsa loquitur? Synesii jam Episcopi opus procul dubio sunt hymni, in quibus tamen ita philosophatur, ut dubium sit lectori, christiana-ne an Chaldaicum aut Aegyptium quemdam epoptam canentem audiat. Quis christiana putet, quæ de λόγῳ scribit **ΣΥΝΕΣΙΟΥΣ**: (2)

Λόγῳ ὃν μεγάλῳ	<i>Verbum quod magno</i>
Πατρὶ συυμνῶ,	<i>Cum patre eano,</i>
Νόῳ ἀρρήτῳ	<i>Mens ineffabilis</i>
Τίκτηι σε πατὴρ.	<i>Gignit te Patris.</i>

Omnia hæc sunt ex Aegyptiorum barbarorumque schola. Habemus enim hic patrem ἀρρήτον, ἔνν δὲ λόγον, ex quibus deinde Valentinus tres primos ζῶνας masculos fabricavit. Ex eadem officina sunt, quæ sequuntur: (a)

Πρῶτῳ πρῶτας	<i>Primus ex prima</i>
Προδορὸν ρίζας	<i>Prognatus radice,</i>
Ρίζα ὅ πάντων	<i>Radix autem omnium,</i>
Τῶν μετὰ κλει-	<i>Quæ condita sunt</i>
ναν,	<i>Post inebitum</i>
Τὰν σὰν ἄντα.	<i>Tuum ortum.</i>

Primam scilicet Tetrada Valentiniani etiam vocabant ρίζαν ἢ πάντων, & logum ex illa

(2) Synes. Hymn. IV. v. 130. sequ. p. 332.

(a) Synes. l. c. v. 136.

illa eductum patrem & radicem omnium,
qui post eum exstiterunt. Quis christianus
porro ita cecinerit: (b)

Μάκαρ, ὅς τις μετὰ μοίρας
Ἐπιβάς νόου κελεύδαν
Βυθὸν εἶδεν θεολαμπῇ

*Beatus, qui post fata
Ingressus mentis vias
Bythum vidit, divina resurgentem lu-*
ce.

Ubi beatitudinem Synesius collocat in vi-
sione Bythi, quod & Chaldaei faciebant;
quorum in scholis hic Bythus natus est. (c)
Ita ubique aliud agit Synesius, etiam, ubi
Christum hymnis celebrare videtur, λόγον
illum, in Chaldaeorum Platoniorumque
scholis natum, celebrat, cui plus fortassis,
quam λόγῳ christianorum, tribuit. Quid?
quod eo prolapsus sit synesius, ut putidum
istud Aegyptiorum somnium de Deo ἀρρε-
τεθῆλω vigilans somniare non dubitaverit.
Audiat mihi quis egregium illum Christia-
num, SINESIUM, ita canentem: (d)

Μόνες εἰ μακάριον,	<i>Unitas es unitatum,</i>
ἀριθμῶν ἀριθμὸς,	<i>Numerorum numerus,</i>
ὃ ὃ πρὸ πάντων,	<i>Et unum ante omnia.</i>
ὅλου καὶ ἁρρεν	<i>Examina Et mas,</i>
	<i>& alio</i>

(b) Synes. Hymn. I. v. 112. p. 315.

(c) Vid. Zoroastris Orac. v. 39. Et ibi Jo.
Cleric. (d) Idem Hymn. III. v. 186. p. 320.

in alio loco (c)

Σὺ πατήρ, σὺ ὃ ἔστι μάτηρ,
Σὺ δ' ἄρρεν, σὺ ὃ θῆλυ

*Tu pater es, tu mater,
Tu mas, tu vera femina.*

Nihil hic christianum, nihil, quod non Orphei, Ægyptiorum & hæreticorum, ex his scholis prodeuntium, lacunas redoleat. Ex his enim sua arva irrigasse *synesium*, satis adparet ex iis, quæ de Deo veterum ἄρρεν θῆλυ commentati sunt *JO. ALB. FABRICIUS*, (f) *IS. CASAUBONUS* (g) & alii complures. Ceterum talium plenissimi sunt illi *Synesii* hymni. Unde ipse *GUIL. CAVEUS*: (h) *Hymnorum*, inquit, *prora & puppis ex iisdem oraculis*, (*Chaldaeorum & Ægyptiorum*), *vocabulis quoque iisdem adhibitis, consciuntur*. Quare suspicatur vir doctissimus, voluisse *Synesium* transferre ad thesauros hominis Christiani, quantum poterat, de gemmis Chaldaeorum & Ægyptiorum, idque ipsum in prefatiuncula ad librum de insaniis enigmatica insinuare. Ego vero inde

(c) Idem *Hymn. II. v. 93. sequ. p. 317.*

(f) *Jo. Alb. Fabricius Cod. N. T. p. 361.*

(g) *Isaacus Casaubon. Exercit. I. ad Baron. num. XVIII.*

(h) *Cave Hist. litt. Part. II. Sec. V. p. 85. conf. & Jo. Pearsonii Vindicat. Ignatiz lib. 5. p. 362. edit. Clerici.*

inde colligere malim, Synesium, ex eo tempore, quo ad episcopatum pervenerat, nunquam, quod quidem constet, Christum serio coluisse, sed, recepto his sæculis more, philosophiæ cuidam sublimiori, doctrinisque interpolate christianis, dedisse operam. An vero ante mortem receptui cecinerit, abjectaque illa stulta sapientia, totum se Christo tradiderit, is novit, ὅς ἔγνω τὴς ἑρτας αὐτοῦ. (i)

§. XXV.

Hi sunt præcipui, quos in philosophorum semichristianorum numerum referendos putamus, gentiles philosophi. Plures forsitan potuissent recenseri, si aliorum sequi voluissimus sententiam: sed vereor, ne de multis perperam ita judicetur. Sic quidam (k) inter philosophos *χριστιανισμῶν* locum etiam concedunt L. ANNÆO SENECÆ, Cordubensi, qui doctrina non minus philosophica quam publicis negotiis gerendis, rerumque civilium usu, maximam sibi gloriam peperit. Et fane, si ejus philosophandi rationem intueamur: ea grave quid omnino & virile præ se ferre, tamque sublimis incedere videtur, ut inter stoicos, si ab EPICURATO discesseris, vix parem agnoscat. Quo factum etiam est, ut non heridemum aut nudius tertius maxima ejus inter christianos coeperit esse admiratio, sed jam olim non defuerint, qui eum vel Christia-

(i) 2. Timoth. II, 19.

(k) Guil. Cave *Christ. Primit.* I, 3. p. 64.

stianorum sacris initiatum, cum ipsoque Paullo familiarius per litteras colloquutum, (l) vel conflatam ex Cristianismo & stoicismo doctrinis philosophiam excoluisse, vel certe multa, christianorum principiis consentientia, docuisse, (m) existimarint. Sed vereor, ne isti omnes magnopere opinione sua fallantur. Christianum enim primo non arguit vita ad omne scelus profligata, quam in SENECA DIO CASSIUS (n) notavit, nec dissimulare potuit TACITUS. (o) Quamvis enim hic nihil non agat, ut hominem excuset: videtur tamen lavare æthiopem: siquidem ipse fateri cogitur, etiam, vivente illo, & in palatio fulgente, famam hanc fuisse vulgatissimam, adeo, ut vir summæ auctoritatis eum detulerit, *tanquam domus Germanici adulterum, & cubicula principum scæminum corrumpentem*. Accedit, quod PLINIUS (p) versuum sotadicorum lasciviam Senecæ exemplo tuetur, qui & ipse se lusibus ejusmodi turpissimis dederit. Quæ spurcities quum ab hominis, ne dicam philosophi,

(l) Vide Hieronymi *Catalog. Scriptor. Eccles.* & ibi *Interpretes*. Jo. Alb. Fabric. *Cod. Apocryph. N. T.*

(m) Tertullianus *de Anima* cap. XX. & *Apolog. cap. XII.* August. *de Civit. Dei* VI, 11. (n) Dio Cassius aut potius Xiphilin. *LXI. p. 694.*

(o) Taciti *Annales* XIII, 42.

(p) Plin. *Epist.* V, 3.

phi, persona abesse debeat quam longissime: quis non intelligit, Senecæ flagitia, adsumto stoico supercilio, sanctitatis famam adfectasse, ipsumque philosophum a Christo fuisse alienissimum? Deinde ne id quidem dixerim, quod Seneca aut christianis quædam debuerit, aut adeo multa scripserit, quæ ad Christianam doctrinam accedant. Nihil enim in ejus operibus occurrere videas, quod non a quovis stoico, etiam ante nascentem Christi Ecclesiam vivente, potuerit proficisci. Splendida quidem sunt, quæ nonnunquam jactat verba, de inhabitante in homine Deo, aliisque ejusmodi doctrinis sublimioribus, quæ adeo admiratus est justus Lipsius, (q) ut epistolis quibusdam adscripserit: *O pulchram! o altam epistolam!* ast statim cessat legentis admiratio, simulac verba ista eo, quem SENECA intendit, sensu i. e. *swinows* intelligit. Unde recte a MALABRANCIA (r) aliisque observatum est, nihil plerumque in tam magnificis Senecæ verbis latere, præter doctrinas quasdam stoicorum fuitiles ac vulgares, quæ sublato isto verborum colore in fumum veluti abeant, avidumque lectorem destituant turpiter.

§. XXVL

(q) Lips. *ad Seneca Epist. XLI.*

(r) Malabranche *de inquir. verit. II, 4. conf. Menagiana Tom. II. sub tit. Sanctæ v'remoniana Tom. II. p. 32.*

§. XXVI.

Nec magis huc referre ausim illam φιλο-
σοφίας ἀπάσης ἀφοδίτῳ καὶ λύραν, PLUTAR-
CHUM Chæronensem, cujus opera ita com-
parata sunt, ut iis ex omni antiquitate ni-
hil omnino videatur antefendum. In hoc
viro cum alia multa, tum id præcipue mi-
randum est, quod nulli sectarum se dedi-
dit, sed veritatem per omnes dispersam,
tanquam Hippolyti membra, pro virili col-
legit. Multa in stoicis, multa in Epicu-
reis ipsisque Platoniceis reprehendit, & ta-
men ab omnibus quædam petit, quin ne-
que Judæorum etiam atque Ægyptiorum
mysteriis nullum statuit pretium, si quan-
do ad rem facere videntur. An ergo pro-
babile videatur, hominem tam curiosum
& laudanda christianorum exempla quoti-
die contemplantem, nunquam incesisse cu-
piditatem, horum etiam sapientiam cogno-
fcendi atque in usum transferendi, præ-
sertim quum sectæ studio nullatenus pro-
hiberetur? Certe ita pæne visum est RUAL-
DO, (f) qui tanquam nescio quid singu-
lare observat, PLUTARCHUM rerum christia-
narum nusquam in alterutram partem me-
minisse, cujus rei hanc rationem reddit
TILLEMONTIUS (t) quod eos nec laudare au-
sus sit, nec traducere, æquum putaverit.
Et sane monstro pæne simile est, hominem
tam

(f) Rualdus in vita Plutarchi p. 16.

(t) Tillemont. *histoire des Empereurs*, Tom.
II. p. 477.

tam curiosum, qui nulli veterum æque, ac æqualium philosophorum, pepercit, quique suum ergo Judæos odium dissimulare non potuit, qui denique de omnium gentium sacris mira libertate judicavit, in tot operibus, christianorum in neutram partem meminisse, etiam quum commodissima esset eos commemorandi occasio. Ea utique ætate floruit PLUTARCHUS, quum christianum nomen tam esset exosum, ut philosophi majorem ab Imperatoribus gratiam inire non possent, quam si omne suum virus in christianos effunderent. Cur ergo solus ab hac intemperie abstinuisset Plutarchus, judicandi libertate nemini secundus? Cur solos christianos sine censura dimisisset, in quos tum Trajanus æque ac Hadrianus sæviebant? Cur hanc gratiam aucupandi occasionem e manibus sibi elabi passus esset? Accedit, quod THEODORITUS, (u) quem supra laudavimus, non semel innuat, Plutarchum a christianis profecisse, & sacra audivisse evangelia. Denique & ipsa, quam in PLUTARCHI operibus deprehendimus, philosophandi ratio, tam sublimis visa est multis, ut auctorem propè a Christo abfuisse crediderint. Unde JOANNES, (x) Euchetarum metropolita canere non dubitavit:

Εἴ ποτε τινὰς βέλοιο ὅς τις ἀλλοτρίων
τῆς σῆς ἀπειλῆς ἐξέλεσθαι, χερσέμυ,

Πλά.

(u) Theodorit. *In Therapeut.* II. p. 33.

(x) *Apud I. A. Fabric. Bibl. Gr.* IV. 11. p. 331.

Πλάτωνα καὶ Πλούταρχον ἐξέλοιομαι,
 Ἀμφω γὰρ εἰς καὶ τὸ λέγον καὶ τὸ τρόπον
 τοῖς σοῖς νόμοις ἐγγιστα προσπεφυκότες.
 Εἰ δ' ἠγάσασαν, ὡς θεὸς σὺ τῶ ὄλων,
 Ἐνταῦθα τῆς σῆς χρηστότητος δεῖ μόνον,
 Δι' ᾧ ἅπαντας δωρεὰν σάζειν θέλεις.

*Si quos a verni liberare nexibus
 Tibi constitutum est, Christe, non creden-
 -tium
 Precibus Platonem redde, ac Plutarchum,
 meis,
 Uterque quorum moribus & sententia
 Accessit ad leges tuas quam proxime.
 Quod si, Deum esse te universi, pridem
 eos
 Latuit, modo hos nunc experiri gratiam
 Concede, qui gratis beare omnes cupis.*

Sed ut vera fateamur, vix ullam animad-
 vertimus rationem, quæ Plutarchum philo-
 sophis, de quibus agimus, semichristianis
 accenseri suadeat. Quod christianorum non
 meminerit, equidem mirum est, sed, ut
 unius rei plures possunt esse causæ, ita
 nolim inde singularem quamdam ad chri-
 stianismum proclivitatem colligere. Fortas-
 sis non dignos habuit homines, vulgo exo-
 sos, & suppliciis quidem extremis destina-
 tos, quorum in coetibus sapientiam quære-
 ret. Ad THEODORITUM quod attinet, adfir-
 mat ille quidem, Plutarchum sacra Christi
 evangelia inaudivisse, sed nec probat id
 ipse, nec ex operibus Plutarchi id constat,
 in quibus nihil occurrit, quod ex evange-

liis, ac non potius ex aliorum philosophorum commentariis, de promptum videatur. Ex quo simul patet, quid de Joannis versiculis sentiendum sit. Non potuisset enim se auctor traducere turpius, quam dum, Platonem æque ac Plutarchum christianis consentientia docuisse, adfirmavit.

§. XXVII.

Ceterum quemadmodum paullo faciliores sunt, qui Plutarchum gentilium numero eximere non dubitant: ita in alteram partem iniquiores videntur, qui SEVERINUM BOETHIUM, scriptorem fati suis nobiliorum, e christianorum diptychis expungunt, & his philosophis semichristianis accensent, (y) nullo alio adducti argumento, quam quod carceris tædia philosophando superare, animique ægritudinis notissimum l. bellum de consolatione philosophiæ opponere sustinuerit. Sed si hoc argumento velis uti, multos profecto ex ecclesia ejicies viros probos ac vere christianos, qui & ea, quæ ratio suppeditat, in iis calamitatibus non adspernati, & carcere promusculo usi sunt. (z) Unius positionem non esse alterius remotionem, pervulgatus est philosophorum canon, quem negligere illi mihi videntur, qui ex hoc libello colligunt, BOETHIUM e sola philosophia, neglectis

(y) Arnold. in *Hist. Eccles. & liter. Sac. VI.*
3. pag. 267.

(z) Vignol. Marville *Tom. I. Miscell. litter.*
pag. 365.

Etis sacris oraculis, solatium petisse. Sed non opus est verbis, quum tot ~~verba~~ opera theologica (a) satis declarent, eum christianæ veritatis multo fuisse studiosissimum, & præter libellum de consolatione exister etiam alter, ad socerum de trinitate, quem non minus in carcere scripsit. Quo ipso totius argumenti, quod ARNOLDUS Boethii christianismo opposuit, nervus plane elanguescit.

§. XXVIII.

Sed dicta hæc sufficiant de philosophis semichristianis primi generis, qui ad paganam superstitionem erant paullo procliviores, eamque petitis ex ipso christianismo dogmatibus callide interpolabant. Dicendum etiam esset de iis, qui, quum Christum profiterentur, in multis fecerunt cum paganis. Sed mare tunc profecto ingrederemur, vix unquam enavigandum. Dicendum esset de quibusdam, qui tam incaute paganorum amplexi sunt sententias, ut vix pauca christianismi veri ac purioris remanerent vestigia. Recensendi essent philosophi, professione christiani, qui vix ullis christianæ religionis dogmatibus, præter moralia quædam & rationi etiam non ignota, retentis, in veteris aut *ἐκκλησιαστικῆς*, aut suo indulgere ingenio visi sunt. Repetendum porro ex historia ecclesiastica esset, pleraque illas hæreses, quæ vel prima,
vel

(a) Guil. Cave *Hist. Lit. Eccl. V. 4. p. 274* I. A.
Fabric. *Bibl. Latin. III, 15. p. 644* sequ.

vel sequiore ætate ecclesiam turbaverunt, ex christianismi & philosophiæ gentilis mixtura prodierunt, atque adeo hæreticos fere omnes nihil esse aliud, quam philosophos semichristianos. Sed quum & chartæ, & ejus, in qua disputamus, cathedræ sit habenda ratio: singula, quæ commemoravimus, philosophorum ejusmodi *ὡς ὀλίγα* christianorum genera, uno tantum ac item altero exemplo illustrare juvat. Ad patres quod attinet, nemo fortassis ignorat, quid ORIGENI acciderit, qui quum christianus esset, & in Ecclesia Alexandrina presbyter, tot Platonis dogmata adoptavit, (b) iisque interpolavit christianismum, ut, si ex libris judicandum esset, æstimare vix possis, Christo, an Platoni plus tribuerit. Recepit enim hujus dogmata non eà modo, quæ aliquatenus videri possent cum religione christiana conspirare, sed & quæ hujus principia manifesto destruunt, (c) qualia sunt de tribus hypostasibus sibi subordinatis, de præexistentia animarum, de earum lapsu in corpora, de futura beatitudine speculativa, quæ omnia ab Origene non modo incaute recepta, sed & manifesto defensa sunt. Fortassis quidem hæc stipu-

(b) Conferenda hic Huetii *Origeniana* & totæ pro Origene *Apologia*, quas recenset Fabr. *Bibl. Gr. V*, 1. p. 237.

(c) Conf. Pagan. Gaudent. *de dogmat. Origenis cum dogmatibus Platonis comparatis* Florent. 1639. 4to.

pulæ in igne tentationum denique conflagrarunt: sed certum tamen est, quidquid alii sentiant, Origenem tum saltem, quum ista scriberet, potiore jure semichristianis, quam aut genuinis Platoniciis, aut genuinis christianis potuisse accenseri. E recentioribus, qui ad paganismum, quam christianismum, visi sunt procliviores, plures huc referri possent, sed ut brevitati studeamus, & amoliamur invidiam, paucos commemorabimus. Notum est in republica litteraria MARSILII FICINI nomen, qui sub sæculi XV. finem philosophiam Platoniam illustravit, eamque ita excoluit, ut christianæ pietatis sensum pæne omnem amisisse videretur. Sane non dogmata solum Platonis, etiam pestilentissima, defendit: sed & de immortalitate animæ subdubitavit, quod eam a PLATONE in Phædone dubitanter admodum inculcari deprehenderet, unde notum est, quam stolide inter se pacti sint MARCILIUS FICINUS & NICH. MERCATUS, (d) ut, uter illorum decederet prior, alterum de veritate hujus dogmatis commonefaceret. Quin immo & ita vixisse ferunt MARSILIUM, ut religionis & pietatis curam philosophiæ studio plane posthabuerit, donec HIER. SAVANOROLÆ Florentiam advenientis eloquentiam admiratus, sacris ejus orationibus auditis, pietatis christianæ igniculos conceperit, ex eoque tempore ad obitum usque vixerit religiosus.

(d) Baron. ad ann. CCCCXL. prop. finem.

sius. (e) Nec melior Ficino fuit M. ANTONIUS de PROSPERIS, qui superiore sæculo Romæ ita philosophatus est, ut Cynicam spurcitiam & Epicureorum ingluviem christianæ religioni longe antehabuerit. Miræ sunt ac prope ridicula quæ de eo retulit JANUS NICIUS ERYTHREUS, (f) veluti, quod Romæ in Suburra inter facem & quilquilias urbis, hoc est, inter eos, quos Zingagos vocant, habitaverit, quod pro lecto culcitram humi straram, pro bibliotheca fictile dolium, pro scriniis ligneam gravicembali thecam habuerit, & inter has sordes ita vixerit, ut tota vitæ ratione Cynicum potius referret, quam christianum. Sed nescio, an quisquam sibi hic potiore jure locum deposcat, quam JUL. POMPONIUS LÆTUS, qui vergente jam ad finem sæculo XV, Romæ floruit, &, ut MORERUS (g) ait, *vitam egit philosophicam, parum curans religionem pietatemque christianam*. Di ei non potest, quam deplorando stultitiæ genere laborarit homo miserrimus, posteaquam veteris, ut agebat, sapientiæ amator, hanc solam christianæ religioni aut an-

(e) Henricus Wharton *Append. ad Cavei Hist. litt. Tom. I. p. 112.* Dupin, *Biblioth. ecclæs. p. 111. Tom. XII.*

(f) Jan. Nici Erythr. *Pinacothec. l. II. XXXI. pag. 56.* (g) Morer. *Diction. Tom. II. p. 891.* It. *revint depuis à Rome, où il vivoit en philosophe, sans se soucier de la religion & du christianisme.*

antehabere, aut jungere cœpit. In domo, quam in Quirinali sibi comparaverat, natalem urbis festum sacrumque habebat, in eadem divinis honoribus colebat Romulum, urbis parentem, quin non poterat veteris Romæ paganæ meminisse, quin lacrymas, admonitu, ut ipse dicere solebat, *meliorum temporum*, liberaliter funderet. (h) En denuo philosophum semichristianum, in eo tamen reliquis deteriorem, quod nec ex christiana religione adeo multum retinuit, nec philosophiam quamdam sublimiorem sectatus est, sed omnem præne sapientiam in antiquis ritibus, sacris Romanorum superstitionis, stolidi curiositate quæsit, donec vergente ætate, ut a quibudam traditum est, christiana religio ei paullo magis curæ esse cœpit. Denique, ne id quidem negari posse arbitror, omnes præne, quicumque olim Ecclesiam turbarunt, hæreticos, in hunc philosophorum semichristianorum numerum esse referendos. Valentiniana enim deliria, vel e Kabbala, ut celeberrimus RUPEUS (i) existimavit, vel, ut RENATUS MASSUETUS (k) mavult, ex Ægyptio-

(h) Vide, quæ ex Angelo Politiano, Sabellico, Erasmo, & Pignorio de eo refert G. I. Vossius de Hist. Latin. III, 8. p. 190. sequ. Tom. IV. Oper. (i) Buddeus diff. de hæres. Valent. juncta histor. phil. Hebraor. Jo. Alb. Fabr. Bibl. Gr. V, 1. p. 201. Steph. le Moyné Var. S. p. 163. Tom. II. (k) Ren. Masuetus dissert. I. ad Irenæum edit. Paris.

priorum lacunis; in purioris christianæ religionis fontes derivatis, exstiterunt. Sic & Gnosticos christianismum & (l) Platonismum, nec non Chaldaica φιλοσοφήματα miscentes, hæresin pestilentissimam exclusisse, vel PLOTINI & PORPHYRII (m) testimonio constat. Porro & Manichæos e Persarum philosophia & religione christiana veluti unum corpus male cohærens conflasse, atque adeo semichristianos fuisse philosophos, tam notum est profecto, quam quod notissimum. (n) Sed plura hic addere nihil attinet, quum quæ dicta adhuc sunt, ad institutum nostrum abunde sufficere videantur.

§. XXI X.

Quæ fufius hætenus exposita sunt, ad existentiam atque indolem horum philosophorum explicandam maximam partem pertinent. Dispiciendum ergo nunc porro est, quænam fuerint hujus semichristianismi causæ; & primo quidem, qui factum sit, ut, quum aliqui gentilium philosophorum tam multa dogmata Christiana imbiberint, ipsamque legerint sacram scripturam, ab ipso tamen Christo semper manserint alieniores? Et hic quidem in ipsa horum philo-

(l) Plotin. *Ennead. II. libr. IX.* qui totus adversus Gnosticos scriptus est.

(m) Porphy. *de vita Plotini cap. XVI.*

(n) Thom. Hyde *de Religione veterum Persæ cap. XXI.*

Philosophorum mente causam præcipue quaerendam arbitror. Omnes enim, quos supra recensuimus, gentiles non tam serio veritatis studio, quam æmulatione Christianorum, tenebantur, nec tam meliores esse, quam Christianis doctiores, videri cupiebant. Qualis adfectio, ubi semel animum occupavit, sane nec ipsa salus hominem ejusmodi miserrimum servaverit: ilicet, actum est. Etenim suæ quemque infirmitatis conscientia satis edocet, ipsique aliquatenus id agnoverunt gentiles, neminem ad veram posse sapientiam adspirare, nisi DEO duce utatur. Recte apud ARRIANUM EPICTETUS: (Ο) οὐκ εἰκὴ ταῦτα γίνεται, εἰδ' ὥς ἐτυχέν· ἀλλὰ καὶ ἡλικίαν εἶδ'· δεῖ, καὶ βίον, καὶ θεὸν ἡγεμόνα. Non temere ista sunt, (loquitur de studio & professione sapientiae,) neque forte fortuna, sed & aetate opus est, & certa vita ratione, & DEO duce. Quibus præmissis statim addit philosophus: ἐπολιπόρευμ' εἰς τοὺς ἀνθρώπους, μὴ δίσας τοῖς θεοῖς, καὶ παρακαλέσας αὐτοὺς βοηθῆς, εἰδ' ὅτι πειρῶσιν ἄλλως οἱ ἄνθρωποι, εἰ μὴ τὸ Διμήτραν ὀπικαλεσάμενοι, τηλικότου δ' ἔργου ἀφάρμους τις αὐτὸ θεῶν ἀσφαλῶς ἀφεται. Nemo e portu solvit, nisi sacra Diis fecerit: neque aliter ferunt agricola, nisi Cerere invocata. Tantam autem rem, (studium sapientiae) qui neglecto Numine adgreditur, num tuto adgreditur? Quæ si vera sunt, ut sunt certe verissima, quomodo fieri potuisset, ut philo-

so-

(Ο) Arrian. *discp. Epictet.* III, 21. p. 306.

M. 5.

sophi illi ad veram pervenerint sapientiam. Locum non invenit Dei auxilium, dum animus non veritatis studio, sed æmulatione, adficitur. Æmulatio enim semper cum timore ac ambitione, quin & odio meliorum, conjuncta, omnes veluti rimulas obstruit, per quas divinæ lucis radii in animum illabi possent; atque adeo mirum non est, philosophos hos, quanto magis a christianis profecerint, tanto remotius ab ipso christo abfuisse. Secundo & præjudicia, quibus laborant, haud pauca maxime opere eos a suscipienda veritate christiana abstergerunt. Solet enim hoc contingere, ut homines id omne rejiciant, quod cum opinionibus, semel animo conceptis, pugnare videtur. (p) Tales vero præjudicata opinionēs haut paucæ philosophorum illorum animis infederant. Semper ipsis obversabantur ex altera parte paganismi antiquitas, consentiens in Deorum cultu plebarumque gentium opinio, philosophorum antiquorum auctoritas, tot jacta Deorum oracula ac prodigia; ex altera autem, Christi cruci adfixi τῶν ἁγίων, ipsorum christianorum miseria ac contemptus, mysteriorum rationi abstrusissima profunditas. Sunt hæc præcipua philosophorum adversus christianos argumenta, quæ urgent Celsus & Julianus apud Origenem & Cyrillum Alexandrinum. Nec alia tum intentio-

(p) *Vide Jo. Clerici tract. de l'incrédule*

à l. 1. p. 9. sequ.

ne a Porphyrio & Jamblichō Pythagoræ ; a Philostrato Apollonii Tyanensis ; ab Eupapio juniorum philosophorum vitæ scribebantur , quam ut eorum prodigia Christi miraculis opponerent. (q) Quæ omnia tanti esse videbantur miseris hominibus , ut multo tutius existimarent , antiquæ superstitioni inhærere , quam , admissa veritate , his præjudiciis semel simulque mittere nuntium. Multos denique fortassis a christiana religione absterruit meticulositas , veritos nimirum , ne principum in se concitarent indignationem , si religionem dudum damnatam atque proscriptam fusciperent. Ita ergo factum est , ut multa quidem Christianorum dogmata , potissimum moralia , in suam rem verterent , nec abduci tamen se a gentili superstitione paterentur.

§. XXX.

At alia est ratio christianorum , qui ad paganismum plus æquo proclives , religionem philosophiæ posthabuerunt. Horum enim semichristianismus , si quid video , e triplici potissimum fonte promanavit. Primus ac præcipuus procul dubio fuit animus improbus , & veræ pietatis religionisque contemptor. Solet enim hoc sæpius contingere viris etiam eruditissimis , ut , dum intellectui excolendo unica vacant , aut nullam aut

mi-

(q) Vide Fabric. *Bibl. Gr.* IV, 24. p. 45. & Godofr. Olear. *ad Philostrati vitam Apollon.*

minimam voluntatis habeant rationem, eamque veluti obbrutescere patiantur. Quo fit, ut religionis, si quos unquam conceperunt, igniculi sensim veluti elanguescant, & dum omnia sibi indulget animus, doctrinas etiam maxime profanas admittat, ac cum christianismo temere conjungat. Primo huic errorum fonti accedit alter, sectæ nimirum studium, quod, ubi semel radices egit in animo philosophi, facile cum in semipaganismum ipsamque idololatriam abripit. *Habet enim hoc*, ut ait ARN. VVESENFELD. (r) *humanum ingenium, ut a medio, & quasi puncto rectæ rationis, nimis facile in agendo desciscat, unde innumera in rem humanam mala fluxere. Id, quod & hic evenit, ubi philosophi, quos primo, tanquam viros magnos, sapientia, doctrina & virtute excellentes, estimabant, tandem tanquam numina venerari cœperunt. Hac itaque bruta admiratione hominum, & philosophica superstitione regnante, quid facilius est, quam ut ejusmodi homines omnia sectatorum dogmata, quantumvis profana, recipiant? Legat modo quis vitam PLATONIS, a MARSE FICINO consignatam, & immodicas, quas passim in hunc philosophum effundit, laudes consideret: non mirabitur tunc profecto, hominem, tanta Platonis admiratione in transversum actum, omnia ejus dicta veluti oracula excepisse. Denique tertiam semichristianismi causam, in temeraria li-*

mitum.

(r) V. Vesenfeld. *Diss. 1. de philos. sect. p. 37.*

mitum rationis confusione quærendam a-
 bitror. Sane enim quum ea demum sit recta
 ratio, quæ se suo metitur pede ac modu-
 lo, nec ultra peram, quod ajunt, philoso-
 phatur: consequens est, ut non possint non
 illi in errores pestilentissimos, ipsumque pa-
 ganismum, incidere, qui de finibus ratio-
 nis regundis parum solliciti, ipsa quoque
 mysteria ejus judicio submitunt. Quid enim
 aliud inde eveniet, quam, ut explosis pri-
 mis, fidei christianæ capitibus, solisque il-
 lis, quæ rationi probantur, retentis, alia,
 quantumvis profana, adoptent, ac cum
 christiana religione conjungant? Quæ om-
 nia exemplo non uno possent illustrari,
 nisi portus demum esset respiciendus.

§. XXXI.

Hoc unum itaque reliquum esse video,
 ut remedia, semichristianismo philosophi-
 co opponenda, paucis commonstremus. Ea
 enim, quemadmodum ex ipso superiore pa-
 ragrapho fluunt, ita non operose adeo erunt
 explicanda. Adversus improbitatem itaque
 & religionis pietatisque contentum præmu-
 niendus est animus, sedula ac seria volunta-
 tis cultura. Subinde, recogitandum illud ec-
 CLESIASTÆ (1) monitum, quod maxima
 quoque multarum rerum scientia non exa-
 tiet animum, sed & ipsa sit *μεταίωσις, μα-
 ταιότητων*. Hoc, si quis profundius medita-
 bitur, facile, Deo duce, secum statuet,
 pie-

(1) Ecclesi. II, 12. sequ.

pietatem, veramque cum Deo conjunctionem, omnibus eruditionis thesauris longe esse anteponendam. Hanc itaque anhelabit, ad hanc omni studio contendet, hac obtenta & in vera paupertate spiritus conservata, omnes etiam paganæ eruditionis scyllas & charybdes tutus præternavigabit. Quod ad sectæ studium attinet, contra illud tutissimus erit, quicumque non tam ad conclusiones sectariorum, quam ad eorum principia, sedulo attendet. Blandiuntur nonnunquam Sroicorum, Platoniorum, Pythagoræorum, doctrinæ: & Jovem lapidem juraret harum rerum ignarus, sapientiam in iis latere incomparabilem: at ubi corticem detraxeris, ipsaque eorum principia consideraveris attentius,

Nil intra est oleam, nil extra est in nuce duri.

Facile itaque cessabit plerorumque gentiliū philosophorum bruta admiratio, si nemo ad eorum lectionem, nisi accurata historię philosophicę cognitione imbutus, accesserit. Tertio denique periculo, quod limitum rationis confusio minatur, opponimus sedulam imbecillitatum humanarum meditationem, quam si quis serio ea methodo, eoque ordine, quem in ipso hujus dissertationis limite commendavimus, instituerit, luculenter animadvertet, esse præter rationis lumen aliud longe sublimius, quod solum nobis viam ad veram sapientiam, felicitatemque sempiternam pandat.

dat. Hoc ergo revelationis lumen, divinius ipsi erit & sanctius, quam ut de eo ad perversæ rationis lucernam judicandum putet. Potius ita se divina veritate convictum sentiet, ut quidquid cum ea pugnet, nullo loco habendum judicaturus sit. Plato (t) in Phædone Socratem introducit, multa de animæ immortalitate, deque earum e corpore evolantium statu & conditione, sermocinantem. At ipse statim addit, rationem in his quæstionibus cæcutire, atque in vita præsentī manifestam de his rebus veritatem, aut nullo modo, aut difficulter admodum, intelligi posse. Ex eo porro colligit Plato, alterutrum fieri oportere ab homine sapiente, aut eum discere debere ac invenire, quemadmodum illa se habeant: aut si hoc fieri nequeat, optimam ac tutissimam humanarum rationum eligere, qua, tamquam rate velut procellas hujus vitæ pertransseat. Tandem ubi omnia incerta ac dubia animadvertit, non sine ἐμφάσει monet, viam hanc, quam ostendisset, utique esse ingrediendam, εἰ μὴ τις δυνάητο ἀσφαλέστερον ἢ ἀκινδυνότερον ἐπὶ βεβαιότερον ὀχήματος ἢ λόγου δεῖν τινός, διαπορεύεσθαι. Nisi liceat forse istius vitæ procellas, firmiori quodam vehicula, vel DIVINO QUODAM VERBO, tutius ac minore cum periculo transire. Ex quibus verbis sane patet, Platonem sola infirmitatum mentis humanæ

næ

(t) Plato in Phædon. pag. 604. Tom. II. Opp.

na consideratione eo pervenisse, ut divina revelationis necessitatem agnosceret, felicius futurus, si eandem sedulo investigasset. Nobis itaque, quibus ille θεῶν καὶ βεβαιότερον λόγον (u) divino beneficio contigit, ita philosophandum est, ut hoc veluti vehiculo usi, vitæ procellas transmittamus sine periculo, & CHRISTO, in quo omnes sapientiæ thesauri reconditi sunt, non ex parte, sed TOTI & UNICE, adhæreamus.

(u) 2. Petr. I, 19.



D E
ORIGINE ATQUE INDOLE
JURISDICTIONIS PATRIMONIALIS.

E X E R C I T A T I O V.

§. I. *Jus Romanum* priscis olim Germanis in-
 visum. §. II. *Hodie tantum est subsidia-*
rium: & hinc semper mores patris preferen-
di. §. III. *Id quod præcipue confirmat do-*
ctrina de JURISDICTIONE: & maxime PATRI-
MONIALI, de qua agendum. §. IV. *Divisio*
jurisdictionis in personalem & patrimoniam,
de qua ea judicium. §. V. *Quæ hodie*
jurisdictio vocetur patrimonialis? §. VI. *Est*
ea Romano jure incognita. §. VII. *& hinc*
origine Germanica. §. VIII. *Nec tamen sa-*
culo XIII. demum nata, ut putant Hertius
& Conrigius. §. IX. *Quorum argumenta*
expenduntur. §. X. *Vera ejus origo est anti-*
qua potestas dominorum Germanorum in ser-
vos & libertos. §. XI. *Quanam fuerit olim*
servorum in Germania conditio? §. XII.
Quis status libertorum? §. XIII. *Dominio-*
rum in utrosque potestas. §. XIV. *Illustra-*
tur ea exemplo nobilium in Polonia & Rus-
sia. §. XV. *Servilis conditio etiam post Ta-*
citum in Germania nota. §. XVI. *Nec non*
libertorum, quibus similes hodie rustici.
 §. XVII. *Ad hac antiquo dominorum potestas*
revera fuerit jurisdictio? §. XVIII. *Qua oc-*
cassione ea formam jurisdictionis induerit?
 §. XIX. *Cur ejus signum a J.C. sit statuatur.*

pra-

282 *De Origine atque Indole Jur. Patrim.*
præstatio gallina fumosa, des Rauch-Huhns?
 §. XX. *Unde nata jurisdictio circumscripta*,
 die Pfahl-oder Zaun-Gerichte? §. XXI. *An*
possessor hujus jurisdictionis tenetur edere
possessionis titulum? §. XXII. *Utrum cumu-*
lative an privative præsumatur concessa?
 §. XXIII. *Conclusio dissertationis.*

§. I.

Germanorum veterum mores, ipsaque
 reipublicæ Germanicæ indoles, adeo
 olim a Romanorum institutis ac statu dis-
 crepabant, ut majoribus nostris, libertatis
 amantissimis, intolerabilius videretur, Ro-
 manas leges admittere, quam ipsum hujus
 populi dominatum subire. Sane quamdiu
 Drusus Germanis ita præerat, ut suis illos
 legibus vivere pateretur: non adeo ægre
 ferre videbantur Romanorum imperia. Si-
 mul ac vero Quintilius Varus in Cheru-
 scis jus more Romano dicere cœperat:
 adeo perosi sunt peregrinæ jurisprudentiæ
 ambages, ut protinus conjurarent, caeso-
 que Varo, ac tribus legionibus obtritis,
 in caussarum præcipue patronos mira cru-
 delitate sævirent. Rem ita memoriæ prodi-
 dit L. ANNÆUS FLORUS: (a) Quippe Germa-
 ni, *visti magis, quam domiti erant, mones-*
que nostros magis, quam arma, sub imperato-
re Drusio, suspiciebant. Postquam vero ille
defunctus: Vari Quintilii libidinem ac super-
biam

(a) Florus Libro IV. cap. XII.

biam hanc secus, quam savitiam, adisse cœperunt. Ausus ille agere conventum, & in castris jus dicebat, quasi licentiam barbarorum & lictoris virgis, & praeconis voce, perfat inhibere. At illi, qui jam pridem rubiginem oblitos enses inertesque mœrent oques, ut primum TOGAS, & superiora armis IURA viderunt, duce Arminio arma corripuerunt. Et paucis interjectis: Itaque improvidam Varum, & nihil tale metuentem, improvise adorti, quum ille, (o securitas!) ad TRIBUNAL CLIARET, undique invadunt, castra rapiunt, tres legiones opprimuntur. Nihil illa cade per paludes perque silvas cruentius, nihil insultatione barbarorum intolerabilius, præcipue tamen in CAUSSARUM PATRONOS. Aliis oculos, aliis manus amputabant: unius os sumum, recisa prius lingua, quam in manu tenens barbarus: Tandem, inquit, vipera, sibilare desiste. Nec injuria profecto barbari homines, & simplicitati æquitatiq; naturali adsueta, a juris peregrini subtilitatibus abhorrebant. Alia longe penes eos fuerat juris judiciorumque facies, simplices populi mores, leges paucissimæ, ac parum ambiguae, judicia severa atque extemporaria, lites quippe nec vulturum togatorum malitia nec lucri cupiditate protelante. Tacito (b) teste, etiam gravissimæ inimicitiae cito inter eos componebantur. Unde facile colligitur, non nisi raras admodum lites, compositæque faciles locum apud

eos

(b) Tacit. de morib. Germ. cap. XXI.

284 *De Origine atque Indole Jur. Patrim.*
 eos habuisse. (c) Ab hac vero Germanica simplicitate quantum discedat jus Romanum, nemo ignorat, nisi qui illud nunquam vel a limine salutaverit. Quanta, quæso, hic legum copia? quantæ judiciorum ambages? quot formularum actionumque captiones? Ab his ergo si abhorrerent majores nostri, minime id profecto est mirandum, quandoquidem omnes civilis prudentiæ doctores leges, statui reipublicæ populique moribus repugnantes, gravissimis reipublicæ morbis, qui facile sentiuntur, accensere consueverunt.

§. II.

Et ab hac quidem majorum suorum sententia ne hodie quidem plane desciverunt Germani. Quamvis enim jus Romanum ex academiis sensim in fora penetraverit, (d) nihilque reliqui fecerint jureconsulti, Justinianæ jurisprudentiæ innutriti, ut, profligatis antiquis patriæ juribus, peregrinas istas leges in eorum locum subrogarent: (e) vetus tamen jus Germanicum non potue-

(c) Conring. *de judiciis vet. reip. Germ.* §. XVII. XVIII.

(d) *Vid.* Conring. *de Orig. Jur. Germ.* cap. XXXII. & XXXIII. pag. 204. & 209. Illustr. Thomaf. *in Delineat. hist. jur.* § CLXIII. & sequ.

(e) *Frustra contrariantibus Scabinis, de quorum simultatibus cum Doctoribus juris Romani legendus Dom. Thomaf. l. c. §. CXXXI. seq. & in Animadvers. ad Con-*

tuerunt ita universum foro ejicere, ut non illud fere ubique primas teneat, & juri Romano proprie sic dicto plerisque in materiis præferatur. Id quod tum a priori, (f) tum a posteriori, (g) tam luculenter demonstrarunt clarissimi ætatis nostræ Jcti, ut causam hanc peroratam jam esse debere, merito dixeris. Enimvero quamvis facile fateantur cordatiores, jus Romanorum in foris nostris tantum esse subsidarium, eoque, quidquid olim majorum moribus in-

radi Sinceri *Dissertationem Epistolicam* p. 48. & sequ.

(f) *Argumentis scilicet ab origine & progressu juris germanici, receptioneque Romani petitis, quod faciunt Herm. Conringius in Tract. de origine Juris Germ. Conradus Sincerus in Dissert. Epist. de Germanicarum LL. veterum ac Romani juris in nostra rep. origine auctoritate præsentis, quam cum Animadversionibus suis nuper recudi fecit Dom. Thomasius. Conf. hujus Delin. histor. juris: & Dissert. de rite formando statu controversia: An legum juris Justin. sit frequens, an exiguus usus practicus in foris Germania? Hala 1715.*

(g) *Per inductionem nimirum. Quod præstitum potissimum a Dom. Thomasio tum in Vindiciis corollarii de exiguo Pandectar. usu, post Navos jurisprucl. Antejustinianea p. 215. seqq. tum in Adnotationibus ad Instit. & Pandectas qua anno 1713. in 4to prodierunt, tum in Dissertationibus qui-*

286 *De Origine atque Indole Jur. Patr.*
 inductum, non plane aboleri, (h) maxime quum id ipsæ leges Imperii publicæ passim inculcent: (i) non est tamen dissimulandum, veteres Germaniæ mores plerisque, Jctorum incuria, partim ex memoria hominum evanuisse, partim peregrini juris mixtura ita esse obscuratos, ut Germanica instituta hodie nullis fere minus, quam ipsis Germanis, nota ac perspecta esse videantur.

§. III.

Hæc, si non aliunde constarent, vel e sola doctrina de JURISDICTIONE quam evidentissime possent demonstrari. Tantum enim inter Romanæ Germanicæque jurisdictionis indolem intercedit discrimen, ut summi juris Justiniani patroni ubique potius, quam in hac materia, viridem legum Romanarum observantiam jactent, & hodiernas de jurisdictione controversias magis ex casusque provinciæ institutis & consuetudine, quam e jure Romanorum civili,

institam, qua adhuc de usu pratico institutionum prodierunt, quarum continuatio non respublia litteraria a vide inspectas. Eandem viam ingressus est B. Beyerus in Possessionibus ad Inst. & Pandectas, qua ideo maxime commendanda.

(h) B. S. Stryk. in *Diff. prelim. de usu & auctoritate juris Rom. in foris Germ.* §. 27. seqq.

(i) Exemplum est in *Const. Crim. art. CXL*
 & in *Recessu Imp. 1654. §. 105.*

li, dijudicandas esse fateantur. (k) Equidem a communi hac cordationum Jctorum sententia discedit GE. OBRECHT, (l) qui in tempestivo in leges Romanas amore abreptus, iis omnibus succenset, qui in materia jurisdictionis a jure Romano discedere non dubitant. Sed hoc quam sit inconsiderate ab eo dictum, nemini obscurum est. Quantum enim decessurum esset illustrissimarum familiarum juribus? quanta sequutura rerum omnium confusio, si in frequentissimis de jurisdictione litibus, Ulpianus, Julianus, Paullus, Cajus & reliqui Romanorum Jcti judices obtruderentur? Alius sane est Germaniæ status, quam ut Romanæ de jurisdictione leges ei possint applicari. Atque hinc MEVIUS (m) merito gravissimam dicam scribit Jctis, qui de hodierna

(k) Notum est Andr. Knichenii lepidum axioma; modernus de jure controversias ex solo jure Romano componere velle, absurdum aque est, quam si lanam ab asino quarere velis; otium enim & operam ita perdes. Vid. Ejus epistol. dedicat. libro de Jure servitoriali promissam, & conf. Strykii us. mod. ff. L. 11. Tit. I. p. 172. Carpz. prax. Crim. Quæst. CIX. n. 6. Schilter. Exercit. VI. ad Pand. §. 1. p. 191.

(l) Ge. Obrecht Diss. 1. de Jurisd. thesi LXX, notatus jam a Strykio l. c. Ge. Engelbrecht. in Diss. de jurisd. alta & bassa cap. 1. §. 1.

(m) Mevius Part. IV. decis. CCXC.

dierna jurisdictionis forma ex legibus Romanis censent ac disputant, eosque vocat *perniciosissimos*. Quod MEVII judicium quamvis sit verissimum: fatendum tamen est, nec eos ipsos JCTOS, qui hic patriorum morum prerogativam agnoscunt, illos mores satis accurate indagasse. Quo factum est, ut tota pene de jurisdictione Germanica doctrina in pelago versetur, & maxime sit obscura. Exemplo esse poterit JURISDICTIO PATRIMONIALIS, Romanis inaudita, sed & Germanis hodie vix satis nota. De cujus origine ac natura nonnulla commentari, vel ideo minus erit supervacuum, quod plerique hac tractatione satis obiter defunguntur. Ceterum ut auspiciatus sit labor, quem tempore exclusi, uno veluti impetu profligavimus, DEUM optimum maximum ardentissimis votis precamur.

§. IV.

Ut vero, qualis sit patrimonialis illa jurisdictionis, eo clarius intelligatur: non immerito ab ipsa jurisdictionis Germanicæ partitione auspicamur. Tralaticium est, jurisdictionem, qualis hodie inter Germanos viget, varie a doctoribus dividi. Quemadmodum enim aliam dicunt *ecclesiasticam*, aliam *secularem*, & hanc iterum in *superiorem* seu *altam*, & *bassam* seu *inferiorem*, in *rogatam* porro, *militarem*, *feudalem* & *forestalem*, &c. ac denique in *universalem* & *particularem* seu *circumscriptam* distinguunt: ita & moribus Germaniæ hoc deberi ajunt, ut alia jurisdictionis *personalis* sit, alia *patrimonialis*, quam & *realem* vocant.

Et

Et *personalis* quidem illis dicitur, quæ jure magistratus competit, ipsique personæ cohæret. *Patrimonialis* autem, quæ inhæret fundo, & hinc simul cum eo ad universales æque ac singulares successores transit. Sed hæc distinctio, quantumvis hodie recepta, multis procul dubio tricus involuta est. Primo enim multi, solidioris juris publici ignari, etiam Principum Statuumque imperii, nec non civitatum jurisdictionem pro patrimoniali venditant, (n) quum tamen hæc proprie in solos rusticos, non in homines urbicos aut nobiles, competat. Deinde quum jurisdictio magistratus academici ac urbici ad neutram harum specierum commode referri queat: recte jam ab illustri THOMASIO (o) nostro ani-

(n) *Natum hinc brocardicum*, hodie jurisdictionem esse patrimoniale. *Vid. Myleri de Princip. & Stat. Imp. cap. XLVIII. §. 8. Paurmeist. lib. II. de jurisd. cap. XX. Sed præterquam, quod hoc brocardicum, si sine limitatione adsumatur, falsum est, ut ostendit B. Stryk in Usu moderno ff. pag. 188. manifesto hi jurisdictionem Statibus imperii jure superioritatis territorialis competentem confundunt cum jurisdictione patrimoniali, quæ proprie competit in solos rusticos. Vid. Dn. Thomasi Nov. Additiones ad Huberi Prælect. in ff. p. 64.*

(o) *Nam jurisdictio hac academica & urbana neque patrimonialis est, quia cives academici & urbici non sunt in patrimonio, ne-*
Hein. Opusc. Var. Pars I. N

290 *De Origine atque Indole Jur. Patrim.*
animadversum est, hanc jurisdictionis Germanicæ divisionem minus esse adæquatam. Enimvero quum nostra jam aut magni referat, ut hac distinctione rejecta, aliam commodiorem substituamus: (p) satis consuluisse lectori videbimur, si in antecessum moneamus, a nobis strictissime hic accipi vocem, & jurisdictionem patrimoniam ex mente nostra non nisi in rusticos competere.

§. V.

Experientia scilicet constat, plerisque per Germaniam nobilibus mediatis, aliisque feudorum possessoribus, una cum ipso feudo concedi solere jurisdictionem in rusticos. Quemadmodum vero in litteris investituræ formulæ variant, & modo simpliciter conceduntur die Gerichte: modo *omnimoda jurisdictio*, alle und iede Gerichte: ita hæc jurisdictio in rusticos modo solum jus causas civiles cognoscendi complectitur, & tum vocatur *jurisdictio inferior* vel *bassa*. Erb-oder Nieder-Gerichte: modo simul potestatem vindicandi crimina habet conjunctam, quo casu *superior*

que personalis, quia cum persona non expirat, ut observavit Dn. Thomas. in Annot. ad tit. ff. de jurisdict. p. 46.

(p) *Alias forte concisionius dividi posset in eam, que jure superioritatis territorialis competit, in administratorem, & patrimoniam & illa iterum in personalem & realem,*

rior audit, vel *alta*, (q) (Ober-Gerichte, Hals-Gerichte, Peinliche Gerichte & in Bavaria Freisliche Gerichte.) Nobiles ergo alique possessores, feudis per investituram potiti, hanc in rusticos jurisdictionem eodem effectu exercent, quo senatores urbici aut constituti a Principe magistratus. Præterea illis sunt præfecti, iustitiiarii, quos vocant, actuarii, loca custodiæ, torturæ, executioni destinata, inprimis patibula: ipsum formant processum, acta transmittunt, & quæcunque judici sunt observanda, omnia expediunt. Porro hoc non tantum iis in locis contingit, ubi rustici servilis conditionis habentur, quos homines proprios, eigene Leute, vel Leibeigene appellitamus; sed & in alios rusticos, quos ce-

toro-

(q) *Recepta jam hac est distinctio jurisdictionis in altam & bassam, sive ea glossatoribus Italici originem debeat, ut putat Simoncellus de decret. min. Libro 1. p. 145. sive Francis & Alemannis, ut maxime Schilter. Exercit. VI. §. 7. p. 199. Satis antiquam certe eam esse etiam in Germania, patet ex Charta 1258. apud Miræum Liber. I. Donat. Belg. cap. CVIII. & diplomate Henrici II. Ducis Lotharing. A. 1238. apud Eumd. libro II. cap. LXXXV, aliisque chartis, quas recenset Jo. Nic. Herr. in Diss. de Consultat. Legibus & iudiciis in specialibus rebus p. Imperii §. XXIII. Conf. Georgii Engelbr. Diss. de jurisd. alta & bassa Sect. I. §. IX. p. 17. sq.*

teroquin liberos ac ingenuos ferunt, similis nobilibus competit jurisdictio. Quæ quum ita sint, patrimonialis illa, de qua jam agimus, jurisdictio quam commodissime videtur describi posse, quod sit jus nobilium, & aliorum feudi possessorum, judicandi causas rusticorum, & nonnunquam simul animadvertendi in facinorosos, ipsi feudo inhærens, & hinc cum ipso feudo alienabile.

§. VI.

Ex his autem jam satis est perspicuum, jurisdictionem hanc patrimonialem Romanis fuisse plane inauditam, nihilque eam commune habere cum Romanis legibus. Quamvis enim aliud sibi persuaserit MOLLINÆUS, (ratus fortassis, nihil in jure universo occurrere, quod Justinianus ignoraverit;) ejus tamen errorem graviter jam profligavit DESID. HERALDUS. (r) Et quid opus est verbis, ubi res ipsa loquitur? Nihil sane eorum, quæ superiore paragrapho de jurisdictione patrimoniali commemoravimus, jurisdictioni Romanæ convenire, palam est. Primo enim jurisdictio patrimonialis sæpius hodie simul complectitur jus vindicandi crimina. Hoc vero jus secundum Romanæ jurisprudentiæ principia ad jurisdictionem plane non referebatur. Licet enim populus, quem penes, Regibus exactis, το κύριον in republica erat, magistra-

(r) Desid. Herald. *Rer. & Quæst. jur. quotid.*
cap. VII.

stratibus concessisset jurisdictionem : ea tamen solam illis tribuebat potestatem , jus in civilibus causis dicendi. Potestatem autem animadvertendi in facinorosos sibi soli reservaverat, postea in principes transferendam, eaque non ad jurisdictionem, sed ad imperium, pertinebat. (f) Quo fit, ut in Legibus Romanis potestas vindicandi crimina jurisdictioni opponatur. (t) Deinde ad jurisdictionem patrimonialem hodie omnia referuntur, ad quæ expedienda apud Romanos speciali lege ac concessione opus erat. Exemplo est tutoris datio, quæ jure Romano non erat ordinariæ jurisdictionis. (u) Atqui hodie unusquisque judex, etiam cui patrimonialis competit jurisdictio, pupillis jurisdictioni suæ subjectis tutorem dare potest, (x) adeo, ut & inferior jurisdictio ad id sufficiat. (y) Tertio observavimus, jurisdictionem hanc ipsi feudo inherere. Huic denuo Romana jurisprudentia nihil habet geminum. Apud Romanos enim omnis jurisdictio erat personalis, & quam-

(f) *Vid. l. 2. §. 16. & 23. ff. de Orig. Jur.*

(t) *L. 3. ff. de jurisd. l. 1. princ. ff. de offic. ejus cui mand. jurisd. conf. Suthold de jurisd. Aphorism. CXV.*

(u) *L. 6. §. 2. ff. de Tutel.*

(x) *Vid. Reform. Polit. de anno 1577. Tit. XXXII. Lauterb. Exercit. forens. V. §. 1. Mev. ad Jus Lub. P. II. Tit. I. part. 15. n. 16.*

(y) *Franzk. Libr. I. Resol. XVII. n. 7.*

294 *De Origine atque Indole Jur. Patrim.*
 quamvis eatenus videretur aliquid realitatis
 continere, quod magis officio magistratus,
 quam personæ, cohereret: attamen exspi-
 rat cum ipsa personâ, neque redintegrâ-
 batur, nisi alia personâ a populo substitu-
 ta. (2). Denique jurisdictionem patrimo-
 nialem diximus esse cum ipso feudo aliena-
 bilem. Revera enim est in commercio, æ-
 que ac ipsum feudum, vendique potest ac
 alienari, & ad heredes transire, iis legibus,
 quas jus feudale præscribit. Postremo &
 amitti potest iisdem modis, quibus ipsum
 feudum. Quæ omnia, quam sint a Roma-
 nâ jurisdictionis indole aliena, nemo igno-
 rat. Unde & Icti tantum non omnes in-
 auditam Romanis fuisse hanc jurisdic-
 tionem, veluti ex compacto fatentur. (a)

§. VII.

Quum ergo patrimonialis ista jurisdic-
 tio a Romanis minime sit repetenda: proxi-
 mum est, ut dispiciamus, cui potissimum
 genti debeat originem? Jam de Germania
 quidem diximus, in ea hanc jurisdictionem
 hodie ubique vigere: sed extra eam, & alia
 sunt regna, aliæque complures provinciæ,
 in quibus non minus usu recepta est. In
 Belgio non minus, quam apud nos, nobi-
 libus prædiorumque possessoribus compete-
 re.

(2) Stryk. *Us. modern. ff. l. c. §. 18.*

(a) Rosenth. *de feud. cap. VI. Concl. LXXXV.*
n. 10. Reinking. de regim. secul. & Eccl.
libro I. class. V. cap. I. n. 18.

re jurisdictionem in rusticos, notum utique est ac provocatum. Excipienda tamen Frisia occidentalis, in qua uti nulla ferè feuda: sic & nulla observatur hæreditaria jurisdictionio. (b) De Gallia quoque res est extra controversiam posita, ubi nobiles, quos castellanos vocant, feuda seu castellanias possident, cum jurisdictione suprema in subditos. (c) Idem de Helvetia testatur JOSIAS SIMLERUS, (d) cujus verba audire juvat: *Ceterum, inquit, ecclesiastici ordinis multi, & quamplurimi nobiles passim in vicis Turega inferiorem jurisdictionem obinent, sic tamen, ut ipsi nihilominus præfecta totius regionis subjeñti sint. Atque hi edicunt, atque multant libra unius pœnas possunt deinde edicere & multas imponere ad decem usque libras: sed media multarum pars cedit præfecto, sicut hæc omnia certo jure ac ordine constituta sunt, ipsis noto. Omnes autem hi, qui jurisdictionem habent, nominantur Gerichts-Herrn. Denique & in Italia, Dania, Suecia, Borussia, Livonia, Curlandia, Boemia, Silesia, hanc florere jurisdictionem, notum est. Sola forsap Anglia*

(b) *Testibus Hubero in Prælect. ad ff. libro II. Tit. I. p. 58. Tempel. in Observat. ad temp. fœd. Belg. p. 219.*

(c) *Franc. Hotomann. Antitribonian. cap. IV. p. 111. Conf. Caroli du Fresne Gloss. Lat. voce Castellanus p. 178. T. I.*

(d) *Jos. Simler de Republ. Helv. libro II. p. 190. seq.*

glia se hac in re a reliquis Europæ regnis , quæ quidem sunt Germanicæ originis , jungit . Nulla enim ibi , teste TEMPELIO , (e) jurisdictio est hereditaria , sed omnis pure habetur personalis . Quum ergo in iis potissimum regnis ac provinciis jurisdictio patrimonialis vigeat , in quas olim Germanorum coloniæ pervenerunt : merito inde colligit HUBERUS , (f) eam Germanicæ esse originis .

§. VIII.

Operæ pretium itaque fuerit , ecquando & qua occasione jurisdictio hæc patrimonialis in Germania innotescere cœperit , paullo accuratius hic dispicere . Primus , quantum constat ; hac in re divinare aliquid ausus est HERM. CONRINGIUS . (g) In doctissima enim *de judiciis veteris reipublicæ Germanicæ* dissertatione , ubi universam jurisditionis Germanicæ indolem ordinemque judiciorum erudite , ut solet , exposuit , porro observat , olim quidem singulas govas singulos habuisse comites , postea vero cœpisse multos in una eademque gova Comitibus non quidem nomine , auctoritate tamen gaudere . Namque & Reges vel Cæsares , & Principes , & Du-

(e) Tempelius l. c. qui inde obiter colligit , *Anglos Frisios esse oriundos . De quo quid sentiendum , consule Hert. Notiz. veteris Germ. papulor. Part. III. cap. V. §. 3. p. 123. sequ.* (f) Huber. l. c.

(g) Conring. *de judiciis reip. Germ.* §. LXXXV.

Et Duces, Et Episcopos, Et Abbates, Et Comites ipsos, particulas govarum suarum aliis atque aliis urbibus, aut POPULI NÖBILIORIBUS FAMILIIS, immo Et plebeiis, tradidisse, partim simpliciter venditione, partim pignore, partim feudi jure, partim dono, partim variis modis. Auctorem vero SPECULI SAXONICI (h) has translationes accusare iniquitatis, ac de iis ita censere: Si comes vel advocatus partem comitatus vel advocacionis alteri contulerit, id contra jus censetur attentatum, nec desuper infundatus banum habebit regale. Denique laudatissimus modo CONRINGIUS de tempore etiam, quo hic mos inoleverit, suam exponit sententiam: *Videntur*, inquit, *maxime omnium hac accidisse post auctoritatem regiam collapsam, a saeculo usque tertio decimo*. CONRINGIUM presso pede hic sequitur JO. NIC. HERTIUS, (i) qui non modo jurisdictionis patrimonialis originem ad idem saeculum refert: verum etiam nonnulla colligit historicorum testimonia, quae id confirmare videntur. Primo enim de Ottone, Bavariae Duce ex ADLZREITERO (k) observat, eum

(h) Sachsen. Spiegel. Libro III. Art. LXIV.

(i) Hertius de Consultat. Leg. Et judiciis in specialibus Romano-Germ. imperii rebus publicis §. XXII. p. 449. Tom. II. Opusc.

(k) Adlzreit. Part. I. Gent. Boic. Libro XXV. §. 26. Sic Otto Bavaria Dux anno 1311. bellum parans in Hungaros quum omnes pecunia conficienda modos circumspiceret, oc-

eum anno MCCCXI. Hungaris imminentem, & pecuniæ conficiendæ modos sollicitè circumspicientem, jurisdictionem minoris imperii & jus nobiliorum oppidorum magno ære nobilitati vendidisse, atque inde nata esse jura bonorum, quæ hodiernum Hofmarchiarum nomine veniant. Deinde & ANT. VVECKII (1). allegat testimonium, qui ex decreto quodam conventus provincialis ordinum Saxoniz probat, ante annum MCCCCXXVIII. nulli Statuum in Saxonia judicia patrimonialia competiisse. E quibus clarum esse existimat HERTZ, jurisdictionem patrimonialem, collapsa sensim Principum auctoritate in Germania inolevisse, nec esse sæculo XIII. antiquiorem.

§. IX.

Enimvero, si paullo accuratius rem expendas, neque HERTZ profecto, neque CONRINGII, argumenta ita comparata sunt, ut

currit ei jurisdictio minoris imperii, & jus nobiliorum oppidorum, quæ hactenus manserant penes principatum. Hac ergo, quæ erant in facultatibus dominatus, ad conquirenda stipendia magno ære distrahit, non sine grandi fisci detrimento, permittitque
OPULENTIORIBUS E. NOBILITATE. -- Unde comparata jura locorum, quæ hodie Hofmarchiarum nomine censentur.

- (1) Anton. Weckius. *Beschreibung und Vorstellung der Stadt Dresden Part. IV. Tit. VI. pag. 438.*

ut eorum conjectura illis extra omnem ponatur controversiam. Quamvis enim ex iis possit demonstrari, nobiles ex eo tempore jura sua passim egregie auxisse, in multaque oppida ac vicos jurisdictionem variis titulis adquisivisse: nondum tamen eo ipso evictum videtur, hanc esse jurisdictionis patrimonialis originem. Nobiles enim procul dubio jam multo ante hoc sæculum potestate quadam in rusticos gavisi sunt, quæ erat hodiernæ jurisdictioni patrimoniali analoga. Ea vero potestas, (quæ qualis fuerit, mox ostendemus,) non sæculo XIII, sed paulo serius jurisdictionis formam videtur induisse. Utut vero hæc se habeant, argumenta sane a CONNINGIO & NERTIO adlata rem non conficiunt. Locus e Speculo Saxonico adductus non agit de jurisdictione patrimoniali, sed de ordinaria jurisdictione comitum, quam jure non posse in privatos transferri, docetur. Jurisdictio vero illa patrimonialis, quam nobiles exercent in rusticos, non a comitibus in eos est translata, sed ipsis eorum prædiis jamdudum procul dubio inhæsit, quamvis negare nolim, etiam alios nobiles, qui erant ejusmodi jure destituti, sensim a principibus & comitibus eam titulo oneroso adquisivisse, quod & hodie nonnumquam fieri solet. Neque singulare Ottonis Bavari factum probat, jurisdictionem patrimonialem demum sæculo illo in Bavaria coepisse. Potius ex ipso ADLZARTI loco apparet, jam tum nobiles aliqua jurisdictione gavisos. Eam enim jurisdictio-

nem tum nobilibus venditam perhibet; qua. haëtenus manserat penes principatum. Ex quibus verbis patet, nobiles tum non primum hoc jus esse consequutos. Denique & ANT. VVECKIUS ab HERTIO frustra citatur. Agens scilicet VVeckius de comitiis Statuum Saxoniae Dresdae MCCCCXXVIII. habitis, conquestos tum dicit nobiles, *dass die Vogte und Amtleute sie in ihren Gerichtbarkeiten turbireten, und die Unterthanen in allen geringen Dingen für die Fürstliche Gerichte und Bann Stühle, forderten.* Hinc porro addit, principes tum nobilibus ex parte satisfecisse, siquidem iis jurisdictionem civilem reliquerint, praefectis vero suis reservarint judicia criminalia de homicidio, stupro violento, vulnerationibus, furtis, quae etiam in Statuum praedijs voluerint exerceri. Ex his demum inferit VVECKIUS: *VVoraus zu schliessen, dass damals noch keinem Landstand die Obergerichte zustundig gewesen.* Ast aliud longe inde inferit HERTIUS, nimirum, quod jurisdicção patrimonialis tum nulli Statuum in Saxonia competierit. Quum ergo VVeckius de criminali tantum loquatur, ipsam profecto jurisdictionem nobilibus non denegavit. Et quo pacto, quæso, hi conqueri potuissent in comitiis illis, *dass die Voigte und Amtleute sie in ihren Gerichtbarkeiten turbireten,* si ante hæc tempora nulla iis fuisset in suos jurisdicção? Paucis ut me expediam, controversa illa de Statuum Saxoniorum jurisdictione ostendit quidem, insignem circa ea tempora confusionem jurisdictionum.

incidisse, de qua paullo post §. XVIII erit dicendum: minus vero, quod primum tum inoleverit ipsa patrimonialis jurisdictio.

§. X.

Quæ quum ita sint, verosimilior longe est illustris THOMASII (m) nostri conjectura, quam initio anno MDCCI in luculenta dissertatione de *hominibus propriis*: deinde vero in aliis scriptis compluribus (n) proposuit. Ea vero huc redit, quod jurisdictio patrimonialis nobilium in rusticos nihil aliud sit, revera, quam antiqua illa potestas dominorum in servos & libertos, seu homines proprios, aliosque rusticos. Eam vero potestatem in servos & libertos, sequiori tempore quodam jurisditionis schemate palliatam, atque inde demum natam esse potestatem illam nobilium, quæ patrimonialis jurisditionis nomine hodie veniat. At Ictos, Romanis legibus innutritos, & Germanicarum antiquitatum ignaros, variis suis quæstionibus ac responsis

eam

(m) Thomas. *Dissert. de hominibus propriis*.

§. LXXXVI. p. 36.

(n) Idem in *novis addit. ad Huber. Prælect. in ff.* p. 64. *Conf. Ejusd. Adnot. ad ff. Tit. de jurisd.* p. 46. & *Diff. de usu pratico distinct. hominum in liberos & servos. cap. II. §. 68. 69. p. 49. Sequitur est eandem sententiam Dn. Henr. Bodin. in Diff. de jure circa violentiam corporis alterius inferend. §. 12.*

302 *De Origine atque Indole Jur. Patrim.*
 tam adeo reddidisse obscuram, ut hodie
 tota hæc doctrina in pelago veluti verse-
 tur. Quæ quum ita sint, ad geminos an-
 tiquitatum Germanicarum fontes nobis erit
 eundum, ex iisque, tum quæ fuerit antiqui-
 tus, fervorum libertorumque Germanorum
 conditio, tum quæ dominis in eos compe-
 tierit potestas, paullo accuratius explican-
 dum.

§. XL.

Et ad fervorum quidem in prisca Ger-
 mania conditionem quod attinet: sunt qui-
 dam, (o) qui duorum eos generum fuisse
 statuunt, quorum alii eodem loco fuerint,
 quo servi Romanorum: alii paullo beni-
 gnus habiti, hominibus propriis nostræ æ-
 tatis possint comparari: idque colligi posse
 putant ex NITHARDO, (p) qui tres Saxo-
 num ordines recenset, *Edalinos*, *Frilingos*
 & *Lasse* vel *Lassos*, seu ut ipse inter-
 pretatur, *nobiles*, *ingenuales*, & *serviles*.
 Accedere ajunt diplomatum testimonia,
 in quibus *Lassi* a *servis* distinguantur. (q)
 Sed ut verum fateamur, *Lassi*, ceu voca-
 bulum, ipsum ejusque *ἄρτοι* indicat, ni-
 hil aliud sunt, quam veterum Germano-
 rum

(o) Vid. Exc. Ludevig. de colonis adscri-
 ptis cap. I. §. III. p. 2. in not.

(p) Nithard *Libro IV. Hist. Franc. ad ann.*
 848. p. 376. edit. du Chesne.

(q) Diploma Ottonis I. anno 939. apud
 D. Ludevig. l. c. p. 2.

um. liberti, (r) nec servi præter eos, qui hominibus propriis comparari queant, ulli in Germania umquam fuerunt. Primus enim veterum servorum in Germania conditionem descripsit CORNELIUS TACITUS, qui quum Germanos in *ingénuos*, & *servos* distinxisset, & hos tum per alex lusum, tum per captivitatem, constitui monuisset, ita pergit: (f) *Servis non in postum morem, descripsis per familiam ministeriis, utuntur. Suam quisque sedem, suos penates regit. Fruentimodum dominus, aut pecoris, aut vofis incolono, injungit, & servus hactenus parcat. Cetera domus officia uxor ac liberi exsequuntur. Sane hunc locum quisquis legit, non potest non de nobilibus ruri degentibus eorumque rusticis cogitare. Idque patebit clarius, si eum paullo reddiderimus illustriorem. In universo hoc de moribus Germanorum libello is est scopus TACITI præcipuus, ut ostendat, quantum Germanorum mores a Romanorum legibus ac institutis discreparint. (t) Quare & hic ser-*

VO

-
- (r) Unde & *codicilli manumissionis* vocantur. *Laff-Brieffe*. Hert. de hom. propr. sect. III. §. XI. p. 174. Nec obstat, quod LASSI & Nithardo, vocantur SERVILES. Liberos enim apud Germanos non multum supra servos fuisse, diserte adfirmat Tacitus de morib. Germ. cap. XXV. de quo nos infra §. XII. (f) Tacit. de morib. Germ. cap. XXV. (t) Adeo hac observatio est necessaria, ut, seposita illa, Taciti lē

304 *De Origine atque Indole Jur. Patrim.*
 vorum utriusque gentis conditionem inter
 se contendit, &, quantum inter ambos
 intercedat discriminis, observat. Primo
 itaque maxima fervorum Romanorum col-
 luvies in ipsa urbe erat, in qua & nobil-
 lissimæ opulentissimæque familiæ degebant,
 & quamvis nonnunquam domini rustica-
 rentur, suis tamen tantum villis ruri gau-
 debant, in quibus tota alebatur agrestis
 familia. Ast in Germania, quæ urbes
 ignorabat, (u) ingenui cum servis suis
 ruri degebant, & hinc, quidquid de ser-
 vis commemorat TACITUS, de hominibus
 propriis nobilium est intelligendum. Eos
 quoque, qui hodie nobiles salutantur, IN-
 GENUOS a TACITO adpellari, accurate
 jam ab aliis est demonstratum. (x) De-
 inde idem auctor observat, Romanos ser-
 vis descriptis per familiam ministeriis usos.
 Alebant scilicet servos suos domi, & sin-
 gulis,

bellum agre intellecturus sis. Vid. Dom. Thomasi Dissert. de hom. propriis §. 6. & de usu pratico distinct. homin. in liberos & servos. cap. II. §. 5.

(u) Testis est Tacitus de moribus German. cap. XI. Interim tamen errat Cæsar, dum libro IV. & VI. de bello Gallico Germanos quocannis habitationem mutasse tradit, quem errorem, etiam a Phil. Cluvero de Germ. Ant. L. I. cap. XII. p. 87. admissum, castigat laudatus Dn. Thomas. in Dissert. de hominib. propr. §. LXV.

(x) Dn. Thomas. l. c. §. LXXII.

gulis, quæ essent agenda, injungebant. Sic alii erant janitores, alii atrienſes, alii coqui, alii medici, alii ab epistolis, & quæ erant reliqua ſervorum officia, quæ ex inſtituto TITUS POPMA & LAUR. PIGNORIUS (y) deſcripſerunt. At horum quidem nihil apud Germanos obſervatum. Quemadmodum enim hi ſatis anguſte habitabant, & parum ſplendidum vitæ genus ſectabantur: ita eorum ſervi vel homines proprii ſuam quiſque ſedem, ſuos penates regabant. Scilicet haut procul a nobilium ſeu dominorum ædiſus caſas ſibi conſtituebant, in quibus ſux quiſque rei familiari præerat, unde pagi enati ſunt majores aut minores, prout aut plura cuique, aut pauciora erant mancipia. Ut vero vitam tolerarent ſervi, agrorum partem eis adſignabant domini, quorum cultura non ipſi modo ſibi familiæque victum quærent, verum etiam domino annuas præſtarent penſiones. Unde tertio addit TACITUS: *Frumenti modum dominus, aut pecoris, aut veſtis, ut colono, injungit*. Ex quo denuo ingens adparet inter utriuſque gentis ſervos diſcrimen. Romani enim ſervi nihil ſibi, ſed dominis omnia acquirebant, ne excepto quidem ſervili peculio, quod non adeo magni erat momenti. At benignius ſervos habebant Germ. Illi enim certum frumenti

mo-

(y) *Prodiit utrumque opus conjunctim Amſtelod. 1672. in 12mo. Conf. Alex. ab Alex. Genial. diſcr. libr. III. cap. XXX.*

306 *De Origine atque Indole Jur. Patrim.*
 modum, aut certum pecorum numerum,
 e. g. gallinas, *Zinff-Hubner*, aut vestes,
 (2) aliaque hujus generis quotannis præ-
 stabant domino, eaque pensione soluta,
 operisque, quas hodie *Frohn*, *Herrn-*
Dienste, *Hof-Dienste* vocant, exantlatis,
 quidquid præterea lucrari poterant, sibi
 adquirebant. Unde & Tacitus addit; *Et*
servus hactenus paret. Denique quum apud
 Romanos patres matresque familias indi-
 gnum personis suis existimarent, vel ullo
 domus officio defungi, & hinc omnia ser-
 vis atque ancillis demandarent: hac etiam
 in re Germanorum mores a Romanis di-
 stabant longius, siquidem cetera domus of-
 ficia, qualia sunt culinaria, & his similia,
 uxor & liberi exsequebantur. Et quamvis
 auctis forsam familiis, & gliscente sensim
 luxu, etiam domi servos nonnullos alue-
 rint, quos medio ævo *gasindos* oder *Gesinde*
 vocabant: (a) tamen & hi ipsi rusticæ
 fuisse

(2) *Datum inde forsam præcipuum quod ho-*
dienum domini, ex hereditate hominum
propriorum sibi vindicant, ad quod etiam
referuntur induviæ vel exuviæ, Vid. Dipl.
Henrici II. Imp. ap. Mager. de advoc.
arm. c. VI. n. 758. Unde & hoc jus voca-
tur der Gevund-Fall, qua dieus vesti-
menti capionem. Conf. Hert. de homi-
nib. propriis sect. III. §. IX. pag. 172.
T. II. Opusc.

(a) *Vid. Bignon, ad formul. Sirmonic.*
 347. *Hert. l. c. p. 116.*

fuisse conditionis, & ex ipsis fervorum familiis in ædes adsciti videntur. Et hæc sunt, quæ TACITUS de Germanorum servis memoriæ prodidit. Sequiore ævo, Slavis toties a Germanis debellatis, non parum crevit fervorum numerus: atque inde in diplomatibus toties cum villis simul traduntur *mancipia utriusque sexus, Slavorum familia, liti, & homines juris smurorum*, de quorum conditione licet hodie parum exploratum sit, consentiunt tamen in eo omnes, quod iis rusticis, qui hodie proprii homines vocantur, fuerint similes, atque ab iis non multum discreparint.

§. XII.

Hæc de servis: de libertis jam videamus. De iis vero idem TACITUS: (b) *Liberti non multum supra servos sunt. Raro aliquod momentum in domo, nunquam in civitate, exceptis tantum iis gentibus, quæ regnantur: ibi enim & supra ingenuos & supra nobiles adscendunt. Apud ceteros impares libertini libertatis argumentum sunt.* Hic quoque TACITUS. insigne inter Romanorum Germanorumque libertos discrimen animadvertit. In eo equidem utrique genti conveniebat, quod servi possent manumitti, id quod etiam est juris gentium: sed libertorum tamen durior erat, quam apud Romanos, conditio, solos si exceperis dedititios, quæ Germanorum libertis non admodum erant dist-

(b) Tacit. de morib. Germ. l. 6.

diffimiles. Scilicet Romanorum liberti per manumissionem initio plenam adpiscabantur libertatem, omniumque jurium, quibus plebeji ordinis cives utebantur, fiebant participes. (c) Et quamvis postea Augustus (d) & Tiberius (e) libertorum jura latis legibus coercerent; & hinc liberti alii cives, alii Latini, alii dedititii dicerentur: (f) differentia tamen hæc libertorum postea abiit in desuetudinem, nec deditiorum adeo magnus fuit numerus, quum soli, qui ob delictum vincti, cæsi, aut stigmatæ fuerant ob flagitium notati, manumissione fierent dedititii. Hinc Romanorum libertorum tanta plerumque erat libertas, aut si mavis, tam effrenis licentia, ut cordatioribus civibus stomachum

mo-

(c) *Sub Regibus, imprimis Servio Tullio, unica erat ac simplex libertorum omnium libertas. §. 3. Inst. de ingen. & libert. Conf. Dionys. Halic. Libro IV. Antiqu. Rom. cap. XXVI.*

(d) *Easa lege Ælia Sentia, qua intempestivum manumittendi pruritum & libertorum jura coercuit. Vid. Suet. August. cap. XL. Dio Cass. Libr. LV. p. 556.*

(e) *Lege Junia Norbana, de qua vid. Anton. Augustin. de Leg. & Senatus cons. p. 93.*

(f) *§. 3. Inst. de ingen. & libert. L. un. C. de Lat. libert. coll. L. un. C. de dedit. lib. coll. Conf. Thomas. de Us. præst. dist. hominum in ingen. & libertinos. cap. I. pag. 18. 29.*

moverent, ceu in historia Romana ævi Augustei passim commemoratur. Ast aliter res comparata erat in Germania. Ibi enim *liberti non multum supra servos erant*. Quamvis enim libertatem juris gentium manumissione consequerentur: salva tamen manebat ad pensiones operasque domino præstandas obligatio, atque adeo id solum manumissione consequerentur, ut non amplius essent adscriptitii, sed locum, relicto prædio, mutare possent. Quum ergo vix mererentur hominibus liberis accenseri: *raro aliquod momentum in domo, nunquam in civitate erat*. Quia enim Germani domus officia per uxores vel liberos exsequerentur: raro omnino liberti adoptabantur in familiam, quemadmodum apud Romanos, apud quos in ædibus patronorum loco erat satis honorifico: sed potius, ut antea, agro colendo vacabant. In rep. vero, quam soli ingenui aut nobiles capessabant, nullæ unquam erant libertorum partes, *exceptis tantum iis gentibus, quæ regnantur, ibi enim liberti & supra ingenuos & supra nobiles adscendebant*. Ut solent enim principum gratia homines etiam vilissimi nonnunquam ad summos honores adspirare: ita etiam idem in Germania apud eas gentes contigisse putat Tacitus, quæ regibus paruerint. Enimvero quum servi rustici fuerint, ceu antea demonstratum: vix credibile est, tam liberalis eos fuisse indolis, ut manumissi summis honoribus fungi potuerint. Raro certe id esse factum, nullum est dubium. Unde concludit

310 *De Origine atque Indole Jur. Patrim.*
 dit demum TACITUS: *Apud ceteros* (*Germaniæ* populos, qui non regnantur,) *impares libertini libertatis argumentum sunt*, id est umbram potius & simulacrum quoddam libertatis, quam libertatem ipsam manumissione consequuntur. His ergo omnibus paullo accuratius expensis, apertissimum erit, inter Germanorum servos ac liberos tantumdem olim interfuisse, quantum hodie inter homines proprios & reliquos nobilium rusticos. Utrique parebant dominis, utrique pensiones atque operas præstabant. In eo tantum libertorum melior erat conditio, quod non ita essent glebæ adscripti, ut non liceret iis, invitis dominis, locum mutare: idque unicum forsan erat beneficium, quod manumissione consequerentur.

§. XIII.

Ne denique ignoremus, quænam apud Germanos dominorum in servos & liberos fuerit potestas, denuo audiendus erit TACITUS, (g) qui eodem capite: *Verberare, inquit, servum, ne vinclis aut opera coerceretur. Occidere solent, non disciplina & severitate, sed impetu ac ira, ut inimicum, nisi quod impune est. Hic locus dici non potest, quam crucem figat interpretibus. ALEXANDER enim ab ALEXANDRO, (h) quem satis*

(g) Tacit. *de morib. Germ. l. c.*

(h) Alex. ab Alex. *Genial. diar. l. III. cap. XX. p. 275.*

eis constat Tacitum ante oculos habuisse, de Germanorum jure in servos hunc in modum differit: *Germanis verberare servum afficere, aut vinculis coercere habetur nefas, apud quos laxior servitus erat, & libertinis pane par: quippe sibi adquirunt servi, & peculium habent.* Existimavit ergo ALEXANDER ab ALEXANDRO, Germanis dominis non modo jus vitæ & necis: sed & potestatem coercendi servos plane fuisse denegatam. Quem errorem & alii TACITI interpretes errant. (i) Sed aliam longe esse historici sententiam, facile constabit, si denuo ponas, eum discrimen, quod inter Germanorum Romanorumque servos intercedit, ostendere voluisse. Romanis scilicet heris jam inde a reipublicæ incunabulis jus vitæ ac necis fuerat concessum, donec demum post TACITI ætatem Hadrianus Imperator, dominorum crudelitate offensus, hanc servos occidendi licentiam latis legibus cohiberet. (k) In tanta ergo herorum li-

cen-

(i) Et novissime etiam Jo. Christoph. Vetter in notis ad Tacit. b. l. p. 130.

(k) Jam antea quidem sub Nerone dominorum savitia coercita lege Petronia, de qua L. II. §. 2. ff. ad L. Corn. de sicar. Postea vero Hadrianus jus vita ac necis plane ademit dominis, teste Spartiano in Hadr. cap. XLIX. & hinc severius animadvertit in Umbriciam matronam, qua levissimas ob causas ancillam atrocissime traxerant. L. 2. ff. de his qui sui vel alieni juris sunt.

centia quanta crudelitate in servos fuerit animadversum, facile est ad existimandum. Non sufficiebant sane truculentissimis dominis ulmi, stimuli, nervi, numellæ, bojæ, pistrina, furcæ, cruces, centupondia: sed eo progressa erat immanitas, ut exquisitissimos cruciatus in servilia corpora ingeniose excogitarent. De qua Romanorum crudelitate SENECA (1) aliique gravissimi auctores (m) passim conqueruntur. Hæc ergo domestica sævitæ exempla etiam TACITO obversabantur, quum servorum in Germania conditionem esset expositurus. Hinc ait: *Verberare servum, & vinculis vel opera coercere rarum*. Non dicit, nefas hoc fuisse habitum, sed negat tantum, tam immanes fuisse in Germania dominos, ac Romæ. Quamvis enim liberrima iis fuerit servos coercendi potestas, raro tamen verberibus aut vinculis in eorum corpora sæviebant, partim quod servi sedibus ac penatibus suis distincti non adeo frequenter dominos offenderent, partim quod magis frugi

Denique sequuta est constitutio Antonini, quam habes eadem L. 2. ubi conf. §. ult. Inst. eod. tit.

(1) Seneca de Clement. cap. XVIII.

(m) Conf. Plin. Libro IX. H. N. cap. XXIII. Tertull. de pallio in fine, & maxime Meurs. Auctar. philol. ad Libr. de Gloria cap. XXII, ubi ostendit, servos præter alios cruciatus casos nonnunquam toto die a libellis ollo.

frugi essent, quam Romana illa colluvies, quæ e Sardis, Syris, aliisque nebulonibus confluxerat. Genuinum hunc esse TACITI sensum, e sequentibus statim verbis patet. *Occidere quandoque solent.* Non secus ergo iis ac Romanis jus vitæ ac necis compete-
 bat in servos: attamen in eo insigne ad-
 parebat discrimen, quod *non disciplina & severitate* id facerent, sicuti Romani, qui animo deliberato sæviebant, nihilque ha-
 bebant servili sanguine vilius; *sed impetu & ira, ut inimicos, nisi quod impune.* Tum demum ergo Germani domini ad verbera & cædes ruebant, si quando servi fræna mordere, fuga se subducere, aut dominos contumeliosius tractare sustinuerant. Ut adeo mireris, non deesse, qui dominis in Germania jus vitæ ac necis plane fuisse ad-
 euntum, existimant, (n) quum tamen in universum ex legibus eorum antiquis con-
 stet, cædem etiam liberorum hominum ante Christianæ religionis exortum in Ger-
 mania non fuisse capitalem, & modico ære facile potuisse expiari. (o) Cur ergo ser-
 vorum vitæ majus statuissent pretium?

§. XIV.

Atque hæc quidem erat servorum liber-
 torum-

(n) Ita Jac. Oisellius *ad Caji Instit. Libro I. Tit. V. p. 49.*

(o) Ex Lege Salica *cap. XXXVII art. ult. & aliis antiquis Germ. gentium legibus id ostendunt Schilter. Exerc. XLIX. §. CXIV. & Dn. Thomas. in not. ad Inst. p. 30.*

Hein. Var. Opusc. Pars I.

torumque apud priscos Germanos conditio, hæc dominorum potestas, quam tibi vix conceperis rectius, quam si Polonorum Nobiles eorumque rusticos ob oculos tibi posueris. Mutuam enim eorum *ῥέον* ita describit BER. CONNOR, (p) ut fere nulla adpareat inter ejus ac TACITI narrationem differentia. En ejus verba: *Ein Freygebohrner und ein Edelmann sind in Polen einerley. (Non mireris ergo, idem olim in Germania obtinuisse.) (q) Auf seinen Gütern ist ein ieder vveder Edelmann ein souverainer Herr, immassen seiner Unterthanen Leben und Tod in seinen Händen stehet. (En jus vitæ & necis, quale & in antiqua Germania vidimus.) Es haben auch diese armen Leute, vvelche man mit gutem Recht Slaven nennen mochte, nicht das geringste privilegium oder Gesetz, vvorauf sic sich vvider ihre Herren beruffen konten, (En impunitatem, qualem dominis Germanis tribuit Tacitus:) sondern sie müssen sich deren VViltlen ohne VViderrede in allen Stücken unterverffen. Sie durffen bey Lebens-Straff sich nicht von dem Ort, vvo sie einmal sind, hinweg begeben, und einen andern Herrn suchen. Hingegen ist ihr Herr vvohl befugt, sie an einen seiner Nachbarn zu verkauffen. (Habes hic homines ejusdem fortis ac conditionis, qualem hominum propriorum in Germania esse*

(p) Connor Beschreibung des Koniger. Polen Part. II. Epist. V. p. 600.

(q) Vide supra §. XI. p. 22.

esse constat.) Wenn ein Edelmann eines andern Edelmanns Unterthanen ums Leben bringt, so wird er deswegen im geringsten nicht gestraft, sondern ist nur gehalten demselben einen andern Slaven zu schaffen, oder so viel Geld zu geben, als einer kostet, (Quanto magis itaque impune esse censemus, servum impetu & ira, ut inimicum, occidere?) darneben aber auch die Familie des Entleibten zu versorgen. Ermordet einer seinen eignen Unterthanen, so zahlt er ungefehr 50. Polnische Gulden, und damit hat weiter niemand einigen Anspruch auf ihn zu machen. Denique & huc pertinet, quod de judiciis nobilium monet CONNOR: (1) Auf den Dorffern ist das gemeine Volck den Schoppen unterworfen, welche Konigliche Bedienten sind, und hiernachst den Schulzen, oder auch desselben Orts absonderlichen Herrn, (nobili scilicet, cujus est ipse pagus,) von welchem letzten keine appellation statt findet. Allhier sprechen die Richter fast nach ihrem Gutduncken, sine figura strepituque judicii, prout ipsis æquum videtur,) ausgenommen in peinlichen Sachen, (ubi paullo accuratius judiciorum ordinem observant.) Hæc omnia profecto egregie illustrant conditionem veterum servorum in Germania. Idem fere

(1) Bern. Connor *Part. II. Epist. III. p. 544.*
Conf. Hauteville relat. historique de la Pologne cap. VII. Hartknoch. de Polon. Lib. III. cap. V. p. 616. 621. 647.

fere in Russia observatur, in qua dominum rusticos, qui omnes sunt servilis conditionis, tum servos domesticos verberibus, flagellis, aliisque pœnis impune afficiunt, omnesque eorum controversias sine figura strepituque judicii componunt, exceptis causis vere criminalibus, quæ ad proximum judicem, a Principe constitutum, sunt deferendæ. Et profecto tantam inter Germanos veteres hasque gentes hac in re observari similitudinem, non est mirum. Jam olim enim eos Germanorum jura sequutos, inter omnes constat. (f) In eo tantum a nobis abit utraque gens, quod Poloni hodiernum; Russi ad nostra usque tempora antiqui moris fuerunt servantissimi.

§. XV.

Ne quis vero existimet, Tacitum tantum ævo eam fuisse servorum sortem, postea vero aut a CAROLO M. (t) aut certe

(f) *De Polonis notum, quod quum antea Germanorum exemplo nullis legibus scriptis uterentur, postea imperante Casimiro M. jus Saxonicum receperint. Vid. Bern. Connor. l. c. Part. I. Epist. II. p. 70. & Part. II. Epist. III. p. 545. seq. Flor. Polon. Libro II. p. 135. Conring. de Orig. Jur. Germ. De Russis idem ex ipsa legum apud eos receptarum consideratione patet, docuitque idem Georg. Engelbrecht. in diss. de jure Russo cap. 1.*

(t) *Vid. Gryphiand. de VVeichbild. c. XXIV.*

ſæculo XIII. omni penitus ſervitute in Germania ſublata aliam eſſe cœpiſſe rerum faciẽ: operæ pretium fuerit, quæ poſt ea tempora de ſervorum conditione referant annales, paullo accuratius diſpicere. (u) Ex his vero conſtat, ſervitutem in Germania ex eo tempore non imminutam, ſed auctam fuiſſe. Nam ut taceamus, totam Alemanniam (x) & Saxoniam partem non minimam (y) a Francis durifſimo ſervitutis iugo ſubjectam: illud ſane certum eſt, debellatis Slavis, tantam ex ea gente hominum multitudinem ſervitutem Germanorum ſubiſſe, ut Slavorum non tam gentis quam ſervitutis nomen eſſet. (z) Quum ergo ſub Francis Saxoniciſque ac ſequentibus Imperatoribus major, quam Taciti ævo, eſſet ſervorum numerus: agris tantæ ſervorum multitudini non ſufficientibus, diſtinctio

na.

n. 15. cap. XXXI. n. 4. & ſeqq.

- (u) Bodinus hoc adfirmat L. I. de Rep. cap. IX. deceptus ab Abbate Panormitano, ut oſtendit Thomaf. in diſſ. de uſu præſt. diſtinct. inter ſervos & liberos cap. II. §. XX. & XXII. Interim ex Bodino hunc errorem alii hauriunt. Vid. Stryck. Uſ. mod. Libro I. Tit. V. §. 2. p. 78. Hert. de hom. propr. ſect. 2. §. I. p. 164. T. II. Opuſc.
- (x) Joach. Vadian. Epiſt. ap. Goldaſt. Tomo II. Rer. Alem. p. 84.
- (y) Vid. Sagittar. Hiſt. Bardevic. cap. III §. 59. Hert. l. c. ſect. I. p. 159.
- (z) Hert. l. c. §. 5. pag. 161. ſeqq.

318 *De Origine atque Indole Jur. Patrim.*
 nasci coepit inter *casatos* (*Cossaten*) &
non-casatos seu *gasindos*, *Gesinde*, (a)
 quorum utrique ad servitia ac operas te-
 nebantur. Manebat etiam illa antiqua ser-
 vorum conditio, qualem supra e *TACI-*
TO descripsimus. Obligabantur, ut an-
 tea, ad operas & pensiones, poterant
 vendi, permutari, donari, e fuga retrahi,
 vindicari atque ob delicta graviter casti-
 gari, (b) adeo ut & necare servum im-
 pune haberetur. (c) Eaque servitus adeo
 non cessavit sæculo XIII, ut potius ex eo
 tempore frequentissima fiat servorum in mo-
 nimentis antiquis mentio, (d) & servitus
 illa hodiernum manifesto supersit in homini-
 bus.

(a) *Vid. Capitul. Franc. T. I. pag. 687. edit.*
Baluz. Bignon. ad Form. Sirmondic.
pag. 947.

(b) *Adparet hac dura servorum Germ. con-*
ditio ex L. VVifigoth. L. II. Tit. V. §. 62.
Tit. VII. §. 16. L. I §. 10. Ripuar. Tit.
XXII. Capitul. Caroli M. L. V. 303.

(c) *Vid. infra §. 18. lit. a. p. 38.*

(d) *Ab anno 1259. adhuc manumissionis*
testimonium Lovanii exstare, observavit
Gudelin. de jure novissimo L. I. cap. IV.
Anno 1314. in Flandria adhuc exstitisse
servos & servas, patet ex Miræ Do-
nar. Belg. L. I. cap. CXXIX. Anno 1340.
Ludovicus Imp. Monasterio Schofftharn.
donat seinen eigen Mann Berchtolden.
ap. Hund. Tom. III. Metrop. Salisburg.
pag. 299.

bus propriis, (e) quidquid alii de eorum libertate jactitent. (f)

§. XVI.

Ad liberos veteres quod attinet, nec eorum status post TACITI ævum aliam induit faciem. Quamvis enim manumissionibus frequentatis servorum numerus sæculo XIII. sensim decreverit, adeo ut hodie non tanta hominum priorum, quam olim servorum sit multitudo: libertorum tamen conditio, pro veteri Germanorum more parum a servili discrepavit. Hinc hodiernum rustici, quos libertorum istorum posteros merito dixeris, non multo benignius a dominis haberi solent, ac liberti præscorum Germanorum. De plerisque sane locis verum est, quod ait JO. BOHEMUS: (ff) *Eorum, qui ruri pagatim villatimque habitant, quique illud colunt, & propter hoc rustici vel rurales appellantur, si credere velint, satis misera & dura conditio est. Sorsim ab aliis quisque cum familia & pecore suo humiliter vivit. Casa luto lignoque*
pau-

(e) *Vid. Husan. de hom. propr. cap. II. n. 37.*

Thomas. diff. alleg. & de hominibus propriis. Et sane servorum adhuc fit mentio in Instrum. Pacis Osnabr. Art. V. §. 36.

(f) *Sichard. ad l. II. C. de Test. n. 4. Stryk. Us. mod. l. c.*

(ff) *Jo. Bohem. Libro III. de morib. Gent. cap. XII. Conf. qua de rusticis in nova Marchia referunt Muller Resol. XCVII. sequ. Schepliz Part. IV. Tit. XIV.*

320 De Origine atque Indole Jur. Patrim.
 paullulum e terra educta, & stramine contrita
 illa domus. — Dominis crebro per annum
 serviunt, rus colunt, & semine conspergunt,
 fructus metunt, & horreis important, ligna
 secant, domos adificant, fossas effodiunt.
 Nihil est, quod servilis & misera gens ipsis
 debere non dicatur. Nihil etiam, quod jussu
 facere absque periculo recusare audeat. De-
 linquens graviter mulctatur. Sed nihil est
 genti durius, quam quod pradiorum, qua
 possidet, major pars non sua sit, sed illorum,
 a quibus certa frugum parte quotannis redi-
 gere debet. Hæ rusticorum conditio, quam
 parum ab illa libertorum, quam Tacitus
 descripsit, distet, nemo non videt. Sed
 clarius hoc adparet, si inter se contendas
 diversas colonorum hodiernorum species,
 e. g. die Landsedel-Leihe, Laff-Guter, Cur-
 mæden. In iis enim omnibus manifesta ex-
 stare prisce servitutis vestigia, inter om-
 nes constat, ac novissime etiam a JO. PE-
 TRO LUDEVVIGO, (g) talium rerum peritissi-
 mo, est observatum.

§. XVII.

Enimvero, quum dominis in Germania
 tanta olim relicta fuerit servos seu rusticos
 coercendi potestas: quaestio omnino emer-
 git, an hæc secundum antiqua Germa-
 norum principia vera fuerit jurisdictio?
 Id vero procul dubio negandum. Aliud
 enim

(g) Vid. Jo. Petri Ludevvi. *Dissertatio de
 conductione villari, & Colonis adscripti-
 tiis, ubi conferend. cap. I. §. I.*

enim est jurisdictio, quæ a suprema in re-
publica potestate emanat, & non nisi ju-
re magistratus competit, aliud jus domi-
nicum in servos, quod est patris fami-
lias. Hinc non magis hæc coercendi ser-
vos potestas in Germania dici potest ju-
risdictio, quam olim Romæ, ubi heri ea-
dem potestate multo licentius utebantur.
Sane in Germania antiqua, æque ac in aliis
rebus publicis, jurisdictio olim erat mere
personalis, ejusque primarius scopus vide-
batur coercitio criminum, quum contra ea
potestas causas civiles cognoscendi pro-
parte veluti judiciorum accessoria habere-
tur. (h) Jus ergo in Germania Taciti tem-
pore dicebatur per magistratus, non secus
ac apud Romanos. Judicia enim erant pe-
nes principes & comites in comitiis ele-
ctos, qui per vicos & pagos, (*in iedem Govu*)
jura reddebant. Si qua gravior causa, ma-
xime inter ipsos principes, incidisset, res ad
comitia referebatur. (i) Postquam univer-
sa Germania in Francorum imperium con-
cessit, alia quidem esse coepit jurisditionis
facies, sed tamen ne tunc quidem ullum
adparuit jurisditionis patrimonialis, qua-
lem supra descripsimus, vestigium. Reges
ipsi judicare poterant de omnibus causis,
sive civilibus, sive feudalibus, sive crimi-
na-

(h) Thomas. *Dissert. de jurisd. & magistr.*
differentia secundum mores Germ. §. LI.

(i) Tacit. *de morib. Germ.* cap. XII. Herm.
Conring. *de judiciis reip. Germ.* §. X. seq.

322 *De Origine atque Indole Jur. Patrimonialibus*, ubicunque locorum essent. Enimvero, quum infiniti fuisset laboris, juris dicundi causa totum peragrarè imperium: jurisdictionem demandabant vel Ducibus vel Comitibus, vel Missis regiis, sibi que judicia de ipsis principum causis reservabant, quas in comitiis solebant cognoscere. (k) Denique post Francorum tempora principatus ac comitatus maximam partem coeperunt esse hereditarii: sed tamen nec iis quidem temporibus ulla erat nobilium jurisdictio patrimonialis: sed sola dominis concessa potestas coercendi servos & libertos, i. e. rusticos. Unde & in antiquissimis chartis, in quibus nobilibus donantur vici, mancipia & rustici, nulla unquam fit mentio jurisdictionis aut judiciorum. Exemplum est in binis diplomatibus OTTONIS I. & alio HENRICI II. IMP. (l) quæ a venerando Fratre e tabulariis Goslariensibus deprompta, in ejus de sigillis Syntagmate recensentur. In primo enim anno DCCCCXXXVII. BIAE, *nobiti cuidam matronæ, in proprium dantur omnia, quæ in GERESLEVO ad Casareum jus pertinent, in pago Suevia, in comitatu Christiani, hoc est curtile.*

(k) Conring. *de jud. reipub. Germ.* §. X. sequ. Conf. Hert. *dissert. de Consultat. legib. & judiciis in special. Rom. Germ. Imp. rebusp.* §. XIX. p. 441. sequ.

(l) D. Jo. Mich. Heineccii *Syntag. de vet. Germ. aliarumque nat. sigillis* Part. I. cap. IX. p. 90. 91. 94.

tile unum in eodem campo XL. iugera agrorum, & adhuc inquirenda, nec non & VIII. MANCIPIA, Adalvver & Hilteburg cum filiis & filiabus ipsorum: sed nihil de jurisdictione in hæc mancipia additur, quum procul dubio plena potestas dominica in Biam fuerit translata. In altero diplomate anno DCCCCXLV. idem Otto I. Imper. quibusdam vasalli sui, Fridurici, filiiis, Folcmaro & Richberto quasdam res proprietatis sue in proprium donat, nimirum inter Slavos prope fluvium FONA vocatum, in pago Sirmuntlande nuncupato, in comitatu Christiani comitis villas IV, Reckiam, Bodblozi, Zachliandorf, Pochurikie cum omnibus appendiciis & adjacentiis suis jure legitimeque ad illas villas pertinentibus, curtilibus, edificiis, terris cultis & incultis, piscationibus, viis & inviiis, exitibus ac redditibus, quasitis ac inquirendis, mobilibus & immobilibus: sed de jurisdictione ac judiciis denuo altum silentium. Idem denique in tertio quoque diplomate observatur, quo HENRICUS II. Imp. anno MIII. cuidam fideli suo Folcmaro in proprium donat pradium sui juris, i. e. XX. regales mansos ultra Albiam, in territorio Zerbiste, in Comitatu Geronis, in locis Droganize, Lirubusz, VVize, cum omnibus pertinentiis legalibus, areis, mancipiis utriusque sexus, terris cultis & incultis, & sic porro: omissa denuo jurisdictione, quæ salva potestate in rusticos dominica ad Comites pertinebat. Ex quo quidem intelligitur, dominis, seu nobilibus olim

in rusticos liberrimam competiisse potestatem coercendi, litesque eorum sine figura strepituque judicii dirimendi: sed eos hoc jure non gavisos tanquam judices, sed tanquam patres familias, adeoque hanc potestatem magis œconomicam vel herilem, quam judicialem fuisse.

§. XLIX.

Quum ergo isthæc dominorum in servos potestas olim non fuerit vera jurisdictio: dispiciendum nunc merito, qui factum sit, ut demum jurisdictionis pallium induerit. Nisi vero omnia me fallunt, Clero hæc debetur *μεταρρύπανσις*, &, quæ ab eo dependebant, academiis. Quum enim initio, ceu ex Tacito observavimus, nobiles in rusticos suos impune animadverterent: indignum postea hoc visum est Episcopis, qui proinde eadem ejusmodi excommunicatione & poenitentia biennii vindicabant. (m) Postea quum nec id fulmen sufficere videretur: eo res rediit, ut in dominos servum occidentes capitale statueretur supplicium. Unde jam temporibus collecti SPECULI SAXONICI AC SÆVICI receptum, ut dominus, qui etiam servum proprium occidisset, capitis damnaretur. (n) Hoc ergo quum esset legibus cautum, domibique jurium suorum essent tenaciores, quam

(m) *Vid. Addit. IV. ad Capitular. c. XLVIII.*

(n) *Jus Prov. Sax. libro II. art. XXXIII. in*

Gloss. Germ. n. 4. Jus Prov. Sæv. cap.

LXVII.

ut ea plane dimitterent; id sensim cepere consilii, ut non amplius per iram ac impetum in rusticos animadverterent, sed, conniventibus principibus, causas eorum paullo accuratius cognoscerent, ac demum ex prudentiorum consilio de iisdem statuerent. Inde ergo Doctores solius Romani juris rerumque Germanicarum ignari, quum primum in academiis Germanicis docere coepissent, singularem fingere coeperunt jurisdictionis speciem, quam, ne nomen deesset, patrimonialem vocabant. (o) Ex eo ergo tempore jurisdictionis patrimonialis nomen ubique per Germaniam audiri coepit; maxima quum Principes in litteris investiturarum nobilibus in feudum concederent *die Gerichte, die ober und nieder-Gerichte, alle unde iede Gerichte*, & quæ sunt aliæ formulæ in curiis feudalibus sequiore demum ævo receptæ. Nec dubitandum adeo, quin potestas, quæ olim ceu in Polonia & Russia, tantum dominica erat, hodie in veram abierit jurisdictionem, eamque Nobiles nunc jure feudi, id est, justo titulo teneant.

§. XIX.

Veram hanc esse jurisdictionis patrimonialis originem, jam historicorum testimoniis, mediique ac sequioris, ævi annalibus
ac

(o) Thom. *Diff. de homin. propr.* §. LXXXVI.
 & *Diff. de usu pract. dist. homin. in libera*
 & *servos cap. II.* §. LXIII. & sequ.

326 *De Origine atque Indole Jur. Patrim.*
 ac monumentis esset demonstrandum: sed tem-
 pore mihi excluso ea omnia alii scriptio-
 ni reservanda sunt. Illud addere nunc li-
 cebit, pleraque, quæ de jurisdictione hac
 hodie veniunt in controversiam, omnium
 rectissime ex hac hypotesi posse explicari.
 Ut unum atque alterum addamus exem-
 plum: notum est, *SIGNUM* jurisdictionis pa-
 trimonialis, & criminalis maxime, vulgo
 a *JCTis* statui præstationem annuam *GALLINÆ*
FUMOSÆ, *des Rauch-Huhns*: (p) & quin
 recte id quidem fiat, nullus plane dubito.
 Sed si rationem a *JCTis* exigas, qui Ro-
 manis solum legibus pretium statuunt: mi-
 ra audies vigilantium somnia. Contendunt
 enim, inde natam esse hanc gallinarum ad-
 pellationem, quod in altum seu loca fumo
 exposita se elevent gallina, & ibi requiescant:
 atque hinc factum, ut earum præstatio altitu-
 dinem jurisdictionis seu merum imperium de-
 notet. (q) Ingeniosa profecto divinatio.
 Sed si hæc est genuina hujus antiquissimi
 moris ratio; merito mireris, cur nobiles
 non potius vultures, aquilas, aut certe co-
 lumbas a subditis in signum altæ jurisdic-
 tionis exegerint. Vera supposita jurisdic-
 tio-

(p) *Vid. Pruckm. Vol. I. Consil. II. numer.*
LXXXIII. Klock. Tom. II. Consil. VII. num.
159. Brunnem. Cent. III. decis. XXIV. p.
155. Stryk. Us. mod. ff. Libr. II. Tit. I. p.
176. (q) Stryk. Diff. de jurisd. circum-
scripta cap. III. n. XXXIV. vol. I. Disp. & us.
mod. ff. l. c.

tionis patrimonialis origine, plana omnia erunt ac perspicua. Ex TACITO enim supra observavimus, dominos servis seu rusticis annuas injunxisse pensiones. Inter eas vero præcipue etiam erant gallinæ, quæ vel vivas præstabant, vel veteri Germanorum ritu infumatas. Unde medio ævo plura hujus pensionis nomina enata. Dicta enim est *gallinagium*, *census gallinarum*, *gallinium*, (r) *gallina fumosa*, *das Rauch-Huhn*, *Leib-Huhn*, & quia pridie diem Cinerum ut plurimum exigi solet, *das Fastnachts-Huhn*. (f) Eaque consuetudo tam erat universalis, ut medio ævo gallina pro servo seu homine proprio acciperetur, in veteri Germanorum proverbio: *Kein Huhn fleubt uber die Mauren*. (t) Quum ergo hæc gallinarum annua præstatio signum esset servilis aut certe libertinæ conditionis, in servos vero & libertos domino potestas illa herilis competeret, quæ deinde in jurisdictionem patrimonialem abiit: recte omnino hæc gallina hodie probabile jurisdictionis signum habetur.

§. XX.

Æque facile deciditur quæstio, cur in Ger-

(r) Car. du Fresne in *Gloss. med. & inf. Lat. his vocibus* p. 575. Part II. Stamm. Libro III. de hom. propr. cap. XXII. pag. 3.

(f) Chron. Andrense ad ann. 1203. p. 93. apud Car. du Fresne l. c. (t) Vid. de hoc proverbio Hert. in *paræm. jur. L. II. paræm. X. p. 607. T. III. Opusc.*

Germania, & in Marchia potissimum, jurisdictionis occurrat, ad loca specialia, certas scilicet personas vel certa prædia restricta, quæ ideo JURISDICTIO CIRCUMSEPTA *die Pfahl-oder Zaun-Gerichte* vocatur, opponiturque jurisdictioni sine restrictione loci concessæ, *den Strassen-Gerichten?* (u) Hic enim Icti vulgo confugiunt ad exemptionem, & ex Rolando a Valle (x) urgent, certum territorii locum a jurisdictione posse eximi: Sed exemptionem hanc, quia in facto consistat, esse probandam, (y) eam quoque esse stricti juris, atque hinc extra locum exemptum ubique se exferere jurisdictionem. Sed non opus erit ista exemptione, si veram supponas jurisdictionis patrimonialis originem. Quum enim ea nihil aliud sit, quam potestas veterum Germanorum dominica in servos & libertos, sequiore ævo quodam jurisdictionis schemate induta, non potuit illa jure se ulterius extendere, quam in personas casasque rusticorum. Et hinc procul dubio omnis nobilium jurisdictionis initio fuit circumsepta, priusquam ampliora Nobilibus jura per investituram concederentur. Quemadmodum ergo jurisdictionis uni-

ver-

(u) Stryk *Diff. sing. de jurisd. circumsepta & Us. Modern. ff. Lib. II. Tit. I. p. 189.*

(x) Rol. a Valle *Kol. III. Consil. XXXII. num. 27.*

(y) Erasim. a Chokier *Tract. de jurisd. ord. in Exempla. P. I. Quest. VIII. num. 1.*

verfalis (*die Straßen-Gerichte*) principum debetur indulgentiæ: ita circumfcripta genuinam antiqui moris retinuit faciem, simulque indicio est, veteres Marchiones Brandenburgicos jurium fuorum fuiffe obferuantiffimos.

§. XXI.

Ad exercitium porro & poffeffionem hujus jurifdictionis quod attinet, quæri etiam folet, an poffeffor ejus principi edere teneatur poffeffionis titulum? Facilis denovo, fuppofta vera hujus jurifdictionis origine, refponfio. Quamvis enim alioquin tanta fit poffeffionis efficacia, ut a tituli allegatione liberet: (z) attamen merito excipitur, quidquid fine titulo poffideri nequit, (a) qualia funt omnia regalia, atque adeo etiam jurifdictio. (b) Jam vero quum jurifdictio conniventibus principibus ex potestate in ruflicos dominica nata fit, atque adeo nulla pro nobilibus militet præfumptio, quod iis conceffa fit jurifdictio, merito fibi princeps titulum edi poftulat, nec fufficit adeo, quæ alias fufficere aliquamdiu folet, nuda poffeffio.

§. XXII.

Famofa etiam eft quæftio, utrum jurifdictio patrimonialis cumulative an privative data in-

(z) L. Cogi II. C. de petit. heredit.

(a) B. Brunnemann ad h. l.

(b) Stryk. Uf. mod. l. c. §. 27. Thomafius
Diff. de præfcript. fubdit. adv. principem.

336 *De Origine atque Indole Jur. Patrim.*
 intelligatur? seu, ut clarius rem enunciem,
 dominusne regionis jurisdictionem censea-
 tur indulgisse communicando duntaxat cum
 altero, an adimendo sibi? Prius procul du-
 bio esset adfirmandum, si ad ipsam respi-
 ciendum esset hujus jurisdictionis indolem.
 Quum enim illa potestas, quæ nobilibus in
 rusticos competit, non fuerit olim vera ju-
 risdictio, eaque hoc schema, quo hodie
 gaudet, sensim demum induerit: consequens
 est, ut princeps eam indulgendo nihil ju-
 rium suorum voluerit imminutum. Quo-
 cunque ergo titulo a domino regionis fue-
 rit concessa, semper ea lege data cense-
 tur, ut ne ejus superioritas lædatur: quod
 vero omnino fieret, si promiscue in arbi-
 trium inferiorum dijudicationem causarum
 translata diceremus. (c) Enimvero quum
 feudo hodie concedi soleat, sine restrictio-
 ne: moribus hodie invaluit, ut non tam
 cumulativa sit quam subordinata, & non
 nisi per modum adpellationis aut querelæ
 de denegata aut protracta justitia ad supe-
 riorem pateat recursus.

§. XXIII.

Multa superessent dicenda de jurisdic-
 tione nobilium in uxores & liberos, inque
 familiam eorum conductitiam, de interpre-
 tatione porro formularum in litteris inve-
 stiturarum occurrentium: sed quum charta,
 quam

(c) Hert. *de Consultat. legib. & judicis*
in specialib. Imp. Germ. rebus publ. §. XXII.
 p. 450. T. II. Opusc.

quam festinantes huic dissertationi inaugu-
rali destinavimus, plura nunc non capiat;
plurima, quæ restant, alii occasione refer-
vare, qua totam hanc materiam, cujus vel-
uti primas jam lineas duximus, luculentius
ac majore adparatu tractare licebit. Inte-
rim, dum politius quid ac limatius mo-
lior, contentum te, LECTOR, hoc Catone
esse jubeo.

GE. BEYERUS, IN PRÆF. POSIT.
SECUNDUM PAND.

§. XXVI.

IUS Germanicum antiquius hic (in ju-
risprudentia enucleanda,) perquirendum
esse, verissimum est, quantumcunque etiam
rideant delicatuli, quos nescio quid aspe-
rum & incultum in verbis offendit, quasi
phaleratum dicendi genus & contra ver-
borum lenocinia ad imperantium volunta-
tem subditis, aperiendam requirantur. Ne-
que hodie metuendi sunt sinistri in jure pa-
trio enucleando successus, postquam *Schil-
terus*, satis, superque ostendit, esse in Ger-
manicis legibus plura, laborem eruditorum
non admittentia modo, sed & expectan-
tia, & satis habere Jctos, quo hic se exer-
ceant, si modo ultra collegia præceptorum
sapere, & viæ commodiori, sed non adeo
commentatorum voluminibus explanatæ, in-
sistere, non alicujus laboris esse puta-
rent.

LEVIS NOTÆ MACULA

AD LEG. XVII. COD. DE INOFF. TEST.

EXERCITATIO VI.

§. I. *Legis XXVII. C. de inoff. test. celebritas & tenebra.* §. II. *Exercitationis pariterio.* §. III. *Textum legis a Triboniano interpolatum esse, ex L. 1. C. Theod. de inoff. test. patet.* §. IV. *Longa eidem latinia ex L. 3. C. Theod. cod. adfuta.* §. V. *Quo tempore lex lata?* §. VI. *Ejus analysis & explicatio.* §. VII. *An novi quid sanxerit Constantinus M.* §. VIII. *Summa olim testandi libertas sensim coangustata.* §. IX. *Hinc & QUERELA INOFFICIOSI inventa.* §. X. *Ejus origo.* §. XI. *Ejusdem antiquitas.* §. XII. *Ea paullatim etiam ad alios, & maxime fratres, porrecta est.* §. XIII. *JO. VAN DE VVATER sententia expensa.* §. XIV. *Quando olim hac querela locum habuerit contra testamentum fraternum?* §. XV. *Constantinus M. non tam novum jus reperit, quam vetus in usum revocavit.* §. XVI. *Cur personas turpes & leviter notatas fratribus anteferri noluerit? Respicit Constantinus ad legem Papiam Poppaam.* §. XVII. *Ante eam legem uxores plebejas, at non libertinas, ducere licebat.* §. XVIII. *Postea senatoribus libertinarum: ingenuis turpium personarum nuptiis interdictum est.* §. XIX. *Qui contra hanc legem personas vel turpes*
vel

vel leviter notatas duxerant, nihil poterant capere. §. XX. Quam persona ob turpitudinem vel levem notam capere non potuerint? §. XXI. per turpitudinem incapaces habebantur lenones & lena, a lenonibus manumissa: §. XXII. Iudicio publico damnata, & in adulterio deprehensa. §. XXIII. Artem ludicram facientes. §. XXIV. Ob levem notam capere non poterant illorum liberi, & meretrices. §. XXV. Nec non libertini. §. XXVI. Legis nostra occasio: & cur ad legem Papiam Pappam respexerit Constantinus. §. XXVII. Eum ad hanc legem respexisse, ex interpretibus veteribus demonstratur, §. XXVIII. Doctrina vulgaris de levis nota macula, ejusque natura. §. XXIX. De personis, quas hodie levis nota macula adspersas putant. §. XXX. De aliis, quas olim hac macula dehonestarunt. §. XXXI. De effectibus hujus macula. §. XXXII. Errorum doctorum circa naturam hujus macula. §. XXXIII. An persona, qua a doctoribus notantur, jure hac macula adspargantur? §. XXXIV. An spuris levis nota macula habeat? §. XXXV. Quid de effectibus, quos doctores huic macula tribuunt, sentiendum? §. XXXVI. Conclusio dissertationis.

§. I.

INter celeberrimas tritissimasque, quæ in jure nostro exstant, leges locum haut potestum sibi vindicat LEX XXVII. COD. DE INOFF. TEST. quam evolvere paullo accuratius atque enodare decrevimus. Quemadmodum enim usu venire solet, ut, qui frequentissime e pulpitibus atque in foro recitantur, textus minime om-

omnium a plerisque intelligantur: ita & hujus tam insignitæ constitutionis eadem fere fata fuisse animadvertimus. Vulgo doctores inde exculpunt nescio quod ignominie genus, ab infamia juris æque ac facti secretum, quod petitis ex hac lege verbis LEVIS NOTÆ MACULAM adpellitant, eaque contumelia non modo spurios, carnifices, lictores, verum etiam quosdam opifices, qui sordidiore vitæ genere quæstum faciunt, dehonestare solent. Varios quoque comminiscuntur hujus maculæ effectus, eamque non solum fratribus & sororibus præteritis, de inofficioso fratrum testamento conquerendi occasionem suppeditare, verum etiam ab omnibus dignitatibus ipsisque opificum collegiis arcere contendunt. Quæ omnia quum a legis nostræ sensu alienissima videantur: licebit illi aliquot noctes dare, periculumque facere, possitne illi industria nostra aliquid lucis adfundi.

§. II.

Ne vero latius, quam dissertationis limites ferant, evagemur: ipsi de regundis scriptiois nostræ finibus erimus solliciti, eamque ita partiemur, ut enucleata legis nostræ & querelæ inofficiosi historia, cur CONSTANTINUS M. fratribus præteritis adversus heredes probro aliquo diffamatos succurrendum putarit, quæ sit illa LEVIS NOTÆ MACULA, quam in animo habuerit Imperator, & num denique tota illa de hac macula doctrina, quam in omnibus jurecon-

consultorum commentariis inculcari, animadvertimus, ullum in ista lege præsidium inveniatur, cum cura disquiramus.

§. III.

Lex ergo ipsa, quam interpretandam delegimus, in CODICE JUSTINIANO (a) ita se habet: *Imp. CONSTANTINUS A. Verino. Fratres & sorores uterini ab inofficiosa actione contra testamentum fratris vel sororis penitus arceantur. Consanguinei autem, durante agnatione, (b) vel non, contra testamentum fratris sui vel sororis de inofficioso querelam movere possunt, si scripti heredes INFAMIE, vel TURPITUDINIS, vel LEVIS NOTE MACULA adspersantur, vel liberti. qui perperam & non bene merentes, maximisque beneficiis patronum suum adsequuti, instituti sunt, excepto seruo necessario herede instituto. Dat. ID. APA. Sirmii, CON-
STANTINO P. A. V, & LICINIO CE. COSS. 319.* Talem quidem hanc constitutionem CONSTANTINI nobis obtulit TRIBONIANUS, vel quisquis digerendæ huic codicis parti operam navavit. Sed jam a MERLINO (c) & GOTHOFREDO, (d) jureconsultis humanissimis, observatum est, hic quoque antiquum ob-

(a) L. 27. C. de inoff. test.

(b) Ita scilicet legendum, non, ut in exemplaribus quibusdam est, agnitione.

(c) Merlin. de Legitim. lib. VIII. Titul. II. Quest. XIII.

(d) Jac. Gothofr. Comment. ad Leg. l. Cod. Theod. de inoff. testam.

obtinuisse hominem, & pro duabus, iis-
que diversissimis, CONSTANTINI legibus,
unam nobis, sed interpolatam, & variis
laciniis onustam, dedisse. Quod ut lucu-
lentiùs pateat, ipsam adscribemus genui-
nam CONSTANTINI epistolam, in CODICE
THEODOSIANO (e) superstitem: *Imp. CONSTAN-*
TINUS A. Verino. Fratres uterini ab inofficiosis
(leg. inofficiosi) actionibus arceantur: & ger-
manis tantummodo fratribus, adversus eos
duntaxat institutos heredes, quibus iniustas
constiterit esse NOTAS DETESTABILIS TURPITU-
DINIS, agnatione durante, sine auxilio Pra-
toris petitionis aditus referetur. Dat. I D.
APR. Sirmio, CONSTANTINO V. & LIGITO CES.
COSS. Ex inscriptione sane æque ac notatio-
ne diei & consulum intelligimus, eandem
hanc esse constitutionem, quam in codicem
retulit Tribonianus. Et tamen eam suo arbi-
trio non modo auxit, verum etiam interpola-
vit, adeo, ut sui vix videatur similis. Con-
stantinus de solis fratribus loquitur: Tribon-
ianus etiam sorores ubique addit. Ille tum
demum fratribus hanc querelam indulget,
si talis institutus sit heres, cui detestabilis
turpitudinis notas iniustas esse constiterit:
hic infamia & levis nota maculam adjicit.
Ille fratres germanos, durante duntaxat
agnatione, hanc querelam monere posse sta-
tuit: hic, verbis in contrarium sensum
detortis, de suo addit, durante agnatione,
vel

(e) L. I. Cod. Theod. de ineff. test. lib. II.
Tit. XLX.

vel non, adeoque perinde esse existimat, agnatione testatoris sint fratres superstites, an capitis passi deminutionem. Quæ quam aliena sint ab Imperatoris mente, nemo non intelligit. Denique longi illius, quod legi nostræ adsutum videmus, syrnatis de liberto ingrato & servo hærede necessario instituto, nec vola ulla nec vestigium in genuina hac CONSTANTINI constitutione extare, animadvertimus.

S. IV.

Ne quis tamen existimet, postremam illam laciniam ex solo Triboniani ingenio esse profectam: ex eodem CODICE THEODOSIANO (f) discimus, illam ex alia CONSTANTINI constitutione, annis undecim post edita, decerptam, & superiori ob simile argumentum intertextam esse. Eam quoque epistolam hic dare vel ideo nos oportet, ut simul, unde LEVIS NOTE MACULAM exsculpserit codicis Justinianeus auctor, intelligatur. Rescribit ergo Imperator ad concilium Byzacenorum: *Servus necessarius heres instituendus est, quia non magis patrimonium, quam infamiam, consequi videtur. Unde claret, actionem inofficiosi fratribus relaxatam, quum INFAMIE adspargitur vitiis is, qui heres existit, omniaque fratribus tradi, quæ per TURPITUDINEM aut aliquam LEVEM NOTAM capere non potest institutus. Ita in hac quoque parte, si* quan-

(g) Gothofred. ad L. 3. C. Th. cod. Tom. 1. pag. 277.

Hein. Opusc. Var. Pars 1.

quando libertis heredibus institutis, fratres fuerint alieni inofficiosi actione proposita praevalcant in omnibus occupandis facultatibus defuncti quas ille perperam ad liberos voluerat pertinere. Ex quibus adparet, ingenio suo denuo indulgisse TRIBONIANUM, & hanc sanctionem plane in alium sensum detorsisse. CONSTANTINUS enim pro genio saeculi, libertinis inimicissimi, statuerat, ut, si libertus fuisset heres institutus, fratres germani praeteriti inofficiosi querela experiri possent, ceu luculenter demonstravit GOTHOFREDUS. (g) TRIBONIANUS vero, ne quid integrum usquam relinqueret, limitatione addita, totam legem pervertit, neque contra omnes in universum libertinos, sed ingratos tantum; qui vel accepta a patrono beneficia maleficiis compensassent, vel sane egregiis facinoribus tantum beneficium haut meruissent, querelam fratrum valere voluit. Quorum omnium nihil profecto in mentem venerat CONSTANTINO. Videtur tamen & haec lacinia ex altera hujus constitutionis parte (h) male intellecta detracta, & loco alieno adsuta esse a TRIBONIANO. Neque enim in hac altera parte epistolae de querela inofficiosi agitur, sed de libertis ingratissimis in servitute revocandis. Sed TRIBONIANUS, qui una cum collegis id sibi datum negotii arbitrabatur, ut quaedam

(g) Gothofred. ad L. 3. C. *Th. cod. Tom. I. pag. 277.*

(h) L. 1. Cod. Theod. de libertis.

drata misceret rotundis: (i) ingrati animi vitium etiam ad querelam inofficiosi transtulit, adeoque non nisi ingratos liberos a fratribus excludi voluit. Rectius se habent, quæ de servo necessario herede instituto in LEGE NOSTRA occurrunt, quamvis & hic non tam verba CONSTANTINI, quam sensum, expressa intelligamus. Sic ergo codicis Justiniani compilatores duas Constantini constitutiones, & quidem interpolatas, & in alienum detortas sensum, in unam conflarunt. Eam deinde adhuc magis vel emendarunt vel corruperunt Græci, qui in BASILICIS (k) totam legem ita sistunt: Οἱ ἀδελφοὶ καὶ ἀδελφαὶ καὶ διαθήκης ἀδελφοὶ ἢ ἀδελφαὶ κληῖται καὶ μεμνην, εἰ καὶ οἱ γεγραμμένοι κληρονόμοι ΑΤΙΜΟΙ εἰσιν. ἢ ΑΙΣΧΡΟΙ καὶ οἱ ἀνδρόποτε ΚΟΤΦΟΤΑΤΗΝ ΑΤΙΜΙΑΝ, ἢ ἀπελιδέροι μὴ μεγαλαῖς δεργείαις καὶ ἰδιοῖ ἀμειψόμενοι πάντα. Κατὰ δὲ δὺς ἀνάγκαις ἡγοῦνται κληρονόμοι μὴ ἀναγέτωσαν. Fratres & sorores, agunt de inofficioso testamento fratris vel sororis, si hæredes scripti sint INFAMES, vel TURPES, etiamsi ex LEVISSIMA INFAMIA, vel liberti, qui maximis beneficiis suum patronum remunerati non sunt. At contra servum necessarium heredem scriptum non agunt. Ubi sane adparet, Græcos post Justiniani tempora differentiam etiam inter uterinos & consanguineos fratres iustulisse, fratribusque & sororibus in universum omnibus hanc

qbe.

(i) S. 2. *Constit. de novo Cod. fac.*

(k) Basilica Tom. V. lib. XXXIX. lege LVII.

querelam permisisse. Unde & THALELEUS (l) nullum amplius inter ὁμοπατριῶν & ὁμομυτρίων discrimen statuit: quemadmodum nec Theophilus, (m) & HARMENOPULUS (n) hujus differentię ullam faciunt mentionem.

§. V.

Ceterum ut ad rem ipsam veniamus, edidit hanc constitutionem Constantinus in consulatu quinto, in quo Licinium Cæsarem collegam habuit, id est, anno æræ Christianæ cccxix. Eo tempore totus in eo fuisse dicitur Imperator, ut mores populi Romani, qui ex anteriorum temporum perturbatione haut parum rubiginis attraxerant, in melius verteret, & ad virtutem humanitatemque traduceret. (o) Quam imperatoris curam eo ipso tempore, anno puta cccxxi. mirifice collaudat Nazarius: (p) *Exornata, inquit, mirandum in modum, ac prope de integro condita civitates: NOVÆ LEGES REGENDIS MORIBUS, & FRANGENDIS VITIIS constituta, veterum calumniosa ambages recisa, captanda simplicitatis laqueos perdiderunt. Pudor tutus, munita conjugia, SECURÆ FACULTATES AMBITIONE*

SUI

(l) Thalel. in Gloss. ad Synops.

(m) Theophil. §. i. inst. de inoff. testam.

(n) Harmenop. Promt. lib. V. Tit. VI. §. II.

(o) Baron. Annal. ad ann. CCCXX. n. V.

* sequ. p. 274. Tom. II. Gothofred. Chronol. legum Cod. Theod. ad ann. CCCXIX. p. 17.

(p) Nazar. Paneg. cap. XXXVI.

SUI GAUDENT, nec aliquis habendi quam plurimum metus, sed in tanta bonorum adfluentia magna verecundia non habendi. Plures hic celebrantur novæ Constantinæ leges, ad regendos mores & frangenda vitia comparatæ, quas etiam laudibus in cælum extulit PORPHYRIUS OPTATIANUS. (q) Harum aliæ ad recidendas veterum calumniosas ambages & captanda simplicitatis laqueos pertinuisse dicuntur, quales sunt, quas his annis de accusatoribus, (r) delatoribus, (f) abolitionibus, (t) adpellatione, (u) re judicata, (x) erroribusque advocatorum (y) publicavit: Neque enim ad sublatas a Constantino M. formulas actionum respiciunt hæ NAZARII verba, ceu suspicatus est v. c. CHR. GODOER. HÖFFMANNUS, (z) siquidem a Constantino M. nullas plane formulas actionum, sed testamentorum tantum, sublatas esse, satis constat. (a) Aliæ leges pudorem tutum præ-

(q) Porphyri. Optatian. Paneg. Carm. VI.

(r) L. 2. 5. & 9. Cod. Theod. de accusation. lib. IX. Tit. 1. (f) L. 2. Cod. Theod. de petit. & delator. lib. X. Tit. X.

(t) L. 1. C. Th. de abolit. lib. IX. Tit. XXXVII.

(u) L. 10. & 11. Cod. Theod. de adpell. lib. XI. Tit. XXX. (x) L. un. Cod. Theod. de re judic. lib. IV. Tit. XVI. (y) L. 1.

C. Theod. error. advocat. lib. II. Tit. XII.

(z) Hoffmann. de orig. & progr. jur. Rom. Per. IV. p. 74.

(a) Vid. Gothofr. ad Cod. Theod. libr. II. Tit. III. pag. 95. Tom. I. de formulis

præstabant, conjugiaque muniebant, quo constitutiones varix de sponsalibus, (b) concubinis, (c) raptu virginum, (d) mulieribus, servili amore bacchantibus, (e) eodem tempore editæ, pertinent. Quæ vero NAZARIUS addit de SECURIS FACULTATIBUS & AMBITIONE SUI GAUDENTIBUS, ea ad hanc ipsam legem nostram aliasque nonnullas, quibus possessorum & hæredum securitati consuluit, (f) videntur pertinere. Sensus enim verborum NAZARII est, effectum esse CONSTANTINI legibus, ut heredes ab intestato captatorum, hereditates aucupantium, artes minus, quam antea, pertimescant, sed potius ea stultitia gaudeant, tamquam maxime sibi profutura. Id quod hac lege sibi proposuisse Imperatorem paullo post adparebit.

§. VI.

Scilicet ex ipso textu satis adparet, & infra ostendetur pluribus, voluisse Imperatorem hac lege fratribus adversus heredi-

pe-

testamentorum testis est Euseb. de vit. Constantini M. lib. IV, cap. XXVI.

(b) L. 1. & 2. Cod. Theod. de sponsal. lib. III. Tit. V.

(c) L. un. Cod. de concubin.

(d) L. 1. Cod. Theod. de raptu virg. lib. IX. Tit. XXXIV.

(e) L. 1. Cod. de mul. qua se serv. propr. lib. IX. Tit. IX.

(f) L. 4. Cod. Theod. de inoff. donat. lib. II. Tit. XX.

petas & captatores, maxime vero defunctorum conjuges, adversus legem Papiam Poppæam ductas, succurrere. Hinc iis, in testamento fratris præteritis, querelam inofficiosi indulgit, sed certis tamen observatis conditionibus, quas partim salvas reliquit, partim sustulit TRIBONIANUS. Primo enim eam actionem non fratribus uterinis concessit, sed germanis, id est, ut recte in COD. JUSTINIANO explicatur, consanguineis, qui JANO RUTGERSIO (g) teste, κατ' ἐξοχὴν germani tum dicebantur. Quum enim fratres uterini nulla inter se agnatione jungantur, portio vero legitima, cujus defectus querelam inofficiosi inducit, non nisi agnationis jure tum deberetur: consequens erat, ut uterinis nulla competere posset querela. Deinde ex eadem ratione, non nisi durante agnatione, hanc querelam a fratribus institui voluit. Emancipatione enim e familia dimissi, non minus, ac alius generis capitis deminutionem passi, tunc adhuc extraneis accensebantur, (h) adeoque nec legitimam exigere, nec querela inofficiosi uti poterant. Ast quum animadvertet TRIBONIANUS, jam ab ANASTASIO (i) Imperatore anno cccxciv discrimen inter suos & emancipatos sublatum, & hos in agna-

(g) Rutgers. *Var. lect. lib. I. cap. IX. p. 40. sequ.*

(h) Pater hoc ex L. un. Cod. Theod. de her. red. petit. lib. II. Tit. XXII.

(i) L. 4. C. de legit. rut. §. 1. Inst. de success. cognat.

agnatorum numerum fuisse cooptatos: alteram hanc conditionem plane sustulit, legique addidit: DURANTE AGNATIONE, VEL NON. Recte id quidem, & suo jure: sed in eo tamen parum prudentiæ ostendit, quod non primam etiam conditionem, quæ eadem ratione nititur, eadem opera abolevit. Quod si enim agnatio non amplius attendenda visa est: quid fuit, quæso, quamobrem inter uterinos & consanguineos distingueret? Unde sane prudentiores BASILICORUM auctores, qui discrimen inter consanguineos & uterinos plane sustulerunt. Tertia quoque conditio a CONSTANTINO addita fuerat, ut scripti sint heredes, qui ob turpitudinem levemve notam capere haut possent, vel quibus iniustas esse constiterit detestabilis turpitudinis notas: quæ verba quo pertineant, infra ostendemus. Enimvero contingere solet, ut de interpretatione novarum legum ambigant iudices. Quare & hæc CONSTANTINI constitutio nonnullis crucem figebat. Fratres in ea præferuntur scriptis heredibus, quibus detestabilis turpitudinis notas iniustas esse constiterit. Addubitabant ergo nonnulli, an id etiam de libertinis esset accipiendum. Deditii sane liberti, quippe ob admissa in servitute crimina suppliciiis subditi, aut stigmatibus in facie deformati, (k) non immunes ab infamia videbantur: at reliquorum libertinorum non

(k) Sveton. *August. cap. XL.*

non eadem erat conditio, quum Latini Juliani parum a civibus abessent, & ex fidei-commiſſis ſemper, ex teſtamenti vero tum capere poſſent, ſi intra centum dies a cre-tione jura Quiritium conſequerentur: (1) li-bertini vero vindicta, teſtamento, vel in ſa-croſanctis Eccleſiis manumiſſi, etiam civita-tis jura impetrarent, nullaſque adeo turpitu-dinis nota viderentur inſigniti. Hunc ergo ſcrupulum altera conſtitutione ſua exemit Im-perator, & libertos omnes, ſaltim ob LE-VEM NOTAM ex ejuſmodi teſtamento capere haut poſſe, adeoque eos heredes inſtitutos a fratribus præteritis merito excludi, do-cuit. Enimvero nec hæc convenire vide-bantur ſæculo JUSTINIANI, qui libertis om-nibus non modo civitatem, (m) verum etiam poſtea jus aureorum annulorum, (n) adeoque omnia ingenuitatis ornamen-ta dederat. Quum ergo jam nulla amplius macula iis hæere videretur: abſonum exiſtimabat TRIBONIANUS, libertinos perſonis vel turpibus, vel levis notæ macula ad-ſperſis, accenſeri, ideoque eos tantum li-bertos hac ignominia dignos eſſe volebat, qui vel patronum ſibi beneficiis haut de-vinxiſſent, vel ei malam retuliſſent gra-tiam, adeoque ne ſummo quidem illo be-neficio moveri potuiſſent ad concipiendum humanitatis ſenſum. Denique ex eo, quod

liber-

(1) Ulpian. *Fragm. Tir.* XVII. §. I.

(m) L. un. C. de Lat. lib. coll.

(n) L. un. C. de dedit. libert. coll.

liberti a fratribus querela inofficiosi repelli possunt, colligere quis potuisset, multo magis id procedere, si servus heres fuisset institutus. At rescribit Imperator, servum heredem necessarium scriptum non vereri fratrum querelam, nec invidendum ei esse vanum heredis nomen, qui ideo institutus sit, ut infamiam, quæ defuncto ejusque heredibus ob possessionem bonorum obarratorum subeunda esset, in se derivari, & bona domini suo nomine possideri vendique pateretur. (o)

§. VII.

Hæc est legis nostræ sententia, expendenda jam paullo accuratius, & e jure æque ac antiquitatibus illustranda. Primo ergo nostra interest, scire, novine quid hac lege sanxerit Constantinus, an jus vetus ratum habuerit, & in usum revocarit? Quod ut distinctius concipiamus: operæ pretium fuerit, rem paullo altius repetere.

§. VIII.

Legibus XII. tabularum liberrima latissimæque omnibus data fuerat testandi facultas. (p) Quamvis enim & ante decemviro heredes etiam extraneos nuncupare liceret, ceu patet exemplo Tarrutii, qui jam sub Anco Marcio Laurentiam meretricem

(o) §. I. *Inst. qui ex quib. causis manumittere non poss.*

(p) Rompon. L. 120. D. de verb. sign.

cem τελευτήσας ἀπολείπει κληρονόμον, id est, *heredem reliquisse*, dicit, (q) quam phrasin hereditatem testamento delatam denotare, observavit JAC. PERIZONIUS: (r) non aliter tamen id fieri poterat, quam comitiis calatis, rogante populum magistratu, & populo jure sciscente, id est, ferente suffragia. (s) Quod ipsum parum libertatis hac quidem in re arguit. Ast liberrimam testandi libertatesque & legata dandi facultatem civibus dedere decemviri, in legibus XII. tabularum ita statuentes: (t) PATER FAMILIAS UTI LEGASSIT SUPER PECONIAE TUTELEVE SUE REI, ITA JUS ESTO. Quod jus quin a Græcis, & præcipue Atheniensibus, petierint Romani, eo minus videtur dubitandum, quo certius ex PLATONE, (u) DEMOSTHENE (x) ac PLUTARCHO (y) constat, eandem fere Atheniensibus testandi libertatem fuisse ex legibus SOLONIS. Secundum hanc ergo legem XII. Tabularum tantum abest, ut fratribus vel sororibus quidquam deberetur, ut potius ne

(q) Plutarch. in *Romulo* p. 20.

(r) Perizon. ad *Leg. Vocon.* p. 134.

(s) Gell. *Noct. Att. lib. XV. cap. XXVII.*

Ulpian. *Fragm. Tit. XX. §. I. & §. I.*

Inst. de testam. ordin.

(t) Ulpian. *Fragm. Tit. XI. §. XIV. L. 53.*

D. de verb. sign.

(u) Plato de *Legib. lib. XI. p. 679.*

(x) Demosthen. *Orat. de Coron. II. p. 983.*

(y) Plutarch. *vit. Solon. p. 90.*

ne liberos quidem vel exheredes scribere, vel præterire nefas crederetur. (z) Cujus rei exempla haut pauca exstant apud veteres. (a) Negat id equidem M. AUREL. GALVANUS, (b) sed non alia ratione negat, quam quod liberi jam vetustissimo jure HEREDES SUI, id est, vivo adhuc parente rerum omnium quodammodo domini fuerint. Sed præterquam quod illud dominium filii familias vix umbram dominiæ refert, ne colligi quidem inde potest, non licuisse ideo parentibus eos exheredes scribere, cui recte ostendit V. G. JO. VANDE VVATER, (c) & LUC. VANDE POLL. (d) Sui enim dicuntur, non quod jam vivo parente fuerint rerum paternarum domini, sed quasi proprii, nativi, domestici, & quia ipsi parentes veteri jure liberos revera tanquam res mancipi in dominio habebant, ut eleganter demonstrat BYNCKERSHOEKIUS. (e) Quum vero sæpe contingeret, ut aut illecebræ muliebres & novercalia delinimenta patris moribundi

VO-

(z) L. I. I. *D. de lib. & posthum.* Theoph. princ. *Inst. de inoff. testam.*

(a) Valer. Max. *lib. VII. cap. VIII. §. II.*

(b) Galvan. *de Usufr. cap. VIII. num. XIII. sequ.*

(c) Jo. vande Water *Observ. lib. I. cap. XI. pag. 55.*

(d) Luc. vande Poll. *de Exher. cap. VII. p. 21.*

(e) Bynckershoek. *de jure occidendi liberos lib. I. pag. 145. sequ.*

voluntatem a liberis nihil tale meritis abducerent, aut pater ipse, relicta post tergum humanitate, patrem nefarie exueret: illa testandi exheredandique libertas sensim, ut POMPONIUS (f) ait, *congesta est, vel INTERPRETATIONE LEGUM, vel auctoritate iura constituentium.*

§. IX.

Et liberis quidem, cum prateritis tum exheredatis injuste, initio prætor succurrisse videtur. Eo enim pertinere arbitror illa ULPIANI, (g) quibus editum illustravit. *In contra tabulas bonorum possessione liberos accipere debemus siue naturales siue adoptivos, si neque instituti, neque exheredati sunt.* De liberis enim suis loqui jureconsultum, vel inde patet, quod paragrapho demum VI. de emancipatis agere incipit, & de iis ita disserit: *Et sui juris factos liberos inducit in bonorum possessionem Prætor.* Verum postea invaluit, ut liberis prateritis, testamenta ipso jure nulla viderentur: (h) ex eoque tempore non amplius, suis, sed emancipatis liberis illo prætoris beneficio opus erat, (i) quamvis & illi
bo-

(f) Pompon. L. 120. D. de inoff. test.

(g) Ulpian. lib. XXXIX. ad Edict. L. 1. princ. D. bonor. poss. contra tab.

(h) Papinian. L. 1. D. de injust. rupt. irrit. testam.

(i) Ulpian. L. 1. §. 6. D. de bonor. poss. contra tab.

bonorum possessionem nonnumquam peterent, si in prioribus tabulis exheredari; in posterioribus imperfectis perfecti fuissent præteriti. (k) Illud jus quando inductum sit, & quo primum tempore NULLIUS MOMENTI visa sint testamenta, in quibus filius, in potestate testatoris constitutus, præteritus esset, non adeo expeditum est. Dabimus tamen operam, ut ejus originem ex antiquitatis parietinis, quantum quidem fieri poterit, eruamus. Id mihi constat, CICERONIS temporibus adhuc dubitatum esse, an testamentum, filio præterito, nullum esset habendum. Ita enim speciem huc pertinentem refert TULLIUS: (l) *Qua potuit igitur esse causa minor, quam illius militis, de cujus morte quum domum falsus ab exercitu nuncius venisset, & pater ejus, re credita, testamentum mutasset, & quem ei visum esset, fecisset heredem, essetque ipse mortuus: res delata est ad centumviros, quum miles domum revenisset, egissetque lege in hereditatem paternam testamento exheres filius. Nempe in ea causa quesitum est de jure civili, POSSETNE PATERNORUM BONORUM EXHERES ESSE FILIUS, QUEM PATER TESTAMENTO NEQUE HEREDEM, NEQUE EXHEREDEM SCRIPSISSET NOMINATIM?* Ejusdem historię meminit VALER. MAXIMUS, (m) additque, filium præteritum omnibus non solum

con-

(k) Cajus L. 12. §. 1. D. cod.

(l) Cicero de Orat. lib. I. cap. XXXVIII.

(m) Valer. Max. lib. VII. cap. VII. §. 1.

consiliis, (in quatuor enim consilia divisi erant centumviri, ut e PLINIO (n) discimus) *sed etiam sententiis superiorum discessisse*. Et ex eo tempore factum fuisse videtur, ut jus illud admitteretur in forum, & moribus magis, quam certa lege testamenta, quibus filius familias præteritus esset, nulla viderentur. Hinc paullo post M. Annæus, licet alii in adoptionem datus, M. Corseolani patris testamentum, in quo fuerat præteritus, apud centumviros rescidit: (o) idque deinde alii quoque fecerunt tempore Augusti. (p) Et ita quidem filiis præteritis satis consultum videbatur. Quid vero si nominatim quidem, at iniuste, exheres scriptus filius? Testamentum ejusmodi non injustum quidem erat, legibusque adversum: (quia nulla umquam lege libera illa testandi facultas restricta fuerat,) sed IMPROBUM tamen, INHUMANUM, atque INOFFICIOSUM videbatur. Ea enim vocabula ea in re conjungit CICERO. (q) De reliquis vocabulis nullum est dubium: cur vero INOFFICIOSUM adpellari consueverit ejusmodi testamentum, non adeo notum est. Rem tamen expedit SENECA, (r) dum ait: *Sunt, qui ita distinguunt, quadam OFFICIA esse.*

(n) Plin. *lib. II. Epist. XIV. & lib. VI. Epistol. XXXIII.*

(o) Valer. Max. *lib. VII. cap. VII. §. II.*

(p) Idem *ibid. §. IV.*

(q) Cicero. *lib. I. advers. Verrem cap. XLII.*

(r) Seneca *de Benefic. lib. III. cap. XVIII.*

esse, quadam BENEFICIA, quadam MINISTERIA. BENEFICIUM esse, quod alienus det: alienus est, qui potuit sine reprehensione cessare: OFFICIUM esse filii, uxoris, & earum personarum, quas necessitudo suscitatur, & ferre opem jubet. MINISTERIUM esse servi, quem conditio sua eo loco posuit, ut nihil eorum, qua praestat, imparet superiori. Officium ergo erat veteribus, quidquid cognati cognatis debebant, adeoque testamentum illud INOFFICIOSUM dicebatur, quod frustra exheredatis liberis, sine OFFICIO naturalis pietatis, in extraneas personas redactum esset, ut illud definit ISIDORUS HISPALENSIS. (f) Ex eo itaque dabatur querela inofficiosa, quam quum liberi iniuste exheredati apud centumviros solum instituerent: eam etiam κατ' ἐξοχὴν CENTUMVIRALE JUDICIUM adpellari a SCÆVOLA, (t) animadvertimus. Instituta vero hac querela, rescindebantur a centumviris testamenta inofficiosa, ipsaque etiam legata & datae libertates corruebant, ceu diserte testantur ULPIANUS (u) & PAULLUS, (x) quamvis id postea a JUSTINIANO (y) demum mutatum sit, qui, rescisso hac querela testamento, solam heredis institutionem cadere, & reliqua omnia rata esse iussit.

§. X.

(f) Isidor. Hispal. Orig. lib. IV. cap. XXIV.

(t) Scævola lib. XIII. D. de inoffic. test.

(u) L. 8. §. 16. D. cod.

(x) L. 28. D. cod.

(y) Novell. CXY. cap. III. extremo.

§. X.

Origo hujus querelæ spissis antiquitatis tenebris etiamnum involvitur. Ex prætoris edicto illam arcessit PITHŒUS, (z) quam sententiam, licet eam non nimis multis sese probaturum, auguratus sit, adeo tamen probavit Ranchino, (a) ut is hæc edicti verba veluti legitima comminisci non dubitarit: *Si quis testamentum inofficiosum dicere velit, eo, quod injuste se exheredatum aut præteritum esse queratur, neque ei quarta pars debita portionis ab intestato relicta fuerit, inofficiosi testamenti intra quinquennium ei actionem dabo.* Sed vereor, ne utrumque hic fugiat ratio. Nam primo querela hæc non instituebatur ad tribunal prætoris, ad quod actiones vere prætorie pertinebant; sed ad centumviros deferrebatur, a quibus non actiones ex edicto prætoris descendentes, sed usucapionum, tutelarum, gentilitatum, agnationum, alluvionum, circumluvionum, nexorum, mancipiorum, parietum, luminum, stillicidiorum, testamentorum ruptorum, aliæve hujus generis causæ, e jure civili profectæ, cognoscebantur, ut luculenter docet Cicero. (b) Deinde certum est, querelam hanc

(z) Pithœus ad Collat. Leg. Mosaicæ & Romanar. Tit. XVI. §. III.

(a) Ranchin. Edict. perpet. rest. lib. V. Tit. III.

(b) Cicero de Orat. lib. I. cap. XXXVIII.

Conf. Dionys. Gothofred. ad L. 10. C. 17. D. de inoff. test.

hanc initio biennio, (c) ac postea circum-
 acto quinquennio, exspirasse: illudque jus
 etiam ante Constantinum valuisse, docent
 ULPIANUS (d) & MODESTINUS. (e) Remed-
 dia vero pratoria rei persequutoria, quæ
 ad rescissionem actus gesti tendebant, non
 nisi annalia erant, ceu actionis rescissoriæ,
 (f) Paullianæ, (g) quod metus caussa,
 (h) itemque restitutionum in integrum (i)
 exemplis demonstrat STRYKIUS. (k) Deni-
 que ipse PAULLI (l) textus, quo senten-
 tiam

(c) Plin. lib. V. Epist. I. Ex quo loco simul
 patet, biennium istud non demum consti-
 tutionibus Trajani vel Antoninorum in-
 ductum esse, ceu existimavit Siccama de
 judic. centumvir. libr. II. cap. VI. Re-
 lius hoc biennium ab ordinario tempore
 usucapionis immobilium repetit Jo. van-
 de VVater. lib. I. Obs. cap. XI. pag. 60.

(d) L. 8. §. ult. D. eod. præter quam nul-
 lam in Digestis mentionem hujus quin-
 quennii fieri, frustra existimat Jo. van de
 VVater. lib. I. Obs. cap. XI. pag. 61.

(e) Modest. L. 9. D. de querel. inoff.

(f) L. 35. pr. D. de oblig. & action.

(g) L. 6. §. fin. & L. 18. §. 8. D. qua in
 fraud. cred.

(h) L. 14. §. 1. D. quod met. caussa.

(i) L. fin. C. de temp. in integr. rest.

(k) Stryk de Action. præscript. Sect. III.
 Membr. III. Ax. II. p. 326.

(l) Paull. Recep. Sent. lib. IV. Tit. VIII.
 §. V.

etiam suam stabiliri credit PITHOEUS, rem
 haut conficit. Ait enim jureconsultus. *Qui
 sui heredes sunt, ipso jure heredes, etiam
 ignorantes, constituuntur, ut furiosi, aut in-
 fantes, & peregrinantes, quibus bonorum pos-
 sessio propter PRÆTORIAM ACTIONEM non erit
 necessaria.* Quamvis enim hic per actionem
 prætoriam querelam inofficiosi intelligen-
 dam esse moneat PITHOEUS: illud tamen
 vel ideo admitti non potest, quod ULPIA-
 NUS, (m) Pauli æqualis, querelam inoffi-
 ciosi e prætoris jurisdictione esse diserte
 negat, dum scribit: *Non putavit Prætor, ex-
 heredatione notatos & remotos ad contra tabu-
 las bonorum possessionem admittendos: sicuti nec
 JURE CIVILI testamenta parentum turbant. Sa-
 ne si velint INOFFICIOSI QUERELAM instituere,
 est in ipsorum arbitrio.* Quum enim hic di-
 serte ULPIANUS hanc querelam & a reme-
 dio prætoris, & a jure civili, discernat:
 facile patet, illam ex edicto prætoris de-
 rivari haut posse. Existimo ergo, *actionem
 prætoriam* apud PAULLUM nec querelam in-
 officiosi denotare; nec, quod SCHULTINGIO
 (n) visum est, hereditatis petitionem præ-
 toriam: sed restitutionem in integrum, quam
 infantibus atque absentibus contra omisso-
 nem querelæ inofficiosi dederat ALEXANDER
 Imperator, (o) sub quo floruisse Paulum
 con-

(m) Ulpian, L. 8. *pr. D. de bon. poss. con-
 tra tab.*

(n) Schulting. *Jurisp. antiq. antejustin.* p. 408.

(o) Alex. Imp. L. 1. C. *de in integr. rest. min.*

constat. Quum ergo nihil minus ex hoc PAULLI loco colligi possit, quam quod inde collegit PITHOEUS: certiore hujus querelæ originem reperisse sibi visus est CUA- CIUS. (p) Animadvertens enim, legem IV. DIG. de inoff. test. in qua querelæ illius causa & ratio indicatur, e CAJI LIBRO SINGULARI AD LEGEM GLICIAM esse decerptam: acute inde conjecit jureconsultus humanissimus, querelam illam e lege quadam Glicia descendere, quam CAJUS ideo singulari commentario illustravit. Et sane non ignota olim Romæ gens Glicia, cujus præter LILIUM FLORUM SVETONIUM etiam tabulæ Capitolinæ (q) meminerunt, in quibus ad annum V. C. DIII. laudatur.

M. CLAUDIUS C. F. GLICIA QUI SCRIBA. FUERAT DICTATOR: SINE MAG. EQU.

Unde & mihi (r) aliquando tam digna CUAJII hæc conjectura visa est, ut eam ipse quoque adversus HOTOMANNUM (f) tuerer. Sed jam, re paullo accuratius expensa, ne CUAJII quidem sententia mihi omni exce-

(p) Cujac. *Observ. lib. II. cap. XXI. lib. III. cap. VIII. libr. XIV. cap. XIV.* & in *Prælect. Papinian. ad L. 15. §. 1. de inoff. test.*

(q) Pigh. *Annal. Tom. II. p. 50.*

(r) *Vid. Præsid. antiqu. Rom. lib. II. Tit. XVIII. §. V. p. 515. Tom. I. Adferuntur etiam Cujacio Ant. Augustin. de Leg. & SC. voce Glicia. Jo. Vinc. Gravina de Leg. & SC. n. LXXX. p. 649.*

(f) Hotom. *de legitima Disp. IV. cap. 1.*

exceptione major videtur. Præterquam enim, quod inscriptio illa dubia est: lex quoque ipsa, si ab hoc Dictatore vel alio ejusdem gentis lata fuisset, non CLICIA, sed CLAUDIA, vel certe GLICIANA debuisset adpellari. Antiquitati enim omnino convenit, quod observavit CAR. SIGONIUS: (t) *Neque enim leges a cognomine adpellantur, ut in jus desinant, sed si id forte fiat, in ANUS, ut Gracchana leges, at non Grachia, & Cæsariana fortasse, non Cæsaria: a nomine vero semper, ut Sempronia, Julia.* Quibus exemplis a SIGONIO adlatis addi potest lex *Junia Norbana*. Quum enim alter consul JUNIUS SILANUS, alter L. BALBUS NORBANUS adpellaretur; ab illius nomine & hujus cognomine lex dicta est *Junia Norbana*, non *Junia Norbania*. Sunt etiam, qui cum DUARENO (u) ex constitutionibus principum hanc querelam repetunt: sed iis jam a CORN. BYNKERSHOEKIO (x) ita satisfactum est, ut quidquam addere nihil attineat. Quæ quum ita sint, circumspectis rebus omnibus, quæ huc facere videntur, subductisque rationibus, hanc feci summam cogitationum mearum, querelam istam non ex aliqua lege, neque ex prætoris edicto, sed ex interpretatione
 pru-

(t) Car. Sigon. *de Nomin. Rom.* p. 1426. *edit. Gothofr.*

(u) Duaren. *ad Tit. de inoff. testam.* cap. II.

(x) Bynckersh. *Obs. lib. II. cap. XII.*

prudendum, descendere, & ob eam etiam causam non ACTIONEM, NEC CONDICTIONEM, sed QUERELAM esse adpellatam, quæ vox, observante VOSSIO; (y) proprie amicis tantum & necessariis tribuitur. Sane latissimam illam heredes instituendi potestatem, verbis XII. Tabularum tributam, vel INTERPRETATIONE LEGUM, vel AUCTORITATE JURA CONSTITUENTIUM, coangustatam esse, ait POMPONIUS: (z) ubi jura constituentes non alii sunt, quam jureconsulti, quos & alibi in jure nostro JURIS AUCTORES (a) & JURIS CONDICTORES (b) adpellari, intelligimus. Deinde satis luculenter id adparet ex ipsa hujus querelæ natura, quam institui oportebat eo colore, quasi turbata mentis fuissent parentes, quum testamentum ordinarent. (c) Quo colore profecto opus haut fuisset, si ex lege aliqua aut prætoris edicto descenderet hæc actio. Ast videbant jureconsulti, testamenta parentum, in quibus liberi injuste exheredes scripti, nullo jure posse infirmari. Quum tamen nihilominus liberis ejusmodi succurrendum existimarent, commodè in mentem venit, quod furiosi ob-

tur-

(y) Vofs. *Inst. Orat. Lib. 1. Cap. VI. §. II.*
Add. Petr. Colv. ad Apulei *Flofid. II. p. 180.*

(z) Pomp. L. 120. D. de verb. sign.

(a) Paull. L. 3. D. si pars hered. pet. Modest. L. 39. D. de alt. emi. L. 17. de jur. patr.

(b) L. 25. C. de nupt. L. 23. C. de procurat.

(c) L. 2. D. de inoff. test.

turbatam mentem ex lege XII. Tab. (d) in agnatorum ac gentilium curatione sint, adeoque etiam ex hac ratione testamenta condere nequeant. (e) Unde denuo colligebant, furiosorum testamenta in se nulla esse. Hæc omnia quum expediti juris esse non ignorarent: fingebant, patrem, quum faceret testamentum, non integræ mentis fuisse, idque inde præsumendum putabant, quod liberos nihil tale meritos exheredasset, quodque tam malignum de sanguine suo iudicium in virum sanæ atque integræ mentis cadere haut videretur. Hoc commentum, non ad servandam defunctorum famam, ut vulgo interpretes existimant, sed ad cavillanda legis XII. tabularum verba (f): comparatum, quum iis feliciter aliquoties procederet: nova inde nascebatur INOFFICIOSI QUERELA, quæ quotidie fere occupabat centumviros. Et hæc quidem est nostra de hujus querelæ origine sententia, a qua nemo fortassis magis fuit alienus, quam GE. SCHUBARTUS, (g) qui ullam actionem a jureconsultis inventam esse, plane negat. Sed quum eam opinio-

nio-

(d) Cic. *Quæst. Tuscul. Lib. III. Cap. V.*
 Ulpian. *Fragm. Tit. XII. §. II. L. 3. D. de curat. furios.*

(e) *L. I. D. qui test. fac. poss.*

(f) Huber. *Eunom. Rom. ad L. 2. D. de Inoff. test.*

(g) Ge. Schubart. *Exerc. II. de Fat. Jurispr. Rom. §. LXIII. sequ.*

nionem jam JAC. REYARDUS (h) solide profligavit, & vel actionum UTILIUM exemplo satis constet, jureconsultos in locupletando actionum numero solertes admodum fuisse: (i) ea de re fusius hic disserere nihil attinet.

§. XI.

Querentibus porro, quam antiqua sit illa querela, & quo demum tempore in foro audiri cœperit, vix quidquam, quod curiositati nostræ satisfaciatur, nobis suggerunt annales. Jam libera republica eam institui consuevisse, ex CICERONE (k) discimus, qui jam anno v. c. 10LXXXIII. illius meminit; dum ita in Verrem invehitur: *Quis umquam dixit isto modo? quis umquam ejus rei fraudem aut periculum proposuit editto, qua neque post editum, neque ante editum provideri potuit? Jure, legibus, auctoritate omnium, qui consulebantur, testamentum P. Annius fecerat, non IMPROBUM, non INOFFICIOSUM, non INHUMANUM. Immo jam anno 10XLII eam querelam Romanis haut ignotam fuisse, e VALERIO MAXIMO (l) colligo, qui de C. Calpurnio Pifo-*

(h) REYARD, de Auctorit. prud. cap. XII. pag. 1021. Tom. II.

(i) Vinc. Gravina de ortu & pr. jur. civ. §. XLIII. pag. 96.

(k) Cicero L. I. advers. Verrem. cap. XLII.

(l) Valer. Max. lib. VII. cap. VII. num. V.

Pisone ita refert: Egregia quoque est C. CAL-
PURNII PISONIS, pratoris urbis, constitutio.
Quum enim ad eum Terentius, ab octo filiis,
quos in adolescentiam perduxerat, ab uno in
adoptionem dato exheredatum se, QUERELAM
detulisset: bonorum adolescentis possessionem ei
dedit, heredesque lege agere passus non est.
Videmus ergo, jam ad C. Calpurnium Pi-
sonem, prætorem urbanum, ejusmodi que-
relam a patre exheredato fuisse delatam.
Atqui quum tres ejus nominis prætores in
annalibus occurrant, quorum primus anno
U. C. IXXII; (m) alter anno ICLXVII;
(n) tertius anno ICXLIX (o) præturam
gessit: facile patet, de primo loqui VALE-
RIUM, siquidem alteri non prætura urbana,
sed quæstiones rerum capitalium; tertio
Hispania sorte obvenerunt, primus autem
vere prætor urbanus fuit, (p) P. Sulpicio
Galba & Cn. Fabio Centumalo Coss. id
est anno IXXII. Quæ quum ita sint, jam
ultra centum annos ante CICERONEM notam
fuisse oportet inofficiosi querelam. Ea de-
inde tam frequenter centumviros fatigavit,
ut nulla magis. Vix vero illustrius ejus rei
exstat exemplum, quam T. TERTII VIBONIS,
cujus inscriptio exstat in hoc marmore apud
TOMASINUM: (q)

IOVI

(m) Steph. Vin. Pigh. *Annal. lib. IX. p. 181.*

(n) Idem *lib. X. p. 304.* (o) Idem *lib. XIV.*

pag. 151. (p) Patin. *Famil. Rom. ex n.*

pag. 56. (q) Tomasin. *de Donat. &*

Tab. votiv. cap. XXXIII.

Hein. *Opusc. Var. Pars I.*

IOVI D. M.

TETTIUS DIVVO

PRO SALUTE

PETRONII MERULAE

P. PETRONII F.

V. S.

Quum enim is filium C. Tettium infantem e Petronia susceptum exheredem scripsisset: irritum id testamentum reddidit Augustus, filioque subvenit. (r) Quam historiam in commentario ad illud marmor egregie illustrat THOM. REINESIUS. (f) Unde certissimum est, satis antiquam hanc querelam, & ex ipsa libera rep. reliquam esse.

§. XII.

Quamvis vero initio non nisi liberis iniuste exheredatis eo modo subveniri coepisset: jus tamen illud, ceu fieri solet, etiam ad alios, non solum agnatos, verum etiam amicos, quos æquitas scriptis heredibus anteferendos esse suadebat, porrectum est. Notum est, filio in adoptionem dato patrem naturalem haut successisse, adeoque, defuncto patre adoptivo, liberrimam ei fuisse testandi facultatem. Idem jus emancipatis filiis competebat. Quamvis enim ita comparati essent emancipationis ritus, ut ante tertiam mancipationem fiduciam interponeret pater naturalis, eaque caveret, ut erator fiduciarius filium sibi reman-

(r) Valer. Max. lib. VII. cap. VII. §. III.

(f) Reines. *Inscript.* pag. XXIII. l.

remanciparet, quo facto pater jura patronatus, adeoque jus succedendi ab intestato retinebat: (t) id jus tamen tantum ad successionem ab intestato pertinebat, neque impediiebatur filius adoptivus, sui juris factus, quo minus testamentum conderet; & heredes, quos vellet, institueret. Et tamen jam olim, libera adhuc republica, liberorum emancipatorum testamenta querela inofficiosi rescindebantur a patribus naturalibus, ceu exemplum supra e VAL. MAXIMO (u) ad latum ostendit. Nemo porro ignorat, ad liberos hereditatem matris jure XII. tabularum haut pertinuisse, quia nec suos heredes habere poterant feminae, (x) adeoque anno demum U. C. DCCCCXXI. Juliano Rufo & Gavio Orphito cons. (y) cautum esse sc. ORPHITIANO, ut sine in manum conventionem matrum legitimae hereditates ad filios filiasque pertinerent, exclusis consanguineis & reliquis cognatis. (z) Et tamen jam multo ante illa tempora liberis a matribus praeeritis quere-

(t) *Caj. Inst. lib. I. Titul. VI. §. III. §. 3.*

Inst. de legit. agnat. success.

(u) *Val. Max. lib. VII. cap. VII. num. V.*

(x) *Ulpian. Fragm. Tit. XXVI. §. VII.*

(y) *Hos cons. huic anno adsignant accuratissimi fastorum auctores Henr. Noris Epist. Consul. pag. 462. ap. Grav. Tom. XI. Antiqu. Rom. Ant. Pagi Crit. ad Baron. Annal. ad ann. Christi CLXXVIII.*

(z) *Ulpian. l. c.*

querelam inofficiosi permissam fuisse, e VALERIO MAXIMO (a) & PLINIO (b) constat. Ast præcipue etiam fratribus id datum, ut a fratribus præteriti querelam inofficiosi instituere possent, & quidem jam pridem ante latam legem nostram & CONSTANTINI M. tempora. Auctor enim est VALERIUS MAXIMUS, (c) cui soli pæne, quæ de hujus querelæ antiquitate scimus, accepta ferimus, Pompejum Rheginum, virum transalpina regionis, quum testamento fratris præteritus fuisset, & ad COARGUENDAM INIQUITATEM ejus binas tabulas testamentorum suorum in comitio incisas, habita utriusque ordinis maxima frequentia recitasset, in quibus magna ex parte heres frater esset scriptus, prælegerenturque ei centies & sexagies sesterium, multum & diu inter adsentientes indignationi sua amicos quæstum, quod ad HASTÆ JUDICIUM attinuerit, cineres fratris quietos esse passum. Sensus est, Pompejum Rheginum, a fratre præteritum, Romam venisse, querelam inofficiosi instituturum: postea tamen, mutato consilio cineres fraternosturbare noluisse. Coarguere itaque testamenti iniquitatem idem est, ac inofficiosi querela agere. Hasta vero judicium non aliud est, quam judicium centumvirale, quemadmodum & centumviralem HASTAM cogere dicuntur.

(a) Valer. Max. lib. VII. cap. VII. §. IV.
& cap. VIII. §. II.

(b) Plin. lib. V. Epist. I.

(c) Val. Max. lib. VII. cap. VIII. §. V.

cuntur prætor & decemviri institibus judicandis apud SVETONIUM. (d) Jam equidem, quo tempore vixerit Pompejus ille Rheginus, vix constat. Attamen, quum ipse VALERIUS MAXIMUS imperante Tiberio floruerit, facile patet, trecentos minimum annos ante CONSTANTINI N. ætatem fratres jam consuevisse querela inofficiosi adversus testamenta fraterna experiri, adeoque hunc Imperatorem non primum fratribus hanc querelam permisisse. Id vero etiam ex ipso jure nostro constat. Dum enim ULPIANUS (e) ait, *omnibus, tam parentibus, quam liberis, de inofficioso licere disputare, cognatos vero proprios, qui sint ULTRA FRATREM, melius facturos, si se sumtibus inanibus non vexarent, quum obtinendi spem non habeant: satis superque indicat, fratribus suo ævo licuisse adversus testamenta fraterna de inofficioso disputare. Id quod etiam ex alio ULPIANI (f) textu elucet, in quo circa inofficiosi querelam plerumque evenire ait, ut in una eademque causa diversæ sententiæ proferantur, in ejusque rei exemplum addit speciem, si AGENTE FRATRE, heredes scripti diversi juris fuerint. Immo tanto minus mirandum, fratribus permissam esse inofficiosi querelam, quanto certius constat, veteri jure etiam amicis, bene de defuncto*

(d) Sveton. *Aug. cap. XXXVI.*

(e) Ulpian. *L. 1. D. de inoff. test.*

(f) Ulpian. *L. 24. D. cod.*

cto meritis, licuisse testamentum ejus, non quidem tamquam *inofficiosum*, sed tamquam *ingratum* coarguere, si personæ, nullo beneficio testatori cognitæ, heredes fuissent institutæ. VALERIUS MAXIMUS toto capite octavo agit de testamentis, *quæ rata manserunt, quum causas haberent, propter quas rescindi possent.* (g) Atqui iisdem accenset testamenta Q. Cæcili, qui, præterito Lucullo, bene de se merito, T. Pomponium Atticum heredem scripserat; (h) T. Marii Urbinatis, qui Augustum Imp. erga se beneficentissimum, præterierat, (i) L. Valerii Heprachordi, qui præteritis advocatis & patronis suis, togatum hostem, Cornelium Balbum, instituerat; (k) T. Barruli, qui Lentulum Spintherem, sibi familiarissimum, nulla ex parte heredem reliquerat, (l) & denique M. Popilii, qui Oppium Gallum, ab ineunte adolescentia sibi conjunctissimum, nulla hereditatis parte honoraverat. (m) Hos omnes ergo, licet extranei essent, rescindere testamenta potuisse, ait VALERIUS, si voluissent. Quod quo jure facere potuerint, nisi & amicis tum licuisset, inofficiosi querelam in-

(g) Valerian. Maxim. Lib. VII. cap. VIII. princip.

(h) Idem l. c. §. V.

(i) Idem §. VI.

(k) Idem §. VII.

(l) Idem l. c. §. VIII.

(m) Idem *ibid.* §. IX.

instituire, ego equidem non video. Enimvero postea, ut fit, multi ea querela abuti coeperunt, maximeque mali principes, qui non dubitarunt promiscue rescindere testamenta, in quibus ipsi nulla ex parte heredes scripti fuerant. Jam JULIUM CÆSAREM ejusmodi quid statuisse, ait NICEPHORUS CALLISTI. (n) Refert enim, illum lata lege cavisse, ut senatorius vir de bonis suis testari haut posset, nisi dimidiam eorum partem principi, qui eo tempore futurus esset, reliquisset. Sed qui in historia Romana non sunt plane hospites, id quidem sibi a NICEPHORO persuaderi haut patientur. Nondum eo tempore certa lege constitutum fuerat, ut respublica uni pareret perpetuo; nec tulisset id Cæsaris ingenium, ut actu ejusmodi tyrannico animi sententiam proderet. Procul dubio ergo NICEPHORUM Caji prænomen decepit, ut Cajum Julium Cæsarem in Caji Cæsaris locum substitueret. De eo enim SVETONIUS (o) refert, quod *testamento primipilariū, qui ab initio principatus Tiberii neque illum, neque se, heredem reliquissent, tamquam INGRATA resciderit*. Idem vero deinde sollemne fuit Neroni, de quo idem SVETONIUS: (p) *Instituit, inquit, ut INGRATORUM in principem testamenta ad fiscum pertinerent: ac ne impune*

(n) Niceph. Callist. *Hist. Eccl. libr. III. cap. XXXI.*

(o) Sveton. *Calig. cap. XXXVIII.*

(p) Sveton. *Neron. cap. XXXII.*

pune esset studiosis juris, qui scripsissent vel distassent ea. Denique & de Domitiano : (q) Confiscabantur, inquit, alienissima hereditates, vel existente uno, qui diceret, audisse se ex defuncto, quum viveret, heredem sibi Casarem esse. Quæ omnia quum iniquissima essent, meliores, qui sequuti sunt, principes, Trajanus puta, Hadrianus & Antonini querelam inofficiosi passim restrinxerunt. De Hadriano sane memoriz prodidit SPARTIANUS, (r) eum hereditates eorum, qui liberos haberent, respuisse, tantum abest, ut testamenta aliorum, in quibus ipse fuisset præteritus, tamquam ingrata resciderit. Idem procul dubio & successores fecerunt. Quo factum est, ut Alexandri Severi temporibus ab ULPIANO (s) traditum sit, ne cognatis quidem ultra fratres, nedum amicis & familiaribus licere de inofficioso disputare.

§. XIII.

Et hæc quidem de ipsa hujus querelæ origine & progressu monere visum est. Quum vero & vir doctissimus, JOANNES VAN DE WATER, (t) ex instituto hanc rem egerit: licebit jam ea, quæ ipsi in mentem venerunt, paullo accuratius expendere, ut, an acu rem semper tetigerit, eo clarius perspici possit. Primo ergo dum hujus

(q) Sveton. *Domit. cap. XII.*(r) Spartian. *vit. Hadr. cap. XVIII.*(s) Ulpian. *L. I. D. de inoff. test.*(t) Jo. vande Water *Observ. lib. I. cap. XI.*

hujus querelæ originem ad centumviros refert, mea quidem sententia, non parum errat. Quamvis enim centumviri de hereditatibus cognoscerent, non tamen licebat iis, tamquam iudicibus, novas actiones vel invenire, vel prætoris ad exemplum edictis proponere. Querela vera inofficiosa ab iis admissa est ideo, quod color, quo illam obducere solebant, efficeret, ut ex XII. tabulis fluere, aut saltem iisdem haut repugnare videretur. Addit equidem vir clarissimus, stante republica, fictum illum demeritiæ colorem nondum invaluisse, excogitatum quippe a jureconsultis, quos ætas Julii Cæsaris & Augusti admirata sit. Sed hæc quidem nullum, nisi in dicentis auctoritate, inveniunt præsidium: Unde enim didicit vir eruditissimus, ea demum ætate hunc colorem invaluisse? Sive ipsam querelam stante republica ignotam fuisse existimat, sive colorem hunc demum postea accessisse credit. Utrumque falsum esse adparet. Ad illud enim quod attinet, alia omnia jam supra ex CICERONE & VALERIO MAXIMO demonstravimus. Hoc vero si statuit VAN DE VVATER, scire velim, quo jure, salva lege XII. tabularum, hæc querela, libera adhuc republica, admitti potuerit? Accedit, quod ipse doctissimus auctor quartæ legitimæ originem cum CLAUDIO CHIFFLETIO, (u) JANO

▲ CO-

(u) Claud. Chifflet. *de legitimis personis*
Cap. III.

A COSTA, (x) & ANT. SCHULTINGIO, (y) ad legem Falcidiam refert, quam Cn. Domitio Calvino & C. Asinio Pollione Coss. anno U. C. ICCCXIV. latam esse, vel ex DIONE (z) constat. Si vero incunte Augusti principatu hæc quarta legitima invaluit, quid opus erat colore isto fictæ dementiæ? Cur post ea demum tempora de inveniendò isto laboraverint? quum longe expeditius liberis suppeteret agendi fundamentum, quod scilicet legitimam hereditatis paternæ portionem non haberent. Quare non præstitisse arbitror virum doctissimum, quod inscriptio istius observationis, ceteroquin eruditissimæ, promittit, siquidem de origine querelæ inofficiosi ejusque ætate vix quidquam, quod sit operæ pretium, attulit, & ubique conjecturas potius, quam argumenta vendidit lectoribus.

§. XIV.

Redimus jam ad querelam inofficiosi fratribus competentem, quam jam ante CONSTANTINI M. tempora usu frequentatam esse, supra demonstravimus. Jam scire nostra interest, quibus demum conditionibus a fratribus institui potuerit, & quid novi

(x) Jan. a Costa *ad princip. institut. de inoff. test.*

(y) Ant. Schulting. *Jurispr. antejustin.* pag. 381.

(z) Dio Cass. *Lib. XLVIII. p. 430.*

NOVI ea in re CONSTANTINI M. constitutione investum sit? Sunt, qui prælationem tantum turpium personarum ab hoc imperatore prohibitam existimant, quum ante hanc constitutionem contra quoscunque heredes extraneos agi a fratribus potuerit. Sed e VALERIO MAXIMO (a) constat, jam olim, libera adhuc rep. præcipue a centumviris quæsitum esse in hac causa, an persona humilis vel turpitudine insignis propinquis fuerit prælata. Hinc ubi de Pompeio Rhegino, inofficiosi querela contra fratris tabulas acturo, loquitur, statim addit: *Et erant ab eo instituti heredes, neque sanguine patrio pares, neque proximi, sed & alieni & HUMILES, ut non solum flagitiosum silentium, sed etiam PRÆLATIO contumeliosa videri posset.* (b) At postea non tam de vilitate heredum, quam statu eorundem quæri cœpit, si quando a fratribus de inofficioso disputaretur. Tum demum enim victoriam sibi spondere poterant fratres præteriti, si quis vel *servilis conditionis*, vel *non municeps* heres fuisset institutus. Discimus hoc ex fragmento PAULLI, (c) in quo primus JAC. GOTHOFREDUS (d) hæc antiqui juris vestigia notavit. Ait enim ibi jurecon-

sul-

(a) Valerius Max. *Lib. VII. Cap. VII. §. VI. & VII.*

(b) Idem *Lib. VII. cap. VIII. §. IV.*

(c) Paul. *L. 31. §. 1. D. de inoff. test.*

(d) Gothofr. *ad L. 1. C. Theod. de inoff. test. Tom. 1. p. 173.*

fultus: *Quantum ad inofficiosi liberorum vel parentum querelam pertinet, nihil interest, quis sit heres scriptus, ex LIBERIS, an EXTRANEIS, vel MUNICIPIBUS.* Quæ verba sià διασολὴν nihil indicant aliud, quam in fratrum querela permultum interfuisse, liberne, an extraneus vel municeps in tabulis heres scriptus fuerit. Fratribus ergo, ceu ex hac quantivis pretii lege adparet, anteferrinon poterant SERVI, etiam cum libertate instituti, tam levis quippe existimationis, ut non hominibus, sed rebus Mancipi, vel possessionibus accenserentur, (e) unde notum illud JUVENALIS: (f)

O demens, ita servus HOMO est?

Nec magis fratribus præferendi videbantur EXTRANEI; quo vocabulo quidem alias in jure nostro adpellantur, quicumque testatoris juris subiecti non sunt, vel certe, qui nullo ei cognationis vinculo juncti: (g) sed neutram tamen vocabuli notionem hic locum invenire arbitror. Quid enim opus erat monere, fratribus anteferripotuisseliberos suos? Aut si contra omnes, nulla propinquitate sanguinis junctos, querela hac experiri licuit fratribus, quid opus fuit, servos & non municipes separatim nominare, quum

(e) Ulpian. *Fragm. Tit. XIX. §. 1.* Bynkersh. *de rebus Mancipi & nec Mancipi Cap. V. p. 115. opusc.*

(f) Juvenal. *Sat. VI. v. 221.*

(g) Brisson. *de verb. Signif. voce Extraneus.*

quum utrique jam extraneorum nomine contineantur. Existimaverim itaque, *extraneum* hic a Paulo opponi municipi, eundemque adeo esse ac *non municipem*. *SEXTUS* enim *POMPEIUS*, (h) veterum verborum peritissimus, *EXTRARIUM* esse ait, qui *extra forum, sacramentum, jusque sit*, id est, qui nec eodem foro utatur, nec eidem municipali reip. sacramentum dixerit, nec denique particeps sit reliquorum ejusdem municipii jurium. *Extrarios* vero & *extraneos* in jure nostro promiscue usurpari, ex textibus constat quam plurimis. (i) Et alibi etiam in jure nostro *EXTRANET* sunt homines alterius provinciae, (k) ceu observavit *LUC. VAN DE POL*. (l) Ex quo satis patet, cur extraneis municipes opponat *Paullus*, negetque, fratres de inofficiosa disputare posse, nisi vel servus vel extraneus heres fuerit institutus: quum contra ea in liberis perinde fuerit, liberne an servus, extraneus an municeps, heres fuisset scriptus. Atque inde simul insignem lucem capit fragmentum *Ulpiani*, (m) ubi circa haec

que-

(h) *Sext. Pompeii de verb. veter. p. 1373, edit. Dion. Gothofr.*

(i) *L. 36. D. de bon. libert. L. 78. pen. D. de Legat. 2.*

(k) *L. 3. D. de Offic. praesid. juncta L. 18. D. de custod. & exhib. reor.*

(l) *Luc. vande Poll. de Exhered. cap. LXII. §. VI. pag. 441.*

(m) *Ulpian. L. 24. D. de querel. inoff.*

querelam plerumque evenire ais, ut in una
 atque eadem causa diversa sententia profe-
 rantur, additque exemplum, si FRATER
 agente, heredes scripti DIVERSE JURIS fuerint,
 tunc enim fieri: ut pro parte testatus, pro
 parte intestatus, decessisse videatur frater de-
 functus. Species enim, qua hæc lex illu-
 stranda, non alia est, quam si quis, fra-
 tre præterito, heredes quosdam servos,
 quosdam liberos, eosque alios extraneos,
 alios municipales instituerit. Tunc enim re-
 scisso testamento, pro ea parte, qua servi
 & extranei instituti, cadebat heredis insti-
 tutio; pro altera, qua liberi homines, ii-
 que municipales, scripti, rata ac firma ha-
 bebatur, adeoque testator pro parte testa-
 tus, pro parte intestatus, videbatur deces-
 sisse. Hoc est illud jus antiquum, quod
 proxime ante Constantinum circa querelam
 inofficiosi viguisse, accurate, ut solet,
 ostendit Gothofredus. Enimvero divortium
 ab hac opinione denuo facit JO. VANDE
 VVATER, (n) qui hæc omnia gratis a GO-
 THOFREDO tradi existimat. Præterquam e-
 nim, quod ex multis digestorum legibus
 (o) constet, fratribus nulla addita limita-
 tione querelam hanc fuisse permissam, an-
 te Constantinum M. nec e PAULI quidem
 & ULPANI textibus, quos Gothofredus ad-
 lega-

(n) Jo. vande VVater *Obs. lib. I. cap. XII.*
pag. 70.

(o) L. I. L. 6. *princ. L. 8. §. 5. D. de inoff.*
testam. L. 21. C. eod.

legavit, colligi posse existimat, fratribus tantum adversus servos & extraneos querelam competiisse, quandoquidem in posteriore alia species, ubi scripti heredes aliud atque aliud jus sortiantur, fingi possit, ex priorē vero nonnisi *ἐκ διαστολῆς* ratiocinetur GOTHOFREDUS, qualia argumenta in jure valde periculosa esse soleant. Sed vereor ut victas manus dare cogatur Gothofredus. Leges, quas allegat VATERUS, fratrum tantum obiter meminerunt, limitationem vero, qua eorum querela restringenda sit, neque addunt, neque aliquam fuisse negant. In LEGE XXIV. D. DE INOFF. TEST. speciem quidem aliquam fingi posse adfirmat, sed eam audire ego, quam fingere malim. *Multa*, inquit VATERUS, *accidere possunt, quibus heredes aliud atque aliud jus sortiri debeant. Fac, tribuna- lia centumvirorum divisa esse, & in illo fratrem agentem vincere, in altero succum- bere. Vid. Plin. 6. Epist. 33. uti hoc & similibus exemplis liquidum fecit Anton. Fa- ber. in Rationalib. ad h. l.* Sed fingamus, quod fingi vult VATERUS, divisa esse cen- tumvirorum consilia, in altero fratrem su- periores; in altero inferiores discedere: an ideo heredes scripti dici possunt *DIVER- SI JURIS*? Homines *diversi juris*, mea qui- dem sententia, non sunt, qui diversas sen- tentias in iudicio audiunt, sed qui non unius ejusdemque status sunt, adeoque ra- tione statuum illorum diversis jurebus ut- untur, v. c. servi ac liberi, extranei ac municipes, peregrini & cives. Quod ad

PAULI textum attinet, non ignorare quidem ait his sacris initiatos, argumenta ἐκ Διαβολῆς petita esse valde periculosa: sed aut non initiatus sum his mysteriis, aut argumentum ἐκ Διαβολῆς, si plura membra fingi nequeant, omnium firmissimum est. Hinc si quis dixerit: *in codicillis nihil interesse, testes sollemniter rogati sint nec ne*: ego quidem non video, quid periculi subfit, si ἐκ Διαβολῆς inde colligam, in testamento testes sollemniter esse rogandos, Suo ergo more & hic agit JO. VANDE VVATER, dum Gothofredum, argumentis firmissimis subnixum, folis conjecturis profligare contendit.

§. XV.

Jam facile adparebit, quid vel novi sanxerit, vel e veteri jure retinuerit Constantinus. Non enim tam novum jus invexit, quam vetus in usum revocavit. Quum enim proxime ante sua tempora solos servos & extraneos, id est, non municipales, fratribus anteferri haut posse intelligeret: maluit Imperator, ut secundum antiquam observantiam tum demum fratribus liceret defunctorum fratrum testamenta rescindere, si personæ, quibus iniustas esse constiterit turpitudinis notas, heredes scriptæ fuissent. Denuo hic in alia omnia discedit JO. VANDE VVATER, (p) existimans, jam olim fratribus germanis hanc querelam

(p) Jo. vande VVater *Observ. lib. XII. c. 2.*
p. 67.

Iam competiſſe, & competere etiamnum; ſive turpis, ſive alia quæcumque honeſta perſona fuerit heres ſcripta, adeoque hac in ſpecie nullum inter parentes, liberos & fratres germanos interceſſiſſe diſcrimen: Conſtantinum vero id juſ porrexiffe etiam ad fratres conſanguineos, ſed ita, ut iis non niſi ea lege hanc querelam conceſſerit, ſi turpis perſona illis fuerit prælata. Enimvero nec hac in re admittenda videtur viri eruditiffimi ſententia. In ipſa enim genuina Conſtantini M. epiſtola, quam ſupra e CODICE THEODOSIANO (q) protulimus, non conſanguineorum ſed germanorum fratrum fit mentio: *Fratres uterini*, inquit Imperator, *ab inofficioſi actionibus arceantur, & GERMANIS tantummodo fratribus adverſus eos duntaxat inſtitutos heredes, quibus inuſtas conſiſterit eſſe notas deteſtabilis turpitudinis, agnatione durante, ſine auxilio prætoris petitionis aditus referetur.* Jam equidem in aurem nobis dicit vir laudatiſſimus, per germanos hic ſignificari conſanguineos, ſeu eodem patre ſaltem progenitos, eamque notionem tum juris tum litterarum auctoribus frequentiffimam eſſe, e Cujacio, (r) JAC. GOTOFREDO, (ſ) & ECKIO (t) obſervat: verum, quamvis id

(q) L. I. C. Theod. de inoff. teſt.

(r) Jac. Cujac. Obſerv. lib. XI. cap. XXVI.

(ſ) Jac. Gothofred. ad d. L. I. Cod. Theod. eod. (t) Eck. in Princip. Pandect. ad tit. de grad. & ad fin. in fin.

id facile largiamur, nec negemus, vere consanguineos intellexisse Constantinum nemo tamen sibi æque facile persuadebit, hoc ambiguo vocabulo usurum fuisse imperatorem, si germanos a consanguineis distinguere voluisset. Germanos fratres ait de inofficioso disputare posse, si turpis persona fuerit instituta: uterinis vero id concedi posse, negat. Quis ergo ex his verbis eum sensum eliciet, germanos semper, uterinos nunquam; consanguineos, turpi duntaxat persona herede scripta, agere posse? Non ergo de discrimine germanorum & consanguineorum agit Imperator, sed germanorum nomine & germanos proprie sic dictos, & consanguineos complectitur, iisque querelam inofficiosi, more majorum, concedit, si turpis persona illis prælata fuerit. Id vero novum plane est, quod turpibus personis etiam levi nota adspersas, & libertinæ conditionis homines junxit: cujus rei quas rationes habuerit, eadem nobis cura in posterum dispiciendum videtur.

§. XVI.

Ut ergo de hac etiam questione differamus, ipsa hujus legis ratio non aliunde rectius, quam ex ipsius legis verbis, intelligi poterit. Genuina vero, quæ in CODICE THEODOSIANO (u) superest, Constantini M. epistola ea omnia fratribus tradi jubet,

QUE

(u) L. 3. Cod. Theod. de inoffic. testam.

QUE PER TURPITUDINEM AUT ALIQUAM LEVEM NOTAM CAPEERE NON POSSIT INSTITUTUS. EX his vero verbis. manifestum est, legem quamdam extitisse, qua cautum fuerit, ut personæ turpes, vel leviter saltem notatæ, incapaces quarundam hereditatum essent, & ad hanc ipsam legem respicere Constantinum. Non enim jubet, ut personæ turpes institutæ in posterum nihil capiant, fratre defuncti adhuc supersite: sed personas quasdam fratribus anteferri vetat, & eas quidem, quæ jam tum *per turpitudinem vel aliquam levem notam capere non possint*. Ex quo consequitur, ut legem aliquam, qua personæ ejusmodi ab hereditatibus quibusdam arcentur, in animo habuerit Constantinus. Idem ex altera quoque ejusdem epistola (x) colligitur, qua fratres de inofficioso disputare sinit adversus personas, QUIBUS INUSTAS ESSA CONSTITERIT NOTAS DETESTABILIS TURPITUDINIS. Quo loco vox *detestabilis* non aliud videtur denotare quam *intestabilis*. Hæc enim vocabula promiscue solent usurpari apud veteres. Quomodo vero constare potuit, personis quibusdam inustas esse notas detestabilis turpitudinis, nisi lex quædam hæc de re exstitisset? Atqui nulla umquam lex personas quasdam ob turpitudinem capere vetuit, quam PAPPIA POPPEA, in qua multa de solidi capacitate, maxime inter virum & uxorem, turpitudine aut levi nota insigni-

(x) L. i. Cod. Theod. de inoff. testam.

gnitam cauta fuerant. Quare ex ea demum
lucem foenerabimur legi Constantini.

§. XVII.

Scilicet antiquissimis temporibus, fluctuante adhuc inter patricios & plebem republica, non erat inter utrumque ordinem matrimoniorum communio. In ipsis enim XII. Tabulis lege cautum fuerat, PATRIBUS CUM PLEBE CONNUBII JUS NE ESSET. (y) Postea, quum plebs satis animadverteret, legem illam ad stabiliendum patriciorum dominatum dissociandosque civium animos unice esse comparatam: anno ab U. C. cccviii. inter tribunicios C. Canulejī tumultus lex perlata est, ut promiscua in posterum essent inter patricios plebemque conjugia. (z) Quamvis vero ex eo tempore, maxime, quum plebei honores, magistratus, sacerdotia patriciis extorsissent, satis frequenter gente sua enuberent patriciæ, nec raro patricii, & qui postea novum ordinem constituere cœperunt, senatorii viri plebejas domum ducerent: non ferebat tamen Romana gravitas, ut ingenuus sanguis servarum libertinarumque ut & turpium personarum commercio contaminaretur. Hinc ex LIVIO (a) discimus, Hispalæ Fecennia libertinæ sc. esse concessum, ut nubere posset ingenuo. Qualis s. e. sane.

(y) Dionys. Halic. lib. X. Ant. Rom. extremo.

(z) Livius lib. IV. cap. V.

(a) Livius lib. XXXVIII. cap. VI.

sane haut fuisset opus, si licita tum fuissent inter ingenuos & libertinas connubia. Enimvero ex quo inter civiles tumultus in pejus ire cœperat vetus Romanorum disciplina: eo sensim res redierat, ut & senatorii ordinis viri, nedum reliqui ingenui, libertinas, lenas, aliasque ex ultima fœce mulierculas ducerent. M. sane Antonio graviter id exprobrat CICERO, (b) quod in libertinæ hæserit amplexibus. *Sed hoc, inquit, a te commemoratum puto, ut te infimo ordini commendares, quum te omnes recordarentur LIBERTINI GENERUM, & liberos tuos nepotes Q. Fadii libertini hominis.* Quod exemplum quin plures alii tunc sequuti sint, dubitare nos haut patitur temporum illorum conditio.

§. XVIII.

Ne itaque in publicum dedecus vergeret illa nuptiarum licentia: Augustus primo quidem anno u. c. dccxxv. legem Juliam de maritandis ordinibus tulit, (c) quam ita describit HORATIUS: (d)

*Divus pròducas sobolem, patrumque
Prosperos decreta super jugandis
Feminis, prolisque nova feraci
Lege marita.*

Enimverò quum hanc legem iterum iterumque

(b) Cic. Philipp. II. cap. II.

(c) Dio Cass. lib. LIV. p. 608.

(d) Horat. Epod. XVIII. v. 17.

que tulisset Augustus, eamque, Svetonius (e) teste, præ tumultu recusantium perferre non posset, nisi demta lenitate parte poenarum, & vacatione triennii data, auctisque præmiis: demum anno 1000. lex perlata est, M. PAPIO MUTILO & Q. POPPEO SECUNDO (f) COSS, ex Ral. Jul. suffectis, ceu marmora capitolina apud STEPH. VIN. PIGHIUM (g) ostendunt, unde ea lex PAPIA POPLOEA; &, quia simul lex Julia de maritandis ordinibus in illam migraverat, JULIA & PAPIA dicta est. Ea itaque cautum est inter cetera, *ut omnibus ingenuis, præter senatores, eorumque liberos, libertinam uxorem habere liceret.* (h) Ceterum ipsa legitima hujus capituli verba partim PAULLUS (i) servavit, partim ex aliis auctoribus restituit GOTHOFREDUS, (k) ex iisque intelligimus, I. senatoribus eorumque filiis, nepotibusque ex filio, pronepotibusque ex nepotibus filio natis interdictum esse conubio cum libertinis, iisque, quæ ipse, quarumve pater materve artem ludicram faceret fecerit, ut & earum, quæ palam quæ-

(e) Sveton. *August. cap. XXXIV.*

(f) Non Secundo sed SECUNDINUS vocatur in numis apud Hub. Golz. *Fast. Cons. & triumph. p. 229. & sequ.*

(g) Pigh. *Annal. Rom. p. 19.*

(h) Dio Cass. *lib. LIV. p. 608. Caius L. 22. D. de nupr.*

(i) L. 44. *D. de ritu nupr.*

(k) Gothofred. *Leg. Pap. Popp. p. 27.*

quæstum corpore facerent fecerint. Deinde ex iisdem fragmentis discimus II. senatorum filias neptesque ex filio, proneptesque ex nepotibus filio natis, per hanc legem nubere haut potuisse libertinis, iisque, qui ipsi, quorumve pater materve artem ludicram facerent fecerint. Denique III. eadem lex reliquis ingenuis libertinas quidem uxores permittebat, (id quod DIONE (1) teste ideo tum e republica visum est, ὅτι πλεῖον τὸ ἀρρεν τῷ θήλειῳ τῷ δ' ἄλλῳις ἰσὶ : quoniam masculi ingenui numerum ingenuarum feminarum multo antebant,) iisdem tamen interdicebat nuptiis cum lenis, a lenone lenave manumissis, iudicio publico damnatis, in adulterio deprehensis, & si quæ artem ludicram facerent fecerint. (m) Licebat ergo ex eo tempore ingenuo etiam minori libertinam uxorem ducere, quin & matrimonii causa ancillam manumittere. Quod jus non e lege Ælia Sentia, ceu ex male intellecto INSTITUTIONUM loco (n) vulgo colligunt, sed ex sc. quodam, ad legem Papiam Poppæam confecto, (o) profectum est. Hinc ex eo tempore non pauca ex-

(1) Dio Cass. lib. LIV. pag. 604.

(m) L. 43. de ritu nupt.

(n) §. 5. Inst. qui & ex quib. caus. manum. non licet.

(o) Tempore Legis Ælia Sentia lata nondum libera erant inter ingenuos & libertinas matrimonia. Ex SC. quodam id jus esse, patet. ex L. 13. fin. D. de manum. vind.

exstant vetusta marmora, in quibus hæc & similia legimus : (p) SALVIÆ NYMPHIDIÆ LIBERTÆ SUÆ ET CONJUGI OPTIMÆ B. M. DE SE & L. item : SEPTIMUS JULIANUS CONJUGI & LIBERTÆ KARISSIMÆ. item L. ÆBUTIUS FELIX FECIT SIBI ET HELPIDI LIB. CONJUGI KARISSIMÆ. Enimvero non omnibus promiscue libertinis jungi ingenuos volebant Romani. Hinc tamen patronus honeste duceret libertam : tantum tamen abest, ut liberto licuerit patronæ, patronive uxoris vel filiæ adfectare nuptias, ut potius, si id conatus esset, pro dignitate personæ metalli poena, vel operis publici, PAULLO (q) teste, coerceretur, nisi forte ipsa personæ vilitas hanc severitatem videretur dissuadere. (r) Multo minus ingenuis viris ducere licebat *lenas*, ipsa quæstus turpitudine infames, *a lenone lenave manumissas*, quippe quæ quæstum corpore fecisse & publicæ patuisse libidini præsumebantur, *publico judicio damnatas, vel in adulterio deprehensas*, quibus ne mica quidem existimationis supererat, & *qua denique artem ludicram vel facerent in præsentem, vel olim fecissent* : nam & hunc quæstum tanquam turpem & honestis feminis indignum adspersatos esse Romanos, vel e CORNELIO NEPOTE (rr) discimus.

§. XVIII.

-
- (p) Reines. *Inscript. pag. 150 CCLIX. n. 13 1. p. 150 CCLX. & 150 CCLXXIII.*
 (q) Paull. *Recept. Sent. lib. II. Tit. XIX. §. IX.*
 (r) Papinian. *L. 13. D. de ritu nupt.*
 (rr) Corn. Nep. *præfat. §. IV. V.*

§. XVIII.

Quum vero lex, sanctione poenali haut munita, imperfecta sit, (f) poenas haut leves illis minatus lex PAPIA POPPEA, qui se ejusmodi personarum connubio commercioque polluerent. Præterquam enim, quod liberi, ex ejusmodi matrimonio quæriti, native sui heredes non essent, (t) nec parentibus prodesse ad consequenda fecunditatis præmia: (u) ipsi etiam conjuges neque hereditatem, qua eis lege obvenisset, neque legatum, neque inter se quidquam capiebant. Qua de re præclarus existat ULPIANI (x) locus, quem, quia ad interpretandam legem nostram egregie facit, integrum adscribere juvat: *Aliquando nihil inter se CAPIUNT conjuges: id est, si contra legem Juliam Papiamque Poppeam contraxerint matrimonium, verbi gratia, si FAMOSAM quis uxorem duxerit, aut LIBERTINAM senator.* Nec inter se tantum nihil capiebant conjuges ejusmodi impares, ceu ex ULPIANO quis posset colligere, sed ne hereditates quidem legitimas, & legata, ab aliis sibi
 reli-

(f) Ulpian. *Fragm. Tit. I. §. I.*

(t) Paull. *Recept. Sentent. libr. IV. Tit. VIII. §. IV.*

(u) *Lib. XXXVII. §. VII. Dig. de oper. lib.*

(x) Ulpian. *Fragm. Tit. XVI. §. II.*

Hein. Opusc. Var. Pars I.

relicta, accipiebant, ut ex fragmentis quibusdam veterum jureconsultorum (y) acute colligit JAC. GOTHOFREDUS. (z)

§. XX.

His ergo præmissis, jam non adeo difficile explicatu videbitur, quales in lege nostra sint personæ, quæ per TURPITUDINEM, aut ALIQUAM LEVEM NOTAM CAPERE NON POSSUNT? Non aliæ videlicet, quam quas lex PAPIA POPPÆA notaverat. Per *turpitudinem* capere non poterant personæ, quarum a nuptiis quosvis ingenuos abstinere oportebat: unde ab ULPIANO etiam FAMOSÆ appellantur. Propter *aliquam vero levem notam* omnes illi, quibus senatores senatorumque filii & filiæ honeste jungi non poterant. Jam pridem enim inter infamiam vel turpitudinem, & levem notam, discrimen statuerant Romani. Accurate illud observat NEPOS, (a) dum ait: *qua omnia apud nos partim INFAMIA, partim HUMILIA, atque ab honestate remota ponuntur*: ubi humile nihil aliud quam levem notam significare, ex antecedentibus verbis ubi de mulieribus, artem ludicram facientibus, loquitur, clarissime adparet. Eodem modo distinguit ULPIANUS: (b) *Si persona honesta sit, remissa*

ti-

(y) Lib. 130. D. de verb. signif. L. 79. D. de acqu. hered. L. 38. D. de mort. caus. don.

(z) Jac. Gothofr. Leg. Pap. Popp. cap. IV. pag. 276.

(a) Nep. Pref. §. V.

(b) L. 5. §. 1. D. de legit. tutor.

ritur ei satisfactio, & maxime si substantia modica sit: si autem patroni persona VULGARIS vel MINUS HONESTA, sit, ibi dicendum est, satisfactionem locum habere. Hic quoque personæ minus honestæ sunt infames; vulgares leviter notæ. Alia exempla addere nihil attinget. Provide ergo Augustus ingenuos infamibus; senatores & senatorum posteros humilibus, vulgaribus vel leviter notatis jungi prohibuit. Et hi ipsi sunt, quos *per turpitudinem vel levem notam capere non posse* ait CONSTANTINUS, quosque ideo & fratribus anteferri vetat.

§. XXI.

Per turpitudinem ergo capere haut poterant LENÆ, ac, quod par ratio exigit, LENONES, qui mulieres quæstuaras prostituebant, (c) sive per se, sive alterius nomine id vitæ genus exercerent, (d) sive principaliter hunc quæstum facerent, sive cautionam exercentes corpora quæstuararia in tabernis haberent. (e) Hos enim omnes infamia jam prætor notaverat. (f) Et quid quæso eo hominum genere turpius? quid ad omne scelus proclivius? quibus fraudes, perjuria, pestilentissimæque libidines ludus & locus erant? Omnes sane, quibus aliquis honestatis sensus erat, ab hæc execranda civitatis sentina abhorrebant; cen
vel

(c) L. 42. §. 7. D. de rit. nupt.

(d) L. 42. §. 8. D. eod.

(e) L. 43. §. 9. D. eod.

(f) L. 1. D. de his qui not. infam.

vel ex illis parasiti verbis apud PLAUTUM (g) adparet:

Idem genus est lenonum inter homines, meo quidem animo,

Ut musca, culices pedesque pulicesque, cimices.

Odio & malo & molestia; bono usui estis nulli.

Nec vobiscum quisquam in foro frugi consistere audet,

Qui consistit, culpant eum, consputatur, vituperatur.

Eum rem fidemque perdere, tamen si nihil fecit, ajunt.

Eodem loco habebantur a LENONE vel LENA MANUMISSE, quum & has non modo servilis conditio dehonestare, sed & publicæ libidini prostitutas fuisse, verosimillimum videretur. Quin tanto magis intererat rei publicæ, mulieres, e lupanari prodeuntes, infamia notari, quo sollemnius erat adolescentibus, amicas vel vi, vel pretio, a lenonibus abducere, easque, tamquam ingenuas uxores, sibi deligere. Hæ enim fraudes tam erant Romæ frequentes, ut vix fabulam excogitarent comici, in qua non fallacia ejusmodi poneretur ob oculos. Unde PLAUTUS: (h)

Spe-

(g) Plaut. *Curcul. Act. IV. Scen. II.*
v. 12.

(h) *Capriv. Act. V. Scen. IV. v. 1.*

Spēctatores, ad pudicos mores facta hac fabula est.

Neque in hac subagitationes sunt, ullave amatio,

Nec pueri suppositio, nec argenti circumductio.

Neque ubi amans adolescens SCORTUM LIBERAT, clam suum patrem.

Hujusmodi PAUCAS reperiunt poeta COMEDIAS.

Quamvis enim comici Græcorum potius, quam Romanorum, res in fabulis ob oculos posuerint: soliti tamen sunt ejusmodi præcipue vitia producere in scenam, quæ Romæ erant frequentissima, & oblique notare mores Romanorum, in pejus ruentes, adeo ut sæpe ad antiquæ comœdiæ licentiam adsurgerent, ceu vel e BACCHIDE PLAUTI (i) constat, & jam a JUL. CÆS. SCALIGERO (k) præclare est observatum.

§. XXII.

Porro & JUDICIO PUBLICO DAMNATAS, & IN ADULTERIO DEPREHENSAS, infamia notat lex Papia Poppæa. Et de prioribus quidem jam Prætor (l) ita edixerat: *Qui in JUDICIO PUBLICO calumnia, pravaricationisve causa quid fecisse judicatus erit, infamia notatur.* Enimvero longius progressus Augustus, etiam adulterii aliorumque crimi-

mi-

(i) Idem *Bacchid. Act. IV. Scen. III.*

(k) Scalig. *Poet. lib. I. cap. VIII. p. 32.*

(l) L. 1. D. de his qui nor. infam.

minum publicis judiciis damnatas infames esse iussit, & non solum, qui ipsas uxores scientes duxerint, lege Julia de adulteriis teneri voluit, (m) verum etiam ingenuo copulatas quidquam capere vetuit lege Pappia Poppæa: id quod deinde sc. etiam ad alias mulieres, a senatu damnatas porrectum est. (n) Quin tanta severitate adulteras persequutus est Imperator, ut & in adulterio deprehensas, quamvis nondum sententiam passas, immo quamvis absolutas, infames haberi, nuptiarumque & hereditatum incapaces esse iusserit. (o).

§. XXIII.

Præterea his accensentur, QUÆ ARTEM LUDICRAM FACIUNT, FECERUNT. Artem vero ludicram facere dicebantur, quotquot operas in scenam saltandi gesticulandique causa locaverant, vel etiam extra scenam fuerant gesticulati, (p) quales erant mimi, histriones, pantomimi, ὀρχησται, arenarii, de quibus jam ab aliis (q) tam copiose actum, ut actum agere non vacet. Neque tamen in eundem censum referebantur, qui privatos ludos agebant, (r) nec athletæ, thy-

(m) Brissou. *ad Leg. Jul. de adult.* p. 114.

(n) Ulpian. *Fragm. Tit. XIII.* §. 11.

(o) L. 43. §. 12. *D. de rit. nupt.*

(p) L. 2. ult. *D. de his qui not. inf.* L. 10. §. ult. *D. ad L. Jul. de adult.* (q) Vid. Torrent. *ad Svet. Aug. cap. XLIV.* Brissou. *de jure connub.* p. 250. sequ. (r) Petr. Fab. *Semest. lib. I. cap. XX.* p. 115.

thymelici, xystici, agitadores, & qui aquam equis refocillandorum eorum causa, spargebant, ceterique omnes, qui ludis sacris in deorum honorem inserviebant, itemque designatores, quos *σπαρδῶτας* adpellabant, quippe quos omnes jam prætor infamia exemerat. (f) Sed & Atellanarum actores artem ludicram facere haud videbantur, siquidem oscum illud ludorum genus jam inde ab antiquissimis temporibus juvenus Romana tenuerat, nec passa erat illud ab histrionibus pollui. De quo ludorum genere a Briffonio, (t) Scaligero, (u) Turnebo (x) aliisque accuratius actum est. Reliqui omnes, in scenam prodeuntes, tamquam infames tribu movebantur, ceu ex Cornelio nepote, (y) Tertulliano, (z) Arnobio, (a) Augustino (b) aliisque discimus. Ad mulieres in primis quod attinet, eas, ubi mercede conductæ in scenam prodierant, infamia notari cœpisse, eo minus mirum est, quo certius constat, ejusmodi mulierculas præter artem ludicram etiam quæstum corpore facere consue-

(f) L. 2. *de his qui not. inf.*

(t) Briffon. *de jure connub.* p. 251.

(u) Scalig. *Art. Poet. lib. I. cap. VIII. p. 33.*

(x) Turneb. *Advers. lib. III. cap. XVII. & lib. X. cap. XXVII.*

(y) Nep. *pref. §. 5.*

(z) Tertull. *de Spectac. cap. X.*

(a) Arnob. *adv. gent. lib. VII.*

(b) Augustin. *de Civit. Dei lib. II. cap. XIII.*

fuevisse, idque tam impudenter, ut, quod a LIPSIUS (c) primum observatum est, transactis fabulis promiscue viris succumberent. Quo pertinent illa PLAUTI: (d)

*Ea invenietur & pudica, & libera,
Ingenua Atheniensis, neque quidquam stupri*

Faciet profecto, in hac quidem comœdia.

Mox hercle vero post, TRANSACTA FABULA,

Argentum si quis dederit, ut ego suspicor,

Ultro IBIT NUPTUM, non manebis auspices.

§. XXIV.

Et hæ quidem personæ famosa dicuntur ULPIANO. *Leviter notata videbantur*, quorumcumque connubium indignum senatoria dignitate videbatur. Sic quum ipsi mimi, pantomimi, ὀρχησαί, histriones, infames essent: levi nota insigniti videbantur eorum liberi, quorum a nuptiis non quidem plebejis, sed senatoribus abstinendum erat ex lege Papia Poppæa, siue suæ essent hæ personæ, siue emancipatæ, siue naturales siue adoptivæ. (e) Deinde ejusdem commatis habebantur, QUÆ PALAM QUÆSTUM CORPORE FACIUNT FECERUNT, id est, meretrices, siue se in lupanari pro-

(c) Lipsi. *Elect. lib. I. cap. XI.*

(d) Palut. *Casin. Prolog. v. 31.*

(e) L. 44. §. 2. 3. 4. *De de ritu nupt.*

prostituissent, sive in taberna cauponaria.
 (f) Et quamvis earum tantum lex faciat mentionem, quæ quæstum ea turpitudine fecerint: parum tamen interesse videbatur jureconsultis, quæstumne ea libidine revera fecissent, an gratis succubuissent viris.
 (g) Quin tametsi aliqua paupertatis obtentu in eam turpitudinem incidisset, (h) posteaque rediisset ad frugem: (i) tamen ne sic quidem aboleri videbatur pristina turpitudinis nota. Nemo vero, cui res Romanæ non plane ignotæ sunt, mirabitur, gentem profano cultui deditam, tantam meretricibus notam inussisse. Romæ scilicet extra pœnas legum civilium erat, publice prostituere corpus, dummodo mulierculæ impudicæ quæstus illius fœditatem profiterentur apud Ædiles, quorum curæ etiam fornices, popinæ, cauponæ, aliæque Bacchi Venerisque palæstræ erant demandatæ, seu luculenter ostendit Læsius. (k) Facta hac professione, impune se prostituiebant feminae, neque opus ulla acriore pœna videbatur, quum pœnas omnes ipsa ignominiosa illa flagitii professio superaret. Hinc eleganter TACITUS: (l) *Vistilia*, inquit, *prætoria fami-*

(f) L. 43. pr. D. de rit. nups.

(g) L. ead. §. 3. D. eod.

(h) L. ead. §. 4. eod.

(i) L. 43. §. 4. D. de rit. nups.

(k) Lips. *Excess. ad Tacit. Annal. lib. II. cap. LXXXV.*

(l) Tacit. *Annal. lib. II. cap. LXXXV.*

familia genita licentiam stupri apud Aediles vulgaverat, MORE INTER VETERES. RECEPTO, qui satis poenarum adversus impudicas in ipsa professione flagitii credebant. Quam ignominiosa enim visa sit hæc quaestus meretricii professio, vel inde patet, quod, antequam ea fieret, nomina mutare solerent: ad quem morem respicit PLAUTUS: (m)

*-- Quum huc advenisti in ipso tempore
Namque hodie earum MUTARENTUR NO-
MINA,
Facerentque indignum genere quaestum cor-
pore.*

*Quem locum præclare illustrarunt ALCIA-
TUS, (n) DUNANTIUS, (o) TAUBMANNUS.
(p) Si qua vero mulier Romæ corpus ve-
nale haberet, cujus nomen in illo albo
haut exstaret, eam Aediles. deferrebant ad
populum, ejusque suffragiis vel multa vel
exilio plectebant, ceu exempla docent apud
LIVIUM. (q) At gliscente malo, & femi-
nis etiam illustribus ad evitandas adukerii
poenas licentiam stupri profitentibus, pri-
mus Tiberius, teste TACITO, (r) Senatus
consultum fieri iussit, ne quaestum corpore fa-*

(m) Plaut. *Poenul. Act. V. Scen. III. v. 19.*

(n) Alciat. *Parerg. cap. X.*

(o) Donant. *Variar. lib. I. cap. II.*

(p) Taubmann. *ad Plauti loc. alleg.*

(q) Liv. *lib. X. & lib. XXV.*

(r) Tacit. *loc. cit.*

erret, cui avus, aut pater aut maritus eques Romanus fuisset. Idem imperator feminas famosas, quæ, ut ad evitandas poenas iure ac dignitate matronali solverentur, lenocinium profiteri cœperant, ne quod refugium in tali fraude cuiquam esset, exsilio multavit, ut memoriæ a SVETONIO (f) proditum est. Ex quo loco insignem lucem capit textus PAPINIANI, (t) in quo ad sc. illud respicitur. Postea quum sub malis principibus denuo invaluisset lenonum, meretricum atque exoletorum vestigal: Alexander Severus id sacro ærario inferri vetuit. (u) Tacitus vero Imp. prisca severitate usus, teste VOPISCO, (x) *meritoria intra urbem stare plane prohibuit*. Tanta ignominia Romæ manebat mulieres, quæ quæstum facere non dubitarent. Accedebat & aliud dedecus. Quum enim, facta hęc professione, JURE AC DIGNITATE MATRONALI, ut SVETONIUS (y) loquitur, EXSOLVERENTUR mulieres: oportebat eas & cultum matronalem cum habitu meretricio mutare, quo facilius eas ipse externus habitus ab honestis feminis sejungeret. Hinc *meretricia vestis* meminit ULPIANUS, (z) eamque ma-

tro-

(f) Sveton. *Tiber. cap. XXXV.*

(t) Papinian. L. 10. §. 2. D. ad Leg. Jul. de adult.

(u) Lamprid. *Alex. Sev. cap. XXIV.*

(x) Vopisc. *Tacit. cap. XI.*

(y) Sveton. *loc. cit.*

(z) Ulpian. L. 15. §. 15. de injur.

gronali pariter ac *ancillari* opponit: & TERTULLIANUS (a) conqueritur de inclinata temporum suorum disciplina, quibus nulla lex amplius istas publicarum libidinum victimas a matronis & matronalibus decoramentis coerceat. Habitus vero ille meretricius, ceu a LIPSIO, (b) BRISSONIO (c) aliisque observatum, in eo consistit, quod probrosæ feminæ, posita instita ac stola, togam meretriciam sumere cogerentur. Huc enim pertinent illa JUVENALIS: (d).

--- *Carfinia talem*

Non sumes damnata TOGAM.

Nec non illa HORATII: (e).

--- *Quid inter-*

Est in matrona, ancilla, peccesue TO-
GATA.

Ubi *togatam* pro meretrice poni, jam ab ACRONE scholiasta notatum est. Denique & MARTIALIS (f) in hanc togam ita ludit:

Coccina famosa donas. & cantina moecha

Vis dare, qua meruit, munera? mitte
TOGAM.

Quum ergo tam ignominiose Romæ habitæ sint mulieres, quotquot venalem habere pud-

(a) Tertullian. *de cultu mulier.* cap. XII.

(b) Lipi. *Exc. ad Tacit.* p. 1176.

(c) Brisslon. *Antiq. Rom. Select.* lib. I. cap. IV.

(d) Juvenal. *Satyræ* II. v. 69. 70.

(e) Horat. *Serm. lib. I. Satyr. II.* v. 63. & 82.

(f) Martial. *Lib. II. Epigr.* XXXIX.

puđicitiam non dubitabant, quum tamen stuprum extra legum civilium poenas esset: facile patet, cur iis levem saltem notam inuissit lex PAPIA POPPEA.

§. XXV.

Eadem levis notæ macula hæere videbatur LIBERTINIS, siquidem & cum his Senatoribus nulla erat communio. Quamvis enim post leges Æliam Sentiam & Juniam Norbanam non esset una omnium libertinorum conditio, siquidem alii Quiritium, alii latinorum in colonias deductorum (g) jura manumissione adspirabant, solisque de dititiis ex stigmatibus & suppliciis in servitute inflictis aliquid maculæ hæere videretur: existimabant tamen Romani, libertinos in universum omnes ex pristina servitute vitii & maculæ quidquam trahere, quod existimationem eorum integram esse haut pateretur. Hinc PLINIUS (h) Palantem, quamvis summis honoribus in palatio, ipsisque prætoriiis ornamentis decoratum a Senatu, *fastidiosissimum mancipium* adpellat, eique *honesto loco natos* opponit. Eadem de causa nec in Senatum legi, (i) nec

(g) Ulpian. XLX. 4. *Fragm. Reg. ex veteri jure consulto* n. VIII. p. 805. edit. Schultingii. *Conf. Ez. Spanh. Orb. Rom. Exerc. I. §. IX. & Antiqu. Rom. Præsidis. lib. I. Tit. IV. & N. §. XIV. pag. 120. & Adpend. lib. I. §. CXXII. p. 391. Tom. I.* (h) Plin. *lib. VIII. Epist. VI.* (i) *Vid. Gothofr. ad L. 3. Cod. Theod. de libert. Tom. I. p. 372.*

nec ad honores & militiam palatinam admitti poterant libertini. (k) Quin opus iis erat, *restitutione natalium*, vel, ut JUSTINIANUS (l) vocat, τὸ τῆς παλιγγενεσίας δῶγμα, quod beneficium consequuti, *perinde habebantur, ac si ingenui facti, medio tempore MACULAM SERVITUTIS non sustinuissem*, ceu loquitur MODESTINUS. (m) Ex quo simul patet, non ad liberationem tantum ab operis atque obsequiis patrono exhibendis, uti vulgo existimant, sed ad maculæ illius, quæ ipsis ex pristina servitute hæreere videbatur, abolitionem pertinuisse hoc beneficium, adeoque libertinæ conditionis hominum non integram fuisse existimationem, qua soli ingenii Romæ gaudebant.

§. XXVI.

Jam satis ex his constare arbitror, quanam sint illæ personæ, quas PER TURPITUDINEM VEL LEVEM NOTAM CAPERE NON posse, ait CONSTANTINUS. Sed quid, inquis, legi nostræ cum Papia Poppæa commercii? Finge conjuges, qui contra hanc legem inierant matrimonium, nec inter se quidquam nec ex testamento extraneorum capere potuisse: quid hoc ad querelam inofficiosi, fra-

(k) Lips. *ad Tacit. Annal. lib. XI. p. 183.*
 Spanh. *Orb. Rom. Exerc. §. IX. p. 21. L. 3.*
 C. Th. *de libert.*

(l) Nov. LXXVIII. cap. I.

(m) Modestin. L. 5. D. *de natal. restit.*

fratribus a CONSTANTINO permissam? Sed salva res est. Lex Papia Poppæa, ad locupletandum ærarium, ut TACITUS (n) ait, comparata, mirum in modum semper placuit principibus Romanis, adeo ut nulla temere lex pluribus sc. & constitutionibus principum firmata sit, quam illa de maritandis ordinibus. Sed paullo ante CONSTANTINI ætatem a veteri illa disciplina fuerat descitum, eoque sensim processerat non civium tantum plebejorum, sed & illustrium, impudentia, ut vilissimis se matrimoniis polluere haud dubitarent. Hinc summi etiam viri uxores ducebant lenas, meretrices, mulieres scenicas, libertinas, de furo. & lacu redeuntes; & vicissim mulieres summo loco natæ in libertorum fervorumque amplexus ruebant, ceu e binis CONSTANTINI constitutionibus constat, quarum altera anno cccxx. mulieres servili amore bacchantes coercet: (o) altera, xvi. annis post edita (p) legem Papiam Poppæam revocat in usum, & non solum Senatoribus, verum etiam viris perfectissimis, ipsisque duumviris & Phœniciarchis ac Syriarchis, nuptiis ejusmodi indecoris miræ severitate interdicit: quibus legibus profecto

(n) Tacit. *Annal. lib. III. cap. XXVIII.*

(o) L. un. C. de mul. qua se propr. serv. junx. edita non anno CCCXXVI. ut in *Codic. Justiniano* est, sed anno CCCXX. Vid. Gothofr. *Chronolog. Leg. C. Theod. præmissa ad h. ann.* (p) L. I. C. de natur. lib.

fecto haut fuisset opus, nisi tum frequentissima esse coepissent indecore ejusmodi nuptiæ. Hos ergo famosos conjuges susceptosque ex illis liberos heredes deinde instituebant ex asse, ceu ex constitutione paullo ante laudata (q) patet. Jam quidem adversus has fraudes satis præsidii erat liberis legitimis & parentibus, quibus jam ab antiquissimis usque temporibus licuerat querela inofficiosi adversus quoscumque experiri, si portio illis legitima deesset. Verrum fratribus nullum erat jus rescindendi ejusmodi tabulas, nisi vel servus, vel non municeps, seu extraneus, fuisset heres institutus. Hæc ergo animadvertens **CONSTANTINUS**, fratribus hac lege consulere decrevit, iisque concessit inofficiosi querelam, si heredes fuissent scripti, qui ex lege **Papia Poppæa** **PER TURPITUDINEM** vel **LEVEM NOTAM** CAPERE haut possent, id est, lenones, lenæ, a lenone vel lena manumissæ, iudicio publico damnati in adulterio deprehensi, qui quorumve parentes artem ludicram fecerint, quæ quantum corpore fecerint, ac denique libertini ac libertinæ. Quod vero non speciatim conjugum; sed in universum turpium personarum meminit Imperator, illud ideo factum est, quod non temere videretur contingere posse casus, quo quis personam infamem, & nulla sibi consuetudine venerea cognitam, prætermisiss fratribus, heredem scriberet.

§. XXVII.

(q) *L. un. de mut. qua se propriis serv. junx.*

§. XXVII.

Hæc est nostra de sensu legis CONSTANTINIANÆ sententia, cui profecto inde etiam haut parum ponderis videtur accedere, quod antiquissimi interpretes easdem pæne personas, quæ ex lege Poppæa capere per turpitudinem non poterant, in hac lege intelligi docuerunt. THEOPHILUS (r) sane, explicaturus, quales sint illæ personæ turpes levisque notæ macula adspersæ: Αἰελοφὴ δ', inquit, καὶ ἀδελφὸς ἀνατρέψας τιμωρικῶς καὶ τὴν τελευτήσαντα διαθήκην, τὴν σκλήρων προτιμάρηται, ὡς καὶ αἰσχρὸν ἐπέχουσιν οἱ γεγραμμένοι πρόσωπον, οἷον ὡίοχοι, μίμοι, κυνηγοὶ, καὶ οἱ ἀπὸ αἰσχρῆς μίξεως ἐγνωσμένοι, τὸτο γὰρ ταῖς δέαις πεφύκεται διατάξεσι. Porro soror & frater tum demum testamentum defuncti subvertunt, quasi scriptis heredibus a jure prælati, quum heredes instituti turpes personas sustinent, ut AURIGÆ, MIMI, ARENARIJ, & hi, QUORUM FAMILIARITAS EX TURPI CONSUETUDINE CONFLATA EST. Sic enim id sacris constitutionibus expressum est. Eodem modo legem nostram interpretatur CONST. HARMENOPULUS: (1) Οἱ δ' ἐκ πλαγίας, ὡς καὶ μόνον αἰσχρὸν ἐπέχουσιν οἱ γεγραμμένοι κληρονόμοι πρόσωπον, ὡίοχοι τυχόν ὄντες, ἢ μίμοι, ἢ κυνηγοὶ, ἢ ἀπὸ αἰσχρῆς μίξεως ἐγνωσμένοι. At qui ex transverso sunt, tum demum, quum turpem scripti heredes personam sustinent, quod forsan AURIGÆ, MIMI aut

ARE-

(r) Theoph. ad princ. Inst. de inoff. test.

(1) Harmenop. Promptuar. lib. V. Tit. V. §. 11.

ARENARIÏ, GLADIATOREVE *sint*, aut ex TURPI
 CONSUETUDINE *contracta familiaritas*. Omisit
 uterque libertinos, de quibus tamen,
 quum eorum in lege ipsa diserte fiat men-
 tio, non multum laborabimus. Habemus
 vero hic eos, *qui artem ludicram faciunt*,
 id est, mimos, aurigas, arenarios, quos
 CONSTANTINUS quoque in constitutione, qua
 legem Papiam confirmat, (t) eodem fere-
 modo conjunxit. Habemus *lenones, lenas,*
a lenonibus manumissas, vel, uti CONSTAN-
 TINO in eadem lege vocantur, *tabernarias,*
& qua quastum corpore fecerint. Has enim ones
 probrosas feminas hic τὰς τῶν αἰχμῶν μι-
 ξτῶν ἐργασίας vocari facile patet. Quin
 ex eadem phrasi non obscure patet, ad
 turpes cum ejusmodi personis conjunctio-
 nes, quas ipsas lex Papia Poppæa cercue-
 rat, hic respici. Non multum ab his Græ-
 cis interpretibus abit vetus Latinus, (u)
 qui CODICEM THEODOSIANUM illustrare stu-
 duit, & GOTHOFREDO (x) observante,
 nonnumquam rem acu tetigit felicissime.
 Hic enim legi nostræ hoc quantivis pretii
 scholion adjecit: *Germanis fratribus præ-*
termiſſis, id est, uno patre natis, si turpi-
bus personis, id est, infamibus, fuerit here-
ditas derelicta, hoc est, aut pro libidine ME-
RETRICIBUS, aut pro inhonesto affectu NATU-

RA-

(t) L. un. C. de mul. qua se propr. serv.

(u) Interpret. vetus L. 1. C. Theod. de
 inoff. test.

(x) Gothofr. Proleg. C. Th. cap. V. p. CXCIV.

LIBERIS, aut certe **THYMELICIS** vel de **LIBERIS** suis, agendi contra testamentum licentia reservatur. Sunt & hic meretrices, id est, legis Papiae Poppae stilo, quæstum corpore facientes, sunt *thymelici*, id est, artem ludicram facientes. Hos enim licet infamia exemisset prætor: facile tamen condonandum auctori, quod vetus thymelicorum & reliquorum ludionum discrimen non adeo accurate compertum habuerit. Ad sunt denique *liberti*, quos ipsos etiam infamibus accenset interpretes, forte quod ejus sæculum ignoraret personarum infamium & leviter notatarum differentiam. Spurius vel *naturales* liberos quo jure huc referat, infra patebit. Quum vero hæc tantum exempli causa attulerit, facile patet, eum, dum meretricum meminit, nec lenas, a lenonibus vel lenis manumissas, judicio publico damnatas, in adulterioque deprehensas exclusas voluisse. Hæc ergo satis demonstrant interpretes vetustissimos non alias personas, quam quæ ex lege Papia Poppæ per turpitudinem vel levis notæ maculam capere non poterant, hic intellexisse. Qua in re quum ii procul dubio auctores antiquiores sequuti sunt: non parum profecto interpretationi nostræ inde accedere videtur verosimilitudinis.

§. XXVIII.

His ergo de sensu legis præmissis, facile patebit, quid de vulgari illa doctrina, quam ex hac lege eliciunt jureconsulci, sit
exi-

existimandum. Quam ut brevi exhibeamus; quidam statuunt, esse aliquam levis notæ maculam, alii illam nullum, nisi in fingentium audacia, præsidium invenire contendunt. (y) Deinde nec, qui istam levis notæ maculam admittunt, in eandem omnes ingrediuntur sententiam. Alii enim illam ab infamia facti, quam adpellant, vix discrepare ajunt: (z) alii, qui reliquis accuratiores videri volunt, ab infamia plane sejungunt; (a) maxime, quia in lege nostra infamia & hæc macula jungatur particula VEL, quam doctores sua natura in diversa cadere observant. (b) Addunt iidem, tantum non in oculos incurrere utriusque ignominie differentiam. Infamiam enim facti nasci ex turpi facinore, adversus leges admissio, eoque proprio: levis notæ maculam etiam ob sordidum viræ genus, & parentum vitium, adspergi, nec non ob alias causas, nescio, quas, quas exemplis potius, quam

(y) Vafqu. *lib. I. de testat. potent. §. X. num. LXVIII.* Bocer. *Class. V. Def. XXIV. num. XXVII.*

(z) Hartm. *Pist. Quæst. jur. lib. I. Quæst. XXX. n. II.* Petr. Heig. *Quæst. XXI. num. XVIII.* Peck. *de regul. jur. Canon. Reg. LXXXVII.* Ludvvell. *ad §. 2. Instit. de inoff. test.*

(a) Lauterb. *Colleg. theor. pract. libr. III. Tit. II. n. XXXI.* Frommann. *Diff. de levis not. mac. §. VI.* Struv. *Exerc. VII. 29.*

(b) Strauch. *Lex Particul. voce VEL p. 268.*

quam definitione aliqua, exprimi posse existimant. (c) Deinde illam ajunt perpetuo hære, adeo, ut si vel principis beneficio aboleatur, litura tamen maneat, ut argute ea de re dixit Claudius apud SÆTONIUM: (d) hanc vel restitutione natalium, vel deserto turpi vitæ genere extinguere facilius. (e) Et inde quidem hanc formant hujus maculæ definitionem, quam tamen nec sic quidem omnes admittunt: eam esse *maculam, qua opinione honestorum virorum ob defectum legitimorum natalium aut sordidum vel abjectum vita genus aut mores & actiones, non dolosas quidem, ab honestate tamen recedentes, inuritur, facile extinguendam.* (f)

§. XXIX.

Hac semel admissa definitione, dici non potest, quam magnam, ut ita dicam, proscriptionis tabulam suspendant doctores, & quot homines, numquam vel a prætore vel moribus notatos, hac macula adspargant. Sic honestorum hominum tribu movent, ac tantum non e societate hominum proscribunt CARNIFICES & LICTORES, eo, quod non justitiæ studio, sed innata quadam truculentia in reos favere soleant, (g) nihilque turpius excogitari possit, quam tam
hor-

(c) Vide Muller. ad Struv. Tom. I. p. 369.

(d) Sueton. Claud. cap. XVI. (e) Frommann. Diff. de levis nota mac. §. LVIII. seq.

(f) Lauterb. l. c. Frommann. l. c. §. VII.

(g) Damhoud. Pract. Crim. cap. CXLII.

n. VI. Carpz. Prax. Crim. Part. III. Quest. CXXXVII. n. 58.

horrendi muneris professione facere quæ-
stum, aliorumque sordibus & sanguine vi-
vere. (h) Hinc non modo ipsis his homi-
nibus hanc notam inurunt, verum etiam
eorum liberis; quid quod eam, non se-
cus ac contagiosam luem, etiam illos infi-
cere existiment, qui eorum hominum con-
suetudine frequentius utuntur: (i) quasi
vero ipse spiritus carnificum & lictorum
pollueret obvios, & aerem, qui nos am-
bit, pestilenti quodam sidere adflaret.
Quod quamvis cordariorum jureconsulto-
rum judicio iniquissimum, & ab omni ra-
tione alienum sit: (k) tam facile tamen a
jureconsultis persuasum est principibus &
imperii ordinibus, ut res digna videretur,
quam publicis legibus firmarent. Cau-
tum enim illis esse non ignoramus, (l) ne
carnifices & lictores eodem, quo reliqui
cives, habitu uterentur: quali habitu dis-
colori eos etiamnum in civitatibus quibus-
dam celebrioribus incedere, animadverti-
mus. Hisce plerique jungunt, EXCORIATO-
RES PECORUM, (m) eosque, qui latrinis
pur-

(h) Muller. *ad Strun. Exerc. VII. Thes. XX*

(i) Carpz. *loc. cit. n. LIX.* Freher. *de In-
fam. lib. III. cap. XXIV.*

(k) Richt. *Part. II. Decis. LXXX. n. II.* Stryk.
us. modern. Dig. lib. III. Tit. II. n. IV.

(l) Reform. *Polit. anni c1o 1533. rubr. von.*
Nachrichtern. (m) Richt. *Part. II. Dec.*
LXXX. n. XX. Harpr. *ad §. 2. Inst. de inoff. test.*
Hahu. ad VVes. tit. de his qui not. inf. n. 12.

purgandis adhibentur, (n) quos ipsum
 sordidissimum vitæ genus indignos hone-
 storum vitorum consortio reddat. Nec me-
 lioris conditionis esse jubent CASTRATORES
 SUUM, (o) & CIRCUMFORANEOS, ipsis quip-
 pe imperii legibus notatos, (p) despera-
 tos porro LUSORES, (q) PRODIGOS (r)
 EBRIOSOS, (s) MERETRICES, quæ pristinae
 vitæ turpitudini nuncium miserunt, (t)
 LYRISTAS & CITHARÆDOS, vicatim oberran-
 tes, (u) ipsosque VESPILLONES SYNDAPILA-
 RIOS, eo quod cadavera tractent, eorum-
 que vota eadem sint, ac orci. (x) Deni-
 que & SPURIOS huc referunt, & quidem
 non solum vulgo quæsitos, sed & liberos
 naturales, quos alii infames, (y) alii le-
 viter saltim notatos existimant. (z) Paul-
 lo

(n) Fromm. *diff. alleg.* §. XXI.

(o) Stryk *Us. mod. D. loc. cit.* Hahn. *l. c.*

(p) *Recess. imp. anni MDLXXX. cit.*
 XXXVIII.

(q) Mascard. *de probat. Conc.* ICCCCXCVII.
 num. 3.

(r) Speidel. *voce verschvunder.*

(s) Schneidevv. *ad* §. 1. *Inst. de inoff. test.*

(t) Lauterb. *Diff. de sing. Frat. jurib.* pag.
 83. num. IX.

(u) Pet. Friz. *de nobilit. thes.* XXX.

(x) Bud. *ad* L. 5. §. 8. *D. de instit. auct.*

(y) Valasc. *conf.* XVII. Farinac. *de Delict.*
Par. I. Quest. XIII. n. LII. Tusch. *tract.*
Concl. T. VII. *concl.* CCCCXV. n. I. & XXI.

(z) Ant. Fab. *in Cod. lib.* IX. *Tit.* XXVIII.

lo benignius quidam agunt cum liberis præcocibus, (a) quos tamen antiquo jure germanico notatos novimus, (b) & exposititiis, (c) quorum dubia origo suadet, ut in benigniorem sententiam ingressi, eos e justo potius matrimonio, quam e furtivis amplexibus, natos existimemus.

§. XXX.

Tam late itaque, e doctorum sententia hodiernum, patet levis notæ macula: Olim vero multo latius patuit. Eo enim impudentiæ quidam doctorum progressi sunt, ut vix ullum opificium aut vitæ genus macula vacuum esse paterentur, tamen illud nec sordidum esset, nec abjectum. Scilicet non omnes statim artes, non omnia opificia, in Germaniæ urbibus in certas tribus vel corpora coaluerant. Multa erant vitæ genera, quæ ab omnibus e facie etiam plebis promiscue poterant exerceri. Quum ergo sola, quæ in corpora coaluerant, opificia honesta dicerentur, (*ehliche und Zunfftige Handvercke*;) facile in eam sententiam ingressi sunt doctores, omnia reliqua levi quadam nota insignita esse. Atque inde est, quod doctores
vete-

n. XX. Bacchop. ad Treutl. Vol. I. D. VIII. ad fin.

(a) Frommann. *Diff. alleg.* §. XVIII.

(b) *Jus prov. Saxon. lib. I. art. XXXVI.*

(c) Frommann, *loc. cit.* §. XIX.

veteres & PICTORIBUS (d) NUMULARIIS, (e) COQUIS, (f) LANTIONIBUS, (g) HISTORIBUS, (h) FABRIS, (i) CARPENTARIIS, (k) LIBRARIIS, (l) SARTORIBUS, (m) NAUTIS, (n) PULLONIBUS, (o) MULTONIBUS, EQUISONIBUS, AURIGIS, (p) BAJULIS, (q) OPILIONIBUS, (r) & aliis levem hanc maculam adspargere non dubitarint. Inprimis vero reliqui opifices status controversiam non semel moverunt *textoribus, conscribibus, balnearioribus, molitoribus, buccinatoribus, publicanis*, quorum ne liberos quidem in tribus suas & corpora admittere voluerunt, donec his aliisque, nullo suo merito notatis, publicis imperii legibus consultum est anno imprimis MDLXVIII. (s) Ex his vero satis patet, jureconsultos, nullis certis principiis hac quidem in re innixos, suo arbitrio, quoscumque liberet, levi macula adpersisse, pessimo profecto ad posteritatem exemplo.

§. XXXI.

(d) Nold. *de Statu nobilit. civ. cap. XVII. rh. CLXII.* Friz. *de nobil. rh. XXX.*

(e) Friz. *l. c.* (f) Nolden. *l. c.*

(g) Nolden. *l. c.* Sinib. Ubald. *de Nobilit. Axioma LVI.*

(h) Nold. Friz. *l. c.* (i) *Iid. l. c.*

(k) *Iid. l. c.* (l) *Iid. l. c.* (m) Nold. Ubald. Friz. *l. c.* (n) *Iid. l. c.* (o) *Iid. l. c.*

(p) Barbof. *ad L. 27. C. de inoff. test.*

(q) Gómez Tom. *l. cap. XI. n. XXVIII.*

(r) Friz. *l. c.* (s) Reform. *Polit. anni MDLXVIII. Tit. von Handvvercks Sohnen.*

Hein. Opusc. Var. Pars I.

§. XXXI.

Denique quod ad effectus hujus maculae attinet, eos & multos & satis tristes fingunt doctores. Præterquam enim, quod ex hac ipsa lege nostra arguunt, fratres consanguineos, testamento præteritos, querelam inofficiosi instituere posse: idem etiam procedere ajunt in querela inofficiosa donationis & dotis: siquidem tanta inter has atque illam intercedit similitudo, ut ab altera ad alteram ducere liceat argumentum. (t) Unde si frater, fratribus vel sororibus posthabitis, vel universa bona in personam turpem transfulerit, vel marito, levis notæ macula insignito, eadem in dotem dederit: utrumque actum ex hac ipsa lege rescindi posse ajunt PEREZ, (u) DONELLUS, (x) RITTERSHUSIUS, (y) & BRUNNEMANNUS. (z) Deinde ex eadem lege nonnulli exsculpunt actionem novam, ad supplendam portionem legitimam comparatam fratribus etiam & sororibus, competentem si frater instituta turpi persona, minus illa portione iis titulo quocumque reliquisset. (a) Præterea ab omni dignitate arcent personas hac macula notatas,

(t) Trentacinqu. *Resolut.* III. n. XIV.

(u) Perez. *ad L. fin. C. de inoff. donat.* n. II.

(x) Donell. *Comment. lib. XIX. cap. XI.*

(y) Rittershus. *ad Novell. Part. V. c. XIII. num. XIV.* (z) Brunnem. *ad L. un. C. de inoff. dot.*

(a) Paull. a Castro *ad l. 30. C. de inoff. test.*

tas, (b) adeoque nec sacros ordines ab iis suscipi, (c) nec rempublicam geri posse, statuunt. (d) Porro eadem severitate ex opificum corporibus exulare eos jubent, eaque in re quam religiosi sint opifices, & quantum saepe negotii hac superstitione sua non modo tribunalibus, sed & ipsis imperii comitiis, facessere soleant, neminem latet, cui non plane ignota est tristissima per Germaniam parœmia: *Die Aemter und Zunftre in den Staden müssen so rein seyn, als ob sie von Tauhen gelesen wuaren*. (e) Denique & testimonio harum personarum non multum tribuunt, (f) & parum abest, quin spurios aliosque quos macula illa notandos existimant, nec ad suppletorium, quod vocant, nec purgatorium iurjurandum admitti posse, contendunt. (g) Quod tamen ab aliis merito in dubium vocatur.

§. XXXII.

Ita in nucleo exhibuisse videmur, quæ
in-

n. III. Bardili *Diff. de condit. ad suppl. legit. th.* XVIII. Fromm. *diff. alleg. n.* LIV.

(b) Ob. L. 2. C. de dign.

(c) Ob. c. 23. X. qui fil. sunt legit.

(d) Fromman. l. c. §. LXVII.

(e) Hert. *Parœm. Jur. lib. I. Parœm.* XIV. pag. 417.

(f) Ob. L. 3. D. de testib. Struv. *Exerc.* VII. 20. Hahn. ad VVesemb. *Tit. de his qui not. infam. num.* VIII.

integris commentariis de LEVIS NOTÆ MACULA disputant doctores. Quo fundamento vero hæc omnia nitantur, ex iis, quæ supra de legis nostræ occasione & sensu disseruimus, facile intelliges. Primo ergo, quod ad hujus maculæ naturam attinet, non falluntur profecto, qui ab infamia discernunt. Præterquam enim quod TURPITUDO & LEVIS NOTA in textu nostro manifesto distinguuntur, & exemplum liberti, de quo loquitur Constantinus, non patitur nos de infamia vel juris vel facti cogitare: illud ex antiquitatibus certissimum est, Romæ plebem ultimam, quam libera adhuc rep. in tribus urbanas conjectam novimus, quales erant turba forensis, (h) libertini, (i) apparitores magistratuum & servi publici, (k) ultimum plebis constituisse ordinem, &, tamquam *sordem & faciem urbis*, ut CICERO (l) vocat, nullò loco habitam fuisse. Sane enim nec dignitate hi gaudebant, nec censu, & plerumque sordido vitæ genere miserum spiritum trahabant. Infames hos fuisse, nemo dixerit: erant tamen sordidi, humiles, & tales, quorum a consuetudine vir honestus merito abhorrebat. Et hos ipsos olim levi nota adpersos fuisse arbitramur, antequam Augustus lata lege Papia Poppæa, certas tan-

(g) Heig. *Part. I. Qu. XXI. n. XI. XII.*

(h) *Viâ. Sigon. de Jure civ. Rom. lib. I. c. XIII.*

(i) *Id. lib. I. c. XIV.* (k) *Idem lib. I. c. XV.*

(l) *Cicero ad Att. lib. I. Epist. XIII.*

tantum ex hac turba personas ingenuorum nuptiis & hereditatibus indignas existimaret. Multi ergo Romæ erant infames, qui ad faciem illam ac sentinam civitatis non pertinebant: multi etiam leviter notati, quos nulla infamia sequebatur. Ex quo profecto consequitur, ut discrimen aliquod inter infames & leviter notatos statuendum sit. Deinde quod ad causas huius maculæ attinet: vereor, ut eas satis intelligant doctores. Parentum vitium levi nota adpersisse liberos, nemo rerum Romanarum paullo peritior dixerit. Equidem si serviles natales intelligerent doctores, id omnino concedendum videretur. Sed quum non servis natos, sed spurios, in animo habeant, magnopere falluntur. Liberi nec naturales nec spurii Romæ vel tribu movebantur, vel excludebantur a dignitatibus: (m) adeoque nec infames erant nec levi nota insigniti, ut recte contra Gothofredum (n) ostendit illustris Thomasius. (o) Equidem in alia omnia discedit jureconsultus humanissimus, ZACH. HUBERUS, (p) qui levem illis notam etiam Romæ habuisse partim PLUTARCHI, partim CICERONIS testimoniis evincere conatur. Sed rem mihi ne is quidem confecisse videtur.

Ait

(m) L. 3. §. 2. D. de Decur. L. 6. pr. D. eod.

(n) Gothofr. ad L. 3. C. Theod. de inoff. test.

(o) Thom. Diff. de usu præst. doct. instr. de liberorum legitimat. cap. L. §. III. (p) Zach. Huber. de Cassib. enucl. Qu. III. VIII. pag. 60.

Ait quidem Plutarchus (q) *spurium camptari perpetuum probum* (ὄνειδος) *per omnem vitam, quod ansam praebeat illis, qui libenter mordent & ledunt.* Refert idem (r) locum Ciceronis, qui Metello Nepoti saepiuscule interroganti: *Qui pater tuus est?* responderit: *Σοὶ ταῦτ' αὖτ' ἰσχυροῦν ἢ μὲν τὴν χαλεπωτέραν ἐποίησεν:* *Tibi hanc responsionem mater tua reddidit admodum difficilem.* Denique & alter Ciceronis (s) locus non ignotus est, quo in Erucium, accusatorem S. Roscii, lufit: *Quaso, Eruci, ut hoc in bonam partem accipias: non enim exprobrandi causa, sed commonendi gratia dicam.* Tibi fortuna non dedit ut patre certo nascere, ex quo intelligere possis, qui animus patris in liberos esset. Sed ecquid inde colliget HUBERUS? Turpes esse spuriorum natales, nec hodie quisquam dubitat, nec Roma forsitan dubitavit, adeoque facile largimur, probum miseros illos perpetuo sequutum esse, idque occasionem dedisse dicacibus, hanc labem exprobrandi hominibus, nulla sua culpa miseris. Verum nos non agimus de hominum opinione & populi convicio, sed de ejusmodi levis notae macula, de qua lex nostra loquitur, id est, quae hereditatis incapaces reddat. Non enim de omnibus personis humilibus loquitur Con-

Ran-

(q) Plutarch. *de prolis amore inist.* p. 493.

(r) Idem *vit. Ciceron.* p. 874.

(s) Cic. *pro S. Rosc. Amerin. cap. XVI.*

stantinus, sed de iis, qua ob levem notam
 CAPERE NON POSSINT. Eam vero maculam
 frustra adspargunt spurii, ut præter THO-
 MASIIUM ostendit PALEOTUS. (t) Nec solum
 fordidum vitæ genus hanc maculam gigne-
 re videtur, quum alias nulla possit reddi
 ratio, cur Romæ non omnes opifices here-
 ditatum incapaces visi sint, quippe quos
 omnes in fordido vitæ genere versari exi-
 stimabant Romani, ceu DIONYSIUS HALICAR-
 NASSEUS (u) & CICERO (x) testantur.
 Quare non alia hujus levis notæ origo est,
 quam interdictio nuptiarum cum senatori-
 bus eorumque liberis. Levis enim nota hæ-
 rere videbatur iis, quos senatoriis nuptiis
 indignos judicaverat lex Papia Poppæa.
 Denique dum levem notam facilius, quam
 infamiam, tolli posse existimant, ne in hac
 quidem re consentientem me habent do-
 ctiores. Si enim id de effectu civili intel-
 lectum velint: æque facile famam, quam
 natales, restituet princeps. Sin de opinio-
 ne hominum; non facilius leviter notato-
 rum, quam infamium, macula tolletur.
 Quæ quum ita sint, facile patet, immu-
 tandam esse levis notæ definitionem, eam-
 que nihil aliud esse, quam ignominiam,
 ab infamia secretam, ob quam persona qua-
 dam nec senatoriis nuptiis, nec hereditate di-
 gna

(t) Palæot. de Spur. cap. LV.

(u) Dionys. Halicarn. Ant. Rom. lib. II.
 pag. 98.

(x) Cic. de Offic. lib. I. cap. XLII.

qua judicantur, si fratres consanguinei in tabulis fraternis fuerint prateriti.

§. XXXIII.

Ex quibus simul patebit, quo jure quave injuria tot personis levem notam inurant jureconfulti? Carnifices Romæ, ut a SIGONIO (y) observatum est, erant, qui in crucem fontes agebant. Supplicia enim reliqua sumebant lictores, quin promiscue omnia milites, ceu ex SALVATORIS passione patet, ipsique centuriones, quos ad tristissimum hoc ministerium sub Imperatoribus plerumque adhibitos fuisse, egregie docuit PETRUS FABER. (z) Ex quo simul patet, nullam hominibus ignominiam ob lugubre istud ministerium hæsisse. At hæsit tamen carnificibus? Fateor, idque me docet CICERO, (a) qui carnificem non modo foro, sed etiam cælo urbis ac spiritu ac urbis domicilio legibus censoriis arceri, tradit. Unde non dubito, quin herede illo instituto fratres querela inofficiosi testamentum evertere potuissent. Sed id quidem non propter ministerium, quod præstabat, sed propter statum cum sordido munere conjunctum. Non enim civis erat carnifex, ut SIGONIUS (b) vult, sed peregrinus. Peregrinum vero hominem, manifestan-

(y) Car. Sigon. *de jure civ. Rom. lib. I. c. XV.*

(z) Pet. Fab. *Semestr. lib. II. cap. IX.*

(a) Cic. *pro Rabir. cap. V.*

(b) Sigon. *loc. cit.*

Standis carnificandisque servis locantem operas, abominatos esse Romanos, minime mirandum est. Licetorum muneri Romæ in se nihil turpitudinis inesse videbatur. Potius eo, tamquam dignitate aliqua, sibi placebant lictores, idque officium non sine ambitione adscribebant titulis, ceu ex marmoribus quam plurimis patet. (c) Quum tamen plerumque libertinæ essent conditionis: (d) non munus, sed status efficiebat, ut leviter notati viderentur, Unde non dubito, quin & contra hos locum habuerit inofficiosi querela, si fratribus præteritis heredes fuissent scripti. Ast hæc omnia principiis juris Germanicis vix congruunt. Carnifices hodie non peregrini sunt, sed cives, quemadmodum & lictores non libertini semper, sed ingenui constituuntur. Immo si vel maxime, vel peregrini, vel libertinæ conditionis essent: neutrum horum eorum existimationem læderet. Nam peregrinos, quod ad successionem, civibus æquiparat constitutio FRIDERICI. (e) Libertini vero in Germania non alii sunt, quam rustici nostri, glebæ non amplius adscripti. Quis vero his maculam aliquam adspargere ausit in Germania? Ergo non alia supererit ratio, cur levis nota

inu-

(c) Smet. *Inscript.* pag. XCVII. 5. XLV. 7.

CHI. 8. Onuphr. Panvin. de Rep. Rom. p. 297.

(d) Lyps. *Elect.* lib. I. cap. XXIII. Sigon. l. c.

(e) Authent. Omnes peregrini C. comm. de success.

quitia sua disperdere, nisi alia accedant circumstantia. Meretrices, siue quæstum corpore fecerint, siue juvenum illecebris pudicitiam sibi extorqueri passæ sint, hodie non levi nota, sed infamia laborant, quum castitas nostrorum temporum non ferat, ut Romanorum exemplo stuprum extra legum civilium poenam esse patiamur. Vespillones & sandapilarii apud nos, nec lege nec hominum opinione notantur, nisi in oppidulis minoribus, ubi simul vincendis hominibus operas locare solent: nec video, qui sordidius haberi possit exanime cadaver humare, quam illud abluere, vestimentis ornare, eviscerare, & cultro anatomico subicere. Nec eorum statim vota eadem, quæ orci esse videntur, quibus aliquid lucelli ex frequente hominum morte accedit. De reliquis opificiis non est, quod quidquam addamus, quum iis ipsæ imperii leges omnem maculam jam pridem deterferint.

§. XXXIV.

Si recte ergo ponas calculum, omnes, quos levi hac nota maculant doctores, vel infamia laborant, vel absque ulla ratione tanta injuria adficiuntur. De solis spurriis dubitare liceret, qui, tamen si Romæ infames haut fuerint, in Germania tamen semper levi nota adpersi fuisse videntur. Non ulla enim temere gens plus pretii castitati & pudicitia statuit, quam Germani. Jam Tacitus (g) iis hanc laudem tri-

(g) Tacit. de Morib. Germ. cap. XIX.

tribuit, quod *sep̄ta pudicitia* agant mulieres Germanorum, nullis spectaculorum illecebris, nullis conviviōrum irritationibus corrupta: Litterarum secreta apud Germanos viros pariter ignorare ait, ac mulieres; paucissima ergo in tam numerosa gente esse adulteria, eorumque p̄nam pr̄sentem & maritis permissam. Accisis enim crinibus, nudatam adulteram, pr̄sentibus propinquis, expelli domo, ac per omnem vicum verberare agi: Publicata etiam pudicitia nullam veniam esse: non forma, non aetate, non opibus maritum invenire meretrices. Talia etiam de Vandalis, Gothis & Francis Salvianus, (h) de Saxonibus BONIFACIUS (i) refert. Unde & QUINCTILIANUS, (k) infectatus Romanorum incontinentiam, & fœdam, qua in eundem sexum ruebant, libidinem: Nihil, inquit, tale novere Germani, & sanctius vivitur ad oceanum. Quam vero tantopere majoribus nostris cordi fuerit pudicitia, apud eosque tum hac quoque in re plus valuerint boni mores, quam hodie bonæ leges: facile est ad intelligendum, eos nullo loco habuisse spurios & vulgo quæritos, testes quippe maternæ libidi-

(h) Salvian. *de Gubern. Dei* lib. VII.

(i) Bonif. apud Guil. Malinesb. lib. II. cap. LXIV. & Baron. *ad ann.* 10 CCXLVII. Adde Salvian. l. c.

(k) Quinctilian. *declam.* III.

bidinis ac turpitudinis perpetuos. Hinc
 LUDOVICUS PIUS, (l) *ex commixtione
 meretricum degeneres populos, & IGNOBI-
 LES & furentes libidine procreari, ait. Et
 in JURE PROVINCIALI SAXONICO*
 (m) *legimus: VVer eines Mannes ehrlich VVeib
 öffentlich behuret, oder sonst ein VVeib oder
 Magd notzoget, nimmt er sie darnach zur
 Ehe, chelich Kinder geuvinaet er nimmer-
 mehr bey ihr: Kmpffer und ihre Kinder,
 Spiellent, und alle die unehelich gebohren
 sint, -- die seynd alle Rechtloß. Id quod
 etiam ad liberos præcoces extenditur ali-
 bi, ubi statuitur: (n) VVann ein VVeib ei-
 nen Mann nimmbt, geuvinnt sie Kinder,
 ehe die rechte Zeit kommt, da das Kind
 gebohren vverden mochte, man mag es be-
 schelten an seinen Rechten, vVann es zu
 fruh gebohren ist. Sed si dicendum quod
 res est, spurii etiam veteri Germanico
 jure non levis notæ macula adpersi, sed
 infamia notati fuisse videntur. Rechtlose
 Leute enim iidem sunt ac infames, ehr-
 lose und ohne recht, an denen niemandt nichts
 verbrechen kan, untuchtige, dass sie nicht ge-
 zeugen seyn moegen. (o) Si ergo hodiernum,
 spu-*

(l) Lucou. Pius. *Addit. capitul. IV.*
 102.

(m) *Jus provinc. Saxon. Libr. I. Artic.*
 XXXVII.

(n) *Ibid. cap. XXXVI.*

(o) *Vocabular. speculo Saxon. addit. a*
VVolffg. Lossio voce Rechtloß.

spuriis institutis heredibus, querela inofficiosa locum haberet: illi sane ex principiis juris Germanici magis ob infamiam, quam levem aliquam notam, excluderentur hereditate. Enimvero, quum hodie plerique jureconsulti a veteribus illis Germanici juris principiis divortium faciant, adeoque spurios infamia notandos esse negent, levis vero nota e juris Romani principiis spurii non hæreat, ceu jam supra est a nobis demonstratum: merito dubites, an hodie adversus spurios institutos hac querela cum effectu experiri liceat. Plerique sane jureconsulti ejusmodi hic inveniunt limitationes, quibus regula illa tantum non perimitur. Ajunt enim, adversus spurios esse querelæ locum, nisi vitæ honestate & meritis hanc maculam eluerint. (p) Hinc si spurius honeste vivat, aut si spuria honesto viro nupserit, nullum querelæ locum esse contendunt. (q) Nec desunt exempla, quod ita judicatum sit in tribunalibus illustrioribus. (r) Quæ si ita sunt: licebit tantum hodie de inofficioso disputare adversus spurios, quos non scelestæ minus & turpis vita, quam fors natalium, dehonestat. Atqui infamia facti laborant ejusmodi homines, adeoque non tam ob levem

no-

(p) Stryk *ad Lauterb. titul. de inoff. test.* pag. 201.

(q) *Per can. numquam 4. Distinct. LVI.*

(r) Alv. Valasc. *Consult. XVII. n. 3. Ant. Tellaure. Decis. Pedemont. CXXVII. n. VI.*

notam, quam infamiam, indigni habentur, qui fratribus defuncti præferantur.

§. XXXV.

Ex his ergo facile patet, quæcunque de levis notæ macula tradunt jureconsulti, ea omnia in Germania vix ullius usus esse, dum de inofficioso testamento disputatur. Superest itaque, ut, an reliqui, quos comminiscuntur, illius maculæ effectus foris nostris concinni sint, paullo accuratius expendamus. Primo ergo eadem, ex ipsorum sententia, est inofficiosi testamenti & inofficiosa donationis & dotis ratio. Quum vero jam demonstratum sit, hodie non illos, qui levi notæ adspersi dicuntur, sed infames, querela fratrum ab hereditate arceri: consequens est, ut idem quoque de inofficiosa donatione & dote statuendum sit, adeoque & in hac re nullus sit doctrinæ de levis notæ macula usus. Deinde dum ex hac lege etiam novam actionem, ad supplementum portionis legitimæ fraternæ comparatam exculpant, eamque adversus heredes, levis notæ macula adspersos, competere contendunt, ne hac quidem in re me habent consentientem. Nam & hæc actio ex iisdem rationibus non adversus eos, qui levis notæ macula, sed qui infamia laborent, valebit. Quæ de dignitatibus & opificiis disserunt jureconsulti, ea ita comparata sunt, ut usum hujus doctrinæ inde frustra exculpas. Jam multo ante receptum jus Romanum opifices certos homines tribu movendos putarunt, non vero ob levis notæ maculam, de qua ne fando qui-

quidem quidquam inaudiverant, sed ob alias rationes, de quibus jam supra nonnulla diximus, & alibi uberius disserendi erit locus. Nec sane ex lege nostra, in qua sola levis notæ maculæ fit mentio, ullis fidiculis elicies argumento, quo demonstrari possit, homines, quos levis notæ macula adspargunt doctores, collegiis aut dignitatibus esse movendos. Fingamus enim eos omnes, fratribus præteritis, heredes testamento scribi non posse: an inde quæso consequitur, ut nec ad dignitates & opificia illis pateat aditus? An quæ in fratrum consanguineorum favorem constituta sunt, etiam ad opifices pertinent? Sunt equidem leges patriæ, quæ spurios & aliis natalium vitiis laborantes dignitatibus excludunt: (f) Moribus etiam ad opificum collegia non admitti spurios, ut & carnificum & licitorum filios, nemo ignorat. (t) Sed ex his legibus & moribus usus doctrinæ de levis notæ macula non magis, quam ex lege nostra demon-

(f) *Cammer-Gerichts-Ordnung. Part. I. Tit. III. §. I. & Titul. XXX. §. I. Aliarum rerumpublicarum, civitatum & academiarum statuta, quibus spurii & viles personæ a dignitatibus arcentur, collegit Fromman. diss. de levis nota macula §. XLVII.*

(t) *Hadr. Beyer de jurib. opificum cap. V. & VI. Ge Beyer. Spec. jur. Germ. lib. I. cap. XV. §. XII. XIII.*

monstratur. Non enim ideo Germani spurios & naturales ad dignitates & opificia adspirare non patiuntur, quia eos ex testamento, fratribus superstitibus, aliquid capere vetuit CONSTANTINUS, (dummodo id vetuit,) sed partim, quia Germanis veteribus, quibus præter nobiles nulli ingenui erant, indignum videbatur, libertinæ & servilis originis, ut & vulgo quæsitis, vel rempublicam, vel illius partem demandare: partim, quia civitatibus institutis dabant operam, ne facile rustici adscriptitii, eorumque filii, psalburgeri, aliæque personæ humiles civitatis jure donarentur: partim quia doctrina de matrimonii sacramento spuriorum odium haut parum augeret. Non ergo principiis juris Romani, sed moribus patriis originem debent hæc leges Germanicæ & privilegia opificum, quibus a dignitatibus & collegiis arcentur spurii & humili loco nati: quamvis hodie, quum alia sit ingenuitatis & civitatum facies, aliaque etiam multis sedeat de matrimonio sententia, passim consilia capiant imperantes de consuetudinibus ejusmodi magis magisque abolendis. Quæ quum ita sint, ipsa jureconsultorum collegia hodie benignius agendum putant cum hominibus levius notæ macula adpersis. Unde memini, quum nuper vici cujusdam incolæ virum cetera honestum ob natalium virium a scabini munere exclusum vellent, eaque de re consulerent illustre Jureconsultorum hac in

aca-

academia collegium, ab eo hunc in modum esse responsum:

Hat das Königliche Amt VV. I. S. euren Mit-Nachbar zum Schoppen bey eurer Gemeinde verordnet, und denselben darauf gewöhnlicher massen verpflichtet, dagegen ihr aber aus dem Fundament, daß dieser I. S. ausser der Ehe erzeugt, und mithin zu Bekleidung dieses Schoppen-Amtes gantz inhabil sey, so fort protestation eingevandt, unde auf dessen remotion gedrungen. Ist es daruber zuwischen euch und ihm zum rechtlichen Verfahren kommen, und sind endlich die Acta, nach dem beyde Theile zum Urtheil beschloffen, zu auswartigen Spruch Rechts verschicket worden, und ihr wollet dannenhero belehret seyn.

Ob ihr bey eurer protestation in Rechten gegründet, und dannenhero euch eines beyfalligen Urtheils zu versehen habet?

Ob nun wohl 1) sehr viele Rechts-Lehrer in den Gedancken stehen, daß alle unehlich gebohrne denenjenigen Personen, welche nach der

in L. 27. C. de inoff. testam.

befindlichen Redens-Art levis notz macula laborirem, beyzuzahlen seyn, indem, ob schon die Schuld und Ursach ihres Gebrechens nicht ihnen, sondern den Eltern beyzumessen

can. nasci 5. dist. 56.

und

und die Kinder ihrer Eltern Schuld zu tragen nicht verbunden sind.

L. 3. §. 2. L. 6. pr. ff. de Decur.

dennoch alle honnete Volcker von solchen unehlich gebohrnen nichts halten, adeo, ut vix sine decore tam patres quam liberi ejusmodi, expressam veluti turpitudini notam in fronte circumferentes, adspiciantur.

Petr. Heigius P. 1. qu. 21. n. 38.

Welches Recht dann 2) in Teutschland um so vielmehr in viridi observantia seyn muss, da auch nach den alten Teutschen Rechten unehlich geborne nicht nur pro levis notæ macula adpersis, sondern gar für rechtloß und mithin pro infamibus gehalten worden.

Sachs. Land-R. L. 1. art. 37.

Hiernechst auch 3) unter die effectus levis notæ maculæ auch dieser mit gerechnet wird, daß sie zu keinen Ehren-Stellen

arg. L. 2. C. de dignit. Struv. exerc. ad ff. 7. tb. 2. Fromm. diff. de leu. not. mac. tb. 47.

am wenigsten aber ad scabinatum, vel judiciale dignitatem zugelassen werden, quum indignum videatur, tribunali adfidere eos, qui sanguinis labem in fronte gerunt:

Heig. d. qu. 21. n. 14. & 32. Schiferdegh h. l. 3. tract. 25. qu. 9.

daber

Küher solches auch im gegenwärtigen Fall um so vielmehr statt zu finden scheint, da der Schoppe eurer Gemeine nicht nur die vom Ambt einlaufende Befehle exequiren, notificiren und Auflagen verrichten, sondern auch, was hier und da vorgehet, observiren und bey dem Amte anzeigen, auch wenn daselbst inquisitiones vorkommen, die Gerichts-Bank mit besetzen muss, und folglich solches Schoppen-Amt nicht als ein blosses munus, zu welchem auch spurii, in Ermangelung anderer, zugelassen werden, sondern als ein honos und dignitas anzusehen. Aus welchen Gründen es fast das Ansehen gewinnen mochte, als ob ihr in eurer protestation genugsam gegründet, und mithin an einem befalligen Urtheil nicht zu zweifeln hättet.

Dennoch aber und dieuvail 1.) so wenig das naturliche, als das Römische Recht, die unehlich geborne ihrer Ehren beraubet, oder dieselben mit einer so genantem levis notæ macula beschmutzet. immassen ienes nach den Regeln der gesunden Vernunft nicht zulasset, dass das Kind die Schande seiner Eltern tragen müsse, dieses aber von unehlich gebornen mehr nicht verordnet, als dass dieselben die effectus patriæ potestatis nicht zu genießen haben, im übrigen aber dieselben wieder von dem Bürger-Recht, noch a testamenti factione, ja nicht einmahl a dignitatibus ausschliesse,

Hotoman, de spur. & legitim. c. 3. Strauch.
exerc. IV. tit. 3. Thomas. diff. de usu
præcl. rit. de legitim. cap. 1. §. 3.

VWie denn die Gesetze denselben ad decurionatum, welcher doch kein blosses munus, sondern eine ansehnliche dignität war, den Zugang ausdrücklich eröffnen.

L. 6. pr. ff. de decur verbis: Non impedienda enim est DIGNITAS ejus, qui nihil admittit.

Hiernebst auch 2) wenn schon einige Gesetze in Teutschland die spurios von Dignitäten ausschließen, dasselbe doch auf ein Schoppen-Amt bey einer Dorff-Gemeine nicht zu appliciren, da dasselbe revera, der beverrtheßten Rechts-Lehrer-Meynung nach, mehr ein munus, als eine dignität ist, und daher ein spurius davon nicht ausgeschlossen werden kan,

Hartung. de scultet. & Scabin. pagan. c. 3. num. 11. Modestin. Pist. l. c. 46. qu. 1. Berlich. Decis. 299. n. 10.

Anbey 3) dieienigen Rechts-Lehrer selbst, welche sonst den unehlich gebornen eine levis notæ maculam zuschreiben, dennoch dieselben öffentlicher Ämter würdig erkennen, si hanc maculam natalium virtutibus & honestiore vita eluerint.

Telsaur. Dec. Pedem. 126. n. 6. Valasc. Consul. Lus. 17. n. 2. Carpz. 3. Const. 10. D. 10. n. f.

Welches den I. S. da derselbe nicht nur überhaupt ein gutes Zeugniß vor sich hat, sondern auch bey seinen vorhin obhabenden Bauermeister-Amt, und den dabey geführten Rechnungen sich ehrlich und redlich verhalten, und daher von der Gemeinde, daß ihm dieselbe in ihren

ihren Schrifften so schimpfflich tractiret, keine
 suvages verdient hat, allerdings zu statten
 kommen muss. Endlich auch 4) die gegensei-
 rigen rationes dubitandi aus obigen Gründen
 gar leicht zu beantworten, immassen, vvas
 die erste anbetrifft, in dem angeführten

L. 27. C. de inoff. testam.

zuvar gewisser Personen; quæ levis notæ
 macula adspersæ sunt, gedacht, keinesvve-
 ges aber, dass sie von Ehren-Aemter auszu-
 schliessen, noch vielweniger aber, dass uneh-
 lich geborne dadurch zu verstehen seyn, an-
 gezeigt wird. VVie denn vielmehr aus der ge-
 nuihen Constitution des Constantini M, vvel-
 che in dem Cod. Justiniano ziemlich veran-
 dert, in dem Cod. Theodosiano aber

L. 3. C. Theod. de inoff. testam.

noch aufrichtig zu befinden, gnugsam erhellet,
 dass in der selben nicht de spuris, sondern
 von den freygelassenen, qui restitutionem na-
 talium nondum impetraverint, die Rede sey.
 Daher auch die interpretation, dass die ausser
 der Ehe geborne levis notæ macula labori-
 rem, mehr unter die ungegründeten Meinungen
 der Glossatorum, als die auf xulangliche
 principia gegründete doctrina juris zu zeh-
 ten ist.

Thomas. d. diff. §. 3. not. d.

VVelche Bevvandtnis es auch 5) mit den al-
 ten teutschen Rechten hat, immassen dieselben
 nicht ex principiis antiquissimi juris Germa-
 nici,

nici, nach welchen unehlich gebohrnt auch so gar zur VVurde gelanger konten,

Ut de Francis testatur Hertius Norit. regni Franc. c. 5. num. 9. de Danis Ad. Bremens. l. 2. hist. eccles. c. 54. de Norwvegis Sturleson. Chron. Noru. pag. 67.

sondern ex principiis papatus, nach welchen die Ehe als ein Sacrament, und daher alle ex conjunctione extra matrimonium erzeugte tamquam homines inhonesti & infames angesehen wurden, geflossen, und mithin zu unsern Zeiten, da man solchen Irrthum vorlangst zu erkennen angefangen, billig nicht mehr in einige Betrachtung kommen. Wie denn auch die Rechts-Lehrer durchgehends die spurios ab infamia freysprechen, und folglich a jure Germanico in diesem Stück abveichen.

Frantz. ed. tit. ff. de his qui not. infam. n. 21. Freh. de existimat. l. 3. c. 23. n. 23. Bocer. in com. L. un. C. de famos. c. 1. n. 11. sequ. Fromm. diff. de lev. not. mac. th. 14.

Endlich 6) was das Schoppen-Amt auf einem Dorffe betrifft, dasselbe pro dignitate keinesweges zu achten, angesehen es eigentlich nur in executione desjenigen, was das Amt angeordnet, bestehet, die Zuziehung aber der Dorff-Schoppen bey inquisitionibus von keiner solchen VVichtigkeit, ist, dass deshalb denen scabinis eine besondere VVurde zuzuschreiben, immassen dabey billig mehr auf die Aufrichtigkeit und honeteté eines solchen Scabini, als auf

auf dessen Herkommen und Geburt reflectiret
wird.

Als sind wir der Meynung, daß ihr ein
beyfalliges Urtheil schvverlich zu erwarten
habet, und dannenhero besser gethan hattet,
wenn irh euch der protestation aus diesem
fundament enthalten. V. R. VV.

§. XXXVI.

Plura addi poterant de ea re, in qua
multis modis aberratum est a doctoribus:
Sed quum plura non capiant chartæ, dis-
sertationi academicæ destinatæ, hic quidem
filum abrumpimus, maxime quod satis vi-
demur demonstrasse, quod demonstrandum
suscepimus, a paucissimis satis intellectam
esse legem XXVI. C. de inoff. testam. & do-
ctrinam de levis notæ macula, quam vul-
go inde eliciunt, nec juri Romano consen-
taneam, nec ullius hodie in Germania no-
stra usus esse.



NAVIBUS OB VECTURAM

VETITARUM MERCIUM COMMISSIS.

EXERCITATIO VII.

C A P U T I.

De Mercibus Vetitis & commissis
generatim.

- §. I. *Varia doctorum concertationes de dominio maris.* §. II. *Vera ea de lite sententia.* §. III. *Ejus effectus & hic est, ut imperantes quarundam mercium importationem & adpulsum ad litora prohibere.* §. IV. *Ut & eundem certis legibus concedere possint.* §. V. *Ea prohibitio & ratione subditorum rata est, & ratione exterorum.* §. VI. *An & exterorum cum exteris hostibus commercia prohiberi possint?* §. VII. *Varia inter gentes ea de re concertationes.* §. VIII. *Sententia Grotii & Ziegleri.* §. IX. *Prohiberi ejusmodi commercia posse demonstratur.* §. X. *Merces ejusmodi vetita vocantur CONTRABANDO & cur?* §. XI. *Qualium mercium negotiatio vetita fuerit jure Romano ratione exterorum?* §. XII. *Quarum negotiatio inter ipsos cives prohibita?* §. XIII. *Quid jus canonicum circa merces vetitas statuerit?* §. XIV. *Quid hodie CONTRA-*
Hein. Opusc. Var. Pars I. T BAN-

BANDO jure & consuetudine gentium ratione exterorum? §. XV. Quasnam merces a privatis venire prohibeat jus Germanicum? §. XVI. Quemadmodum prohibere, ita & concedere Princeps commercia cum exteris potest certis legibus. §. XVII. Inter has etiam est solutio vectigalium. §. XVIII. Si vel merces vetita inveniuntur, vel vectigal non solvatur, merces a fisco vindicantur. §. XIX. Et tunc vocantur COMMISSÆ. §. XX. Sæpe & naves simul capiuntur & a fisco occupantur, quod vocant: Vor gute Priefen erk-lahren. §. XXI. Transito ad caput secundum.

§. I.

A Criter jam inde ab antiquissimis usque temporibus de imperio libertateque maris disceptatum esse, vel Minois, (a) nec non Atheniensium & Lacedæmoniorum, (b) Romanorum item & Carthaginiensium, (c) aliaque innumerabilia gentium aliarum bella satis demonstrant. Sæpe profecto maris undas cruore effusissimo contaminavit impotens illa etiam mari dominandi libido. Sæpe quæsitum istud imperium non minore sanguinis profusione evertit libertatis cupiditas, neque post tot turbas ita de hac lite transactum est, ut non subinde ideo æmulæ classes aperto Marte concurrant. Nec minore cura interea, dum

gen-

(a) Boecl. *Dissert. de Minos maris domino* Tom. II. *dissert. academ.* pag. 1073.

(b) Isocrat. *Orat. de pace.* (c) Flot. *lib. 2. cap. XI.* Appian. *de bellis punicis* p. 1.

gentes arma strinxerunt, calamos expeditiverunt eruditi. Veteres equidem Romanorum Jcti, Stoicorum innutriti sapientiæ, & nescio quam totius humani generis rempublicam somniantes, (d) naturali jure non solum mare, verum etiam littora maris communia esse omnium contendebant. (e) Sed ab his principiis, mutata paullo post republica, ipsos Romanos fecisse divortium, vel inde patet, quod Imperatores ipsi sibi maris dominium vindicare non dubitarint: id quod ex APPIANO, (f) ARISTIDE Rhetore, (g) OPPIANO, (h) PHILOSTRATO, (i) ipsaque celeberrima *lege ἀξίως IX. digest. ad L. Rhod. de jactu magno apparatu demonstravit JAC. GOTHOFREDUS.* (k) Multo acrius ea de re certamen natum est, postquam Europæ gentes maria externa tentarunt, sed ita, ut plerique scriptores patriæ

(d) Gerh. Nood. *probabil. lib. I. cap. VIII. sequ. p. 21.*

(e) §. 1. *Inst. de rer. divis. L. 13. §. 7. de injur. L. 13. pr. D. commun. rust. & urban. prad.*

(f) Appian. *prefat. hist. p. 3. edit. Stephan.*

(g) Aristid. *Oras. ad M. Antonin. pag. 119. conf. & p. 354. 360. 382. seq. Tom. I.*

(h) Oppian. *Halieut. v. 3.*

(i) Philostrat. *Vit. Apollon. Tyan. libr. VII. c. II.*

(k) Jac. Gothofredi *dissert. de imperio maris ad L. ἀξίως 9. D. ad L. Rhod. Genue clccliv.*

patriæ commodis manciparent calamum, & hoc partium studio, ut sit, in diversas sententias abriperentur. Libertatem maris summo studio adferere adlaboravit HUGO GROTIUS, (l) sed lucro navigationum ad Indos, quod tum Hispani pariter ac Lusitani interciperè studebant, ad scribendum pellectus. (m) Eamdem Belgarum causam non modo contra Hispanos, verum etiam Anglos, hancum piscaturam Batavis invidentes, egerunt THEODORUS GRAFVINCHELIUS, (n) ULR. HUBERUS, (o) CORN. VAN BYNKERSHOEK, (p) alique, quavis non omnes GROTII principiis insisterent. Verum tanto acrius pro maris imperio contenderunt earum gentium scriptores, quæ sibi antiquitus isto potitæ videbantur: quales

(l) Grotius *de mari libero*, qui libellus prodiit anno clcCVII. *Conf. ejusdem. jus belli & pacis lib. II. cap. II. §. 3. sequ. & cap. III. §. 8. sequ.*

(m) Dominici Band. *lib. II. de induciis bellici Belgici.*

(n) Grafvinkel. *Vindicia maris liberi, qua tamen ordinibus oblata, suppressa sunt. vid. Huber. hist. civil. Part. III. lib. I. sect. VI. cap. I.*

(o) Huber. *digress. Part. I. libr. IV. cap. XIV. sequ. & de jure civit. lib. II. sect. IV. cap. II.*

(p) Corn. Bynkershoek *diff. de dominio maris. Hag. clcCCIII.*

quales sunt JOANNES SELDENUS, (q) JO. BAPTISTA BURGUS, (r) THOM. RIVIVS, (f) MARISOTTUS, (t) STRAUCHIVS (u) aliiqne quam plurimi. Fuerunt etiam, qui cum JO. ISACCO PONTANO, (x) SAM. PUFFENDORFIO (y) aliiqne mediam quamdam ingressi viam, totam hanc litem variis distinctionibus sine pulveris jactu componi facillime posse, sibi persuaderent. Ut adeo, si in ulla, in hac certe quaestione, quam maxime in partes tant eruditi, patriæ plerumque commodorum, quam veritatis, hac in re quidem, studiosiores.

§. II.

Quamvis vero is ego non sim, qui sibi in re tanta judicium arrogare sustineat, quod jam IS. PONTANO, (z) *onus Ætæna gravis* visum est: id tamen certum exploratumque videtur, eruditos tantum non omnes, quos non immoderatum patriæ studium in transversum egit, secundum SELDENUM litem

(q) Seld. *mare clausum edit.* cl. CXXXV.

(r) Jo. Bapt. Burg. *de dominio maris Ligustici.*

(f) Rivius *Histor. navig. Ind. lib. III. cap. XXXVII. sequ.*

(t) Marisott. *orb. marit. lib. II. cap. X. & XX. sequ.*

(u) Strauch. *differt. de imperio maris.*

(x) Jo. Is. Pontan. *discuss. histor.*

(y) Puffendorf. *de jure nat. & gent. lib. IV. cap. V. sequ.*

(z) Pontan. *præfat. discuss. hist.*

litem dedisse. (a) Id quidem apud omnes æque in confesso est, Deum, qui, ut existerent homines, voluit, non posse non & velle, ut iis rebus creatis, quibus ad sustinendam commodeque transigendam vitam opus videretur, libere uterentur. Hinc non quidem dominium proprietatemque introduxit, ceu vulgo ex oraculo illo divino apud MOSEN (b) colligunt, sed facultatem rebus in medio positis urendi. Ex eo consequitur, ut communio antiquior fuerit dominio. *Omne enim dominium*, ut recte a NERVA, (c) Jureconsulto, animadversum est, *ex naturali possessione incipit*. Possessio vero facti est, adeoque, nisi in infinitum progredi cogitando velis, necesse est, ut originarius acquirendi modus, vel ab occupatione vel a divisione inceperit, quarum neutra sine communione intelligi potest. (d) Quum vero communio illa in tanta hominum aviditate diutius subsistere nequeat, quam quoad res illæ communes, inexhausti usus fuerint, consequens est, ut relicta illa, dominium introducere maluerint homines, posteaquam

(a) Ziegl. *de jure majest. lib. II. cap. VII. §. IX. sequ.* Hertius *de servitute naturali sect. I. §. XI.* Thomas. *ad Huber. de jure civit. lib. II. sect. IV. cap. II. §. XLIII.*

(b) *Genes. I, 28. sequ.*

(c) *L. 1. §. I. D. de acquir. rer. domin.*

(d) Thomas. *fundam. jur. nat. & gent. Lib. II. cap. X. §. VII.*

gliscente avaritia & luxu, auctoque humano genere, animadverterunt, res communes & in medio positas non sufficere singulis, innumerisque litibus dare occasionem. Hinc factum vero est, ut, quæ ob communionem, quam vocant privativam, antea nullius essent, cederent deinde occupanti. Hoc modo integri terrarum tractus sive per universitatem, sive per fundos occupari coeperunt, quumque priore casu tractus illi toti ad populum pertinerent: consequens erat, ut & singulæ illius partes in ejusdem essent dominio, adeoque & illa, quæ privatorum dominio non essent adscripta, & quibus singuli commode uti frui non possent, imperantes sibi vindicarent. (e) Eo jure ergo sensum in mare etiam tractibus suis proximum usi sunt imperantes, sibi que jura quædam, quæ non inexhausti videbantur usus, ita vindicarunt, ut alios eorum usu excluderent. Adeoque hoc modo per occupationem mare in dominio vel imperio gentium esse coepit, idque non magis ratione alienum est, quam quod & alia *adîæwota*, veluti feras, flumina, pisces, insulas, mineras & metalla, aliaque hujus generis occupando sua fecerunt.

§. III.

Porro quemadmodum dominium semel occupatione quæsitum, animo deinde etiam retinetur, quamvis actu non semper
atque

(e) Boehmer. *jus publ. univers. Libr. II. c. X. §. 5. sequ.*

accedat possessio: ita idem de maristatuen-
dum, quidquid nobis obvertat CORN. BYN-
CKERSHOEK, (f) cujus hypothesein accurate
suo more destruxit illustris THOMASIVS (g).
Dominium vero istiusmodi non momenta-
neum, sed permanens, non potest non va-
rios, eosque satis illustres, producere effe-
ctus. Inter quos haut postremus est, quod
in arbitrio principis tanquam maris domini
sit, an concedere velit peregre advenienti-
bus vel adpulsum ad littora, vel transitum
per mare a se occupatum. Quamvis enim
id graviter negent Belgæ apud GROTIUM,
(h) *legesque divinas ac humanas navigandi
mercandique jus ita ut calum & solum om-
nibus ex aquo addicere*, contendant, nec de-
sint etiam, qui hujus ad littora adpulsum
transitusque maris concessionem servitutibus
naturaliter inter liberos populos constitutis
accensent: (i) neutris tamen nostram ad-
jungere sententiam possumus. Est hæc na-
tura domini, ut alios vel usu rei nostræ
arcere, vel eundem certis legibus iis con-
cedere liceat. *Qui alienum fundum ingredi-
tur*, inquit CAJUS, (k) *venandi occupandi-
que gratia, potest a domino, si is provide-
rit,*

(f) Corn. Bynkersh. *de domin. mar.* p. 12. sequ.

(g) Thomasi. *ad Huber. de jure civil.* l. c.

(h) Grot. *Hist. Belg. libr. XVI. ad annum
1608CVIII.*

(i) Hertii *differt. de servit. natural. const.*
sect. 1. §. X. sequ.

(k) L. 3. §. 1. D. *de acquir. rerum domin.*

rit, prohiberi, ne ingrediatur. Et auscipibus
rescripsit D. RIUS: (l) Οὐκ ἔστιν εὐλογον,
ἀκόντων ἢ διαπόντων ὑμᾶς ἢ ἀλλοτρίοις χω-
ραῖς ἐξελθῆναι. Non est consentaneum, ut per
aliena pradia invitis dominis auscipium fa-
ciatis. Cur vero non liceat domino ma-
ris, quod in prædio suo cuivis licet? Sæ-
pe sane fit hodiernum, quod Carthaginien-
sium regina Trojanis, littorum portumque
hospitium sibi barbaro more negare que-
rentibus, respondit apud VIRGILIUM: (m)

*Res dura & regni novitas, me ratio cogunt
Moliri, & late fines custode tueri.*

Quis ergo hoc jure privare ausit summos
imperantes, ut populi salutem supremam
sibi legem dicant? Hinc profecto nihil fre-
quentius est, quam ut pactis inter gentes
caveatur, quousque jus adpellendi transe-
undique sit concedendum. Quemadmodum
induciis Hispanorum & Belgarum, anno
c1608. factis, cautum legimus: (n) non
esse jus adpellendi ad portus, plagas, pro-
montoria alterutrius partis cum tali nume-
ro navium aut armatorum, ut justis timo-
ris suspicio generari possit, vim parari nisi
ex permissu ejus, sub cujus ditione loca illa
sint

(l) L. 16. D. de servit. prad. rustic.

(m) Virgil. Aeneid. lib. I. v. 563.

(n) Induc. Belgar. anno 1608. articul. XII.
apud Eman. Meteran. hist. Bel. lib. XXVIII.
pag. 88.

sita sunt, aut nisi tempestatibus aliqua necessitate delati illuc fuerint ad majorem vim aut naufragii periculum effugiendum. Qualibus pactis non opus esset profecto, si omnibus persuasum esset, eos, qui alios suis portubus, arcant, *παρὰ τὰ κοινὰ δίχουα*, adversus jura communia facere, ceu Megarensibus olim persuasum fuisse, memoria prodidit PLUTARCHUS. (o).

§. IV.

Ex eo, vero porro, consequitur, ut si, quibus maris sui usum ad commercia maritima indulgeat princeps, etiam leges iis dicere possit. Hinc ejus est, statuere, quas merces, vel per mare suum vehi, vel provinciis suis inferri, vel denique iisdem exportari velit. Quemadmodum enim cuilibet rei suæ legem dicere licet: ita & maris sui usui commerciisque maritimis dum modum ponit princeps, suo jure utitur. Interest sane Reipublicæ, ne promiscue omnibus negotiandi licentia detur. Interest, ut jam ARISTOTELES (p) monuit, *legibus definire, quibuscum communicare cives oporteat, cum quibus non oporteat*. Interest, ne exteri commerciorum obtentu quæstui insistant, cives divitiis spolient, luxu aliisque vitiis ac probris inficiant rempublicam, seque vel ipsos, vel hostes, rebus nostris potentiores, opulentioresque efficiant. Quibus, omnibus.

pro-

(o) Plutarchi. in Pericle. p. 168.

(p) Aristot. lib. VII. polit. cap. 6.

prospicere, imperantis sine dubio est officium.

§. V.

Iustam hæc rationem habere in civibus, hisque, qui cum nostris negotiantur, nemo temere negaverit. Quod enim ad illos attinet, recte ait ZIEGLERUS: (q) *Uti totum regimen ad principem spectat, ita etiam ab ejus judicio dependet, ea, quæ necessaria aut utilia reipublica fuerint, definire, & in effectum deducere, neque subditis ulla tum compotis potestas, scrupuloso examine eadem perstringere aut impedire.* Quum ergo nemini dubium sit, quin ad necessitatem utilitatemque reipublicæ quam maxime pertineat, ut legibus certis ac perspicuis, quæ vel exportanda e regione sint, vel admittenda ab exteris, definiantur, siquidem alias vel civium indigentia vel luxus impediri vix potest: facile patet, hanc quoque potestatem imperantibus, salva republica, non posse denegari. Sic jam olim Lycurgum, Spartanorum legislatorem, non solum cives suos peregrinari, sed & peregrinos in urbe negotiari prohibuisse, auctor est PLUTARCHUS. (r) Majores nostri nihil, quod ad luxum & molliem irritare cives posset, ad se deferri passi sunt. De Nervii, cisrhenano po-

(q) Ziegler. *de jur. majest. lib. 1. cap. IV.*
§. 18.

(r) Plutarch. *in Lycurgo* p. 25.

populo, CÆSAR: (f) Nullum aditum esse ad eos mercatoribus: nihil pati vini reliquarumque rerum ad luxuriam pertinentium inferri, quod his rebus relanguescere animos, eorumque virtutem remitti existimarint, IDEM de Suevis: (t) mercatoribus est ad eos aditus, magis eo, ut qua bello ceperint, quibus vendant, habeant, quam quod ullam rem ad se importari desiderent. De reliquis in universum Germanis TACITUS (u) observat, proximos tantum ripa & vinum mercari, reliquis quippe Germanis plane ignotum. Contra ea de Solone refert PLUTARCHUS, (x) ex fructibus solum eum oleum dedisse peregrinis distrahendi facultatem, aliorum exportatione interdixisse, maxime ficuum, constitutis delatoribus, qui eorum exportationem indicarent, ideo sycophantarum nomen adeptis. Alia hujus generis exempla collegit JO. MICHAEL PICCARTUS. (y) Eadem exemplo nuper admodum Gallix Rex & postea augustissimus Imperator adamantes ad se inferri venumque exponi vetuerunt, quemadmodum & Gallos sericum; Anglos lanam & stannum inelaboratum & in-

(f) Cæsar de bello Gall. lib. II.

(t) Idem de bello Gall. lib. IV. cap. I.

(u) Tacit. de moribus Germanic. cap. XXIII.

(x) Plutarch. in Solone p. 91. Athen. lib. III. cap. III. pag. 74.

(y) Piccart. Observ. histor. polit. decad. II. observat. III.

infectum exportari regnis suis non pati, nemini ignotum est. Quæ omnia quis eos jure facere neget? Negare id quidem audent GROTIUS & (2) SIGISM. SCACCIA, (a) qui exteris non hostibus commercia denegare cum civibus nostris, inhumanum credunt, partim ob commerciorum libertatem, quæ quum a gentibus semper magni æstimata fuerit, citra injuriam impediri a nemine possit, partim quod commercia necessaria sint ad conservandam societatem humanam, adeoque nec hoc nomine possint ab ullo mortalium prohiberi. Ex quibus fundamentis Angli apud THUANUM (b) graviter conqueruntur de Hispanis, quod libertas commerciorum sibi ab ipsis contra jus gentium denegetur. Enimvero neutra ratio ita videtur comparata, ut ideo nobis deferendum sit vadimonium. Libertas commerciorum in statu pacis salva esse debet. Eadem libertas vero etiam prohibet, quo minus quisquam cogi possit ad merces ab exteris admittendas. Nec periculum est, ne ideo totius societatis humanæ salus in discrimen adducatur, si cum hac vel illa gente, cujus merces nobis parum necessaria videntur, commerciorum abruptatur libertas. Multum enim,

(2) Grotius *de jure belli & pacis lib. II. & cap. II. num. XIII. XVIII. XXII.*

(a) Scaccia *de commerc. §. I. quæst. I. num. XLVII.*

(b) Thuan. *lib. LXXI. ad an. c. 10 LXXX.*

enim, ut recte vidit ZIEGLERUS, (c) interest, utrum in universum prohibeantur commercia, an cum hac vel illa gente prohibeantur, necessitate reipublicæ id exigente. Quemadmodum enim medicus ægrotantibus, salvo officio, interdicare nequit medicamentis, quum tamen pro morbi ratione hujus vel illius medicinæ usû interdicare jure possit: ita dubium non est, quin salva commerciorum libertate princeps hanc vel illam gentem portubus suis arcere, aut certarum mercium vecturam legibus inhibere possit, nisi pactis fœderibusque aliud fuerit conventum. Cujus rei exempla non experientia modo, verum etiam ipsum jus nostrum (d) quam plurima suggerit.

§. VI.

Sed quemadmodum hæc omnia sua luce radiare videntur: ita paullo obscurius potest existimari, an eo usque progrediatur principis imperium, ut & exterorum cum exteris commercia, per mare provinciis suis proximum instituta, vel legibus vel classibus armisque turbare ei liceat? Quid enim principi in externos imperii? Cur mercatores externos ad externos excurrere prohibeat, quum isti jure suo utantur, adeoque nemini faciant injuriam? Quum ergo hæc res non adeo ad liquidum perducta videatur: licebit

(c) Ziegler *ad* Grotium *l. c. de jure majest. lib. I. cap. XLI. §. 21.*

(d) *L. 4. C. de commerc. & mercat.*

bit & nobis hanc quæstionem tot eruditissimorum hominum calamis æque ac potentissimarum gentium armis diutissime disceptatam, paullo accuratius expendere.

§. VII.

Certe quam sæpe potentissimi Reges ac respublicæ florentissimæ sibi hanc moverint controversam, quam sæpe ea non dicam in litem, sed in bellum ferocissimum evaserit, exempla fere innumera docent, quorum vel pauca hic retulisse suffecerit. Lubecensibus, sæculo XVI. eam ob causam multum negotii faceiebant Dani. Quum enim illi Svecis res necessarias adveherent, Danique id prohibere non dubitarent: Maximilianus I. Imperator ea de re acriter contendit cum Joanne, Danorum rege, eique, teste MEURSTO (e) per litteras denunciavit, ne commercia Lubecensium in mari Baltico ullo modo turbaret. Quin & Germaniæ principes, edicto monuit, ut ad Lubecensium tutelam, contra Danum excubarent, neque ullos milites in regis stipendia per provincias suas ire paterentur. Ast iidem tamen Dani, qui Lubecensibus eam ad hostes suos navigandi libertatem dubiam reddere non dubitaverant, anno ciro rxcviii. missa ad Anglos & Batavos, legatione libertatem commerciorum cum Hispanis graviter urgebant. (f) Eadem de re haut paul-

lo.

(e) Meurs. *hiflor. Dan. lib. V. pag. 49.*

(f) Meteran. *hifst. Belg. lib. XVIII. p. 775. seq.*

lo majore impetu circa annum c10 iolxxxix. inter se litigarunt Angli & Poloni, (g) nec non paullo post Angli & civitates Hanseaticæ, quibus illi, fervente adhuc bello, jure cum Hispanis negotiandi interdicebant: (h) quum tamen paullo ante ipsa Elisabetha Regina missis ad Batavos Guil. VVintero & Rob. Beale, professa esset; ferre Anglos non posse, ut Batavi in ipso belli æstu naves eorum ad portus Hispanicos detinent. (i) Quid ea de re inter Svecos & Batavos Anglosque in Livoniam navigantes nostra ætate actum, quantoque animorum motu hæc quaestio inter gentes illas potentissimas agitata sit, nemo ignorat. Sic utilitati suæ numquam non ferviunt gentes, idque sæpe juri gentium consentaneum judicant, quod præsentis rerum suarum statui expedire animadvertunt, modo commerciorum libertatem tuituræ, si ita visum fuerit, modo eandem, si consultius id arbiarentur, impedituræ.

§. VIII.

(g) Cambden. *hist. Elisab. ad ann. c10 iol LXXXIX. c10 iol XCV. & c10 iol XCVII. Meteran. hist. Belg. pag. 766. seq. Grot. lib. 1. hist. Belg. ad ann. c10 iol LXXIX.*

(h) Tefmar. *ad Grot. de jure belli & pacis lib. III. cap. I. §. V. p. 737.*

(i) Rhedan. *hist. Batav. ad an. c10 iol LXXV. Cambden. hist. Elisab. ad an. c10 iol LXXVI. Meteran. hist. Belg. lib. V. pag. 192.*

§. VIII.

Ad quæstionem ipsam demum ut redeamus, eam, ut solent, erudite tractarunt GROTIUS, (k) & qui ejus vestigia legit, MARQUARDUS. (l) Uterque rem omnem distinctionibus quibusdam quam accuratissime explicari posse existimat. Primum ergo distinguunt res ipsas, quarum aliæ in bello tantum usum habeant, ut arma: aliæ voluptati tantum inserviant: aliæ & in bello & extra bellum utilitatem adferant, ut pecuniæ, commeatus, naves, & quæ navibus adsunt. De primo genere extra omnem dubitationem positum esse, ejusmodi mercium vecturam ad hostes, posse prohiberi, quum in hostium partibus esse videantur, qui iis ad bellum necessaria subministrant. Secundum genus querelam non habere, quia ejusmodi res neque majores vires addant hosti, & si quod super sit ejus robur, infringant. Unde & SENECA (m) non negandum tyranno putat beneficium, quod illi neque vires majores daturum sit in exitium commune, nec confirmatarum, quas habet. In tertio genere distinguendum esse belli statum, dispiciendumque, princepsne tueri se non possit, nisi, quæ hosti submittantur, interceperit, (tunc enim

(k) Grot. de jure belli & pacis lib. III. cap. I. §. 5.

(l) Marquard. de jure mercat. lib. I. cap. XVI. num. 34.

(m) Seneca de benefic. lib. VII. cap. XX.

necessitatem jus dare,) an hosti pæne a nobis jam perdomito ejusmodi res subvehantur, quibus vires ejus pæne jam infractæ possent restitui: (tunc enim exteros cum hoste negotiantes nobis de damno culpa dato teneri,) an porro damnum nondum dederint, sed dare tamen voluerint (tunc enim jus esse rerum retentione eos cogere, ut de futuro obsidibus, pignoribus aliisque modis caveant,) an denique evidentissima sit hostis injustitia: (tunc enim illos, qui illum quocumque modo confirmant, jam non civiliter amplius de damno sed & criminaliter ad supplicium obligari.)

Hæc GROTIUS & MARQUARDUS. Paulo aliter rationes iniit **ZIEGLERUS.** (n) Quamvis enim de primi ac secundi generis mercibus cum GROTIUS sentiat: ad tertium vero quod attinet, concedat, prohibitionem fieri non posse per modum imperii, eo, quod imperio nostro negotiatores isti non pareant: fieri tamen posse existimat denunciationem, quam si insuper habuerint exteri, magis excusatam fore manus injectionem. Interesse tamen adhuc putat, utrum suo nomine mercatores hostibus ejusmodi res subministrant, an publico principis aut civitatis. Illo casu, quia non animus hostilis, sed solum lucri studium mercatores agat, non statim idem in eos, quod in hostes, decernendum esse. Hoc vero, quia publica causa jam satis.

(n) Ziegler, *de jur. majest. lib. I. cap. XLI.*

tis ostendat, hostilem esse illum subvectionis actum, etiam negotiatoris deteriorem fore conditionem, nec aliam, quam ipsius hostis. Multa etiam obvertit thesi isti, qua GROTIUS ea, quæ hosti submituntur, tum demum intercipi posse statuit, si nos aliter tueri nequeamus. Eam enim ex principio illo GROTII (o) de communione primigenia, in casibus extremæ necessitatis reviviscente, ab ipso ZIEGLERO, (p) PUFFENDORFIO (q), & OBERCTO (r) satis jam profligato, falso derivari observat, quum longe commodius ex hostili ejusmodi negotiatorum animo deduci possit. Tanta hac quidem in re sunt eruditorum divortia.

§. IX.

Enimvero rem paullo accuratius, adhibita in consilium ratione, expendentibus facile adparebit, rem omnem facile ex fanis juris universalis principiis componi posse. De mercibus ad voluptatem unice comparatis inter omnes constat, liberam esse oportere earum vecturam. Tantum abest, ut hosti inde quidquam accedat roboris, ut potius idem illi detrimentum adferant, quod Hannibali *Capha* deliciae, quas ipsi

Can-

(o) Grot. de jure belli & pacis lib. II. cap. II. §. VI.

(p) Ziegler. ad Grot. l. c.

(q) Puffendorff. jns nat. & gentium lib. II. cap. VI. §. VI.

(r) Obrecht. Observ. ad Grot. l. c. p. 1083.

Cannas fuisse veteres (f) observant. Quare vix subest ratio, cur earum vectura neutrarum partium gentibus interdici debeat. Nec de primi generis mercibus, quæ ad belli usum primario comparatæ sunt, quisquam temere dubitaverit, quin earum vectura impediri quovis modo possit. Perinde enim esse videtur, siue quis arma nobis intentet, siue hostibus eadem subministret, nobis inferenda, & recte apud PROCOPIUM (t) Amalasuntha, *in exercitu hostium eum censeret*, ait, qui, *quæ ad bellum usui sint, hostili exercitui subministrat*. Unde notum ex LIVIO (u) est, hostium loco a Romanis habitos esse Epirotas & Teios, quod Antiochum hostem pecunia & com meatu juvissent. Ast dum GROTIUS reliquas merces, quæ & in bello & extra bellum usum habent, non nisi quibusdam casibus certa que ratione prohiberi posse, arbitratur, in eo procul dubio eum fugit ratio. Nimirum uti recte vidit illustris COCCEJUS, (x) omne illud jus occidendi, vastandi, eripiendi, quod extra bellum injuriæ instar esset futurum, sola necessitate juris nostri tuendi recuperandique defenditur, illamque libertatem utraque pars beligerantium pro se solet allegare. Quisque illa HORATII (y) ingeminat:

Neg

(f) Liv. lib. XXIII. cap. VI. (t) Procop. Gothic. lib. I. c. II. (u) Liv. lib. XXXVI. & lib. XXXVII. (x) Coccei. dissert. de commissis. XXIV. seq. (y) Hor. lib. II. sat. I.

Nec quisquam noceat cupido mihi pacis.

Ait ille,

*Qui me commoriet, (melius non tangere
clamo,)*

Elebit.

Quod si vero in defensione illa quævis honesta ratio est expediendæ salutis : consequens est, ut princeps omnia facere possit, sine quibus jus suum tueri nequit, omniaque, quæ huic defensioni objiciuntur, impedimenta remove. Ergo eo jam casu non quæritur, an alteri jus sit, hosti nostro advehendi commeatum, aliaque, quæ ei necessaria sint, subministrandi : sed sufficit, & nobis jus esse, contra quemcumque, qui defensionem nostram vel anticipitem magis vel difficiliorem reddit, arma expediendi. Sic eos, qui hosti nostro ex foedere obligati auxilia submitunt, jure suo agere, nemo negaverit. Sed nec magis negari potest, nobis licere armis eorum arma opponere. Eadem vero ratione pars belligerantium jus commerciorum impedire jure potest, si quocumque modo hostium viribus inde accedat cumulus, aut defensio illi reddatur difficilior. Quis vero neget, commeatu, pecunia, navibus, apparatuque nautico non minus augeri hostium vires, quam armis ipsis suppeditatis? Quare nihil æquius est, quam ut hæc quoque hostibus advecta intercipi possint, ceu jam a RICH. ZOUCHEO, (z) SELDENO,

NO,

(z) Zouch. *jur. facial. sect. VIII. qu. 7. sequ.*

NO, (a) HERTIO (b) aliisque est observatum. Nihilominus tamen excipiendus esset casus, si inter gentes convenisset, ut neutra alterius commercia turbaret, tametsi hostibus necessaria subveherentur. Quales conventiones tametsi rarissimæ, non tamen plane ignotæ sunt, ceu vel exemplo pactionis Gustavi I. Sveciæ & Francisci I. Galliæ Regis patet, inter quos convenit, ut omnibus Svecia subditis liberum esset, cum navibus suis, mercibus & commerciis proficisci ad Gallia hostes & inimicos, eorumque portus, regiones & terras, ubicumque eis commodum videretur, subsistere & commercari, abire & redire quancumque vellont, ita ut ea de causa non dicerentur violasse pacem, aut mali quid iis inferretur a Francia. Ipsam pactionis formulam servavit LOCCENIUS, (c) quam hic exscribere non videat.

§. X.

Ceterum merces ejusmodi, quarum ventura hoc modo prohibetur, Athenis *ἀγορὰς* dicebantur, in eamque classem a SCHOLIASTA ARISTOPHANIS (d) referuntur lina, utres, lignum, cera, pix, aliaque confici-

(a) Selden. *de mari clauso* lib. II. cap. XX.

(b) Hert. ad Pufend. *de jur. nat. & gent.* lib. VIII. cap. VI. §. VII.

(c) Loccen. *histor. Sveciæ* lib. V. ad annum c1510 LIX.

(d) Aristophan. Scholiast. *ad nubes & equis.*

ciendis instruendisque navibus idonea. Romæ quoque notæ erant *res, quæ venire non possent*, ut & *quæ exportari non debeant*, quarum bis in rubricis pandectarum (e) & codicis (f) fit mentio. Ast medio ævo vocari cœperunt CONTRABANDO *vel contrabande VVahren*, a vocabulo *bando*, quod idem est ac *bannum*. Quamvis vero hujus vocabuli frequentissimus medio ævo usus, & multiplex sit significatio, ceu copiose docuit CAR. DU FRESNE: (g) præcipue tamen huc notio pertinet, quam e tabulario Casauriensi & *vocabulario della Crusca* protraxit, quod scilicet *bannum* vel *bandum* sit *leggo o decreto del principe o de magistrati, notificato col suono di tromba del ministro pubblico*, id est, *lex vel decretum principis vel magistratus sonante tuba ministri publici promulgatum*. (h) Unde consequitur, ut CONTRABANDO nihil aliud sit, quam quidquid contra publicam legem vel interdictum principis sit, adeoque *contrabande VVahren* sunt merces, quarum vecturam summi imperantes vel publica lege, vel denunciatione saltem exteris facta, prohibuerunt.

§. XI.

(e) Rubr. lib. XVIII. D. Tit. I.

(f) Rubr. lib. IV. Cod. Tit. XL. & XLI.

(g) Car. du Fresne in *Glossar. med. & inf. Latin. Part. I. pag. 454.*

(h) Conf. Castell *Ditionario de Viaggianti Italiano tedesco sub voce banno.*

Quamvis vero medio demum ævo natum sit isthoc vocabulum : tantum tamen abest, ut res ipsa tum demum innotuerit, ut potius jam jure Attico & Romano multarum rerum commercium vel inter cives ipsos, vel cum gentibus exteris prohibitum esse, aniadvertamus. Ab his ut capiamus primordia, plura sunt, quæ barbaris advehi vetant Imperatores. Ut vero, quales hi sint, eo rectius intelligamus, observandum est, invaluisse initio apud Romanos distinctionem inter cives & peregrinos, quos hostes etiam vocabat antiquitas. Et his quidem omnes accensebantur etiam in orbe Romano, qui civitatis jura non impetraverant, veluti focii & Latini nominis & Italici juris, ipsique provinciales, quos solos dum CHRIST. GOTTL. SCHVVARZIUS V. C. (i) peregrinos adpellatos existimat, procul dubio errat. Postea ubi Antoninus Caracalla civitatem cum omnibus in orbe Romano viventibus communicaverat, (k) soli libertini Latini & dediticiæ conditionis peregrini habiti sunt: (l) ceteri omnes, qui Romanis parebant, AUGUSTINO (m) teste,

Rc.

(i) Schvvarz. *dissert. de jure Italic. c. 1. §. 1.*

(k) L. 17 D. de statu hom.

(l) Ulpian. *fragm. Tit. XX. §. XIV.*

(m) Augustin. in Ps. LVIII. Part. 1. sub fin. Conf. Casaub. ad Lamprid. Alex. Sev. cap. V. Justell. ad can. eccles. univ. IV. p. 95. T. 1. Ez. Spanh. orb. Rom. ex. II. §. 10. p. 89.

Romani; reliqui extra orbem Romanum barbari dicti sunt. (n) Unde eos solos in totius mundi civitate peregrinari, ait SIDONIUS. (o) Cum his ergo non omnium rerum erat commercium, multæque adeo in legibus nostris recensentur res, quas ad eos advehere nefas habebatur. Sic VALENTIS & GRATIANI Augustorum lege (p) cautum est, ut ad barbaricum transferendi vini, olei & liquaminis nullam quiskquam habeat facultatem, ne gustus quidem causa, aut usus commerciorum. Oleum & vinum quid sit, & quibus usibus inferviat, nemo omnino nescit. Liguamen vero, quod & γάρου vel garum adpellatur, (q) erat condimentum ex pisce soluto confectum, quod in deliciis habebant veteres. (r) Hæc vero omnia barbaris invidebant Imperatores, ne degustatis ejusmodi deliciis pelliecti, sese provinciis Romanorum infunderent. Hoc enim modo LIVIUS (s) Gallos, & PAULLUS DIACONUS (t) Langobardos in Italiam pelliectos fuisse referunt. Unde non mirum, quod ne gustus quidem causa, aut usus commerciorum, id est, ne quidem ad usum ipso-

(n) Briffon. *de verb. signif. voce barbarus.*

(o) Sidon. *Apollin. lib. I. Epist. VI.*

(p) L. I. C. *qua res exportari non deb.*

(q) L. 3. §. I. D. *de pensu legat.*

(r) Cujac. *lib. IX. obs. IX.*

(s) Livius *lib. V. cap. XXXV.*

(t) Paul. Diac. *hist. Langob. lib. I. cap. ult.*

Hein. *Opusc. Var. Pars I.*

ipforum mercatorum, cum barbaris negotiantium, eas res in solum barbaricum deferri voluerint principes Romani. Eadem se-
 veritate GRATIANUS, VALENTINIANUS & THEODOSIUS Augusti (u) *purpuram vel in serico, vel in lana, qua blatta vel oxyblatta, vel janthina dicebatur, nec non muricis vellus distrabi vendique vetuerunt*, addicta sanctione, ut is, qui postremum vendere ausus fuerit, capitis subiret discrimen. Omnia hæc sibi reservaverant principes Romani, tamquam majestatis suæ insignia, unde sua interesse existimabant, ne hæc inter barbaros vulgarentur. (x) Idem Augusti (y) etiam *serici comparandi a barbaris facultatem omnibus, præterquam comiti commercio- rum, adimendam existimarunt*. Quamvis vero hæc lege non tam exportatio quam importatio rei prohibeatur: revera tamen ea principum fuit intentio, ut ne aurum ad barbaros migraret. Pretiosa res habebatur iericum, adeo, ut, VOPISCO (z) teste, libra auri libra serici æstimeretur. Intererat ergo reipublicæ, ne tam vana merce aurum permutarent Romani, & barbaros stultitia sua redderent opulentiores. Genuinam hanc fuisse legis nostræ rationem vel ex ea patet, quod &
 alio

(u) L. i. Cod. *qua res venire non possunt*.

(x) L. fin. C. *de vestitu halofer*.

(y) L. 2. C. *qua res ven. non poss.*

(z) Vopisc. *in Aurelian.*

alio loco (a) iidem principes sanxerunt, ut barbaris aurum non solum minime praeberetur, sed etiam, si apud eos inventum fuerit, subtili auferretur ingenio: utque si ulterius aurum pro mancipiis vel quibuscumque speciebus ad barbaricum fuerit translatum a mercatoribus, non jam hi damnis, sed suppliciis subjugarentur, iudice etiam tamquam conscio criminis punito, si repperit non vindicaverit. Quid? quod non solum ad barbaros nihil harum rerum exportari volebant Imperatores, verum etiam ipsos barbaros ad portus & emporia sua omnino non admittendos existimabant. Unde HONORIUS & THEODOSIUS Augusti (b) mercatores tam imperio suo, quam Persarum regi subjectos ultra ea loca, in quibus foederis tempore cum memorata natione convenerat, nundinas exercere prohibuerunt, addita elegante ratione, ne alieni regni, (quod non convenit,) scrutarentur arcana. Quum ergo sua interesse crederent Romani, ut barbarorum luminibus officerent, neque eos vel prudentiores, vel ditiores potentioresque fieri paterentur: nemo dubitabit, quin multo magis armorum exportationem inhibuerint. Quo pertinet lex MARCIANI Imperatoris, (c) qua sanxit, ut nemo alienigenis barbaris cujuscumque gentis, vel sub legationis specie vel

sub

(a) L. 2. C. de commerc. & mercat.

(b) L. 4. C. de commerc. & mercat.

(c) L. 2. C. qua exportari non deb.

sub quocumque alio colore Constantinopolin venientibus, aut in diversis aliis civitatibus vel locis loricas, scuta & arcus, sagittas & spathas & gladios, vel alterius cujuscumque generis arma, vel ferrum, sive factum sive infectum, auderet venundare, comminatus iis bonorum universorum publicationem, & capitale supplicium, qui huic legi non paruerint. Elegans & hic additur ratio, perniciosum esse Romano imperio, & prodictioni proximum, barbaros, quos indigere conveniat, telis, ut validiores reddantur, instrui. Ea scilicet tum erat orbis Romani conditio, ut cum barbaris aut bellum esset, aut belli præparatio, aut pax quam maxime infida. Hinc nec pacis tempore iis subministrari volebant ea, quæ jam veteres Romani hostibus advehere prohibuerant. Qua de re præclarus exstat locus JULII PAULLI: (d) *Cotem ferro subigendo necessariam hostibus quoque venundari, ut ferrum & frumentum & sales, non sine periculo capitis licet.* Ex quibus locis simul discimus, Romanos non ad GROTII mentem suas attemperasse leges, sed ea quoque, quæ tum extra, tum intra bellum usum habent, quin & ad voluptatem comparata ad hostes deferri vetuisse, eoque frequentius ejusmodi condidisse leges, quo magis rei publicæ interesse animadvertebant, ne earum

(d) Paull. *Recept. sentent. lib. V. Tit. XII. & L. II. pr. Digest. de public. & veltigal.*

rum violatione hostes suos ditiores ferocioresque redderent.

§. XII.

Quemadmodum vero hæc omnia ad commercia cum barbaris inita pertinebant: ita negotiationes nonnullæ inter ipsos cives Romanos erant prohibitæ. Talis erat ille christianorum mancipiorum mercatus, quo fiebat, ut plurima in Judæorum potestatem non sine summo religionis suæ discrimine pervenirent. Hoc enim hominum genus, profelytos faciendi studiosissimum, miseros illos servulos durissime tractabat, ut pertæsi illius miseriæ & spe melioris conditionis pelliecti, religioni suæ mitterent repudium seque synagogæ adjungerent. Hinc HONORIUS & THEODOSIUS Augusti (e) anno æræ christianæ ccccxvii. sanxere, *ut ne Judæus servum christianum comparare, aut quocumque titulo consequi posset. Si quis vero ullum ejusmodi mancipium possederit, aut circumciderit, is capitali sententia puniretur, ipso servo pro premio libertate donato.* Quamvis vero ea lex de solis Judæis loquatur: in rubrica tamen ipsa prohibetur, *ne christianum mancipium HÆRETICUS vel JUDÆUS vel PAGANUS habeat, vel possideat, vel circumcidat.* Et in BASILICIS (f) re ipsa ea lex porrigitur etiam ad Græcos, id est, deorum cultores, Samaritanos & alios

(e) L. un. C. de Christian. mancip. haret. vel Judæus.

(f) Basilic. lib. LX.

alios hæreticos, id est, non existentes orthodoxos, quamquam capitali illi supplicio alia paullo mitior pœna xxx librarum surrogatur. Quemadmodum vero hæc lex instat antidoti adversus corruptionem animi erat: ita aliis sanctionibus jam olim corpori consulere studuerant, vetito quippe veneni mali commercio, ex quo facile detrimentum capere poterat respublica. Sane ad edictum provinciale notavit CAJUS, (g) putare quosdam, VENENI MALI non contrahi emtionem, quia nec societas aut mandatum flagitiosa rei ullas vires habeat. Quod quamvis ipse non ita in universum admittere velit, eo quod hoc tum demum justam rationem habeat, si res nullo modo adjectione alterius materiæ usui nobis esse possit: ex lege tamen Cornelia de sicariis (h) capitale erat, venenum malum necandi hominis causa confiscare, habere, vendere. Quod deinde variis senatus consultis & principum constitutionibus ad eos porrectum est, qui vel conceptionis, (i) vel libidinis, (k) vel abortionis, (l) vel alienanda mentis (m) causa vene-

(g) L. 35. §. 2. *Dig. de contrah. emt.*

(h) L. 1. §. 1. L. 3. *princ. D. ad L. Corn. de sicar.*

(i) L. 2. §. 2. *Dig. ad L. Corn. de sicariis.*

(k) L. 4. *C. de malef.*

(l) L. 38. §. 5. *D. de pœn.*

(m) *Novell. CXV. cap. IV. §. 5.*

venena vendiderint. Eodem modo in commercio non erat frumentum tum publici canonis, (n) tum quod exercitui mittebatur. (o) Illud si quis vel emeret vel venderet, capitali uterque supplicio plectebatur. Hujus emptio in vilioribus personis capitali supplicio; in honestioribus proscriptione & publicatione bonorum coerceretur. Erat vero frumentum publici canonis, quod & canon, (p) *commensus*, (q) *canon urbicarius*, (r) & *entheca populi Romani* (f) dicitur, pensio annonæ, quæ a provincialibus possessoribus populi usibus annis singulis submittebatur, ut ex eo populo Romano panis ministraretur a pistoribus. (t) Quum vero annona Romana externis potius quam domesticis præfidiis niteretur, & nulla re facilius vulgus ad seditionem consternari soleat, quam metu feriarum esurialium: tanta animi contentione annonæ publicæ curam susceperunt principes Romani, (u) ut ANNONA AUGUSTA inter solemnia, quibus eorum laudes in nummis consecrabantur, elogia, in primis emi-

(n) L. 3. C. *qua res venire non poss.*

(o) L. 4. C. *cod.* (p) L. 30. C. *Th. de annona.*

(q) L. 32. C. *Theod. de navicular.*

(r) L. 3. C. *Theod. de can. frum.*

(f) L. 13. C. *Theod. de oper. publ.*

(t) Jac. Godofr. Parat. *ad Cod. Theodos.*
lib. XIV. tit. XIV. pag. 225. Tom. V.

(u) Boecleri *Exerc. de anona sub Imperat.*
Rom. Tom. II. Exerc. XVI. pag. 512.

emineat. (x) Quare ne quidquam hujus frumenti a privatis vel exteris interciperetur: tam severa lege ejus mercatum prohibere placuit. Eademque ratio suavit, ut & commeatus ad exercitum destinati emissionem privatis inhiherent, haut ignari, & illum fame non modo rebus gerendis idoneum reddi, verum etiam ad seditiones facile incitati. Metus iste seditionum etiam jam olim subegerat Romanos, ut devictis gentibus & male obsequiosis arma adimerent, cujus rei exempla haut pauca existant apud JUL. CÆSAREM (y) & TACITUM. (z) Id vero ad omnes porrexit JUSTINIANUS, (a) a quo lege publica cautum legimus, ne quisquam privatorum arma conficere auderet, nisi sit ex numero fabricensium, neve privati arma emerent gestarentque, præter cultellos minores, quibus nemo in præliis utatur. Privatorum ergo non solum commercio, sed & fabricationi Imperator exemit arma, eamque operam folis demandavit fabricensibus, qui jam olim fabricandis armis locare operas consueverant, & sub primiceriis fabricæ huic labori insudaverant, (b) a curialibus

(x) Oeco *Numism.* p. 122. 189.

(y) Cæsar. *de bello Gall.* lib. II.

(z) Tacit. *Annal.* lib. XII. cap. XXXI. & *Hist.* lib. II. cap. LXIV. & LXVI.

(a) Novell. LXXXV. cap. 1. & sequ.

(b) L. 4. 5. 6. C. Th. *de fabricensib.* lib. X. tit. 22.

bus ideo muneribus immunes , (c) sed adeo tamen huic vitæ generi adstricti , ut illud deferere non possent , & in fuga deprehenſi ſtigmate urerentur . (d)

§. XIII.

Sunt etiam commercia quædam jure canonico vetita a Pontificibus , de quibus ipſi quoque facere non poſſumus , quin aliquid moneamus . Maxime hanc eorum ſollicitudinem incitarunt expeditiones illæ ſacræ , quæ ad recuperanda ex infidelium poteſtate loca ſacra ſuſcipiebantur . Ut ergo tanto auſpiciatus ſacrum iſtud bellum gereretur : variis bullis vetuerunt , ne quis Saracenis arma vel commeatum ſubveheret . Sic ALEXANDER PAPA III. (e) Romæ in concilio Lateranenſi anno clocclxxix iis omnibus non modo diras ſed & ſervitutem & rerum vetitarum amiſſionem minatur , *quorum animos ita occuparet ſava cupiditas , ut Saracenis arma , ferrum , & ligamina galearum ſubmiſtrarent , vel in galeis & piraticis Saracenorum navibus regimen & curam gubernationis exercerent .* CLEMENS PAPA III. (f) clo cx. ne eos quidem , qui Alexandriam redimendorum captivorum cauſa erant navigaturi , portu ſolvere paſſus eſt , niſi jurejurando adactos ſe nihil in mercibus ſuis

(c) L. 37. § 81. C. Theod. de decurion.

(d) L. 4. Cod. Theod. de fabricenſib.

(e) cap. 6. X. de Jud.

(f) cap. 11. X. de Judais.

suis vel alio modo secum illuc deferre, unde possit Saracenis, excepto redemptionis articulo, aliquod commodum aut subsidium provenire. Sed & iis diras minatus est, qui induciarum tempore merces prohibitas, lucrandi animo, eo detulerint: eodemque anno (g) decrevit, ut qui jam amplius cum Saracenis mercimonia habuerint, siue per se, siue per alias, navibus vel quocumque alio ingenio, eis aliqua rerum subsidia seu consilia, bello fervente, impendenda duxerint, omnes abstenti essent, & a sacrorum usu exclusi. Prestitit antecessorum vestigia INNOCENTIUS III, (h) qui ALEXANDRI III decretum firmavit, addiditque, iis, qui Saracenis quidquam advexissent, gremium ecclesie non esse aperiendum, nisi eorum, quod ex commercio tam damnato perceperint, & tantundem de suo in subsidium terra sancta transmiserint, ut aequo iudicio, in quo deliquerint, punirentur. Nec minus denuo hanc legem firmarunt anno CCCCXV CLEMENS V, (i) & anno CCCCXVI JOANNES XXII, (k) quorum verba hic legere parum refert. Tanta fuit Pontificum Roman. in vindicando hoc crimine sollicitudo.

§. XIV.

Sed quum hæc omnia non sint sufficiens controversias inter gentes sopiendi fundamenta.

(g) cap. 12. X. cod.

(h) cap. 17. X. cod.

(i) Extrav. comm. multa 1. de Jud.

(k) Extrav. copiosius 1. de Jud. & Sarac.

mentum : nostrum erit, paullo adcuratius inquirere, quænam hodie merces inter gentes contrabando habeantur. Paucis dicimus, quod jam supra demonstratum est, imperantium esse, dispicere, quas merces admittere, quas cum exteris communicare velint, ut adeo hic longam earum rerum texere seriem supervacuum videatur. Ad hostes vero quas merces deferre nefas habeatur, pluribus inter gentes conventionibus est explanatum. Exstant eam in rem TRACTATUS HISPANIÆ REGIS cum Belgis, (l) REGIS GALLIÆ cum civitatibus Hanseaticis, (m) ejusdem cum Batavis, (n) ANGLORUM cum Polonis (o) & Svecis (p) alique hujus generis complures, in quibus mercibus vetitis accenferi animadvertimus omnia arma ignivoma, eorumque adparatus, qualia sunt tormenta, bombardæ, mortaria, petardæ, bombi granatæ, circuli picei, tormentorum sustentacula, furcæ, balthei, pulvis nitratus, restes igni capiendo idoneæ, sal nitrum, globi, item hastæ, gladii, galeæ, cassides, loriceæ, bipennes, spicula, equi, ephippia, aliaque instrumenta bellica. Quin & triticum, hordeum, avena, legumina, sal, vinum, oleum, vela, restes,

(l) Leon. ab Aizm. *hist. pac. Belg.* p. 710.

(m) Diar. *Europ. contin.* VI. in *adpend.*

(n) Diar. *Europ. contin.* VII. art. XXVII. §. 368.

(o) Meteran. *hist. Belg. loc. cit.*

(p) Diar. *Europ. contin.* VII. Art. XI. p. 364.

restes, & si qua alia ad adparatum nauticum pertinent. Quamvis enim alter populus forsan suo jure utatur, dum talia hosti alterius subministrat: nec minus tamen jure suo utitur, qui se adversus illos defendit, qui hostem reddere potentiores non dubitant. Ceterum sunt quædam, de quibus inter gentes aliquando disceptatum est, an mercibus vetitis sint accensenda. Sic de vaginis aliquando dubitatum, refert REINOLDUS KURIKE, (q) an una cum armis deferri prohibitis censeantur prohibita? Sed quemadmodum ipse auctor prudentissimus quæstionem adfirmandam existimat: ita præclare observat, in instrumento foederis REGIS GALLORUM cum Belgis (r) vaginarum negotiationem reliquis commerciis vetitis diserte fuisse accensitam. Et sane cur accenseri eas non oporteat, nulla videtur esse idonea ratio. Vaginis non minus opus est hosti, quam gladiis: & quamvis vaginis non vulneret aut stragem edat: inutiles tamen essent ipsi gladii futuri, nisi vaginæ eos a pluvia & rubigine tuerentur. Eadem ergo ratio, quæ vela, restes nauticas, frumenta, prohiberi suavit, ipsis etiam vaginis facile po-

(q) Kurike *jur. marit. hanseat. in annexis Quæst. illustr. Quæst. XVIII. Reg. 75.*

(r) *Tract. Regis Gall. cum Belgis art. 170. in Diar. Europ. cont. VII. Art. XXVII.*

poterit accomodari. Multo acrius inter Hispanos & Anglos disputatum est de herba Nicotiana, (f) utrum illam hostibus subministrare liceat? Negabant Hispani, qui illam rebus ad victum comparatis accensebant, adeoque non minus intercipi posse judicabant, quam salem. Ast in alia omnia ibant Angli, quod herbam istam non nutrire ullo modo putarent. Hinc quum in tribunali maritimo Hispanico herba ista Nicotiana jure intercepta judicaretur: Angli litteras repressaliarum ad faciendam damna decreverunt. Sed ut dicamus, quod res est, non tam hic quæri videtur, an aliquid nutriat, quam an hostis eo commode carere nequeat, adeoque eo impetrato adversus nos procedat instructior? Talem esse Herbam Nicotianam, extra omnem dubitationis aleam positum est. Exercitus enim sub humido aere varioque calo pro salute reipublicæ excubans, deficiente hac herba, non magis se beatum aut instructum putabit, quam si ferias ageret esuriales. Quo magis ergo interest gentis, ne adversus hostem probe instructum arma ferat, eo minus illi vitio vertendum, si hæc exercitui destinata intercipiat.

§. XV.

Ne quis vero jure nos reprehendere videatur, quod diutius terra marique peregrinati,

(f) Zouch. *jur. & judic. facial.* Part. II. Sect. VIII, n. XII.

nati, quid domi nostræ pravi rectique geratur, nondum expenderimus, proximum erit, ut & in merces Germanico jure vetitas inquiramus. Antiquissimis temporibus ab omnium rerum exterarum commercio abhorruisse majores nostros, jam supra ex JULIO CÆSARE & TACITO demonstravimus. Postea etiam res externas admittere cœperunt: sed tamen, ut recte a CONRINGIO (t) observatum est, rarus per Germaniam, & non nisi viliorum fuit commerciorum usus, usque ad annum a nato fervatore fere millesimum centesimum. Hactenus quidem pauca peregrinæ merces, & vix aliunde quam ex Italia adlatæ, oceano omni Normannorum piratica infesto, & Germanicis navibus pæne ignoto. Primi septentrionales populi mare Germanicum tentarunt, & proximi eidem mari Venedi, quorum nobile ad oceanum emporium Rerich, jam a Godofredo Danorum rege destructum, commemorant veteres FRANCORUM ANNALES. (u) Nec minus Julinum, Venedorum emporium, jam sæculo undecimo florentissimum, celebrant ADAMUS BREMENSIS (x) & HELMOLDUS. (y) Paulo post & Hanseaticum illud fœdus, CONRINGIO (z) teste, invaluit, ex eoque tem-

(t) Conring. *de urbib. Germ.* §. LXXXV.

(u) *Annal. Franc. ad ann. 1000CVIII.*

(x) *Ad Brem. hist. eccles. cap. LXVI.*

(y) *Helmold. Chron. Slav. libr. I. cap. II.*

(z) Conring. *loc. cit.* §. XLV.

tempore ita ubique effloruerunt commercia, ut Germania rerum & ad necessitatem & ad commodiorem vitæ usum pertinentium adfluentia, nulli terræ cederet. Quemadmodum vero tunc fieri solet, ut multa, quibus vix carere potest respublica, exportentur, multa, quæ cives ad luxuriam aliaque vitia publice noxia incitant, aliunde advehantur: ita dandam sibi operam existimarunt imperii proceres, ut, quarum rerum commercia vetanda sint, legibus publicis definirent. Sic CONSTITUTIONE CRIMINALI (a) cautum est, ne venena publici fiant commercii, jus jurandumque a pharmacopœis exigatur, se inscio magistrato nemini illa tradituros. Quum enim facile his rebus ad veneficia, mortemque voluntariam abuti soleat malitia hominum, nec raro imprudente earum tractatione ingens detrimentum capere possint integræ familiæ: e republica profecto fuit, venenorum omnium commercium cohibere. Eam vero legem deinde mitissime passim perpoli-
verunt leges provinciales, majoris cautionis ergo statuentes, ne venenorum thecæ reliquis thecis misceantur, ut in vendendis illis singularis libra adhibeatur, ne provisores, quos vocant, illa cuiquam tradant, ut nemini vendantur, nisi ipsi patribus familias integræ famæ, vel illis, qui litteras ab iis scriptas obtulerint, usum simul eorum indicaturas, & quæ sunt hujus generis

(a) Const. Crim. Car. art. XXXVII. §. fin.

ris alia. (b) Prudenter etiam legibus Germaniæ publicis prohibitum legimus, (c) ne quis christianus cum Judæo aliter quam in foro domicilii christiani ineat contractum, nec quisquam actiones obligationesque adversus christianum a Judæo emat, addita poena amittendi crediti, si quis jus Judæi in se transtulerit. Immo & magistratui leges minantur infamiam & remotionem ab officio, qui super hujusmodi prohibita venditione instrumentum conficere ausus fuerit. (d) Unde frustra a tali prohibitionem eximunt emtionem, ejusmodi actis insinuatam, quum vitiosus actus alio æque vitioso sustineri non possit. (e) Nec melius componunt rationes, qui cum CARPZOVIO, (f) RICHTERO. (g) aliisque jureconsultis Saxonis hanc prohibitionem ad debita tantum usuraria, & a judice non confirmata, restringendam existimant. Nam harum actionum cessionem

pro-

(b) Apotheker Ordnung der Stadth Lubeck *de anno 1606. cap. IV. art. I.*

(c) *Rec. imp. de anno c10 10LL. §. diesem zu begognens vor. Es soll auch kein Christ. Ordin. Polit. de anno c10 1cLXXVII. Tit. 20. §. Es soll auch kein Christ.*

(d) *Retcessus imp. c10 10LV. §. zu demvullen.*

(e) *Richt. Dec. XXXVI. n. XII. sequ. Lenz. de nomin. cession. cap. XXVI. memb. 1. n. XL*

(f) *Carpz. lib. V. Resp. XXXVIII. & part. II. const. XXXV. defin. XLV.*

(g) *Richter. loc. cit.*

prohibere, supervacuum erat, quum jam tum usurarii ejusmodi contractus ipso jure nulli haberentur. (h) In Saxonia tamen & aliis provinciis sententiam CARPZOVII alteri præferri satis notum est, & pluribus exemplis a PHILIPPI, (i) SCHILTERO (k) & MENCKENIO (l) demonstratur. Unde non mirum est, & ZIEGLERUM, (m) STRYKIUM (n) aliosque accuratissimos jureconsultos pedibus discedere in CARPZOVII sententiam. Ejusdem generis in Germania nostra sunt leges, quibus certa pannorum genera prohibentur. Sic quum animadversum esset, mercatores pannos laneos nimis extendere solere, (*dass die Tucher an den Rahmen allzuviel gestreckt vuerden, und demnach dem Kauffer ein merkliches davon im VVasser abgehe, auch zu Zeiten die Tucher blattericht vuerden,*) primum anno c1o 104LVIII. (o) cautum est, ne ejus-

(h) *Vid. ipse recess. Imp. c1o 104LV. §. diesem zu begegnen, ib. nichtig und unbundig seyen. conf. Lauterb. Colleg. pract. lib. XVIII. Tit. IV. §. XXIII.*

(i) *Philippi ad Decis. Eleët. XXVIII. observ. VL*

(k) *Schilterr. ad Pandect. Exerc. XXX. §. LXXVII. (l) Mencken. diff. jur. comm. & Saxon. ad Hub. p. m. 49.*

(m) *Ziegler. de jurib. Judaor. cap. V. n. XXIII.*

(n) *Stryk. de jur. & all. non cessibil. cap. I. §. III. pag. 6. (o) Reform. Pol. anni c1o 104LVIII. Tit. von Verkaufung der wuelen Tucher §. Dierweil auch befunden.*

ejusmodi panni extendantur, nec, nisi antea humefacti & detonsi, venirent, aut ita venditi a fisco vindicarentur. Postea anno clc IOLI. (p) hoc ad pannos Londinenses aliosque exteros restrictum, de Germanicis vero dispositum est, *das bernbrte gemeine Tucher, die in der teutschen Nation gewuebet vverden, damit der gemeine Mann sich deren auch zu gebrauchen hab, und dieselben zu Nutz gebracht vverden, dergestalt an die Rahmen angeschlagen, und das nachmalhis dieienigen, so solche Tucher im H. Reich teutscher Nation mit der Ellen aufschneiden vvollen, dasselbige vermoge der Policy Ordnung thun, und die Tucher genetzt unde geschoren verkauffen.* Ast anno clc IOLXXVII. (q) denuo prior illa lex firmata, simulque ut omnes panni expansi, & qui nec humefacti nec detonsi venduntur, fisco cedant, mandatum est. In iisdem comitiis (r) cautum, ne panni cerulæi tincti colore corrodente, qui in recessu vocatur, *die neulich erfundene, schadliche und berrugliche fressende oder corrosiv-Farb, so man die Teufels-Farbe nennet,* vendantur, addita præter confiscationem pannorum infamiæ poena gravique multa,

(p) Resess. Imp. clc IOLI. §. 73. & sequ.

(q) Ord. Polit. clc IOLXXVII. Tit. XXI. §. dieuveil auch befunden.

(r) Ibid. §. 3. verb. Gleichfalls ist uns glaublich furgebracht.

ita, si quia vel hoc colore pannos tingere, vel hoc modo tinctos distrahere ausus fuerit. Nec minore severitate aromatum fraudulentè corruptorum, veluti zingiberis, colore tincti, nec non piperis, sacchari & croci adulterini negotiationem recessibus eompluribus vetitam animadvertimus. (f) Prudenter porro in Germania commercio exemptæ sunt fruges herbescentes & immaturæ, ut & uvæ nondum ad vindemiam maturæ. In eadem enim ORDINATIONE POLITICA, (t) quam vocant cautionem est, ut liceat quidem fruges & vindemiam futuram oppignerare, sed ita ut justî pretii illius temporis ratio habeatur, aliæque, quæ ibi leguntur, cautiones observentur, venditio vero frugum herbescentium & vinorum in uvis plane prohibeatur. Quæ ratio imperatorem & imperii proceres induxerit, ut id vetuerint, facile patet. Solebant enim lucricupidi homines a colonis & vinitoribus, aeris indigis, totam spem messis vel vindemiæ, nondum maturam, pretio minimo emere, eamque deinde collectam eo carius vendere. Injustum vero est, avidos ejusmodi homines alie-

(f) *Recess. Imp. c. 10 I. L. §. 85. & sequ. Ord. Polit. c. 10 LXXVII. Tit. 24. Von Verkaufung des Ingwers, Pfeffers, Saffrich, und andern Gewurcz und Specereyen.*

(t) *Ord. Polit. c. 10 LXXVII. Tit. 19. §. Hierauf setzen und ordnen.*

alieno sudore & sanguine vivere, & pauperes his fraudibus redigere ad incitas. Hinc non mirum, quod saluberrima ista lex ab ordinibus imperii non solum servata, verum etiam ad similes casus porrecta sit. Sic vetere civium Hanseaticarum decreto statutum est: (u) *Nemo emet & vendet halesces, antequam captura sit perfecta, nec frumentum ante messem, pannum aut alia artificialia manufacture, priusquam fuerint confecta & absoluta. Si quis contra hoc quid tentet, tunc emptor perdet bona cuncta: venditor autem decem marcas argenti pro multa solvet. Qui talem contractum nullitatis arguet, ille sextam partem ex bonis his confiscandis pro premio accipiet.* Denique multæ hinc inde exstant leges de vino diluto & corrupto, exempli gratia, ne quis vina medicamentis inficiat, nec vasa, nisi sulphure, idque semel & modice fumiget, (x) ut extera tantum vina helenio, salvia, absinthio herbisque aliis innoxiiis condita & confecta vendere fas sit, (y) ut procurator fisci imperii, vini adulteratores, magistratu prius officii fru-

(u) Jo. Aug. VVerdenhagen. *de rebuspublic. Hanseat. Part. IV. cap. XI.* Marquard. *Jur. Mercat. libr. III. cap. V. §. 13.*

(x) *Recess. Imp. c10 CCCCXCVII. §. 1. sequ.*

(y) *Recess. imp. eod. anno §. Item es sollen auc Alaud &c.*

frustra admonito, pœnam poscat, (z) ut denique vinum diluentes, vel calce aliisque mixturis corrumpentes infamia, suppliciiis, bonorum publicatione mulcentur, (a) & quæ sunt hujus generis alia. Sed mirum est, in tanta optimarum legum copia, omnes etiamnum de mercium ejusmodi vetitarum adfluentia conqueri. Ast fuerit eheu tempora, quibus, TACITO (b) teste, *plus apud Germanos valebant boni mores, quam alibi bonæ leges.*

§. XVI.

Hæ sunt merces, quas in commercio esse tum leges publicæ, tum mores ac consuetudines gentium prohibent. Latissimus hic se aperiret campus, in quo excurrere nobis liceret, & quas merces aliæ etiam gentes vel ad se importari, vel exportari ex provinciis suis nolint, paullo adcuratius edisserere. Sed otium nobis ea in re fecit MARQUARDUS, (c) qui integro capite de restrictione & coarctatione commerciorum, itemque jure prohibenda transvectionis mercium singulari egit, varique Gallorum, Scotorum, Italorum, Belgarum aliarumque gentium, quæ huc faciunt statuta collegit. Quare omissa in præsentis hac tractatione, potius id observamus, im-

-
- (z) *Recess. Imp. c. 10 Ic. Tit. vom gemacht der VVein. §. Gemacht halben.* (a) *Reform. Polit. c. 10 XLVIII. Tit. 16. von den Schiff- und Fuhr-Leuten §. nachdem auch zur Zeiten.* (b) *Tacit. de moribus Germ. c. XIX.* (c) *Marquard. de jur. merc. lib. I. cap. XVI.*

imperantem ex principiis supra explicatis etiam eo jure uti, ut commercia exteris quoque certis legibus concedere possit. Quum enim ea jure quodam suo certis casibus plane prohibeat: non video, quid eum impediatur, quo minus & concessis certas leges dicere, adeoque, quibus conditionibus illa libera esse debeant, edicere queat. Sic in commerciis maritimis observari solet, ut naves mare vel portum peregrinum subeuntes, reverentiam suam signo aliquo testentur, id quod jam olim apud Romanos fieri consuevisse, præclare docet LIPSIUS. (d) Et sane luculentum ejus rei exemplum apud APPIANUM (e) est, apud quem quum Domitii Anhenobarbi & Antonii naves prætoris casu sibi obviam factæ essent, primarius Antonii lictor, stans in prora, ut mos erat, Anhenobarbi nautis imperabat, ut *detraherent insignia*. Hodie naves hanc reverentiam testantur demisso velo, non uno tamen semper modo. Ait enim STYPMANNUS: (f) *Enrvueder es vviird im Mittel-Mast die oberste Flagge ein vvenig herunter gelassen, und bald vviader aufgezogen, oder es vviird das Toppsegel hernieder gelassen, und nicht ehr als man einen Canonen-Shuss vveit in die See*

(d) Lipsi. *Elect. lib. I. cap. XXIII.*

(e) Appian. *de bello civil. lib. V.*

(f) Stypman. *de jur. marit. Para. V. cap. I. n. 21.*

See ist , wieder aufgezogen . Et de hoc reverentiæ signo quemadmodum sæpe inter gentes potentissimas disceptatum , ita & sæpe pactis & foederibus cautum est , quo modo illud a singulis esset exhibendum . (g) Ad easdem leges , quæ commerciis dici solent , pertinet , quod impetrantes civitatibus quibusdam concedere solent privilegium , sistendi & ab instituto cursu retrahendi merces exoticas , quas negotiator importat , ut nimirum eo loco ad certum tempus conquiescant , & includantur stabulo publico , quo venum exponantur , quavis conditione , nisi vector domum redire malit . Vocant id jus *stapulae* , die *Stapel-oder Staffel Gerechtigkeits* , die *Niederlage* , quale privilegium Atretrato in vinis Francicis ; Middelburgo in vinis iisdem ut & Hispanicis & Lusitanicis ; Dordrecht in vinis Rhenanis , frugibus , lignis & carbonibus ; Spiræ Nemetum in salibus aliisque mercibus , aliis denique civitatibus in aliis rebus competere , satis con-

-
- (g) Vid. tractatus inter Suecia & Daniæ reges anno c1515XLV. Art. 5. 14. & 15. apud Loceen. de jure marit. lib. I. cap. IV. num. X. Tractatus Londinensis inter Anglos & Belgas c1515CLXXIV. Art. IV. See. Tractat. inter Ludovicum XIV. & civit. Hansæ. art. VII. apud Marquard. de jur. mercat. Tom. II. pag. 31. Puffendorff. Rer. Brandenburg. lib. IX. §. LXVIII.

constat. (h) Accensendum porro his le-
hibus *jus geranii*, *das Krahnen-Recht*, quo
imperantes jubent, ut merces certis locis
machina ad id comparata navibus extra-
hantur, & explorato eorum pondere, de-
nuo immittantur. (i) Omitto alias hujus
generis leges, quibus imperantes passim
circumscribere solent exterorum negotiatio-
nes.

§. XVII.

Principem vero locum inter has leges &
conditiones jure quodam suo sibi deposcunt
vectigalia, quæ fere ubique mercibus extrin-
secus adlatis imponuntur. Jam olim apud
Romanos quam plurima fuisse vectigalia, vel
e jure nostro constat, eorumque rationes
post SIGONIUM (k) luculenter excussit v. c.
PETRUS BURMANNUS. (l) Quorum morem
quum hodie gentes tantum non omnes se-
quantur, non temere quærere quis possit,
an id jure fiat? Equidem jure exigi vecti-
galia & portoria, ubi in vias muniendas,
refi-

(h) *Vid. Leuber. disquis. Stap. n. CCXCVII. sequ. VVehner. voce Staffel-Recht. Mar-
guard. de jur. mercat. lib. II. cap. VI. §. XII. sequ.*

(i) *Vid. Loccen. l. c. lib. I. cap. X. §. II. Stypmann. contin. de jure maris. Part. V. cap. II. num. XI. sequ.*

(k) *Sigon. de antiquo jure civ. Rom. lib. I. cap. XVI.*

(l) *Petr. Burmann. de vectigal. pop. Rom.*

reficiendasque, canales ducendos, pontes
 struendos, purgandos portus, aliæque hu-
 jusmodi impensæ fiant, nemo negat. Sed
 an in libero mari vectigalia jure exigí &
 imperantium arbitrio libere intendi possint,
 id vero est, quod haut pauci negant. Maxi-
 me hanc litem Danis haut semel intenterunt
 Sveci. Jam anno cIoIoCXL. PUFFENDORFIO
 (m) teste, acriter querebantur, Danos
 in freto Oresundico vectigalia nimis in-
 tendere, idque vel eo nomine iniquissi-
 mum esse judicabant, quod id jus tam-
 quam partem summi imperii sibi vindica-
 rent. *Equidem Hafnia aut Bergis vectigal,*
quantum velit, exigere licere Danis, & ibi
contradicturum neminem. Sed in freto id
capere, ubi nec littore nauta utantur, non
plus rationis habere, quam si aut Anglus in
freto Britannico, aut Hispanus in Gadita-
no idem exigere instituat. Hinc non mi-
 rum, Svecos bello, quod paullo post in-
 ter eas gentes exarsit, composito, in pa-
 ce anno cIoIoCXLV. articulo III. sibi sum-
 mam libertatem a vectigalibus istis Ore-
 fundicis esse stipulatos. Eadem lis recru-
 duit anno cIoIoCLVIII. & paullo post de-
 nuo sopita: (n) Sed ut sunt fata rerum
 humanarum, Dani, qui tam diu Svecis hanc
 libertatem concedere fuerant coacti, jus su-
 um exigendi a Svecis vectigalia etiam in fre-
 to

(m) Puffendorf. *ver. Brandenburg. lib. XII.*
 §. LXXXVI. (o) Puffendorf. *vita Ca-*
roli Gustavi Regis Svec. lib. V. §. LXVI.

Hein. Var. Opusc. Pars I.

to Oresundico recuperarunt ultima pace Holmieni, ut adeo jam eam litem sopitam oporteat. Enimvero ne in fretis quidem solvenda vectigalia, (quorum æquitatem tueri difficillimum putat HERTIUS,) (o) juri refragari, illi facile largientur, qui mare imperio subesse posse, non inficiantur. Quæsito vero tali imperio, quis neget, vectigal a transeuntibus pro mercium vectura peti posse? Ea sane exiguntur non solum ob impensas in vias & pontes faciendas, ceu HERTIUS existimasse videtur, verum partim in signum & recognitionem imperii, quod in certum maris tractum sibi adseruerunt imperantes, ut ZIEGLERUS (p) vidit, partim ob securitatem, quam princeps navibus suis & classibus præstat transeuntibus, quam cum ZIEGLERI ratione conjungendam recte monet illustris BOHMERUS. (q) Unde ne ipse quidem PUFFENDORFIUS (r) id jus plane iniquum dicere ausus est, quamvis moderate eo utendum esse, frustra monuerit, quum id de omnibus vectigalibus ipsa æquitas & ratio prudentiæ civilis suadere videatur.

§. XVIII.

-
- (o) Hert. *de servit. natur. constit. sect. I.*
§. XV. p. 129.
(p) Ziegler. *de jur. majest. lib. II. cap. VII.*
§. XIII.
(q) Boehm. *jus pub. univers. lib. II. cap. IX.*
§. XIX. & XX. & ibi not. I. pag. 555.
(r) Puffendorf. *de jur. nat. & gent. lib. III.*
cap. III. §. VII.

§. XVIII.

Quum vero legibus a subiectis obsequium debeat, subiectorum vero numero non solum cives, verum & exteri, dum in terris nostris vel maribus hærent, habendi sunt, siquidem in aliena republica versari, & imperanti parere nolle, hostile esset futurum: (f) consequens est, ut a civibus non modo, verum etiam peregrinis, qui vel merces vetitas venum exponunt, vel vectigalia defraudant, vel aliis legibus ab imperante circa commercia conditis refragantur, principes poenas jure possint exigere. Poenæ vero non semper & ubique eadem sunt. Sæpe fieri solet, ut, qui hosti maxime obsidione cincto & ditioni proximo necessaria sufficiunt, extremo supplicio adficiantur. Sic jam olim Demetrius, quum Atticam teneret exercitus; jamque vicina oppida Eleusina & Rhamnuntem cepisset, Athenis finem facturus, navis frumentum inferre parantis & magistrum & gubernatorem suspendit, eoque modo deterritis ceteris, urbe potius est. (t) Eadem severitate Pompejus, teste PLUTARCHO, (u) custodes imposuit Bosphoro, observaturos, si qui mercatorum eo navigarent, & deprehensos capitali supplicio affecturos. Talia etiam exempla haut pau-

(f) Boehm. *jus publ. univ. lib. III. cap. 1.*

§. XIII. seq. pag. 574. seq.

(t) Plutarchus in *Demetrio*.

(u) Idem in *Pompejo*.

pauca novissima suppeditat historia, (x) quæ ne Grotius (y) quidem iniquitatis arguere in universum potuit. Non mitiorem poenam leges comminantur illis, qui cum gente hostili negotiantur, (z) aut rem vetitam dolose vendunt. (a) Sæpe enim infamiam, (b) vel animadversionem, (c) vel excommunicationem, (d) vel multam denique (e) ejusmodi negotiatoribus vel merces vetitas advehentibus, vel omittentibus professionem, vel alias leges contemnentibus propositam esse animadvertimus. Præcipue tamen locum tunc habet poena confiscationis. Quamvis enim olim paullo mitius nonnumquam actum sit cum negotiatoribus, ceu docent variae Græciæ & Alamanniæ imperatorum, ut & Regum Franciæ, Hispaniæ, Syriæ, Cypri, Balearium, Venetorum, Genuensium, constitutiones, in CONSULATUM MARIS (f) relatæ: plerumque tamen merces, quæ vel contra leges vehuntur, (g) vel

(x) Gregorii Leti *Vit. Philippi II. Part. I. lib. III.* Thuan. *hist. lib. XV. pag. 305.*

(y) Grot. *de jure belli & pacis lib. III. cap. I. §. 5.* (z) L. 11. *pr. ff. de public. & veltigal.* (a) L. 1. *C. ne Christi. mancipium.*

(b) *Reform. Polit. cl. 10 LVIII. Tit. XVI.*

(c) *Reform. Polit. l. c.*

(d) C. 6. 11. 12. 17. *X. de Judais.*

(e) L. ult. §. 5. & 10. *ff. de public. & veltigal.*

(f) *Consulat. maris cap. CCLXXIV.*

(g) L. 11. §. 2. *ff. de publ. & veltigal. L. 1.*

vel de quibus non solvuntur vectigalia, (h) & a Romanis & gentibus hodiernis in fiscum redigi solent. Nec id quidem injustum esse, quilibet intelligit. Leges eam poenam comminantur: indicari etiam solet variis signis, quo loco mercium professionem fieri velit imperans, eoque comparatae sunt statuae mercuriales, *die Zoll-Stangen*. Quod & ad merces prohibitos attinet, civibus æque ac exteris antea fieri solet denunciatio vel significatio publica, ut cavere sibi a damno possint, qualium significationum publicarum exemplum haurit unum apud CAMBDEMUM (i) aliosque (k) extare animadvertimus. Quod si ergo istas minas despiciatui habent mercatores, & contra leges sibi dictas negotiantur: consensisse in poenam illam videntur, neque adeo ipsis, tamquam volentibus, fit injuria.

§. XIX.

Romano jure quidquid ob hanc causam in
fisc-

D. de his qua ut indign. L. 3. C. de naut. faen. Ord. Polit. clō 10LXXVII. Tit. XVI. Tit. XIX. §. 3. Tit. XX. §. 4. Tit. XXI. §. II. III. XVI. Tit. XXII. §. ult.

(h) *L. ult. D. de publ. vectigal. & commiss. Quintil. Declam. CCCXLII.*

(i) *Cambden. hist. Elisabetha Regina ad an. clō 10XCI. & clō 10XCVIII.*

(k) *Vid. Grot. in not. ad jus belli & pacis lib. III. cap. I. §. V.*

fiscum redigitur, COMMISSUM vocatur, ceu ex toto titulo digestorum *de publicanis, veltigalibus & commissis* adparet. Proprie equidem & ex usu Latinæ linguæ COMMISSUM non res est, quæ a fisco vindicatur, sed factum, ob quod vindicatur. Quicumque enim contra legem aliquid susceperant, COMMISSISSE in *legem* dicebantur, (l) vel etiam COMMITTERE *edictum*. (m) Unde & apud SVETONIUM (n) & ULPIANUM (o) commissum non pro re a fisco crepta, sed pro facto adversus leges commissio, accipitur. Ait enim ille, *veltigalibus indillis, neque propositis, quum per ignorantiam scriptura multa COMMISSA fierent*, id est, quum per ignorantiam sæpe adversus legem ageretur. Hic verò dum *commissa* etiam ad *heredes transmitti* monet, non profecto res, quæ in commissum cadunt, sed factum illicitum, & natam inde obligationem, intelligit. Quum verò, qui legi non paret, etiam ad poenam sit obligatus, etiam hæc committi dicebatur. Sic sæpe in legibus nostris est: *committere in poenam*, (p) sæpe & *poena ipsa*
com-

(l) L. 39. D. ad L. Jul. de adult. L. ult. D. de lege commissor.

(m) L. 8. §. ult. L. 10. §. 14. D. de conjung. cum emancip. L. 126. D. de legat. l.

(n) Sveton. Caligul. cap. XL

(o) Ulpian. L. 14. D. de public. veltigal. & commiss.

(p) L. 23. §. 1. D. de recept. qui arbitr. L. ult. in fin. D. quod quisque juris in alt.

committi dicitur. (q) Denique & ad ipsam rem, quæ poenæ loco eripitur, ditionem hanc adplicarunt JCti, adeo-ut & fundus, (r) homo (s) & merces (t) *committi*, vel in *causam commissi* cadere dicantur. Quamquam, qui purioris Latinitatis sunt paullo studiosiores, HUBERO (u) observante, dicere malint: *res pro commissio tenetur*, qua locutione etiam QUINCTILIANUM (x) usum novimus.

§. XX.

Nec merces tantum pro commissio tenentur, verum sæpe etiam naves simul capiuntur, si vel hostium sint, vel hosti quidquam, quod ejus vires augeat, subvehere audeant. Exempla jam in jure nostro exstant luculentissima. (y) Hodie vero nihil hoc jure inter gentes est frequentius, adeo, ut, fervente bello, vix hebdomas abeat, quin captarum ob merces vetitas navium mentionem faciant novellæ publicæ. Vocant ejusmodi navem *eine Prise*, & si lis ea de re oritur, & sententia contra magistrum navis fertur, phrasis adhiberi solet:

Das

(q) Cicero *pro Cluent.* (r) L. 17. §. ult.

D. ad SCtum Vellej. L. 37. D. de neg. gest.

(s) L. 2. C. si servus export. (t) L. II. §. 2.

D. de publ. vellig. & commissis.

(u) Huber. *Prælect. ad D. lib. XXXIX. Tit.*

V. §. VI. I. (x) Quinct. *Declam. CCCXLII.*

(y) L. 11. §. 2. D. de publ. velligal. & commissis

L. 3. C. de nav. fœn.

Das Schiff ist furgute Prise erklaret. Quod ex lingua Italica esse, facile unusquisque animadvertit.

§. XXI.

Et hæc quidem de ipsis mercibus vetitis & commissis generatim præmittere visum est. Proximum est, ut ad specialiores thematici nostri expositionem provehamur, acturi, quod & titulus jam pollicetur, *de navibus ob mercium vetitarum vecturam commissis*. Ea enim de re tot inter gentes agitantur controversiæ, ut iis vel enumerandis pauciores plagellæ sufficere non videantur. Dabimus tamen operam, ut si non alia re, at certe brevitate nos lectori commendemus.

C A P. II.

De Navibus ob Mercium vetitarum vecturam commissis.

§. I. *Navos & nauta jure Romano pluribus privilegiis fruuntur.* §. II. *Talia & jus novissimum illis concedit.* §. III. *Sape tamen capiuntur, & pro commissis tenentur, maxime ob merces illicitas.* §. IV. *Nisi merces vetita non ab exercitore, sed a magistro navis imposita sint, tunc enim sola merces fisco cedunt.* §. V. *Id cognoscitur ex instrumentis, quæ vocantur, passeports, certificats, cercepartien, cognoscementen.* §. VI. *Sape etiam pacta intercedunt inter gentes, ne hoc casu naves una cum mercibus fisco vindicentur.* §. VII. *An capta nave etiam mer-*

merces licita cum illicitis in commissum cadant? §. VIII. Quid si vel naves hostium merces amicorum, vel naves amica merces hostium contineant? §. IX. Varii casus hic accurate distincti. §. X. Unde cognoscatur, res navī impositas hostibus esse destinatas? §. XI. Unde pateat, easdem hostium esse proprias? §. XII. Unde constet, naves ipsas esse hostium? §. XIII. Cui prada cedat, si naves capta a navibus imperantium bellicis? §. XIV. Cui, si privata naves auctoritate publica naves ceperint? §. XV. Quid si naves consociata (eine Admiralschafft?) §. XVI. Naves capta in commissum cadunt post sententiam a iudicio caussarum maritimarum latam. §. XVII. Quod ex ipsis gentium maritimarum legibus demonstratur. §. XVIII. Lata sententia, prada statim sit eorum, qui sub hasta emunt. §. XIX. Navium ita pro commissio occupatarum pretium an ab adsecuratoribus restituendum sit, in adsecuratione pura? §. XX. An si adsecuratio sit conditionata? §. XXI. Si sententia nondum lata, quamdiu expectandum sit adsecurato, antequam restitutionem exigat? §. XXII. Navibus injuste captis, legati mittuntur illas repetituri, vel decernuntur repressalia. §. XXIII. Conclusio dissertationis.

§. I.

Sumtuosissima est navium structura, majoresque impensas & instructio earum, & adparatus nauticus exigunt. Unde non mirum, quod & navibus ipsis, & nautis haut pauca privilegia indulserint summi impe-

rantes, quo & securitati eorum prospiceretur, & homines ad rem nauticam redderentur alacriores. Sic jam olim Claudius imperator Latinis navem mercaturæ causa fabricantibus jus Quiritium dedit, dummodo nave illa decem millium modiorum Romam sex annos frumentum portassent. (b) Eodem jure Romano etiam vacatio a publicis muneribus dabatur nautis, (c) & gravioribus poenis coercebantur, qui aliquid ex naufragio vel expugnata nave rapuerant, receperant, damnumve dederant. (d) Si quis alterum hominibus armatis de navi sua dejecerat, concusserat, expugnaverat, lege Julia de vi publica tenebatur. (e) Sunt etiam, qui legem illam, quod nemo domo sua extrahi atque inde in jus rapi posset, (f) cum ALBERICO DE ROSATE, (g) BALDO, (h) NEGUZANIO, (i) JASONE (k) BENEV. STRACCA (l) etiam ad navem porrigunt. Quam sententiam justam apud Romanos habuisse rationem eo minus dubitamus, quo
cer-

(b) Syeton. Claud. c. XIX. Ulpian. *Fragm.*

Tit. lll. §. 6. (c) L. 3. D. de *vacat. mun.*

(d) L. 2. D. de *incend. ruin. rate nave expugn.*

(e) L. 3. D. ad leg. Jul. de *vi publ.*

(f) L. 18. D. de *in jus voc.* (g) Alberic. de Ros. ad L. pen. D. de *his qui dejec.*

(h) Baldus ad L. 2. C. *locat.*

(i) Neguzant. de *pignor. memb. IV. part. ll. num. 169.*

(k) Jason. ad L. 18. D. de *in jus voc.*

(l) Stracch. de *navib. Part. l. n. 7.*

certius constat, totam illam ædium religionem a Larium & Penatium cultu esse reputandam. Atqui etiam LARES PERMARINI erant, quibus navali prælio adversus Antiochi præfectos ædem vovit L. Æmilius. (m) Porro & id singulare est, quod si quis navem communem refectionis indigam communi nomine refecerit, alterque socius sumtus erogatos cum usuris centesimis intra mensem non restituerit, is, qui refecit, totius navis dominium in solidum obtineat, (n) quum alias dominio rei suæ non temere quisquam sit privandus. Nec minus is, qui ad navem construendam, reficiendam, instruendam pecuniam credidit, prælationis jure ante reliquos creditores gaudet, (o) immo, ut RAUCHBARO (p) & KURIKE (q) visum, etiam jure tacitæ hypothecæ, cujus discrete mentio fit in legibus, (r) quidquid

(m) Liv. lib. XL. cap. VII. Conf. de Laribus marinis Desid. Herald. ad Tertull. Apol. l. 26. ejusd. Advers. lib. l. cap. VII. Meurs. Actuar. philol. ad libr. de gloria cap. II.

(n) L. 52. §. 10. D. pro socio. L. 4. C. de edific. privat.

(o) L. 5. & L. 6. D. qui prior. in pign. L. 25. D. reb. cred. L. 26. & 34. D. de rebus auctoris. jud. poss.

(p) Rauchb. Part. I. qu. V. n. XVI.

(q) Kurike Resol. Quæst. illustr. qu. XIII. pag. 65.

(r) Novell. XCVII. cap. III.

quid a VINNIO, (f) LOCCEÑO (t) & STYPMANNO (u) in contrarium adlegetur. Hæc & alia navium nautarumque jura passim prodit jus Justinianicum, quæ fusius hic exponere nostra jam parum interest.

§. II.

Nec parciores hodie gentes sunt in privilegiis circa rem nauticam concedendis. In plerisque sane legibus nauticis cautum est, ut nemo nautam itineri accinctum arrestare, navique exire jubeat propter personale debitum, si vel bona in navi habeat, vel naucerus pro eo fidejubeat. Ita JUS DANICO (x) sancitur. *Liegt ein Schiff segelfertig, und wartet auf Wind, so mag niemand dessen Steuer-oder Bosmann um Schuld willen aufhalten, sondern sein Gut, so er im Schiffe hat, ausgenommen seine Kleider, darinn er geht, und sein Koy-Bette soll von dem Schiffer und Schiffleuten bey eydlicher Aussage geliefert werden, der andere aber soll seine Reise der Abrede nach fortsetzen.* Eadem statuerunt Philippus II. Rex Hispaniæ (y) ut. & juris VVISBYENSIS (z) & LUBECENSIS.

SIS.

(f) Vinn. ad L. non autem D. de exercit. ult. pag. 100.

(t) Loccen *jur. marit. lib. III. cap. II. p. 213.*

(u) Stypman. *jur. naut. Part. IV. cap. IV. num. XX.*

(x) Jus Danic. *lib. IV. cap. I. art. XXXVI.*

(y) Ord. marit. *Tit. de naut. art. XXVI.*

(z) Jus VVisbyens. *art. VI.*

SIS (a) auctores. Unde & in JURE PRUTENICO (b) legimus: Wann ein Schiff von Königsberg nach der Pillau kommt, so soll niemand sein geheurtes Schiff-Volck aus des Schiffers Bors nehmen, Schuld-Sachen halber, wvofern der Schiffer vor ihn caviren oder burgen vvolte. Iisdem juribus etiam iis, qui pecuniam ad reficiendas naves crediderunt, jus prælationis non modo præ aliis creditoribus, verum etiam præ illis, wvelche Geld auf Bodmercy gegeben, indulgetur, dummodo instrumentum super eo contractu fuerit confectum, quod vocant einen Byl-Brief. (c) Qua de re denuo JUS DANICUM: (d) VVer einen andern Geld, ein neu Schiff zu bauen, oder mittler vveil das Schiff zu unterhalten, furstrecket, soll einen schriftelichen contract, der von guten Mannern zur Kundligkeit unterschrieben sey, aufrichten, wvelcher contract Byl-Brief genandt vvird. Selbiges Geld soll bezahlet, und das Schiff von solcher Schuld frey gemacht vwerden, ehe bevor es sic auf die Reise begiebt. Mittler vveil bleibet das Schiff zur Versicherung, und dafern der Byl-Briefe viele solcher gestalte ausgegeben vvaren, sollen die altesten den jungern vorgehen, und alsdann vvird solche Schuld-Forderung allen-

an-

(a) Jus Eubec. lib. VI. Tit. I. art. VI.

(b) Jus Pruten. lib. IV. Tit. XIX. art. I. §. VI.

(c) Vinn. l. c. p. 95.

(d) Jus Danic. lib. IV. Tit. V. §. LX.

ändern Schulden, die auf dem Schiffe haften kennen, vorgezogen. Singularia ejusmodi jura & privilegia rei nauticæ bono. a summis imperantibus condita passim exstant, & ab aliis ex instituto explicantur uberius.

§. III.

Quamvis autem tantus fit nautarum naviumque favor, ut nihil reliqui fecerint legislatores, ut illos, quantum salva republica fieri posset, in tuto collocarent: sæpenumero tamen contingit, ut captæ pro commisso teneantur. Non modo enim ab hostibus & prædonibus maritimis capiuntur, qui sibi in hostium naves omnia licere existimant, verum etiam ab amicis, si merces vetitæ vel ad hostes vel ad cives ipsos advehuntur. Hoc enim casu non solum merces ipsæ, verum etiam navis cum universo adparatu nautico commissæ judicantur. Quamvis enim res secus se habeat, si ob neglectam professionem mercium, defraudationemque vectigalis fiscus res occupet, siquidem tunc non navis, sed onus illius, pro commisso tollitur: (c) hoc tamen ad commissum propter merces illas illicitas non videtur applicandum. Vectigal enim non de navibus, sed de mercibus illis impositis, exigitur. Ast si certæ merces illicitæ declarantur, lex commissi est, ne merces eo vehantur, adeoque ea lex & merces ipsas, & navem, qua vehuntur, com-

(c) *L. ult. §. ult. D. locat. conduct.*

complectitur. (f) *Æquum id Romanis jam visum est. Ait enim PAULLUS Jureconsultus: (g) Dominus navis, si ILLICITE aliquid in nave, vel ipse, vel vectores imposuerint, navis quoque fisco vindicatur. Et hoc jure hodiernum utuntur gentes, quoties cum aliis bellum gerunt. Tunc enim omnes naves, mercibus illicitis onustæ, una cum mercibus, a fisco occupantur. Sic, exempli causa, præpotentes ordines foederati Belgii, cum Anglis bellum gerentes, anno MDLXLVIII. prid. Non. Febr. (h) publice & civibus & neutrarum partium gentibus denunciarunt, in commissum casuras omnes naves, Anglis quidquam illicitarum mercium advecturas. *Vir vollen, inquit, alle unsere alliirten, Freunde und Neutralen, und generaliter alle Völker und nationen hiermit advertiren, und ernstlich ersuchen und ermahnen haben, dass sie nicht befördern, noch bey wvährenden diesen differentien verfahren oder transportiren vollen aus einigen Landen, Königreichen, Platzen oder Städten directe oder indirecte, noch einigen Städten, Häfen und Platzen in England &c. einige Kriegsammunition, oder einige Materialien, so zu An frustung der Schiffe dienen, vwie die auch genant vwerden mogen, auch von uns forte, qua-**

(f) E. II. §. 2. D. de publ. vectigal. & commissis.

(g) Coccei. *differs. de commiss.* §. XXXV.

(h) Placat der Hochmogenden Herren Staaten General der vereinigten Nederlanden.

qualitaet und condition oder Natur die auch seyn mögen? keine ausbeseiden. Sintemahl wir vor gute Prisen und verbrochen halten wollen alle die Orlogs- und Schiffs-behufen, so dieser unser advertentz und ordonanz zuwider wurden befunden vverden. Et ne qui existimet, de solis mercibus confiscandis loqui ordines Belgicos, statim addunt: (i) Massen wir fur verbrochen halten wollen, und von nun an fur gute Prisen erklären alle die Schiffe, so vwohl auch die eingeladene Guther, Vvahren und Kauffmanschafften, von vvelchen mehr, als ein See-Brief, (*ad occultandas scilicet merces illicitas,*) gefunden vverden. Idem jus gentibus exteris cum Suecis negotiantibus anno 1610. denunciativ Fridericus Rex Daniæ, (k) nec hodie fere bellum ullum geritur, quin naves una cum mercibus contrabando soleant a belligerantibus occupari. (l) An autem nave publicata etiam scapham hoc fatum maneat, disquiritur, plerisque id negantibus,

vries es bey gegenwartigem See-Krieg mit der Navigation und Commercio auf Eng-land gehalten vverden solle. §. 2. ap. Marquard. de jure mercat. in append. p. 643.

(i) Ibid. §. 5. pag. 644.

(k) Marquard. de jure mercat. in append. pag. 656.

(l) See-Tractat inter Lud. XIV. Reg. Gall. & civitates Hanseat. art. III. apud Marquard. in append. pag. 30.

bus, (m) quia nec emta navi scapha simul emta videatur. (n) Sed raro ea de re suborietur controversia, cum exercitor, amissa navi, de scapha non admodum sit laboraturus.

§. IV.

Quum vero jus istud satis rigidum sit: mirum non est, quod illud valere non soleat, si merces illicitæ non a domino, sed magistro navis, gubernatore, prœreta aliove e nautis navi illatæ sint. Tunc enim non navis, sed merces tantum in commissum merito cadunt, quia dominus navis delictum ferre non tenetur, quod ab alio in re sua commissum est. Qua de re de-
 DUO PAULUS: (o) *Quod si absente domino illicitum quid a magistro vel gubernatore aut prœreta, nautave aliquo impositum, ipsi quidem capite puniuntur commissis mercibus, NAVIS autem domino restituitur.* Elegans huius rei exemplum exstat in lege DIOCLETIANI & MAXIMIANI Imperatorum, ubi quum Junius quidam proposuisset, se nauticum fœnus ea conditione dedisse, ut post navigium, quod in Africam dirigi debitor adseverasset, in Salonitanorum portum nave delata, fœnebris pecunia sibi redderetur, ita ut navigiū duntaxat, quod in Africam de-

(m) Bald. ad L. 3. Cod. de naut. fœn. Stracch. de navib. Pars. II. n. XII.

(n) L. fin. D. de instr. vel instr. leg. L. 44. D. de evict.

(o) L. 11. §. 2. D. de public. & uectigal. & commiss.

destinatum fuerit, periculum susceperit, sed vitio debitoris, nec locum quidem navigii servantis, illicitasque merces comparantis, omnia, quæ navis continuerit, fiscum occupasse: rescripserunt Imperatores, *amissarum mercium detrimentum, quod non ex marina tempestatis discrimine, sed ex præcipiti avaritia, & incivili debitoris audacia actidisse constet, adscribi Junia, juris publici rationem non permittere.* Nihil hic de nave a fisco occupata, sed de mercibus tantum. Illa enim non ideo non ceciderat in commissum, quia navis vel Junia, vel alterius fuerat, sed quia, eo inscio ac absente, debitor, illius navis magister, merces illicitas navi imposuerat. Quum ergo re sua excidere non debeat dominus, si in ea ab alio quidquam contra leges fuerit admissum, & recte in simili casu rescripserit ANTONINUS: (p) *Si colonus vel servi domini prædii ferrum illicite in prædio fecerint, ignorante domino, nulla pœna dominum teneri: æquitas sane suadet, ut & navis a fisco non occupetur, cujus non dominus, sed magister deliquit.*

§. V.

Ut vero eo rectius pateat, dominine id delictum sit, an magistri navis: leges nauticæ exigere solent litteras, in quibus jure jurando confirmare debet dominus navis, merces suas esse, non hostis, simulque indi-

(p) L. 16. §. 11. D. de publ. & vectigal. & commiss.

dicare, unde merces veniant, quo destinata & cujus naturæ sint. Has litteras, quas CERTIFICAS vocant, una cum PASSEPORTIS ostendere tenentur magistri navium, quo animadverti eo facilius possit, utrum domini navis, vel qui ei merces imposuerunt, *die aursrehder*, bona fide agant, an ipsi merces illicitas navi imposuerint. Hunc in finem in foedere maritimo LUDOVICI XIV. & civitatum Hanseaticarum anno MDCLXV (q.) cautum est: Et afinquel'on ne puisse douter de la qualité des marchandises, chargées dans les dits vaisseaux, seront les Capitains & Maltres d'iceux trouvez en mer, tenus de montrer aux Capitains de navires de guerre de sa Majesté un PASSEPORT, ou lettre de mer, & un CERTIFICAT, ou pollice de chargement, par le quel passeport apparaitra, comme le navire appartient aux habitans des dites villes Hanseatiques, ce qui sera attesté sur leur serment par le magistrat de lieu, d'où il sera, & scellé de son cachet: & dans le certificat sera contenu la charge du navire, le lieu, d'où il part, & où il part, & où il va, & qu'il n'y a pas des marchandises de contrebande. Formula ejusmodi passeporti hæc existat apud MARQUARDUM, (r.) a foederatorum Belgarum ordinibus præscripta: *Denen Allerdurchlauchtigsten: Durch-*

(q) See. Tractat. Ludovici XIV. reg. Gall. & civit. Hanseat. art. VI. apud Marquard. de jure mercat. in append. pag. 30.

(r) Marquard. Append. libri de jure mercat. pag. 652.

Durchlauchtigsten, Durchlauchtigen, Grossmaechtigen, Maechtigen, Hoch-Edlen, Edlen, Erbaren und Weisen Herrn, Keysern, Koenigen, Republicquen, Printzen, Hertzogen, Graffen, Baronen, Herren, Burgemeistern, Schaeffsen, Raethen, Richtern, Officiren und Regenten, in allen guten Staedten und Plaetzen, so vwohl geist-als vveltlichen, vvelche dieses unser Patent sehen oder lesen hoeren, thun vvir Burgemeister und Regierer der Stadt N. zu vvisse, dass N. N. Schiffer des Schiffes N. vor uns erschienen, und bey seinem solennen Eyd declariret hat, dass das Schiff N. gross ohngefahr N. Lasten, auf vvelchem er ietzo Schiffer ist, zugehoere den Inwoohnern der unirten Provintzen, so vvahr ihm Gott helffe. Und vvie vvir gerne sehen, dass ermeldter Schiffer in seinen rechtmassigen Sachen besoeudert vverden moege, so ersuchen vvir euch alle insgemein, und in particulir, vvo besagter Schiffer mit seinem Schiff und Guetern arriviren vvird. dass euch beliebe denselben gutvvillig auf und anzunehmen, und nach Gebuhr zu tractiren, und vvann er den rechten gewvoehnlichen Zoll und Ungeld erleget, in, durch, und vorbey euren Hafen, Stroechmen und Gebietzen, se egel, passiren, frequentiren und negotiiren zu lassen, vvo es ihm beliebt. VVelches vvir gern vviederm verschulden vvollen. Zu vvelches Zougness vvir unser Stadt-Siegel hierunter setzen lassen. Quum vero praeter publicum hoc magistratus testimonium etiam CERTIFICAT, id est, litterae ipsius domini navis, vel eorum, qui

mer-

merces imponunt, exigantur, exque sint duorum generum, & vel ad naves, vel ad merces navibus impositas pertineant: utriusque formulas addere juvat, quales Fridericus rex Daniæ, die XXIII. Septem. c1010CLIX. publica lege præscripsit: (f) *VVir N. N. und N. N. saembtliche Schiffer und Rebder des Schiffs N. gross N. Lasten, so ietziger Zeit gefuhret vVird von Schiffer N. N. certificiren hiermit, dass ietzet benanntes Schiff niemand anders, als uns allein, propre und eigenthuemlich zugehoere, und dass auch keine feindliche Person, noch andere, als vVir obgemeldte, darinnen einigen Theil oder Part haben, auch duss mit unserem vVeder des einen noch des andern VorvVissen und VWillen darinnen keine feindliche Guether geladen vVerden sollen, als helffe uns Gott und sein heilig VVor.* Hæc certificatio ad navem ipsam pertinet: de mercibus navi impositis testari eos oportet, (t) *dass alle solche Gueter, so in das Schiff, N. N. darauf Schiffer ist N. N. gedestiniret nacher N. N. zu gehen, eingeladen und in dieser certification specificiret und nahmhafftig gemacht, unde gemercket vVerden sollen, niemanden in der VWelt, als ihnen enig und allein zugehoerig, und vor ihr eigene Mitten erhandelt seyn, also dass dieselben allein gehen vor ihre eigne Rechnung und risico, und solches nicht zum Schein, dass sie solche*
Gue-

(f) Marquard. Append. pag. 655.

(t) Ibid. pag. 656.

Gaether durch etwanheimlichen accord mit feindlichen Personem durch diese certification, als vor ihre eigene Rechnung und risico so lange solten beneficiren, hieß sie in saluum gebracht und dann vor Feindes Rechnung seyn und verkauffet werden solten, sondern zu guter Treue ihnen allein zukommen, ohne faure so vvarh ihnen helffe Gott und sein heiliges VVort. Tales sunt litteræ illæ, quas *passports* & *certificat* vocant: de quibus illud addere juvat, iam Romanis illas non ignotas fuisse. HONORIUS enim & THEODOSIUS AUGG. ad Eustachium rescribunt: (u) *naucletos*, antequam e portu dimittantur, deponere debere, in quam provinciam ituri sint, eoque manifestato, nullam postea contra eos indignationem seu concussionem procedere. Præter has litteras Belgii fœderati ordines (x) etiam exigunt alias, veluti *Certeptionsien*, id est, contractus nauticos, *Fracht-Brieffe*, id est, inventarium vel indicem mercium omnium navi impositarum, ritè confectum, *cognoscementen*, id est, testimonia iis, qui navi aliquid imposuere, data, *Avis- und Conuoy-Brieffe*. Et quum magistri navium sæpe bina ejusmodi litterarum exempla asservare soleant, ut alteras requirentibus ostendere, alteras in portu, in quo adpellere cupiunt, in usum suum

(u) *L. an. C. de littor. & itin. custod. libr. XII. Tit. XLV.*

(x) *Placat der Hochwærenden Herren SENATSEN, vwie es bey gegenwærsigem See-Kriege mit der navigation &c. Art. V. pag. 644.*

suum convertere possint: eadem lege denunciarunt Belgarum ordines, naves eas una cum mercibus pro commisso occupatum iri, in quibus diversa ejusmodi litterarum exempla reperiantur.

§. VI.

Quamvis vero hoc jus merces illicitas una cum navibus capiendi & antiquum factis & hodiernum inter gentes frequentissimum sit: in promptu tamen sunt exempla, quod inter gentes aliud convenit. Sic in congressu publico legatorum Monasteriensi, inter se pacti sunt Hispani & Belgæ, ut si alterutra gens bellum gereret, & ex altera natione quisquam merces illicitas hosti advehere ausus fuisset, merces quidem illæ fisco cederent, naves vero captæ remitterentur domum. Verba in separato articulo, instrumento pacis inter Hispanos & Belgas factæ adjecto, ita se habent: (y)

Und auf den Fall, dass inormeldeten der unirten Niederlanden Schiffen, solche Gutor, VVahren und andere Sachen, so fur verboschen declariret seyn, oder thro Majestaet zum Schaden gebrauchet uverden koenten, befunden uverden solten, so sollen allein dieselben Guter und VVahren verbrochen seyn und confisciret uverden, und soll nicht das Schiff molestiret oder confisciret uverden einigermaassen, und hinuiederum und reciproce sollen auch hoechst ermeld-

(y) Marquard. l. c. p. 648.

zen Königs in Hispanien Unterthanen eben dieselbe Freyheit und Sicherheit in der segelation und commercio haben und genießen. Quum vero paullo post bello inter Hispanos & Gallos coorto de articulo isto lites quædam agitari cœpissent: novo tractatu Gargæ comitum c1562. die xvii. Sept. inter Hispanos & Belgas concluso, (2) articulus iste ulterius explicatus, & ea libertas navium denuo stabilita est, simulque conventum, ut hordeum aliaque frumenta & legumina, itemque vinum, oleum, sal, ceteraque ad victum hominis comparata, mercibus illicitis non accenserentur. Eodem modo inter se pacti sunt Galli & civitates Hanseaticæ (a) anno c1564. *S' il se trouvoit des dites contrebandes sur des vaisseaux des dits-habitans, chargés à cueillere en un ou plusieurs lieux, elles seront confisquées purement & simplement, sans que les autres marchandises ni le vaisseau le puissent estre.* Quia exstat exemplum rarissimum conventionis, inter Lusitanos & Belgas anno c1561. initæ, qua his omnium mercium, etiam illicitarum, vectura ad hostes libera permittitur, adeo ut nec naves, nec merces ideo capi aut fisco addici possint. (b) Sed quem-

(2) Marquard. in append. p. 649.

(a) See-Tractat inter Ludov. XIV. reg. Gall. & civit. Hanseat. art. 11. 16. pag. 28.

(b) Tractat ende Alliantie tusschen Portug. ende de Staaten General der vereinigde Nederlanden art. 12. ibid. p. 363.

quemadmodum ejusmodi pacta ad exceptionem pertinent: ita facile patet, regulam istis non tolli, adeoque certi juris esse, ob merces illicitas naves etiam in commissum cadere.

§. VII.

Quum ergo naves, ceu hætenus dictum, hoc casu una cum mercibus pro commissio teneantur: Facile decidi poterit quæstio, an tum licitæ etiam merces, navi impositæ, una cum illicitis fisco cedant, si domino consentiente utræque fuerint impositæ? Iphis juris Romani principiis id haut repugnare, ex verbis PAULLI, (c) supra allegatis, colligit ANTONIUS MATTHEI, (d) siquidem capta nave merces etiam procul dubio captæ videantur. Et ita etiam ratiocinati sunt FRANCISCUS I. (e) CAROLUS IX. (f) & HENRICUS III. (g) qui legibus nauticis sanxere, ut occupata ob illicitarum mercium vecturam nave, etiam merces licitæ cum illicitis pro commissio teneantur. Unde tritissima inter Gallos est præmia juris, *que la robbe de l'ennemi confisque celle de l'ami*, (h) quam magno apparatus tuentur scriptores Galli. Enimvero quam-

(c) L. II. §. 2. D. de publ. & vect. & commiss.

(d) Ant. Matth. de crimin. lib. XLVI. l. Tit. II. c. V. num. XVIII.

(e) Edit. anno c1510 XLIII. art. XLII.

(f) Edict. anno c1510 LXIX.

(g) Edict. anno c1510 LXXXIV.

(h) Mornac. in L. pen. §. ult. D. loc. cond. Hein. Opusc. Var. Pars I. Y

quamvis in se injustum non videatur, ejusmodi commissi poenam denunciare iis, qui merces illicitas advehere non dubitaverint, maxime quum eo major plerumque dolus subsit, si merces licitæ illicitis misceantur: tamen id neque ex allegato PAULI textu fluit, qui tantum de illicitis loquitur, & æquitati magis consentaneum est, eas tantum merces, quæ adversus legem vehuntur, in commissum cadere una cum nave. Certi enim juris est, utile per inutile non vitiari, nec poenam esse, nisi ubi delictum fuit, quum, ut eleganter ait PAPINIANUS, (i) *non debeat alteri per alterum iniqua conditio inferri*. Et hanc æquitatem passim hodie sequuntur gentes. Sic Hispani & Belgæ inter se pacti sunt in congressu Monasteriensi, (k) *das allein die VVahren, so fur verboten declarinet seyn, verbrochen und confisciret seyn, und das Schiff oder die anderen Guten und VVahren, und was sonstem in dem Schiff seyn moechte, deswegen nicht molestiret und confisciret vuerden solle einigex massen*. Quin ipsi Galli sensum a rigore istius legis remittunt, siquidem LUDOVICUS XIV. (l) civitatibus Hanseaticis concessit, ut non obstantibus illis edictis FRANCISCI I. & HENRICI III. mercibus illicitis in navibus hanseaticarum civitatum repertis, licite non simul fisco vindicentur,

(i) L. 74. D. de divers. reg. Juris. (k) Articulo separato, de quo supra. (l) *Traité sur le fait de la marine* anno 1635. art. III.

tur, en sorte, que la robe de l'ennemy ne confisque point celle de l'amy. Quam in rem & sententias quasdam latas in tribunali-
bus Gallicis allegat MARQUARDUS. (m) Quod si tamen separari nequeant merces licitæ ab illicitis, omnes in commissum cadere merito tradunt MATTH. DE AFFLI-
CTIS, (n) SIXTINUS, (o) &, qui edicta ordinum Belgii hanc in rem allegat, WISSEN-
BACHIVS. (p) Immo & tunc merces li-
citæ & amicorum simul cum hostilibus pro
commissis tenentur, si dominus simul ex
navi hostili adversus capientes pugnarit.
Id quod non solum foedere inter LUDOVICUM XIV. & civitates hanseaticas (q) ini-
to cautum, verum etiam a Batavis, teste
METERANO, (r) observatum est. Quum
enim, capta navi Lusitanica, FRANCISCUS
Carletti, Florentinus, merces suas navi ista
impositas, quasque ipse 9000. florenis æ-
stimabat, repeteret: objectum illi est ac-
ipientibus, quamvis ipse sit neutrarum par-
tium, eum tamen e navi hostili pugnas-
se. Unde sententia lata a iudicibus rerum ma-
ritimarum, dass man seine befundene Güter ad
utilitatem jus habentis mis verkaufen solte.

§. VIII.

(m) Marquard. de jure mercat. lib. II. cap. 4.
num. 36. sequ.

(n) Matth. de Afflictis de Velligal. n. LXV.

(o) Sixtin. de Regulibus cap. VI. n. CXCI.

(p) Wissenbach. in digesta Saxa. II. Disp.
XV. §. XXV. (q) See-TRACTAT. Art. III.

(r) Meteran. Annal. Belg. lib. XXIII. p. 164.

§. VIII.

Idem pæne juris est, si hostium res in navibus reperiantur: quamvis hic varios casus distinguere soleant doctores. In CONSULATU MARIS, (f) ubi ex instituto hujus generis controversiæ tractantur, ita definitur hæc quæstio, ut, si & navis & merces hostium sint, utræque fiant capientium: si navis sit pacem colentium, merces autem hostium, navis cogatur merces eas in aliquem portum nostrarum partium deferre, & vecturæ pretium nautæ solvatur: si porro navis hostilis sit, merces vero aliorum, de nave transigatur, aut si transigere nolint vectores, cogantur in portum aliquem nostrarum partium intrare, & capienti mercedem pro navis usu solvere. Sed non semper tam humanæ sunt gentium leges, belli tempore propositæ. Sæpe allegato FRANCISCI I. edicto cautum animadvertimus, ut tum naves neutrarum partium, rebus hostium onustæ, tum naves hostium una cum mercibus amicorum impositis fisco vindicentur. Idem etiam sancitum esse constat a Lusitanorum regibus, quorum LEGEM (t) citat GROTIUS. (u) Aliud placuit Hollandis, qui anno clocceXXXVIII. bello cum civitatibus Hanseaticis impliciti, fre-

(f) Consulat. mar. cap. CCLXXIV.

(t) Lex Portugall. lib. Tit. XVIII.

(u) Grotius de Jnr. bell. & pacis lib. III.

cap. VI. §. VI.

frequenti senatu, GROTIUS (x) teste, judicant, merces amicorum etiam in hostium navibus repertas in prædam non cedere una cum nave. Sed quamvis id deinde pro lege habitum esse referat GROTIUS: sæpe tamen alia omnia ab ipsis Batavis sancita sunt. In tractatu enim maritimo inter Hispanos & Belgas anno 1609. Hagæ comitum factu, (y) conventum est, daß alle dasjenige, so durch die Inwohner und Unterthanen der unirten Provinzien in ihrer Majestæt Feinden Schiffen geladen seyn wird, ob es gleich keine verbothene Kauffmannschafft ist, confisciret werden soll, mit allem demjenigen, das im vorbeschriebenen Schiffe gefunden wird, nichts davon ausbescheiden noch gereferuirt, dahingegen aber solle alle dasjenige, welches in denen hochgemeldten Herren Staaten General Waterthanen zugehoerigen Schiffen ist, und befunden wird, liber und frey seyn, ob gleich die Ladung, oder in Theil davon, Ihre Majestæt Feinden zugehoerere. Quale jus etiam sibi tum stipulati sunt Hispani. (z) Eandem legem etiam Daniæ Rex anno 1609. mense Septembri (a) dixit om-

(x) Grotius de Jur. bell. & pacis l. c. & not. ad lib. III. cap. 11. §. V.

(y) Tractat van de Marine Art. XIII. & XIV. apud Marquard. in Adpend. p. 651.

(z) Ibid. Art. XV.

(a) Verordnung wie es bey waehrendem Kriege mit den certificationen zu halten Art. 4. ibid. p. 655.

omnibus in Sveciam negotiantibus. Quamvis enim liberum esse concedat earum mercium, quæ ad belli usum non sunt comparatæ, vecturam; statim tamen addit; *Alles das freye Gut aber, so in unfreyen Schiffen gefunden oder betreten wird, soll und muss endlich ohne einige exception der confiscation zur guten Prise unterworfen seyn.* Paulo severior tamen est ejusdem regis declaratio, mense anteriore edita (b), ubi & neutrarum partium naves confiscationi obnoxias pronunciaverat, si rebus hostium onustæ reperirentur. Ait enim Rex: *Vorunter doch nicht gemeinet, dass daher unserer Freunde, benachbarten und anderer neutral-Staende und Staechte Guter und Schiffe, so aufgebracht, zu confisciren, und preiss zu machen, es vvaere dann, dass dieselbe attrapiret vvuurden. --- mit Zu- oder Abfuhr der Schwedischen Guter.* Ex quibus satis apparet, vere omnino dixisse GROTIUM, (c) non certam ea de re esse juris gentium legem.

§. IX.

Enimvero, si dicendum, quod res est, facile decidi hanc quæstionem posse arbitror, si varii casus recte distinguantur. Si & naves & merces hostium sint: nullum est dubium, quin utræque impune capi possint. Hosti enim in hostem extra civitatem

(b) Declaration fur die handshierende zu
See c1612LXIX. art. 1. Ib. p. 656.

(c) Grot. lib. III. cap. VI. §. VI.

item in infinitum omnia licere, rationi
consentaneum est, recteque philosophatur
ÆSCHYLUS: (d)

- - - πῦρ ἐν ὃ κακῶς
ἔχθρὸν ὕπ' ἐχθρὸν ἰδὲν δεινός.
- - - Male ab hoste pari
Hostem, minime diffidet aquo.

Quod si tamen naves hostiles, mercesque
ipsas impositæ, vel virtute nautarum ca-
pientibus eripiantur, vel fuga se illis sub-
trahant, vel a capientibus redimantur,
postliminio ad priorem statum & causam
redeunt. (e) Quid vero, si captæ naves
hostiles, & mercibus hostilibus onustæ,
ob tempestatis periculum portum gentis
utriusque parti amicæ subire cogantur, an &
tunc postliminii jus admitti potest, ita ut
præda a communi amico capienti eripi,
alterique, cui erepta est, restitui debeat?
Adfirmare id haud dubitat ALBERICUS GEN-
TILIS, (f) sed cujus argumenta, quum ea
lis inter Venetos & Genuenses agitaretur,
accuratissime profligavit PETRUS CUNÆUS.
(g) Et sane quum, qui medii sunt animo, &
cum

(d) Æschyl. in *Prometh. vinclo*.

(e) L. 12. pr. L. 26. D. de capt. & postlim.
L. 2. L. 5. L. 12. C. cod.

(f) Alberic. Gentil. in *Advoc. Hisp. lib. I.*
cap. I. II. VI. VII. (g) Petri Cunæi res-
pons. in causa Postlim. anno 1631. recus.
post ejus orationes pag. 521.

cum utraque parte colunt amicitiam, factum pro jure accipiant, adeoque an ab alterutro amico jure vel injuria præda ita facta sit, judicium sibi arrogare non possint: consequens est, ut, nec jus postliminii hic locum invenire debeat. Paulo aliter rationes componendæ nobis videntur, si merces amicorum hostium navibus impositæ reperiantur. Hic enim vix ullam excogitari posse rationem, existimamus, quæ merces illas una cum ipsa navi capientibus adquiri persuadeat. Nec ob conditionem dominorum id fieri potest, qui hostium loco non habentur: nec ob delictum aliquod: cur enim nefas sit, merces quasdam navi gentis alteri inimicæ imponere? nec ob ipsam mercium conditionem, quippe quas licitas esse, nullaque lege vel denunciatio-
ne prohibitas, ponimus. Unde merito paulo inhumanior judicatur illarum gentium consuetudo, qua, navi hostili capta, res hostium & amicorum juxta in prædam cedere capientibus judicantur. (h) Idem statuendum arbitramur, si res hostiles in navibus amicorum reperiantur. Illas capi posse, nemo dubitat, quia hosti in res hostis omnia licent, eatenus, ut eas ubicunque repertas sibi possit vindicare. Sed naves amicorum ideo capi posse, juris rationes non ferunt. Vel amici enim nomen eos ab
hac

(h) Alberic. *Gentil. adv. Hisp. lib. I. c. XX.*
 Roder. Zuar. *consil. II. de navib. transveh.*
 & *mercib. exportand. n. VI.* Marquard. *de*
jure mercat. lib. II. cap. IV. §. 31. sequ.

hac injuria tueri debebat, maxime quum suo jure usi sint, dum alterius gentis sibi amicæ res in naves suas negotiandi causa bona fide receperunt. Quemadmodum ergo jure suo utuntur, qui res hostium ex istis navibus auferunt: ita & injuste non faciunt, qui amicorum res navibus suis vehunt. Quum vero par sit ea in re utriusque conditio: quo jure sibi alter amici navem, quæ nihil contra leges admisit, in prædam deposceret?

§. X.

Quandoquidem vero multa hic incidunt dubia, veluti an merces vetitæ hosti destinata sint? utrum res navi impositæ hostium sint propriæ, an amicorum? utrum denique naves ipsæ hostiles sint, nec ne? sæpe fit, ut, quid tunc sit præsumendum, quæratur. Et ad primam quidem quod attinet quæstionem, non facile potest res obscura esse, si adsint passeporti & certificationes, quales supra descripsimus. Sed sæpe solent mala fide agere nautæ, & instrumenta falsa proferre, e quibus colligi possit, merces alio esse destinatas, quum tamen hosti sint advehendæ. Sæpe etiam, ubi animadvertunt, imminere naves, quarum magistris de mercium conditione sit reddenda ratio, instrumenta in mare projiciunt, ac deinde sibi nulla fuisse, negant, vel illa casu periisse fingunt. Quum ergo tunc vix liquido constet, hostibusne an alii neutrarum partium genti merces mittantur: merito ad præsumptionem recurritur. Ea vero tunc contra nautas, instrumenta suspecta proferentes, quam maxime militat, si in littoribus hosticis deprehendantur.

tur. Unde denuo Belgii ordines: (i) vierdents ordiniren wir ferner allen unseren Ingeſſenen und Unterthanen, advertiren und ermahnen auch alle unfere Alliirte, Freunde und neutralen, und generaliter alle Voelcker und Nationen, ſo nachher Franckreich, Spanien, oder einigen andern benachbahrten oder alliirten Reichen, Landen, Staedten und Plaetzen. Ost-VVeſt- oder Nord-vverts von dieſem Staat belegen oder von dannen hieher geducken, das ſie die raume See kienſen und halten ſollen, maſſen wir Krafft dieſes verſtehen und declariren, daſſ alle die Schiffe, ſo auf den Kuſten von Engelland, Schottland und Irreland, oder anderen Landes, Eylanden, und plaetzen, ſo unter dem Gebiech gegenwaertiger Regierung in Engelland ſeyn, und inſonderheit binnen laengſt denſelben Huſten belegenen Bancken und Untieffen gefunden uerden, und alſo nicht auſſer Verdacht ſeyn, daſſ ſie wider dieſe unfere Ordonantz und Advertentz etwas vorhaben, ſo fern dieſelben entweder ganz oder zumtheil mit einiger Ammunition von Orlogs oder Schiffs Behuffen beladen ſeyn, von den Capitainen und andern Orlogs-Officiren und commiſſien-Fahrern dieſer Landen aufgehohlet und aufgeschicket uerden ſollen, damit von der Admiralitaet daruber ſententiiret uerde. Equidem & ad littora hoſtilia adpulſum impunem ſibi fore ab Hiſpanis ſtipulati ſunt Belgæ:

(i) Placat der Hochmoegenden Norren Staten.
1657. Art. IV.

Belgæ: (k) sed id hac tantum lege obtinuerunt, wann die auf der Rehdte gefundene Schiffe nicht eintauffen wollen, oder auch wann sie in einen Hafen lauffen, da sie nicht lossen, oder die Last brechen wollen. Attamen ab hoc rigore merito remittunt, si quando adversis ventis & tempestatibus vel a piratis ad ista littora fuerint compulsi. Tunc enim ipsa imperiosa illa necessitas præsumptionem istam, quod merces hostibus destinata sint, elidit. Hinc si propter necessitatem adversa tempestatis onus expositum sit, non debere hoc commissum vindicari, jam divi fratres, MARCIANO (l) teste, rescripserunt. Et CONSTANTINUS AUG. (m) Si quando, inquit, naufragio navis expulsa fuerit ad littus, vel si quando aliquam terram attigerit, ad dominos pertineat, fiscus meus se non interponat. Quod enim jus habet fiscus in aliena calamitate, ut de re tam lultuosa compendium seltetur? Quamvis vero priorem legem ad vectigalia, posteriorem ad res naufragorum, a fisco non vindicandas pertinere non ignorem: eadem tamen ratio etiam suadet, ne naves tempestate vel piratarum metu ad littora hostilia compulsæ in commissum ob nudam præsumptionem cadant. Quod & Batavorum ordinibus visum est æquissimum, unde Ratim addunt: *Es vuere dann, dass diesel-*

(k) Tractat van de marine c10bCL. art. X. pag. 650.

(l) L. ult. §. 8. D. de public. & vectigal. & commiss. (m) L. 1. C. de naufrag.

be Schiffe durch den Sturm oder andere Noth dahin getrieben und gerathen seyn moechten, und solches von dem Rath der Admiralitaet, aus dessvuegen aufgenommenen Circumstantien, koenne abgenommen und geurtheilet vuerden. Nec minus deinde contra nautas militat praesumptio, si vel diversa & contraria in nave instrumenta reperiantur, vel magister navis eadem plane in mare projecerit. Tunc enim dolum latere, eo minus est dubitandum, quo major in his instrumentis fides curaue exigitur. De contrariis instrumentis prapotentes Belgii ordines caverunt: (n) Massen vuir fur verbrochen halten vwohlen, und von nun an fur gute Preisen erklach alle die Schiffe, so vwohl auch die eingeladene Guter, VVahren und Kauffmannschafften, von vvelchen mehr als ein See Brif, certeparzie, doppelte Fracht-Briefe, cognoscementen oder andere Bescheiden gefunden vuerden. De instrumentis vero in mare projectis ibidem disponitur: VVie dann auch alle Schiffe und Guter, die mit erwuehnten Bescheiden und documenten nicht nach Gebuhr versehen syn, vor verbrochen gehalten vuerden sollen. Et clarius LUDOVICUS XIV. (o) Rex Francorum, in privilegio, civitatibus Hanseaticis concessio, navibus istarum civitatum indulget, ut pro commisso teneri non possint, si vel maxime res hostium in

iis

-
- (n) Placat der Hochmoegenden Herren Staaten art. V. (o) See-Tractat zwischen Ludov. XIV. Koenig in Franckreich und den Hansee-Staecten. Art. III.

his reperiantur, si ce n'est, qu'il s'y en trouvaît de contrebande, ou que les maîtres des dits vaisseaux eussent jeté leurs papiers et après spécifiés à la mer. Et hæc quidem sunt præsumptiones illæ, quæ persuadent, merces navi impositas hosti destinatas esse, nisi probationibus evidentioribus elidantur.

§. XI.

Quum vero non minus sæpe obscurum sit, utrum res navi impositæ hostium sint, an amicorum, maxime si certificationes, quas vocant, vel suspectæ sint, vel plane desiderantur: & hic etiam fortissima præsumptio ex ipsa navi nascitur. Si enim hanc hostilem esse constiterit, dubitandum non est, quin & res illi impositæ tamdiu hostium esse præsumantur, donec aliud liquido fuerit probatum. Agnoscunt id Grotius, (p) MARQUARDUS, (q) & reliqui, qui his in rebus industriam suam exercuerunt, scriptores. Et sane juris certissimi est res in ædibus vel prædio repertas tamdiu domini prædii præsumi, donec aliud probetur ab eo, cujus interest, res pro alienis haberi. Quemadmodum enim possessio ab onere probandi titulum ordinarie liberat: (r) ita merito etiam contra possidentem militat præsumptio, donec elidatur, ceu;

(p) Grot. de jure belli & pacis lib. III. c. VI.
§. VI. (q) Marquard. de jur. mercator.
lib. II. cap. IV. n. XXXI.

(r) L. II. C. de petit. hered. L. fin. C. de rei vindicata.

ceu exemplo furti apud alium concepti patet. (f) Quod jus ut in navibus etiam observetur, æquissimum arbitramur. Accedunt tamen & aliz præsumptiones, in quibus nescio an primum sibi locum merito vindicent **SIGNA MERCATORUM**, quæ & **MARCAE** adpellitant. Hæc enim cistis & involucris mercium impressa præsumptionem de domino inducere, **ALBERICUS GENTILIS**, (t) **STRACCHA**, (u) **MENOCHIUS**, (x) alique (y) agnoscunt. Id quod & Romani juris principiis videtur consentaneum, quæ ex signis præsumi jubent, rem venditam traditamque esse, (z) præterquam in vinis, quibus ante degustationem signatis, periculum adhuc venditoris esse censetur, nisi aliud convenierit. (a) Quod si itaque in nave res reperiantur vel hostilis reipublicæ vel mercatoris cujusdam e gente illa signo notata, nihil æquius est, quam ut hostium esse tamdiu præsumantur, donec aliud demonstretur.

§. XII.

(f) §. 4. *inst. de obligar. quæ ex delictis. Paull. recept. sent. II. 31. 3. & 5.*

(t) *Alberic. Gentil. advoc. Hisp. lib. II. cap. X.*

(u) *Stracch. de mercat. part. II. n. LXXVIII.*

(x) *Mench. de præsumt. III. præf. LXIV.*

(y) *Nic. Boer. Decis. CV. n. IX.*

(z) *L. I. prin. D. de peric. & comm. rei vendit. (a) L. 14. §. 1. D. eod.*

§. XII.

Eadem denique præsumptio locum habet in dijudicandis navibus, utrum illæ sint hostiles, nec ne. Ex signis enim navi impositis (*der Flache*) merito judicatur, quæ gens illam mari imminerit, maxime quum legibus publicis ubique cautum sit, ne quis alienis insignibus in navi utatur, poenæque vel confiscationis vel multæ pecuniariæ proposita sit iis, qui ea in re dolo malo utuntur. Sic jam Anconitanos sanxisse refert BENEVENTUS STRACCHA, (b) ne magistrî navium insignibus aliarum civitatum uterentur. Idem & HAMBURGENSIBUS (c) placuit, quorum hæc est lex nautica: *Ein ieglicher unser Burger soll fuhren einem roten Flagger, und uwer das nicht thut, der soll es bessern mit 3. Marck Silbers.* Quin jam jure Romano simile quid statutum esse constat. Nota enim est lex ARCADII & HONORII: (d) *Multi naves suas diversorum nominibus & titulis tumentur: cui fraudi obviantes præcipimus, ut si quis ad evitacionem publicæ necessitatis titulum crediderit opponendum, sciat, navem fisco esse sociandam.* Si fingamus ergo, insignè hostis in nave amica reperiri, procul dubio jure præsumetur, navem illam hostis esse, adeoque fisco vindicabitur, nisi ostendere liquido possit magister.

(b) Stracch. de naut. navib. & navigat. part. III. n. XXIV.

(c) Statut. Hamb. part. II. Tit. XIV.

(d) L. I. C. de nav. non excus.

gister navis, se iusta de causa, veluti metu piratarum, hoc insigni usum. Hoc uno ergo probationis genere contraria præsuntio eliditur. Nam si dolus ea in re appareat, nihil iustius est, quam ut navis fisco vindicetur: quamvis, si solus naucleri ea in re dolus versetur, naves ac merces dominis jure restituantur, ceu Anconæ aliquando judicatum testatur BENEVENTUS STRACCHA. (e)

§. XIII.

Actum hætenus est de navibus ipsis, quæ ob merces illicitas pro commissio tenentur: proximum est, ut, quibus lucrum inde debeat, eadem cura expediamus. Videntur vero & hic tres casus curatius discernendi. Aut enim naves bellicæ ipsius principis; aut naves privatorum, auctoritate principis prædatum excurrentes, (*die Câpers, Commiss. Fahrer, Armateurs*) aut denique naves mercatorum, securitatis causa in classem confociatæ, (*eine gantze Admiralschafft,*) naves amicas ceperunt. Si istud factum, nemini videbitur dubium, quin navis cum universa præda fisco vindicetur. Quum enim princeps sit, cujus auspiciis bellum geritur, idemque & sumtus & onera belli ferat: consequens est, ut & præda ab ejus navibus & nautico milite occupata, non huic, sed ipsi principi-

(e) Straccha l. c.

cipi cedat. (f) Solent tamen principes, eorum virtutem excitaturi, etiam his partem aliquam loco præmii concedere. Unde ordines Belgarum in sæpe laudato edicto: (g) *Was aber die Schiffe und Guter betrifft, so von einigen dieses Staats Orlogs-Schiffen in der See betreten, und von dannen wegen contravention vider diese unsere Ordonantz und Advertentz aufgebracht und folgend durch gemeldte Raethe der Admiralitæt für verbrochen und gute Prisen erkläret werden, von denselben soll die Theilung geschehen, nach denen deswegen hievor gemachten oder nachzumachenden Instruktionen, Placaten und Ordonantzen.* Atqui distributione non erat opus, nisi & militi nautico vel ejus præfecto pars prædæ esset attribuenda.

§. XIV.

Paullo aliter se res habet, si privati auctoritate publica prædatum excurrant, qui vocantur *Capers*, *Commiss-Fahrer*, *Armateurs*, *Ostroyrte-Freybeuter*, adeoque tum a prædonibus maritimis vel piratis, tum ab aliis, qui damni sibi illati sarcindi causa vela pandunt, *von den Retorsien-Fahrern*, probe sunt distinguendi. Quemadmodum enim privati suo arbitrio, nullaque principis vel reipublicæ auctoritate muniti, præ-

(f) Puffend. *jur. nat. & gent. lib. VII. c. VI. num. XXI.*

(g) Placat der Hochmogenden art. XL.

prædatum excurrunt, & hostes amicosque juxta habent, ideoque extremo supplicio deprehensi mactantur: (h) ita qui damni retaliendi causa vela pandunt, (*die Recurfen-Fahrer*) privato quidem arbitrio, sed principe tamen generatim concedente, naves hostiles sibi infestas persequuntur. Ab his diversi *die Commiss-Fahrer* vel Capers, accepta a summo imperante potestate, prædatum excurrunt, non hostiles modo, verum etiam amicas capturi naves, si illis merces illicitas hostibus advelere conentur. Quum ergo hi suo sumptu instruant naves militesque colligant, publicis tamen auspiciis navigent: dubium non est, quin maximam prædæ partem lucrentur, certa tantum parte fisco relicta. (i) Sic apud Italos captæ navis pars tertia cedit domino navis victricis, tantumdem ferunt, quorum merces in navi victrice sunt, & reliqua pars militibus relinquitur. (k) Apud Hispanos pars prædæ Regi; pars maris præfecto attribuitur: reliqua itidem victores capiunt. (l) Galliæ quoque moribus regi non modo præcipuum, verum etiam præfecto maris decima pars prædæ debetur. (m) Denique & apud Batavos quinta parte

-
- (h) Loccen. *de jur. marit. lib. II. cap. III.* Stypman. *de jur. marit. & naut. Part. IV. cap. XVIII. n. LXX. seq.* (i) Grotius *lib. III. cap. VI. §. XXV. n. VIII.* (k) Consul. *Mar. cap. CCLXXXV.* (l) Grotius *l. c.* (m) *Constit. Gall. lib. XX. Tit. XIV. art. I.*

te a fisco deducta, & relicta præfecto maris portione, reliqua partim delatores, partim victores manent. (n) In bello tamen cum Anglicana republica anno c1616. gesto ita sanxerunt Batavorum ordines (o) *Es soll also dasselbe Geld, welches von der confiscation oder sonst aus dieser unser ordonantz wird resultiren, und herkommen, appliciret werden, wie gewöhnlich alle pennen, multen und confiscationen der placaten appliciret und vertheilt werden, nemlich ein Drittheit zu profite des Betreters, oder Angebers, es sey derselbe in Eyd und Dienst dieser Lande oder nicht, ein Drittheit zu profite des Officirers, der die calangie und executie gehan, und das restirende Drittheit zu profite des gemeinen Gutes. Non ergo eodem ubique hac de re vigent leges nauticæ, adeoque principum & rerumpublicarum est, statuere, quam quisque partem prædæ capere debeat.*

§. XV.

Quod denique ad naves mutæ-defensionis causa consociatas attinet, ex adpellantur *Admiralschaffren*. Ex quo enim Saraceni principes suos vocare cœperunt *Emirs*, vel *Amiras*, dominos, eaque adpellatio deinde ad præfides provinciarum ac postremo ad ipsos maris præfectos produci consue-

(n) Ordinat. Belg. instrukt. rei marit. cap. XXII.

(o) Placat der Hochmögenden Herren Art. X.

fuevit: Christiani etiam miro consensu clas-
 sium prætores nuncuparunt *Amiratos* vel
Admiratos, ceu præclare docuit CAR. DU
 FRESNE, (p) qui etiam observavit, alluci-
 nari omnes, qui huic voci vel ex Anglo-
 Saxonica vel ex Græca lingua arcessunt ori-
 ginem. Ab his ergo navium præfectis no-
 men accepit coitio quædam navium sub com-
 muni præfecto adversus piratas, aut alios
 sive invasores, sive hostes, privata aucto-
 ritate facta. Græci ejusmodi consociationem
 vocabant *σύμπλοισιν* vel *ὁμόπλοισιν*: Germa-
 ni dicunt: *Es ist Admiralschafft gemacht*
vuorden. Sic JUS MARITIMUM HANSEATICUM:
 (q) *uvan Admiralschafft gemacht, und ni-*
cht gehalten, und daruber iemand genommen
vuird, so soll derjenige, welcher die Admi-
ralschafft gebrochen, den Schaden von dem
seinen zu bezahlen schuldig seyn. Et LEGES
 DANICÆ: (r) *Sind in einem Hafen in oder auf-*
ser dem Reiche einige den Koenigl. Untertha-
nen gehoerige Schiffe, die zu einer Zeit seegel-
fertig seyn, und aus Furcht vor Capen oder an-
dern unglucklichen Zusaellen fur rathsam era-
chten, dass sie zusammen bleiben, und Admi-
ralschafft aufrichten, so sollen sie gewisse Ar-
ticuln schriftlich mit einander eingehen. Quam-
 vis vero ejusmodi *σύμπλοισιν* privata aucto-
 ritate ineant magistri navium: navis tamen
 omnium munitissima reliquis præest, ac ideo
 pu-

(p) Car. du Fresne *Glossar. lat. voce Amir.*

(q) Jus marit. Hanseat. *Tit. VII. Arr. unic.*

(r) Jus Dan. *lib. IV. cap. VII. §. 1.*

publicum principis vel reipublicæ suæ insigni præfert, es fuhr die Admirals Flache. Qua de re denuo JUS DANICUM: (f) Ist also dann ein wehrbares Schiff darunter, so soll selbiges eine Flache führen, und die andern vertheidigen. Et JUS ADMIRALITATIS HAMBURGENSE: (t) Es soll auch einer jeden Flotte durch die Deputirten ein gewisser Admiral und Vice-Admiral vorgesetzt werden. Da aber zu einem mal eine gar grosse Flotte absegeln wollte soll zuwar eine jede Compagnie, so auf einen Ort mit einander zu segeln hat, ihren Admiral und Vice-Admiral haben, nichts desto weniger soll ihnen noch ein Ober-Admiral durch die Deputirte zugeordnet werden, der den andern so lange commandiren moege, biss sie kommen auf die Höhe, da ein ieder seinem Cours veraendern muss. Ceterum si classis ejusmodi navem aliquam vel hostilem vel mercibus illicitis onustam capiat, distinguendum est, utrum juncta opera viribusque consociatis hanc prædam fecerint, an una vel altera navis seorsum illam ceperit. Priore casu præda vendita inter singulos *συμπλοίας* istius participes; posteriore inter magistros navium victricium eorumque nautas habita ratione stipendii eorum distribuitur. Qua de re denuo JUS DANICUM: (u) Zutrage es sich, dass

(f) Jus Dan. lib. IV. cap. VII. §. 11. conf. Styp. jus naut. Part. IV. cap. XI. n. 48. seq. Loccen. de jur. marit. lib. II. cap. II.

(t) Der Stadt Hamburg Admiralschafft-Ordnung Art. XII. (u) Jus Dan. *ibid.* art. VI.

dass eine dergestalt geschlossene Flotte sich eines feindlichen Schiffes bemächtigen wurde, soll selbiges alsbald in eines von des Königs oder seiner Alliirten Hafen gebracht, und alda nach rechtmässigem Verfahren Preiss gemacht werden. Was daraus gemacht wird, soll unter alle, die unter der Admiraltschafft gewesen, geteilet werden. Wurde es aber von einem der andern abgesonderten Schiffe aufgebracht werden, so hat derjenige, der es gefuhret, solches allein zu geniessen, und theilet die Beuthe unter sich und sein Schiffs-Volck nach Gleichmässigkeit eines jeden Monats und Monats-Gelder. Non multo aliter statuunt Batavi, (x) apud quos si navis hostilis adimitur, navis cedit occupantibus, & hi præterea capiunt bimestre stipendium tot personarum, quot in nave captæ sunt. Justissimum hoc est vel eo nomine, quod istius coitionis socii non modo sumtus omnes ferre, verum etiam damnum per hostes aut piratas uni vel alteri extra nautarum culpam illatum omnes, ut sit in magna havaría, rependere tenentur. (y) Eundem vero fructum ferre, cui & damnum ferendum est, (z) ipsi æquitati naturali consentaneum esse nemo non intelligit. Attamen nec id ubi-

(x) Hollandisch See-Recht, tit. von Admiraltschafft pag. 92. & 95.

(y) Grot. de jure belli & pacis lib. II. c. XII. n. XXV. Strypman. de jure maris. & naut. part. IV. cap. XI. n. 52. seq.

(z) L. secundum naturam 10. D. de reg. jur.

ubique observatur. Quum enim mercatores quidam Selandini anno cdo Idcii. navem Lusitanicam opulentissimam cepissent : quintam partem sibi fiscus vindicabat : sextam partem petebant nautæ, qui & gemmas aliaque pretiosa, e mari extracta, sibi vindicabant. Pauperibus 10000. floreni dabantur. Reliqua exercitoribus relinquebantur. (a)

§. XVI.

Sed cum ex his satis constet, cui cedant naves ac merces, quæ captæ pro commissio tenentur : paullo incertius videtur, an ipso jure committantur? Vulgo id adfirmant doctores, eumque in finem allegant ULPIANUM, (b) qui, quod commissum est, statim ait desinere ejus esse, qui crimen contraxit, ob eamque causam dominium rei vestigali adquiri, & commissi persequutionem sicut adversus quemlibet possessorem, sic adversus heredem competere docet. Sed præterquam, quod hæc lex tantum de iis, quæ ob professionem neglectam in commissum cadunt, loquitur : ne in his quidem ita intelligenda est, ac si fiscus propria auctoritate possessionem adprehendere possit, sed & hoc casu opus esse sententia declaratoria, agnoscunt GAILLIUS, (c) COLE-

RUS,

(a) Meteran. *Annal. Belg. lib. XXIII. pag.*
164. *seq.*

(b) L. 14. D. de publ. vect. & commiss.

(c) Gail. lib. II. observ. LI.

RUS, (d) MODESTINUS PISTORIS, (e) STRUVIUS, (f) aliique jure consulti præstantissimi. Et sane quemadmodum ipso jure dominium rei pure legatæ transit ad legatarium, (g) nec tamen ideo sequitur, ut hic sua auctoritate possessionem prehendere possit: (h) ita non minus hoc procedit in rebus ipso licet jure commissis. Quum enim non parum inde detrimenti capiant domini, & magna sæpe sit publicanorum iniquitas: æquissimum est, ut non nisi causa cognita, lataque sententia, fiscus in rerum pro commissis occupatarum possessionem mittatur. Quidquid vero sit de rebus ob defraudatum vectigal commissis: illud certum est, in naves ob rerum illicitarum vecturam captas dominium non prius vel fisco vel capientibus adquiri, donec ea de re sententia sit lata ab harum rerum moderatoribus. Pretiosa enim res est navis, & merces illi impositæ plerumque maximam patrimonii aliquot privatorum partem exhauriunt. Iniquissime ergo ageretur cum dominis, si naves captæ statim retinerentur. Quia quum & nautica turba sit genus hominum legibus indomitum pariter ac

ra-

(d) Colerus *de processu execut. lib. I. cap. III. num. 84.*

(e) Modestinus Pist. *part. II. conf. LXXXIV. num. XVIII.*

(f) Struv. *exerc. XXXIX. §. LI.*

(g) *L. 80. D. de legat. 2.*

(h) *L. 1. §. 2. D. quod legator.*

παρὰ τὸν Εὐριπίδην
 ΗΕΚΥΒΑ (i) recte queritur:

Ἀκόλαστος ὁ ἄλλος ναυτικὴν τ' ἀναρχίαν
 Κρείσσων πυρὸς, κακὸς δ' ὁ μῆτις δρῶν κα-
 κῆν.

*Indomita plebs & nauta frangere solet
 Minus igne: malus est, qui nihil fecit
 mali.*

facile fieri posset, ut navem amicam non
 tam jure quam specioso prætectu capiant,
 atque ita multos privatos nihil tale meri-
 tos ad summam redigant mendacitatem nisi
 magistratui reddenda esset ratio.

§. XVII.

Hinc legibus nauticis & summorum im-
 perantium edictis sæpissime cautum legi-
 mus, ut captæ ob merces illicitas naves
 in portus abducantur, & a proximo colle-
 gio admiralitatis, quod vocant, causâ co-
 gnoscatur accuratissime, ut lata demum
 sententia adpareat, dimittendane sit navis,
 an commissâ judicanda, an denique vel
 merces commissâ navi, vel navis vindi-
 catis mercibus, dominis sint restituendæ.
 Inter Ludovicum XIV. & civitates Hansea-
 ticas (k) convenit, ut capta ob merces
 veti-

(i) Euripid. in *Hecuba*.

(k) Sec. Tractat. inter Ludov. XIV. & ci-
 vit. Anseatic. Art. III. & IV.

Hein. Opusc. Var. Pars I.

vetitas nave Hanseatica, præfecti navis victricis non aperiant cistas, nec involu-
 cra mercium solvant, nec quidquam re-
 rum in nave repertarum amoveant, &
 præsentibus iudicibus rerum nauticarum,
 (*en la presence des juges de l'admirauté,*)
 inventarium rerum omnium conficiendum
 curent. Eoque facto, ne sic quidem cui-
 quam liceat aliquid, in nave ista reper-
 tum, emere vel permutationis donationis-
 ve titulo acquirere, *avant que les prises*
n'ayent esté declarés bonnes par les juges de
sa majesté. Idem inter se pacti sunt His-
 pani & Batavi anno cIdIdCLi. (l) Und im
 Fall in gemeldten der uniirten Provintzien
 Unterthanen Schiffen durch vorbeschriebenes
 Mittel einige sothane Kauffmannschafften he-
 funden vvrorden, so hieroben fur contrahan-
 de und verbothen erklachret seyn: so sol-
 len dieselhe von denen von der Admirali-
 taet, oder andern competenten Richtern al-
 lein entladen, gecalangiret und geconfiscirac
 vverden. Ipsi etiam Belgæ anno cIdIdCL.
 in denunciatione saepe allegata (m) hac
 de re ita disponunt: Und soll die judica-
 tur uber die transgression dieser unserer Or-
 donantz zukommen den Raethen der Admi-
 ralitaet, in vvolcher distrikt die contraven-
 tien entdecket vverden, oder vvo die Capi-
 tains, so die Schiffe aus der See aufgebra-
 cht,

(l) Tractat van de marine cIdIdCL. art. XII.

(m) Placat Ihro Hochmoegenden cIdIdCLII.
 art. IX.

che, ausgefahren seyn. Denique in edicto Friderici Regis Daniæ c1o 10clix. (n) itidem cautum: Jedoch alle solche Guter nicht zu ruhren, oder derselben etwas zu eroeffnen, ehe dann daruber ein Urtheil gesaellert, vvelches dann die Admiralitaet ohne einige dilation rechtmæssig und endlich absprechen soll, vwie sie selbige vor uns und unsern geliebten Reichs-Ræichen verantworten und im Gericht gestaendig seyn vvollen. Ceterum in hoc judicio caussarum maritimarum summarie admodum procedi, non est dubitandum. In tribunalibus admiraltatis Hollandicis ne duplicem quidem litigantibus esse permissam tradit MARQUARDUS. (o) Et in ordinatione processus maritimi Lubecensi c1o 10lv. (p) cavetur, ut processus sit summarius, ut non admittantur deductiones scriptæ, ut peracta probatione non admittantur disputationes *die schriftlichen disputir-Gesetze*, ut ex istis curiis exsulent advocati & caussarum patroni, ut lata sententia statim exsecutio decernatur, nec locus sit adpellationi, supplicationi, reductioni, nisi summa, de qua litigatur, superet mille marcas Lubecenses. Fiscitamen

(n) Declaration für die handthierende zur See 1659. art. Ap. Marquard. in Adp. p. 656.

(o) Marquard. de jure mercat. libr. III. cap. VII. §. VI.

(p) Ordnung des summarischen See-Gerichts-Proceß E. E. Raths zu Lubeck. ap. Marq. in Adp. p. 704.

tamen causam agit advocatus fisci, cœu exemplum paullo ante ex METERANO (q) adlegatum demonstrat. Unde lites ejusmodi de commissis brevi finiri satis constat.

§. XVIII.

Illud quoque observandum, quod lata sententia, & navi fisco addicta, res omnes sub hasta vendi; navis vero, si bellicis usibus inservire queat, summo imperanti cedere, sin sit mercatoria, (*ein Kaufsarthey Schiff*) itidem sub hasta venum exponi soleat. Quicumque rem ejusmodi emit, statim securus est, non modo quod a fisco emit, verum etiam quod rerum per mare adlatarum, & bona fide comparatarum statim acquiritur dominium. Id sane certum est de jure Hamburgensi, in quo cautum legimus: (r) *Bringet iemand Gut uber See und Sand, und dasselbe als gestohlen oder geraubt Gut angesprochen wird, so ist derienige, welcher das Gut gebracht, noch dasselbe zu behalten, als iemand ihm dasselbe abzugewinnen, iedoch so er erweisen kan mit 2 ehrlichen Leuten, oder mit seinem VVirth, oder auch durch schriftliche Urkunde der Stadt, darrinnen er das Gut gekauft, dass er dasselbe redlich an sich gebracht habe.* Quod jus Hamburgense singulari dissertatione

(q) Meteran. lib. XXIII. p. 163.

(r) Stat. Hamb. lib. II. Tit. XIX. Art. 12.

tionem exposuit B. JO. SAM. STRYCHIUS. (f)
 Nec tamen dubium est, quin & alibi res
 ejusmodi statim adquirantur bona fide cas-
 ementibus. In Gallia id præterea singula-
 re est, quod jus proximis competat iis,
 qui navem ceperunt. Qua de re in tra-
 ctatu inter Ludovicum XIV. Regem Gal-
 liæ & civitates Hanseaticas cautum est:
 (t) *an quel cas* (si scilicet sententia lata
 sit a caussarum nauticarum iudicibus,) *les*
capitaines des vaisseaux, sur lesquels les
dites marchandises auroient esté prises, les
pourront rachetter, s'ils veulent, pour le
prix de leur adjudication, & seront prefe-
rez a tous autres. Sed sua forsàn cuius gen-
 ti ea in re consuetudo est, nec quidquam,
 quod ubique observetur, hic poterit definiri.

§. XIX.

Quum vero mercatores non facile belli
 tempore naves peregre mittere soleant,
 nisi contractu adsecurationis, quem vo-
 cant, sibi de damno resarciendo prospe-
 xerint, nova hic incidit quæstio, an &
 mercium hoc modo a fisco vindicatarum
 ipsiusque navis, si & illius periculum in
 se susceperint adsecurantes, pretium sit
 restituendum? Ubi facile quisque animad-
 vertit, aliud de pura; aliud de conditiona-
 li adsecuratione esse respondendum. In illa
 quum simpliciter, sine conditione aliqua
 tem-

(f) Jo. Sam Stryk *de præscript. rer. per
 mare allatarum.*

(t) See. Tractat zvvischen Lud. XIV. ars. V.

temporis vel loci, periculum suscipiatur :
dubium non est, quin & pretium navis
ob merces illicitas ereptæ sit restituendum,
dummodo non ipso tempore adsecurationis
factæ in periculo versatæ sint naves.
Adsecurationem enim non ad præteritum,
sed futurum & imminens periculum
extendendam esse, legibus omnibus
cautum est. Sic in ORDINATIONE PHILIPPI II.
Regis Hispaniæ (u) præcipitur : *So soll
man auch keine Verträge von Versicherung
machen von die Gewarde einiger Kauffmans-
schafften oder Schiffe, oder sonst von eni-
gen andern Dingen, vvelche zu dem Tage,
wann die Verträge gemacht seyn sollen, mo-
gen verlohren oder vertruncken seyn. Quod
si tamen adsecuratus expresse sibi caveri
curaverit in eventum boni vel mali nun-
cii, nec, qui periculum in se suscepit,
probare possit, ei, cui cautum est, ante
cautionem constituisse de damno, vel hic
ab ea suspicione se jurejurando liberare
queat : procul dubio & tum tenebitur ad-
securator. Et ita non solum in ROTA GE-
NUENSI (x) judicatum est, verum etiam ju-
dicari jubent leges de adsecurationibus re-
ceptissimæ. Ita enim in ORDINATIONE AMSTE-
LUDAMENSI (y) cautum est : *Men vermack
ock**

(u) Ordnung von Affecurantz der Schiffe
c10 10LXX. art. XI.

(x) Rot. Genu. Decis. CII. n. IV. & V.

(y) Affecurantz Ordnung der Stadt Am-
sterdam art. XXI.

ock Schepen, Goeden, VVaeren en Koopman-
schappen, die verdronken, gerooft of bedorven
zyn doen ass ureren, ock na dat se verdron-
cken, gerooft ende verdorven syn geuvest, zo
wanner het ter kennisse vander persoon, diel-
selbe doet assenureren, niet gekomen en iss, van
de vertreckinge, rouinge, ende verderfensse,
van den vorschreuen Schepen ende goeden. Sed
hæc omnia locum tantum habent, si ii,
qui periculum in se susceperunt, merces
ejusmodi vetitas navi fuisse impositas no-
verint. Nam nemo in se suscipit pericu-
lum, nisi navis cursum, merciumque quan-
tatem, qualitatem, numerum, mensu-
ram, & quidem facta prius bona fide æsti-
matione, & instrumento ea de re sollem-
niter confecto, exacte compertam habeat.
(z) Quod si itaque dolose vetitæ merces
pro licitis fuerint indicatæ: dubium non
est, quin damni restitutio non possit ab
adsecuratoribus peti. (a)

§. XX.

Sin non pure, sed addita conditione,
periculum in se quisquam suscepit: ex
instrumento, quod Pollizzam vocant, di-
judicandum, quos in se casus susceperint
adsecuratores. Non enim pactum generale
perti-

(z) Marquard. *de jure mercat. lib. II. cap.*
XXII. num. XXIV.

(a) Santern. *part. III. num. XIII. sequ.*
et XLIII. sequ.

pertinet ad casus istos fortuitos, de quibus non cogitatum videri potest. (b) Hinc si navis cursum mutet, vel si princeps eam sub colore, quod merces vetitas contineat, capiat detineatve: non tenentur adsecuratores, nisi hoc diserte in diplomate, uti plerumque fieri solet, cautum legatur. (c) Hinc si vulgaris formula adhibita legatur: (d) *VVy Affeuredeurs dragen alle peryckel deer See, van vuer, van VVinden, van vrienden ende vianden, van Briesen, van Marcke, oder repressalien, van arreste ende detentie, van Konigen, Princen ende Heren, wie sie sien, ende generalicken van allen andern peryckeln ende fortunynen, die souden mogen overkoomen, in eeniger manieren, oft de man soude mogen verdencken, gevvonlick oder ongevvonlick: nullum est dubium, quin damna omnia etiam navis pro commisso occupatæ refarcienda sint ab adsecuratoribus, qui merces ejusmodi impositas, & ad hostes alterius amicæ nationis destinatas esse, non ignorarunt.*

§. XXI.

(b) L. 5. & L. 9. D. de transact. L. 1. D. de pign. act.

(c) *Affeurations-Ordn. der Stadt Amsterdam art. VIII.*

(d) Marquard. de jur. mercat. loc. cit. n. LXVII. VVerlhoff. de Polizza in append.

§. XXI.

Quum autem supra dictum sit, naves ob mercium illicitarum vecturam, sententia demum a caussarum maritimarum iudicibus lata, fisco cedere: quæritur, an restitutio suscepti damni statim peti possit ab adsecuratoribus, priusquam lis ista finita sit? Id vero procul dubio negandum. Tunc enim dubium adhuc est, libertatemne recuperatura navis, an fisco cessura sit. Et hinc si in exteris locis detineatur, profectu istorum propiore aut remotiore vel sex mensium, vel anni vel biennii spatium expectandum est adsecurato, priusquam ab adsecuratoribus damni suscepti restitutionem exigere possit. (e) Ita cautum est non solum ORDINATIONE AMSTEBLODAMENSI (f) verum etiam JURE DANICO, (g) quo etiam additur, hoc casu, spatio illo elapso, intra tres menses restitutionem damni fieri debere ab adsecuratoribus: *Nach solchem Tage hat der Affecurant drey Monathe Frist, die Gelder zu bezahlen. Erfolge die Bezahlung binnen solcher Zeit nicht, so soll er, wie obgemeldet, (monatlich einen halben pro cento) die Zinsen erlegen, und durch rechtlichen Mittel zur Zahlung angehalten werden.*

§. XXII.

(e) Marquard. loc. cit. n. LXV. Kurick diatr. de Adsec. pag. 17.

(f) Adsec. Ordn. der Stadt Amsterd. art. VIII.

(g) Jus Danic. lib. IV. cap. VI. §. 10.

Quid vero si sententia quidem lata, navis ob mercium vetitarum vecturam fisco addicatur, gens tamen, cui illa ademta est, injuriam sibi fieri conqueratur: an ullum superest remedium? Non temere hic statim arma expedienda esse suadet prudentia. Solent ergo mitti legati, qui naves injuste captas repetant, id quod vocant *die aufgebrachtten Schiffe reclamiren*. Quale exemplum nostra ætate in Svecia occurrit, a qua Britanni pariter ac Batavi naves quam plurimas, quas injuria sibi ereptas conquerebantur, reposcebant. Sin. nec hoc quidem leniore remedio malo mederi liceat: decerni solent repressaliæ. Exemplum jam supra retulimus ex *ZOUCHÆ*, (h) qui Anglos litteras repressaliarum decrevisse memoriæ prodidit, quum Hispani herbam Nicotianam pro merce vetita declarassent, navesque Anglicanas ideo addixissent fisco. Nec nostra omnino ætas ejusmodi repressaliarum usum plane ignorat. Plura de repressaliis & pignorationibus navium tradunt *LOCENIUS*. (i) & *STYPMANNUS*, (k) quæ ne justo latius evagari videamur, merito omittimus, illud modo ob-

(h) *Zouch Jus facial. Part. II. Sect. VIII. num. XII.*

(i) *Loccen. Jus marit. libr. III. cap. IV. §. IX.*

(k) *Stypmann. contin. jus marit. Part. V. cap. L n. XXII.*

observantes, jus istud pignorationis non penes privatos esse, quantumvis injusta navium detentione laesos, sed penes summos imperantes, quorum in arbitrio est, an pro indemnitate subditorum eas decernere velint? Tamen si enim aliud videatur GRO-
TIO, (l) & BODINO, (m) qui illud jus etiam privatis hoc modo laesis, jure competere, & frustra juribus majestatis accenseri contendunt: rationem tamen hoc fugere satis demonstravit ZIEGLERUS. (n) Sunt enim repressaliæ veluti præparatio belli, vel potius bellum quoddam particulare, quo non minus sæpe universa respublica in discrimen adducitur, ac bello justo indicto. Non magis ergo a majestate jus repressaliarum sejungi potest, quam ipsum jus bellum inferendi, nisi privato cuivis jus esse putes, rempublicam in extremum conjiciendi periculum. Unde a JULIO FERRETO (o) observatum est, in regno Siciliae illum semisse bonorum omnium etiam feudalium mulctari, qui repressalias privata auctoritate facere fuerit ausus.

§. XXIII.

Sed hæc quidem de navibus, ob mercium

(l) Grot. lib. III. de jure belli & pacis cap. II. §. VII. n. III.

(m) Bodin. de Republ. lib. I. cap. X.

(n) Ziegl. ad Grot. loc. cit. de Jur. Majest. lib. I. cap. XXXIV. §. VIII.

(o) Jul. Ferret. de re novall. lib. V. num. XXIV.

cium illicitarum vecturam commissis, ex ipsis gentium mari potentissimarum legibus foederibusque disserere placuit. Brevitatem dissertationis academicæ rationes, naves, si qui lucubrationi huic hæreant, juvenus; conatum denique ipsa rei, ejus tractationem suscepimus, dignitas utilitasque excusabunt. Nostrum est, Deo, studiorum moderatori, votivam suspendere tabulam, eique totius, si qua futura est, vitæ nostræ studiorumque rationes votis incitatissimis commendare.



COLLEGIIS ET CORPORIBUS O P I F I C U M.

EXERCITATIO VIII.

C A P U T I.

De Origine & jure collegiorum & corporum apud Romanos.

- §. I. *Instituti ratio & partitio dissertationis.*
 §. II. *Romulus in nova urbe civibus opificia non permisit.* §. III. *Quia ea non conveniebant fini reipublica Romana, qui erat potentia bellica.* §. IV. *Mutavit id NUMA, qui & opificiis adsuesecit cives, & collegia instituit.* §. V. *Collegia ab eo instituta qualia? Tibicinae quinam fuerint? Quinam aurifices? Quinam fabri ararii, ut & fabri tignarii, dendrophori, centonarii, dolabrarii, scularii, tintores, suttores & reliqui opifices.* §. VI. *Collegiarum a Numa institutorum conventus & sacra.* §. VII. *Cur ea collegia Numa contra Romuli institutum invenerit?* §. VIII. *Collegia illa abolevit TULLIUS, HOSTILLIUS, restituit, SERVIUS TULLIUS ac denuo suppressit TARQUINIUS SUPERBUS.* §. IX. *Primis reipublica libera temporibus nulla fuerunt collegia.* §. X. *Postea in usum revocata sunt a decemviris.* §. XI. *Parum honorifica tamen semper Roma fuit opificum conditio.* §. XII. *Et tamen tunc veteribus illis collegiis*

NUMA

§ 42 De Orig. & Jure Coll. & Corp. &c.
 nova addita. §. XIII. Inde nata sunt tur-
 ba reipublica perniciosissima. §. XIV. Quare
 Scito sublata sunt præter paucissima. §. XV.
 Postea ea restituit novaque addidit P. Clo-
 dius. §. XVI. Ac denuo eadem suppresserunt
 Caesar & Augustus. §. XVII. Digres-
 sio de collegiis sacrorum causa coeuntibus.
 §. XVIII. In primis de conventibus Chri-
 stianorum. §. XIX. Collegiis inimicissimi
 fuerunt Claudius, Trajanus, & sequentes
 Imperatores. §. XX. Quadam tamen Colle-
 gia semper coeundi potestatem retinere.
 §. XXI. Quia & nova subinde instituta
 sunt indulgentia principum. §. XXII. Col-
 legia ergo vel licita vel illicita. Illicito-
 rum poena. §. XXIII. In licita quinam re-
 cipi potuerint? §. XXIV. Quinam illis ex-
 clusi? §. XXV. An licuerit pluribus colle-
 giis interesse? §. XXVI. Collegia universita-
 tes & quasi respublicas constituiebant, &
 hinc juribus minorum utebantur. §. XXVII.
 An jure antiquo heredes institui, fideicom-
 missa & legata capere potuerint? §. XXVIII.
 Quid ea in re legibus novis sensim immu-
 ratum sit? §. XXIX. Varia collegiorum im-
 munitates. §. XXX. Earumque causa.

§. I.

Consilium est, de COLLEGIIS & CORPO-
 RIBUS OPIFICUM, eorumque origine &
 juribus, paullo uberius agere, & ea maxi-
 me, quæ vel prætermissa ab aliis, vel per-
 functorie exposita sunt, edisserere curatius.
 Ne vero, quod vulgo fieri solet, peregri-
 na

na patriaque jura imprudenter misceamus : ipsi diligentiae nostrae eos ponemus limites , ut priore capite Romanorum ; posteriore Germanorum mores atque instituta circa opificum collegia & corpora expendamus. Quo labore si ita defungemur , ut per Romanas patriasque antiquitates excurramus paullo liberius , & frequentius praestantissimis omnis aevi scriptoribus , quam BARTOLO & BALDO , (quos honoris causa nominamus ,) denunciemus testimonium : facile , spero , id nobis condonabunt , quicumque saeculi nostri intelligunt bona , nec compendiorum ambitu universam eruditionem juridicam circumscribendam existimant .

§. II.

Ut ergo ab ovo , quod ajunt , ordiamur : illud initio observamus , condita Roma , nullo loco in nova ac nascente civitate fuisse opifices , adeo , ut questum facere in officina , indignum civium Romanorum personis visum sit. Quamvis enim hodie opificiorum artiumque manualiarum culturam rebus publicis omnibus commendent civilis prudentiae auctores , aliter tamen rationes suas composuit ROMULUS , qui Quirites ab artibus mechanicis , tamquam illiberali questu , penitus abstinere jussit. Testis est DIONYSIUS HALICARNASSEUS , (a) qui Romuli persequutus instituta : Ε'πιδημιον , inquit , κα' βαρβαριον , κα' υποαχαιον ε'στιν

207

(a) Dionys. Halic. Ant. Rom. lib. II. p. 28.

θυμίων, αἰχρῶν τέχνας, ὡς ἀφανίζουσας καὶ
 λυμαιομένης τὰ τε σώματα καὶ τὰς ψυχὰς τῆς
 μεταχειριζομένων, δόλοισι καὶ ξύνοισι ἐπέδωκε
 μεθόδους. Propterea sellularias quidem &
 sordidas, & turpium cupiditatum incitatri-
 ces artes, ut corporibus & animis trahan-
 tium noxias & pestíferas, servis & exte-
 ris exercendas tradidit. Quo loco qui-
 dem interpres τέχνην βαλάνου sordidam
 artem transtulit: sed Græcis omnes artes
 mechanicas & manuarias, & maxime fa-
 briles, βαλάνους adpellari, satis constat, ut
 merito mireris, etiam doctissimum SCHEFF-
 FERUM (b) inter mechanicas & sordidas
 vel sellularias artes distinguere, & his tan-
 tum βαλάνων nomen concedere, quum
 tamen & mechanicæ artes sapissime au-
 diant βαλάνοις, & ipsi opifices vel ὑποχει-
 ροβίωντες Græcis vocentur mechanici. (c)
 Ex quibus, patet, non sordidis tantum &
 sellulariis, sed omnibus in universum arti-
 bus manuariis Romanis interdixisse Romu-
 lum, solisque servis & peregrinis quæstum
 illum mercenarium reliquisse.

§. III.

Rationes hujus instituti non adeo obscu-
 ræ videntur. Quum enim ex fine omnia me-

(b) Scheffer in indice Græc. ad Ælian. vo-
 ce βαλάνος τέχνη.

(c) Kuhn in Addit. ad Scheffer. indi-
 dicem loc. cit.

metienda sint; ad eum etiam in constituen-
da republica unice respexit Romulus. Non
aliud vero sibi finem proposuerat, quam
potentiam bellicam & latam quaquaver-
sum dominationem. Facile prævidebat vir
sagacissimus, novam, quam condiderat,
urbem neque commerciis, neque opifi-
ciis, neque agricultura vel re pecuaria,
eam, quam animo conceperat, felicitate
consequuturam. Commerciis obsta-
bant urbis situs, Tiberini amnis angustia,
onerariis navibus eo quidem tempore vix
pervia, (d) & maxime tot florentissima-
rum urbium portuumque vicinia, quorum
luminibus officere, omnino videbatur diffi-
cillimum. Neque ex artibus opificiisque in
tanta sæculi frugalitate multum splendo-
ris sperari poterat novæ civitati, maxime
quum adventitia illa turba, quæ Romam
confluxerat, rei potius pecuariæ & latro-
ciniis, quam artibus & opificiis, adsuevis-
set. Denique & agriculturam ipsa agri-
Ro-

(d) *Vid. Marliani Topogr. Rom. libr. VII. cap. I. pag. 271. Posterioribus tamen temporibus operam dederunt Romani, ut fluvium hunc redderent navigabilem: quamvis non nisi æstuaria naves Romanam usque pergerent, majores Ostia anchoris alligarentur. Et de his temporibus intelligendus Dionys. Halicarn. libr. III. pag. 183. qui de hujus fluminis commoditate satis magnifice sen-*
sit.

Romani angustia parum quætuosam promittere videbatur. Is enim, SIGONIO (e) teste, principio fuit parum spatiosus, adeo, ut ultra Tiberim in Hetruria nullus esset, Latium vero versum haut multum pateret. Quamobrem populo egeno, rudi, & novarum rerum cupido, nihil magis convenire videbatur, quam studium rei militaris, quod unice sibi proposuisse Romulum, jamdudum observarunt auctores gravissimi, & in his HERM. CONTRINGIUS. (f) Ipsum sane Romulum DIONYSIUS HALICARNASSEUS (g) nobis sistit, de institutenda republica hunc in modum concionantem: Ἐτέρα γὰρ τὰ σώζοντα καὶ ποιοῦντα μέγας ἐκ μικρῶν τὰς πόλεις. Ὡς μὲν τοῖς ἀθλητοῖς τὸ διὰ τῆς ἀπλῶν κράτος. Aliud esse, quod servet civitates, & e parvis magnas faciat; nimirum in externis bellis armorum potentiam. Quem reipublicæ scopum etiam paulo post commendat Romulus, dum libere profitetur, μαχητὰς τε καὶ δίκαιους ἀνδρας, καὶ τὰς ἄλλας ἀρετὰς ὁπτιηδόντας τὸ τῆς πολιτείας χῆμα ποιεῖν ὀρονίμως αὐτὸ κατασκευάσει, bellicosos viros, qui justitiam ceterasque virtutes colant, prudentibus hominibus, qui respublicas constituerunt, earum constituendarum formam præbuisse. Quum ergo
semel

(e) Sigon. *de jure civ. Rom. lib. I. cap. II.*
pag. 22.

(f) Contring. *ad Machiav. Princ. cap. XII.*
pag. 227.

(g) Dionys. Halicarn. *Antiq. Rom. lib. II. p. 79.*

semel placuisset, Martis alex committere civitatis fortunam: non solum id operam dedit Romulus, ut civitatem haberet frequentissimam, verum etiam, ut ipsi cives ad arma sumenda essent expeditissimi. Jam satis intelligebat vir sagax non minus, quam togata prudentia præsidiis instructissimus, mercatoribus atque opificibus non satis cum militia convenire: neque ignorabat, artes manuarum parum robustos & agiles milites dare, qui multo rectius ruri adulescerent. Hinc & cum potissimum questum, qui ex agricultura provenit, permittebat civibus, iisdemque, ut ait D'ONT-SIUS, (h). ἡ τε πολεμικὴ καὶ ἡ γεωργικὴ ἑταξε βίον, tam bellica, quam rustica iungebat munia. Et hæc demum est genuina ratio, ob quam cives artes manuarum facere vetuit Romulus, quæ etiam alias gentes bellicosas permovit, ut vel e rebus publicis suis proscriberent opificia, vel certe arma iis numquam traderent. Ægyptiis sane ignobiliores habitos esse opifices, nec passos illos esse, militem his artibus contaminari, auctor est HERODOTUS. (i) Idem de Lacedæmoniis testantur PLUTARCHUS, (k) ELIANUS, (l) & maxime XENOPHON, (m).

(h) Dionys. Halicarn. lib. II. pagina 98.

(i) Herodot. lib. II. cap. XLII.

(k) Plutarch. in compar. Lycurgi & Numæ. pag. 76.

(l) Ælian. Var. Hist. lib. VI. cap. VI.

PHON, (m) qui Spartanorum aliarumque Græcarum civitatum instituta inter se contendens : Ἐν μὲν γὰρ δῆμῳ, inquit, ταῖς ἄλλαις πόλεσι πάντες χηματίζονται, ὅσον δυνάσται· ὁ μὲν γεωργεῖ, ὁ δὲ ναυκληρεῖ, ὁ δὲ ἐμποσάεται, οἱ δὲ ὑπὸ τεχνῶν τρέφονται· ὡς δὲ τῇ Σπάρτῃ ὁ Λυκῦργος τοῖς μὲν ἐλδοδέροις τῶν μὲν ἀμφὶ χηματισμὸν ἀπῆκε μηδενὸς ἀπαιδοῦ. Nam aliis in urbibus omnes, quocumque modo possunt, rem faciunt. Hic agrum colit, ille navicularia deditus est : hic mercatura, ille opificio exercendo se alit. Sparta vero Lycurgus ingenuis interdixit, quominus ea, quibus rem facere possent, attingerent. Quum ergo Romulus, non minus ac Lycurgus, ad potentiam bellicam omnia retulerit : non mirum profecto videbitur, eum etiam artes manuales omnes, tamquam fini & scopo suo parum concinnas, e republica sua proscripsisse.

§. IV.

Satis diu istud Romuli institutum viguisse, credit DIONYSIUS HALICARNASSÆUS, (n) dum ait : Καὶ διέμεινεν ἕως πολλῷ χρόνῳ διὰ αἰχμῆς ὄντα Ῥωμαίοις τὰ τοιαῦτα ἔργα, καὶ ὑπὸ ἑδενὸς τῶν αὐτις χρόνων ὄντων ἑδενὸς : longoque tempore pudori fuerunt Romanis opera talia, ita, ut nemo ex indigenis

(m) Xenoph. de Lacedem. Republ. cap. VII. 1. & 2. pag. 79. Tomo V. Oper. edit. Oxon.

(n) Dionys. Halicarn. lib. II. pag. 98.

genis animum ad ea adplicaret. Sed constat tamen aliunde, non diutius illud mansisse, quam ipsum Romuli imperium. Numma enim, qui Romulo successit, nihil fecit reliqui, ut cives feroces opificiorum artiumque redderet studiosiores. Hinc non solum civibus eum quæstum permisit, verum etiam ipsos opifices in certa collegia vel corpora primus descripsit. Rem memorix prodidere PLINIUS (o) & PLUTARCHUS, (p) cujus verba audire juvat: Τῶν δ' ἄλλων αὐτῷ πολιτῶμάτων ἢ καὶ τέχνας διανομὴ πλῆθους μάλιστα θαυμάζεται - - Ἦν δ' ἡ διανομὴ καὶ τὰς τέχνας Αὔλων, Χρυσόχων, Τεκτονῶν, Βαφέων, Σκυτότομον, Σκυτόδευν, Χαλκεῶν, Κεράμεων, τὰς δ' λοιπὰς τέχνας εἰς ταυτὸ συναγαγὼν ἐν αὐτῷ ἐκ πασῶν ἐπέδειξε σύσημα; κοινωρίας δ' καὶ σωόδους καὶ Θεῶν τιμὰς ὑποδὸς ἐκάσῳ γῆραι ὑπεπέσας τότε πρῶτον ἐκ τῆς πόλεως ἀνέειλε τὸ λέγεσθαι καὶ νομίζεσθαι τὸς μὲν Σαβεῖους, τὸς δ' Ῥωμαίους, ἔτι τὸς μὲν Τατίους, τοὺς δ' Ῥωμύλους πολίτας. Prae ceteris ejus institutis commendatur populi per artificia centuriatio. - - Divisit autem civitatem per artes TIBICINUM, AURIFICUM, FABRUM, TINCTORUM, SUTORUM, CORIARIORUM, ERARIO-
RUM, FIGULORUM. Reliquas artes in unum collegit, fecitque ex omnibus corpus unum,

(o) Plin. Hist. nat. lib. XXXIV. cap. I. & lib. XXXV. cap. XII.

(p) Plutarch. in Numma pag. 71.

unum, collegiaque & contilia atque sacra, cuique festā decentia attribuit. Ita primum sustulit ex urbe factiones, ne hi Sabini, illi Romani, hi Tatii, illi Romuli cives haberentur vocarenturque. Hæc PLUTARCHUS, cujus verba illustraturi, tum de ipsis his collegiis a Numa inventis, tum de eorum institutis, tum de rationibus denique, quibus permotus Numa opifices in collegia & corpora descripsit, agemus paullo accuratius.

§. V.

Novem hic recensentur artificum collegia, quæ Numa instituisse dicitur. Horum primum est TIBICINUM, quibus sequiore ævo etiam FIDICINES sese adjunxerunt, teste marmore apud SMETIUM, (q) dedicato quippe.

COLLEGIO TIBICINUM
ET FIDICINUM ROMANORUM

Q. S. P. P. S.

id est, ut in alio marmore (r) hæ litteræ ac notæ exponuntur, QUI SACRIS PUBLICIS PRÆSTO SUNT. Ex quibus simul intelligimus, cur primus inter collegia locus tibicinibus attributus sit. Non enim ad privatorum usum, sed ad sacra petinebat hoc tibiis canendi artificium, siquidem, VALERIO MAXIMO (s) teste; *inter publicas privatasque ferias,*

(q) Smet. *Inscript. p. XXXIV. 2.* Gruter. *Inscr.*p. CCLXIX, 2. (r) Smet. *Inscr. p. LXVII. 1.*(s) Valer. Max. *lib. II. cap. V. n. 4.*

rias, actiones, personis recto capite variaque veste velatis, concentusque edebant. Unde & fas illis erat in æde Jovis epulari. Quod jus quum illis a censoribus eriperetur, uno agmine Tibur secesserunt, non nisi dolo inde reducendi, vino quippe sub honoris specie inebriati, & in plaustreis Romam reducti, uti ab eodem VALERIO (t) & LIVIO (u) refertur. Secundum collegium AURIFICUM fuit, cujus item mentio fit in marmore apud SMETIUM, (x) in quo MAGISTER QUINQUENNALIS COLLEGII AURIFICUM nominatur. Huic vero collegio procul dubio ideo tam honorificus datus est locus, quia Veturii Mamurii aurificis opera percommode usus fuerat Numa in effigendis scutis ancili calitus delapso similibus. (y) Ejus enim solertiam tanti fecit Numa, ut & in carminibus Saliorum, FESTO (z) auctore, frequentissime ejus nomen audiretur. Tertium collegium non FABRUM fuit, ut PLUTARCHI fert ordo, sed ÆRARIORUM FABRUM, ut observavit PLINIUS, (a) qui de re æraria agens: *Docuimus, inquit, quam-*

quam-

-
- (t) Valer. Max. loc. cit.
 (u) Liv. lib. IX. cap. XXX.
 (x) Smet. Inscript. pag. XCVI, 4.
 (y) Plutarch. in Numa p. 69.
 (z) Festus voce Mamurius, & ibi Dacer. pag. 219.
 (a) Plin. Histor. Nat. libr. XXXIV. caput I.

quamdiu populus Romanus are tantum signato usus esset, & alia, qua vetustas tradidit, quum equalem urbi auctoritatem ejus declararet, a Rege Numa tertio collegio arariorum fabrum instituto. Non dubito, quin hi antiquissimis temporibus etiam cudendis numis operam locarint: siquidem antiquissimi Romanorum numi ænei tantum fuerunt. (b) Postea eam operam in se susceperunt FLATURARII AURI ET ARGENTI MONETARII, (c) quibus modo triumviri, modo quatuorviri auro argento æri flando feriundo, (d) nec non triumviri, mensarii, (e) & EXACTORES ARGENTI ET ERIS (f) præerant, quorum isti cudendis numis, illi iisdem expendendis, hi materiæ vel metallo colligendis præfecti fuisse videntur. Proximi his fabris ærariis procul dubio fuerunt FABRI, quibus posteriore ævo etiam CENTONARII, ac denique ex constitutione CONSTANTINI M. (g) etiam DENDROPHORI juncti sunt. Hinc sæpe

(b) Plin. *loc. cit.*

(c) Smet. *inscript. pag. CXLIX. 5.*

(d) Hotom. *de Magistrat. Rom. pag. 436.*
 Alex. ab Alex. *gen. dier. libr. III. cap. XVI.*

(e) Liv. *lib. XXIII. cap. XXI. L. XXIV. cap. XVIII. L. XXVI. cap. XXXVI.*

(f) Gruter. *inscript. pagina XXXVI, 8.*

(g) L. I. Cod. Theod. *de Centon. & dendroph. L. XIV. Tit. VIII.*

sæpe in vetustis marmoribus occurrit COLL. FABR. TIGNAR. (h) COLL. FABROR. ET CENTONAR. (i) COLL. DENDROPHOR. FABRUM CENTONARIORUM. (k) CENTUR. CENTONARIORUM, DOLABRARIORUM, SCALARIORUM, (l) e quibus sese vix expedire adhuc potuerunt eruditi. Fabri tignarii qui sint, nemo ignorat. Hi autem quum simul coercendis restringendisque incendiis darent operam, (m) eoque fine, duce præfecto vigilum, cum dolabris juncis aliisque machinis urbem noctu obirent: (n) facile patet, cur fabris jungantur *centuria scalariorum & dolabrariorum*. Eadem de causa fabris etiam accensentur *centonarii*, non a numero id nomen adepti, sed a *centonibus*. Centones vero, ut e JULIO CÆSARE, (o) VEGETIO (p) ipsoque Jure nostro (q) constat, erant machinæ, ad restringenda incendia comparatæ. De dendrophoris quam maxime dubitant eruditi. HADRIANO TURNEBO (r) enim materiam ad machinas bellicas castrenses & poliorceticas advexisse videntur. PIERIUS

VA-

(h) Smet. *Inscript.* p. LVII, 3.

(i) Smet. *Inscr.* p. LXXV, 6. p. CLX, 1. 2. 3.

(k) Smet. *Inscript.* p. XLVI, 4.

(l) Smet. *Inscript.* p. CLIX, 13.

(m) Plin. *lib. X. Epist.* XLII. ~

(n) L. 3. §. 3. D. *de offic. præf. vigil.*

(o) Jul. Cæf. *de bello civili lib. II. cap. X.*

(p) Veget. *de re milit. lib. IV. cap. XV.*

(q) L. 12. §. 18. *de instruct. vel instrum. leg.*

(r) Turneb. *Adversar. lib. XIX. cap. XVI.*

VALERIANUS (f) eisdem ratiarios fuisse mavult. Ab utroque sententiam suam sejungit CLAUD. SALMASIUS, (t) qui dendrophorum collegium non ad artem aliquam fabrilem, sed deorum cultum pertinuisse contendit. Denique acutissimus humanissimisque JAC. GOTHOFREDUS, (u) eumque sequutus THOM. REINESIUS, (x) duorum generum dendrophoros sibi reperisse visi sunt, quorum alterum in re fabrilis, alterum in cultu Deorum fuerit occupatum. Sed omnino fabrilis arti operam dederunt omnes dendrophori, in findendis quippe silvis, cædendis arboribus, carbonibus faciendis, advehendis lignis aliisque hujusmodi operis occupati; (y) ideoque & fabris eos jungi præcipit CONSTANTINUS M. Idem tamen & sacris operabantur, ut paullo post paragrafo proximo ostendemus. Ut adeo nec SALMASIO caussa fuerit sugillandi TURNÆBUM, nec GOTHOFREDO, ex uno dendrophorum collegio duo diversa fingendi. TRETORUM & SUTORUM collegia, quæ superioribus subjungit PLUTARCHUS, non magis veteribus memorantur, ac collegium FIGULORUM, nisi quod PLINIUS (z) hoc septimum

te-

(f) Pier. Valer. *Serm.* 1.

(t) Salmas. ad Spartian. *Caracall. cap.* IX.

(u) Jac. Goth. ad L. 20. C. Theod. de pagan. & L. 1. C. Theod. de centon. & dendroph.

(x) Thom. Reines. *Inscript. Class.* 1. 40. p. 75. (y) Alciat. ad L. 167. D. de verb. sign.

(z) Plin. *hist. nat. lib.* XXXV. *cap.* XII.

tenuisse locum refert. CORPUS CORIARIORUM
MAGNARIORUM SOLALARIORUM, nec non CO-
RIAARUM in marmoribus Romanis (a) oc-
currit, & fortassis pars quædam fuit illius
collegii coriariorum, quod instituerat Nu-
ma. Reliquos opifices quum in unum col-
legium coniecisse dicatur Numa: illud mea
quidem sententia non aliud fuerit, quam
illud, ex quo postea natum est COLLEGIIUM
MAGNUM, quod sequiore ævo ad sacra ma-
gis quam opificia pertinuit. Ejus aliquot
vetusta marimora (b) meminerunt, veluti
illud Romanum:

D. N.
TI. CLAUDIO.
ONESIMO.
VIATORI
COLLEGI MAGNI.
EL. ZMYRNA CONI.

Et hæc quidem sunt novem illa collegia,
quæ a Numa Pompilio instituta fuisse, e
PLUTARCHO discimus.

§. VI.

Ex eodem vero etiam adparet, collegiis
his

(a) Smet. *Inscript.* p. LVIII, 1. Lazius *de*
republ. Roman. lib. XII. cap IV. p. 900.

(b) Smet. *Inscript.* pag. XXVII, 4. pag.
XLVII, 10.

his Numam non solum sodalitates suas, vel conventus, verum etiam sacra cuilibet convenientia dedisse. Sodalitates eo pertinebant, quod liceret collegiis statis diebus coire, & de rebus ad opificium & collegii utilitatem pertinentibus consulere in medium, & sumtibus corrogatis epulari: (c) id quod apud Græcos *ἐταυρία* adpellabatur. Eo fine singulis collegiis præerant, qui collegium ipsum dirigerent, alii, qui fisci rationes conficerent, alii denique, qui collegis ministrarent. Quo in marmoribus pertinent MAGISTRI QUINQUENNALES COLL. FABR. TIGNARIOR. (d) MAGISTRI QU. QUENNAL. COLL. AURIFICUM, (e) PROCURATOR TIEICINUM ROMANOR. (f) QUÆSTOR COLL. CENTONARIOR. (g) HONORATI ET SCRIBÆ COLL. FABR. TIGNAR. (h) COLLEGI MAGNI VIATOR. (i) Quin quum invisa pullum esse cœpissent collegia: cœperunt singula sibi e patriciis & nobilibus adsciscere patronos, quorum præsidio apud Senatum populumque uterentur. Hinc passim in vetustis marmoribus laudantur PATRONI COLL. CENTONARIORUM

(c) *L. 20 C. Theod. de pagan.*(d) *Suet. Inscript. p. XCVI, 4.*(e) *Iden Inscr. p. XCVI, 2.*(f) *Suet. Inscr. p. CXLIX, 24.*(g) *Suet. Inscr. p. CLIX, 15.*(h) *Suet. Inscr. p. LVII, 3.*(i) *Suet. Inscript. p. XCVII, 10.*

RUM (k) DENDROPHORORUM, (l) FABRORUM
 (m) & hujus generis alii, quorum de
 origine atque officio jam alio loco (n)
 fufius actum est. Erat præterea collegiis
 fingulis fiscus, qui ARKA adpellatur in ju-
 re nostro (o) & in marmore Romano,
 (p) in quo ftatuitur, ut ANNVI. X. DC. DIE
 VIIII. KAL. OCTOBR. NATALI DIVI AUGUSTI
 EROGENTVR EX ARK. Idem Numa etiam fa-
 cra quædam cuius collegio propria efle
 voluit, de quibus quamvis hodie non ad-
 eo exacta nobis fuppetat notitia; ea ta-
 men, quæ commune naufragium evafcerunt,
 tamquam fractas tabulas colligere juvabit.
 Singulis ergo collegiis erant certi dii, quæ
 iisdem præfere dicebantur, & in vetuftis
 marmoribus fæpe vocabantur *genii*. Sic
 GENIUS COLLEG. CENT. eft apud REI-
 NESIUM: (q) GENIUS COLLEGI TIBICINUM
 ROMANORUM Q. S. P. P. apud RAPH. VOLATERANUM
 (r) & eundem. (f) Singulis quoque colle-
 giis fefti erant dies, quibus præcipue facris
 operabantur. De tibicinibus notum eft,
 eos

(k) Reines. *Inscript. Class.* I, 302.

(l) Idem *Classe* I, 283.

(m) Idem *Classe* II, 17.

(n) Meum *Syntagm. Antiqu. Rom. lib. I.*
Tit. II. num. XXIX. (o) L. i. §. i. ff.
quod cujuscumque univers. nomine.

(p) Smet. *Inscript. p. XXXIV, 10.*

(q) Reines. *Class.* I. n. 302.

(r) Raph. Volaterr. *Comm. urb. lib. XXX.*

(f) Reines. *Class.* I. n. 167.

eos Idibus Junilis celebrasse quinquatrus minusculas, quibus feriati per urbem vagabantur, & ad ædem Minervæ conveniebant. (t) Eidem Deæ etiam fullones & cerdones vel tinctores sacra fecisse quinquatribus majoribus XIV. Kal. Aprilis, auctor est OVIDIUS, (u) qui postquam docuit, festis illis diebus philosophos, medicos, magistros litterarios, pictoresque, & lanam tractantes sacra fecisse Minervæ, etiam fullonum & cerdonum ita meminit:

Hanc cole, qui maculas lasas de vestibus aufers:

Hanc cole velleribus, quisquis aliena parat.

Præcipue fabris sacra fuisse propria ac veluti domestica, vel inde constat, quod aliquibì etiam singularia templa erant, in quibus sacra facerent. Sic enim **TEMPLUM CENTONAKIORUM ET FABRORUM**, Regii celebre, occurrit in marmore apud **GRUTERUM**. (x) Præcipue tamen fabri Silvanum coluisse, & in ejus honorem frondes & ramos pinuum e luco sacro excisarum per urbem tulisse videntur, quod etiam alibi in Bacchi, Apollinis, Hecates & Cereris sacris fieri consuevisse, ex **STRABONE**, (y) &

AR-

(t) Liv. lib. IX. cap. XXX.

(u) Ovid. Fastor. lib. III. v. 821.

(x) Gruter. Inscript. p. CI, 1.

(y) Strabo lib. X.

ARTEMIDORO (z) discimus. Et ideo non ipsi modo hi fabri; sed & Silvanus, quem hoc ritu colebant, DENDROPHORUS audit in hoc marmore: (a)

SILVANO. DENDROPHORO. SACRVM.

M. PÖBLICIUS. HILARVS. MARGAR Q Q.

P. P. CVM. LIBERIS. MAGNO. ET.

HERMONIANO. DENDROPHORIS.

M. D. M. DE. SVQ. FECIT.

Quo etiam adludens VIRGILIUS: (b)

*Et teneram, inquit, ab radice ferens,
Silvane, cupressum.*

Et ex eo simul reddi poterit ratio, cur Honorius Augustus (c) dendrophorum collegium, tamquam ad profanum deorum cultum & superstitionem comparatum, sacra & epulas facere vetuerit. Inde enim non sequitur, ut dendrophori hi ab aliis, qui rei fabrilis operam dederunt, fuerint diversi, aut ut Imperator iste dendrophorum plane collegium sustulerit, sed ut sacra tantum, a Numa fabris tradita, & constante usu servata, tamquam superstitionosa, primus aboleret.

§. VII.

Reliquum est, ut quas rationes habuerit Numa collegia ista instituendi, tantumque ho-

(z) Artemid. lib. II. ca. XLII.

(a) Smet Inscript. p. XXVII, 10.

(b) Virgil. Æneid. lib. IX. v. 81.

(c) L. 20. C. Theod. de pagan.

honorem deferendi opificibus, paullo accuratius disquiramus. Scilicet uti Romulus istas artes indignas Quiritibus existimaverat, quia ad potentiam bellicam omnia referebat: ita Numa eas artes iisdem quam maxime commendabat, quia acrem, qua flagrabant, bellandi cupiditatem extinguere quam maxime annitebatur. Ipse erat gente Sabinus. Sabinorum vero minime omnium intererat, Romanos armis valere, quippe a quibus jam imperante Romulo tantum non ad incitias fuerant reducti. Ne ergo reliquias Sabinorum excinderent, omnino iis suadebat prudentia, ut, quoad fieri posset, Romanorum ferociam supprimerent. Hinc a PLUTARCHO (d) memorie proditum est, vacillante Numa, & regnum oblatum respiciente, patrem ejus Pomponium, & Ancum Marcium, generum, multis verbis eum cohortatos esse ad fasces suspiciendas. Præcipuum vero, quo utebantur, hoc erat argumentum: Εἰ δὲ καὶ παντάπασιν ἀκρατῶς ἔχουσιν καὶ μακρῶς πρὸς πόλεμον, ἀρ' ἔτι βέλτιον ἀλλαχόσε ἔορμῳ αὐτῆς τέπειν, διὰ χερρὸς ἔχοντας τὰς κούρας τῇ δὲ πατρὶδι καὶ παντὶ τῆς Σαβίνων ἔθνει σωδόμενον ἀνείας καὶ φιλικίας πρὸς πόλιν ἀκμάζουσαν καὶ δωατὴν ἡμεῶν. Quod si etiam populus Romanus immodico & insano bellandi ardeat studio, nonne satius sit, habenas tenentem ALIO DIVERTERE fervorem ejus, patriæque atque universæ Sabinorum genti

(d) Plutarch. in Numa p. 63.

genti florentem civitatem & opulentam necessitudine & amicitia copulare? Sabinorum ergo studio, ad extinguendam Romanorum ferociam omnem operam omniaque consilia contulit Numa: neque minus ea in re ipsorum patriciorum Romanorum, a quibus ad regnum fuerat evectus, desiderio satisfecit. Nam & hi, perosi Romuli instituta, ipsi auctores fuerunt novo regi, ut civitatem bellicosam ad pacis consilia traderet. Hinc cum denuo præ se ferret Numa, se ab oblato regno abhorrere, causamque interfereret, quod ferox populus & dominandi libidine incensus, ardentem vividumque regem desideret: patres a senatu missi, teste eodem PLUTARCHO, (e) responderunt: Τίς ὁ οἶδεν, εἰ καὶ νικῶντι δῆμῳ πολέμῳ κόρον ἔσται, καὶ μεσοὶ θραύμενων καὶ λαφύρων γεγονότες, ἡγεμόνα πρῶτον καὶ δίκης ἐταῖρον ἐπ' ἀνομίᾳ καὶ εἰρήνῃ ποδῶσιν; Quia se victorem populum jam satietas ceperit belli, triumphisque expletus & manubiis sedatus principem & justitia cultorem ad civitatem legibus & pace temperandam exoptet? Quum ergo semel consilium hoc cepisset Numa, se sibi alium ac diversum regnandi finem ob oculos positurum, quam ad quem omnia retulerat Romulus: fieri non poterat, quin & leges daret, Romuli institutis plane contrarias, & non ad excitandam fortitudinem, sed reprimendos ferocis populi spiritus unice comparatas. Id quod etiam Irvius

vius

(e) Plutarch. in Numa pag. 63.

VIUS (f) observat, dum de latis a Numa legibus ita scribit: *Urbem novam, conditam vi & armis, jure, legibus ac moribus de integro condere paravit, quibus cum inter bella adsuescere videret non posse, (quippe efferatis militia animis,) mitigandum ferocem populum armorum desuetudine ratus est.* Et nonnullis interjectis: (g) *Ita duo deinceps reges, alius alia via, ille bello, hic pace civitatem auxerunt.* Quæ quum ita sint, nemini profecto mirum videbitur, Numam etiam artibus manuariis & sellulariis adsuere facere plebem decrevisse, eoque fine ipsos opifices in certa collegia & corpora primum descripsisse, ut tanto honestius huic quæstui in posterum vacarent.

§. VIII.

Enimvero quemadmodum Numa Romuli: ita Tullus Hostilius Numæ instituta tantum non omnia sustulit. Tantum enim abest, ut tertius ille Rex Romanorum quiesce ac otio marcescere civitatem passus sit, ut nihil nisi arma & bella spirarit, eaque in re ipsum Romulum superarit. Qua de re LIVIUS: (h) *Senescere, inquit, civitatem otio ratus, undique materiam excitandi belli quæsit; cui & EXCERPTA PEI-*

RE-

(f) Liv. lib. I. cap. XIX.

(g) Liv. lib. I. cap. XXI.

(h) Liv. lib. I. cap. XXI.

RESCIANA (i) respondent, quorum verba semel, id est, Latine hoc loco producere erit volupe: *Tullus Hostilius in bello adversus hostem fortissimus habebatur, sed deos idem magnopere contemnebat.* Quæ ultima verba eo procul dubio pertinent, quod vir fortissimus a superstitione, cui nimium indulserat Numa, alienissimus fuerit. Omnia ergo exemplo Romuli ad potentiam virtutemque bellicam referebat, egregius, ut a FLORO (k) adpellatur, *militia artifex*, quin ipso Romulo, LIVIO (l) iudice, *acrior*. Ex quo regnandi fine facile colligere licebit, Tullo Hostilio nec cives opificiis vacantes, nec eorum collegia magnopere placere potuisse. Veterum enim Romanorum militia selecta erat, non mercenaria. Atqui ad primam præconis vocem nomen dare regi, delectum habenti, arma sumere pro republica, colligere sarcinulas, in castris excubare pro securitate reipublicæ, & sub ipsis denique pellibus hibernare, minime omnium integrum est iis, qui in officinis delitescunt, & artibus manuariis victitant. Ergo satis verosimile est, Tullum Hostilium Numæ Pompilii institutum de collegiis opificum sustulisse. Quod ne gratis videantur adfirmare, colligere id nobis licebit ex FLORO, (m) qui collegiorum

ori-

(i) Excerpta Peiresciana, cap. XXII. p. 568.

(k) Flor. lib. I. cap. VIII.

(l) Liv. lib. I. cap. XXIII.

(m) Flor. lib. I. cap. VI.

originem ad Servium Tullium regem refert, his verbis: *Ab hoc populus Romanus relatus in censum, digestus in classes, curiis, atque COLLEGIIS distributus, summaque regis solertia ita est ordinata respublica, ut omnia patrimonii, dignitatis, aetatis, ARTIUM, officiorumque discrimina in tabulas referrentur.* Scilicet ea non ita intelligenda videntur, ac si primus hæc collegia invenerit Servius, sed quod a Numa inventa revocaverit in usum, descriptaque in classes civitate etiam centurias quasdam ex fabris, reliquisque opificibus confecerit, ceu ex DIONYSIO HALIC. (n) constat. Enimvero ne sic quidem mansere collegia. Tarquinius enim superbus ea non fecus, ac alia Numæ instituta, proposito edicto sustulit. Qua de re DIONYSIUS HALIC. : (o) Συνοδὸς ὁ συμπάσας, ἕται πρότερον ἐγίνοντο κομητῆς, ἢ φρατριάων, ἢ γειτνίων, ἣ τε πάλει καὶ ὅπῃ τ' ἀγρῶν, ἐφ' ἱερὰ καὶ θυσίας πάσαις κοινῇ προσεῖπε, μηκέτι συντελεῖν, ἵνα μὴ σωζόντες εἰς τὸ αὐτὸ πολλοὶ βυλὰς ἀπορρήτους μετ' ἀλλήλων ποιοῦνται περὶ καταλύσεως τῆς ἀρχῆς. Præterea cæcis omnes paganorum, curialium, vicinorum, vel in agris, vel in urbe, antea sacrorum causâ fieri solitos, uno edicto in posterum vetuit: ne multis in unum locum convenientibus, arcana de convellenda tyrannide inirentur consilia. Et hac in re tyranni mores expressit Tarquinius, ad quos, ARISTOTELES (p) teste, etiam hæc

(n) Dion. Hal. lib. IV. p. 281. (o) Idem lib. IV. p. 246. (p) Arist. Polit. lib. V. c. XI.

hæc pertinent: neque concœnationes permittere, neque sodalitatem, neque disciplinam, neque aliud quidpiam hujuscemodi: sed omnia cavere, unde solent exoriri duo, animositas scilicet & fides. Ex quibus simul facile est ad intelligendum, non tam ipsa opificia, quam opificum collegia & corpora, suppressisse Tarquinium. In officinis enim desidere cives, & perpetuo sudore miseram vitam tolerare, non incommodum regi, sed rebus ejus mirifice proficuum videbatur.

§. IX.

Ejectis Tarquiniis, id sibi negotium datum credebant patres, ut ad se raperent rempublicam, & aristocratiam, plebe suppressa, instituerent. Inde innumerae natae sunt concœnationes inter optimates & plebejos, quæ tum demum paullatim extinctæ sunt, quum, communicatis cum plebe magistratibus & sacerdotiis, æqua utriusque factionis jura esse cœpissent. Non dissimulat isthoc patriciorum consilium Appius Claudius apud DIONYSIUM HALIC. (q.) Incusatus enim a Valerio impotentis adversus plebem odii, respondit: *Quod me Valerius difficilem adpellavit, & malorum hominum antesignanum, insensumque plebi, & BAUCORUM POTENTIE studiosum, ὅτι ἀριστοκρατίας ἀπαρχομαι, quod optimatum regimen tuear: communia mihi VOBISCU M sunt. κρίματα. quotquot*
quum

(q.) Dionys. Halic. lib. VI. p. 386.

quam sitis ipsi meliores, detestatis deteriorum imperium, & quam a majoribus accepistis, rempublicam non finitis degenerare in deterrimam omnium speciem popularis regiminis. Plebs ergo quum spe libertatis & popularis imperii reges pepulisset: patres aristocratiam meditabantur; & hinc non poterat non summa rerum confusio nasci ex tam male temperato civitatis statu. Atqui aristocratico regimini nihil minus convenit, quam collegia & sodalitates, quibus factiones & seditiones aluntur. Hinc eas ex ejusmodi rebus publicis proscribendas esse monent civilium rerum scriptores. (r) Quæ quum ita sint, facile conjicere licebit, de restitutione collegiorum & corporum a Tarquinio superbo proscriptorum non multum laborasse patricios. Quintantum abest, ut tum collegia & corpora opificum in urbe esse passi sint, ut potius ne opificia quidem exerceri a civibus voluerint, bellis quippe perpetuis a Tarquinio ejusque sociis fatigati. Multa sunt, quibus id demonstrare licet, argumenta. Primo enim Menenius Agrippa, quum plebs in montem sacrum secessisset, & varia essent patrum ea de secessione consilia, ita censebat: (f) Καὶ ἔ' προσίδημι ἑνταῦθα, ὅτι πολέμικῶν ὀπτηνῶν σωματῶν ἡμῶν ἐν τῷ

(r) *Vid. Hert. Elem. Polit. lib. II. Sect. VI. §. V. & XX. pag. 383. & 387. Contr. Hist. rerump. ubi de Ultrai. §. XX.*

(f) *Dionys. Halic. lib. VI. p. 382.*

παρόντι δέ, ὃ γεωργῶν, ὃ δὲ θητῶν ἐμπόρων,
 ὃ δὲ τῶν παρὰ τὰς βασιλείους τέχνας ἀγορευ-
 ῶν. Taceo, quod bello artatis corporibus
 nunc opus habemus, non agricolis, nec merce-
 nariis, nec negotiatoribus, nec opificibus sel-
 lulariis. Deinde quum A. Virginio Trico-
 sto Rutilo & Sp. Servilio Structo Cofs. A.
 U. C. CCLXXVII. magna esset annonæ
 gravitas, id malum tanto molestius civita-
 ti fuisse ait DIONYSIUS HALICARNASS. (t)
 quod proximo lustro censa fuerint robustæ
 ætatis civium plus centum & decem mil-
 lia, mulierum autem & puerorum, servi-
 tiorum item, negotiatorum & opificum,
 inquilinorum, triplo plures. Ne cui autem
 mirum videretur, negotiatores & opifices
 seorsum numerari, statim addit auctor
 πολιτικάτατ. : Οὐδ' αὖ γ' ἐξέω Ῥωμαίων,
 ὅτε κάπηλον, ὅτε χειροτέχνῳ βίον ἔχειν. Ne-
 que enim civi Romano aut campolari, aut ar-
 te manualia vilium querere licebat. In quæ
 verba quidem incidens SIGONIUS, (u) vix
 sese expedire potest, quippe cui certum vi-
 detur, jam inde a Numæ ætate cives opi-
 ficiis vacare cœpisse. Unde etiam ita in-
 telligendum putat DIONYSIUM, quod e civi-
 bus quidem multi artibus manualiis vixe-
 rint, sed ideo tamen contemti habiti, &
 a reliquis germanisque civibus secreti, quip-
 pe nec ad militiam vocati propter igna-
 viam.

(t) Dionys. Halic. lib. IX. p. 583.

(u) Sigon. de antiqu. jure civ. Rom. L. II.
 C. II. p. 340.

viam, nec ullis tributis, ob tennes opes, obnoxii. Enim vero rationem hic fugere SIGONIVM facile patet. Cives enim DIONYSIVS hic opponit inquilinis, iisque opifices & negotiatores ideo adnumerat, quia probro fuerit civi Romano, hujusmodi questum facere. Unde certissimum videtur, nec opificia hoc tempore permessa civibus, nec collegia & corpora opificum a Tarquinio abolita tunc adhuc restituta fuisse.

§. X.

Ast paulatim ea collegia in usum revocata videntur, ex quo plebs primum tribunos plebis, ac deinde jus honorum ac sacerdotiorum extorquere senatui cœperat. Paulo post enim illa tempora collegia illa stabilita animadvertimus in LEGIBUS DUODECIM TABULARUM. Colligi sane id potest ex CAJO, jureconsulto, (x) cujus hæc ea de re verba sunt: *Sodales sunt, qui ejusdem collegii sunt, quam Græci ἐταῖροι vocant. His autem potestatem facit lex, PACTIONEM QUAM VELINT, SIBI FACERE, DUM NE QUID EX PUBLICA LEGE CORRUMPANT. Sed hac lex videtur ex lege Solonis translata esse.* Non solum ergo collegia esse passi sunt decemviri, verum etiam facultatem iisdem fecerunt, pactiones sibi pro collegiarum arbitrio faciendi, dummodo illæ legibus publicis non adversarentur. Dum vero id e Solonis legibus in tabulas decemvirales migrasse ait CAJUS: id non de ipsis collegiis in-

(x) *L. ult. D. colleg. & corp.*

intelligendum est, quæ jam dudum ante decemvirorum tempora Romæ fuerunt, sed de jure pactiones vel statuta faciendi. De eo enim eadem fere sanxisse *SOLOONEM*, cum a *SALMASIO* (y) ostensum est, tum ex ipsis legitimis *SOLOONIS* verbis, apud eundem *CAJUM*, (z) adparet: *Εὰν ὅ δῆμοι, ἢ φράτορες, ἢ ἱερῶν ὀργάνοι, ἢ ναῦται, ἢ σιωσιτοὶ, ἢ ὁμόταφοι, (Salm. ὁμόγαλοι,) ἢ διασώται, ἢ ὅτι λίαν, (Salmas. καπηλίαν, *)* εἰχόμενοι, ἢ εἰς ἐμπορίαν, ὅτι αὖ τῶτων διαδόνται πρὸς ἀλλήλους; κύρον ^{ἔν}), εἰ μὴ ἀπαγορεύσῃ δημόσια γράμματα. Si autem tribus vel fratres, vel sacrorum sacramentales, vel nauta, vel synsiti, vel qui ejusdem sepulcri jus habent, vel thiasota, vel socii ad pradam coitionis (cauponationis) vel negotiationis, quid inter se statuunt, firmum id ratumque sit, nisi publica hoc leges prohibeant. Nullum ergo relinquitur dubium, quin collegia & corpora decemvirali hac lege sint confirmata. Subdubitare quidem ea de re videtur

IAC.

(y) *Salmas. Observ. ad jus Attic. cap. IV.*

(z) *L. ead. D. eod. **) ita refingendum hunc locum ideo putat *SALMASIUS*, quod credibile hanc sit, olim Athenis licita habita fuisse pradonum collegia. Quod procul dubio etiam Petitiū ad *Leg. Attic. p. 418.* movit, ut legi juberet *ὅτι λειψν*, ad frumentum. Sed antiquissimis temporibus cuiusvis licuisse pradam in mare exire, satis adparet ex *Thucydide, libr. I. init. & Homero, Odyss. lib. III.*

JAC. GOTHOFREDUS (a) qui eam legem non ad universa collegia opificum; sed ad fratrum arvalium collegium pertinuisse judicat, ideo, quod idem CAJUS (b) etiam mentionem faciat legis decemviris, de incerta ratione finium, sodales vero arvales, teste PHILOXENO, (c) fuerint οἱ ἀπὸ ὅρων διαγινώσκοντες δίκασαι, *judices de finibus cognoscentes*. Enimvero cur sodalibus arvalibus pactiones, quas vellent, sibi faciendi potestatem fecissent decemviri? An vero vicinorum lites & jurgia, si hoc jure fuissent destituti, componere non potuissent? Accedit, quod an unquam de finibus regundis cognoverint fratres arvales, merito dubites. PHILOXENI non tanta est auctoritas, ut ei in re tam antiqua fides tuto habeatur. Reliqui vero scriptores, tamquam ex compacto, taceat, & hoc sacerdotum collegium sacra tantum publica ob arborum fertilitatem fecisse referunt. (d) Et quid fiet alteri legi decemvirali: *Si jurgant ad fines, finibus regundis prator arbitros tres addicito*, quam ipse restituit

(a) Jac. Gothofred. *Not. ad XII. Tabb. VIII. p. 224.*

(b) *L. ult. D. fin. regund.*

(c) *Glossa Philoxeni ex libro de offic. Procoff.*

(d) Varro *de ling. lat. L. IV. C. XV. p. 26.*
Fulgent. *de prisco Serm. pag. 802. edit.*
Dionys. Gothofr.

GOTHOFREDUS, (e) si penes fratres arvales fuit de finibus regundis iudicium? Nihil ergo certius est, quam quod lex XII. tabularum de omnibus, adeoque & opificum collegiis sit intelligenda, adeoque ea jam illo tempore denuo coire & ex Numæ instituto sodalitia celebrare sacraque facere coeperint.

§. XI.

Reperio igitur, ex eo tempore etiam cives operam dedisse negotiationi & opificiis, sed ita, ut parum honorifica manserit eorum conditio. CICERO (f) sane, ubi ex instituto ea de re agit: *Illiberales, inquit, & sordidi quaestus mercenariorum omnium, quorum opera, non quorum artes emuntur. Est enim illis ipsa merces augmentum servitutis. Sordidi etiam putandi, qui mercantur a mercatoribus, quod statim vendant. Nihil enim proficiunt, nisi admodum mentiantur. Nec vero quidquam est turpius vanitate. Opificesque omnes in sordida arte versantur. Nec vero quidquam ingenuum potest habere officina. Et SENECA: (g) Quatuor ait Posidonius esse artium genera: Sunt vulgares & sordida; sunt ludicra, sunt pueriles, sunt liberales. Vulgares opificum, quae manuum constant, & ad instruendam vitam occupatae sunt.*

(e) Jac. Gothofr. ead. tabul. VIII. pag. 133.

(f) Cic. de offic. lib. I. cap. XLII.

(g) Seneca Epist. LXXXIIX.

*sunt: in quibus nulla decoris, nulla honesti
 simulatio est. Hinc quamvis opifices tribu-
 bus essent adscripti, adeoque jure suffragii
 gauderent, ceu luculenter demonstravit si-
 GONIUS: (h) vix tamen iis in militia erat
 locus, nisi vel trepidis rebus, vel a sedi-
 tiosis civibus concitati ad arma aliquando
 concurrerent. Hinc tamquam singulare quid
 atque inusitatum observat LIVIUS, (i) opifi-
 cum quoque vulgus, & sellularios, minime
 idoneum militiae genus, excitos, Veiosque in-
 gentem exercitum contractum, ut inde obviam
 Gallis iretur. Et de C. Mario refert SALLU-
 STIUS, (k) plebem sic accensam esse, ut opifi-
 ces omnes agrestesque, quorum res fidesque in
 manibus sita sint, relictis operibus, frequen-
 tarint Marium. Ut adeo parum Romæ in-
 terfuisse videatur, inter turbam illam fo-
 rensem, faciemque urbis & opifices, qui
 nec censu, nec virtute dignos se Quiri-
 tium nomine exhibebant.*

§. XII.

Interim libera adhuc republica non so-
 lum prisca illa & a Numa instituta colle-
 gia florebant, sed & nova subinde insti-
 tuebantur. Sic A. U. C. CCLIX. Claudio
 Ser-

(h) Sigon. *de antiquo jure civ. Rom.* L. II.
 C. II. p. 342.

(i) Liv. *lib. VIII. cap. XX.*

(k) Sallustius *de bello Jugurth. cap.*
 LXXXVI.

Servilioque Coss. collegium mercatorum institutum, quod ab æde Mercurii, in qua sacra faciebant, MERCURIALE dictum est. (l) Eodem exemplo aliud mercatorum collegium cojit, quod a Capitolio adpellatum est CAPITOLINUM, A. U. C. CCCXVI. institutum a M. Furio Camillo Dictatore. (m) Utrumque tam celebre fuit, ut non solum cives e plebe, verum etiam equites Romani illi nomina darent. Id quod vel ex CICERONE (n) discimus, qui ad Quintum fratrem: *M. Furium Flaccum*, inquit, *equitem Romanum, hominem nequam, mercuriales & Capitolini de collegio ejecerunt*. Passim etiam ex eo tempore aliorum collegiorum & corporum fit mentio in lapidibus atque annalibus, veluti aurigatorum, (o) balistariorum, (p) fabrum ferrariorum, (q) naupegiariorum, (r) partiariorum, (s) pellionariorum, (t) sagario-

(l) Liv. lib. II. cap. XXI. & XXVII. Ovid. Fast. lib. V. 672.

(m) Liv. lib. V. cap. L.

(n) Ciceron. ad Quint. Fratr. libr. I. Epid. V.

(o) Reines. Inscript. Class. X, 12.

(p) Nov. LXXXV. Reines. Class. X, 6.

(q) Smet. pag. XCVIII. 5. Reines. Class. X. 6. L. 2. C. Theod. de excus. artif.

(r) Reines. Class. X, 7. & class. I, 261.

(s) L. 7. C. de excus. mun.

(t) Reines. Class. X, 8.

gariorum, (u) filiginariorum, (x) tabulariorum, (y) vasculariorum, (z) argentariorum, (a) aurariorum, (b) hortulanorum, (c) olitorum, (d) utriclariorum, (e) lenunculariorum, (f) æneatorum (g) structorum (h) suariorum vel porcinariorum populi Romani, (i) caudicariorum, (k) custodiariorum, (l) lecticariorum, (m) menforum, (n) nautarum, (o) pistorum, (p) confectuariorum, (q) vinariorum, (r) alia-

(u) Reines. *Class.* X, 9.

(x) Id. *Class.* I. 254. Grut. p. LXXXI. 10.

(y) Reines. *Class.* I. 275.

(z) Id. *Class.* X, 10. Grut. p. LXXIII. 3.

(a) Reines. *Class.* I, 139.

(b) Id. *ibidem*. (c) Id. *Class.* XI, 79.

(d) Id. *ibidem*. Smet. p. C, 4.

(e) Reines. *Class.* XI, 64. *Conferri meretur Schvvarzii Schediasm. antiquitat. de utriclariis.*

(f) Reines. *Class.* X, 1.

(g) Smet. *pagin.* LVI, 9.

(h) Smet. *pagin.* XXXIV, 5.

(i) Smet. *pag.* XXIX, 5.

(k) Smet. *pag.* LXX. 6.

(l) Id. *pag.* XXIII. 13.

(m) Id. *pag.* CVI. 1.

(n) Id. *pag.* LXX. 6.

(o) Idem *pagina* C, 4. *pag.* CLVII. 15.

(p) Idem *pagina* I. V. 3. *pag.* LXXIX, 1. *pagina* XXXI, 2.

(q) Idem *pagina* LXIX. 9.

(r) Idem *pagina* C, 4.

aliaque plura, quorum passim in inscriptionibus vetustis fit mentio. Nec Romæ tantum, sed & in municipiis & colonis eadem fere collegia & corpora instituta sunt. Idque tanto æquiore animo tulere Romani, quanto magis eorum intererat, sociorum & provincialium animos, omisso armorum studio, artium opificiorumque tractatione veluti effeminari & imbelles reddi. Hinc ut per omnes ubique provincias tot florebant rhetorum & grammaticorum scholæ: ita ubique fervebat artium opificiorumque studium, quod facilius tolerabant Romani, quam si in armis se exercuissent populi victi. Facile ergo patet ratio, cur in Italia non modo, verum etiam in provinciis opifices atque artifices in varia collegia ac corpora cojerint: Sic quum Romæ celeberrimum esset collegium dendrophororum, centonariorum, fabrorum; in lapidibus passim etiam celebrantur DENDROPHORI COMENSES, (s) PARMENSES, (t) BRIXIENSES: (u) FABRI CENTON. DENDR. FELTRIE, (x) COLON. ARIMINI, (y) COLONIE PISAURI, (z) MUNICIPI BERGOMI, (a) & extra Italia COLL. CENTONAR. EXTRA TARRACO-

(f.) Grut. pag. CCCL, 6.

(t.) Grut. pag. CCCCXCV, 5.

(u.) Grut. pag. CLXXV, 7.

(x.) Grut. pag. CCCCIX, 8.

(y.) Gruter. *infer. p.* CCCCLXXXI, 9.

(z.) Gruter. *ibidem*.

(a.) Idem *p.* CCCCXXXVI, 5.

CONEM. (b) In aliis lapidibus, apud ONUPHR. PANVINIUM, (c) & apud LAZIUM, (d) legimus de NEGOTIATORIBUS VINARIIS ET OMNIBUS CORPORIBUS LUGDUNI LICIE COEUNITIS. Ut adeo frequentissima passim fuerint, per universum Romanum orbem, opificum collegia.

§. XIII.

Enimvero paullo post deprehensum est, collegia ista & corpora opificum cum magno reip. detrimento esse conjuncta. Vix enim ulla arte poterat prohiberi, quo minus illa collegia in factiones & hetarias abirent. Quotiescunque enim seditiosus aliquis tribunus adversus senatum concionabatur, aut novas leges ad turbandam rempublicam comparatas parturiebat; frequentissimi ad rostra confluere solebant opifices, qui, clausis tabernis, de republica consultabant, operamque & suffragia promittebant tribunis turbulentissimis. Id quod facile poterant, quum Lepidus & Nobilior Censores, teste LIVIO, (e) mutassent suffragia, regionarimque, generibus hominum, causis & quæstibus tribus descripsissent. Ubi per quæstus, recte notante SILEONIO,

(b) Grut. pag. CLXXV, 3.

(c) Onuphr. Panvin. *Antiqu. Veron.*

(d) VVolfg. L. z. de Rep. Rom. libr. XII. cap. IV. p. 90

(e) Liv. lib. XI. cap. LI.

NIO, (f) intelligenda sunt collegia opificum. Quum ergo hæc ex illo tempore per tribus fuissent divisa: permultum sane conferre poterant ad tribunicios tumultus, quibuscum tum conflictabatur respublica. Quin permultum intererat maximorum civium, ut collegia sibi conciliarent. Hinc CICERO (g) fatetur, etiam collegiorum opera se in civitatem revocatum: *Nullum est, inquit, in hac urbe collegium, nulli pagani aut montani, (quoniam plebi quoque urbana majores nostri conventicula & quasi consilia quadam esse voluerunt,) qui non amplissime non modo de salute mea, sed etiam de dignitate decreverint.* Et QUINTUS, FRATER CICERONIS, (h) etiam inde spem haut levem consulatus fratri auguratur adfulgere, *quod habeat equestrem ordinem, multa municipia, multos ab eo defensores, cujusque ordinis homines, aliquot COLLEGIA.* Quæ omnia intelligi haut possent, nisi collegiis etiam jus suffragandi in tribubus fuisset ponereamus. Enimvero eo collegiorum jure nefarie abutebantur cives seditiosi, qui sæpe ad rostra evocabant opifices, atque ideo tabernas claudi jubebant, vere tabernariorum concitatores, uti L. Sergium

VO-

(f) Sigon. *de jure antiquo civ. Rom.* L. II. C. XII. pag. 342.

(g) Cic. *pro domo*, cap. XXVIII.

(h) Quint. Cicero *de petit. consul.* cap. I.

Hein. *Opusc. Var. Pars I.*

vocat CICERO. (i) Sanem idem (k) auctor est, seditiosos tribunos claudi tabernas solitos esse jubere. Et alio loco ad Clodium: (l) An tu populum Rom. esse illum putas, qui constet ex iis, qui mercede conducuntur, qui impelluntur, ut vim adferant magistratibus, ut obsideant senatum, optent quotidie cadem, incendia, rapinas? Quem tu tamen populum, nisi TABERNIS CLAUSIS, frequentare non poteras. Idem alibi quaerit: (m) Opifices & tabernarios quid esse negotii concitare? Exemplum ejus rei praebet Lentulus, Catiline fatelles, cujus leno concursabat per tabernas, pretio sperans sollicitari posse animos egentium atque imperitorum. (n) Et de Munacio Planco, tribuno plebis, refert ASCONIUS PEDIANUS, (o) eum pro concione cohortatum esse populum, ut postero die, CLAUSIS TABERNIS, ad judicium frequens adesset, nec pateretur elabi Milonem. Ut adeo nulla temere pars civium facilius se quovis tribunicio vento huc illuc agitari passa sit, quam descripti in collegia opifices. Quod quanto cum reip. periculo fuerit conjunctum, facile est ad intelligendum. Accedebant epulationes & comestationes, tam

im-

(i) Cicero pro domo, cap. XXXIII.

(k) Cicero. Quaest. Acad. libr. IV. cap. XLVII.

(l) Cic. pro domo, cap. XXXIII.

(m) Cic. pro Flacco, cap. VIII.

(n) Cic. Catilin. IV. cap. VIII.

(o) Ascon. Praef. ad Cicero. pro Milone, pag. 1319.

immodicæ, ut in publicum dedecus vergerent, id quod ad tollenda collegia præcipue movisse Imperatores, existimat CUIACIUS. (p) Jam suo ævo conquestus est VARRO, *immutabiles collegiorum cænas intendere annonam*. Et apud PHILONEM (q) in edicto exprimit Augustus, collegia & coitiones Judæorum se ideo permittere, quod non sint crapulæ primum & vinolentiæ, deinde quod non seditionum nutricula, sed scholæ temperantiæ & justitiæ, hominum, summo ardore animi omne virtutis genus amplectentium. Denique & Claudius apud Dionem collegia dissolvens, nominatim comestationum etiam meminit, easque fœderi vetat, eaque de causa, ne sint popinæ, neve caro elixa assave, ne esculenta in cauponis publice veneant, edicit. Ex quibus omnibus quidem patet, hanc intemperantiam quoque collegia & corpora opificum reddidisse odiosissima.

§. XIV.

Pertæsum itaque postremo est collegiorum istorum; nihilque reliqui fecerunt Romani, ut ea tollerent, vel certe ad antiquum numerum reducerent. Primum ea de re cogitatum est anno V. C. MCLXXXV. L. Cæcilio Metello, & Q. Marcio Rege Coss. qui quum frequentes a collegiis cœtus fieri, consilia conferri, & ludos com-
pita-

(p) Cujac. lib. VII. Observ. XXX.

(q) Philo. adv. Flaccum, ab init. p. 965.

pitalitios celebrari animadverterent, de abolendis illis ad senatum retulerunt, obtinueruntque, ut condito SCto, collegia omnia, præter antiqua & reip. necessaria tollerentur. Rem memoriæ prodidit ASCONIUS PÆDIANUS: (r) *L. Cacilio & Q. Marcio Coss. quos & ipse Cicero supra memoravit, SC. sublata sunt collegia, qua adversum rempublicam videbantur esse. Et alio loco: (f) Frequenter tum etiam cœtus fastidiosorum hominum sine publica auctoritate, malo publico, fiebant, propter quod postea collegia SC. & pluribus legibus sunt sublata, præter pauca atque certa, qua utilitas civitatis desiderasset, ut fabrorum, tintorumque. Primum ergo tum sublata sunt collegia & corpora, quamvis quæ res huic SC. occasionem dederit, non adeo videatur expeditum.*

§. XV.

Enimvero non adeo diuturnum fuit hoc consulum institutum. Novennio enim post flabellum illud urbanorum tumultuum, P. Clodius non solum collegia restituit, verum etiam nova haut pauca antiquis addidit, ut eorum suffragiis atque auxilio facilius tanto Ciceronem ejusque amicos opprimeret. Qua de re DIO CASSIUS: (t) *Ο' ἔν Κλωδίῳ ἐλπίσας, αὐτὸν, διὰ ταῦτα αὐτῷ τε βυλιῷ ἐ' τὴν ἰππείαν, ἥ τε ὁμίλον προπαρασκευάζηται, ταχὺ κατεργάσασθαι, ἥ τε ὅτιον προῖκα αὐ-*

(r) Ascon. Pædian. ad Cic. in Pison. p. 206.

(f) Id. ad Cic. pro Corn. majest. reo, p. 1312.

(t) Dio Cass. lib. XXXVIII. p. 66.

αὐτοῖς δίδόμεναι, ἔ' τὰ ἑταιρικά κωλληγία ὀπι-
 χωρίως καλῶμεθα, ὄντα μὲν ἐκ τῶν ἀρχαίων, κα-
 ταλυθέντα δ' ἑξ ἑσέως τινὰ ἀνευρώσατο. *Sperans*
itaque Clodius, se eum facile posse opprimere;
si senatum prius, equitesque & plebem sibi con-
ciliasset, frumentum ipsis gratuito distribuit,
sodalitates, qua patria lingua COLLEGIA vo-
cantur, antiquitus quidem instituta, sed ali-
quamdiu suppressa, restituit. Et CICERO: (u)
Ergo his fundamentis positis consulatus tui,
triduo post, inspectante ac tacente te, a P.
Clodio, fatali portento prodigioque reip. lex Æ-
lia & Fusia eversa est, propugnacula murique
tranquillitatis atque otii: collegia non ea so-
lum, qua senatus sustulerat, sed innumerabi-
lia quadam nova ex omni face urbis ac servi-
tio concitata. Denique ASCON. PÆDIANUS: (x)
Post novem demum annos, quam sublata erant
collegia, P. Clodius, tribunus plebis, non so-
lum ea restituit, sed etiam alia nova adjecit
ex omni face urbis & servitio. Et sane fru-
ctum ejus rei haut levem tulit Clodius. Ni-
hil enim ex eo tempore egit frequentius,
quam ut vel ipse vel per satellites suos ta-
bernas opificum sollicitaret, si quando furere,
& contra cives bonos debacchari liberet, ceu
ex CICERONIS quibusdam locis (y) jam supra
ostendimus. Quod vero etiam nova collegia,
ex ipsis servis ac face urbis, concitasse dicitur
Clodius, illud eo minus mirandum, quo cer-
tius

(u) Cic. in Pisonem cap. IV.

(x) Ascon. Pædian. ad Cic. Pisonem. p. 263.

(y) Cic. pro domo, cap. V. & XXXIII.

582. *De Orig. & Jure Coll. & Corp. &c.*
 tius constat, ipsos peregrinos, Romæ æque
 ac in municipiis, aliquando in collegia
 coluisse. Huc enim pertinet vetus inscriptio
 apud REINESIUM: (2)

IN. H. D. D.
 GENIO COLLE-
 GI PEREGR.
 ULB. DECEN-
 BER. ET VERE-
 CYND. COR-
 NYTVS. D. D.

Unde simul patet, cur & servorum in le-
 gibus nostris fiat mentio, ubi de collegiis
 & corporibus agitur. Ait enim MARCIANUS:
 (2) *Servos quoque licet in collegio tenuiorum*
recipi, volentibus dominis, ut curatores ho-
rum corporum sciant, ne, invito aut igno-
rante domino, in collegium tenuiorum recipa-
rent: & in futurum poena teneantur, in sin-
gulos homines aureorum centum. Ut vero
ad P. Clodium revertamur, quum ille,
etiam revocato ab exilio Cicerone, taber-
nariis suis adversus remp. uti non desine-
ret, A. U. C. 1000XCVI. P. Cornelio
Lentulo Spinthere, & Q. Cæcilio Metello
Nepote Coss. die IV. Id. Febr. SC. factum
est, UT SODALITATES DECURIATIQUE DISCEDE-
RENT, lexque de iis ferretur, UT QUI NON
 DI-

(2) Reines. *inscript. Class. 1. pagina*
 160.

(2) L. 3. §. 2. ff. *de colleg. & corp.*

DISCESSISSENT, EA POENA, QUÆ EST DE VI, TENERENTUR. (b) An ea lex tum perlata sit, nondum liquet. Illud certum est, poenam, quam tum interminatus est senatus, postea ad poenam criminis majestatis usque auctam, seu ex ULPIANI (c) fragmento constare.

§. XVI.

Enimvero mutata republica, & principatu a Cæsaribus firmato, nihil odiosius videri cœpit collegiis & corporibus. Nondum enim adsuētis unius imperio civibus, ipsa suadebat prudentia civilis, non permittere concoenationes & sodalitates, e quibus factiones seditionesque nasci oportebat. Hinc ipse C. Julius Cæsar, ex quo, dictatoris perpetui adsumto nomine, rerum potiri cœperat, nihil antiquius habuit, quam ut restituta a Clodio suo collegia tantum non omnia supprimeret. Testis SVETONIUS, (d) qui de Cæsaris differens institutis: *Cuncta, inquit, collegia, præter antiquitus instituta, detraxit.* Ubi antiquitus constituta, quæ excepit, non alia procul dubio sunt, quam illa a Numa instituta, veteraque mercatorum, quæ senatus auspiciis coisse diximus. Patris vestigia pressit Augustus, de quo idem SVETONIUS:

(b) Cic. ad Quint. Fratr. lib. III. Ep. III.

(c) L. 2. D. de coll. & corpor.

(d) Sveton. Jul. cap. XLII.

NIUS: (e) *Plurima falliones, titulo collegia, præter ANTIQUA & LEGITIMA, dissolvit.* Scilicet quum lex Cæsaris in maximis reip. turbis, & civilibus, quibus adhuc jactata fuerat, fluctibus ad nihilum recidisset: operam sibi dandam existimavit Augustus, ut eam revocaret in usum, collegiaque nova in universum aboleret, relictis tantum legitimis & antiquis, id est, senatus populique auspicio institutis, & quibus carere vix posse respublica videbatur.

§. XVII.

Sed non temere de ullis collegiis magis disceptatum est, quam de iis, quæ ad religionem pertinere videbantur. Ad ea quum & Judæorum & Christianorum religionæ *σωαξίς* referrentur: licebit nobis, brevi digressionem, de iis nonnulla, ab aliis fere prætermissa, consuetari. Et de patria quidem religione non multum dubitatum est ab imperatoribus, saltem secundo tertioque sæculo viventibus, an ejus causa coire in collegium liceat. Diserte enim MARCIANUS: (f) *Sed religionis causa coire non prohibentur, dum tamen per hoc non fiat contra senatus consultum, quo illicita collegia arcentur.* Hinc ea ætate frequenter satis commemorantur COLLEGIA DEN-

DRO-

(e) Id. Aug. cap. XXXII.

(f) L. I. ff. de Colleg. & corp.

DROPHORORUM, FREDIANORUM, CHILIARCHARUM (g) HECATONTARCHARUM, (h) FRATRUM ARVALIUM, (i) VII. VIR. EPULONUM, (k) quæ omnia demum a Christianis imperatoribus sublata esse, satis constat. At difficiliorum Romani perniserunt collegia, sacrorum peregrinorum causa instituta, quum ipsa sacra peregrina nimium quantum detestarentur, seu luculenta diatriba de sacris peregrinis demonstravit ὁ πρῶτος CORNEL. BYNKERSHOEKIUS. Sæpe tamen vel superstitio, vel auri sacra fames impulit principes, ut & exterorum sacrorum causa collegia fieri paterentur. Sic fane COLLEGII SERAPIS ut & COLLEGII YSID. mentio fit in marmore apud REINESIUM. (l) Postquam enim peregrina ista sacra clam Romani migraverant, & privati viis illis Ægyptiis fana dedicaverant, ea primum senatus demoliri iussit. (m) Eadem paullo post restituta per auspices, sed iterum dejecta, (n) ac demum sub Augusto denuo decreta sunt. (o) Ex quo tempore non solum illa sacra viguerunt diutissime, verum etiam collegia eorum causa instituta sunt. Judæorum eadem fuisse fata, ex vetustis monumentis certissimum est.

Jam

(g) L. 20. C. Theod. de pagan.

(h) Synod. VI. in Trullo cap. LXL.

(i) Reines. Inscript. Class. I, 157.

(k) Idem Class. II, 2. (l) Reines. Inscr. Classe XIV. 171. (m) Dio Cass. lib. XL.

pag. 142. (n) Idem lib. XLII. p. 196.

(o) Idem lib. XLVII. pag. 336.

Jam libera adhuc republica Judæos quam plurimos Romæ vixisse & synagogas suas collegiumque habuisse, ex CICERONE (p) satis acute collegit GROTIUS, (q) eosque in actibus apostolicis ἐπιδημῶντας Ῥωμαίους, Ἰουδαίους τε καὶ ὑποσηλεύτας vocari, existimat. Multos sane Judæos Romam captivos transtulerat Pompejus, qui deinde manumissi singularem synagogam, quæ libertinorum dicta fuit, Romæ constituerunt. Ultra quatuor mille libertinorum Judæorum Romæ habitasse, tradit TACITUS, (r) nec alia esse synagogam libertinorum, cujus antistites Hierosolymis adversus Stephanum conspirarunt, (s) ostendit BASNAGIUS, (t) qui etiam Romæ in Vaticano & insula Tiberina Judæos habitasse, accurate demonstrat. (u) Ast quum Julius Cæsar, ceu paullo ante diximus, omnia collegia novæ sustulisset; dubium non est, quin & Judæis per istud SC. integrum non amplius fuerit, religionis causa coire. Sed facile tamen pecunia obtinuerunt tunc homines versuti, ut collegium Judæorum ea lege exciperetur. Hinc JOSEPHUS: (x) Καὶ ὁ Γαῖος Καῖσαρ ὃν πρὸ διατάγματι πολλῶν διασῶν συναγαγὼν καὶ πόλιν, μόνους Ἰουδαίους ἐκ

(p) Cic. pro Flacco cap. XXVIII.

(q) Grot. ad Acta II, 10. (r) Tacit. Annal. lib. II. cap. LXXXV. (s) Act. VI. 9.

(t) Basnage dans l'histoire des Juifs liv. VII. chap. VIII. §. 11. seqq. (u) Id. ibid. §. XI. seqq. (x) Joseph. lib. XIV. Antiqu. Jud. cap. XVII.

ἐκάλυψε ὅτε χεῖματα συνησφύρειν, ὅτε συν-
 δεῖπνα ποιεῖν. Etenim C. Cæsar, SCto vetans
 collegia coire in urbe, solis Judæis neque sti-
 pendiū conferre, neque convivia agitare prohibuit.
 Senatusconsultum quoque ea de re fieri ius-
 serat Cæsar, brevi antequam interimere-
 tur, Quum vero id in ærarium nondum
 fuisset delatum, SC. vero, antequam a
 quæstoribus in ærario collocata essent,
 vim sibi ullam, TACITO (y) teste, non vin-
 dicarent: nihil reliqui fecerunt Judæi, ho-
 mines ardenti fervidoque ingenio, & in-
 credibili in commodis præsertim suis dili-
 gentia, ut interempto proximo statim men-
 se Cæsare, novo condito SC. illud a Cæ-
 sare conditum ratum esse atque in æra-
 rium deferri juberetur a P. Dolabella &
 M. Antonio Coss. Excidit ex JOSEPHI textu
 hoc quantivis pretii SC. quod in codice
 MSto bibliothecæ Leidensis inventum pri-
 mus restituit JAC. GRONOVIVS, (z) idque ta-
 le est: Τῇ πρὸ τῶν εἰδῶν Ἀπρλλιῶν ἐν
 τῷ ναῷ τῆς Ὀμονίας γραφομένῳ παρῆσαν Λύ-
 κιος Καλπύρνης κ. τ. λ. Πόπλιος Δολαβέλλας,
 Μάρκος Ἀντώνιος, ὅπατοι, λόγους ἐποίησαντο·
 οὗτοι δὲ δόγματι συγκλήτης Γαΐου Καίσαρος ὑπὲρ
 Ἰουδαίων ἐκρίνε, καὶ εἰς τὸ ταμεῖον ἐκ ἑφθα-
 σμῶν, ἀνενεχθῆναι οὗτοι τῶν ἀρέσκει ἡμῶν

γρ.

(y) Tacit. lib. III. Annal. cap. LI.

(z) Jac. Gronov. Decret. Rom. & Asiaticæ
 pro Judæis ab Josepho collecta in libro XIV.
 Archæol. sed male interversa & expuncta, in
 publicam lucem utilitatemque restituta p. 2

γυνεῶς, ὥς καὶ ποπλίῳ Δολαβέλλα καὶ Μάρκῳ
 Ἀντωνίῳ τοῖς ὑπάτοις ἔδοξεν, ἀνεγκέιν τε
 ταῦτα εἰς δέλτας καὶ πρὸς τὰς καὶ πόλιν τα-
 μίας, ὅπως φροντίσωσι καὶ αὐτοὶ ἐν δέλτοις
 ἀναδιδῶαι διωτύχοις. *Ante diem III. Id. Apr.*
in eade Concordia scribendo adfuerunt L. Cal-
purnius &c. P. Dolabella, M. Antonius Coss.
verba fecerunt. In quibus rebus SC. C. Ca-
sar de Judæis decrevit, neque ante curavit
in ærarium deferri, de his placet nobis fic-
ri, sicut etiam P. Dolabella & M. Anto-
nio Coss. visum fuit, & deferre ista in ta-
bulas, & ad quæstores urbanos, ut & ipsi
curent ea in tabulis duplicibus reponere. Ad-
scriptum est eidem SC. factum id esse an-
te quintum Idus Febr. in templo Concor-
diæ, ut adeo denuo decem circumacti sint
menes, antequam istud SC. ad ærarium
deferretur, quo scilicet eo diutius occasio
esset consulibus rapacissimis, ære emun-
gendi Judæos. Obtinuerunt ergo auri im-
bre Judæi, Romæ viventes, ut sacrorum
cāussa iis liceret coire, conferre stipem,
communibus epulis interesse, quæ ipsa erat
collegiorum conditio, cetera docet MAR-
CIANUS. (a) Ut vero eodem jure et-
iam in provinciis uterentur, nova opus
erat largitione. Hinc quum paullo post
Dolabella Asiam occupasset, missis legatis
Hyrchanus, Sacerdos Maximus Judæorum,
obtinuit, ut epistola Ephesinis denunciaret
Dolabella, se Judæis indulxisse vacationem a
mi-

(a) *L. I. D. de colleg. & corp.*

militia, iisdemque concessisse *ἡγεῖν τοῖς πα-
τερίοις ἐδίπλοις ἱερῶν ἕνεκα καὶ ἀγίων συναγο-
ρίοις, καὶ δὲ αὐτοῖς νόμιμον* uti moribus pa-
triis, cum propter sacra & res divinas con-
gregentur, prout eorum legitima sollemnitas
poscat. (b) Alia ejusmodi decreta pro Ju-
dæis haut pauca collegit ex eodem codi-
ce GRONOVIVS, ex quibus satis constat,
non defuisse Judæis aurum, quo eam
sibi libertatem mercarentur, quæ ne ipsis
quidem Romanis per ea quidem tempo-
ra dabatur. Sub Augusto privilegia illa
concessa Judæis evuluisse sensim viden-
tur: saltim in provinciis, ubi conventus
eorum passim cohibebantur a præsidibus,
donec iis denuo religionis causa eire per-
misit Augustus, non solum libertinis Judæis
Romæ impense favens, ceu demonstrat
BASNAGIVS, (c) verum etiam epistola ad
Norbanum Flaccum, Asiæ procos. præsi-
desque provinciarum missa, eorum sacra
permittens, uti refert PHILO ALEXANDRINVS.
(d) Eam libertatem Judæis ademit Tibe-
rius, qui quatuor millia libertini generis
Ægyptiaca & Judaica superstitione infe-
cta, Roma expulit, & quibus idonea ætas,
in Insulam Sardiniam deportavit, coer-
cendis ibi latrociniiis &, si sibi ob gravita-
tem cæli perissent, vile damnum, ut loquitur

TA-

(b) Gronov. l. c. p. 6.

(c) Basnage *Hist. des Juifs* liv. VII. & VIII.
S. VI. & VIII. p. 203. & 209. Tom. VII.

(d) Philo *adv. Flaccum*.

TACITUS. (e) Non minus Judæis infestus
 Cajus Caligula, a quo non impetraverat
 Philo, uti collegium Judæorum Alexandriæ
 esse pateretur. (f) Sed paullo post ea et-
 iam Romæ dissolvit Claudius. Et DIO (g)
 quidem, eum majoris periculi metu, con-
 ventus illorum prohibuisse, & synagogas
 tantum occlusisse refert: at aliud docent
 ACIUS APOSTOLICI, (h) qui Judæos tum
 Roma pullos docent. Quod etiam confir-
 mat SVETONIUS, (i) qui de Claudio; *Ju-
 dæos, impulsore Chresto assidue tumultuantes
 Roma expulit.* Ubi quidem aliqui intelli-
 gunt Christianos, quos cum Judæis tum sæ-
 pe numero confusos esse, jam a LIPSIO,
 (k) PITHOEO, (l) BARTHIO (m) aliisque est
 observatum. Sed nihil prohibet, quo mi-
 nus Judæos ob Christianorum novam reli-
 gionem assidue tumultuantes in mente ha-
 buerit Svetonius: partim quod id DIONIS
 narrationi egregie convenit, partim quia
 Christianos a Claudio non esse expulsos,
 vel ex iis, quæ postea sub Nerone conti-
 gerunt, satis constat. Sub extrema Neronis

(e) Tacit. *Annal. lib. II. cap. LXXV.* Joseph.

Antiq. Jud. lib. XVIII. cap. V.

(f) Philo *de legat. ad Cajum init.*

(g) Dio Cassius *lib. LX. pag. 669.*

(h) *Act. XVIII, 2.*

(i) Sveton. *Claud. cap. XXV.*

(k) Lips. *ad Tacit. Annal. lib. XV.*

(l) Pith. *Advers. lib. II. c. II.* (m) Barth. *ad*

Rutil. Numant. itiner. lib. I. v. 159.

nis tempora, quamvis hostes judicarentur
Judæi, adeoque illis procul dubio non per-
mitteretur Romæ esse, nedum ad sacra mo-
re patrio coire: prioribus tamen annis tam
crudelis imperii plures Judæos Romæ vi-
xisse, & libere religioni suæ vacasse, non
solum ex ACTIBUS APOSTOLICIS, (n) verum
etiam ex PERSIO (o) patet, qui Judæos
natalem Herodis Romæ mira sollemnitate
celebrasse ait:

*Herodis venire dies unctaque fenestra
Disposita pinguem nebulam vomere lu-
cerua.*

Postea tristiora succedere tempora: sed tan-
tum tamen abest, ut diuturnum fuerit Ju-
dæorum exilium, ut postea ubique per im-
perium Romanum impune synagogas condi-
derint, & religionis causa convenerint.
Quod & sub Christianis imperatoribus iis
permisum, adeo, ut THEODOSIUS, ARCADIUS
& HONORIUS (p) scribant anno CCCXCIII.
*Judaorum sectam nulla lege prohibitam, satis
constat. Unde graviter commovemur, interdi-
ctos quibusdam locis fuisse conventus eorum,*
Qualia etiam in aliis CODICIS THEODOSIANE
legibus (q) passim leguntur.

§. XVIII.

(n) Act. XXVIII, 19.

(o) Pers. Saryr. V. v. 180.

(p) L. 9. C. Theod. de Jud. calic. & Sam.

(q) L. 12. L. 20. 21. seqq. cod.

§. XVIII.

Quamvis vero licita crederentur Judæorum collegia : durior tamen ea in re fuit Christianorum conditio, quorum sacri conventus religionis causa indicti, collegiis illicitis atque *ἐταῖρίας* accensiti sunt, id eoque graviter inhibiti. Testis est *Plinius*, (r) qui de Christianorum agapis ad Trajanum referens : *Quibus peractis*, inquit, *morem sibi discedendi fuisse adfirmabant Christiani*, rursusque coeundi ad capiendum cibum, promiscuum tamen & innoxium, quod ipsum facere desisse post edictum meum, quo secundum mandata tua *hetærias* esse vetueram. *Εταῖρία* scilicet apud Græcos vocabantur epulæ a collegiis & corporibus religionis causa institutæ, quales apud Cretenses erant *αἰδρεία*, apud Lacedæmonios *συσσίτια*, Neapoli *σπαταῖα*, Athenis *ναὶα ἐπανιστῶν* & alia hujus generis coepulorum collegia, quæ severe prohibuerunt imperatores, ne forte seditionibus occasionem darent illa tot hominum conventicula. (f) Quum ergo Christiani singulis diebus solis coissent ad peragenda sacra, agapasque, id est convivia sobria & pia instituenda : facile in eam suspicionem inciderunt, ac si *hetærias* facerent, sique conventus & concanationes ad rempublicam conturbandam pertinerent. Quod crimen

quam-

(r) *Plin. lib. X. Epist. XCVII.*(f) *Plin. lib. X. Epist. XCIII.*

quamvis accurate diluant TERTULLIANUS (t) & ORIGENES: (u) dici tamen non potest, quantam illud lanienam concitarit adversus Christianos, & quot Ecclesiæ ob heretrias illas mira crudelitate fuerint dissipatæ.

§. XVIII.

Jam ut ad collegia opificum tamquam e diverticulo redeamus: dubium non est, quin ea insequentibus temporibus non temere reviviscere passi sint imperatores. Claudium enim denuo collegia a Cajo instituta dissolvissæ, auctor est DIO CASSIUS. (x) Et de Trajano satis constat, cum severissime vetuisse heretrias, neque passum umquam, ut nova collegia vel Romæ vel in provinciis instituerentur. Nam ejus non solum mandato, proposito edicto, heretrias esse vetuerat PLINIUS, proprætor provinciæ Ponticæ, consulari potestate: (y) verum etiam quum ipse PLINIUS (z) Nicomediæ collegium fabrum ad incendia coercedenda instituere vellet, eamque rem magnopere commendaret imperatori: hic respondit: (a) *Tibi quidem secundum exempla complurium, in mentem venit, posse col-*

(t) Tertullian. *Apol. cap. XXXVIII. pag. 30.*
& *cap. XXXIX. p. 32.*

(u) Origen. *adv. Cels. lib. I. pag. 5.*

(x) Dio Cass. *IX. pag. 669.*

(y) Plin. *lib. X. Epist. XCVII.*

(z) Idem *ibid. Epist. XLII.*

(a) Trajan. *ibid. Epist. XLII.*

collegium fabrorum apud Nicomediosenses constitutum: sed meminerimus, provinciam istam & precipue eas civitates ab ejusmodi factionibus esse vexatas. Quodcumque nomen ex quacumque causa dederimus iis, qui in idem contracti fuerint, heraria, quamvis breves, fient. Ægre ergo Trajanus permisit opificibus in collegium vel corpus coire, multo ægrius herarias facere. Quem morem etiam tenuisse videntur sequentes imperatores. Sane & divi fratres collegiorum licentiam inhibuerunt, (b) & postea Severus Imperator. (c) Ut adeo magis magisque videantur ex eo tempore expirasse.

§. XX.

Neque tamen omnia collegia ex urbe, Italia & provinciis proscribere Romani principes, sed quædam diserte exceperunt, quibusdam singularibus sc. coeundi dederunt facultatem. Hinc MARCIANUS: (d) In summa autem nisi ex sc. auctoritate, vel Caesaris, collegium vel quodcumque tale corpus coiarit, contra sc. & mandata & constitutiones collegium celebrat. Et CAJUS: (e) Paucis admodum in causis concessa sunt hujusmodi corpora, ut nec veltigalium publicorum sociis permissum est corpus habere, vel aurisodinarum, vel argentsodinarum & salina-

(b) L. §. 2. D. de colleg. & corp.

(c) L. 1. pr. D. eod.

(d) L. 3. §. 1. D. eod. (e) L. 1. pr. D. quod cuiuscumque univ. nomine.

linarum. Item collegia Roma certa sunt, quarum corpus sc. atque constitutionibus principalibus confirmatum est, veluti pistorum, & quorundam aliorum, & nazariorum, qui & in provinciis sunt. Et hinc saepe in marmoribus verustis gloriantur collegia & corpora, permissam sibi sc. esse coeundi facultatem. Sic apud GRUTERUM (f) occurrit:

COLLEGIVM DENDROPHORVM ROMAN.

QVIBVS EX S. C. COIRE LICET.

Alibi legimus: (g)

MENSORIBVS MACH. QVIBVS EX. S. C. COIRE LICET. Et jam supra ex LATIO (h) vidimus lapidem, in quo occurrunt NEGOTIATORES VINARII ET OMNIA CORPORA LVGDVNI LICITE COEUNTIA. Ex quibus satis patet, numquam in Romano orbe collegia in universum omnia legibus principum fuisse sublata.

§. XXI.

Quin tantum abest, ut umquam penitus sint abolita, ut potius nova subinde Principum posteriorum indulgentia Romæ æque ac in provinciis surrexerint. De Alexandro enim Severo auctor est ÆL. LAMPREDIUS: (i) eum corpora constituisse omnium vinariorum, lupinariorum, caligariorum & omnino omnium artium, hisque ex se defensores

(f) Gruter. *Inscript.* p. CLXXV, 8.

(g) Idem *ibid.* (h) Laz. *de Rep. Rom.* lib. XII. cap. IV. p. 900.

(i) Æl. Lamprid. *Alex. Sever.* cap. XXXII.

fores dedisse. Nec dubium est, quin insequentes Imperatores Alexandrum sectati sint, & modo his, modo illis artificibus cocundi concefferint libertatem. Sub Alexandri tempora jam XXXII. opificum corpora recenset TARUNTENUS PATERNUS, (k) qui JO. BERTRANDI (l) & GU. GROTHII (m) iudicio sub Commodi imperio floruit. Insequente sæculo XXX. nominat CONSTANTINUS, (n) & ea quidem ab illis PATERNI diversa. In hoc enim numero sunt architetti, mulomedici, pictores, statuarii, marmorarii, leſticarii, clavicarii, quadratarii, id est, λιδοβήκται, qui marmora quadrabant, ſtruſtores, ſculptores ligni, muſarii, qui muſiva vel opera vermiculata efficiebant, de quibus ſingulari opere JO. CIAMPINUS: (o) deauratores, albi, qui parietes incruſtabant, argentarii, barbaricarii, qui opera phrygiolata efficiebant, diatrataarii, vaſa aurea argenteaque calantes, ararii fuſores, ſignarii, ſigilla facientes, ferrarii, fabri tignarii, braccarii, forſan blatticarii, ſericum purpura tingentes, aqua libratores, ſiguli, aurifices, vitriarii, plumarii, ſartores certarum veſtium, ſpecularii, eborarii, pelliones,

(k) L. 6. D. de jure immunit.

(l) Bertrand. de jurisſper. lib. I. cap. XXXII. pag. 166.

(m) Gu. Grot. Vir. jureconf. L. II. C. XI. §. IV. pag. 166.

(n) L. 2. C. Theod. de excuſ. artiſ.

(o) Jo. Ciampin. de oper. muſru.

nes, fullones, carpentarii, sculptores marmoris, dealbatores, cutores linarii, bractearii, aurum in lamellas attenuantes, intestinarii, qui ornamenta ædium, quæ intestina vocabant veteres, fabricabant, tessellarii alique plures, de quibus omnibus accurate suo more GUIDO PANCIROLLUS, (p) Quum ergo præter hæc tot alia artificum opificumque collegia ex marmoribus jam supra collegerim: facile est ad intelligendum, quanta eorum ubique fuerit copia. Ea vero ad extrema imperii tempora durasse, satis docent SYMMACHI epistolæ, (q) CODEX uterque, THEODOSIANUS & JUSTINIANEUS, quin hodiernæ Romæ municipiorumque Italix consuetudines, uti jam ab aliis est ostensum.

§. XXII.

Jam ex his, quæ diximus, satis adparet, Romæ collegia alia licita, alia illicita fuisse. Licita habebantur, quibus ex sc. vel concessione principis coire licebat. Reliqua illicita credebantur. Quicumque illicitum collegium usurpabant, ULPIANO teste, (r) *ea pœna tenebantur, qua teneri constat eos, qui hominibus armatis loca publica vel templa occupasse judicati sunt.* Hæc vero pœna non alia est, quam legis

(p) Guido Pancirol. *Adpend. ad Notis. imp. occid. pag. 21. seqq.*

(q) Symmach. *lib. X. Epist. XXVII. & XLII.*

(r) *L. 2. D. de colleg. & corp.*

legis Juliz de majestate, siquidem eodem auctore ULPIANO, (f) majestatis crimine tenetur etiam is, *cujus opera, dolo malo, consilium intum est, quo armati homines conveniant adversus rempublicam, locave occupentur, vel templa, quove cœtus conventusque fiat, hominesve ad seditionem convocentur.* Hujus vero criminis pœna olim erat aquæ & ignis interdictio, postea vero humiliores bestiis objiciebantur, vel vivi exurebantur, honestiores capite puniebantur, uti de suis temporibus testatur PAULUS JCTUS. (t) Quum vero hoc animadvertendi jus intra urbem & centesimum ab urbe lapidem, penes præfectum urbi esset: (u) etiam ii, qui illicitum collegium coisse dicebantur, apud præfectum urbi accusandi erant, ex constitutione SEVERI. (x) Ut adeo satis dura fuerit hujus extraordinarii criminis pœna.

§. XXIII.

Quod ad licita attinet collegia, in ea recipi poterant omnes, qui illi professioni vel artificio dabant operam. Quin & alii admittebantur religionis causa, & de his intelligendus ULPIANUS: (y) *Religionis causâ*
toire

(f) L. 1. §. 1. D. ad L. Jul. de majest.

(t) Paull. recept. sent. lib. V. Tit. XXIX. §. 1.

(u) Ulp. L. 1. §. 4. D. de offic. pref. urb.

(x) Idem L. 1. §. 14. D. eod.

(y) Idem L. 1. §. 1. D. de colleg. & corp.

coire non prohibentur, dum tamen per hos non fiat contra sc. quo illicita collegia arceantur. Nec servi excludebantur collegiis tenuiorum, dum sciente ac volente domino nomina dederint. Si quos enim curatores, imprudente aut invito domino, recepissent, in singulos homines poena centum aureorum tenebantur. (z) Exemplum sane hujus rei non unum in vetustis marmoribus exstat. Notum est CAPULATORUM COLLEGIUM in urbe æque ac provinciis celeberrimum. Romæ enim, regione urbis III. recensetur SCOLA CAPULATORUM. (a) Et in aliis monumentis occurrunt CAPLATORES TIBURTES, (b) & CAPLATORES MUNICIPI ASCULI. (c) Capulatores vero vocatos, qui torcularibus vitro oleoque exprimendo, & in fœtalia labra doliaque defendendo præerant, ex CATONE, (d) COLUMELLA (e) & PLINIO, (f) satis constat. Et tamen huic capulatorum vel caplatorum collegio etiam fervos interfuisse, vel ex Romana inscriptione, (g) in qua SERVUS DOLBARIUS laudatur, & habitu

(z) L. 3. §. 2. D. de coll. & corp.

(a) Guid. Panciroll. Notis. imp. occid. pag. 3. & 165.

(b) Gruter. Inscript. p. c. LVIII, 7.

(c) Idem p. CCCXLIV, 1.

(d) Cato de re rust. cap. LXVI. seq.

(e) Colum. de re rust. lib. XII. cap. L.

(f) Plinii Hist. Nat. lib. XV. cap. VI.

(g) Grut. Inscript. p. c. LXXXIII, 1.

600 * *De Orig. & Jure Coll. & Corp. &c.*
bitu fervili ejusmodi hominum apud RE-
NESIVM (h) & ARINGHIUM (i) constat.

§. XXIV.

Neque tamen deerant, quos collegiis & corporibus etiam licitis arcendos existima-
bant Romani. Ecce enim milites nec in
castris collegia vel corpora constituere, nec
in urbibus & municipiis iisdem nomina da-
re poterant. Prius MARCIANUS (k) docet,
dum scribit: *Mandatis principalibus prae-
cipitur praesidibus provinciarum, ne patiantur esse
fodolitia, neve milites collegia in castris ha-
beant.* De posteriore nos ULPIANUS (l) mo-
net, qui *sub praetextu religionis, vel sub spe-
cie solvendi voti, coetus illicitos ne a vete-
ranis quidem tentari oportere*, ait. Causa
non solum ea fuisse videtur, quae ab aliis
muneribus negotiisque civilibus milites re-
moveret, ne scilicet a militia & signis ab-
strahantur, vel, (m) ut PAULLUS APOSTO-
LUS (n) rem eloquitur, *ἵνα πρὸ στρατολογη-
σάντι ἀρτίῃ*: sed ne hoc praetextu fierent
coitiones castrenses, & seditiones milita-
res, quibus nihil excogitari potest reipu-
blicae perniciosius. Licebat tamen militi-
bus,

(h) Reines. *Inscr. Class.* XI, 62.

(i) Aringh. *Rom. subterr. lib.* III. c. XXXVII.
pag. 317.

(k) L. 1. pr. D. de colleg. & corp.

(l) L. 2. D. de extraord. crim.

(m) L. 4. C. Qui dare int. vel curat.

(n) 2. Tim. II, 4.

bus, ut idem MARCIANUS (o) ait, tenuioribus collegiis stipem mensuram conferre, dum tamen semel in mense coirent, ne sub prae-textu hujusmodi collegium illicitum coiret. Inter collegiorum scilicet privilegia, ceu ex JOSEPHO (p) patet, erat etiam τὸ ζήματα συνεισφέρειν, collatio stipis, quae epularum publicarum causa fiebat. Quamvis ergo secundum regulam non permissum esset militibus, collegiis accedere: paullo post tamen accessit huic regulae exceptio, permissum hoc illis iri, si collegio tenuiorum accederent, stipemque conferrent, nec saepius, quam semel singulis mensibus, epularentur. Sed quanam illa collegia tenuiorum, quorum bis meminit MARCIANUS? (q) Utrum forsitan viliorum artium & opificiorum? an minus opulentorum? Neutrum arbitror. Facem enim urbium, & ultimam illam colluviam omnium maxime ad seditiones proclivem esse, nemo ignorat. Cur igitur Imperatores militibus permittere maluissent, ut vilissimorum, quam lautiorum hominum, sodalitiis accederent? Existimo ita-

(o) L. 1. pr. Digest. de colleg. & corpor.

(p) Joseph. Antiqu. Jud. lib. XIV. cap. XVII.

(q) L. 1. pr. & §. 2. Dig. de coll. & corp.

Hein. Opusc. Var. Pars 1. C c ()

itaque, *collegia tenuiorum* esse minus frequentia, in quibus pauci tantum coirent, quemadmodum & corpus, mole parvum, tenue dicitur. His sane etiam servi ac milites nomina dare, ac stipem conferre sine periculo reipubl. poterant, siquidem, orto tumultu, pauci turbulenti homines facile coerceri cogique in ordinem poterant.

§. XXV.

Deinde id quoque observandum erat jure Romano, ne quis pluribus, quam uni collegio accederet. Ita enim divos fratres rescripsisse, ait MARCIANUS. (1) Ratio hujus legis eadem fuisse videtur, quæ ipsa collegia reddebat odiosa. Homines enim, qui plura collegia habebant, non poterant non sempiterna propemodum crapula torpere, quum singula singulis saltem mensibus coirent. Fieri non poterat, quin inhiarent alienis, qui sua prodegissent. Quare quum suspectam hanc collegiorum ambitionem haberent principes: lata lege, unum pluribus collegiis interesse vetuerunt. Si quis vero in duobus esset, rescripserunt, *eligere eum oportere, in quo magis esse vellet, accepturum ex eo collegio, a quo recessisset, id, quod ei competeret ex ratione, qua communis fuit*. Eo magis vero justum videbatur eum, qui e justo & licito collegio

(1) L. 1. §. 2. D. *cod.*

gio discederet, pecunias recipere, quia & illis, qui collegiis illicitis interfuerant, iis dissolutis, *permittebatur, pecunias communes, si quas habebant, dividere, pecuniamque parti*, ut denuo scribit MARCIANUS; (f) quem ita intelligo, hanc discessionem licuisse statim, postquam istiusmodi collegium, principum decreto, fuerit abolitum. Si enim postea quis collegium illicitum usurpasset: non amplius locum habebat discessio hæc, & pecuniæ collatitiæ partitio, sed tunc collegæ criminis maiestatis tenebantur, poenæque adiciebantur, quam paulo ante ex ULPIANO descripsimus.

§. XXVI.

Cæterum collegia licita, & ab imperatoribus firmata, gaudebant juribus & privilegiis, quæ una fasce complecti juvabit. Sic primo iis licebat ex ipsis XII. tabulis, pactionem quam vellent, sibi ferre, dum ne quid ex publica lege corrumpèrent. (t) Poterant ergo condere statuta, dum ne illa legibus repugnarent. Licebat etiam coire, & de rebus communibus consulere in medium, & deinde decreta condere, quæ fere cum SCtis conveniebant, quod ad formam attinet. Ætatem enim tulit marmor vetustum, apud GRUTERUM (u) & PANCIROL-

(f) L. 3. p. D. cod.

(t) L. 4. D. cod.

(u) Gruter. *Inscr. p. Cl.* 1.

604 *De Orig. & Jure Coll. & Corp. &c.*
CIROLLUM, (x) in quo hoc collegii decre-
tum legimus:

IMP. CÆS. M. AVRELIO ANTONINO AUG. PIO
FELICE VIM PETRONIO PEPTIMIANO COS.

K. KAL. APRIL. IN TEMPLO COLLEGII
FABRYM ET CENTONARIORVM REGIENSIVM.
QVOD REFERENTIBVS P. SAENIO MARCELLINO
ET C. AVFIDIO DIALOGO QVÆSTORIBVS

V. F. (y)

IVSSILIVM IVLIANVM VIRVM ET VITA ET MODE-
STIA ET INGENITA VERECVNDIA ORNATVM ET
LIBERALEM CPORTERE COLLEGII NOSTRI PATRO-
NYM COOPTARI VT SIT CETERIS EXEMPLO IVDICI
NOSTRI TESTIMONIUM.

Q. F. P. D. E. R. I. C. (z)

SALVERI CONSILIO TAM MONESTA RELATIONE A
QVÆSTORIB. ET MAGISTRIS COLLEGII NOSTRI FA-
CTAM ET SINGVLI ET VNIVERSI SENTIMVS ET
IDEO EXCVSANDVM POTIVS HONESTO VIRO IVLIA-
NO HVIVS TARDÆ COGITATIONIS NOSTRÆ NE-
CESSITAT. PETENDVMQVE AB EO LIBENTER SVSCI-
PIAT COLLEGII N. PATRONAL. HONOREM TABY-
LAMQVE AEREAM CVM INSCRIPTIONE HVIVS DE-
CRE. N. DOMO EIVS PONI CENSVERVNT.

Ex hoc quantivis pretii monumento satis
elucet, veluti reip. speciem quamdam præ
se tulisse isthæc collegia. Ad exemplum
fane reip., teste CAJ. (a) habebant res
com-

(x) Guid. Pancirol. *Adpend. ad Notit.*
Imp. occident. p. 23.

(y) Id est: verba fecerunt.

(z) Legendum: Quid fieri placeret, de ea
re ita censuerunt.

(a) L. I. D. quod cujuscumque univ. nomine,

communes, arcamque communem, habebant quæstores, magistros quinquennales, procuratores, qui veluti magistratum loco erant. Hi referebant ad collegium, non secus ac consules ad senatum. Singuli porro collegæ dicebant sententiam, & quod plurimorum suffragiis fuerat comprobatum, decreti nomine veniebat. Quin & æneis tabulis decreta sua incidebant, & publice legenda proponebant, sicuti olim SC. Quemadmodum porro universitates, municipia, oppida per syndicos litigabant: ita & collegia singula, teste CAIO, (b) habebant syndicum vel actorem, per quem, tamquam in republica, quod communiter agi fierique oporteat, ageretur, fieret. Quemadmodum ergo non est dubium, quin universitates fuerint collegia & corpora: ita eadem, universitatum instar, jure minorum usa esse, adeoque in integrum restitui potuisse, verosimile est. (c) Unde nec dubitari potest, quin si pecuniam mutuam acceperint administratores, speciali mandato haut instructi: versio in rem collegii probanda fuerit a creditoribus. (d) Ratio enim, ob quam civitatibus ac rebus publicis hæc minorum jura indulserunt, etiam reliquis universitatibus ac collegiis quadrat, quippe quæ, non secus ac ci-

vita-

(b) L. ead. D. eodem.

(c) L. 3. C. de jure reip. L. 4. C. ex quib. caus. maj. rest.

(d) L. 27. D. de reb. credit.

606 *De Orig. & Jure Coll. & Corp. &c.*
vitates, perpetuæ subsunt aliorum admini-
strationi.

§. XXVII.

Ex eodem principio leges veteres colle-
gia ad hereditates non admittebant, quia
erant personæ incertæ. *Incerta autem perso-
na heres institui non poterat, quoniam cer-
tum consilium esse debet testantis,* uti lo-
quitur ULPIANUS, (e) qui etiam statim ad-
dit: *Nec municipia heredes institui possunt,
quoniam incertum corpus est, ut neque cernere
universi, neque pro libito pro herede gere-
re possint, ut heredes fiant.* Ratio ergo hu-
jus antiqui juris repetenda est a sollemni-
tate creationis. Hæc tamquam actus legi-
timus non admittebat procuratorem. (f)
Civitates autem & municipia non potuis-
sent cernere, nisi per syndicum. Quod
sanè non magis civitatibus licebat, quam
pupillis, pro quibus ne quidem tutores
hereditatem cernere & adire poterant. (g)
Quæ omnia ita sunt comparata, ut non
minus ad collegia quam civitates & mu-
nicipia possint adplicari. Ceterum hoc jus
sub Trajano adhuc inconcussum fuit, sub
quo scribit PLINIUS: (h) *Nec heredem
institui, nec præcipere posse rempublicam, con-
stat.* Unde simul liquet, rempublicam nec
le-

(e) Ulpian. *Fragm. Tit. XXII. §. V. sequ.*

(f) L. 90. pr. D. de adquis. hereda.

(g) L. 4. & 5. C. de jure delib.

(h) Plin. lib. V. Epist. VII.

legata fideicommissa capere potuisse, quum tamen hic nulla obstaret cretionis sollemnitas, quod & observavit ULPIANUS. (i)

§. XXVIII.

Sed paulatim aliquid remissum a pristina illa subtilitate. Nam primo aliquot sc. prodierunt, quibus concessum, ut municipia a libertis institui possent. (k) Deinde de fideicommissis, municipiis relinquentis, prodiit senatusconsultum Apronianum sub Hadriano, anno æræ vulgaris vel CXVII. vel CXXIII. Uterque enim in fastis præfert Apronianum Cos. Quamvis enim CUJACIUS (l) id sc. sub Marco demum conditum malit: rem tamen conficit testimonium ex *L. 27. pr. D. ad sc. Trebell.*, ubi jam Julianus hujus juris meminit, qui sub Hadriano scripsit. Ex eo ergo tempore non desunt exempla integrorum prædiorum, urbibus legatorum. (m) Quum vero ea sc. de solis civitatibus loquerentur: ad alias quoque universitates illa protulit Marcus Imp. qui & vicis suis hoc jus legata capiendi rescripto dedit, (n) & postea illud etiam ad collegia protulit. Quade re PAULLUS: (o) *Quum senatus, temporibus*

(i) Ulpian. *ibid.*

(k) Idem *ibid.* L. 1. D. *libert. municip.*

(l) Cujac. *ad Ulpian. Fragm. loc. cit.*

(m) L. 101. D. *de legat. III.*

(n) L. 73. §. 1. D. *de legat. 1.*

(o) L. 20. D. *de reb. dub.*

ribus divi Marci, permiserit collegiis legare, nulla dubitatio est, quod, si corpori, cui licet coire, legatum sit, debeatur. Plura eam in rem dixere MERILLIUS, (p) SCHULTINGIUS (q) & GUNDLINGIUS. (r) Quemadmodum porro certi juris erat, eis mortis causa recte donari, qui legata capere possint: (f) ita nemo dubitabat, quin & collegiis mortis causa donari possit. Denique omnem subtilitatem aboliturus Leo Imp. (t) omni genere ultimæ voluntatis bona etiam in collegia transferri permisit. Ad exceptiones pertinet, quod Judæorum collegio, licito tamen ante ea tempora, istud privilegium ademit Antoninus Caracalla, qui ad A. Claudium Thryphoninum rescripsit: (u) *Quod Cornelia Salvia universitati Judæorum, qui in Antiochenis civitate constituti sunt, legavit, pati non potest.*

§. XXIX.

Denique & immunitatibus quibusdam gaudebant collegia, verum non tam jure suo, quam privilegio principum. Plura enim,

(p) Merill. Variant. ex Cujac. lib. II. cap. XIV.

(q) Schulting. *Jurispr. antiqu. Antejustin.* p. 659.

(r) Gundling. *diff. de princip. herede.* cap. II. §. IV.

(f) L. 9. D. de mort. caus. don.

(t) L. 12. C. de hered. inst.

(u) L. 1. C. de Jud.

enim, quæ a necessitate, munera fubeundi, libera erant recenset TARRUNTENUS PATERNUS, (x) aliaque addit CONSTANTINUS. (y) Sic corpori inprimis mensorum frumenti juxta annonam urbis, id privilegium tributum ait PAULLUS, (z) ut ab oneribus etiam patrimonialibus vacationem haberent, quo tamen in provinciis non gaudebant mensores, Sed & *porcinarios urbis aterna, quum pervigilem laborem P. R. commodis exhiberent, sordidis muneribus liberatos legimus privilegio VALENTINIANI, Theodosii & Arcadii augustorum.* (a) Ceterum privilegia hæc erant varia, veluti, ne quid novum, id est, novam collationem sustinerent, (b) nec ad militiam cogerentur, nisi ad murorum & portarum custodiam, (c) nec famis tempore urbe expellerentur. (d) Sed quum hæc jura non omnibus indulta fuisse, satis adpareat, iis jam haut immorabimur.

§. XXX.

Magis ad rem faciet, si in causas, cur posteriores Imperatores tam multa collegiis permiserint, inquiramus, maxime quum supra animadversum sit, anteriores

(x) L. 6. de jur. immun.

(y) L. 2. C. Theod. de excus. artif.

(z) L. 10. §. 1. D. de vacat. & excus. mun.

(a) L. 1. C. de suaritis.

(b) L. 1. C. de privil. corp. (c) Novel. XLIII.

(d) Gothofr. ad L. 2. C. Theod. de priv. corp. L. XIV. Titulo II.

res imperatores eorum causa male cupivisse. Scilicet quum parum honorata esset opificum conditio, multi aufugiebant Roma, & in provincias se conferebant, ubi benignius habebantur. Hinc tot privilegiis alliciendi erant, ut Romam redirent. Quin quum privilegia atque immunitates non sufficerent sistendæ huic fugæ, cogi opifices jusserunt imperatores, ut Romam reverterentur. Quo pertinet constitutio Honorii & Theodosii augustorum, (e) ex tribus aliis conflata, (f) qua cautum legimus, *ut cura rectorum provinciarum corporati urbis Roma, qui in peregrina transgressi sint, redire cogerentur, ut servire possint functionibus, quas imposuerit antiqua sollemnitatis.* Qua lege in primis tunc opus erat, quum ob Gothicam, sub Alarico & Ataulpho, urbis vastationem plures in orientem, Ægyptum & Africam fugissent, ceu erudite demonstravit GOTHOFREDUS. (g) Sed quum jam ad hæc extrema reipubl. tempora perventum sit, hic quidem merito, signo receptui dato, ad collegiorum in Germania originem & jura progredimur.

C A-

(e) L. 1. Cod. de privil. corp. lib. XI. Tit. XIV.

(f) L. 2. 3. 4. Cod. Theod. eod. lib. XIV. Tit. H.

(g) Gothofr. ad L. 4. Cod. Theod. eod. pag. 194. Tom. V.

C A P U T II.

De Collegiorum in Germania Origine
& juribus.

§. I. Germani in constituendis collegiis Romanos imitati . §. II. Antiqui Germani sine urbibus & oppidis degere . §. III. Hinc nec commercia & opificia inter eos floruerunt . §. IV. Conficiendis rebus necessariis soli tum vacabant servi . §. V. Quod & Francorum sequentiumque Imperatorum Germano factum . §. VI. Etiam in ipsis urbibus . §. VII. Mutatio a seculo XI. facta . §. VIII. Urbes pleraque consules & senatum, exemplo Italorum, sibi constituerunt . §. IX. Inde nata sunt tribus vel collegia . §. X. Imperatores & principes his collegiis maxime adversabantur . §. XI. Effectus harum tribuum fuere varia turba in civitatibus . §. XII. Origo litterarum natalitiarum . §. XIII. Cur spurii non admittantur ? §. XIV. Cur quorundam opificum filiis nefas fuit opificia addiscere ? §. XV. Ex quo jure definienda collegiorum controversia . §. XVI. Collegia apud nos vel licita, vel illicita . §. XVII. Eorum administratio & res communes . §. XVIII. Ea gaudent juribus universitatum . §. XIX. Contractus & delicta illorum . §. XX. Eorundem dissolutio & separatio . §. XXI. Conclusio exercitationis.

§. I.

SI ulla in re Germani vetera Romano-
rum instituta adoptarunt : factum id
certe in collegiis & corporibus opificum
instituendis. Romana enim hic esse omnia,
is demum deprehendet, qui & originem
eorum apud Germanos expenderit paullo
accuratius, & leges atque instituta cum
Romanis contenderit. Quod quum a ne-
mine satis diligenter factum esse animad-
vertam, licebit nobis in vacuam venire
possessionem, & per veterum annalium mo-
nimenta liberius exspaciari.

§. II.

TACITI ævo nullas in Germania magna
urbes, nulla munitiora fuisse oppida, com-
perio. Diserte enim hic auctor rerum Ger-
manicarum peritissimus : (h) Nullas, in-
quit, Germanorum populis urbes habitari,
satis notum est : ne pati quidem inter se-
junctas sedes. Et sane majores nostri nul-
la opum cupidine, nullo luxu, rudi tecti
vellere, & cibo simpliciore, lacte, caseo,
agrestibus pomis, recente fera contenti,
vitam omnem in studio rei militaris tran-
sgebant. Eoque commodius tum fuit dis-
cretis ac sejunctis penatibus habitare, ut
fons aliquis, ut campus, ut nemus maxi-
me delectabat, quo minus ita quidquam
pos-

(h) Tacit., de morib. Germ. cap. XVI.

possent suæ desiderare beatitati. Hinc quamvis PTOLEMÆUS (i) nonaginta quatuor urbes recenseat in Germania, in quibus quædam, hodierno more, in *burgum* finiunt, veluti *Laciburgum*, *Asciburgum*: facile tamen patet, πόλεις illas non nisi vicos fuisse. Nam & CÆSAR (k) Svevis & Ubiis tribuit oppida, quæ Græcus metaphrastes τὰς πόλεις vocare non dubitat. Et HERODIANUS, (l) ubi Germanorum vicos a Maximino direptos exustosque refert, statim addit: ἀμαρύνεσθαι γὰρ τὸ πῦρ δυνάμεται τὰς τε πόλεις αὐτῶν, ἃς ἔχουσιν, καὶ τὰς οἰκίας ἀπάσας. Sume autem urbes eorum adificiorum omnia maxime incendiis obnoxia. Ubi manifestè πόλεις vocat, quas antecedente periodo vocarat κώμας, dum scripserat: τὰς δὲ κώμας ἐμπιστὰς διαρπάζειν ἐδίδαξεν τῶν στρατιῶν. Vicos incendendos diripiendosque militibus tradidit. Tantum ergo abest, ut urbes condiderint Germani, ut quarto adhuc sæculo oppida, tamquam circumdata resibus lustra, declinarint, teste locupletissimo AMMIANO MARCELLINO. (m)

§. III.

Inde vero facile patet, nullum tunc mer-

(i) Ptolem. Geogr. lib. II.

(k) Cæsar. de bell. Galli lib. IV. cap. XIX.
& lib. VI. cap. X.

(l) Herodian. Histor. lib. VII. cap. II.

(m) Ammian. Marcell. libr. XVI. cap. III.

mercaturæ peregrinæ in Germania fuisse locum, vilia tantum & obvia petentibus majoribus nostris. Multo magis ergo exfulasse opificia, credibile est, luxuriæ, aut vitæ certe mollioris instrumenta. Quatuor scilicet erant hominum ordines, nobilium, ingenuorum, libertinorum, servorum. (n) Nobiles reipublicæ domi forisque præerant. Ingenui bellis & venationibus vacabant, (o) negotiis domesticis feminarum turbæ & infirmissimo cuique delegatis. Libertini non multum supra servos erant, adeoque cum illis agriculturæ rei que pecuariæ dabant operam, hominibus propriis, rusticisque hodiernis simillimi. Quintum hominum genus, oppidanorum puta, quod mercatura opificiisque atque artibus manuariis vivit, vetus illa liberaque Germania, non minus ac ipsas urbes, ignorabat.

§. IV.

Quum tamen opificiis quibusdam omnino carere non possit respublica, nec majores nostri in plaustris, sed in ædibus vixerint, nec nudi, sed armati & vestiti incesserint, instrumentisque usi rusticis, atque utensilibus variis: nemo dubitaverit, quin in Germania quoque fuerint, qui tractarent fabrilia, vestes censuerent, aratra, arma, ollas, reliquamque supellectilem conficerent. Sed cave eos opifices in urbibus,

(n) Tacit. *de morib. Germ.* cap. XXV.

(o) Idem cap. XV.

bus, collegiisque quæras, aut tales tibi concipias, qui transactis tirocinii annis, & edito artis specimine, in corpus aliquod fuerint cooptati. Ut cuique servo vel rustico erat artis fiducia, ita ejusmodi negotiis vacabat horis subcessivis. Auctor sane est TACITUS, (p) *servos præter modum frumensi & pecoris, etiam vestes dominis præstitisse.* Has ergo a rusticis ipsis confutas esse, facile est ad intelligendum.

§. V.

Et ita se res habuit etiam insequentibus sæculis. Quamvis enim sub Francorum regibus hinc inde exurgerent urbes ampliores, maxime ubi reges, duces, Episcopi, sedes collocaverant: quamvis etiam in tanta hominum adfuentia quibusdam locis florent emporia, qualia sunt *Bardenvvich, Schesla, Magadoburg, Episfurt, Eorhheim, Breemberg, Raginiburg, Lauriacum*, quarum in CAPITULARIBUS CAROLINIS (q) fit mentio: urbes tamen illæ, si a paucis discesseris, non altis, quam servilis ac libertinæ conditionis hominibus, habitabantur. Sic Erfurtum, quam emporiis adnumerat CAROLUS, BONIFACIUS (r) in litteris ad Zachariam Papam, vocat *locum, qui dicitur Erphes-*

(p) Tacit. *ibid.* cap. XXV.

(q) Capitul. ann. *lccccv.* num. VII. pag. 425.

(r) Othilo *Vit. Bonifac. lib. II. cap. II.*

phesfurt, qui fuit jam olim urbs PAGANORUM RUSTICORUM. Nec ignota sunt diplomata, quibus integris civitatibus *jus mortuarii* remissum; (f) vel quibus manumiffæ sunt integræ civitatum universitates. (t) Quæ sane indicio sunt, etiam in urbes tunc maxime confluisse servorum libertinorumque colluviem.

§. VI.

Quamvis ergo non dubitem, quin ab eo tempore in urbibus quoque maxime flourerint opificia: ea tamen non nisi a servis culta existimo. Sane inter Francorum ministeriales, id est, servos, in variis monumentis occurrunt *argentarii*, (u) *aurifices*, (x) *carpentarii*, (y) *fabri*, (z) *sartores*, (a) *sutores*, (b) alique opifices. Et quamvis sub Henrico I. urbium per Saxoniam conditore, alia esse coeperit oppidanorum conditio, conventibus, nundinis, conviviiis plebique in urbes & oppida translatis, (c) fuere

(f) *Lehm. Chron. Spir. lib. IV. cap. XXII.*

(t) *Meibom. Script. rer. German. Tom. III. p. 205.*

(u) *Lex Burg. Tit. XXI. §. 11.*

(x) *Lex Burg. ibid.*

(y) *Lex Salica Tit. XI. §. V.*

(z) *Lex Burg. Tit. XXI. §. II.*

(a) *Ibidem.*

(b) *Ibidem.*

(c) *VVitichind. Annal. lib. I. p. 693.*

tamen & mercatores & opifices adhuc gle-
 bz adscripti, obnoxiique dominis. Sic in
 diplomatibus Ottonis M. apud HUNDIUM
 (d) mentio fit *aurariorum, buncariorum,*
clidelariorum, mercatorum, qui omnes erant
 servilis conditionis. Et in vita Gebhardi,
 Episcopi Constantiensis (e) legimus, *cum*
servos optimos quosque elegisset, & ex eis co-
quos, pistores, caupones, fullones, sutores,
hortulanos, carpentarios, & SINGULARUM AR-
TIUM MAGISTROS constituisse, eisque concessisse
privilegia, ut quum quis presentium, vel
eorum successorum, qui de progenie illorum
esset, moraretur, exuvia de iis non sumeren-
tur, sed heredes relictam hereditatem possi-
derent. Si vero de alia progenie aliquis suc-
cessisset, ab hoc donativo alienus esset. Ita
 diutissime opificia in servorum casis deli-
 tuerunt, quamvis variis privilegiis subinde
 ornarentur a principibus. Et inde reddi
 poterit ratio, cur ex antiquissimorum opi-
 ficiorum instituto boeti non vocentur *Gesel-*
len, sed *Knachse*. Noti enim sunt *Schuh Kne-*
chte, *Becker-Knechte*, *Fleischer-Knechte*,
Muhl Knappen, ceteri.

§. VII.

Enimvero a sæculo XI. alia coepit esse
 rerum facies. Nam quum ab eo tempore plu-

(d) Hund Metrop. Salisb. Tom. I. p. 227.
 & Tom. II. p. 372. seq.

(e) Pistor. Script. rer. German. Tom. II.
 pag. 655.

618 *De Colleg. in German. orig. &c.*
 plures urbes opibus commerciisque flore-
 rent, & comitum, scultetorum, advoca-
 torumque, quibus ab initio suberant, im-
 perium sensim excuterent, coeperunt pri-
 mo collegia senatoria, consules, magistra-
 tusque, Itatorum exemplo, constituere;
 deinde opificum celebriorum collegia, eo-
 rundem æmulatione, erigere, ac denique
 plerisque locis ingenuos, seu patricios, se-
 natu ejicere, plebique vindicare urbanas
 respublicas. Omnia hæc ex annalibus de-
 monstrare operæ fuerit pretium.

§. VIII.

Et primo quidem consulum & senatorum,
 non nisi a sæculo X. fieri mentionem, certissi-
 mum est. Auctor quidem est ALCUINUS apud
 CANISIUM, Carolum M. Aquisgranum Romæ ad
 exemplum instituisse, *foroque, SENATU, ar-
 ce, theatro, atriis & aterni regis templo,
 thermis. insuper vel balneis ornasse.* Sed id
 quidem singulare, nec in exemplum tra-
 ctum fuit. Idem dicendum de Salsa, vel
 Seltia, Alsatix oppido, ubi ODILLO CLUNIA-
 CENSIS (f) ab Adelheide Ottonis M. vidua,
urbem saltam, ait; *sub LIBERTATE ROMANA.*
 Nam in quonam constitit illa Romana li-
 bertas, parum constat. Ast a sæculo XI fre-
 quentissima consulum & senatorum occur-
 runt vestigia. Bremenses jam sæculo XII in-
 eun-

(f) Odillo *Viz. Adelheidis lib. l. cap. VII.*
p. 265. apud Leibnit. Top. I.

eunte, paruisse proconsulibus & consulibus, didici ex diplomate Henrici V. Imp., (g) quamvis id non ubique genuinum videatur, maxime quum in illo & statum Rolandi fiat mentio. Certioris fidei est diploma Philippi Regis, Spirensibus concessum, (h) ex quo patet, jam tempore Henrici V. Imp., cujus ille diploma confirmat, Spira floruisse collegium senatorium, vel, uti tum loquebantur, *ordinem proconsulum & consulum*. Ceterum hoc institutum sensum imitatae sunt urbes aliae, post alias. Bernatensibus Fridericus II. Imp. potestatem fecisse dicitur, senatum, suo arbitrio, constituendi. (i) Erfurti anno MCCCCLX senatum coire coepisse, ex monumentis tradidit GUDENUS. (k) Eodem circiter tempore a Conrado, ultimo Svevorum duce, cives Augustanos se suaque in libertate vindicasse, ex eoque tempore ipsos sibi ex suis municipibus ingenuis proprium senatum elegerisse, perhibent. (l) Quin anno demum MCCCXLVI. Ulmeneses consules sibi ac tribunos plebis constituere coepisse, relatum legimus. (m) Quum ergo saeculo X. Italicis

(g) *Adversio libertatis. Bremensis. p. 357.*

(h) *Lehm. Chron. Spir. libr. IV. cap. XI. pag. 302.*

(i) *Crus. Ann. Part. III. lib. I. p. 12.*

(k) *Guden. Hist. Erfurt. lib. I. p. 12.*

(l) *Crus. Annal. Suev. Part. III. libr. III. cap. XVII.*

(m) *ad h. ann.*

licas civitates primum collegia senatoria instituere, iisque, veterum Romanorum exemplo, consules præficere cœperint, uti recte animadvertit CAROLUS SIGONIUS: (n) non abs re inde collegit BEATUS RHENANUS, (o) hoc institutum sensim etiam Germanicas civitates esse imitatas. Unde hodie vix est Germaniæ oppidum, in quo non consules & senatores, vel, ut medio ævo vocabantur, *proconsules* & *consules* olim e nobilioribus civitatum familiis, hodie plerumque ex promiscua plebe lecti, senatum vel consilium publicum constituent.

§. IX.

Quum semel Italos imitari cœpissent Germani: nihil erat facilius, quam ut & collegia opificum, eorundem exemplo, in urbibus passim erigerent. Idque eo facilius fieri poterat, postquam pleræque urbes opibus auctæ, cives non nisi liberos & a servitutis nexu solutos adoptarent. Nam quum antea, uti supra observavimus, non nisi servilis & libertinæ conditionis homines in urbibus artibus opificisque vacarent: posteriore ævo suppetunt exempla, quod integræ civitates manu-

(n) Sigon. *de regno Ital. lib. XVII. ad ann. 1555.*

(o) B. Rhenan. *lib. III. rer. German. pag. 101. Lehm. Chron. Spir. lib. IV. cap. III. & XL.*

numisæ & libertate plena frui jussæ sunt, ceu docet exemplum Brunsvicensum, ab Ottone Duce manumissorum, apud MEIBOMIUM. (p) Ex eo ergo tempore invaluit paroemia: *Keine Henne fliegt über die Mauer*, id est, servilis conditionis hominibus non patet accessus in civitates, adeoque nec ad opificia admittuntur. De quo veteri scito pluribus egit HERTIUS. (q) Ut vero servilis & obnoxia conditionis homines eo facilius excluderentur urbibus: non solum codicillos, ingenuitatis testes, (*Geburts-Brieffe*,) exigere a civibus novis coeperunt, verum etiam ipsi opifices sensim in collegia & corpora coaluerunt, ut, qui artem facerent in urbe, an servi etiam eo jure abuterentur, eo facilius cognoscerent. Dicta sunt ea collegia medio ævo: *gildæ*, *uniones*, *Einungen*, *Innungen*, *Zunffte*, *Aemter*, &c, si annalibus credendum, illa jam a sæculo XII. in Germania fuerunt frequentissima. In chronico Magdeburgico apud MEIBOMIUM, (r) ad annum circiter clocclm. relatum legimus, *VVichmannum Archiepiscopum fecisse primo UNIONES institutorum pannicidarum*. Sed plura eum Archiepiscopum instituisse collegia, vel ex codice diplomatum Vindebonensi, ab illustri hujus academici cancellario edi-

(p) Meibom. *Script. rer. Germ.* Tom. III. pag. 205.

(q) Hertius *Par. jur.* libr. II. cap. XI.

(r) Meibom. *Script. rer. Germ.* Tom. II. p. 329.

edito, (f) adparet, ubi collegio futurum privilegium impertitur. VVichmanni exemplo Ludolphus Archiepiscopus anno clocxv, teste CHRONICO MAGDEBURGICO, (t) *fecit in eadem civitate UNIONEM CLYPEATORUM, quæ dicitur, die Schilder-Inunge*. Circa eadem tempora etiam Goslaræ, (u) Herbipoli, (x) Audomaropoli, (y) Brunsvigæ, (z) alibi quippe passim variæ commemorantur tribus, varia artificum opificumque collegia. Ut adeo ea, hoc potissimum tempore, Germanis innotuisse, admodum fiat verosimile; quum contra in Italiæ civitatibus multo ante inviridi fuerint observantia.

§. X.

Et hujus novæ originis inde quoque argumentum petere licebit, quod principes, ipsique Imperatores circa hæc tempora nihil reliqui fecerint, ut nova ista collegia, tamquam hetærias, monarchico statui perquam inimicas, supprimerent. Sic anno cloc cc Fridericus II. Imp. tribus istas suppressas voluit Goslaræ, sanxitque, *ut nulla esset CONJURATIO, nec promissio, vel societas,*

(f) III. a Ludevvig. *Reliq. MSG. Tom. II. p. 389.*

(t) Meibom. *Script. rer. Germ. Tom. II. p. 329.*

(u) B. Heineccii *Antiqu. Gosl. lib. II.*

(x) Fris. *Chron. VVurzb. p. 537. 570. 585. seq.*

(y) Car. du Fresne *Glossar. Lat. voce: GILDA Tom. II. pag. 622.*

(z) Gobelin. *Person. Cosmod. ar. VI. cap. LXVII. p. 282. Leibnit. Script. rer. Brunsv. Tom. II. pag. 61.*

cietas, qua Teutonice dicatur: Eyninghe, vel ghilde, nisi solum monetariorum, ea de causa, ut caverent de falsis monetis. (a) Paulo post anno cIo cccxxi. Henricus VII. rex in comitiis Wormatiensibus tot principum querelis de collegiorum istorum insolentia, fatigatum se vidit, ut singulari diplomate omnia ubique collegia & corpora opificum aboleret. (b) Sed dici non potest, quot inde turbæ enatæ sint, maxime postquam fatale istud interregnum paullo post civitatibus potentioribus omnem laxaverat licentiam. Quantum enim laborabant principes & senatores, ut ne in urbibus essent collegia, tantum obnitebantur plebeji, manibusque pedibusque obnixè omnia faciebant, ut illa restituerent. Sic Herbipoli, non nisi multo sanguine fuso, res transacta est. Episcopus jussu Henrici VII. ea collegia suppresserat: cives, invito Episcopo, illa restituerant: (c) nato inde bello civili Bertholdus II. Episcopus illa quidem rata habuit anno cIo cccxxix: (d) sed paullo post denuo edicto sustulit. (e) Inde recrudere tumultus civiles, finiendi demum anno cIo cclxxxiv, quo Mangoldus Episcopus illas tribus plane egit in exilium; (f) interjecto tempore de-

(a) B. Heinecc. *Antiq. Germ. lib. II.*

(b) *Fris. Chron. VVurz. p. 557.*

(c) *Ibid. p. 570.*

(d) *Idem p. 585.*

(e) *Idem p. 586.*

(f) *Idem p. 596.*

denuo renaturas. Eadem fabula pæne in universa Germania acta. Sane & Goslaræ, durante interregno, ea res senatum populumque inmutua odia adegit, illo, ex Friderici edicto, collegiis obnitente, hoc illa urgente tanto importunius. Et vixit demum plebs circa annum clo ccxc, quo Rudolphus I. Rex Germ. ea sollemni diplomate rata habuit, quod Frater Præfidis eruditissimus, *o vñ N áyiois*, integrum e scriniis publicis extulit. (g) Ita factum est, ut plebs urbana collegia passim tueretur, idque exemplum deinde sequerentur aliæ civitates, donec demum oppida etiam tantum non omnia tribus hujusmodi, principum indulgentia, impetrarent.

§. XI.

Non potuit non inde sequi magna malorum ilias. Quum enim ad hæc usque tempora soli ingenui, qui se postea patricios vocare coeperunt, civitatibus patriis præfuisent, plebs, quæ in collegia coaluerat, jam summa ope nitebatur, ut senatum opprimeret, sibi que viam in curiam vi ac ferro expediret. Hinc tribus quavis occasione dabant turbas, modo rationes sibi reddi jubentes, modo senatores primarios repetundarum postulantes. Inter hos fluctus civiles modo tribuum antesignanos, modo senatores honestissimos capitis damnatos, vel ejectos civitatibus legi-

(g) B. Heinecc. *Antiq. Gæd. lib. III.*

legimus, prout aut senatus aut plebei potentia antecellerent. Prioris tragœdiæ exemplum Brunsvicum vidit circa annum c^lo ccxx, de quo SCHIFFOVERUS (h) & GOBELINUS PERSONA: (i) In Brunsvick decem MAGISTRI GILDONUM a consulibus suspensi sunt & undecimus decollatus, sed duodecimus in peregrinatione existens evasit, & hoc fuit initium multorum malorum ibidem. Simile, quod Magdeburgi contigit, ita relatum in chronico veteri apud MERBOMIUM: (k) Usque ad ista tempora, (sæculi puta XIII. exitum,) scabini fuerunt in consilio civitatis, a quo ex tunc fuere exclusi, & orta sunt multa diffensiones inter consules & MAGISTROS UNIONUM & scabinos. Et paucis interjectis: (l) Circa idem tempus, (annum c^lo cccx.) in civitate Magdeburg cremari fuerunt MAGISTRI UNIONUM in foro, propter prodicionem iis impositam. Posterioris vero generis exemplum Lubeca experta est, quod fusc, versibus tamen parum politis, descripsit HENRICUS AQUILONIENSIS. (m) Ita ergo factum est, ut in plerisque Germaniæ urbibus populare

re-

(h) Schiphov. Chron. Schaumb. p. 514.

(i) Gobelin. Cosmodr. Æt. VI. cap. LXVII. p. 282.

(k) Chron. Macdeb. apud Meibom. Tom. II. pag. 333.

(l) Ibid. p. 334.

(m) Henr. Aquilonip. de primord. urb. Lubec. lib. II. cap. XV. pag. 617. apud Meibom.

Hein. Opusc. Var. Pars I.

regimen invalesceret, & plebs, oppressis vel in ordinem coactis patriciis, in ordinem senatorium passim irrueret. Quo ordine, quibusque de causis id Spira, Tiguri, Moguntiae contingerit, luculenter memoriae prodidit LEHMANNUS. (n) Coloniz & Aquisgrani anno cccccxviii; & anno cccccxxii; nec non Tremoniae anno ccccc eundem in modum scenam instruxere plebei, ceu e CHRONICO COLONIENSI & POTGIESERO (o) discimus. Ita ubique fere primas in civitatibus tenuere plebei, postquam semel in vulgus manavit arcanum, posse etiam e collegiis plebem ad senatoriam dignitatem adspirare. Et ita factum, ut in plerisque civitatibus plebs in senatu dominetur, nullumque prodeat SC. nisi illud ratum esse jusserint tribuni plebis, *die Gilden, Gemeinheits-Meistere, Viertheils-Meistere, Freunde von Gilden und Gemeinen.*

§. XII.

Nec potuere non inde nasci variae consuetudines, quae etiamnum tantum non ubique obtinent. Sic quum opificia hoc modo oppidanis fierent propria, homines vero servituti obnoxii in oppida & civitates non admitterentur, uti supra §. IX. demonstra-

(n) *Chron. Colon. ad ann. cccccxviii. & cccccxxii.*

(o) *Potgießer. de statu & cond. hom. pr. pag. 59.*

stratum : factum inde , ut nemo ad addiscendum opificium adpellere posset animum , nisi qui ingenuos natales , testimonio a magistratu loci impetrato , demonstrasset : (p) nemini vero in collegia pateret aditus , nisi qui offerre posset testimonium , artem vel opificium se rite addidicisse , *den Lehr-Brieff*. (q) Et hoc jure etiamnum utimur tanto magis , quo minus jura Germaniæ permittunt , ut servilis conditionis homines in civitates admissi dominis subtrahantur . Unde & nata parœmia : *Die Aemter und Zunft-ze müssen so reinhe seyn , als wenn sie eine Taube gelesen harte*. (r)

§. XIII.

Quum potro collegia ac tribus plerisque locis eo jure gauderent , uti ex iis senatores ipsique consules cooptarentur : non abs re visum , ut & spurios , qui vetere jure Germanico infames habebantur , (s) omnesque , quibus salva non esset existimatio , excluderentur . Unde frequentissima in Codicillis ingenuitatis formula : *dass sie echt und recht gehohren* , item , *dass die Eltern mit fliegenden Haaren zu Kirchen und Strassen gegangen* . Neque tamen ubique id ob-

(p) VVehner, *Obs. Pract. Vocæ: Zunft*.

(q) Ruland, *de Commiss. Part. I. lib. IV. cap. VI.*

(r) Hert. *Parœm. jur. lib. I. par. XIV.*

pag. 417.

(s) *Jus Prov. Sax. lib. I. art. XXXVII.*

obtinuit, & quemadmodum jam olim seculo XIII. LEGIBUS MUNICIPALIBUS BRUNSVIGENSIBUS (t) cautum est: *Ein unecht So-
ne, de seck wvol handelt, mach wvol Ghil-
de wvinen*: ita dubium non est, quin prin-
ceps, a quo hodie collegiorum dependet
constitutio, hanc consuetudinem abolere
possit. Quia vero id est difficillimum pro-
pter exteros, qui ejusmodi tironem manu-
missum non admittere, neque cum eo col-
laborantes tolerare solent: cautius agunt,
qui per rescriptum principis, vel comitis
palatini, vel utriusque tollendam hanc na-
taliū maculam curant.

§. XIV.

Ex eadem ratione tam ambitiose labem
omnem a collegiis suis abesse voluerunt
contribules, ut & quorundam opificum
filios adspernarentur, neque eos jurium
suorum redderent participes. Præcipue hæc
invidia exclusit liberos textorum, tonso-
rum, opilionum, molitorum, publicano-
rum, tibicinum, buccinatorum, balneato-
rum, donec, sublata hac absona consuetu-
dine, iis legibus imperii publicis (u) pro-
spiceretur. Causam tanti contentus alii
aliam

(t) *Leg. Brunsv. Part. II. art. XXVII. apud
Leibnit. Script. rer. Brunsv. Tom. III. p. 438.*

(u) *Recess. imp. Aug. anni c10 10XLVIII.
Tit. von Handuuercks-Söhnen §. 1. Reform.
Polis. anni c10 10LXXVII. Tit. XXXVIII.
§. 1.*

aliam comminiscuntur : sed plerumque parum sufficientem. Non omnes hi opifices in re vili ac abjecta versantur, non omnes fundunt sanguinem, non omnes furti aliusque criminis suspecti sunt. Genuinam ergo rationem eam fuisse suspicor, quod hæc opificia olim suis collegiis non gauderent, sed unusquisque, cui esset artis fiducia, ea licite exerceret. Ergo & in pagis quilibet tale sibi vitæ genus eligere suo arbitrio, seque ad ejus, qui in ea professione exercitatus erat, disciplinam applicare jure poterat. Quum ergo inde sequeretur, ut, qui hæc opificia exercerent, non omnes essent ingenui; merito eorum filios adspernari sibi visi sunt tribules in urbibus. Quin si NOLDIO, (x) UBALDO, (y) FRIZIO, (z) credimus, eandem olim status controversiam moverunt pictoribus, numulariis, coquis, lanionibus, pistoribus, fabris, carpentariis, librariis, sartoribus, nautis, fullonibus, aurigis, bajulis: cujus rei non alia excogitari poterit ratio, quam quod synonyma Germanis haberentur *ehrliche Handvuercke*, & *zunfftige Handvuerck*, filiique eorum opificum, qui in collegia, vel corpora non coaluerant, ob originem suspecti viderentur.

§. XV.

(x) Nold. *de statu nobilit. civ. cap. XVII. thes. LXII.*

(y) Ubald. *de nobilit. axiom. LVI.*

(z) Friz. *de nobil. thes. 30.*

§. XV.

Ex hac ergo collegiorum apud Germanos origine facile patet, quomodo de jure eorum sit pronunciandum. Si quæras, ex quo jure eorum controversiæ sint definiendæ? respondebo, esse unicuique collegio sua privilegia, esse sua statuta, quæ ipsi contribules sibi condere possunt de rebus, quæ ad utilitatem collegii pertinent, (a) *Innungs-Artickel*, quæ valent tamquam pactiones, nec, jure communi, indigent confirmatione principum, (b) quum princeps probans collegium, eo ipso illi concessisse facultatem statuta condendi censeatur. (c) Moribus tamen confirmatio principis vel magistratus tantum non ubique exigitur, (d) quum alias facile possit contingere, ut collegia vel jus publicum pactionibus suis imminuere conentur, vel jurisdictionem sibi adrogent, vel consuetudines varias abscondas, & reipublicæ detrimento futuras invehant. Ex his ergo pactionibus, a principe vel magistratu confirmatis, primo omnium dijudicandum, si quid

(a) *L. ult. D. de colleg. & corp.*

(b) Hilliger *ad Donell. Lib. XVII. Cap. IX. not. o.* (c) *Befold. Polit. Lib. II. Cap. XII. thes. XXVI.*

(d) *Carpzov. Resp. lib. 1. resp. XLVIII. n. XII. VVehneri Observ. Pract. voce: Zunfts Mey. ad jus Luberense Lib. IV. Tit. XIII. art. III. n. XXXVII.*

quid vel inter contribules, vel inter diversa collegia inciderit controversiæ. His deficientibus, merito statuta urbium, leges provinciales & recessus imperii adhibentur in consilium. Denique, ubi nec hæ leges rem conficiunt, jus Romanum hic in subsidium consuli posse, haut abnuimus. Nam quum ex iis, quæ sub initium hujus capituli explicavimus, pateat, collegia Germanos accepisse ab Italis, & hos a Romanis: statim etiam jura pleraque & consuetudines simul recepisse videntur, veluti quod suos sibi constituent primicerios, *Ober-Meistere*, *Ober-Aeltesten*, *Innungs-Meistere*, quod in commune conferant pecuniam, quod communi arca gaudeant, quod olim statis temporibus certa sacra obierint, templa sibi propria condiderint, (quale etiamnum Helmstadii superstes, tutoribus quondam proprium,) quod nonnumquam epularentur, & quæ sunt hujus generis alia. Quum ergo tanta sit collegiorum Germanicorum & Romanorum similitudo, nihil sane prohibet, quo minus jus Romanum hic adhibeatur in subsidium, ex eoque definiantur quæstiones, statutis collegiorum, vel legibus Germaniæ nondum decisæ.

§. XVI.

Quo præmissis fundamento, facile de juribus circa collegia respondere licebit. Apud nos quoque non secus, ac apud Romanos, collegia in licita & illicita dividuntur. Et illa quidem censentur licita,

quæ a summo imperante conceduntur firmanturque privilegiis; hæc, quæ his destituuntur. Regalibus majoribus hanc potestatem accensent plerique, (e) neminique eam facultatem competere ajunt, nisi qui superioritate gaudeat territoriali. (f) Non desunt tamen exempla, quod & Landsassii, ipsisque magistratibus municipalibus hæc cura demandata est, tamquam pars ejus administrationis, quæ ad decus & utilitatem urbium pertinet, & vulgo vocatur: *die Policey*. (g)

§. XVII.

Ex eodem jure receptum est, ut apud nos quoque collegia gaudeant jure, sibi eligendi primicerios; *Ober-Meistere*, *Ober-Aeltesten*, *Innungs-Meistere*. Item, quod collegiis esse possint bona & res communes. Hinc singulis trimestribus aliquid conferunt, (h) hinc arcam communem, ædes communes, utensilia communia, sigilla, aliaque hujus generis habere & possunt & solent. (i) Possunt heredes in-

(e) Besold. *diff. de regal. cap. VII. thes. 1.*

(f) Hert. *de superior. terr. §. XVII. Limn. Jur. Publ. lib. II. cap. VII. n. CCXCVIII.*

(g) Mev. *ad Jus Lubec. lib. IV. Tit. XIII. art. III. num. 6.*

(h) L. 1. §. 1. *D. quod cujuscunque univ. nomine.*

(i) L. 1. pn. & L. 3. pr. *D. de colleg. & corp.*

institutū, (k) posteaquam vetus illud jus, cuius ULPIANUS (l) meminit, jam pridem apud ipsos Romanos obsoleverat. Non vero omnibus in universum collegiis tributum censetur jus succedendi ab intestato, (m) quin puto nullis, quia dispositio illa (n) privilegium continet, Romanis quibusdam collegiis, ob singularem reipublicæ utilitatem, concessum. Hæc bona iuste acquisita suo arbitrio administrant collegæ, nec magis princeps, uti recte a STRAUCHIO observatum, (o) ordinarie a collegiis exigere potest accepti expensique rationes, quam a quolibet privato. Quia tamen interest reipublicæ, ne quis male re sua utatur, (p) & sæpe in re communi minus frugales esse solent administratores, quam in propria: plerumque fieri solet, ut a magistratu quidam delegentur, qui conventibus intersint, rationes inspiciant, easque dispungant, (q) si quid ea de re incidat controversiæ.

§. XVIII.

(k) L. 8. C. de hered. instit.

(l) Ulpian. *Fragm. Tit. XXII. §. V. & ibi Schulting.*

(m) Hillig. *ad Donell. lib. IX. cap. I. Tit. I.*
Brunnemann. *ad tit. C. de hered. decurion.*

(n) L. 1. C. de hered. decur.

(o) Strauch. *de colleg. opif. §. XXXII.*

(p) §. 2. *Instit. de his, qui sunt sui vel al. jur.*

(q) Knipschild. *de jure & privil. civ. imper. lib. V. cap. II. n. LXXX.*

Dd §.

§. XIIIX.

Ex eodem jure Romano receptum, quod collegia gaudent jure universitatum. Hinc non censentur mori, si vel omnes sint mutati collegæ, vel pars remaneat, (r) immo si vel unus vivit superstes, in illum omne jus collegii recidit. (f) Hinc etiam litigant per actores vel syndicos, vel a lege constitutos, veluti quum major natu, ex statutis, lites collegii peragere aut suscipere tenetur, (t) vel mandato universi collegii ejusve majoris partis. (u) Habent porro collegia suos scribas, ministros, nuncios, libros communes, veluti matriculas, rationes, statuta, qui libri pro publicis instrumentis haberi solent, testibus BESOLD, (x) VVEHNER, (y) RUTG. RULAND, (z) STRAUCHIO, (a) adeoque plene probare dicuntur. Ex eadem ratione consequitur, ut & statuta condere possint per

(r) L. 7. §. 2. *D. quod cujusque univ. nom.*

(f) Carpz. *Part. II. Constit. VI. Def. XVII. num. IV.*

(t) VVesemb. *parat. D. tit. quod cujusque univ. nomine §. IV.*

(u) L. 3. *D. quod cujusque univ. nomine.*

(x) Besold. *lib. I. Polit. cap. XII. §. XXVIII.*

(y) VVehner. *in observ. pract. voce: Bucher, n. XIV.*

(z) Ruland. *de Commiss. Part. II. lib. V. cap. X.*

(a) Strauchius *ibid.*

(per modum pactionum, de rebus ad artem & collegium pertinentibus, dummodo nihil minuant de jure civili, & rata habeantur a superiore, quod jure Romano, quia hoc pactiones hujusmodi lege generali confirmabat, (b) non erat necessarium. Statuta ista obligant eos, qui sunt jurium collegii participes, nec tertio possunt opponi. (c) Quin & judex iis tenetur stare, (d) nisi consuetudines vel rectæ rationi adversas, vel publicis imperii nostri legibus proscriptas adprobent, quales sunt: exclusio filiorum textorum, tonforum, opilionum, molitorum, publicanorum, tibicinum, tubicinum, balneatorum, (e) epulæ advenis dari solitæ, (f) exclusio eorum, qui cum carnifice biberunt, (g) vel ab alio adfecti sunt injuriis, (h) baptismus boetorum, (i) de certo victu quotidiana-

(b) *L. ult. D. de coll. & corp. L. 2. §. ult. C. de const. pec.*

(c) *Carpz. P. II. Constit. VI. D. fin. IX. n. IV.*

(d) *Knipsch. de jure & priv. civ. imperial. lib. V. cap. II. §. XXIV.*

(e) *Ordin. Polit. anni clō 15LXXVII. Tit. XXXIIX. §. 1.*

(f) *Rec. imp. anni clō 15XXX. Tit. XXXIX. §. 1. & Reform. Polit. anni clō 15LXXVII. Tit. XXXIIX. §. 11.*

(g) *Richt. P. II. Decis. IIX. n. XXIIIX. Halm. ad VVesemb. tit. de his, qui not. infam.*

(h) *Ordin. Polit. anni clō 15LXXVII. Tit. XXXIIX. §. IV. (i) Strauch. ibid. §. LIIX.*

tidiano, boetis præbendo, conventio, (k) pactiones, ad monopolium in republica stabilendum comparata, (l) prohibitio, ne quis opificum id, quod unus cœpit, perficiat, (m) ne quis rem minoris vendat, (n) ne exteri opifices nundinis publicis res suas venum exponant, (o) de mutilandis eorum membris, qui extra collegium opificium exercent, (p) & quæ sunt hujus generis alia. Quum porro universitas sine aliqua coercitione, saltim conventionali, consistere vix possit, hæc etiam collegiis aliquatenus conceditur, dummodo in jurisdictionem non evadat, (q) vel in alios, extra collegium, veluti uxores liberosque collegarum, non exerceatur. (r)

§. XIX.

Quum vero universitates & contrahere poss-

(k) *Ord. Polit. anni clō lōLXXVII. Tit. XXXIIX. §. VI.*

(l) *L. un. C. de monop.*

(m) *Moller. Semestr. lib. II. cap. XV.*

(n) *Reform. Polit. Aug. de an. clō lōXLVIII. Tit. XXXVI. & Francof. clō lōLXXII. Tit. XXXVII.*

(o) *Strauch. de colleg. opif. §. LXVII.*

(p) *Beier. Instit. jur. Germ. lib. I. cap. XV. §. LXVI.*

(q) *Carpzov. Part. II. Constit. VI. Desin. IX. num. VI.*

(r) *Reform. Polit. anni clō lōXLVIII. Tit. XXXVII. §. IV.*

possint & delinquere, quippe quæ moralit-
ter unam repræsentant personam: facile pa-
ter, quidquid de universitatum contractibus
& delictis jura nostra sanciant, id ad col-
legiorum conventiones & maleficia jure
posse applicari. Collegia ergo contrahen-
do & alios sibi obligant, & aliis obligan-
tur. Possunt ergo pecuniæ collegii aliis re-
cte collocari; sed non nisi sub pignoribus
& hypothecis idoneis; (f) possunt etiam
conveniri ex mutuo, nec ipsis prodest ex-
ceptio, pecuniam in rem collegii versam
haut esse, si omnes collegæ convocati sese
obligarunt, vel mandatum speciale, mu-
tuum sumendi, dedere administratoribus.
(t) Alia, si soli administratores, vel gene-
rali exhibito mandato, vel imprudentibus
reliquis mutuam acceperunt pecuniam, ex-
ceptio hæc collegiis omnino prodest. (u) Ex
eodem fundamento restituuntur in integrum,
quia universitates minorum jure utuntur,
semper quippe sub administratorum cura
constitutæ atque permanentes. (x) Tenen-
tur quoque collegia, tamquam universita-
tes, ex delictis, (y) non tamen a singu-
lis collegiis, sed ab omnibus; communicato

con-

(f) L. 33. §. 1. D. de usuc.

(t) Hartm. Pist. lib. 1. qu. XXXVII. n. 17.

(u) L. 27. D. de reb. cred.

(x) L. 3. C. de jur. reip. Berlich. Decis. CCG.
num. 11.

(y) L. 9. §. 1. D. quod met. causis.

consilio, & veluti ex compacto commissis. (z) Hinc modo multa illis irrogatur, modo bona publicantur, modo quædam ipsis adimuntur privilegia, modo ipsa collegia dissolvuntur, opificii exercitio promiscue permissio. (a) Si poenam capitalem vel extremum supplicium mereatur maleficio, non omnes, sed sceleris auctores ac participes puniuntur, nisi illud per conspirationem commissum esse appareat. (b)

§. XX.

Denique expediti juris est, collegia, ut alias universitates, dissolvi posse. Id vero fit vel morte omnium collegarum, vel renunciatione, vel revocatione superioris ob delictum, vel urgentem reipublicæ utilitatem. (c) De renunciatione dubitatum memini. Quum enim certi opifices tria collegia in territorio constituissent, eisque se plures extra territorium adjunxissent, ex his vero quidam, crescente opificum numero, domini consensu, singulare molirentur collegium instituere, putarunt se collegæ jure prohibendi gaudere, maxime quum

in-

(z) *Cap. Dilectus X, 30. de Simon.*

(a) *Strauch. ibid. §. CXIIX.*

(b) *Arg. const. criminal. art. CXLVIII.*

(c) *Bejer. de colleg. opif. cap. XII. §. XVI. Strauchius §. CXXXIIX.*

inter se jam pridem pactiōnem iniissent tria ista collegia, nullum alterius collegas admissurum, sed ex quibus urbibus opifices se jam antiquitus ad unum ex his collegiis adplicuissent, ex iis reliqua nullum reciperent in collegium. Sed consultus ea de re illustris Jctorum Hallensium ordo collegii partem, invitis ceteris, collegio renunciare, & vel ad aliud transire, vel in novum coire posse, respondit, partim, quia inter collegas sit quādam veluti societas, cui renunciare unusquisque queat, (d) partim, quod in collegio profiteri nomen, sit res meræ facultatis, ex qua præscriptio nulla nascatur, nisi hæc initium capiat ab actu prohibitionis, & alter per tempus legitimum adquieverit. (e) Quod ad pactum inter collegia ista tria initum attinet, illi vel ideo nullum inesse pondus videbatur, quod illud ad res inter alios actas pertineret, neque adeo, præter ipsos paciscentes, quemquam obligare posset. (f)

§. XXI.

Sed quum ad singula progredi, eaque accuratius omnia expendere, nec temporis ratio, nec chartæ, huic exercitationi-

(d) L. 65. §. 3. D. pro foc.

(e) L. 3. C. in quibus causis cess. long. temp. præscr.

(f) L. 3. pr. D. de transact.

ni destinatae modus permittere videatur; tanto libentius hic subsistimus, quanto minus nobis propositum fuit, minima quavis confectari, & a STRAVCHIO, FRITSCHIO, BEJERO, aliisque occupata repetere. Sufficit enim, nos hæc jura revocasse ad fundamenta sua, e quibus unusquisque de iis ipse respondere facile queat. Ceterum in portum delati, votivam Deo tabulam suspendimus, eique gratias, quas mens concipit, maximas jure meritoque agimus.



DE JURISPRUDENTIA
VETERUM ROM.
FORMULARIA,

Ritibusque, quibus Negotia Civilia explicabant, solemnibus,

O R A T I O

S E U

EXERCITATIO IX.

§. I.

QUonam vero legum Romanorum facto fieri dicam, HONORATISSIMI AUDITORES, ut, quo magis earum causas atque origines condit, notitiæque mortalium subducit vetustas, eo majorum illæ sæculi nostri reprehensionem incurrant, & non a pinguioribus tantum ingeniis atque imperita multitudine, sed viris etiam doctissimis, alto supercilio despiciantur? Alioquin sane in rebus antiquis tam fere præcipiti ac perverso judicio utuntur homines, ut, nescio quo innato plerisque malignitatis vitio, vetera illis semper in laude; præsentia in fastidio sunt: & quemadmodum olim vino Opimiano ipsa magis centum annorum ætas & æstæ fuligo, quam eximia quædam saporis præstantia, conciliabant pretium, ita

ita permulti vetusta gentium instituta, etiam sibi parum perspecta, vel ideo, quia vetusta sunt, incredibili veneratione prosequantur. At veteres illæ Romanorum leges, quibus nihil umquam scriptum est sapientius, quas olim cordatiores omnibus omnium philosophorum bibliothecis anteponebant, ad quas instituti Quirites reliquas gentes non dicam armis, sed gravitate, constantia, magnitudine animi, fide, omnique genere virtutum superarunt: illæ, inquam, leges Romanorum veteres, perinde ac si platonice essent frigidiores, multis novaturiente hoc sæculo in tantum sordent, ut parum absit, quin omnem, quæ in illis interpretandis collocatur, industriam inanem atque infructuosam esse reipublicæ, existiment.

§. II.

Quotusquisque hodie est, AUDITORES, quin sibi ipsi videatur hebes ac stupidus, nisi quid reprehenderet in sapientissima illa Romanorum legislatione? Quotusquisque non famæ ac celebritati suæ metuit, nisi jurisprudentiæ Romanæ laudibus, quas præne universus terrarum orbis agnovit, declamatiunculis levissimis detraheret? Ita ubique vapulant Quirites, & invicti olim armis, hodie procaci lingua ac stilo tam impune lacesuntur, ut, qui eorum instituta paullo petulantius exagitant, non se malignitatis vitio obstringere, sed obsequi sæculo, & sermonem publici saporis habere videantur.

§. III.

§. III.

Equidem necesse non est, a me commemorari sigillatim, quid delicatiores isti in ipsis duodecim tabulis, quid in jure, quod ex prudentum interpretatione descendit, civili, quid denique in amplissima illa & Justiniani auspiciis adornata juris universi digestionem fastidiant. Longa enim ea injuria est, & cui propulsandæ capaciores mihi clepsydras deposcerem. Compendii potius faciam orationem, AUDITORES HONORATISSIMI, & ne vobis, divinarum rerum, cultissima oratione explicatarum, dulcedine jam exsatiatis, nauseam excitare velle videar: solius JURISPRUDENTIÆ veterum Romanorum FORMULARIÆ, RITVVMQUE, quibus negotia civilia explicabant, SOLLEMNIUM defensionem in præsentem suspiciam, & quantum in me est, efficere conabor, ut quas verborum conceptiones & sollemnitates permulti, tamquam nundinationem tabularum, & quoddam verborum aucupium, ad evertendas plebejorum fortunas comparatum, exhibilant, eas vos a viris prudentissimis, sapiente consilio, magnoque reipublicæ bono, inventas atque excogitatas esse intelligatis. Tametsi enim is ego non sim, qui vetusta omnia sæculi bonis anteponenda, ac consecranda veluti existimet, neque mihi unquam adeo consensuisse videatur natura, ut in fingendis perpoliendisque veterum ingeniis vires omnes detriverit, nihilque amplius eximium, & suis absolutum numeris producat: neque tamen justas Romanorum laudes ita ego cum sæculi nostri

infa-

infamia conjunctas esse arbitror, ut nefas sit, ejus causæ suscipere patrocinium, de qua genti prudentissimæ diem calumniose dicit iniqua virtutum æstimatrix, posteritas.

§. IV.

Quamobrem quin vos, ornandis litteris provehendæque jurisprudentiæ nati, REIPUBLICÆ atque ACADEMIÆ PROCERES, mihi, de juris Romani antiquioris præstantia dicturo, non aures modo, sed & mentes attentas benevole sitis commodaturi, eo minus dubito, quo æquius Romanæ virtuti statuistis pretium, dum sincero, nullisque laciniis deformato Romanorum juri receptum in provincia atque illustri hac academia vestra dedistis tutissimum. Quod ut faciatis, non, quod de prolixa voluntate, ac benevolentia vestra dubitem, sed quia mos est ita rogandi, vehementer etiam atque etiam rogo.

§. V.

Neminem ego, AUDITORES HONORATISSIMI, tam hospitem arbitror in jurisprudentia atque historiarum monumentis, ut non animadverterit idemtidem, gentem, a qua jura veluti per manus tradita accepimus, rogatam non modo justitiæ atque æquitatis, sed rituum ac formularum sollemnium fuisse studiosissimam. Nullum enim erat negotiorum genus, neque publicis, neque privatis, neque forensibus, neque domesticis in rebus, neque si secum agerent quid, neque si cum aliis contraherent, quod non
ritu

ritu sollemni, adhibitisque verbis conceptissimis, explicandum arbitrarentur. Primum in ipsa administranda republica, cujus ratione jus publicum complectebatur, quid, quaeso, a Romanis, nisi more majorum, iisque verbis ac ritibus, ex quibus statim eluceret reipublicae majestas, peractum est? Sane quod prudentiae artibusque regnatricibus Muciani attribuit Cornelius Tacitus, OMNIUM, QUAE DICERET ATQUE AGERET, ARTE QUADAM OSTENTATOREM eum fuisse: id ille cum priscis, qui rempublicam constituerant, Romanis commune habuisse videtur, qui majestatem arte quadam ostentantes, nihil publicae rei, nisi rite ac cum adparatu suscipi atque explicari voluerant. Habendus erat senatus: habebatur sollemniter rogandae sententiae: rogabantur sollemniter: senatusconsultum scribendum: scribebatur sollemniter. Nihil horum ratum erat aut firmum, nisi rite capta fuissent auspicia, nisi consul in senaculo, diis dicato, praemissa sollemni precatione: QUOD BONUM, FAUSTUM, FELIX, FORTUNATUM, AC SALUTARE SIR, ad frequentem senatum de republica retulisset: nisi idem rogatis, dictis, pronuntiatis patrum & conscriptorum sententiis, ante solis occasum proloquutus esset formulam: QUI HEC SENTITIS, IN HANC PARTEM, QUI ALIA OMNIA, IN ILLAM PARTEM ITE, QUAE SENTITIS: nisi denique dinumeratis sententiis, dimissoque e formula senatu, in eam sententiam, cui pars major visa erat adsentiri, factum esset senatusconsultum, eique scribendo deferendoque in-

tra.

trarium principes aliquot in republica viri adfuissent.

§. VI.

Quum itaque, quando in senatu verba de republica fiebant, tot ritibus esset defungendum: quantæ molis fuisse existimatis, AUDITORES HONORATISSIMI, habere comitia, illumque arbitrum fortunarum, auctorem legum, omniumque honorum ac dignitarum dispensatorem populum in suffragia mittere? Tunc vero communis non solum magistratum, verum etiam sacerdotum, pontificum, augurum, hæc erat sollicitudo, nequid contra morem majorum, contra decus ac maiestatem reipublicæ, contra auspicia denique atque avitam religionem susciperetur. Quamobrem hinc alii servabant de cælo, si forte sinistrum Jovis fulmen consilia publica turbaret: illinc alii adstabant fixellæ, & centuriarum vel tribuum sortitionem præsentem moderabantur, ne qua earum dolo malo potius, quam fortuna iudice, prærogativa exiret: ilthinc magistratus, cui patres eam provinciam decreverant, sollemne illud carmen: VELITIS, JUBEATIS QUIRITES, e sublimi recitabat, adjiciebatque formulam: IRE IN SUFFRAGIA, BENE JUVANTIBUS DIS, ET QUÆ PATRES CENSUERUNT, VOS JUBETE. Nihil jam dicam de discessione in centurias vel tribus, nihil de more transeundi per pontes, & vindices libertatis tabellas in cistam conjiciendi, nihil de diremptione suffragiorum, & missione populi, quæ omnia magno cum caerimoniarum adparatu, atque

ex formula fieri oportebat. Fingite jam, AUDITORES, exsonuisse tonitru, vel augurum dirum omen obnunciasse, vel denique aut fato quodam, aut magistratuum incuria quidquam ex majorum institutis fuisse prætermisum: vidissetis profecto illico diffluere populum, comitiaque, tanquam inauspicata, ac perniciofa reipublicæ, re infecta dirimi. Nam si, comitiis etiam pridem habitis, percrebesceret fama, eo tempore, quo cum populo agebatur, quemdam e populo correptum morbo Herculeo concidisse, vel quidquam actum esse contra auspicia: adeo nihil actum videbatur Romanis, ut sæpenumero consules præclari ac exempli recti domi militiæque, tantum quod vitio creati dicerentur, sese magistratu vel ultro vel inviti abdicarent. Dies me deficeret, HON. AUDITORES, si, quanta Romanis in sacris publicis ac privatis fuerit cærimoniarum ac verborum religio, copiosius explicare instituerem. Sed quid opus est verbis de re nemini vestrum incomperta? Quis Romanos, qui omnia ad rempublicam referebant, in imbuenda religionibus civitate cærimoniarum adparatum, qui maxime descendere ad animos, & ad rudem multitudinem Deorum metu continendam efficacissimus esse solet, prætermisisse crediderit? Quis sibi persuaserit, eos in sacris faciundis a ritibus formulisque abstinuisse, a quibus ne sagati quidem, & dum sub pellibus excubabant pro reipublica, abstinuerunt? Profecto non visi sibi essent Romani arma pia justaque sumsisse, nisi

nisi pater patratus, sacerdotio ac verbenis sacrosanctus, ad hostium fines res repetitum ivisset, speque frustratus, sollemni facta execratione, hastaque ferrata vel sanguinea præusta in fines infestosemissa, bellum in hostes cum horrore effudisset. Nec visa sibi esset Romana pubes bonis militare auspiciis, nisi, habito sollemniter delectu, in consulis verba rite ac religiose jurasset. In ipso porro bello administrando, non sine decore ritu conceptisque verbis vel aquilæ convelli efferrique, vel conclamari vasa, vel signa excubandi dari, vel denique milites aut oratione inflammari ad virtutem, aut redeuntes e prælio collaudari, ornari donis, increpari, ignominiaque notari solebant. Omitto hostes in deditionem acceptos & sub jugum missos, ista cum sociis fœdera, eos, qui vel hostem per fas & fidem deceperant, a patre patrato deditos, decretas ob bene gestam rempublicam supplicationes, ovationes, triumphos, quorum nihil apud Romanos sine anxia quadam rituum verborumque observatione poterat explicari. Quare aut magnopere fallor, aut expressissimam Romæ imaginem urbe extulerunt Pyrrhi Epirotæ caduceatores, qui interrogati a rege, quid de hostium sede sentirent? urbem sibi *TEMPLUM* visam esse profitebantur, vel ideo, opinor, quod in isto imperii domicilio non minus, quam in celeberrimo aliquo Deorum delubro, omnia ex formula rituque ac adparatu splendidissimo peragi animadvertissent.

§. VII.

Quam late in rebus privatis ac domesticis patuerit illa sollemnitatum verborumque religio, vel ex eo intelligimus, AUDITORES, quod ipse CICERO, cui ceteroquin & fumus Romæ igne alieno luculentior videbatur, exagitare non dubitet jureconsultos, utpote qui IN OMNI JURE CIVILI, RELICTA ÆQUITATE, VERBA TANTUM RETINUISSENT. Et sane, quid æquius existimes, quam servo ad consequendam libertatem solam domini sufficere benevolentiam? Ast non sufficere videbatur Romanis. Quando, impacto colapho, vindicta contigerat caput, quando, circumactio in gyrum homine, dominus recitaverat formulam: HUNC EGO HOMINEM LIBRUM ESSE Volo: quando denique magistratus, apud quem erat legis actio, liberum addixerat hominem, tum vero illico, ipsoque istius turbinis momento, exhibat Marcus, qui Dama paullo ante fuerat, mendax, vappa, lippus, non tressis agaso. Quid æquius credideris, quam licere patrifamilias sine verborum sollemnitatumque ambagibus liberos vel e sacris potestatemque sua dimittere, vel in alterius transcribere familiam? Nec licuit tamen apud Romanos. Nisi enim quinque cives interfuisent spectaculo, nisi antestatus præsentium auriculas traxisset, nisi, qui emtoris personam induerat, libram æneam numo aliquoties percussisset, addidissetque formulam: HUNC EGO HOMINEM EX JURE QUIRITIUM MEUM ESSE AJO.

ISQUE MIHI EMPTUS EST HOC AERE HAC AENE-
QUE LIBRA: postremo nisi ludicrae aliquot
intercessissent manumissiones, tantumdem
actum videbatur, ac si actum esset nihil.
Tanta scilicet Romae erat vis vindictae, tan-
ta conceptorum verborum efficientia, ut,
quemadmodum Circe virgula verbisque
Thessalis homines convertisse fingitur, sed
fingitur tantum: ita Romani vindicta for-
mulisque suis servos in homines liberos,
liberos in patresfamilias, hos in liberos
atque heredes suos repente atque e vesti-
gio commutarent.

§. VIII.

Aequissimum porro dixeris, pro jure le-
gitimo haberi ratumque esse oportere su-
premum sani hominis judicium. Quae enim
sanctior potest excogitari benefaciendi vo-
luntas, quam vel cogitantium de morte,
vel exigua in spe trahentium animam?
Quodnam dignius obsequio nostro judi-
cium est, quam quum, remotis utilitati-
bus, solum animo honestum obversatur,
quum mors omnem spem recipiendi bene-
ficii intercludit, & incorruptum judicem
mittit ad ferendam sententiam? Et tamen
in alia omnia ibant Romani, qui tot sol-
lemnitatibus ac formulis ultimum istum vi-
tae humanae actum implicaverant, ut data
opera, si non plausum, at risum in re fe-
ria excitare voluisse viderentur. Denuo ad
hunc mimum evocandi erant quinque cives
Romani, libripens, antestatus & fictitius
familiae emptor. Deinde, prolatis ceris:
quæ

quæ supremum testatoris iudicium complectebantur, opus videbatur sollemni illo carmine: HÆC UTI IN HIS CERIS SCRIPTA SUNT, ITA DO, ITA LEGO, ITA TESTOR, ITAQUE VOS, QUIRITES, TESTIMONIUM PRÆBITOTE. Si quid horum testator, aut pertæsus miseræ ac superstitiosæ diligentia, aut senectutis morbove vitio obliviosus omisisset: non videbatur voluisse, quod voluerat enixe, tantaque contentione animi, qua velle solent, qui velle in posterum nequeunt. Jam adituro hereditatem quanta sollicitudine regenda erat lingua, ne præcurreret mentem, aut formula caderet in recitandis verbis cutionis? Quanta verborum rituumque religio observanda, quoties nova nupta conveniebat in manum, & deducta domum, aqua & igne accipiebatur? Quot caeremoniis defungendum, si quis eandem, ubi jam amor refrixerat, a se vellet segregatam? Quamvis pane quotidiana Romæ essent matrimoniorum dissidia, feminæque etiam illustres annos non tam consulum, quam maritorum, numero computarent: nemo tamen priscis temporibus jure repudiatam credidisset uxorem, nisi vel tristissimum illud disfarreationis sacrificium intercessisset, vel remancipatio facta fuisset sollemniter, vel denique dicta causa, ademptis clavis, testibusque advocatis, libertus miseræ mulieri occentasset illatabile istud carmen: RES TUAS TIBI HABETO. Quid dicam de reliquis negotiis privatis? quid de contractibus? quid de sanctissimo illo,

quod proxime legum ac poenarum metum civitates regit, jurejurando? quibus omnibus Romani, perinde ac si nuda fides parum religionis mortalibus incuteret, formam ac sollemnitatem aliquam, tamquam splendidiorē vestem, circumdederant? Hinc nunciaturi novum opus, lapillum jactabant: interrupturi usucapionem, furculum defringebant ex arbore: vadi-
monium promittentes manus tollebant: daturi vel suscepturi mandatum, porrigebant dextram: pignus constituturi, eandem in pugnum comprimebant. Denique in jurecessionum, venditionum sub hasta, stipulationum, cautionum, acceptilationum tam scrupulose concipiendæ erant formulæ, ut is labor & eminentissima Mucii Scævola, Aquilii Galli, aliorumque summorum virorum ingenia fatigaret, nullaque re magis obnoxiam sibi plebem haberent principes civitatis, quam quod confluenti ad se ac limina summo mane obsidenti clientium turbæ formulas istas, e folio domestico, tamquam oraculo e tripode redderent.

§. IX.

Novus jam ac potentissimus campus, in quo se explicaret oratio, mihi in forum prodeunti aperiretur, AUDITORES, nisi promissæ brevitatis fides, quanto omnia transcursu dicenda sint, idemtidem admoneret. Quid enim in forensi illo strepitu actum, nisi sollemniter? quid vel a litigantibus, vel a Prætorē dictum, nisi ex formula? Pri-

omnium, quia ne temporum quidem oratio olim pervulgata erat: dies, quibus lege ageres fas esset, a pontificibus, tanquam a Chaldæis, petendi erant. Deinde adeundus aliquis ex iis, qui urbanam illam militiam respondendi, scribendi, cavendi, plenam sollicitudinis, ac stomachi sequebantur, ut, qua potissimum actione pulsare adversarium, qua exceptione alterius ictum declinare, qua sponsione alterum provocare expediat, ediceret. Denique ubi intra teli jactum ventum danda quam maxime erat opera, ut ministratum a jureconsultis telum non modo maxima vi, sed etiam ex artis formula, in jugulum adversarii defigeretur. Nam siue actor in jus vocaret reum, siue in jure ederet actionem, siue is, unde petebatur, exceptione se defenderet, siue uterque contestaretur litem: id omne fieri oportebat sollempniter, verbisque, quæ vel album prætoris, vel fori disciplina sufficiebat, conceptissimis, & cum tanta recitandis circumspectione, ut, qui formula ceciderat, ipsa causa cecidisse videretur. Quanta cura, ut alia omittam, vindiciæ postulabantur? Intenderat actor: FUNDUS, QUI EST IN AGRO, QUI SABINUS VOCATUR, EUM EGO EX JURE QUIRITUM MEUM ESSE AJO, INDE EGO TE EX JURE MANUS CONSERTUM VOCO. Is profecto, unde petebatur, nihil egisset, nisi tam loquaciter litigioso, uti eleganter CICERO vocat, reddidisset carmen sollempne: UNDE TU ME EX JURE MANUS CONSERTUM VOCASTI, INDE IBI EGO TE REVOCO. Quid

interea Prætor? Ne pulcrum se ac beatum putaret, atque aliquid ipse sua sponte loqueretur: ei quoque carmen compositum fuerat, cum ceteris rebus lepidum, tum vero in illo: SUIŒ UTRISQUE SUPERSTITIIBUS, PRÆSENTIBUS, ISTAM VIAM DICO. INITE VIAM. Hinc litigantes, sapiente, qui præsto erat, duce, iudicium iter faciebant per forum, quasi ituri in rem præsentem, & paullo post, audita e tribunali voce: REDITE VIAM, eodem duce redibant. Hoc vero confecto itinere, consertisque in speciem manibus, tum demum prætor, subito litigantium rem possideri æquius videretur, pro tribunali non sine formula decernebat. Tantæ molis erat, AUDITORES HONORATIS IMT, vindicias dare: tam operosum, possidenti servare possessionem, & exsequi edictum: QUI NEC VI, NEC CLAM, NEC PRECARIO POSSIDET, EI VINDICIAS DABO. Ut paucis me expediam, Romani magistratus, siue darent, dicerent, addicerent: siue lictorem lege agere, manus injicere, expedire secures, & supplicium more majorum sumere juberent, siue iudices vel recuperatores causam cognituros darent, semper erant sui similes, id est, rituum, quos a maioribus traditos acceperant, studiosissimi, verbisque sollemnibus ac compositis, tamquam glæbæ, adscripti.

§. X.

Animadvertisse vos arbitror, AUDITORES, veterem illam Romanorum jurisprudentiam
pu-

publicam æque ac privatam, totam prope-
modum fuisse formulariam, atque innume-
ris illigatam atque implicatam solemnitati-
bus. Id vero gentis prudentissimæ institu-
tum dici non potest, quam plerisque hoc
tempore videatur ridiculum, quam nuga-
torium, atque indignum incredibili illa at-
que omnium laudibus concelebrata Roma-
norum gravitate. Quare ut tota res eo
melius dijudicetur, operæ pretium est,
quænam sit istorum vetustatis contemtorum
oratio, cognoscere. Qui, quoniam hodie
sine hoc rituum ac formularum adparatu
& rempublicam rite administrari, consilia
salutaria capi, & bella cum hostium inter-
necione confici, & negotia quælibet in fo-
ro æque ac intra privatorum penates com-
mode explicari vident, facile in eam opi-
nionem prolabuntur, ut universum istud ri-
tuum mysterium, verborumque, quod vo-
cant, aucupium ridiculum ac supervacuum
fuisse arbitrentur. Quid autem reipublicæ
interfuit, inquiunt, & patres conscriptos,
sententiam dicturos, & magistratus, actus
cum populo, & ipsos, quibus maxi-
mam rerum molem permiserant, belli du-
ces, certis ritibus ac formulis adstringi?
Nam quibus artibus illa salutis publicæ tu-
tela, auctoritas putæ imperantium, vere com-
paretur, facili est ad intelligendum. Seve-
ritate moderata ita vitia, coercere, ut pæna
ad paucos: metus ad omnes perveniat: con-
stanter servare reipublicæ formam: magni-
tudinem imperiî fide, justitia, opibus, ar-
misque victricibus tueri: furores tribuni-

aios & plebis procellas voce ac viribus sustinere: ex arena denique capere consilium, & in minima quævis rerum momenta, quæ animos in spem aut metum impellunt, intentum esse: id vero est, quod & civibus, & sociis, & ipsis denique hostibus venerabilem reddit reipublicæ majestatem. Quibus omnibus quantum adversetur formularia illa superstitio, illi facile animadvertunt, qui, quam facile inter tædiosissimas sollemnitatum ac verborum moras sese subducatur rei bene gerendæ occasio, non ignorant. Quamobrem quemadmodum ipsi Romani, non eum quidem, qui sexcentis ritibus & compositis ab Evandri matre carminibus deos evocarat, sed qui, quid in fatis esset, sine ambagibus vere conjecerat, vatem judicabant optimum: ita & nobis, non qui ex formula, & quasi ex magistri præscripto, administrant rempublicam, sed qui utrique civitatum fortunæ consilia prudenter attemperant, bene videntur de universo humano genere mereri. Quam ridiculum porro ac nugatorium videtur, contractus, aliaque quotidiana negotia, quin ipsam urbanam illam ac forensē militiam certis ritibus ac formulis adstringere? Quasi non sit boni viri officium, & sine istis liberare fidem, &, quæ vel nutu pollicitus sit, religiose præstare. Quasi non satis in se molestia esset disceptatio forensis, nisi illis verborum sollemnitatumque ineptiis fieret molestior, & litigantes in foro, tamquam in scena, nimum agere juberentur. An vero minus ridiculum videtur, rem seriā agen-

agentes antestato opponere auriculam, vel
duce sapiente, ludicum iter per forum
facere, quam scissorem in cœna Trimal-
cionis ita ad symphoniam lacerare obso-
nium, ac si Darius hydraule cantante pu-
gnaret? Siccine tam vanum Romani judi-
carunt votum Catonis, forum murice ster-
ni optantis, ut tot ritibus ac inanibus ver-
borum conceptionibus lites traherent,
occasionemque suppeditarent caussidicis,
illo concessio sibi latrocinio, uti veterum
non nemo vocat, imperitam multitudi-
nem tanto diutius opprimendi? Quæ enim
alia patribus fuit omnia ista excogitandi
ratio, quam ut patricii, qui, teste POM-
PONIO nostro, in latenti retinebant hor-
ribile istud formularum secretum, univer-
sam plebem sibi haberent obnoxiam, eo-
rumque domus, ab omnibus, qui lege
agere, vel contrahere, vel testamen-
tum condere, vel paullo argutius liti-
gare vellent, tamquam communia civi-
tatis oracula, adirentur? Hinc sane tam
gravis principum civitatis virorum ira exar-
sit, quum Cn. Flavius cornicum oculos
configere, & singulis diebus ediscendos fa-
stos cum toto illo formularum adparatu
proponere non dubitasset. Hinc non mi-
nor invidiæ tempestas in Sex. Ælium Ca-
tum detonuit, nova jureconsultorum myste-
ria, post Flavianum istud sacrilegium re-
perta, & occultis exsignata notis iterum
enunciantem. Nihil enim patres, penes
quos tam diu lucrosa istius inanis scientiæ
possessio fuerat, magis in furorem ac ra-

biem egit, quam quod illorum duumviro-
rum opera effectum esset, ne ipsi, uti
olim, rebus omnibus civium interessent.
Id vero tunc momordit homines: id illis
bilem in ipsas nares excivit, quod evulga-
to illo secreto, non amplius turba consul-
tantium limina sua insideret, ne cives tam
frequentes, ut antea, confluerent ad pena-
res suos, formulas inde, tamquam fortes e
Phœbi cortina, petitori. Verum quid opus
est verbis, quum fraus pelluceat, eamque
ex ipsis Romanis viri maximi ac prudentis-
simi jam pridem deprehenderint? Cui enim
magis credendum, quam ipsi TULLIO, qui
totum illud formularum peculium rem par-
vam esse dicit, prope in singulis litteris &
verborum interpunctionibus occupatam, fu-
catam ineptiis, prudentiæ omnis inanem,
fraudis autem & stultitiæ plenissimam. Qui-
bus magis adsendendum, quam Constanti-
no Magno, Theodosio, & JUSTINIANO, qui
antiquas fabulas, & scrupulosam verborum
observationem, aucupatione verborum insi-
diantem, gravi oratione infectantur, quin
legibus prudenter scriptis ex republica, ex
foro, ex privatorum domibus, ipsaque ho-
minum memoria proscripterunt? Eat jam
aliquis, perfricat frontem, & verbosam il-
lam prudentiæ simulationem non dicemus
laude, sed patrociniò dignam iudicet, quam
& viri prudentissimi florente republica ri-
serunt, & meliore sæculo maximi principes
exploserunt, perpetuisque, quibus digna
erat, tenebris damnarunt.

§. XI.

Talis fere est, AUDITORES HONORATISSIMI, eorum, qui formulariam illam Romanorum jurisprudentiam rident atque exagitant, oratio. Quibus profecto nimium splenis oportet superesse, dum statim solvuntur in risum, ubi quid ea sollemnitate, cujus ipsi rationes sciunt cum ignarissimis, vident explicari. Qui, si cogitarent, quemadmodum Alcibiadis Sileni clausi ridiculam & monstrosam præ se tulisset speciem; aperti statim sacrum ac divinum quid ostendisse dicantur: ita pleraque veterum instituta primo adspectu ridicula atque inania adparere; considerata paullo accuratius, ac veluti reclusa prudentiam admirabilem demonstrare, magis fortasse risui in re seria temperarent. Quam difficile vero illicohibebunt risum, si ipsos Hebræos, divinitus institutos, vel fervorum, qui se in perpetuum dominis addixerant, auriculas clavo postea adfixisse, vel ejus, qui ad finis nuprias adspernabatur, calceum pede detractum retro projecisse, vel denique in libellis repudii scribendis, omnibusque præne non dicam sacris, sed civilibus negotiis, certas verborum formulas religiosissime servasse audiverint? Quam ægre tenebunt risum, quando ipsos Germanos, ferocem ac bellicosum populum, reges ac duces, concussis frameis electos impositosque scuto circumtulisse, uxores coemptione imaginaria quæsisisse, adoptasse per capillorum incisionem, res per festucam manu

emissam e suo in aliorum dominium transcripsisse, judiciaque cum magno formularum adparatu auspiciatos esse, intellexerint? Quicumque enim istud Romanorum institutum, tamquam ridiculum traducunt, facere nullo modo possunt, quin de divina & spectata rebus in omnibus Hebræorum ac majorum nostrorum gravitate ac sapientia non nihil eadem temeritate detrahant. Quantum autem in eo fallantur, & quam admirabilis veterum prudentia in illa rituum ac verborum religione, tamquam in exterfissimo quodam speculo, reluceat, ex iis, quæ dicturus sum, facile intelligetis.

§. XII.

Nam primum omnium, si hoc illis concederemus, posse rempublicam & sine adscititio isto formularum splendore cum laude administrari: non ex eo tamen efficeretur, quod isti volunt, inane ac ludicrum fuisse totum illud sollemnitatis studium, neque alio, quam ad decipiendam plebem, pertinuisse. Neque enim, quod hodie, hominibus magis principatui & strictiori, quæ ubique fere terrarum invaluit, imperandi rationi adsuets fieri potest, id & olim potuit, quum turbæ illi humili, quæ novarum rerum avida ad Romuli asylum perfugerat, reges & magistratus precario ferre imperarent. Ita profecto natura comparatum est, AUDITORES, ut homines, qui coaluerunt in civitatem, animo tamen plerumque sint a republica alienissimo. Nam
quum

quum bonum civem ita præculturum atque institutum esse oporteat, ut jussis imperantium pareat promte, ut ad utilitatem publicam omnes actiones omniaque consilia sua referat, ut denique nihil sibi bonum atque utile esse statuatur, nisi idem bonum ac salutare sit universæ reipublicæ: natura contra effrauit homines plerique adeo ad omnem licentiam feruntur, ut, si omnia agere suo arbitrio, si fræna impune mordere, suisque velificari commodis possint, tum demum sibi veræ libertatis dulcedinem percipere videantur. Ita vero natura formatum vulgus, cui, ut CORNELIUS TACITUS ait, privata tantum stimulatio, & vile decus publicum est, quomodo æquo animo ferret jugum, nisi quædam adversus rempublicam pietas ac veneratio arte in iis excitaretur? Et id quidem Romanorum erat consilium, quum domi ac foris omnia negotia publica decoro ritu verbisque ad majestatem compositis, explicanda judicarent, ut multitudo, quæ non delectu aut sapientia, sed impetu & temeritate ducitur, hac oculis offusa ceremoniarum religione ad concipiendam animo reipublicæ majestatem adduceretur. Quod quam feliciter sint consequuti, res ipsa deinde docuit. Sæpe enim plebem, tribuniciis furiis agitatam, sæpe maximos exercitus, quos nec pudor, nec metus suppliciorum, nec dicendi vis ac copia in officio continuerat, postea vel fascium aut aquilarum conspectus, vel supremum istud in re trepida senatusconsultum: DAREND

OPERAM COSS. NE QUID RESPUBLICA DETRIMENTI CAPERET, vel sollemne carmen: I LICTOR, COLLIGA MANUS, tamquam fulmen aliquod perterrituit. Quare tantum abest, ut ad inanem quamdam jactationem comparatum fuerit illud rituum ac formularum inventum, ut prudentiæ in eo eluceat artificium, quod dictis factisque in gerenda republica, splendorem ac decus quoddam conciliat. Cujus rei exemplum ipsa natura præbet, quæ suas dotes suaque opera partim nude, & quantum opus est, explicat, partim splendore quodam circumdata eleganter, & prout decet, ostentat. Perinde regia ista ac sublimis, quæ in republica administranda versatur, prudentia quasdam actiones suas ritibus ac verborum conceptionibus augustiores reddere conatur, & tanto id quidem magis, quia naturæ opera ultro & sua sponte vel ipsum naturæ nomen commendat; prudentia quadam arte ac disciplina, ut actiones suas civibus probet, & a vulgi malignitate vindicet, videtur indigere. Quamvis itaque, qui hæc omnia rident, dum severitatem, prudentiam, justitiam, eloquentiam, consilii promptitudinem viam ad veram auctoritatem ac majestatem imperii emunire contendunt, libentibus id nobis atque adprobantibus faciant, neque nos cuiquam concedamus, ut illa imperandi præsidia pluris quam nos fecisse, aut ea laude majore digna existimasse videatur: nescio tamen, cur his omnibus adversari putent formularum ac rituum observationem, & cur illa rei bene gerendæ

occa-

occasionem intercipi, sibi persuadeant. Quasi nulla harum virtutum eminuerint Romani veteres, aut formularum & sollemnitatum studium istis, ad hanc laudem contendentibus impedimento fuerit. Quasi, dum sollemnes quædam formulæ in senatu, aut comitiis recitabantur, interea processisset annus, & Hannibali occasio data fuisset, epulandi in Capitolio.

§. XIII.

Sed id nimirum illis quam maxime videtur ridiculum, quod contractus, aliaque negotia civilia, tot formulis ac sollemnitatibus adstricta fuerint a Romanis. Enimvero quod illis perridiculum est ac nugatorium: id nobis sapiente consilio instituisse videntur mortaliū cordatissimi. Eo enim prudenter consequebantur, ut nec sempiternis litibus tam necessaria civitatibus animorum ac voluntatum conjunctio distraheretur, nec multitudo legum, tamquam mole, obrueretur respublica.

§. XIV.

Quantum civitatum intersit, ut litibus fomenta, quoad ejus fieri possit, omnia subtrahantur, nemo, civili illa sapientia vel mediocriter imbutus, negabit. Lites enim, ubi ita sensim gliscunt in republica, ut nec tribunalia illis componendis sufficiant, primo domos, hinc gentes & familias, ac postremo ipsos ordines diffociare, ac in factiones reip. perniciosissimas distrahere solent.

lent. Jam vero cogitate vobiscum, AUDI-
TORES HONORATISSIMI, an non uber-
rimus litium proventus iis ex negotiis,
que vel ex unius vel duorum voluntate
ac consensione capiunt substantiam, suc-
crescat? Quum enim animi consilium ne-
que oculis, neque ullo alio sensu perci-
piatur: facile ii, quibus plus vafrifici,
quam fidei, est, perplexantur, & ingenio-
sa improbitate, quod gestum est, pervers-
tunt. Quid pactorum & contractuum reli-
gione sanctius? Et tamen alteruter paci-
fcentium sæpenumero negat, sibi umquam
negotium tam sollemne explicandi fuisse
consilium. Siccine, inquit, alter fructum
dolo suo capiet? An a me jure petet, quod
ego per jocum & animi causa, ut fieri so-
let, sponendi? Ergone homini liberali in
posterum non licebit joculari, quin jocus in
contractum transeat? Itaque maleferiatis
hominibus, ut conquiritur apud comicum
senex, pactum non pactum est, non pa-
ctum autem pactum, quod alteri lubet.
Quid supremis hominum judiciis venerabi-
lius? quidque æquius, quam ut exitum
habeat eorum voluntas, qui velle amplius
non possunt? Et tamen eodem obtentu,
quod vel ob dementiam testari non potue-
rint, vel ex animi sententia noluerint, mul-
torum olim testamenta impugnata ac per-
versa esse, nemo ignorat. Idemque in do-
nationibus, sponsalibus, aliisque pactioni-
bus contigit sæpissime. Nullum enim est
tam grave sanctumque inter homines ne-
gotium, quod non convellere consueverit.

innata

innata illa generi humano perfidia. Quid hic Romani? Sollemniter illi hæc omnia explicari volebant, ne quis ea serio atque ex animi sententia acta esse negaret, eaque exceptione frivola Prætori faceretur negotium. Non itaque Romani, qui fidem in negotiorum contractibus sanxerant, non putabant impium, si quis datam fidem non servasset, aut rem fidei suæ a moriente commissam non præstitisset: neque tamen actionem dabant, si quid sollemnitatum in hujusmodi negotiis fuisset prætermisum. At si conditurus testamentum, testes, libripendem, antestatum adhibuerat, & per omnia mancipationis ac nuncupationis ritum ac formulam observaverat: si in stipulationibus, cautionibus, acceptilationibus, novationibus alter alteri interroganti congrue atque ex formula responderat: nihil profecto causæ esse videbatur, cur quis serio vel testamentum conditum, vel contractum initum fuisse negaret, aut cur prætor eum litem ex lite serere, & fora ac basilicas inani clamore implere pateretur.

§. XV.

Accedit & altera non minus gravis atque idonea ratio, quæ Romanis ad excogitandos tot ritus ac formulas, quibus negotia civilia a civibus explicarentur, incitamento fuisse videtur. Existimabant enim, id quod res est, respublicas non eas quidem, in quibus quotidie gliscat legum multitudo, sed quæ quam paucissimis & sapienter inventis majorum institutis regantur,
dici

dici posse beatissimas. Præclare jam a PLATONE observatum est, quanto pluribus legum præceptis cives adstringantur, tanto uberiores esse solere vitiorum proventus: sicuti latissime ibi evagari soleat vis morbi, ubi medicis justo pluribus facultas detur artem salutarem faciendi. Et quid, quæso, aliud innumerabili aliarum super aliis cumularum legum multitudine efficitur, quam ut cives jus, quo reguntur, ex poenis, pretiosissima certe disciplina, addiscant? Quid aliud ea efficitur, quam ut & innocentissimus quisque incidat in leges, tamquam in laqueos, & ipsa jurisprudentia universa sibi fiat dissimilis, captiosa, incerta, ambigua? Quid ergo Romani? Ejurato regum nomine, quum leges, id est animam, deesse reipublicæ animadverterent: brevi illo duodecim tabularum ambitu universum jus ita complectebantur, ut carmen illud patrium ipsi pueri in scholis facile insingerent memoriæ, & idem tamen fons esset universi publici privatiq; juris. Ne autem pro cultissimo illo jurisprudentiæ hortulo horrida legum silva paullatim succresceret: non statim, si quando novum incideret negotium, distribuebant tabellas, & centurias tribusve in suffragia mittebant, novasque leges ferebant ad populum, sed ex ipsis decemviralibus tabulis modum rationemque illud explicandi prudenter comminiscabantur. Hinc quum nihil a decemviris de adoptione atque emancipatione liberorum cautum esset: an ideo statim edixerunt comitia, in quibus, quid ea de re vellent juberentque

Qui-

Quirites, dinumeratis suffragiis, explorarent? Minime vero. Quum enim intelligerent, licere patri per duodecim tabulas ter venundare filios, eaque, quæ in mancipio essent, nexu vel sollemni mancipationis ritu in alterius dominium transcribi posse: callide profecto statuebant, filium ter in speciem venditum, datumque mancipio, & rite in adoptionem alteri dari, &, si tertium accessisset manumissio, e sacris paternis exire posse. Paterfamilias uti legasset de re sua, ita jus fore, edixerant decemviri: neque tamen iidem rationem ac modum conficiendi testamenta ostenderant. Quid ergo Romani? An ideo statim tribuum colligebant suffragia? Minime veto. Quum enim leges de intestatorum successione privatorum voluntate non refigi, neque adeo supremis singulorum judiciis infringi mutarique posse viderentur: callide fingere maluerunt, familiam, tamquam rem mancipi, inter vivos per æs & libram transferri in familiæ emptorem, sub lege tamen secreta, quam in æris obsignatis expressam esse, testator præsentis sollemni nuncupationis carmine monebat. Quid dicam de nuptiis? Quum de earum ritu nihil in duodecim tabulis cautum legerent, & uxorem tamen, tamquam filiamfamilias & heredem suam, secundum jus patrum in maritorum manu & mancipio futuram esse, haut ignorarent: non absurde sibi colligere videbantur, præter confarreationis ritum, qui ad sacra gentilia ac domestica pertinebat, feminam & coemptione, & usucapione annua fieri matrem.

tremfamilias, eamque conjunctionem cum remancipatione tum usurpatione recte dissolvi ac distrahi posse. Ita fere omnes actiones legis atque actus legitimi e sagaci veterum jureconsultorum ingenio promanarunt. Quemadmodum enim sollertes atque elegantiae studiosi patresfamilias hortos bene cultos, & directis in quincuncem arborum ordinibus amoenos, quam arbuſtorum squallore opacos, habere malunt: ita illi viri prudentissimi magis e republica fore judicabant, unicuique duodecim tabularum legi plura interpretamenta ac formulas sollemnes, quasi perinſitionem, adjici, quam in immensum excrescere legum civilium multitudinem.

§. XVI.

Denique ne in foro quidem ac intra tribunalia inanis ac supervacua erat illa rituum ac verborum religio, quam profecto non ideo admiserant Romani, ut traherent lites, aut in re seria magno conatu maximas nugas agerent: sed partim ut lites inter cives eo citius terminarentur, partim ne quid vetusti moris temere viderentur abolere. Sæpe hodie ita instituuntur actiones, ut judex e longa, quam libelli loco accipit, fabula, quale negotium inter litigantes interceſſerit, quid ab actore intendatur, quidque ab eo potissimum probandum sit, vix perspiciat. Hinc nihil frequentius exceptionibus, quibus ab inepto, obscuro, aut incerto libello nomen inditum est. Hinc tot opus est judicis decretis

cretis atque interloquutionibus, antequam ad ipsam litis contestationem, id est, intra teli jactum perveniatur. At enim his omnibus æquo animo superfedebant Romani. Quid enim facilius, quam audire brevissimam actionis formulam: AJO, TE MIHI MUTUI NOMINE CENTUM DARE OPORTERE? Quid facilius, quam audire excipientem reum: ET EGO NEG0, NISI QUOD JAM SOLUTI SUNT. Quid facilius, quam operam dare actori, breviter replicandi: EGO VERO TE SOLVISSE NEG0, NISI QUOD IN ALIAM CAUSSAM SOLVISTI? Quid proclivius denique, quam & reo se dare, hac se tuenti duplicatione: ET EGO ME IN EAMDEM CAUSSAM SOLVISSE AJO. Unius horæ labor erat, statum totius causæ pervidere, & judicem dare cum formula: SI PARET, L. TITIUM L. SEJO CENTUM DARE OPORTERE, NISI IN EAMDEM CAUSSAM SOLUTUM ERIT, TU ILLUM IN CENTUM CONDEMNARE. Jam vero ad probationem res redierat, qua intra paucos dies peracta, lis sententia fiebat, exiguo temporis, multoque minore facultatum dispendio. Non itaque rituum ac formularum hoc vitium fuit, quod homines inter lites consenescebant, & dum jus suum in foro persequerentur, arbores, alteri sæculo profuturas, ferere viderentur. Neque illa sunt fomenta litium, ob quæ Cato forum murice stratum voluit. Tum demum infinitæ fieri cœperunt lites, quum innumeris principum constitutionibus juris antiqui fundamenta subverterentur, quum pro vetere jurisprudentia horrida quædam legum novarum silva
sup.

succresceret, quum denique ipsi Romani Pontifices, quorum ex legibus hodierna litigandi ratio ac disciplina forensis pæne tota profluxit, adscititia specie sanctitatis ac justitiæ illudere generi humano, atque oracula sua orbi pro legibus obtrudere cœpissent. Eos autem, qui jurisprudentiæ formulariæ hanc famam per orbem litterarium differunt, magnopere sua opinione falli, vel id unum argumento est, quod nusquam disceptationes forenses minus diuturnæ fuerunt, quam ubi omnia in judiciis sollemniter atque ex formula & dici & fieri oportuit.

§. XVII.

At enim, fluctuante inter patres & plebem republica, optimates isto formularum adparatu ad opprimendos cives abusi sunt. Quid tum vero? Utrum, si id factum esse fateamur, formularum id vitium fuisse, fatendum erit, an ipsorum hominum? Semper ea fabula acta est inter mortales, ut qui forenses illam militiam sequerentur, jurisque, quo cives regantur & ad agendum, & ad respondendum & ad cavendum aliis essent peritiores, imperitam multitudinem hac arte ad auctoritatem suam traderent. Neque nostris temporibus, quamvis illa verborum religio jam pridem evi-
luerit, in mundo esse desit tabularum natio, cui jurisperitia pro hamo est, quo miseræ plebis opes ac fortunas intercipiat. Quis vero tam iniquus est rerum æstimator, ut arti tribuat, quod hominum vitium est,

est, & ideo jurisprudentiam, quanta quanta est, ad evertendas civium fortunas comparatam esse contendat? Fuerint patres adversus plebem iniqui, fuerint dominandi cupidi, & hoc formularum inventum ad subjiciendam sibi multitudinem adhibuerint, at non diutius illis isthoc consilium processit, quam donec Cn. Flavius & Sex. Ælius, plebicolæ, & omnis auræ popularis captatores, totum istud mysterium enunciaissent. Et quid prohibuit, quo minus vel saltem ex eo tempore proscriberetur ista formularum ac sollemnitatum religio, si cives, divulgato secreto, non nisi inanem strepitum, aut quoddam verborum aucupium in eaprehenderint? Qui ipsi decemvirosum legislationi, ne quid indignum Romanorum gravitate ac foro occurreret, lege Æbutia in quibusdam capitibus derogare non dubitarunt; cur in civitate esse passi sint formulas & sollemnitates, numquam populi suffragiis jussas, numquam firmatas jurejurando, &, quod caput rei est, in se inanes, ludicras, & ad decipiendam plebem unice comparatas?

§. XVIII.

An tales, inquit, Ciceroni visæ sunt, viro in tantum laudando, in quantum divina propemodum eloquentia cum summa prudentia ac judicii acie conjuncta potest intelligi. Quasi vero a more ac consuetudine summi illius viri alienum sit, rem unamquamque, de qua dicendum erat, modo

do evehendo in cælum, modo ejusdem ludes, si res postularet, conterendo, sibi eloquentiæ famam eblandiri. Idem profectus ille CICERO, qui in oratione pro Muræna Serv. Sulpitii merita, ipsamque jurisprudentiam non sine bile deprimit, alio loco & illum togatæ militiæ antesignanum, & artem, qua enituit, tam magnifica oratione collaudat, ut ea in re, ingenium effecere quid possit, experiri voluisse videatur. Denique nec Constantini Theodosii & Justiniani judicia multum reformidamus. Formularum superstitionem illi insectantur; fateor: easdem insidiarum plenas ac aucupia veluti esse judicant; nec id nego. Quin ut eo sim liberalior, etiam hoc adjungo, nec imprudenter eos, nec injuste egisse, dum illam verborum rituumque observationem novis legibus ac constitutionibus sustulerunt. Neque tamen inde consequi arbitramur, ut inventum illud absurdum aut ridiculum fuerit. Quam multa veterum instituta sustulit jurisprudentia illa media, quam edictum perpetuum invexit? Quam multa legibus, plebiscitis, SCtis, ipsoque illo edicto perpetuo stabilita, imperatores, qui Antoninos sequuti sunt, constitutionibus suis mutarunt? Nonne isti, ut TERTULLIANUS ait, illam veterem & squalentem legum silvam, quæ a temporibus L. Corneliæ Sullæ potissimum succreverat, novis re-scriptorum & edictorum securibus quotidie cadebant? Et tamen nemo tam iniquus est rerum æstimator, ut illa omnia, quæ principes constitutionibus suis vel novarunt vel

plane sustulerunt, absurda, nugatoria, ridicula fuisse arbitretur. Quemadmodum videlicet non eadem vestimenta, quamvis pulcherrima in se, & auro purpuraque fulgentia, omnem ætatem ornant: ita nec omnia instituta omnesque leges omnibus reipubl. temporibus aut cuique statui conveniunt.

§. XIX.

Quod recte & sapienter provisum libera republica, non ideo utilitatem adferre potuit; postquam Augustus omnia discordia civili fessa nomine principis sub imperium accepit. In primis illa, quæ justam & consultissimam rationem habere videbantur, quum intra pomeria fere staret civitatis Romanæ honor, tum quoque pulchra ac decora erant, quum civitas iisdem fere terminis, quibus terrarum orbis, post illam Antonini Caracallæ constitutionem finiretur. Est ea popularis imperii natura, ut in minimis quoque rebus antiquæ consuetudinis momenta servanda videantur: nec abs re Alcibiades apud THUCYDIDEM judicat, tutissime agere cives, qui præsentibus contenti legibus ac moribus, quantumvis deterioribus, nihil temere in institutis patriis reipublicæ administratione mutare sustineant. Hinc tot fictionibus opus erat libera republica, totque formulis ac ritibus, quibus nova jura e vetustioribus, veluti rivulos ex fonte suo, derivarent. Iis autem opus non erat amplius, quum pacis interesset, omnem potestatem in principem conferri, neque discordantis reipublicæ aliud videretur esse remedium, quam si ab uno regeretur.

Tunc vero facilius & minore cum periculo figuntur & refiguntur leges: tunc non opus est comitiis; in quibus leges populi submittantur suffragiis: tunc nihil est, quam obrem fictionibus, formulis, ritibus indulgeatur, quum pro consuetissima ratione legis sit non iniqua principis voluntas. Æquo ergo animo hac jurisprudentia formularia carebant tempora Constantini, Theodosii, Justiniani, qua non facile caruissent Romuli nepotes, qui liberam viderant rempublicam. Neque ideo ridiculum ac Romanorum gravitate indignum judicandum est, quod extremis temporibus, quum jam prae consenuisset respublica, non amplius videbatur necessarium.

§. XX.

Multa dicenda supererant, AUDITORES HONORATISSIMI, nisi vestra abuti patientia, piaculum videretur. Quare jam id ago, quod vel maxime a me exigit hujus diei sollemnitatis, cujusque potissimum causa in hunc ambonem adscendi. Enimvero, dum me huic orationis parti accingo, nescio qui fiat, ut, quæ singula mei ordinis hominibus, novum auspicaturis munus, sollicitudinem quamdam injicere solent, ea se mihi hodierno die objiciant universa. Sive enim celeberrimam, ex qua discessi, academiam, sive hanc illustrem, in quam me contuli, honestioris doctrinæ officinam intueor: fieri profecto non potest, quin commovear aliquantulum, & veluti conturbari mihi fatear consiliorum rationes. Hala discessi,

AUDI.

AUDITORES, quæ inde jam ab academia suæ incunabulis orbem litterarium universum & splendore nominis, & admiratione complevit: quam tot doctrinæ lumina docendo scribendoque assidue illustrant, quo denique, tamquam ad celeberrimum sapientiæ mercatum frequentes undique confluant erectioris indolis juvenes, petitori inde melioris atque incorruptioris doctrinæ exemplum. Hujus ego almæ matris an unquam sine desiderio quodam reminiscar? An non subinde eo subtristis reflectam oculos, ubi & fortunarum sedem primum reperi, & publicis privatisque beneficiis dignitatem meam sæpius memini amplificatam? Fuerunt mihi ibi collegæ, qui meam industriam, & bene de re litteraria & jurisprudentia merendi studium mirifice probarunt: fuere amici, qui mea causa voluerunt omnia, meque non sine doloris ac desiderii significatione ex amplexibus suis dimiserunt: fuerunt auditores seduli, meique amantissimi, qui frequentes domum meam confluebant, tamque honorifice me prosequerentur abeuntem, ut viderer mihi eo die fructum antea vitæ capere uberrimum. Quapropter si Athenas istas Halenses mihi non minus dixero jucundas fuisse, quam illas Atticas T. Pomponio, quem præ Athenarum suavitate ipsius Romæ oblivio quodammodo ceperat: neminem quidem vestrum id miraturum arbitror, AUDITORES. Auget sollicitudinem celeberrimæ hujus academici conspectus, quamvis in se multo jucundissimus. Demandatum mihi hic

esse intelligo Antecessoris munus : habeo rationem , quid præpotentium Ordinum decreto acceperim : video , & in me conversos esse omnium oculos , idque a me jure exigì , ut jurisprudentiam non vulgari via , sed accuratissima ratione tradam , nihilque faciam reliqui , quod ad tuendam amplificandamque hujus illustris academix dignitatem quoquo modo pertinere videatur . Quæ omnia quantæ molis sint , quamque modicas vires ad id efficiendum mihi suffecerit natura , nemo me ipso intelligit accuratius . Quare quemadmodum Themistocli , capeßenti rempublicam , Miltiadis trophæa somnum excussisse dicuntur : ita mihi ab eo tempore , quo mihi hanc dignitatem decretam esse intellexi , dies noctesque obversantur VVISSNEBACHIORUM , HUBERORUM , NOODIORUM , ECKIORUM , SCHULTINGIORUM , VVESTENBERGIIORUM merita . Hæc me excitant adsidue : hæc , quid a me expectetur , idemtidem admonent : hæc & aliquando exterrēt , satis animadvertentem , in hoc stadio tot illustria ingenia non dicam exæquare passibus , sed vel pone subsequi , & eorum vestigia legere , multo esse difficillimum . Quæ quum ita sint , paullo commotior quidem suscipio hoc munus , quod mihi vestra , patriæ atque academix Patres , auctoritas imposuit : sed suscipio tamen , illudque cum tanto majore fiducia subeo , quo luculentius ex hoc rerum eventu plane inexpectato auguror , Dei immortalis id esse consilium , qui & olim semper rebus meis adfuit , & me

nihil

nihil tale cogitantem, jamque accinctum itineri Francofurtano, quo me potentissimus Prussiae Rex, honestissima proposita conditione, ad docendam jurisprudentiam evocaverat, in hanc provinciam pertraxit. Unde & certissimam spem concipio, ejus benignitatem nec hic sincero meo publicae utilitatis studio umquam defuturam.

§. XXI.

Vobis autem, patriae atque academiae Patres, qui me huc amplissima & splendidiore, quam ulli a multo tempore oblatam ferunt, conditione proposita, huc tam benigne evocastis, tantum me debere profiteor, ut si me totum vobis manciparem, viderer tamen mihi vix minimam officii mei partem adsequutus. Vos enim me, nulli vestrum cognitum, clementer & consentiente suffragio excivistis: vos me advenientem mirifica ac pæne inusitata excepistis humanitate: vos nihil, quod ad me ornandum recreandumque ex itinere molestissimo pertinere videbatur, prætermisistis. Quæ omnia tanti mihi sunt, viri illustres atque amplissimi, ut id unum mihi dolendum videatur, effecisse vos hac beneficentia vestra, ut ingrato mihi vivendum moriendumque videatur. Interea hæc summa benignitas vestra incitamento mihi erit perpetuo, nullum ut defugiam laborem, nullas ut mihi vigilias molestas existimem, quibus celeberrimo atque illustri huic Frisæ Lyceo utilitatem aliquam adferri posse intelligam. Adlaturum autem me aliquam confido, si vos,

exoptatissimi Collegæ, quibuscum divinum numen me jam arctius conjunxit, vestro me sublevabitis consilio, vestro incitabitis exemplo, vestro denique amore, cujus jam tot experimenta dedistis, me porro recreabitis. Vos itaque rogo & per communis academix salutem obtestor, ut me lubentes in collegium vestrum recipiatis, eoque complectamini amore, quo vos ego complector universos. Numquam in me vel fidem, vel, quæ ab amico proficisci possunt, officia, vel, qui a collega, amorem desiderabitis. Quemadmodum enim te, vir magnifice, qui jam ad academix nostræ clavum sedes, jam pridem absens absentem ob diffusissimam eruditionem ita admiratus sum, ut nihil jucundius mihi per omnem vitam futurum sit, quam si, ut olim Junium, juris & historiarum peritissimum, a Caji Gracchi amicitia, Gracchianum adpellatum esse, Plinius observat, sic mihi a tui amore HEMSTERHUYSIANI cognomen obtingeret: ita & vos omnes, conjunctissimi collegæ, quos mihi jampridem doctrina ac celebritas vestra venerabiles reddidit, maximi faciam, & feram in oculis, quavis re facilius me a vobis superari passurus, quam amore atque observantia. Decem illos, quos Halæ exegi, annos, nunquam me cum ullo collegarum in gratiam redire memini: ita colui omnes atque observavi, ut plerique me non sine desiderio quodam ex amplexibus suis dimiserint. Talem me hic quoque futurum, porrecta hac dextera, & candore
vere

vere Germanicò, vobis polliceor, spondeoque, uti formulà veteri utar, UTI INTER BONOS BENE AGIER OPORTET, numquam me commissurum, ut inter nos ulla sit, nisi honesta atque utilis huic academix æmulatio.

§. XXII.

Denique ad te mea se oratio convertit, spes futuræ ætatis, flos litteratissimæ lectissimæque inventutis, cujus ego conspectu jucundissimo mirifice me recreari sentio. Vestra res agitur, o mei: vobis & fertur, ut ille ait, & metitur: vobis hoc atque omne militabitur bellum, cujus causa hodie veluti sacramentum dixi. Videbitis me quotidie & ducis & commilitonis munere fungi, nullosque vestri causa labores ac lucubrationes defugere, quibus & viam vobis ad civilem illam sapientiam emuniam, & exemplo meo ad intensiorem diligentiam excitem. Vos mihi hanc vicem reddite, ut ametis vestri amatissimum, studioque & attentione vestra me vicissim reddatis alacriorem. Cogitate quæso, paucos esse, quos in academiis transigitis, annos, & ab illis tamen omnem vobis spem suspensam esse futuræ felicitatis. Ponite vobis ob oculos messem, quæ imminet, uberrimam, eamque sudore vestro dignissimam esse credite. Rationem inite, quam præclara illa sint, quibus vos destinarunt lacrymosa parentum vota, quidque a vobis patria, cui nati estis, jure quodam suo expectet. Sic enim vero speramus,

numquam vos e scholis nostris exituros, nisi doctiores, & solidiore jurisprudentiæ cognitione bona fide imbutos. Sic confidimus fore, ut e nostra vestraque diligentia utilitas ad hanc rempublicam redundet uberrima. Sic denique certo nobis pollicemur, illustrem hanc Franequeranam, tot celeberrimorum doctorum meritis, meaque qualicumque opera, pristinum servaturam splendorem, novisque amplificatam auctibus perennaturam, palladium Frisiæ, decus Belgii, orbis litterarii ornamentum.



DE VITIIS NEGOTIATIONIS COLLIBYSTICÆ VEL CAMBIALIS.

EXERCITATIO X.

C A P U T I.

De Natura & Indole Negotiationis Collybisticæ vel cambialis.

S U M M A R I A.

§. I. *Instituti ratio.* §. II. *Romani Argentarii & mensarii non fuere similes collybisticis hodiernis.* §. III. *Nec tamen permutatio pecunia localis veteribus fuit ignota.* §. IV. *Ea an fuerit cambium locale.* §. V. *Vera cambiorum origo.* §. VI. *Quid cambiare & cambium.* §. VII. *Huc non pertinet cambium minutum, sed locale.* §. VIII. *In eo quatuor persona concurrunt.* §. IX. *Possunt tamen & plures esse.* §. X. *Et pauciores.* §. XI. *Unde differentia inter cambia propria & trassatum.* §. XII. *Qualem contractum cambiantes ineant.* §. XIII. *Cambia nec pacta nuda sunt nec legitima.* §. XIV. *Nec contractus innominati.* §. XV. *Nec emptio venditio, locatio conductio, stipulatio, mandatum.* §. XVI. *Multi contractus ad conventiones juris civilis referri nequeunt.* §. XVII. *Cambia proxime accedunt ad obligationem literalem.*

Et §. XVIII.

§. XVIII. *Refelluntur argumenta contraria*,
Primum. §. XIX. *Secundum*. §. XX. *Tertium*
& quartum. §. XXI. *Quintum*. *Negotium cambiale proprie inter duas personas vertitur, reliqua vi mandati accedunt*. §. XXII. *Litterarum cambialium forma*. §. XXIII. *An & valuta facienda sit mentio*. §. XXIV. *Cambii definitio*.

§. I.

CUM omnem, quæ de re aliqua suscipitur, disputationem a definitione potissimum proficisci oportet: tum nobis imprimis, quibus de negotiationis collybisticæ, vel cambialis vitiis disserere animus est, id negotii datum credimus, ut quædam de ipsa hujus negotiationis natura atque indole præmittamus. Quemadmodum enim curva est linea, quæ a recta deviat: ita in negotiis moralibus ac civilibus id vitiosum habetur, quod ab eorum natura atque indole discedit. Et quemadmodum curvitas non intelligitur, nisi ab iis, qui veram recti ideam animo conceperunt: ita nec vitia negotiationis cambialis vel collybisticæ quisquam percipiet, nisi ejus naturam, & ut ita dicam, rectitudinem probe perspexerit. Nec vereor admodum, ne Iliada post tot Homeros scribere videar. Quamvis enim hoc negotium quotidie fatiget iudices, & tot essent de cambiis. Ictorum volumina, tot libelli & dissertationes, ut id argumentum jam pridem novitatis gratiam videatur exuisse: tamen, quum nec uberri-

mum

num post hanc messem defuturum videatur specilegium, non abs re erit, & nostram de tota re audire sententiam. Ea si forte ab aliorum sensu in quibusdam discrepet, vel eo nomine merebitur veniam, quod si usquam, certe in rebus, jure communi haud definitis, verum atque æquissimum esse debeat illud Labeonis nostri: *Suum quemque judicium habere.* SVET. August. Cap. LIV.

§. II.

Non autem jam vacat operosius inquirere in hujus negotiationis originem. Quamvis enim alii Belgis; alii Judæis; alii Longobardis ejus inventæ gloriam vindicent: nescio tamen, an ullum exstet certum earum sententiarum argumentum. Dicam tamen paucis, quod sentio. Jam Romanis non ignotos fuisse *argentarios* & *trapezitas*, vel ex jure nostro satis adparet. L. 4. L. 5. L. 6. L. 8. L. 9. L. 10. ff. de edendo. De eorum autem negotiatione quum erudite egerint Cujacius *Observ. lib. x. cap. 14.* & CLAUD. SALMAS. de *Usur. cap. xvii. p. 499.* tantum tamen abest, ut simile quid inter veterem illam & hodiernam negotiationem collybisticam reperiamus, ut potius ex Ciceronis *Orat. pro Flacco cap. xix. L. 24. §. 2. ff. de reb. aut. jud. poss. L. 18. ff. de hered. per. & l. 28. ff. de solut.* adpareat, argentariorum officium potissimum in pecunia sua & aliena fœnori locanda, rationibus conficiendis, pecunia trajectitia suo periculo credenda, item

in auctionibus, constituendo, similibusque constituisse. Equidem saepe permutabant pecuniam, & inde fit, ut & κάλυβος frequenter occurrat apud veteres & ἀργυρίᾱ ἀλλαγῇ apud JUL. POLL. in *Onomast.* VII. 30. sed eam vere veteres intelligunt pecuniæ permutationem, quæ fit apud mensam in continenti per varias numerorum species, quamque hodie Doctores *cambium reale* seu *manuale* vocare solent. Unde est, quod vocentur ἀργυροπράται Nov. CXXXVI. ἀργυρομοίβοι a SUIDA in hac voce, *argenti distractores* L. 27. C. de pign. L. pen. fin. C. de const. pec. argenti venditores L. 12. C. de coh. tal. Ex quo facile patet, ea veterum loca non pertinere ad *cambia localia*, *mercantilia*, seu *trajectitia*, quibus pecuniam uno loco numeratam alio loco & ab alio soluturos nos promittimus: quæ tamen sola cambiorum nomen proprie ferunt, adeoque etiam præcipue sunt dissertationis nostræ argumentum.

§. III.

Nihil itaque illam veterum artem collybisticam ad hodiernam negotiationem cambiale facere, inter omnes constat, idque etiam, qua fuit ingenii perspicacia, probe animadverteit maximum olim hujus Academicæ decus atque ornamentum, ULR. HUBER. *Præl. ad Pandect. lib. XVII. tit. 1. §. 12.* Enimvero is & locale vel trajectitium cambium non ignotum Romanis fuisse inter primos observavit. Et saepe CICERO ad *Atticum lib. XII. ep. 24.* de filio Athenis studiorum causa

com-

commorante: De Cicerone, inquit, tempus esse jam videtur. Sed quaro, quid illi opus erit Athenis, permutarine possit, an ipsi ferendum sit? Quærit itaque ex Attico Cicero, filiusne pecuniam ipse secum Athenas ferre debeat, an occasio sit permutandi videlicet, ut quam ipse Romæ solverit, ab alio filio Athenis reddatur? Similis est locus *Lib. XV. Ep. 13.* Cicero scripsit ad Tironem, sibi post Kal. Aprilis (sic enim annum tempus confici) nihil datum esse. Quare velim cures, ut PERMUTETUR Athenis, quod sit in annum sumtum: ei scilicet Eros numerabit. Ejus rei causa Tironem misi. Curabis igitur, & ad me, si quid tibi de eo videbitur, scribes. Volebat nimirum Cicero Pater Romæolvere, quod filio per permutationem Athenis redderetur. Adeoque nihil verius est, quam quod laudatissimo viro visum, esse hoc ipsum præsentis instituti cambium, quod dicitur, adeoque jam Romanis illud non ignotum fuisse.

§. IV.

Sed quamvis id extra omnem dubitationis aleam positum videatur, Romanos jam hoc modo permutasse pecuniam, adeoque manifesto allucinetur SCHILTERUS. *Exercitaz. xxxii. §. 9.* qui Romanis minus cognitum fuisse putat hoc permutationis genus, quia monetæ Romanorum per universum orbem Romanum æque valuerint, & major, quam apud nos, fuerit viarum publicarum securitas: pleraque tamen, quæ hodie ingrediuntur negotiationis collybisticæ essentiam, iis incomperta fuisse, satis adparet.

Eto

Hodie enim is contractus litteris, quas cambiales vocant, perficitur, ex quibus rite & ex formula præscriptis nascitur non solum obligatio strictissima, verum etiam actio reliquis omnibus rigidior & tam prompta cum exsequutione conjuncta, ut litteris agnitis, vel, ut loquuntur Pragmatici, recognitis nec exceptioni non numeratæ pecuniæ locus sit, nec alii altioris indaginis subterfugio, sed reus statim in custodiam mittatur, donec solverit. In his potissimum hodie cambialis negotiationis commodum consistit, & in his contractus ille abit a reliquis. Quum vero nihil tale, quod sciam, Romanis fuerit notum: permutasse quidem illos pecuniam & eo sensu locale cambium iniisse non inficior, sed ita tamen, ut illa permutatio cum cambiis hodiernis vix sit comparanda. Id quod jam vidit illustris Judicii Aulici Cæsarei Consiliarius BERGER *Supplem. Elect. process. Execut. lib. 1. posit. 7. p. 3.*

§. V.

Quæ quum ita sint, vero simillimum est, Romanos, Græcos & postea Venetos aliosque populos maritimos hoc compendio jam olim usos in trañciendis transcribendisque pecuniis: sed paullatim tamen Longobardos, qui tum in primis in exteris provinciis negotiabantur, formam huic negotiationi dedisse, quæ paullatim inter mercatores usu recepta publicis legibus demum probari, & ut sit, ubique fere terrarum ob insignem utilitatem in usum recipi cœpit. Saltim Longobardicum hoc esse inventum

tum vel ipsa vocabula in hoc negotio sollemnia ac veluti legitima satis evincunt, qualia sunt *trassa*, *valuta*, *indossamentum*, *adviso*, *conto*, *scontro*, *rescontro*, *giro*, *disconto*, *a lettera vista*, *a usu doppio uso*, *per honore di lettera*, *largetta*, *strettezza* & similia, quæ omnia transalpinam originem redolere, nemo non intelligit. Et inde est, quod, quum ne Carolus quidem du Fresne in diffuso illo *media Latinitatis Glossario* ex nullo Europæo scriptore de litteris cambiabilibus testimonium protulerit: earum tamen exempla jam sæculo XIV in Lombardia existent. Scitum enim Venetum: ejus ævi de cambiis servavit NIC. de PASSERIBUS *de scriptur. primat. lib. III. de litt. Camb. §. XVI.* & ipsarum litterarum hujusmodi exemplum eo sæculo habet BALDUS. *Consil. Volum. I. Conf. 348.*

§. VI.

Sed de his pauca quam incerta dicere malui. Potius de investiganda cambii definitione sollicitos nos esse oportebit, ex qua deinde eo facilius de ejus natura judicium facere licebit. *Cambire*, *Cambiare* & *Campsare* jam veteribus fuit permutare. In mundo nobis sunt Ennii, Columellæ, Sicuti Flacci, Apuleji Prisciani, Charisii aliorumque testimonia, quibus id demonstrare liceret, nisi jam GER. JO. VOSSIIUS *de Viriis Serm. lib. I. cap. 18*; ALCIAT. *Parerg. lib. I. cap. 45*. CAR. DU FRESNE in *Gloss. Med. & inf. Lat. Tom. I. p. 693. seq.* alique otium nobis fecissent. Inde medio ævo nata vocabula *pracambiare*, *cambiator*, *scambiator*, *cambizio*,

*campcio, cambitor, cambitus, cambium, camium, scamium, escambium, escambiator, scambiaria vel scampsaria charta, concambium, & alia complura, de quibus prolixè laudatus Car. du Fresne. Quemadmodum verò omnis agrorum rerumque permutatio tunc cambii nomine veniebat, eoque sensu & in consuetudinibus feudalibus. 1. F. 4. §. 2. 1. F. 22. § 5. F. 1. nec non in Jure Canonico C. 6. X. d. except. hoc vocabulum usurpatur: ita præcipue permutatio pecuniæ dici cœpit *cambium*, adeo, ut, si a Germanis & Belgis discesseris, ea denominatio pæne ad omnes gentes transferit. Sane a *Cambium* est Hispanorum & Italorum *Cambio*, Gallorum *change*, Anglorum *exchange*, adeoque non minus hæc vocabula innuunt, permutationem pecuniæ fieri, quam Germanorum *Wechsel* vel Belgarum *Wissel*.*

§. VII.

Permutatio autem pecuniæ, ut §. II. diximus, dupliciter potest fieri. Aut enim diversæ numorum species permutantur, e. g. numi aurei & argentei, aut permutatio ita fit, ut pro accepta pecunia idem in genere alio loco solvatur. Prioris permutationem vel ἀργυρίου ἀλλαγὴν jam a veteribus mensariis, τραπεζίταις, numulariis frequentissime factam fuisse vidimus? Et sane artem hujus generis collybisticam exercuisse videntur οἱ κολλυβιστὰὶ καὶ περματιστὰὶ, quos eversis mensis Templo Hierosolymitano eiecit Servator *Matth. xxi, 12. Marc. xi, 15. Jo. ii, 14.* quippe siclos sanctuarii numis usualibus permutantes. Posterius autem *cambium*

bium veteribus quidem non plane ignotum; sed hodierno tamen dissimile fuisse diximus. Illud *minutum* seu *mauiale*, hoc *locale* vocari observavimus. Vid. HEIDIG. *cap. 1. p. 2.* GRYPHIANDER *Oecon. Leg. lib. 1. cap. 26. n. 37.* Sed quum de illo agere jam non sit animus: in hujus tantum naturam erit inquirendum.

§. VIII.

Verum cambium locale negotium est; quod inter quatuor personas geritur. Est enim, qui pecuniam in loco contractus alteri numerat, ea lege, ut idem in genere alteri certo loco solvatur, isque *numerans*, & inter mercatores *der Herr des VVechsels Stat. Hamb. art. 11. der Geber des Geldes Ordin. camb. Pruss. art. 3. der Ausgeber des VVechsels &c.* Quemadmodum autem nihil interest, an remittens pecuniam vere numerarit, an alio modo satisfecerit, vel hic ejus fidem sequutus sit, itaque observandum, id, quod ipsi satisfactum, ratione finis vocari *remissam* vel *remessa*, quia in alium locum remittendum, RATH. de TURNI. *de Camb. Disp. 1. q. 1. n. 35. 3. 6. &*, quia simul ea summa alteri satisfactum, *valutam*. Unde formulæ cambiales: *valuta von ihm empfangen, valuta oder den VVerth verstanden, den VVerth allhier vergnugt &c.* SAVARY *Mercat. perf. Pars. 1. cap. 20. p. 152.* STIPMAN. *Jur. Maritim. & naut. Pars. IV. cap. 8. §. 58. sequent.* Est deinde in hac negotiatione, qui pecuniam a remittente numeratam ea lege accipit, ut data resse-
ra collybistica sc illam alio loco, & ab alio

alio soluturum, recipiat. Is inter collybistas TRASSANS dicitur, item *trahens*, der *Trassirer*, oder *VVechsler* & in *Ordinat. camb. nov. Hamb. art. X. & XI. der Geber des VVechsel-Briefes*. Quemadmodum vero ratione remittentis pecunia numerata remissa vel *valuta* nomine venit, ita ratione trassantis, adpellatur *Trassa* vel *Tratta*. SAM. STRYK. de *camb. litt. accept. cap. II. §. 3.* QUIN vero *trassans* litteras cambiales dare soleat: is, qui illas accipit, alio loco offerendas, vocatur PRÆSENTANS, item, *exactor*, der *procurant*, *Ordre-Haber*, *Inhaber des VVechsels*. Vid. *Ordinat. nova Hamb. art. XIV.* Denique is, qui mandato trassantis alibi solvit, eoque fine tesseram cambialem sibi oblatam acceptat, ideo vocatur ACCEPTANS der *Bezogene*, der *Betrockene*, der *Trassat*, vel, ut in *Ord. nov. camb. Hamb.* est, der *Bezahler*.

§. IX.

Has quatuor personas natura hujus negotii requirit. Posse tamen & plures & pauciores esse, res ipsa docet. Quum enim sæpe *præsentans* cambium alii cedat, vel saltem alium substituat, qui suo nomine exigat pecuniam, jam accedet quinta persona. Ea cessio vel mandatum vocatur *indossamentum*, veluti *opistographum*, quia dorso tesserae collybisticæ inscribi solet. Unde jam in medii ævi monumentis verba *indossare* & *redorsare* hoc sensu occurrere observat CAR. du FRESNE *Gloss. med. & inf. lat. T. II. p. 54.* ac vocabuli vim parum ad-

adsequuntur, qui illud latine vertunt *inductionem*. Indossatarius ille fit dominus cambialis schedulæ, si indossamentum fiat formula: *fur mich an Scaptium*, valuta *von demselben*: procurator autem, si ita fuerit scriptum: *fur mich an Scaptium, soll mir validiren*. Priore casu si *indossatus* iterum indosset, id est, sibi cessas litteras alii iterum cedat, facile fieri potest, ut sexta, imo & plures personæ interveniant, adeoque per multorum manus ambulet cambium, id quod proprie vocant *giro*, quamvis aliquando omne indossamentum ita adpellatur. Koenigk *ad Ord. camb. Lips.* §. xi. PET. MULLER. *ad STRUV. Synt. Jur. Civil. Exerc. xxv. th. 43. not. 8. n. 10.* Aliquando præter quatuor illas personas, & aliæ subscribunt cambio alieno, quæ tunc fidejussisse intelliguntur pro trassante, & æque ac trassans obligantur ad carceres, *capit. camb. Bonon. cap. xv. Vesunt. cap. xvii. Jus camp. Guelpherb. art. 11.* Id quod collybistæ vocant *avallum*. SAVARY *Negot. pers. Part. 1. Lib. 3. cap. 8.*

§. X.

Utî vero plures intervenire possunt personæ: ita & ad pauciores rem redire posse, eo minus dubitandum, quo magis constat, frequenter unum hominem duas personas sustinere. *L. 12. ff. de legat. 1.* Sane siingas, me Amstelodamo Hamburgum profecturum mercatori Amstelodamensi solvere trecentos, ab eoque accipere tesseram collybisticam, Hamburgensi mercatori

offe-

offerendam: tunc ego & remittentis & præsentantis personam sustinebo, adeoque inter tres homines geretur negotium. Siingas porro, mercatorem Amstelodamensem & Hamburgi tabernam habere, mihique eo proficiscenti dare litteras cambiales, institori suo offerendas: jam inter duos vere geritur negotium, quum mercator Amstelodamensis & trasset & a se ipso solvat, ego & remittentis & præsentantis personam sustineam. Vid. STIPMANN. *Jur. Marit. & naut. Part. IV. cap. 8. §. 25. seq. DU PUY de Art. list. camb. cap. IV. §. 19. 20.*

§. XI.

Et ex eo est, quod præter *trassata* cambia & alia inventa sunt, quæ vocant *propria*, *eigene VVechsel*, non quasi *κυρίως* & in sensu proprio cambiorum nomen mereantur, sed quod hic inter duas personas geratur negotium, & debitor ipse trassare & acceptare fingatur, adeoque ad *propriam personam*, ut loquuntur, litteras dirigat. Unde non errant, qui hæc cambia alio sensu *impropria* vocanda arbitrantur. Boenigke *Dig. in Ord. nat. redact. Lib. IV. tit. 29. n. 9.* Ratione enim materię non sunt cambia, quum pecunia alio loco ab alia persona non reddatur, sed vera chirographa, fôrma ac specie cambiorum palliata. Unde & in *Jur. camb. Austr. art. 47. & 54. cambia formalia formige VVechsel* & ab aliis palliata adpellantur. Et videntur sane hæc cambia sensim nata ex *cambiis siccis*. Quum enim omne usurarium lucrum a Pontifice damnaretur: reperti sunt ingeniosi ad fulmen illud aver-

averruncandum homines, qui a debitore exigenter tesseras collybisticas, ita in speciem conceptas, ac si alio loco solvenda esset pecunia, quum tamen vere redderetur in loco contractus, & usuræ tunc more cambiali accenserentur forti, vel *provisionis, lagio*, aliudque honestum nomen induerent. RAPH. de TURRI *de camb. Disp. 1. q. 29. n. 13. 14.* MVRQUARD. *de Jure Mercat. Lib. 11. cap. 12. n. 27.* Quum autem sensum illius de pravitate usurariæ sententiæ obliviscerentur mercatores: non amplius præ se ferebant contrahentes, pecuniam alio loco solutum iri, sed debitor ingenue confitebatur, se soluturum certo die, quia valutam rite acceperit. Et sic nata sunt cambia propria, de quibus jam agimus. Non otiosa videtur hæc observatio, ex qua jam facile reddideris rationem, cur hodiernum in his cambiis usuræ forti adgregentur, nec scribi soleat: *Auf diesen meinen sola VVechselsbrief zahle ich die summa von 100. Thaler nebst landublichen zinsen: sed: Auf diesen VVechsel-Brief zahle ich die summa von Thaler 105.* Nec minus ex eadem cambiorum origine manifestum est, cur ea non admittantur ubique, sed quibusdam legibus publicis proseribantur, quippe cambiis illis siccis succenturiata. *Jus camb. Austr. art. 54. Ordinat. Mercat. Ludovici XIV. Reg. Franc. tit. v. art. 27. Codex Leg. Dan. Lib. V. cap. 14. §. 19. Jus camb. Pruss. art. 34.* Sicubi tamen hujusmodi sanctiones non exstant: ibi iisdem privilegiis frui cambia propria & transata, ipsa docet experientia.

§. XII.

Haftenus de personis, quæ in negotiatione collybistica occurrunt. Proximum est, ut quale sit hoc negotium, quod inter eas intercedit, paullo accuratius investigemus. Qui omnia, etiam nova & Romanis incognita, ad juris civilis normam exigunt, acriter disputant, ad quod conventionis genus referenda sit pactio illa collybistica? Et sane quum in jure civili non habeat proprium explicationis locum, vix ullum est conventionis genus, ad quod non a quibusdam referatur. Aliis pactum nudum est, aliis legitimum; aliis contractus in-nominatus do ut des, vel do ut facias; aliis mutuum, aliis stipulatio, aliis mandatum habetur. Quorum omnium ita comparata sententia est, ut iis adstipulari vereantur, quicumque eam negotiationem adhibita in consilium ratione paullo accuratius expendunt. Vid. SCHILTER. *Exerc. XXXII.* §. 10. Excellent. D. BOHEMER *Introd. ad Jus Pandect.* Lib. XIX. tit. XIV. §. 7.

§. XIII.

Primo sane non video, quid causæ sit, ut vel pactis nudis vel legitimis accenseantur conventiones cambiales. Id discrimen jam pridem otiosum fuit in foris Europæ universæ, nec umquam accepimus Romani juris principium, pacta nuda non producere actionem, sed legitima & adjecta in continenti contractibus bonæ fidei. Romana hæc sunt, nec ad gentes originis Germanicæ pertinent, quibus semper in delictis fuit parcemia juris: ein. *VVare*, ein *VVort*;

VVort: ein Mann, ein Mann, HERT. *Paræm. Jur. Lib. 1. par. 8.* quæque jam olim vere gloriabantur, nullos morsalium armis aut fide ante Germanos esse. TACIT. *Annal. Lib. XIII. cap. 54.* Cur itaque pactum nudum vocemus cambium, quum nulla nobis sint legitima? Et cur legitimum, quum nuda non habeamus, quæ effectum a legitimis differant? Accedit, quod in negotio cambiali plus sit quam nuda promissio. Quis enim nescit, manus mercatorum hic plerumque esse oculatas? Quis ignorat, non temere ad transandum quemquam induci, nisi vel numerata sibi pecunia, vel alio modo satisfactum fuerit. (§. VIII.) Pactum autem esse conventionem sine nomine & causa, & hinc in nudis placiti vel conventionis finibus consistere, nec dupondii ignorant. L. 7. §. 1. 2. 4. ff. de pact. L. 27. C. de locat.

§. XIV.

Non minus rationem fugere existimo illos, qui ad contractum quemdam innominatum accedere existimant cambia. Quamvis enim eam sententiam tueantur MARQUARD. de *Jur. Mercat. Lib. III. cap. II. n. 48.* SAM. STRYK de *caut. contr. Sect. III. cap. 5. §. 7.* alique viri eruditissimi: non ausim tamen ego conventionem cambialem vel ad contractum *do ut des*, vel ad contractum *do ut facias* referre: Non ad illum, quia permutatio proprie est specierum, L. 5. §. 1. 2. ff. de *prescr. verb.* in hoc autem negotio utrinque pecunia vertitur. ULR. HUBER. *Prælect. ad Pand. Lib. XVII. tit. 1. §. 12.* Nec ad hunc, quia qui se promittit effecturum, ut solvatur,

plus

plus promittit, quam quod obligatio faciendi complectitur. *FRANK. Instit. Jur. camb. Lib. 1. Sect. 1. tit. 4. §. 11.* Accedit, quod, quum contractuum innominatorum ea sit indoles, ut eum, qui ex sua parte contractui satisfecit, poenitere possit, adeoque ei a contractu resilire liceat, quamdiu alter non praestitit, quod promiserat: *L. 3. §. 1. 2. & 3. L. 5. pr. ff. de condit. caus. dat. caus. non seq.* id secus se habeat in cambiis. Quamvis enim remittentem ante solutionem ab acceptante factam poeniteat, & hinc is per litteras acceptantem solvere prohibeat: nihilominus tamen solutionem jure exigit praesentans, nisi tantum procuratoris vice fungatur. *Ordinat. camb. Pruss. art. xxvi. Ord. camb. Hamb. art. xi. Ord. camb. Dantisc. art. xxv. HEYDIGER. Introd. ad Jus camb. cap. xiv. p. 136.*

§. XV.

Denique nec ex contractibus nominatis quisquam est, qui cambiali conventioni per omnia similis videatur. Non emtionem venditionem hic deprehendimus, quia pecunia non emimus pecuniam, nisi ea quodammodo rei fungibilis naturam exuerit, quale quid in numismatibus vetustis observamus. Nec magis locationem adpellare licebit conventionem, ubi non de usu rei vel operis praestandis, sed de pecunia alibi solvenda agitur. Stipulationem qui sibi reperisse videntur, eos ostendere oportebit, ubi terrarum istud jus vigeat, ut nullum sit cambium sine interrogatione & responsione congrua, quibus stipulatio vere
absol-

absolvitur. *L. 5. §. 1. ff. pr. Inst. de V. O. L. 1. §. 7. de O. & A.* Et qui fit quæso, ut cambia in emporiis contrahantur interventu proxenetarum, cum verborum obligatio non nisi inter præsentēs & loquētes contrahantur? *L. 1. §. 1. 2. ff. de V. O.* Speciosissima veroque simillima quidem est eorum sententia, qui mandatum merum in cambio sibi persuadent reperisse. Sane enim Titius mandat Mævio, ut Javoleno alio loco solvi jubeat 500. Mævius porro mandat Sempronio, ut Javoleno solvat. Titius mandat Javoleno, ut solutionem hanc exigat. Adeoque mandatum hic ubique pellucere videtur. HEYDIGER. *cap. 11. pag. 12.* LUBBEN. *de camb. thes. 12. 13.* Sed quod ad finē & simile videtur, id non statim idem est. Sane quum mandatum solo consensu contrahentium capiat substantiam, hic exigitur valuta, adeoque pecuniæ numeratio; exiguntur litteræ cambiales, quas ad naturam hujus negotiationis pertinere, paullo post demonstrabimus. Accedit, quod, quum mandatum contrahentium morte expiret: *L. 27. §. 3. L. 57. ff. mand.* id in cambiis aliter sese habeat, & heres trassantis promissum nihilominus præstare debeat. HEYDIG. *cap. VIII. p. 81.* SAM. STRYCK. *Diff. de Accept. Litter. camb. cap. IV. n. 40. 41.* Nec minus hic considerandum, quod, quum ex mandato una actio directa, altera contraria ad indemnitatem nascatur: *L. 3. §. 1. L. 12. §. 7. 9. l. 19. eod.* ex cambiali tamen negotio meras actiones directas oriri, jam ab aliis sit observatum, nisi quod contrariam mandati

concedere soleant acceptanti, qui jam solvit, adversus transantem, ad repetendum id, quod vi mandati expenderit. STRYCH. *de Action. cause investig. Sect. 1. memb. 7. §. 18. 19. 20. p. 148.*

§. XVI.

Non jam in alias inquiram sententias, ita quippe comparatas, ut veluti sua mole ruant. Potius dicam paucis, quid sententiam. Oleum & operam perdere illos existimo, qui omnia negotia hodie in vita civili obvia ad Juris Romani principia exigunt. Multa quolibet gens a majoribus veluti per manus tradita accepit: multa usum & necessitatibus exigentibus a posteris inventa sunt, de quibus Romani ne per somnium quidem cogitarunt. Tales sunt contractus *feudales, censuales, adsecurationum, vitalitii, socida, lotaria, & sexcenti alii*, de quibus confulto Papiniano, si revivisceret, fatendum foret, sibi jam de novo jus esse addiscendum. Otiose itaque quaerunt, ad quod contractuum Romanorum genus hujusmodi negotia referenda sint, quum & Romanis ignota fuerint, nec ad juris civilis principia sint attemperata. GER. GOTTL. *Tit. Jur. Priv. lib. IV. cap. 14. §. 1. 16. p. 522. 526.* Talis itaque contractus & cambialis est, quem SHETTERUS *l. c.* & STRYPMANUS *Jur. Marit. Part. IV. cap. 8. §. 42.* ad nulum contractuum Juris Civilis genus referri posse fatentur.

§. XVII.

Si tamen quis scire cupiat, cui contractui

Etui ille accedat quam proxime : adfirmare non dubito , eum esse litteralem , non quidem illum Romanum , a Justiniano inventum , sed singularem , & qui moribus præter jus civile invaluit . Id paucis demonstrare juvabit . Quemadmodum contractus veri & nominati re iniri dicuntur , qui rei traditione ; verbis , qui verborum sollemnitate ; consensu , qui solo in idem placitum consensu substantiam capiunt : ita litteralis dicitur contractus , qui litteris perficitur , ita ut nec obligatio prius , nec actio vel conditio ex chirographo nascatur , quam datis litteris . Iis enim conscriptis & alteri traditis statim alteri actio competit , non ob numeratam pecuniam , sed ob datas litteras . Unde nec quæritur , an , qui scripsit litteras , debeat , sed an scripserit litteras . §. *unic. Instit. h. r.* Potest quidem reus intra biennium uti exceptione non numeratæ pecuniæ , ejusque tunc id privilegium est , ut onus probandi in actorem devolvatur : *L. 3. C. de non num. pec.* sed ipso tamen jure ex solis litteris obligatus est reus . Alioquin enim non opus esset exceptione , jure civili tum demum opponenda , quando actio summo jure competit . *L. 10. C. pr. Instit. de except.* Jam hæc omnia cambio quadrare , nemo non intelligit . Non prius cambium dicitur contractum , quam datis litteris cambialibus . Iis acceptis , statim nascitur obligatio ad promissam pecuniam a tertio solvendam . Si solutio facta non fuerit , actio instituitur , & quidem non ex eo fundamento , quod translan-

ti numerata sit pecunia, adeoque vere debeat, sed quod cambium dederit. Hinc etiam in processu vel lite cambiali non ope-
 rose quæritur, an debeat reus, sed an cambium scripserit dederitque? Quin adeo in his litteris omne agendi fundamentum consistit, ut nec exceptio N. N. P. nec ulla alia admittatur, nisi in continenti demonstretur. LUDOV. *Process. Camb. cap. IV.* Quis itaque negaverit, ex solis litteris nasci obligationem, adeoque cambium vere esse contractum litteralem? quamvis non omnia hic observentur ad amissum, quæ Justinianum de contractu litterali anxisse novimus, quippe ad naturalia magis quam ad essentiam hujus contractus pertinentia. Sunt & alia, quæ hanc sententiam nostram mirifice confirmant, ex quibus vel unum videbimus. Notum est, tessera cambiali per indossamentum in alium translata, licet indossanti jam solutum sit, & trassatus ab illo acceperit instrumentum, quod vocant *einem Mortifications-Schein*: indossatus tamen indossatario nihilo minus solvere teneatur. Dominus de BERGER *Elect. process. exsequunt. §. LIII.* Hæc sane obligatio non aliunde quam ex litteris oritur. Quod prebe observans TITUS *Jur. Privat. lib. X. cap. 5. §. 53.* Ratio, inquit, harum assertionum ex eo repetenda videtur, quod jus cambiale ex litteris dependeat. Cui & celeberrimus JCtus, Dominus BOHMERUS, *Expos. de Action. Sect. II. cap. IX. §. 16.* In scriptis, inquit, necessario hic contractus est inveniendus, & EX SCRIPTURA vis obligandi nascitur, adeoque,
 si ve-

si verum fateri liceat, ad CONTRACTUS LITTERALES hoc negotium referri posset.

§. XVIII.

Sunt equidem, qui scriptura hic contrahi negant; sed argumentis, si quid video, non admodum firmis subnixa, & fluctus ferre moventes in simpulo. Primo enim ajunt scripturam magis ad naturalia, quam ad essentiam cambii, pertinere, & si aliunde probari possit, partes consensisse, nihil esse causæ, quare obligatio non contrahatur, & detur actio. SCAC. §. 1. *qu. 5. n. 10.* RHETIUS *de Versur. cap. 1. Thes. 10.* BOENIGK. *Digst. lib. IV. cap. 29. n. 9.* & alii. Enimvero, quamvis fateamur, & sine litteris hoc modo contrahi posse, nec negemus, ex solo hujusmodi promisso, *bey Kaufmanns-Parole*, nasci obligationem: illa tamen obligatio non est cambialis, sed ejus generis, quod ex omnibus conventionibus & pactis oritur. Actio autem cambialis, *die VVechsel-Klage*, tum demum competit, si litteræ cambiales vel tesseræ collybisticæ producantur in foro. Tunc demum parata est exsequutio illa promptissima, & arrestum, quod vocant personale, quibus cambiales lites a reliquis sejunguntur. VVILLENBERG. *de Except. dol. mal. in camb. cessant.* §. XVI.

§. XIX.

Deinde ajunt, si vel maxime litteræ interveniant, non tamen absclisse requiri schedulam

collybisticam, *ein VVechsel-Brief*, sed sufficere etiam simplex chirographum, vel nudam adsignationem. *FRANCK. Instit. Camb. lib. 1. Sect. 1. tit. 3. §. 14. p. 59.* Sed nec id evincit, cambialem obligationem non litteris iniri. Præterquam enim quod & chirographum in litteris existat: ipse quoque vir doctus agnoscit, non promptiorem ex chirographo vel adsignatione nasci actionem, quam ex aliis instrumentis, quæ guaranteegiata vocant pragmatiei. Atqui si hæc vera sunt, uti sunt verissima: quam elatissime fane patet, ex quocumque chirographo vel adsignatione actionem quidem dari, sed non cambialem, adeoque hanc ex folis litteris cambialibus nasci, & hinc rectissime hunc contractum dici litteralem.

§. XX.

FRANC. STEPMANNUS in Jure Marit. Pars. IV. cap. 8. §. 40. sequ. ideo scriptura cambia contrahi negat, quod non solvant, qui scripserit, & quia scriptum, sed alius, ad quem scriptum, & quod pecunia numerata sit. Sed neutrum horum verum arbitror. Non solvit equidem, qui scripsit cambium, actu physico: sed quum, quod quis per alium facit, id ipse fecisse videatur, nemo negaverit, eum in sensu juridico vere solvisse, qui ab alio solvit L. 56. L. 87. ff. de solut. Solvit sane per procuratorem, id est, per trassatum, cui solutionem mandavit. Et si hic non acceptat vel non solvit, interposita protestatione ipse trassans, qui cambium scripsit, ex
cam-

cambio convenitur & solvere cogitur: Nec magis deinde verum est: *ideo solvi, quod pecunia numerata sit*. Id enim si verum esset, nulla esset ratio, cur in cambiali processu non admittatur exceptio non numeratæ pecuniæ. Cur enim solvere cogar, quod me accepisse nego, si ideo ad solutionem obligor, quia accepi? Enimvero ita non ratiocinantur iudices. Solve, inquit, quia scripsisti, te solvere velle, solve, quia agnovisti, has litteras a te scriptas esse, solve, quia in istis fassus es, te debere. Tuam stoliditatem accusa, si pecunia non numerata tesseram cambialem dedisti. Omnia itaque redeunt ad litteras. Ex his solis omnis obligatio cambialis, ex his solis actio illa tam rigida nascitur: illæ solæ exceptiones omnes paullo altioris indagationis ipsamque exceptionem non numeratæ pecuniæ excludunt: manifesto indicio, totum contractum litteralem esse, & unico hoc niti obligationis fundamento.

§. XXI.

Neque nobis adversantur quatuor illæ personæ, inter quas cambiale negotium versari supra diximus. Quamvis enim alioquin contractus litteralis inter duas personas subsistat: quo minus tamen in cambio quatuor occurrant, nihil prohibet. In tota enim hac negotiatione contractus principalis a minus principali accurate est separandus. Ille inter remittentem & trassantem initur, eumque litteralem esse, jam satis demonstravimus. Reliquæ personæ acce-

dunt tamquam priorum mandatarii. Inter priores contractus perficitur: posteriores accedunt ad ejusdem consummationem, uti recte observavit vir doctissimus A. A. PAGENSTECHERUS *Admonit. ad Pand. Part. III. §. 133. p. 366.* Trassans mandat acceptanti, ut solvat. Remittens mandat præsentanti, ut pecuniam pro se accipiat. Et hinc inter remittentem & acceptantem nihil intercedit negotiis; acceptans non obligatur nisi ex acceptance, qua se mandatum & veluti trassantis personam suscipere delectaret. Ergo vi mandati tunc tenetur ad solutionem; aliquando & tamquam negotiorum gestor, si cambium ad se non directum *per honore di lettera* acceptarit. Ita & præsentans remittentis procurator est, sive in rem suam, si ipsi summa cessa sit, sive in rem alienam, si in remittentis gratiam exigere jussus sit. Quum itaque hæ personæ sint accessorix negotii, inter remittentem & trassantem contracti, id vero ex solis litteris cambialibus oriatur: non sane videtur dubitandum, quin tota illa negotiatio ad contractus litterales quam commodissime referatur.

§. XXII.

Quemadmodum autem litteris substantiam capit hic contractus: ita eas etiam verbis semel usu receptis conscriptas esse decet. Formulæ ubique occurrunt, unde iis immorari nolumus. Id vero observare visum est, quædam in iis esse supervacua, vel

veluti invocationem nominis divini, *Adio, Laus Deo*, repetitionem promissi in cambiis propriis, *leiste gute Zahlung nach VVechsel Styl, und nehme Gott zu hulfe*, valedictionem, *Gott zu Gnaden empfohlen*; quædam necessaria, ita ut omitti non possint nec debeant. Sic e. g. omnino mentio facienda cambii, sive explicite: *ich zahle auf diesen meinen VVechselbrief*, sive implicite: *ich zahle auf diesen meinen sola*, prima, secunda. Omnino exprimendum, quæ prima, secunda, tertia sit tessera, si priores datæ: *der Herr zahle auf diesen meinen secunda VVechselbrief, wann prima noch nicht bezahlt*: Memoranda est necessario summa solvenda, dies solutionis, genus pecuniæ. Denique res ipsa docet, nec subscriptionem nominis, nec notationem diei & consulem abesse debere. *FRANCE. Instit. Jur. camb. Lib. 1. sect. 1. tit. 8. Ordinac. camb. Elect. March. art. 1.*

§. XXIII.

Sed quæritur, an & *valuta* facienda sit mentio? Nos ita censemus. Acceptatis jam litteris nihil interest, valutæ meminerit trasfans nec ne. Solvere enim tenetur trasfatus, non quia trasfanti numerata est pecunia, sed quia acceptavit cambium, (§. XX.) adeoque hæc exceptio futura esset de jure tertii. *ZANGER de except. cap. XIV. n. 54. FRANC. Instit. Jur. camb. cap. 8. §. 9. LUDOVIC. Process. camb. cap. 11. §. 6.* At nondum acceptatis litteris omnino dispiciendum, quid singulorum locorum legibus

cautum. Sunt, quæ valutam exprimi jubent, eamque tam necessario requirunt, ut alias inde non dent actionem illam rigidam cambialem. *Capit. Vesunt. cap. xiv. Ordinat. Mercat. Ludovici XIV. Reg. Francor. tit. v. art. 1. Cod. Leg. Dan. Lib. v. cap. 14. art. 8. & 19. Ordin. camb. March. Magdeb. Guelpherb. Halberst. art. 1. Jus camb. Austr. art. 11.* Aliis locis non adeo necessaria judicatur, veluti in *Ord. camb. Lips. §. 3. & Brunsv. art. 28.* Tutius tamen est, & iis locis facere mentionem *valuta*, ubi illam non necessariam judicant leges publicæ, quia alias opposita non numeratæ pecuniæ exceptione reus omnino audiendus esset, modo probationem in se suscipere veller. *LUDOV. Process. camb. cap. xi. §. 29.* Unde eam semper utiliter exprimi, recte monuit Illustris Judicii Aulici Cæsarei Consiliarius de BERGER *Suppl. Elekt. Process. Exsec. rh. I. pos. 28. p. 11.*

§. XXIV.

Quæ quum ita sint, definitionem cambii localis & vere talis facili negotio reperiemus. Est enim cambium, uti hæctenus demonstratum, contractus litteralis, quo is, qui litteras cambiales dedit, certam pecuniæ summam, a remittente acceptam, & in litteris expressam, præsentanti alio loco & ab alio solvere obligatur. Muka addi hic possent de variis cambiorum generibus, de eorundem præsentatione & acceptance, denique de effectu cambiorum & rigido il-

lo agendi modo, qui in cambiis obtinet. Verum quum hic non institutiones juris cambialis meditemur, sed tantum quædam de negotiationis collybisticæ natura præmittere decreverimus: potius ad posterius dissertationis nostræ caput progredimur, daturi operam, ut, quæ vitia in hac negotiatione vitanda sint, breviter, at solide tamen, commonstreemus.

C A P U T II.

De Cambiorum Vitiis.

S U M M A R I A.

- §. I. Vitium quid sit? §. II. Est vel gravius vel levius. §. III. Vel proprium vel commune. §. IV. Alia cambia ipso jure tolluntur, alia per modum exceptionis. §. V. Unde hæc vitia? §. VI. Vitia ex persona conditione orta. §. VII. An minores cambiare possint? §. VIII. An famina? §. IX. An filii familias? §. X. Vitia litterarum cambialium, si falsata. §. XI. Si & cambium & subscriptio falsa. §. XII. Si cambium subpositivum, subscriptio autem recte se habeat. §. XIII. An tunc locus sit jurata diffensioni? §. XIV. Quid si in substantialibus aliquid mutatum? §. XV. Quid si falsum arguatur in die solutionis? §. XVI. Quid si in accidentalibus? §. XVII. Quis damnum ex falso cambio ferat? §. XVIII. Vitium cam-

bii ob correalem obligationem. §. XIX. Vitium ex forma litterarum cambialium. §. XX. An indossari adsignatio & inde actio cambialis institui possit? §. XXI. Viciosum cambium, in quo cambii non fit mentio. §. XXII. An & illud in quo valuta mentio non facta? §. XXIII. Quo casu inutile fiat iessera amissa cambium? §. XXIV. Item omissa protestatione. §. XXV. Quid si protestatio culpa mandatarii vel notarii omissa? §. XXVI. An omne cambium possit indossari? §. XXVII. Viciosum indossamentum in bianco. §. XXVIII. An Judaeus Christiano cedere possit indossamentum? §. XXIX. Quoties indossare licent? §. XXX. Indossamentum a decoctore factum vitiosum. §. XXXI. An Hamburgi vitiosum indossamentum inscio debitore factum? §. XXXII. Vitia cambiorum extrinsecus orta, veluti ex moratorio. §. XXXIII. Ex cessione bonorum & concursu. In qua classe creditores cambiales? §. XXXIV. Quadam leges creditores cambiales chirographariis praefereunt. §. XXXV. Praescriptio quomodo vitiet cambium? §. XXXVI. Conclusio dissertationis nostra.

§. L.

Perspecta cambiorum natura, non erit difficile, & vitia negotiationis collybiticæ intelligere. Quo vocabulo hic denotamus, quicquid negotiationem hanc infirmit, iisque efficientiam suam detrahit. Quamvis enim proprie vitium sit pravus animi habitus, qui veræ virtuti & perpetua illi ac constanti bene agendi voluntati oppo-

opponitur : non tamen novum est in jure nostro , ut id vocabulum & ad corpus & ad *negotia civilia* referatur. Sane in Edicto *Ædilitio vitium* accipitur pro morbo *L. 1. §. 7. ff. de Edict. Ædilit.* quamvis ab accuratioribus ita discernatur a morbo , ut hic sit temporalis corporis imbecillitas ; vitium autem perpetuum corporis impedimentum . *L. 101. §. 2. ff. de V. S. & ibi JO. GOED.* in *Commentario* luculentissimo p. 775. *GELL. Noct. Att. Lib. IV. cap. 2.* Quemadmodum vero personis vel animi vel corporis vitia tribuuntur : ita & rebus , tum physicis , tum moralibus. Sic res furtivæ & vi possessæ , quia usucapione adquiri nequeunt , *vitiosa* dicuntur . *L. 4. §. 6. L. 33. pr. §. 2. Instit. de usucap.* Regulæ juris dicuntur *vitiari* , quum perdunt officium suum . *L. 1. ff. de R. J.* Scripturæ quoque certis casibus feruntur *vitiari* *L. 94. ff. eod.* itemque actus legitimi , quibus & *vitium adferri* legimus . *L. 77. ff. eod.* Quin omnia , quæ nullius momenti sunt , *vitiosa* vocantur in *L. 29. L. 201. ff. eod.* quæ & inutilia adpellantur , *L. 201. eod. rubr. Inst. de inutil. stipul. & alibi passim.* Et hoc quidem postremo sensu & nos hic vocabulo utimur , ut vitium cambii nobis sit , quidquid negotium collybisticum reddit inutile , eique vim atque efficientiam penitus , vel ex parte detrahit .

§. II.

Ex qua definitione simul patet , duorum

generum esse hæc cambiorum vitia. Aut enim sunt *graviora*, & veluti morbi fontici, quia ita perimunt omnem obligationem, ut nulla inde actio, nulla exsequutio superfit, veluti si præscriptione plane expirent. Aut non quidem per omnem obligationem, sed tamen cambialem actionem extinguunt. Quæ vitia merito *leviora* appellamus. Luculentum ejus rei exemplum suppeditant *Leges cambiales Marchica art. 18. & Magdeburgica art. 24.* quibus cautum, ut cambia propria anno a die solutionis (*von dem Verfall-Tag*) circumacto, non retineant vim cambii, sed chirographi vulgaris: elapso septennio plane omni obligatione & virtute præventur (*solche veraltete Wechselbriefe sollen alsdann nicht weiter exigibel seyn.*) Ex iis itaque juribus septennis præscriptio gravis adfert vitium, annalis levius & quodammodo sanabile, quia saltem non omnis ex ejusmodi cambio actio extinguitur. Non incommode etiam vitia quædam ex *jure*, quædam ex *facto* oriri dixeris. Nam vel ideo reus non solvit, quia nullius momenti est cambium, e. gr. si præscriptione elanguit, vel, quia cogi ad solutionem nequit, quantumvis cambium sit perfectissimum, e. gr. si bonis lapsus fuga sibi consulat. Priori casu jus actorem destituit, posteriore impedimentum ex facto oritur.

§. III.

Deinde quum cambialis negotiatio multa cum aliis contractibus communia, quædam

dam etiam propria habeat: fieri sane non potest, quin & cambiorum vitia in communia & propria dividantur; quorum illa præter cambium omnes conventiones, hæc solum contractum collybisticum adficiunt. Sic sane nullum est dubium, quin cambia ab infante, furioso, mente capto data nullius momenti sint. At idem aliis quoque pactis & contractibus omnibus accidit. L. 40. ff. de R. J. L. 70. §. 4. ff. de fidejuss. L. 18. C. de jure delib. Unde facile patet, commune hoc esse vitium contractibus omnibus. At quando leges quædam cambiales virtutem cambialem detrahunt tesseris collybisticis mulierum, quæ mercaturam non exercent: LUDOV. Proc. Camb. cap. 1. §. 8. sequ. & Dissert. singul. de muliere cambiante, vel ministrorum Ecclesiæ, Mandat. Reg. Polon. anno 1711. apud Koenigkium, vel denique rusticorum & civium ex plebe ultima: Rescript. Friderici Duc. Saxo Goth. anno 1687. apud eundem Koenigk. p. 2. 48. vitia hæc sunt negotiationi collybistica propria, quum alias obligare se possint hæ personæ omnes, seque obligare soleant quotidie. L. 6. C. de revoc. don.

§. IV.

Quemadmodum porro aliæ etiam obligationes vel ipso jure tolluntur, vel per modum exceptionis: VINN. ad tit. Instit. Quib. mod. toll. oblig. ita idem contingit cambiis. Sunt vitia, quæ ipso jure omnem eorum obligationem perimunt, v. g. si summa im-

camb-

cambio non sit expressa, si subscriptio de-
 sit, si trassantem eo tempore impuberem,
 furiosum vel mente captum fuisse constet.
 Contra si recte se habeant omnia, & ta-
 men dolus malus trassantis, solutio, com-
 pensatio in continenti possint demonstrari:
 exceptionibus his cambium vitiabitur. Quo
 & restitutionem minorum referes. Eam enim
 nec in negotio collybistico denegare solent
 jura minoribus, si læsio probetur. *MEV. ad*
Jus Lubic. lib. 111. tit. 6. art. 21. n. 26. RE-
MER. de ver. obligat. valore. Sect. 11. cap. 13.
§. 14. nisi mercaturam exerceant. His enim
 solis omnem spem restitutionis intercludunt
 jura cambialia pleraque, modo vel annum
 ætatis vigesimum superarint. *Ord. Merc. Lu-*
dovici XIV. Reg. Franc. Tit. 1. articu. 6. Jus
Camb. Halberst. & Magdeburg. art. 5. vel vi-
gesimum primum, secundum. Guelpherb. art.
5. Brandeb. art. 5. Quamvis aliæ leges nul-
 lum plane annum definiant. *Jus Camb. Lips.*
§. 2. Dantiscan. art. 39.

§. V.

Denique ut aliæ aliorum morborum causæ
 sunt: ita & vitiorum cambialis nego-
 tiationis non omnium eadem origo est.
 Commodissime tamen ea vitia vel ex per-
 sonis contrahentibus, vel ex litteris cam-
 bialibus, vel ex earum presentatione & ces-
 sione seu indossamento, vel denique extrinse-
 cus ex aliis causis emergentibus derivan-
 tur. De quibus singulis pauca monere ju-
 vabit.

§. VI.

Quod ad personas attinet, earum condi-
 tio

tio non raro hanc negotiationem vitare videtur. Quum enim cambium sit contractus, & quidem talis, qui ad litteralem proxime accedit, nullum quidem dubium est, quin eadem hic valeant, quæ de reliquis conventionibus jura fanciunt, adeoque, quisquis potest acquirere, is & cambio sibi alium jure obstringat, & quicumque se valide obligat, is & cambium dare, eoque se aliis obstringere possit. *FRANCK. Instit. Jur. Camb. L. 1. Sect. II. tit. 9. §. 3.*

4. Attamen præter illas personas, quas pacisci posse vel non posse ex jure notum est, veluti furiosos, mente captos, infantes, prodigos, infantia & pubertati proximos, alia quoque sunt, quas leges vel patiuntur cambiare vel prohibent, quarumque cambia vel graviore vel leviori vitio laborare novimus.

§. VII.

Primo enim nullum est dubium, quin minores, qui sine curatore contrahunt, saltem secundum mores ubique receptos civiliter hodie haud obligentur, quamvis obligari omnino videantur jure Romano. *L. 101. ff. 43. ff. de V. O. HUBER. Praelect. ad Inst. de inut. stip. §. 11. sequent.* Quid vero de cambiis? an & illa vitiosa sunt, si a minore vel transantur vel acceptantur? Non hic per omnia conspirant diversarum provinciarum leges. Irrita hujusmodi cambia esse jubet *Jus Cambiale Guelpherb. art. 5.* & *Ordin. Camb. Hamburg. art. 49.* Id quod ideo procul dubio ita provisum in patria hac mea suavissima, quia
ibi

ibi anno decimo octavo elapso majorenes censentur adollescentes, *Stat. Hamb. Par. 1. tit. 8. art. 1. & tit. 9. art. 1.* ante quod tempus non temere mercaturam quis suis auspiciis exercere solet. Alibi fere distinguitur, mercaturam exerceant minores, nec ne. Priore casu alibi perinde effe[cen]setur, cujuscumque ætatis sint, qui negotiantur. Omnes enim promiscue rigori legum cambialium subicit *Jus Cam. Lips. §. 2. Dantiscanum art. 39. Pruss. art. 35. Vratislav. nov. art. 1. Austriac. art. 7.* At aliis locis paullo benignius agitur cum minoribus etiam negotiantibus. Sane in Marchia Brandenburgica & Ducatu Magdeburgensi jus commune & in cambiis servatur, adeoque illis sine curatorum consensu se valide non obligant minores. Id unum singulare est, quod ibi paullo citius majorenes censentur mercatores cambiantes, in Marchia nimirum anno XXI. in Ducatu Magdeburgico anno XX. elapso. *Jus camb. March. art. 6. Magdeb. art. 5.* Ubi nihil simile cautum: procul dubio servandum erit jus commune, quod minoribus, quocumque modo laxis, dat in integrum restitutionem, adeoque cambia minorum infirmat ac rescindit.

§. VIII.

Idem fere de feminis dicendum, quarum cambia facile vitiosa redduntur, & magnum detrimentum adferunt, si promiscue ab illis accipiantur. Distinguendum nimirum est, utrum se primario obliget
fe-

femina, an pro alio intercedat, v. g. cambium ab alio tractatum acceptando, mariti cambio subscribendo. Utroque casu denuo interest, mercatrix sit femina, an alterius conditionis. Si mercatrix sit, nullum est dubium, quin rigor is cambialis locum habeat, sive se primatio obligaverit, sive intercesserit pro alio. Nam quod ad prius attinet, omnia jura cambialia mercatricem cambiare permittunt. *Jus Camb. Lips. §. v. Jus camb. Austr. articuli. 7. Vtratisl. art. 2.* adeo, ut nonnullis locis, sufficere credatur, si uxor mariti negotiationi prae sit, quamvis suis auspiciis mercaturam non exercent. *Ordin. camb. Numburg. Pruss. §. 35. Dantiſc. §. 38.* Nec de posteriore potest dubitari, quum ubique vigeat ea consuetudo, ut mulieres mercatrices uti non possint beneficio SC. Vellejani, in rebus ad mercaturam spectantibus, HERING. *de ſu dejuss. cap. VII. num. 406. MEY. ad jus Lub. lib. I. tit. X. art. I. num. 76. STRYK. Vſ. Mod. Digest. lib. XVI. tit. I. §. 6. GROENEVV. ad pr. C. de SC. Vell.* quamvis in Frisia, ubi primum jus Romanum in foro regnat, aliter se rem habere doceat. Ictus celeberrimus ULR. HUBER. *Præl. ad Pand. tit. de SC. Vellej. §. 13.* At si mercaturam non exercent femina: dupliciter contingere potest, ut ejus cambium sit vitiosum & inutile. Primum, si femina intercedat pro aliis, cambium acceptet, mariti cambio subscribat. *LUDOV. Diff. de mul. camb. §. 14. RIVIN. Enunc. tit. I. Enunc. 16. pag. 149. 150.* deinde si leges provinciales vel statutariae mulieres.

lieres perpetuæ curatellæ subjiciant, & cambium sine curatorum subscriptione & consensu datum sit. Quemadmodum enim priore casu in promptu feminæ erit exceptio SC. Vellejani & *Authentica si qua mulier C. de SC. Vellej.* nisi his juribus ea, qua par est, sollemnitate renunciarit: KOENIGK. *ad Ord. Camb. Lips.* §. 2. not. 2. ita posteriore cambium nullius erit momenti. LUDOV. *dist. differt.* §. 16. & 24. *Jus camb. Numb. apud Koenigk. p. 243.* Pauca enim sunt leges cambiales, quæ promiscue omnes mulieres rigori juris Cambialis subjiciunt, veluti *Brunsvicensis artic. 16.* olim etiam *Marchica & Magdeburgica*, quas tamen novis rescriptis mutatas esse docet B. LUDOV. *Proc. camb. cap. 1. §. 10. 11.*

§. IX.

Præterea etiam cambium a filiofamilias trassatum vel acceptatum vitiosum habetur: si siccum adpareat, id est, si re ipsa sit cambium proprium, & tantum trassati speciem præ se ferat. Adeoque multo magis vitiosum erit ipsum cambium proprium, quod illo pallio vestitum non est. Ut enim prius vitium non semper incurrit in oculos, sed altioris indaginis habetur: ita posterius manifestum est, & ex ipsis litteris collybisticis statim patescit. Quis vero dubitet, quin sit mutuum palliatum, si filiofamilias proprio cambio se obstrinxerit? BERGER *Suppl. Process. Execut. ad thes. 50. §. 12. VIGT de Camb. thes. 5.* Quis dubitet, quin ita fraus facta SCto Macedoniano, eaque exceptio obsutura sit creditori, ex
can-

cambio agentis. *L. 3. §. 3. ff. L. 7. §. 3. ff. de SCt. Maced. REMER. de ver. obligat. valor. sect. II. cap. 13. §. 18.* Sane id adeo verum est in Saxonia, ut ibi ne juratum quidem cambium subsistat, quo se filiusfamilias obstrinxit. *BENED. NIER. DICEL. de Camb. trassatis §. 6.* Attamen quum & jure communi SCti Macedoniani exceptio cesset, si pater sciverit, filium negotiari, vel id ei permiserit, vel non nominatim prohibuerit. *L. 7. §. 11. ff. de SCt. Maced.* plerisque fere cambialibus legibus cautum est, ut isti exceptioni locus tantum sit adversus cambia filiorumfamilias, qui mercaturam non exercent. Mercatores enim etiam in patria potestate constitutos ex cambiis suis, sive trassatis, sive propriis, omnino obligari, fere ubique creditur. *Jus camb. Dantisc. art. 39. Marchic. art. 6. Magd. art. 6.*

§. X.

Vitia hæc, de quibus diximus, ex personarum qualitate resultant. Non pauciora ex ipsis litteris nascuntur, si stilo, quem vocant, cambiali repugnent, vel aliud quid iis accadat, quod doli suspicionem haud levem injiciat. Ut ab hoc postremo vitio ordiamur, illud in jure vocatur *falsum*, cujus tot sunt species, ut vel earum numerum finire videatur difficillimum. Quum enim ingeniosa esse soleat improbitas in eludendis legibus: quotidie fere nova se offerunt *Ερηματα*, callide excogitata; sed tanto digniora poenis, quanto sunt ingeniosius reperta. Nos tamen ea ita partimur, quod aliquando totum cambium fal-

falsum sit & supposititium, aliquando subscriptio recte se habeat, tessera autem collybistica *redditor* vitio laboret, aliquando aliquid vel additum vel erasum dicatur. Omnia hæc vitia sunt, & quidem fontica ac gravissima, sed tamen non omnia ejusdem effectus habentur.

§. XI.

Aliquando totum cambium supposititium & falsum esse dicitur, quod potissimum contingit, si falsarius alienam manum mentitur, & sic cambium supponit alteri, qui de eo numquam vel per somnium cogitavit. Nullum esse hujusmodi instrumentum nemo negaverit. *Leg. 20. C. de fid. instr. Nov. lxxiii. cap. 7.* At quum hæc fraus plerumque non pelluceat, adeoque vitium non semper sit visibile, sed altioris indaginis: quæritur, an statim is, qui negat, de hoc cambium scripsisse vel dedisse, ad juratam diffessionem admittendus sit? Idque sine dubio adfirmandum. Primo enim id commune habent processus exsequutivus & cambialis, ut reus aut recognoscere teneatur instrumentum totum, aut diffessione jurata elidere. Eaque electio ipsi adimi nequit, quando totum instrumentum falsum esse contendit. Deinde nec comparationi litterarum hic locus est, ubi fateatur reus litteras suis esse simillimas, sed suas tamen esse negat, quia id remedium tamquam altioris indaginis pertinet ad processum ordinarium, & tum demum habet
locum,

locum, si instrumenta producantur, ad probationem vel reprobationem, non, si exsequutive agatur. Suendendorff. *ad Fibig.* p. 739. num. 362. Adeoque nullius momenti erit hujusmodi cambium, si juret reus, *dass er es voder selbst geschrieben, oder unterschrieben, (vel acceptiret) noch durch andere schreiben oder unterschreiben (acceptiren) lassen, er sey auch die darinnen enthaltene Post Imploranten nicht schuldig.*

§. XII.

Paulo durior est rei conditio, si fateatur, suam esse subscriptionem, cambium autem ab aliena manu se inscio chartæ illitum esse. Cujus rei tristia exstant exempla. Retulit mihi Jctus eximius, Judæum produxisse cambium, cujus subscriptionem suam esse diffiteri non potuerit mercator, qui tamen statim ex lineis chartæ inductis ostenderit, chartam hanc se absente ex libro suo mercatorio, cujus primæ paginæ nomen suum inscripserit, esse evulsam & a Judæo callide huic negotio adhibitam. Sæpe etiam accidit, ut charta pura (ein Blanket) nomine alicujus signetur, eaque aliis destinata usibus, deinde improbus homo abutatur ad cambium alteri supponendum; maxime si non adscriptum sit, cui usui inservire debeat charta, e. g. *Blanket zur Vollmacht für Herren Mævium in meiner vor den Hamburgischen Gerichten obschwebenden Sache.* Hujusmodi quoque cambium nullius momenti esse, extra omnem dubi-

dubitationis aleam positum est: sed non æque expeditum, an & hic, ut superiore casu, reus promiscue ad juratam diffessionem admittatur?

§. XIII.

Mihi omnino distinguendum videtur, utrum nullum sit reo, nisi in negatione sua, præsidium, an in præsentī indicium aliquod falsi adsit, quod non injustam suspicionem possit excitare; qualia plura recenset EVERAD. *de fide instrum. cap. v. num. 54. sequ.* RULAND. *de Commissar. Part. II. Libr. 5. cap. 29.* MASCARD. *de Probat. Concl. 257.* Si prius: absolum esset, admittere reum ad iusjurandum, quum ita nihil proclivius futurum esset hominibus improbis, quam subscriptionem suam agnoscere, instrumenta negare, & creditori verba pro numis dare. LUDOV. *Proc. camb. cap. IX. §. 5. seq.* Quod & tunc dicendum, ubi quidem suspicionem falsi injicit reus, ejusve fundamentum adfert probabile, nec tamen id in continenti possit demonstrare. Hinc quum mercatori ex cambio Hamburgi die 7. Dec. scripto agenti a reo obverteretur exceptio falsi, ejusque fundamentum in eo poneretur, quod eo die Hamburgi non fuerit, idem refert DN. LUDOVICI *cap. IX. §. 7.* latam esse sententiam a Scabinis Lipsiensibus, *cambium habendum pro recognito, & summam 365. imperialium solvendam cum expensis, exceptionem autem rejiciendam esse in reconventionem.* Cujus sententiæ non alia erat ratio. quam quod fundamentum istud seu indicium falsi non statim

tim incurreret in oculos, sed altioris indaginis videretur. Contra quum VV. I. contra F. B. ageret, & ex cambio exgeret § 61. imperiales, reus autem objiceret, litteras istas cambiales se inscio esse inscriptas chartæ puræ (*einen Beanquet*) alii negotio destinatæ, idque in continenti ex eo demonstraret, quod sigillum impressum esset, quum id cambiis imprimi non soleat, itemque quod scribæ suo hujusmodi chartam puram alii negotio destinatam tunc temporis dederit: pronunciatum ab iisdem Scabinis, *a reo aut agnoscendum documentum, aut jurata diffensione elidendum esse*. Idem *ibid.* §. 6.

§. XIV.

Quoties aliquid additum aut erasum esse dicitur, denuo dispici solet, primum, an id in oculos quodammodo incurrat, adeoque in continenti possit demonstrari, nec ne; deinde, utrum in substantialibus, an in accidentalibus aliquid mutatum videatur. Ad substantiam imprimis summa vel pecuniæ debitæ quantitas pertinet, quæ ideo a cautiore & cifris & litteris exprimi solet, ut eo minus falsariorum artificio locus sit. Et tamen aliquando illa summa mutatur, maxime si notata tantum, non perscripta sit. Tunc quidem, si res quodammodo incurrit in oculos, vitiosum omnino censetur cambium, nec prius ex eo agi potest, quam ista falsi suspicio fuerit elisa. Falsi convicto actore, reus procul dubio ne jurato quidem diffitetur cambium, sed pure absolvitur merito. Exemplum ejus

rei luculentum est apud virum doctissimum Q. Sept. Florentem Rivinum *Specim. Except. forens. cap. ult. n. 4.* Ancilla quædam producebat cambium, ex eoque petebat 500. imperiales. Rei opponebant exceptionem falsi, quia ad oculum pateret, expressam initio fuisse summam 50. imperialium, postea autem additam nullam, atramento paulo nigriore. Quin ostendebant, duas nullas quodammodo esse delineatas, quamvis altera imperfecta sit, adeoque æque facile ex falso hoc instrumento 5000. quam 500. posse peti. Denique addebant, ne verosimile quidem fieri, ancillam domino tantam summam credere potuisse. Quum itaque priora indicia in oculos quodammodo incurrerent, pronunciatum a Scabinis Lipsiensibus, quod contra D. S. V. *actricem inquirendum sit de falso, & interea processus cambialis interquiescere debeat.* Male quidem eo tempore reis cessit illa inquisitio, actrice demum ad iurjurandum purgatorium admissa. Si tamen vel confessa vel convicta fuisset, procul dubio absolvendi fuissent rei.

§. XV.

Quid vero, si falsum non occurrat in loco suspecto, sed in aliis cambii partibus? Tunc nullam esse hujus exceptionis efficaciam omnes fatentur. FARINAC. *Part. VI. Quest. 153. n. 5. 36. 51. 71. MEV. Consil. 72. n. 6. 4.* Quod tamen cum grano salis videretur accipiendum. Si enim durior ea depravatione fiat rei conditio: nullum est idubium, quin idem obtineat, quod superiore paragrapho diximus. Sic e. gr. si ad
ocu-

oculum pateat, in cambio scriptum fuisse: *den 12. Maji 1727. zahle auf diesen meinen Sola VVechsel-Brief die Summa von 2600. Gulden & postea numerum anni ita mutatum: den 12. Maji 1726. zahle &c.* magnum reo præjudiciū adfertur, quum, antequam dies venit, conveniatur. Itaque existimaverim, æque hoc casu locum fore inquisitioni de falso, quiescente interim actione cambiali. Quamvis enim in loco minus suspecto mutatio facta dicatur: tamen jam superiori capite ostendimus, diem solutionis omnino ad substantiam cambii pertinere.

§. XVI.

Aliud dicendum, si in solis accidentalibus cambii partibus falsum occurrat, & reus inde nihil capiat detrimenti. Tunc enim reus condemnari solet, quia nec cambium a se datum negat, nec debitum inficiatur: contra actorem tamen merito decernitur inquisitio de falso. Elegans hanc in rem præjudiciū mecum communicavit Ictus eximius. Judæo Halberstädiensi a viro quodam illustri traditæ fuerant literæ cambiales super 275. imperialibus. Ex in numero singulari conceptæ fuerant: *den... zahel ich auf diesen meinen Sola VVechsel-Brief die Summa von Reichs-Thaler 275.* Iis autem præter debitorem principalem subscripserat C. C. E. quam subscriptionem jure cambiali loco *avalli* vel fidejussionis esse, supra jam monuimus. Judæus autem pro *ich* rescripserat *VVir*, pro *mein*, *unser* & in fine addiderat verba: *Unde vullen vvir in solidum dazu beyderseits verpflichtet seyn.* De-

bitore principali bonis lapso, cambium per notarium offerebatur fidejussori C. C. E. qui respondit, paratam quidem jam & sepositam fuisse pecuniam Judæo destinata, sed quum videat, litteras dolose esse depravatas: se ad solutionem haud obstrictum sibi videri. Causa in judicium deducta, absolvebatur C. C. E. reus, quia falsum tam erat manifestum, ut in oculos incurreret. Judæus nullitatis arguebat sententiam, actisque ad Ordinem JCtorum Halensium transmissis sequuta est sententia nomine Regis potentissimi concepta: *Nummehr aus den Acten soviel zu hefinden, daß Implorat die VVechsel-Schuld der 275. Reichshahler Einvvendens ungeachtet zu bezahlen schuldig. So viel aber das angegebene falsum betrifft, VVurde Implorat schvverren, daß in dem VVechsel Brief die Veränderung de VVorste, Ich und Mein, ohn sein VVissen vzurcklich geschehen, und die am Ende befindliche clausul eigenmacheiger VVeise dazu geschrieben vverden: so ist alsdenn unserm Fisco vvegen des begangenen falsi seine zustehende jura vvieder den Juden zu beobachten nochmalis billig aufzugeben. V. R. VV. Rationes dubitandi & decidendi, a nobis latinitate donatæ, tales erant. Quamvis Imploratus ideo, quod cambium in pluribus passibus mutatum ipsaque clausula, Und vollen vvir in solidum dazu beyderseits verpflichtet sey, se inscio inserta sit, existimet, se ob L. 2. 4. ff. de prob. neque ad recognoscendum documentum falsum & adulteratum, neque ad solvendos 275. imperiales*

les obstrictum esse; quamvis etiam Judæus, se conscio vel occasionem dante, hanc mutationem esse factam constanter neget, & urgeat contra, eam a famulo suo Aaron Samson ex imprudentia magis, quam dolose, factam oportere, & hinc ob nudam præsumptionem sine liquida probatione indicium falsi nullum adesse, ob quod a Procuratore fisci adcurari possit per *L. 14. C. de fals.*: Attamen quia Imploratus, quod cambium hoc ante hanc mutationem Judæo datum subscriptione sua firmarit, inficiari non potest: hujusmodi subscriptio autem cambii alieni secundum jura collybistica involvat avallum, vi cujus subscribens se cambii possessori legitimo ad solutionem jure cambiali exigendam obligat, reservato sibi adversus debitorem principalem regressu. *LUDOVICI Proc. camb. part. 123. §. 151. & Dispnt. de mul. camb. §. 29.* Quia etiam idem imploratus *sol. All. 4.* dum Notario dixit, paratum jam fuisse pecuniam Judæo destinata, veritatem hujus debiti cambialis non obscure agnovit. Quo casu sane iniquum esset, ob mutationem in cambio factam, & quam non factam esse, reipublicæ magis quam privati interest, summam debitamolvere detractari. Quia denique, quod ad falsum attinet, Judæi negationi soli non multum tribuendum, idque in se pæna dignissimum & a Procuratore Fisci omnino vindicandum videtur, maxime si in posterum causa cognita pateat, eum, qui cambium mutavit, clausula sub finem adscuta intea-

disse, ut C. C. E. loco fidejussoris fieret correus, eique regressus adversus debitorem principalem intercluderetur, ad quam inquisitionem tamen fiscalem nondum in promptu esse indicium legitimum, nisi Imploratus adserta sua jurejurando firmaret: non potuimus non, prout sententia præ se fert, judicare.

§. XVII.

Ita falsum vitiat vel non vitiat cambium, si quæstio incidit, summa solvenda sit nec ne? At quum quatuor personæ ordinarie intercedant in cambio trassato: alia inde nascitur quæstio, quis damnum inde emergens ferat? Sic potest sane contingere, ut Titius Mævio debeat mille, Javolenus falsarius offerat Titio cambium, quod Mævii nomen præfert, quoque Mævius jussisse fingitur, ut mille solvantur Javoleno. Cui quæso nummi pereunt? Cui, nisi domino? qualis hic fingitur Mævius, simul ac Titius bona fide solvit. Hinc solvens absolvendus procul dubio, sive falsarius totas litteras collybisticas præter subscriptionem confixerit, sive verarum possessionem nactus se pro præsentante gesserit, modo a solvente absit omnis fraudis suspicio, vel culpa plene vacet, neque ullius argui possit negligentia. *L. 13. C. mand. Ita judicatum refert SCACC. de Comm. & Camb. §. 11. Gloss. 5. n. 342. quocum jungi possunt SPERAND Negot. & Camps. Industr. p. 11. REMER. de ver. obligat. val. sect. II. cap. 13. §. 68. MEY. Decif. Part. v. Dec. 175. n. 6. Idem dicendum, si genuinas litteras deperditas falsarius in-*
vene-

venerit, & se pro præsentante in cambio gesserit, si & hoc casu solventi nulla culpa potest imputari. *FLECK. Bibl. Jur. Civ. cap. 14. lib. III. Tit. 5. n. 25.* quamvis hic non tam in litteris, quam in persona falsum reperiatur. Hæc de eo casu, ubi subscriptio vera Mævii adest, vel verum cambium ab eo datum in falsarii manus incidit. Quod si contra falsarius trassanti plane subjecerit cambium, vel ejus nomen finxerit: acceptans suo periculo solvit, nec adversus trassantem, sed adversus falsarium habet regressum. *HEYDIG. cap. 14. p. 127:* Nec interesse videtur, falsum sit apertum, & in oculos incurrat, an artificiosius & parum manifestum. Nulla enim ratio est, cur vel remittens vel trassans damnum ferat, quum neuter cum solvente contraxerit, neque umquam eum solvere jusserit. *L. 34. §. 4. ff. de solut.*

§. XVIII.

Aliquando porro vitiosa fiunt cambia, quibus correalis obligatio introducitur, si correi non omnes subscripserint, & alia persona accesserit, quæ non eo animo subscripsit, ut obligaretur, sed ut satisfaceret officio. Dubitatio tunc nasci solet, an id vitium sit ita comparatum, ut avertat cambii recognitionem? Denuo respondendum, huic exceptioni in processu cambiali locum non esse, nisi vel in oculos incurrat vitium, vel reus præsumptione haud levi adjuvetur. Eidem, quem paullo ante laudavi, viro doctissimo acceptum fero casum, ex quo, quid mulieris possit cal-

l'editas, intelligitur. Mulier quædam satis, ut tum videbatur, opulenta; A. E. K. a D. S. aliquot millia mutua acceperat, & pacta fuerat cum creditore, se & cambium proprium daturam, & a duobus filiis majorennibus I. V. K. & A. K. impetraturam, ut tanquam correi se obligarent. Conciiebatur itaque cambium nomine trium correorum: *Kunfftig-zahlen vuir drey vor einen, einer vor drey und also in solidum die Summa*: subscribebat filius natu major I. V. K. quum autem, ut supra diximus, in ducatu Magdeburgico mulier, quæ non exercet mercaturam, curatorem adhibere teneatur: mittebat litteras ad curatorem suum N. S. qui & ipse subscribebat hac formula: *N. S. curatorio nomine der Fr. A. E. B. vervvittetveter* K. Eo facto cambium tradebatur D. S. cujus filiam filius natu minor A. K. paullo post uxorem ducebat. Tantum vero abest, ut & is subscriberet, ut potius D. S. cambium hoc indoffaret, & post ea tota illa familia debitorix bonis laberetur. Indoffatarius itaque actione cambiali pulsabat Curatorem S. tanquam corream, qui ab inculto J. Crum Halensium Ordine petebat consilium, an exceptione tutus sit adversus indoffatarium? Et sane si dicendum, quod res est, vix dubitandum videtur, quin ad recognoscendum condemnari potuerit reus. Cambium enim diserte mentionem faciebat trium correorum: tres autem subscripserant, A. E. K. I. V. K. N. S. Deinde quamvis N. S. adscripsisset, se subscribere curatorio nomine *der A. E. K.* nihil tamen novi videbatur, cum-

dem

dem & tamquam curatorem, & tamquam correum subscribere. Denique exceptio rei in eo consistebat, quod tertii correi subscriptio dolo vel matris vel creditoris D. S. tamquam foci ejus, fuerit omissa. Sed hoc non constabat ex cambio, adeoque altioris indaginis videbatur. At non leves tamen doli erant præsuntiones. N. S. enim subscripserat curatorio nomine, idque expresse adjecerat nomini suo: correalis autem obligatio non præsuntitur, si alia obstat præsuntio fortior. Deinde acceptatio facta erat his verbis: *An uns A. E. K. & L. V. K.* Curator autem cambium non simul acceptaverat, ex eoque videbatur manifestissimum, illum non tamquam correum, sed ex officio tamquam curatorem subscripsisse. FRANK. *Inst. Jur. Camb. lib. II. Sect. IV. tit. 4. §. 4.* BERGER. *Elect. Discept. for. Tom. I. p. 801.* Denique illum Ordinem consultissimum non parum movebant præsuntiones, contra D. S. tertii correi focerum, ipsamque ejus matrem A. E. K. militantes, cui ex re lautissima intra breve tempus nec res nec fides supererat. Et hinc non dubitavit tum pro Curatore respondere. Quem vero eventum res habuerit, nescio: nisi quod & indossatarius postea idem fatum expertus & bonis fere lapsus, paullo segnius rem dicatur urfisse.

§. XIX.

Quæ hætenus exsequuti sumus, vitia fere ad falsi crimen vel stellionatum referas. Sunt tamen & alia, quæ ex ipsa litterarum formula & conceptione resultant. Sane aliquando creditor vel indossatarius existimat, sibi in

manu esse cambium, quum nonnisi assignationem possideat. Ejus vero natura a cambio quam diversissima est, quum in eo tantum consistat, ut unus mandet duobus, alteri, ut suo nomine solvat, alteri, ut ab hoc accipiat. *L. 27. §. 2. ff. de legat. 3. STENGER. de Assignat. merc. §. 1.* Unde primus, qui mandat, vocatur *assignans*, *der Assignant*, *der Ausgeber*. *STENGER. ibid. p. 3.* alter, qui pecuniam accipit, *Assignatarius*, *der Inhaber*. *STRYK. Diff. de jure assignat. inter mercat. in Usu Digest. tit. de hered. vel alt. vend. §. 29.* & is denique, qui solvit, *assignatus* vocari solet. *Ord. Camb. Dantisc. art. 1.* Ea vero tota a cambio differt. Nec enim assignatio assignantem liberat, quamvis ab assignatario acceptata. *FRANCK. Inst. Jur. Camb. lib. 1. Sect. III. tit. 9. §. 9.* & semel facta potest revocari, nisi assignatarius assignantis creditor sit. *STRYK. l. c. §. 51.* nec denique rigori actionis cambialis subjecta est, nec aliis cambii effectibus gaudet.

§. XX.

Bellissimam speciem idem, quem saepe laudavi, vir doctus mihi subministravit. Mercator in Lusatia G. Q. alteri C. B. litteras dederat, quibus D. Q. mercatorem Uratislavensem jusserat solvere. Hæ tales erant:

*Zwey Monath nac dato geliebe Herr D: Q. in
Brestau gegen diese meine assignation ohne
acceptation an Herrn C. B. oder Ordre
Reichsthaler 800. zu bezahlen. Es soll mich
validiren. Lobau, den 18. Mart. 1719.*

reht. 800. in 7. & 17. X.

G. Q.

Paul

Paullo post C. B. assignatario bonis lapsio, assignans assignatum D. Q. per litteras solvere vetuerat. Decoctor tamen C. B. interea hanc assignationem indoffaverat in bianco. Unde I. G. v. VV. tanquam indoffatarius, illam veluti cambium Assignato obtulit, & repulsam passus protestationem interposuit, ac denique actionem cambialein adversus Assignantem G. Q. instituit. Quærebatur, an locus esset actioni cambiali, & an exclusis exceptionibus, litis ingressum impediens, reus ad recognoscendam illam chartam esset obstrictus? Idque rationibus solidissimis suffultus negabat inclitus Jctorum Hal. Ordo, quorum responsum operæ pretium fuerit integrum inferere: Ob
nun wohl 1. die Rechte vermögen, daß bey contracten die in loco contractus oblich Rechte zu beobachten, welches allhier aus dem fundament, quod ibi quis contraxisse videatur, ubi solutio faciend.

L. 21. ff. de O. & A.

Colleg. Arg. ad tit. ff. de jud. n. 2. 31.

die Stad Breslau zu seyn scheint, als vvol selbst die assignirten 800. Reichsthaler vermöge der ausgestellten assignation bezahlet vverden sollen. Und aber 2. dasige VVechsel-Ordnung de anno 1716. art. 37. ausdrücklich disponiret, daß vwegen aufgestellter assignationen bey nicht erfolgter zahlung nach VVechsel-Gebrauch verfahren vverden solle. Hiernächst auch 3. in solchen fallen durchgehends gewöhnlich und der praxi gemas ist, daß der Innhaber eines auf ihn indoffirten VVechselbriefes, wann derselbe vwegen nicht erfolgter zahlung

protestiret vworden, seinen regress nicht allein an den Indossanten, sondern auch an den Aufgeber nehmen, und insonderheit in dem Fall, da iener nicht mehr solvendo, sich sogleich an diesen halten könne.

Ord. Camb. VVratisl. art. 2. 3.

KOENIGK. Ammerck. zur Leipz. VVechsel.

Ordin. §. 19. n. 2.

Welches allhier um so vielmehr scheint statt zu finden, da 4, die richtige Bezahlung der valuta durch die clausul: Es soll mich validiren, in der assignation selbst scheint zugestanden zu werden. Zudem auch 5. die assignation nicht nur an C. B. sondern auch an dessen ordre gerichtet ist, und daher ienem freygestanden, dieselbe weiter zu indossiren, mithin deren Eigenthum an einen andern zu übertragen.

Sanary Parfait negotiant. P. 1. L. 3.

C. 5. p. 123. 181.

Welches Indossement so dann die VVirckung hat, daß Indossatarius sich schlechterdings an den Ausgeber halten kan, und auf die exceptiones, die dem Indossaten im VVege stehen mochten, insbesondre except. non num. pec. vel accepta valuta sich gar nicht einlassen darf.

Leipz. H. G. O. tit. XI. §. allermassen.

HOEKNER de indossam. litt. cam. cap. IV.

§. 4. 5.

Wie dann auch 6. Imploranten nicht scheint VVege zu stehen, daß B. die assignation nur in Bianco indossiret, und die Ausfüllung derselben erst nach geschehener präsentation hinzugethan: allermassen dieses dem
VVech-

VVechfel-Gebrauch nach von dem Innhaber et-
nes VVechfels allerdings gechehen kann,

BERG. Eleſt. Diſcept. for. Par. 11. Suppl.
p. 356. TIT. Jur. Priv. Lib. X. cap. v.
§. 46. 49. LUDOV. Proc. camb. cap. 18.
§. 26. 88.

So gar, daß ſolche Ausfullung auch nach ge-
ſchehenem proceß, usque ad motam litem an-
noch ſtatt findet.

BERG. Oecon. Jur. p. 741. num. 3. KOENIGL.
Anmerck. ad Jus camb. Lips. artic. XL
num. 6.

Daher es denn faſt das Anſehen gevvinnem
mochte, daß Implorant in ſeiner Intention ge-
nußſam gegründet, und alſo nach VVechfel-Re-
cht, oder doch vvenigſtens executive zu kla-
gen vvol befugt gevvieſen.

Dennoch aber und dievveit 1, eine assigna-
tion, dergleichen Q. ausſtellt, kein VVech-
fel iſt, und daher aus ſelbiger nach VVechfel-
Recht nicht geklagt vverden kan.

Edict. El. Sax. de anno 1699. n. 3. 4.

Hiernechſt auch 2, das Recht des Indoffements
bey bloßen assignationem nicht ſtatt findet,

GOEKNER de litt. camb. indoffam. cap. 1.
§. 7.

immaßen ein assignatarius als ein bloßer Ge-
vollmachtiger des assignantem anzufehen, auf
welchen per nudum mandatum kein VVechfel
transferiret vverden kan.

COCCEI. de Assignat. §. 10.

Dannhero auch einem assignantem allezeit
frey ſtehet, die ausſtellte assignation nach
Gefallen zu vvierrucken.

STENGER. *de Assign. merc.* §. 42. KOENIGK. l. c.
ad §. 25. n. 1.

Voraus dann folgt, daß, da solches im gegenwärtigen Fall von Q. geschehen, die ganze Assignation dadurch gantzlich erloschen. Zudem 3., ex documento quæst. auch nicht einmal executive geklagt werden kan ehe und bevor ietziger Implorant sich ad causam legitimiret, und die von B. an ihn geschehene cession und deren Richtigkeit, wie auch die vom cedente sowol als cessionario geleistete valuta erwiesen.

LUDOV. *de legit. ad caus.* §. 14. 19.

Endlich auch 4., die obangeführten rationes dubitandi von keiner Erheblichkeit seyn: immassen, soviel die erste anbetrifft, dasjenige, was de loco contractus consumti angeführet worden, nur von demjenigen Fall zu verstehen, da de obligatione acceptantis die Frage ist, als in d. ssen regard der Contractus eigentlich in loco solutionis geschlossen wird. Dahingegen, soviel die obligation des Ausgebers betrifft, nicht der locus destinata solutionis, sondern locus inite conventionis pro loco contractus zu achten.

SCACC. *de Commerc. & camb.* §. 11. gloss. 5.

n. 212. SPRENG. *VVechsel practic.* §. XI.

RAPH. *de Turre de camb.* Disp. 1. q. 12. n. 9.

Voraus sich dann 5., von selbstn ergiebet, daß die Breslaviſche VVchsel-Ord nung, voraus Implorant seine intention fundiren will, hieher keines weges gehoere, weiln sie zu Loebau nicht recipiret, auch anf gegenwärtigen casum nicht einmal applicable ist, angesehen darinnen nur denenjenigen die privilegia zugestanden
ver-

werden, welche vuercklich acceptiret vuerden.

Jus camb. VVratisl. art. 37. verbis: Erfolget die acceptation, so erlangen selbe dadurch die qualitat eines VVechsel-briefes.

solches aber von Q. assignation nicht gesagt vuerden kan, als welche vuerder acceptiret vuerden, noch die qualitaet eines VVechsels per acceptationem erlangen koennen, immassen der Assignant ohnzweiffel eben darum die clausul: ohne acceptation miteingerucket, damit dieses sein mandat nicht per acceptationem als ein VVechsel angesehen vuerden moechte: Aus welchem 6, ferner fliesset, dass der vermeinte Indossatarius v. VV. vuerder seinen regress an den Assignantem nehmen, noch 7, solche assignation nach Art eines VVechsel briefes mit protest zuruck senden, oder aus selbiger gegen den Assignanten nach VVechsel-stil. klagen koennen. Ausserdem 8, die beygefuete clausel: Es soll mir validiren, die von B. geleistete valuta keinesweges bevrueiset, sondern nur so viel sagt, dass die von dem Assignato an B. geschehene Auszahlung auf des Assignantis Rechnung als gezahlt passiren solle. Dahero solche VVorte nur auf das, was zwischen dem Assignantem und Assignato vorgehet, ihr Absehen haben, den Assignatarium aber so gar nicht angehen,

TIT. Jus Privat. Lib. X. C. 5. §. 45.

dass sie vielmehr bey Abfassung und erfolgten Indossament eines VVechsels nach der sonst einstimigen Meinung der VVechsel-schribenten vor ein zeichen der nicht geleisteten valuta anzusehen sind.

SAYAT Parf. Negot. C. IV. p. 112. ZIPFEL
de

*de Tesser. collyb. sect. VI. §. 17. KOENIGL.
de litt. camb. präsent. §. 10. n. 12.*

Zudem 9, B. als ein blosser Assignatarius kein Recht per indossamentum auf einen andern transferiren koennen; immassen er nicht nur schon fallit gewesen, sondern auch ohnedem das Recht zu indossiren, wie oben sub n. 2. erwiesen worden, blossen Assignatariis nicht zukommen kan. Endlich 10, das erfolge indossement, wenn es auch sonst in allen seine Richtigkeit hatte, schon darum gantz unkräftig seyn wurde, weil es in blanco geschehen, und nach Aufweisung des protests allererst nachher von Imploranten extondiret worden, welches nach den vornehmsten Vechsel-Ordnungen für unzulässig

*Brandenb. O. C. art. 13. Guelph. art. 43. Magdeb. & Halberst. art. 26. Brunsv. art. 20.
Dant. Sc. art. 27. Lips. art. 11.*

und ad legitimacionem ad causam unzulänglich erachtet wird. Ejusmodi enim induktionum magnus abusus esse potest, ut scilicet praeter intensionem cedentis alterius nomen deinde in illo albo spatio exprimat, cuius athen principalis ius cedere notuit. Quare si quis litteras cum solo nomine cedentis in dorso producat, ea ad legitimacionem ad causam non sufficiunt.

LUDOV. de legit. ad caus. § 34.

Als halten wir davor, daß Implorant gegen Imploranten wieder nach Vechsel-Recht noch executive zu klagen befugt, und daher Implorat von der Klage, immassen sie angebracht, zu entbinden, jener aber in expensas zu urtheilen und mit seiner erwan habenden prætension allenfalls ad processum ordinarium zu verweisen. V. R. VV.

Tam

Tam facile itaque incautos decipit formula adsignationis, ut quum tesseram collybisticam accipere se putent, nubem pro Junone amplectantur.

§. XXI.

Par ratio est omnium chartarum, quæ quævis formam cambiorum præ se ferant, cambii tamen nec explicitam, nec implicitam faciant mentionem. Vitiosæ enim illæ sunt eatenus, ut non sufficiant instituendæ actioni cambiali, sed adsignationum tantum habeant effectum, vel chirographi, ex quo exsequutive tantum agi possit. Hinc in *Leg. Dan. lib. v. cap. xiv. art. 8.* diserte cavetur: *es solle ausdrücklich darinnen bekannt vverden, dass es ein VVechsel-Brief sey.* Et quævis id alii non putent necessarium, veluti B. SMYK. de *Accept. litt. camb. cap. III. §. 9.* TITIVS *Jur. Privat. lib. x. cap. 5. §. 21.* & alii: res ipsa tamen docet, si nulla plane fiat cambii mentio, c. g. *der Herr zahle an Mevium die Summa von 1000. Reichsthaler*, rem actionis fore indaginis, cambium hoc sit, an adsignatio, adeoque cambiali rigori locum non futurum, quia processus cambialis ea est natura & indoles, ut omnia, quæ actor in libello adfirmat, ex ipsis litteris cambialibus statim clara sint & liquida. Unde cambii mentionem vel explicitam: *der Herr zahle auf diesen meinen VVechsel-Brief*, vel implicitam: *der Herr zahle auf diese secunda, vvanu prima noch nicht bezahlet.* recte requirunt Illustris a BERGEN. *Elect. Discept. for. p. 706. Suppl. Tom. I. p. 48. § 2. seq. Suppl. ad Elect. Process. Exsequuta* hiesi.

thes. L. pos. 24. p. 9. VVERN. comp. Jur. lib. IV. tit. 29. §. 2. RIVIN. Enunc. Jur. ad Proc. Ord. Sax. tit. XXV. Enunc. XXII. FRANCK. instit. Jur. Camb. lib. I. sect. I. tit. VI. §. 7. 8. D. KOENIGK. ad Jus Camb. Lips. §. 3. annot. 1. p. 6. ubi & præjudicio duplici eam sententiam confirmat.

§. XXII.

Quantæ utilitatis sit hæc observatio, vel inde patet, quod contingere possit, ut aliquando omissa cambii mentione ne exsequutive quidem ex charta hujusmodi agi possit. Si enim expressum est, eam esse cambialem vel collybisticam, parum refert, valuta expressa sit nec ne, quia cambialis actionis tantus est rigor, ut locum plane nullum relinquat exceptioni non numeratæ pecuniæ, ZANGER. *de Except. Part. II. cap. XIV. n. §. 4. LUDOV. Proc. camb. cap. II. §. 6. KOENIGK. ad Jus Camb. Lips. §. III. annot. 2. p. 7.* Id quod etiam celebriores leges cambiales agnoscunt, veluti *Lipsiens. art. 3. March. & Magdeb. art. 1. Brunsv. art. 28. August. art. 7. Francof. art. 15. Dantisc. art. 16. Colon. §. 4.* Et si vel maxime valutam leges desiderant, quod quoddam facere *cap. 1. §. 22.* monuimus: tamen nec vitiatur processus cambialis, post acceptionem factam, nec ante eam ulterius, quam ut reus audiendus sit, si pecuniam sibi haud numeratam esse, in continenti probare queat. At ubi omissum est cambii vocabulum, adeoque chirographi naturam induunt chartæ: non facta valutæ mentione ne exsequutivo quidem processui erit

la-

locus, quippe qui ex iis demum nascitur instrumentis, in quibus causa debendi specialis expressa est. Siquidem instrumentum alias non probat, sed aliunde sumenda erit probatio. *L. 25. §. 4. ff. de prob. Mev. 2. Dec. 22.*

§. XXIII.

Vitiosæ porro aliquando fiunt tesserae collibisticæ, in se satis perfectæ, si vel *presentatio* non rite ac more inter mercatores recepto fiat, vel *protestatio* omittatur, vel sane, quod ad priorem casum attinet, contingat, ut cambium unicūm (*ein sola Vechsel-Brief*) pereat, adeoque justo tempore nequeat offerri, antequam autem aliud a trassante adveniat, trassatus bonis labatur. Sane tunc inutilis erit nova illa tessera cambialis, quia nec quisquam est, qui eam acceptare teneatur, nec adversus trassantem datur regressus: *MARPERG. Descr. mund. cap. x. pag. 23. 24. MARTA Digest. noviss. tit. Epistola. cap. XVII. Quamvis enim sola amissio tesserae contractum inter trassantem & remittentem haud exstinguat: SIG. SCACC. de Commerc. & camb. §. 11. gloss. 5. n. 347. seq. SPRENG. Pract. camb. §. XIII. §. 90. (quicquid occlamet cum aliis MARQUARD. de Jure Mercator. lib. II. tit. 12. n. 63.) & hinc præstita cautione non modo trassans novam tesseram dare, sed & trassatus, si semel acceptaverit, pecuniam exsolvere debeat: Jus Camb. Lips. §. 33. March. art. 29. Magdeburg. art. 25. Dantisc. art. 27. FRANCK. Inst. Jur. camb. lib. II. Sect. III. tit. 4. §. 4. seqq. nihil tamen causæ est, cur trassans maneat obstrictus, si in-*

si inter morbo præsentantis transatus bonis labatur, nec æquum judicatur, transantem ferre debere damnum, quod alter sua culpa sentit. Deinde quamvis paullo ante dictum sit, contractum inter remittentem & transantem amissa tessera non infirmari: tamen & hoc casu non semper obtinebit rigor cambialis. Quid, si enim transans neget, se valutam accepisse? quid, si inficietur, hujusmodi contractum initum esse? Tunc sane remittens agere non poterit cambialiter, ac ne exsequutive quidem. Nec enim tessera adest, quam recognoscat transans, & tota narratio libelli facta completetur altioris indaginis, adeoque eo ipso viciabitur contractus cambialis, eatenus, ut ordinario processu agere teneatur remittens. Quod ipsum quoque eo casu continget, si post acceptionem perierit tessera, & transatus se accepisse neget. Unde in legibus cambialibus non abs re dicitur, quod amissa tessera rigor cambialis præstita cautione tunc demum locum habeat adversus acceptantem: *VVan ein acceptirter VVechsel Brief verlohren wird, und der debitor der Schuld geständig ist. Videantur Jus Camb. Eipf. §. 33. & reliquæ leges cambiales paullo ante citatæ, quibus addenda Ord. Camb. Hamb. nov. art. 42. ubi ita disponitur: VVan ein acceptirter VVechsel-Brief verlohren wird, und der acceptant der Schuld geständig oder überwiesen ist (quod fieri non potest nisi processu ordinario) bleibt gegen denselben das VVechsel-Recht in vollen VVurden, id est, si processu ordinario alter convictus sit, quod cambial-*

biale debitum contraxerit, tunc adversus illum exsequutio secundum jus Cambiale fieri poterit.

§. XXIV.

Multo magis vitiatur cambium omiſſa proſtatione, eo quippe ſine interponi ſolita, ut, qui ſpe ſolutionis excidit, jura ſibi omnia adverſus traſſantem & reliquos obligatos integra ſervet. Ea vero opus eſt ſive teſſeram acceptare recuſet traſſatus, ſive facta acceptatione plane non ſolvat, ſive ſolutione n juſto diutius protrahat, ſitque adhibito notario cum duobus teſtibus, quocumque tempore, & a Notario in inſtrumenti ſollemnis formam redacta ſtatim remittenda traſſanti, *FRANCK. Inſt. Jur. Camb. lib. 1. ſect. IV. tit. 1. ſequ.* Sive itaque proſtationem quis plane omittat, ſive traſſantem vel auctorem ſuum ea de re non reddat certioſorem, ſive inſtrumentum proſtationis haud tranſmittat; reſreſſum amittet, adeoque inutile fiet cambium, *STIGISM. SCACC. de Commere. & camb. §. 11. gloſſ. §. quaſt. 10. n. 325. FRANCK. l. c. tit. 1. §. 25.* niſi eo caſu, quo traſſatus, facta acceptatione, non ſolvit, & ob iſtam moram interpoſita non eſt proſtatio. Quamvis enim tunc de damno inde emergente traſſans non teneatur ob proſtationem omiſſam: acceptantis tamen obligatio adhuc ſalva eſt, adeoque præſentans adverſus illum adhuc cambialiter agere, ſuumque, ſi ſolvendo ſit, conſequi poterit. *CARPZOV. Diſp. de Camb. §. 54.*

§. XXV.

§. XXV.

Ob omiffam vel non ita interpositam protestationem cambium & tunc vitium capit, si non culpa præsentantis, sed vel mandatarii, vel ipsius notarii non rite facta sit. Non magis enim regressum tunc habet adversus auctorem suum, vel adversus transantem, quam si ipse negligentia posset coargui. Quemadmodum enim vel jure communi procurator officio suo minus recte functus negligentia sua domino nocet: *L. 10. C. de procur.* ita id multo magis obtinebit in negotio cambiali, ubi omnia veluti ad vivum refecantur, & sæpe vel in hora magnum periculum vertitur. Nec tamen in universum inutile erit hoc cambium, quum & adversus mandantem, cujus negligentia hoc accidit, regressum habeat, *Jus Camb. VVratislav. art. 9. Guelpherb. art. 38. LESER. Resol. dub. camb. & adversus ipsum Notarium, tam male functum officio suo. Est enim id generatim expressum in Maximiliani I. Aug. Notariat-Ordnung anno 1512. art. 3. verbis: Als lieb ihnen sey (zusamt dem, dafs sie VVtedesunge der Schaden und Interesse denen, so durch sie versaumes oder verfuhrer werden, zu thun schuldig sind,) unsere schwere Ungnad, Straf und Buß zu vermeiden.*

§. XXVI.

Sæpe & indossamentum vitiosum est. Indossamentum modo esse cessionem cambii, modo nudum mandatum, jam supra c. 1.

§. 12.

§. ix. monuimus. De hoc jam aliquid ulterius monere nihil attinet. Illa fieri ordinarie potest ab omnibus; ad quos cambium pertinet, sive in *teffera* hæc verba occurrant; *An Titium oder dessen* ordre vel commiss; sive non occurrant. Quamvis enim id neget D. KOENIGK. *Annot. ad Jus camb. Lips.* §. xi. nulla tamen videtur ob stare ratio, quo minus, quod meum est, alii cedere queam. LUDOVIC. *Proc. camb. cap. iv. §. 23. cap. ix. §. 7.* nec sane interest transacti, mihi, an indossatario solvat. LUDOVIC. *l. c. FRANCK. Lib. I. Sect. II. tit. 5. §. 8.* At aliud tamen in Gallia receptum, adeoque vitiosum ibi erit indossamentum, si in *teffera* verba illa: *oder dessen* *Ordre* desiderentur. *Ord. Mercat. Ludov. xiv. tit. v. art. 30.* Nunc magis illud ex quorundam locorum legibus valet, si indossamentum vel cessio fiat in alium locum, quam qui in cambio expressus est. *Ord. Camb. Lips. §. 30.* Imo Bulsani & in Italia plane evanidum & inutile habetur quodcumque indossamentum. *Ord. camb. Bulsan. art. 8. DU PUY de art. litt. camb. cap. XIII. §. 7. edit. Lat.* Quibus casibus facile quidem, sed tamen non ubique, vitiatum indossamentum.

§. XXVII.

Ubi hujus generis non exstant sanctiones, dubium equidem non est, quin indossamento locus sit: at fieri tamen potest, ut vitietur, si fiat in *bianco*, id est, relicto spatio, cui indossamentum deinde inscribatur, pro lubitu possessoris: cujus rei exemplum

plum jam supra §. XIX. vidimus. Ejusmodi enim indossamentum fieri prohibent *Jur. camb. Lips. §. XI. March. art. 30. Pruss. art. 25. Magdeburg. art. 26. August. art. II. Dantisc. art. 27.* ob innumeras, quæ hic latitare solent, fraudes. Non ergo cambialis actionis rigor locum habet adversus eum, cui solutio mandatur, quamvis facta sit acceptatio, nisi ipse *indossans* ante solutionem illud spatium expleverit. *LUDOV. Proc. camb. cap. IV. §. 25. TITIVS Jur. Priv. Lib. X. cap. V. §. 46. 49.* Indossantem dico id explere debere. Quum enim fraudis evitandæ causa *indossatio in bianco* prohibita sit: quid quæso id ad evitandas fraudes faceret, si ipse possessor manu sua spatium expleret, tesseramque sibi cessam, & valutam a se numeratam esse, fateretur? An sic certior erit indossatus, quam pridem, quum ei indossatarius tesseram cum *indossamento in bianco* offerret? Unde omnino suffragandum hic videtur sententiæ Dni *LUDOV. l. c. p. 77.* Nec obverti nobis poterit praxis quotidiana procuratorum judicialium, qui missas sibi pro mandato chartas puras (*blanquet*) ipsi explere solent, eo effectum, ut ejusdem habeantur virtutis, ac si ab ipso mandante fuerint conscriptæ. *SVENDEND. ad Fibih. p. 225. seq.* Multum enim interest inter mandatum procuratorium & tesseram collybisticam. Illud dari solet cum subscriptione: *Blanquet zur gerichtlichen Vollmacht an Herrn Titium in meiner vor den Stadt Gerichten zu H. gegen M. obschwebenden Rechts-Sache,* adeoque statim patet, cui data sit hæc char-

ea, quidque ipsi sit inscribendum, nec facile abuti ea poterit procurator, quum certæ formulæ & clausulæ mandatorum judicialium in plerisque locis receptæ sint, quibus & hunc procuratorem uti oportet. At indossamentum litterarum cambialium *in bianco* fit sola subscriptione nominis, ex qua, nec cui indossatum sit, nec an valutam acceperit indossans, adparet. Unde merito explenda est ab ipso indossante. *Jus Camb. Brunsv. art. 43.* nisi indossatarus alio modo personam suam legitimare, vel cautione præstita securum præstare possit indossatum. Et ita respondit Collegium mercat. *Lips. d. 18. Jul. 1694. apud KOENIGK. in Parere 13. p. 651.*

§. XXVIII.

Quæstio porro hic oritur, an & Christianus & Judæus sibi invicem cambia cedere possint? Sane omnes hujusmodi cessiones in Germania lege publica prohibentur in *Rec. Imp. a. 1551. §. 79. & in Ord. Polit. 1577. tit. xx. §. 4.* Utroque enim loco cautum, ut actio a Judæo cessa Christiano nullius sit effectus. Enimvero si & a recessibus Imperii ob contrariam, quæ invaluit, consuetudinem impune receditur: *L. 32. §. 1. ff. de Legib. §. 11. Inst. de l. N. G. & C.* nullum est dubium, quin ubique lex illa exoleverit. Nam experientia, rerum magistra docemur, Judæos uti alia instrumenta, ita & cambia in media Germania ubique impune cedere Christianis. Nec exempla desunt, quod debitor cessus,

opposita licet illa exceptione, nihilominus ad solutionem condemnatus sit. Vid. Illustr. a BERGER *Oecon. Jur. Lib. III. cap. v. thes. 4. p. 64.* Sane cum H. P. mercator Judæo dedisset cambium, hic verò illud per sollemnem indossationem cessisset M. & sociis, mercatoribus Christianis, H. P. conventus & hac, & aliis exceptionibus se tuebatur. Nihilominus in Judicio inferiore Hamburgi d. 7. Maji. 1721. condemnatus est ad solutionem præstandam. Interponebatur appellatio, in qua instantia prior sententia a Senatu Amplissimo pure confirmabatur d. 3. Octob. 1721. Denique reo Revisionis beneficio uso, actisque more majorum ad Ordinem JCtorum exterorum transmissis, iterum sequuta est sententia confirmatoria, reusque in expensas condemnatus est. Ratio ad hanc exceptionem pertinens ita se habet: *Ob er nun wohl, betreffende die materialia, loco gravaminum anführet, ---- dass Appellaten auch so gar wieder den klaren Reichs-Abschied de anno 1577. tit. 20. §. Es soll auch. sich actionem contra Christianum a Judæo cediren lassen: ----- dennoch aber und die weil ---- der angeführte Reichs-Abschied bey VVechsel-Indossaments nicht beobachtet wird, sondern ein Jude einen von einem Christen ausgegebenen VVechsel einem andern Christen der allgemeinen VVechsel-usance nach gar wohl cediren kan. BERG. Oecon. Jur. Lib. 3. c. 5. th. 5. p. 643. VVelches auch die Hamb. VVechsel-Ordnung, indem sie die Juden denen Christen parificiret, tacite einräumet. Jus camb.*

camb. Hamb. art. 13. Als ist man nach Inhalt des Urtheils allenthalben zu erkennen bevogen worden. Imo illi ipsi Doctores, qui istius Recessus usum aliquem superesse contendunt, varia tamen comminiscuntur, quibus ille eludatur facillime. Alii enim eum de Judæis interpretantur, qui publica auctoritate non tolerantur. B. STARK, *Annot. ad Lauterb. tit. de hered. & all. vend. p. 327.* Alii tantum eas cessiones prohiberi censent, quæ velandæ usurariæ pravitatis causa fiunt. *Carpzov. Part. II. Const. xxx. Def. 45. & Resp. Lib. v. resp. 38. RICHTER Decis. Part. I. Decis. 36. n. 12. TIT. Jur. Priv. Lib. IV. cap. 4. §. 5. p. 460.* rectius sane sibi consulturi, si sine ambagibus legem illam ab usu recessisse, contrariaque consuetudine jam pridem exolevisse, fateantur. Unde hodie non temere verendum, ne indossamentum a Judæo factum in Germania vitiosum judicetur, quum in cambiis iisdem juribus perfruantur Judæi, ac Christiani, nisi quod illi pecuniam solutam ad exactorem perferre; hi eam domi suæ exsolvere jubentur. *Jus camb. August. art. 34. Brunsv. art. 25. Francof. art. ult. Halberst. & Magdeb. art. 30. VVratislav. §. 11.*

§. XXIX.

Facilius contingit, ut vitiosum fiat indossamentum, si nimis sæpe repetatur. Quemadmodum enim §. xxv. diximus, indossationem quibusdam locis plane non admitti: ita alibi admittitur quidem, sed non

nisi semel, veluti Noribergæ. *Jure enim cambiali istius urbis art. 10.* cautum est, ut cambia sæpius, quam semel, girata nec a mercatoribus pro cambiis habeantur, nec acceptentur, nec summa ex iis exigantur, nec interposita protestatione remittantur, vel instrumentum protestationis a notario super iis conficiatur. Paullo benignius est *jus camb. Guelpherbit. art. 42.* quod plures quidem girationes vel plura indossamenta, sed non tamen ultra quartum admittit, additque: *da es uber dass vierdte mahl geschehe, soll derselbe nicht acceptiret, noch dagegen einige protestation verstatet werden.* Reliquæ leges Cambiales quidem de abusu harum girationum conqueruntur, optandumque esse fatentur, eas ob insignem abusum (de quo Phoonfen *Stil. camb. Amst. cap. xxxii. pos. 27. & cap. xxxvii. pos. 13.*) ubique prohiberi, consuetudini tamen & moribus id tribuunt, ut eas in infinitum permittant. *Ord. camb. Lips. §. xl. March. art. 30. Magdeb. art. 39. Augst. xl. Francofurt. §. xl. Dantisc. art. 27.*

§. XXX.

Nec minus vitio insanabili laborat indossamentum factum ab eo, qui jam foro bonisque cessit. Quemadmodum enim is nulla de re sua valide disponit, *L. 6. §. 7. ff. qua in fraud. cred.* adeoque nec alium liberat, nec alii recte solvit: *l. 14. §. 1. ff. de solut.* ita nec cambium recte vel traslat, vel acceptat, vel indossat. Sperand.

Nec.

Negotiat. & campf. industr. pag. 81. Id quod etiam urgeri vidimus ab Amplissimo Jurisconsultorum Halensium Ordine in *Responsi §. xix. adducti ratione decidendi nona*. Imo tantum abest, ut liceat decoctori indossare, ut potius quædam leges Cambiales, veluti *Lugdunenses art. 13.* etiam ea omnia indossamenta irrita esse jubeant, quæ intra decem proximos ante fugam dies ab eo facta sunt, imo quæcumque intra hoc spatium perfecit decoctor, excepta scontratione. Nullius igitur momenti erit cambium, saltem post fugam ab obærato indossatum, quum possessor nec ex indossamento hujusmodi agere, nec regressum sperare possit, vel adversus indossantem, quem bonis omnibus evolutum fuga in nescio quem terrarum angulum abstulit, vel adversus curatorem bonorum, qui potius cambium illud tamquam in fraudem creditorum alienatum, revocandum esse censebit, si sapit.

§. XXXI.

An indossamentum Hamburgi fieri possit inscio indossato quæstio videtur dubia, quam jam nobis excutiendam sumemus. Quamvis enim jure communi cessio nominis etiam ignorante vel invito debitore cesso fieri possit, *L. 1. de novat. & deleg.* & ea etiam in re delegatio a cessione differat: *d. L. 1. C. eod.* aliud tamen cautum videri posset jure statutorio Hamburgensi

Part. 1. tit. XII. §. 3. Es soll aber bey solcher cession und Uebertragung der Debitor vorher von demjenigen, welcher die Handschreift annimt, gefraget werden, ob er einige Einrede gegen die Handschreift habe. Sed vere nihil novi fanciunt statuti hujus auctores, sed uti recte vir doctus in notis MS. ad statutum Hamburgense monuit, hic versus tantum cautionis & majoris securitatis causa additus est. Non enim nulla judicatur cessio incio debitore facta: sed tantum additur: In Verbleibung dessen, werden dem Debitori alle seine rechtmässige exceptiones zur Zeit der Bezahlung vorbehalten. At juris communis est, cessionario ob stare exceptiones in rem omnes, quæ cedenti opponi potuissent. Jo. a SANDE de Action. cess. cap. XIII. Ex quo facile patet, etiam ad cambia hoc statutum non pertinere, quum & de chirographis tantum loquatur, & in cambio indossanti etiam non ob stent aliæ exceptiones, quam quæ in continenti liquidæ fieri possint. Hinc quum H. P., de quo §. XXVII. etiam hac exceptione usus esset; Juri Halenses in rationibus decidendi eam ita exploserunt: Ob wohl --- andern theils appellirte besage der Hamb. Stadt-Rechte P. 1. tit. 12. Art. 3. verbunden gewesen, bey cession und Uebertragung dieser obligation debitorem vorher, ob er gegen dieselbe einige Einrede habe, zu befragen: --- dennoch aber and dervveil --- die angeführte dispositio juris statutaris Hamb. von Uebertragung der obligationen nur von Handschreiffen redet, und auf die VVechsel, welche unter Kaufleuten

zu frey indoffiret vverden, nicht zu appliciren ist, &c.

§. XXXII.

Reliquum est, ut & illa cambiorum vitia expendamus, quæ extrinsecus & non ex ipsis lieteris emergunt. Quo potissimum referimus moratoria, cessionem bonorum, & præscriptionem. Induciarum moratoriæ quid sint, satis ex ipsis juris compendiis patet. Iis vero impetratis nullum est dubium, quin & cambialis ille rigor adversus debitorem interquiescat, locusque sit exceptioni indulti moratorii. LUDOV. PRÆC. Camb. cap. X. §. 8. Quum enim eo fine indulgeri soleat, ut debitor fortunæ injuriis ad rem paullo angustiores redactus, interim veluti respiret & res suas constabiliat: nemo non videt, hanc rationem & ad debita cambialia pertinere. Vitiosum itaque hoc casu cambium fieri poterit, non modo, quatenus per tot annos nullam producit actionem, verum etiam ob imminens fugæ vel decoctionis periculum. Raro enim obærat intra hoc spatium ad meliorem fortunam adspirant, sed plerumque convasatis fortunarum suarum reliquiis sub finem induciarum in pedes se conjiciunt, vel certe bonis cedentes inanes creditoribus plerisque actiones relinquunt. Quæ quum ita sint, pauca quædam leges ita consulunt creditoribus cambialibus, ut vel moratorium obærat denegent, nisi edito inventario bonorum & citatis creditoribus, Jus Camb. March. §. 43. Magd. §. 38. Kon. Preuss. Reglement von Verbesserung des Justitz-Vwesens

§. 17. vel illi omnem virtutem adimant adversus debita cambialia. *C. Leg. Dan. lib. V. cap. 14. §. 25. & Norveg. lib. 5. cap. XIII. art. 24. §. XXXIII.*

Deinde, promptam illam exsequutionem amittunt cambia, si debitor bonis cesserit, vel illo invito fiat concursus creditorum. Quamvis enim priori casu beneficium cessionis bonorum, imo & competentiae & solutionis particularis denegari soleat, si debitum sit cambiale: *Jus Camb. Halberst. & Magdeb. art. 38. D. BARTH. Hodeg. forensf. c. III. §. 28. p. 660.* inanis tamen erit actio adversus debitorem, bonis omnibus evolutum, nisi forte dulce sit creditori, debitorem carceris squalore macerare, ejusque miseria nonnumquam oculos pascere loco solutionis. At posteriore casu vix superest spes vel solutionis vel vindictae, si, quod plerumque fit, debitorem communem fugam abstulerit. Adversus enim curatorem bonorum frustra aget cambialiter: & si res ad protopraxiam creditorum pervenit, possessor cambii non pinguiore gaudebit privilegio, quam nudi chirographarii. *Jus Camb. Halberst. art. 33. Magdeb. art. eod. TITIVS Jur. privat. lib. X. cap. 10. §. 40. LUDOV. Proc. Camb. cap. XVI. §. 5.* adcoque his simul satisfiet pro rata in classe ultima, ad quam raro quidpiam ex debitoris bonis solet pervenire. Quod adeo verum est, ut secundum *Jura Camb. Magdeb. & Halberst. art. 33. nec non Marchic. art. 37.* ne tunc quidem inter hypothecarios collocentur, si litteris cambialibus clausula inserta sit: *bey Verpfändung meines Vermögens,* quip-

quippe quam hæc leges nullius momenti esse jubent, quamvis alioquin extra has provincias valeat hæc constitutio pignoris vel hypothecæ, modo in Saxonia & vicinis regionibus quoad immobilia accedat confirmatio judicialis. LUDOV. *Process. Camb. cap. XVI. §. 6.* STRYK. *Uf. Hod. Pand. tit. qui posteriores in pign. §. 3.*

§. XXXIV.

Quum vero id damnum mercatores etiam industrii sine culpa ferre teneantur: non sane iniquæ sunt leges, quæ creditoribus cambialibus jus tacitæ hypothecæ indulgent. Mediolani sane & Avenione hoc privilegium concessum esse collybistis observat NIC. DE PASSERIBUS *de script. privat. lib. III. de litt. camb. quest. II. n. 7. 8.* Simile quid in Gallia obtinet, ubi cambia a proxenetis subcripta a die exactionis; non subcripta a tempore recognitionis hoc privilegio gaudent. SAVARY *Part. I. lib. III. cap. 7. pag. 247.* In Ducatu Brunsvicensi ac Regno Sveciæ cambiale debitum omnibus hypothecis generalibus præfertur, & proxime ab hypothecis specialibus, judicialibus & debitoribus privilegiatis collocatur, *Jus Camb. Guelpherb. art. 55. Svecic. art. 26.* Hypothecis omnibus postponunt & debitis chirographariis præferunt cambia *Jus Camb. Pruss. art. 33. VVratisl. nov. art. 35. March. art. 37.* Sed hæc, tamquam jura singularia & privilegia, magis ad exceptionem, quam ad regulam pertinent, adeoque moto jam concursu cambia virtutem suam ordinarie

amittunt, & in chirographos degenerant; nisi forte quis ipsum debitorem fugitivum persequatur.

§. XXXV.

Præscriptionem denique ut omnes alias obligationes, ita & cambialem perimere, nemo dubitaverit. Vitiosum itaque habebitur cambium, cujus virtus præscriptione ita elanguit, ut nec actionem producat, nec ad compensationem proficiat. Curtere autem incipit præscriptio a die solutionis, vel a prorogationis termino, & ordinarie longissimo tempore finitur. *L. 3. C. de præscr. 30. vel 40. ann. M. V. Consil. postum. cap. 1. n. 18. LUDOV. Proc.ambi. cap. XI. §. 2. 3.* Sed id jus admodum restringunt leges cambiales. Lugduni enim elapso anno inter oives, circumacto triennio inter exteros cambia expirant, eatenus, ut solutio jam facta esse præsumatur. *Ord. Camb. Lugdun. art. 10.* In reliqua Gallia quinquennii lapsu tunc demum cambialis actio extinguitur, quando debitor jurejurando hanc præsumptionem factæ solutionis confirmet. *FRANCK. Instit. Jur. Camb. lib. II. Sect. IV. tit. 3. §. 6.* In Dania litteræ cambiales omnes vicennii lapsu irritæ fiunt. *C. Leg. Dan. lib. VI. cap. XIV. art. 4. Norveg. lib. V. cap. XIII. art. 2.* In Electoratu Brandenburgico cambia propria decennio; in Ducatu Magdeb. & principatu Halberstadiensi septennio, *Jus Camb. March. art. 28. Magdeb. & Halberst. art. 24.* alibi anno uno, sex hebdomadibus & tribus diebus cambia; tractata post quatuor hebdomadas expirant. *Jus Camb. Lips. §. 32. Dantis. art. 36. Gaelpherb.*

pherb. art. 45. Effectus vero brevioris hujus præscriptionis non est idem. Aliquando enim cambialis tantum rigor cessat, & tunc adhuc locus est processui exsequutivo. Aliquando & hic tollitur, & tunc processus ordinarius superest. Aliquando & hoc præscriptione sublato nihil juris remanet. Singula jam exsequi non vacat, nec necessarium videtur. Præterquam enim, quod scriptio mea in majorem molem jam excreverit, quam initio animo perceperam, otium nobis hic fecerunt GOTTFRIED. GUIL. KUSTNERUS in erudita dissertatione *de mensura & annua præscriptione litterarum cambialium*. D. LUDOVICI in *Proc. Camb. cap. XI. §. 7. seqq.* & vir meliore fortuna dignissimus, D. JO. CHRIST. FRANCK. in *Inst. Jur. Camb. lib. II. sect. IV. tit. III.*

§. XXXVI.

Nos vero jam portui proximi vela contrahimus, & id sub finem precamur, ne lector cultiori latinitati adsuetus nobis succenseat, de re ad mercaturam potissimum pertinente vocibus mercatorum usis. Quemadmodum enim barbariem non adfectavimus: ita nec abstinendum censuimus a vocabulis in hac negotiatione jam semel receptis. Non magis enim intelligerent ii, quorum maxime interest hæc legere, si vocabula collybistica alia ac puriora conquisiuissemus, quam nunc fortasse nos intelligent, qui his sacris non sunt initiati. Deo autem, qui studiis nostris hucusque adfuit clementissime, gratias, quas mens concipit, maximas agimus, eique nos nostraque omnia pie consecramus.

COROLLARIA:

I.

Legatus, priusquam admissitur, non est inviolabilis.

II.

Dana non nisi a superiore potest infligi.

III.

Querela inofficiosi testamenti non est remedium preparatorium, sed potius species hereditatis petitionis.

IV.

Tutor culpam levem prestare debet.

V.

Tutoris datio non potest mandari.

VI.

Ex delicto servi vel filii familias actio de peculio non competit.

VII.

De servitute oneris ferendi dominans parietem reficere debet.

VIII.

Actiones jure civili non possunt cumulari.

DE

DE

P. JUVENTIO CELSO,
JURISCONSULTO EXIMIO,
SUIQUE SÆCULI ORNAMENTO.

EXERCITATIO XL.

QUOD veterum non nemo (a) praeclare ac sapienter monuit, seligendum cuilibet esse exemplum aliquod illustre ac laudabile, in quod inspiciat, quod miretur, ad quod denique, se quoad ejus fieri potest, totum effingat ac componat: id & mihi, tertium jam auspiciaturo docendi munus, studiose faciendum esse existavi. Eo consilio P. JUVENTIUM CELSUM, virum sapientissimum, & JCTORUM, qui Trajani sæculum ornarunt, facile principem, tametsi levi pennicillo descriptum, conspectui publico exponere decrevi, idque non modo mei causa, ut habeam, cujus ad exemplum, quantum virtus ac religio paritur, me sub muneris auspicia exigam, sed & potissimum in gratiam generosæ lectissimæque juventutis, cui me studiaque mea omnia consecravi, cujusque vel maxime interest, ut in summorum virorum studia atque actio-

(a) Senec. *Epist.* XL

actiones, tamquam in exterius aliquod speculum, inspiciat, eorumque excitata exemplo, ad eandem veram laudem, ad quam illos pervenisse animadvertit, pleno gradu, summaque animi contentione enitatur.

Accedit & alia ratio, quæ ad hanc operam JCTO excellentissimo navandam me non modo incitavit, sed & facile perpulit. Ejus enim Manibus fatum tam triste atque illætabile incubuit, ut hanc sciam, an aureo illo jurisprudentiæ sæculo immortalitatem nominis & magis meruerit quisquam, & minus consequutus sit, quam Celsus noster, cujus ipsum prope geminum nomen ex hominum memoria jam pridem evanuisset, nisi illud in celeberrimo SCTO, quod eo consule prædiit, (b) & in ipsis marmoribus (c) integrum atque incorruptum exstaret. Spartianus sane, (d) scriptor hanc proletarius, illum perperam JULIUM CELSUM; alii plerique, Plinii (e) & codicis Florentini (f) scripturam imitati, PRO-JUVENTIO JURENTIUM adpellant.

(b) Leg. 21. §. 6. ff. de heredit. petit.

(c) Gruter. *Inscript. p. DCLVII*, 1.

(d) Ael. Spartian. *Vit. Hadrian. cap. XVIII.*

(e) Plin. *lib. VI. epist. V.*

(f) L. 7. §. 1. ff. de oper. lib. Addantur l. 10. Cod. qui testam. facer. poss. & L. ultim. Cod. de serv. reip. man.

litant. (ff) Sed quemadmodum priorem
 ævum jam II. Casaubonus sagaci inge-
 nio notavit absterfitque: ita permutatione
 litterarum B. & V. nihil fuit medio ævo
 frequentius, in eaque tantum sibi indul-
 serunt librarii & lapidæ semigræculi,
 ut non magis mirandi videantur JUBEN-
 TII, quam Balerii, Bari, Bibiani, Bir-
 ginii, Bistorini, Bincenii, Jaboleni, Libii,
 Seberii, & sexcenta hujus generis, quæ in
 priscis monumentis utramque paginam fa-
 ciunt. (g) Non itaque a jubenda, sed,
 ut recte conjecit Sigonius, (h) a juven-
 tute nomen tulerunt Juventii, idque lucu-
 lenter confirmat hujus gentis denarius apud
 Hub. Holzium, (i) in quo & veram
 scribendi rationem, & Juventæ Deæ si-
 mulacrum, ad ostendendam nominis ori-
 ginem sculptum, observamus.

Si, quemadmodum auro a vena, ita
 magnis ingeniis a natalium fortuna quæ-
 dam commendatio accederet: vere profe-
 cto possemus adfirmare, libera adhuc rep-
 gentes non adeo multas Romæ floruisse,
 quæ vel antiquitate generis, vel majorum
 glo-

(ff) Briffona πρεπυ. n. 8.

(g) Reines. ad Inscript. Class. I, 10. p. 24.

V. A.; Henr. Brenkm., Adpend. Fast.

Consul. Reland. p. 850.

(h) Sigon. de Nom. propr. Rom. pag. m.

1427.

(i) Golz. Fast. Magistrat. & triumph.

pag. CXXXIV.

gloria, cum Juventia ulla ex parte sine comparanda: Hæc enim, tametsi plebeja, (k) & Tusculo, (l) municipio celebri potius, quam magno, oriunda, tam celeriter tamen Romæ ad honores amplissimos adspiravit, ut non modo primo Urbi Ædiles curules dederit, (m) verum etiam quam plurimos viros consulares, prætorios, ædilitios, inter fumosas per atria ceras

(k) Cic. *pro Planc. cap. XXIV.* (l) *Id. ib. cap. VIII.* (m) Ipse suæ genti hoc decus vindicat M. Juventius Laterensis apud Ciceronem *pro Planc. cap. XXIV.* Quod si verum est, (Cicero enim, *se, non abhorrentem a studio antiquitatis, id sum primum audivisse, ait,*) circa annum ab U. C. CCCXC. factum oportuit, quo teste Liv. *lib. VII. cap. 1.* primum *verecundia* imposta Senatui, ex patribus jubendi Ædiles Curules creari, conventumque, ut alternis annis ex plebe fierent. Atqui non nisi XXV. annis ante Tusculani jura civitatis impetraverant, cum idem refert Liv. *lib. VI. cap. XXVI. & XXXII.* Neque hic admodum movemur auctoritate Ciceronis, in agenda Plancii causa adfectui, ut sit, indulgentes. Juvenio enim magis comperta esse potuerunt gentis suæ decora ex commentariis, quos singulæ gentes de majoribus suis accurate percriptos domi servabant. Vid. Gell. *Noct. Att. lib. X. cap. XIII.* Ez. Spanh. *de Usu & præst. Num. Tom. II. pag. 3.*

ceras numerarit, (n) ipseque M. Juventius Laterensis, tam illustri cretus sanguine, quum

(n) Quum nec Fulv. Ursinus, nec Ant. Augustinus, nec Vaillantius, nec quisquam, quod sciam, alius accurate de hac gente egerint: stemmatis a me compositi partem ex Adversariis huc transferre non pigebit:

T. JUVENTIUS THALNA, Trib. Mil. in bello Infubrico occubuit anno U. C. DLV. Liv. XXX, 12.

T. JUVENTIUS THALNA, Praetor anno D LV I I I. Liv. XXXIV, 43.

L. JUVENTIUS THALNA, Quaestor anno DLX. Legatus Calpurnii in Hispan. anno DLXVII. Liv. XXXIX, 31.

M. JUVENTIUS T. F. T. N. THALNA, Cos. anno DXC. in magistratu prae laetitia decessit. Plin. Hist. Nat. VII, 54. Val. Max. IX, 12.

T. JUVENTIUS, T. F. T. N. in Apuliam missus anno U. C. DLXXX. Liv. XLII, 27.

P. JUVENTIUS, L. F. T. N. THALNA Praetor, caesus in Macedonia cum exercitu, anno U. C. DCV. Flor. II, 14.

M. JUVENTIUS THALNA, Quaestor an. U. C. DCXXXVIII. Trib. pl. an. DCXLIII. Pigh.

T. JUVENTIUS, Jctus & Orator circa an. U. C. DLVI. Cic. in Brut. cap. XLIII.

M. JUVENTIUS Laterensis, Quaestor an. DCLXV. Pigh.

T. JUVENTIUS Jctus, cujus meminit Pomponius l. 2. §. 42. de O. I.

M. JUVENTIUS M. F. LATERENSIS, Quaestor anno DCXC, Tribu-

natum pl. adspersus, ne in leges Caesaris jurare cogere-
tur, Cic. ad Attic. II. 18. repulsam in Aedilitate passus anno
DCXCIX. Cic. pro Planc. Praetor anno DCCII. Cic. ad Fam.
VIII, 3. Denique Legatus Lepidi, quum hujus conjunctionem
cum Antonio impedire non posset, suo ipse gladio incubuit,
anno U. C. DCCXX. Vellej. Paterc. II, 63. Celebrantur & alii
Juventii, veluti M. Juventius Peto, Senator, laudatus a Cic.
pro Cluent. c. XXVIII. Sed hunc aliosque stemmati innectere
non licuit. Libera itaq. rep. tres fuere Juventiae gentis fa-
miliae, cognominibus THALNARUM, LATERENSIUM &
PEDONUM disceruae.

quum repulsam in petitione ædilitatis passus esset, *nescire se*, conquestus sit, *quid IMAGINIBUS suis, quid patri, ornatissimo atque optimo viro, responsurus sit mortuo.* (o) Enimvero quum tot propriis ornamentis abundet noster, nihil ut opus sit, aliena ad eum laudandum conquirere: addemus unum, quod observatione haut indignum judicamus, Juventios etiam libera republica jurisprudentiam, tamquam gentile bonum, in possessione sua magna cum cura retinuisse, præstantissimosque sæpe jurisconsultos, & veluti oracula quædam dedisse reipublicæ. (p)

Ex hac gente tam nobili, tamque illustri, prodiit CELSUS noster, patre usus ejusdem; ut opinor, prænominis, P. JUVENTIO CELSO, (q) cujus cum multæ fuerunt virtutes, multa, quibus sua ætate præ aliis

ex-

(o) Cic. pro Planc. cap. XXI.

(p) Tales sunt T. Juventius, cui Cic. in Brut. cap. XLVIII. *magnam juris civilis intelligentiam* tribuit: C. Juventius, Q. Mutii auditor apud Pomp. l. 2. §. 41. ff. de Orig. jur. ac denique M. Juventius Laterensis, qui dum apud Cic. pro Planc. cap. XXV. ex æmulo quærit, *an unquam castra viderit? an discere sit? an jurisconsultus?* non obscure innuit, a se illum hisce artibus longe superari.

(q) Quamvis enim in jure non aliter, quam CELSUS PATER adpelletur: l. 2.

explevit, ornamenta, tum in illis hoc maximum, quod genti suæ, Romæ paulatim deflorescenti, (r) & in variis per orbem Romanum municipiis, tanquam in

ex-

§. ult. ff. de orig. jur. l. 6. ff. de contrah. emt. l. 30. §. 1. ff. de acquir. rer. dom. illo tamen *διακριτικῶ* non fuisset opus, si prænominibus distinguere potuissent aut cognominibus. Ita enim facile discernuntur Sex. & P. Ælii. P. & Q. Mucii, Massurii & Calii Sabini, Aufidii Tucon & Namusi. At quoties cognomines sunt pater & filius, eos hujusmodi *διακριτικῶ* discerni animadvertimus. Hinc memorantur Carones Pater & Filius, l. 2. §. 38. de orig. juris, Antistii Labrones, itemque Nerva Pater & Filius, l. 2. §. ult. eod. quos omnes eodem usos esse prænominem, aliunde constat.

(r) Non caret omine, quod M. Juventius Laterensis oppressæ patriæ sanguine suo parentaverat, quasi non deceret Juventios libertati superstites vivere. Saltim ex eo tempore pauci ex hac gente Romæ in celebritate versati sunt. Meminit Juventii cujusdam Catullus, quem Carm. XXI. *flaskulum Juventiorum*, non horum modo, sed quos aut fuerunt, aut posthac aliis exunt in annis, vocat: at ex Carm. XLV. & XGV. facile patet, eum gentis suæ dedecus & nefanda Veneris mancipium fuisse. Vixere tamen sub Imperatoribus in urbe JUVENTIA

exilio, latitanti, (f) pristinum splendorem ac veluti vitam primus restituerit, tanto magis, ex mea quidem sententia, eo nomine admirandus; quanto præclarius videtur, nobilitatem majoribus reddere, quam a majoribus acceptam transmittere ad posteros. Est hic ille Celsus pater, qui quum Ducennio Consuli

RESTITUTA, P. Scatillii Felicis uxor, Grut. p. DCCXCVI, 2. JUVENTIA EUTYCHIA, T. Scatillii Valentis conjux, Grut. p. DCXII. JUVENTIUS CHARITO, Grut. p. CCXLI. ac denique M. JUVENTIUS, M. F. GAL. RADIUS, Trib. Mil. L. XXV. Cyrenæicæ, cujus ejusque heredum Q. JUVENTII M. F. GAL. VIRI & SEX JUVENTII M. F. VIRUSIANI, Equitis Rom. meminisse lapis apud Marq. Gudium in nova Inscriptionum Sylloge, mox prodituræ in lucem p. CXXVIII, 9.

- (f) Floruere enim *Brixia*, Grut. Inscr. p. cxii. 2. p. cccclix, 6. *Cumis*, Reines. Inscr. Class. I, 296. *Asculi*, Id. ib. Class. I, 287. *Placentia*, Grut. p. ccccliv, 7. *Ostia*, Grut. p. mcxvi, 10. *Capuæ*, Reines. Class. I. 64. *Verona*, Grut. p. xli. 3. p. dcclxvi. *Nemausi* in Gallia. Grut. p. cccxcvi. p. dcxxxvi, 14. Quin & in *Hispania* Juventiorum nomen fuit celeberrimum: Nam *Cæsarea Augusta* jam sub Augusto L. Juvaentius Lupercus cum Ti. Clodio Flavio duumviratui præfuit, ceu patet ex denario apud Seguin. Num. p. 119. Mezzobarb. p. 46. Vaillant. Num. Municip. & colon. Tom. I. p. 16. Ceterum plura his sæculis fuere Juventiorum cognomina, quorū quædam ex vetustis monumentis collegimus, veluti *Anchariorum*, *Cæsariorum*, *Celsorum*, *Charisonum*, (qui iidem, ac *Suaves*,) *Epaphroditorum*, (qui & *Venusti*) *Epistefinum*, *Eutychetum*, *Gylipporum*, *Jannariorum*, *Juventiulorum*, *Lupercorum*, *Primulorum*, *Restitutorum*, *Secundorum*, *Ferorum*, *Virorum*, *Virusianorum*. Nec tribui uni adscripti fuere

fuli in consilio fuisset, (t) postea adeo sine controversia inter JCtos æquales principatū tenuit, ut dignus videretur, qui extremis Vespasiani temporibus Pegaso in schola Proculejana, tunc sane longe celeberrima, succederet. (u) Alios illum

fuere Juventii. Libera adhuc rep. relati fuerant in tribum *Papiriam*, in quam & reliqui Tusculani. Liv. VIII. c. xxxvii. Brixienfes pertinebant ad tribū *Fabiam*, Hispani ad *Quirinam*, Grut. p. ccccxxvii. 5. alii ex hac gente *Succussana*: alii *Galeriæ* tribuum pars erant. Grut. p. ccxli, 5. Marq. Gud. Inscr. p. cxxviii, 9. (t) Rem refert Celsus filius, l. 29. ff. de leg. 2. At quis ille Ducennius Verus? Gu. Grot. de Vit. JCt. l. ii. c. ii. Verum illum intelligit, qui paullo ante excessū Vespasiani cum Silvano consul fuerit. Sed is quidem non Ducennius, verum L. Cejonius Commodus Verus dictus est, ceu accurate docuero Henr. Noris. Ep. Cons. p. 49. & Car. Spon. Miscell. Erud. Antiq. p. v. Ant. August. de Nom. prop. Pand. p. 259. dubitat, an non intelligendus sit Juventius Verus, qui an. dclxxxvi. fasces tenuit, quod nec Henr. Brenckmanno in Adpend. ad Relandi Fast. Cons. p. 85 i. displicet. Denique de L. Cejonio Vero, qui an. dcccclviii. L. Tutium Cerealem collegam habuit, suspicionem injicit V. C. Abr. VVielingius in Jurispr. Restit. p. 35 i. & in Adpend. p. 194. Sed ego in nomine nihil mutaverim. Præterquam enim, quod Celsus pater tam diu vixisse non videtur, in promptu nobis est DUCENNIUS GEMINUS, qui anno U. C. dcccix. ex Kal. Jul. cum Paullino Consul suffectus fuit. Hic & Veri cognomen ferre potuit, quippe ea ætate vivens, quæ uno alterove cognomine non erat contenta. V. C. Petr. VVesseling. Observ. lib. II. cap. XXI. Saltem eo probabilior est hæc divinatio nostra, quod nec nomen mutamus, & sic temporum rationes sibi optime cohærent, quas mirifice perturbarunt, qui vitas Jctorum scripserunt. (u) l. 2. §. ult. ff. de Orig. Jur.

illum honores in republica gessisse, nusquam legimus, (x) videturque vir optimus in illa temporum perturbatione, qualis sub Nerone & Domitiano fuit, mereri honores, quam iis fungi maluisse, pulchrum in primis atque honorificum existimans, colere jurisprudentiam, respondere de jure, magistratibus consilio, clientibus voce adesse, denique erectioris indolis adolescentem in spem meliorum temporum instituendo, serere arbores, alteri seculo profuturas. Quin licet respondendo docendoque non famam tantum immortalem sibi quæsserit, sed & plura reliquerit viva ac spirantia ingenii sui monimenta, discipulos puta doctissimos, inter quos & Juventius filius & Neratius Priscus eminebant: (y) tamen ne libros quidem ullos reliquisset

(x) Grot. *de Vit. Jct. lib. II. cap. II.* & Jan. Vinc. Gravina *de Ortu & progr. jur. civ. §. LXXVIII. p. 111.* ad Celsum patrem referunt, quæ Plin. *lib. VI. epist. V.* de prætura Juventii refert. Sed Celsus pater, si, quum Ducennio Consuli in consilio esset, annos tantum XXX. habuit, illo tempore jam provectionis ætatis fuit, quam quæ Præturæ conveniat. Præterea quæ Plinius ibi de Juventio Prætore refert, magis conveniunt juveni, ambitionis æstro percito, & in iracundiam facile incallescanti. Quare hac prætura non patrem sed filium functum esse, ipsa temporum ratio evincit.

(y) *l. 2. §. ult. ff. de orig. jur.*

quisse videtur, (z) sive negotiali vita impeditus, sive tempora metuens, virtuti inimica, quibus periculo non carebat, indulgere calamo, scribendisque libris ingenii ac doctrinae famam aucupari.

Tali parente natus P. JUVENTIUS noster, circa annum ab U. C. DCCCXX, (a) saltim non multo serius, in lucem prodit, isthac natalium fortuna & eam lucratius felicitatem, ut & exemplo tanti patris & consilio ad magna quævis incitaretur.

Hinc

(z) Aliquoties Celsi patris sententiæ laudantur, non modo a filio, l. 20. l. 29. ff. de legat. 2. verum etiam a Neratio Prisco, l. 38. ff. mand. & Ulpiano, l. 3. §. 7. ff. de condit. caus. dat. sed id fit his formulis: *A patre sic accepi: Pater meus referebat: Et Aristoni & Celso patri placuit: Celsus refert, patrem suum, Celsum, existimasse.* Qualibus verbis locus esse non potest, quando ex libris alicujus testimonia proferuntur.

(a) Rationes ita subducimus. Certum est, Juventii nostri præturam incidere in ætatem Plinii, qui ejus meminit *Lib. VI. Epist. V.* Juventiumque Prætorem tum cum Licio Nepote graviter altercatum refert de sententia, quam hic in causa Pomponii Rufi Vareni, repetundarum a Bithynis postulati, dixerat. Ea causa in Senatu acta est ineunte anno U. C. DCCCLIV. siquidem Man. Acilium Rufum, Cos. designatum tum primum sententiam dixisse, ex ejusdem Plin.

Hinc adolescens per omnes artes, quibus ea ætas ad humanitatem imbuī solebat, vividam indolem circumtulit, ingeniumque ad summa quævis natum ita perpolivit atque excoluit, ut nullum litterarum præsidium sibi deesse pateretur. Fragmenta sane ejus omnia, quæ in Digestis supersunt, stilo tam elegante, tamque terso ac castigato scripta sunt, ut Laur. Valla & Floridus, qui in exagitanda veterum Jctorum Latinitate, id est, in mustaceo laureolam quæsierunt, parum vel nihil omnino, quod juxta reprehensione dignum videatur, in Celsi stilo notaverint. (b) Deinde
in

Lib. V. Epist. XX. patet. Jam quum idem *Lib. VII. Epistol. XVI.* testis sit locupletissimus, leges annarias tunc adhuc religiose observatas esse, & aliunde constat, annum præturæ legitimum tunc fuisse ætatis trigesimum quartum, nisi forte anni aliquot vel principis beneficio vel ex lege Julia & Papia Poppæa remitterentur: *leg. 2. ff. de minor.* natalem Juventii incidisse oportuit in annum circiter DCCCXX. Quæ quum vulgo parum observentur: non sane mirum est, Celso patrem & filium, quin & nepotem, turpiter plerumque confundi a scriptoribus ceteroquin doctissimis.

(b) Notant quidem phrasin: *Adponere auctoritatem, leg. 189. ff. de regul. jur.* itemque vocabulum *ossuarium leg. 2. ff.*

in iisdem fragmentis quædam satis expressa Græcæ eruditionis vestigia occurrunt: (c) inprimis autem Stoicam illam ac severiorem sapientiam, quæ JCtis præcipue ad palatum erat, tot ejus sententiæ redolent, (d) ut satis adpareat, illum non illo-

de sepulcr. viol. Sed priorem non magis absurdam esse, quam illam: *Interponere auctoritatem*: posterius autem in pluribus marmoribus apud Gruterum, Reinesium, Sponium reperire præsidium, erudite suo more ostendit V. C. Car. Andr. Duker. *de Latin. Vet. JCt. p.* 423.

(c) *l. 3. ff. de Conditt. tritic. l. 7. ff. de supell. leg.*

(d) Quemadmodum nemo hodie ignorat, JCtos veteres, & maxime Proculejanos, philosophiam Stoicam reliquis sectis anteposuisse: Merill. *Obs. lib. l. c. XX.* ita ubique porticum Zenonis redolent Celsi fragmenta. Sic quum Stoici omnia fluere, perpetuoque decurrere & mutari, existimarent, quam doctrinam & Heraclitum, Thaletem, Pythagoram, Platonem amplexos esse, ex Aristot. *Metaph. lib. I. cap. VI. Sex. Empir. Hypot. lib. III. cap. XV. & Stobæi Lib. I. Eclog. c. XIV.* patet: subtilem hanc philosophiam & Celsus manifesto sequitur in *l. 26. §. 12. ff. de conditt. indeb.* Deinde, quæ Juventius *l. 7. ff. de supell. leg.* de voce & de ἀράρῳ φωνῇ philosophatur, Stoica esse, plane non dubitabit,

Hein. Opusc. Var. Pars I.

Kk

illotis manibus sacra nostra attigisse, sed, quo rite initiatus in interiores artis nostræ recessus penetraret, totum se dedisse iis literis, sine quibus vix quisquam J Cti nomen sine dedecore atque opprobrio sustinuit. Et ejus quidem diligentiae fructum paullo post capiebat uberrimum, quum animum ad jurisprudentiam adplicuisset. Sectatus enim patrem, (e) &, ceu nonnulli existimant, T. Aristonem, (f) non modo

quicumque cum illis contenderit locum Diogenis Laert. *Lib. VII. segm. 57.* Verba porro Celsi *l. 17. ff. de legib.* ex Zenonis libris deprompta esse, jam Merrill. *Obs. Lib. I. cap. XXVI.* observavit. Similem procul dubio auctorem habuit Celsus, quando, teste Justiniano *l. 10. C. qui test. fac. poss. neminem tam surdum esse, contendit, qui penitus non audiat si quis supra cerebrum illius loquatur.* De quo *σκέματι φουσινῶ* quum jam alii disputarint, ego jam nihil addo. Vid. Menagii Amoenit. *Jur. cap. XXVII. p. 155. sequ.*

(e) Ab eo se doctrinas suas accepisse, ipse fatetur Juventius *l. 20. ff. de leg. 3.*

(f) Aristo enim Celso rescripsisse dicitur, *l. 29. §. 1. de statu lib.* Et sane præclare Aristonis virtutes, celebratæ a Plin. *lib. VIII. Epist. XIV.* adolescentem mira discendi cupiditate flagrantem facile subigere potuerunt, ut & ab eo, quamvis Sabiniano, proficere vellet: sed

modo tam diu discebat, donec eum, quantum proficeret, non præniteret, sed & veteres libros, qui ad illustrandam jurisprudentiam facere videbantur, diurna nocturnaque versabat manu, (g) illaque incredibili diligentia efficiebat, ut ad summam, quam ingenium humanum capit, juris dicendi facultatem brevi eniteretur. Sane adhuc tum adolescens, ultra ætatem, ac propemodum ante pilos sapiebat, iisque jam annis præcoci ingenio fretus, de jure responderebat, quibus alii plerique vix inter du-

vercor tamen, ut id ex *d. l. 29.* recte probetur. Idem enim Aristo rescripsit Neratio, *l. 19. §. 2. ff. locat.* & Salvio Juliano *l. 6. ff. de legat. præs.* Videntur sane Icti σύγχερον de ambiguis juris quæstionibus inter se sæpe per epistolas disceptasse, nec inde statim sequitur, ut, qui alteri respondit, ipsi aliquando præceptoris loco fuerit.

(g) Citantur ab eo auctores præstantissimi, veluti Sex. Ælius, *l. 38. ff. de act. emt.* Brutus *l. 13. pr. ff. de in diem addict.* Cascellius *l. 158. ff. de verb. sign.* Cato, *l. 98. ff. eod.* Livius Drusus, *l. 38. ff. de act. emt.* Q. Antistius Labeo, *l. 43. ff. de legat. 3. l. 59. ff. de hered. inst. l. 7. ff. de supell. leg.* Q. Mucius Scaevola, *l. 48. ff. mand. l. 59. ff. de contr. emt. l. 13. ff. de in diem addict. l. 98. ff. de verb. sign.* Neratius Prisc. *l. 12. ff. quemadm. serv. amitt.* Nerva, *l. 32. ff. de pos.* Proclus *l. 38. ff. de*

dupondios locum inveniunt. (h) Ceterum quemadmodum in philosophia Stoicos: ita in jurisprudentia Proculejanos ac Pegasianos sequebatur, (i) quorum scholæ illum post patrem præfuisse, ex Pomponii loco colligimus. Neque tamen tam servili erat ingenio, ut Proculo, tamquam clauduspilæ, inhæreret, omniaque ejus bona, mala, vera, falsa perinde probaret: sed prudente usus ἐκλογῇ, nec adversæ parti

ma-

act. emt. Sabinus, l. 12. ff. *quemadm. serv. amitt.* Ser. Sulpicius, l. 7. ff. *de supell. leg.* C. Trebatius Testa, l. 59. ff. *de hered. inst.* Tubero, l. 5. §. 1. ff. *de pecul.* & M. Tull. Cicero l. 96. ff. *de V. S.*

(h) Ita intelligendus locus Paulli l. 61. §. 3. ff. *de verb. oblig.* ubi Celsus adolescentem scribere, ait, moram posse purgari: Nec adolescens hic pro filio ponitur, ceu visum Jano Vinc. Gravinæ *de Ortu & progr. jur. civ.* §. LXXIX.

(i) Hinc passim in Celsi fragmentis defendi videas Labeonem, Nervam, Proculum, passim refelli Sabinum, veluti l. 8. §. 2. ff. *de in jus voc.* & Julianum, a quo eum frequenter dissentire, jam Cujac. *Obs. Lib. VIII. Cap. XXXV. & lib. XXVII. cap. XII.* monuit. Plerumque etiam in solvendis quæstionibus difficilioribus Proculejanis suffragatur. Exempli bellissima habes in l. 26. §. ult. ff. *de condit. indeb.* l. 71. ff. *pro soc.* l. 7. pr. ff. *commod.* l. 14. §. 10. ff. *de furt.*

manus dare, (k) nec propria ipse vineta cedere dubitabat, (l) quotiescumque id veritas ac iustitia exigere viderentur.

Formatus hunc in modum Juventius noster, id jam agebat, ut & masculæ illi ac pulcherrimæ philosophiæ, quæ in rebus agendis administrandaque republica versatur, totum se dederet. Hinc prima facturus militiæ palatinæ stipendia, non modo in foro, tanquam præstantissima ingeniorum palæstra, assidue versabatur, sed & nihil faciebat reliqui, ut respondendo de jure tum de civibus, tum de magistratibus, bene mereretur. (m) Militia ista

fo-

(k) Hinc aliquando cum Sabino sentit, veluti *l. 65. §. 3. ff. de legat. 3. l. 6. ff. de condit. ob turp. caus.* aliquando cum Cassin. *l. 1. ff. de flumin.*

(l) Sic Antistii Labeonis sententiam deserit. *l. 25. pr. ff. de furt.* a Nerva dissentit *l. 29. ff. de evict.* Est, ubi a patris doctrina modeste discedit, *l. 3. §. 6. ff. de condit. caus. dat.* ut satis adpareat, nihil eum veritate habuisse antiquius, atque ex iis JCtis eriscundis fuisse, de quibus erudite differit Merrill. *Obs. Lib. 1. Cap. IV.*

(m) Respondit non modo privatis, veluti Plotianæ. *l. 18. ff. de jure codicill.* Aurelio Quieto, *l. 16. ff. mand.* Cornelio Felici, *l. 58. pr. ff. pro sec.* Domitio Labeoni, (quem imperitissimum juris hominem JCtis accensere non dubitat

forensis dici non potest, quanto tunc adjumento fuerit hominibus, ad majora nitentibus. Quare & Celsus viam ad honores habuisset expeditissimam, si vel maxime aliam sibi non munivisset. Sed illi & aliud, memorabile potius, quam dignum aliqua laude, facinus ad amplissimas dignitates consequendas profuit. Auctor enim est Dio Cassius, (n) Juventium Celsum una cum aliis quibusdam viris illustribus adversus Domitianum, principem pessimum, conjurasse, accusatum autem, jamque in extremo constitutum periculo, callide petiisse, ut admitteretur ad principem, cui, facta sibi eum adeundi copia, miris blanditiis persuaserit, se expertem esse ejus criminis, liberaliterque pollicitus sit, se ipsum indagaturum sceleris socios, argumentaque con-

ju-

Jo. Bertrandus,) *l. 27. ff. qui test. fac. poss.* Trebelliano, *l. 72. ff. ad SC. Trebell.* Sexto, *l. 7. §. 17. ff. quib. ex caus. in poss. eat.* verum etiam magistratibus, veluti Flavio Respecto prætori *l. 3. §. 1. ff. de minor.* Ex quo patet, illum facultatem de jure respondendi beneficio principis accepisse. Tiocinia enim ejus forensia incidunt in tempora Domitiani, Nervæ, Trajani; & primus Hadrianus omnibus promiscue permisit de jure respondere, quibus erat studiorum fiducia, *l. 2. §. 47. ff. de orig. jur.*

(n) Dio Cass. *Lib. LXVII. p. 765.*

jurationis luculenta iudicibus suggesturum. Addit Dio, Celsum, impetrata venia, rem omnem ad Domitiani cædem callide extraxisse, eaque arte se sociosque exemisse periculo. Quæ si vera sunt, plus quidem famæ, quam gloriæ, habent: at Celso tamen procul dubio ad consequendos honores maximo adjumento fuerunt. Earumdem enim partium, in eodemque consensionis globo, teste Philostrato, (o) erant Rufus Salvidienus, Orfitus, & Nerva ille, qui postea Domitiano in imperio est surrogatus. Hic, quum Celsi, juvenis ferocis ac callidi, artibus & servatus, & ab exilio liberatus esset, gratiam procul dubio illi retulit bona fide, & cum Trajano filio nihil, quod ad eum ornandum pertinere videbatur, prætermisit. Non equidem dubium est, quin Celsus per omnes honorum gradus ad consulatum adscenderit: at vigintiviratus tamen, Quæsturæ, Ædilitatis vel Tribunatus, quibus tum ante Præturam defungendum erat, nusquam mentionem fieri observamus. Contra Præturæ ejus meminit Plinius Secundus, (p) eamque in annum ab U. C. DCCCLIV. incidisse,

(o) Philostr. Vit. Apollon. Tyan. Lib. VII. Cap. III.

(p) Plin. Lib. VI. Epist. V. ubi Juventium Prætorem cum Licinio Nepote altercatum esse refert. Quum enim Bithyni Varenum accusassent repetundarum: hic, ut sibi defensionis causa

disse, supra demonstravimus. Ex eo semel iterumque Consul fuit, quamvis de priore ejus consulatu fasti taceant. (q) At post-

testes evocare liceret, a Senatu petierat, idque, adjutus Plinii & Humulii eloquentia, suffragioque Cornelii Prisci, impetraverat. Plin. Lib. V. Ep. XX. Sequenti sessionum die de eo Scito differebat Licinius Nepos, ac si illud legibus adversaretur, monebatque, petendum esse a consulibus, ut referrent de lege repetundarum, an placeat in futurum ad eam legem adjici, ut reis perinde, ac accusatoribus, jus sit testes evocare. Indignantibus quibusdam, Juventium Licinium, tamquam emendatorem Senatus vehementer increpuit. Respondit Nepos, rursusque Celsus, quorum neuter sibi a conviciis temperavit, non sine voluptate patrum conscriptorum, quum Celsus Nepoti ex libello, & Celso Nepos ex pugillaribus responderet. Hujusmodi altercationes libera olim rep. in Senatu frequentissimas fuisse, observat Briffon. *de Formul. lib. II. p. 184*, mittebantque eam etiam boni principes, ne Senatus populusque, hoc libertatis simulacro delusus, servire se putaret.

(q) Suffectus procul dubio consul fuit Juventius, quum primum fasces tene-
ret, adeoque non obscura ratio est,
cur nullum usquam adpareat hujus

sterioris meminerunt non modo marmora, (r) verum etiam leges nostræ, neque dubium est, quia is honor Juventii nostri incidat in annum DCCCLXXXI. Collega ipsi fuit, si Cassiodoro & Prospero credimus, *Marcellinus*, si Idatio & auctori Chronici Alexandrini, *Marcellus*, si denique marmoribus, *Q. Julius Balbus*. Sed litem hanc sine pulveris jactu composuit Norisius, (f) docuitque, hunc Balbum etiam Marcelli cognomen tulisse. Exstat SC. hoc anno factum, quod integrum in pandectis superest, (t) in quo tamen & consules suffecti simul cum ordinariis memorantur.

consulatus vestigium. Puto tamen illum incidere in annum DCCCL. collegamque Juventii tunc fuisse vel Afranium, vel ipsum Ulpium Trajanum, Imperatorem. Nam primo hoc anno quadragenarius fuit Celsus, qui legitimus tunc annus erat consulatus. Deinde ejus anni initio consules facti *Nerva IV.* & *Trajanus II.* &, mortuo VI. Kal. Febr. Nerva, quis ei suffectus fuerit, non memoratur. Item a mense Octobri suffectus legitur *Afranius Dexter*, quem vero collegam habuerit, non legimus. Sed hæc quidem divinatio est.

(r) Grut. *Inscr. p. DLXXIII. 2. Onaphr. Panu. Fast. p. 221.*

(f) Henr. Noris. *de Epoch. Syro-Maced. p. 498.*

(t) L. 20. §. 6. ff. de hered. pet. Sed vel librarium, Codicis Florentini aucto-

tur. (u) Id quod non raro factum esse, ex monumento apud Gruterum infra memorando (x) satis adparet. Est & alterum SC. eodem JUVENTIO CELSO ITERUM, (y) ET NERATIO MARCELLO COSS. factum, (z) quo lex Vectibulici, (a) de jure civi-

vi-

rem, vel ipsum Tribonianum abbreviationes in SCis. sollemnes non intellexisse, satis liquet. Emendavit illud Petr. Pirhœus *Adversar. lib. II. cap. XV.*

(u) Hub. Golzius in Fastis monet, initio hujus anni fasces tenuisse *Celsum iterum & Q. Julium Balbum*, ex Kal. Martiis T. *Aufidium Frontonem & Acrium Severianum*, qui in d. l. 20. §. 6. memorantur, denique ex Kal. Novemb. C. *Neratium Marcellum & Cn. Lollium Gallum*.

(x) Grut. p. DCVII. ubi simul memorantur *Antius Pollio & Opimianus Coss. ordinarii*, *Severus & Sabinianus Coss.*

(y) Ita legendum esse pro *item*, quod in vulgatis habetur, recte monet Ant. Augustin. *Emendat. lib. III. cap. IV.*

(z) *L. ult. C. de serv. reip. manumitt.*

(a) At quænam lex Vectibulici? Nulla sane fuit gentium Romanarum, a qua lex id nomen ferre potuerit, nec quisquam fere dubitat, quin vitiosa sit ea denominatio. Licebit itaque in re difficili hæriolari. Municipia olim servos manumittere non poterant, quia manumissio, tamquam actio legis, per procuratores non poterat explicari.

vitatis cum servis municipiorum manumissis communicando ad provincias etiam porrecta est. Sed & hic perdifficilis oritur quæstio, quomodo Celsi collega dici possit Neratius Marcellus, qui sub finem ejus anni suffectus, Cn. Lollius Gallum collegam sortitus est. Sed errorem hic admissum esse, plerique agnoscunt, facilisque fuit errandi occasio, quum duo Marcelli eodem anno, at non iisdem mensibus, consules processerint, quos

L. 123. pr. ff. de Reg. jur. l. 3. C. de vindict. libert. & apud concil. manumiss. Quos itaque servitutis iugo eximebat respublica, ii ex lege Ælia Sentia in libertate quidem morabantur, nec tamen habebantur liberi. Quum autem postea ex lege Junia Norbana omnes, qui justam libertatem non fuerant consequuti, Latini fierent: Ulpian. *Fragm. Tit. l. §. XII.* ejusdem quoque juris censebantur servi a republica manumissi. Id primum mutatum Lege hac Vectibulici, quæ cum libertinis municipiorum jura civitatis communicavit. *l. ult. C. de serv. reip. manum.* Quumque, quod in gratiam municipiorum sancitum fuerat, non statim ad provinciales quoque civitates pertineret: ad eas quoque legem protulit SCum, de quo agimus. Ex eo palam est, legem Vectibulici conditam esse inter annum DCCLXXI. quo lex Junia Norbana lata, & annum DCCC LXXXI. quo prodit SC. Juventianum.

quos & doctissimus quisque facile confudisset. (b) Hæc quidem de Juventii prætura & consulatibus : quibus quamvis eo tempore nihil esset honorificentius, Hadrianus tamen, acerrimus ingeniorum censor, tantis dignitatibus id adjecit incrementum, ut eum cum Salvio Juliano & Neratio Prisco in consilium suum & inter amicos adscisceret, (c) raro illis temporibus exemplo felicitatis, ut jureconsultus operam ac studia simul principi, simul reip. probaret.

Quem

Atqui quum anno U. C. DCCCLXIII. M. Vettius Rusticus Bolanus Cof. fuerit: Quod ut. *Inscr. p. LXVI, 2. p. CXXVIII, 5. p. CLXIII, 7.* ab eo procul dubio lex dicenda est *Vettii Bolani*. Tamen, ut vera fatear, proprie non lex fuit, sed SCum. Eo enim tempore leges non amplius ferebantur, nec raro SCa legum nomine veniunt. Exemplâ occurrunt passim, in primis apud Jul. Capitolin. in Vit. M. Anton. cap. IX. & Dionem Cass. *Lib. LXVIII. pag. 707.*

(b) Vere enim *Marcellus* Juventio collega fuit: non tamen *Neratius Marcellus*, qui extremo illo anno fasces tenuit, sed *Q. Julius Balbus*, cui & *Marcelli* cognomen fuisse, ex monumentis idoneis demonstravit Henr. Noris. *Epoch. Syro Maced. p. 498.*

(c) Spartian. *Vit. Hadr. cap. XVIII.* Magna hæc dignitas, inter principis

Quem vivendi finem habuerit Celsus, qui inter tot fortunæ obsequia consueverat, non memorant annales, quamvis fere pro certo adfirmare liceat, eum non attigisse Antonini Pii imperium, sed extremis Hadriani temporibus diem supremum obiisse. (d) Ex quo porro colligimus, insigne istud

amicos, & comites, id est, interioris admissionis administratos, esse, quorum in numerum non temere alii, quam viri consulares, recipiebantur, qualis Sentius Severus in marmore Mediolanensi apud Salmasium ad Spart. l. c.

C. SENTIO.

SEVERO

QUADRATO.

C. V. COS.

AMICO. ET. COM. AGU. N.

Habitus is honor Jctis etiam sub Antonino Pio, Marco, & Alexandro, Augustus, ceu ex l. 4. C. de contr. stipul. Jul. Capit. Vit. Anton. Pii cap. XII. ac denique ex Lamprid. Vis Alex. cap. XV. & XVI. discimus, quamvis in loco postremo manifestus sit παραγγελος librarii. Celsum nostrum Alexandri amicis ac consiliariis accensentis.

(d) Ex rationibus, nostris consul iterum fuit anno ætatis circiter LKI. Post hæc Julianus edidit libros Digestorum, & quidem ineunt principatu Antoninii Pii, ceu ex l. 6. §. 12. ff. de neg. gest. C. l. 18. ff. quod met. caus.

istud marmor Gruterianum, in quo libello
cuidam subscripsit JUVENTIUS CELSUS, PRO-
MAGISTER, non ad Celsum nostrum perti-
nere, sed ad filium ejus, quem ipsum quo-
que per vestigia patris grassatum, palatinis
honoribus fulsisse, ex uno illo lapide disci-
mus. (e) Sed redimus ad Juventium no-
strum,

colligimus. Atqui in libro XXIX. il-
lorum Digestorum Celso nostro his ver-
bis testimonium denunciat: *Quod etiam
Juventio Celso apertissime placuit. Qua-
li sane formula non utuntur, qui vi-
vum testem adpellant. Itaque, incun-
te Antonini imperio, jam vivis pro-
cul dubio excefferat Juventius.*


(e) Edidit hoc marmor post Mazochium,
Appianum, Brissonium, Rutilium, alios-
que Grut. Inscript. p. DCVII. In illo
est libellus liberti Aug. principi obla-
tus, quo, ut sibi reliquias conjugis &
filii, sacrophago fictili commendatas,
in marmoreum inferre liceat, petiit.
Ei subscriptum:

FERETRYM. FIERI. PLACET. IV-
VENTIVS CELSVS. PROMAGISTER.
SVBSCRIPTI. III. NON. NOVEMB.
ANTIO. POLLIONE. ET. Q^{VI}IMIA-
NO. KOSS. ORDINARIIS. SEVERO.
ET. SABINIANO. COSS.

Hunc lapidem Guil. Grot. de vit. J. Ct.
Lib. II. cap. III. & Menag. in Amoen.
Jur. cap. XX. pag. 98. ad Juventium
J. Ctum, de quo nos hactenus egimus,

strum, qui, ne quid sibi deesset ad immortalitatem, etiam doctissimis operibus sempiternam sibi famam peperit, quamvis præter fragmenta, quæ in Pandectis & locis quibusdam aliis supersunt, nihil commune istud librorum juridicorum naufragium evaserit. Scripserat EPISTOLAS, (f) in quibus consilia

referunt, quum tamen meliora edoceri potuissent a Jo. Bertrando Lib. I. cap. X. Consulatus enim Pollionis & Opimiani incidit in annum U. C. DCCCXVII. quo jam ad plures abiisse Celsum nostrum, demonstravimus. Συγγραμματὶς Celso nostra fuit C. JUVENTIUS VERUS, qui & ipse ad consulatum pervenit, Grut. p. CXV. 1. quemque nostri fratrem fuisse, admodum sit verosimile. Quumque hunc Verum Salvii Juliani genti adfinitate junctum fuisse, præclare ex marmoribus demonstrat Reines. Var. Libr. III. cap. II. p. 343. stemma tale inde emergit:



(f) Earum librum XI. citat Ulpianus l. 3.

filia ac responsatum magistratibus, tum privatis data videtur collegisse, quamvis ex iis postea aliqua in Digesta sua retulerit. (g) Scripserat & *QUÆSTIONUM*, id est, problematum juris difficiliorum ac publice disceptatorum, libros scilicet XIX. (h) Reliquerat præterea *COMMENTARIOS*, vel, uti ego interpretor, breviora juris universi elementa, ac .

ff. de minor. Præter illum Epistolas edidit C. Atejus Capito, Gell. *lib. XIII. cap. XII.* Antistius Labeo, *l. 30. §. 1. ff. de usu.* Proculus, Javolenus, Neratius, Africanus, Julianus, & Sex Pompeius. Ceterum Ictos consilia & responsa sua colligere solitos, patet ex fragmentis Proculi *l. 78. ff. pro soc. l. 47. ff. de leg. 2. leg. 7. de capriv. & postl. l. 55. sequ. ff. de acqu. rer. dom. l. 69. de contr. emt.*

(g) Vid. *l. 3. ff. de minor.* (h) Earum librum tantum XII. & XIX. ab Ulpiano laudari, notat Labitt. Indic. Pand. pag. 77. Sed & librum I citari observavi in *l. 1. ff. de reb. cred.* quod argumento esse potest, Indicem Labitti post tot editiones nondum satis accuratum esse. Quid fuerint Quæstiones a Ictis editæ, quales & a Papiniano, Mæciano, Africano, Cervidio Sævola, Tertulliano, Callistrato & Paulo scriptas novimus, præclare docuerunt Jac. Cujac. in tract. ad Afric. & Eu. Otto in Papiniano Cap. XII. p. 234.

ac quoddam quasi ἀπόχειρον τῶν νόμων. (i)
 Ast celeberrimum fuit opus DIGESTORUM,
 quo totam jurisprudentiam, servato Edicti
 ordine, libris XXXIX. complexus est, &
 quod solum temporibus Justiniani vide-
 tur superfuisse. (k) Hæc sunt Celsi nostri
 ope-

quibus addo, Scævola edidisse li-
 brum *Quæstionum publico tractatarum*,
 quæ inscriptio optime ostendere vide-
 tur hujusmodi librorum argumentum.

(i) Citatur liber *Commentariorum* se-
 ptimus ab Ulpiano, l. 19. §. 6. ff. de
 aur. arg. mund. quemadmodum & Caji
 nostri *Commentarii* laudantur l. 54. ff.
 de cond. & demonstr. Eorum argumen-
 tum eleganter exponit Isidor. Hisp.
 Orig. Lib. VI. Cap. VIII. *Commentaria*
dicitur, quasi cum mente. Sunt enim in-
terpretationes, ut commenta juris, com-
menta evangelii. Nam quidquid breviter
componitur, commentarium dicitur.

(k) Ex eo solo fragmenta in pandectas
 retulit Tribonianus. Reliqui ergo libri
 tum non amplius reperti sunt. Quin-
 quam ante Justinianum nec Theodosius
 in l. r. C. Th. de resp. prud. nec Ania-
 nus in Interpretamentis Digestorum Cel-
 si faciant mentionem: illa quoque
 procul dubio fuere inter rariores an-
 tiqua sapientia libros, quorum quum
 multi essent & ipsis eruditissimis homi-
 nibus incogniti, copiam maxime Trib-
 onianus, vir excellentissimus, præcuisse,

opera, (1) quæ sæpenumero a Juliano, Sex. Pomponio, L. Volusio Mæciano, Ælio Marciano, Ulpiano, Paulo, ipsoque Justiniano citantur, & ita quidem, ut vix adducant locum, quin vel laudent Celsi sententiam, vel eam suo suffragio confirmant.

dicitur in *Const. tanta* §. 17. *de confirm. pand.* Ordo Edicti in his digestis observatur a libro I. ad librum XXVII. Libro XXVIII. de legibus Cincia & Velleja, Libro XXIX. de Fufia Caninia, Ælia Sentia, Junia Norbana, Libris XXX. & sex sequentibus, quod & Jac. Gothofr. in *Comment. ad Reg. Jur.* pag. 748. observavit, de lege Julia & Papia Poppæa; libro XXXVII. de legibus judiciorum publicorum; libro XXXVIII. de stipulationibus & cautionibus; ac postremo libro XXXIX. de jure fisci, re militari, aliisque, quæ ad jus publicum pertinent, tractaverat.

(1) Bern. Rutilius Vit. *Jct. Cap. LVIII.* & Jo. Bertrandus Celso etiam tribuunt *INSTITUTIONUM libros. XX.* Vinc. Gravina §. XXXIX. addit libros aliquot de *USUCAPIONIBUS*, quibus in libris crebram mentionem patris fieri, observat. Sed utriusque operis nusquam apud veteres fit mentio, & Celsus filius in toto Digestorum opere vix semel iterumque patris meminit.

ment. (m) Ceterum in ejus fragmentis duo sibi notare visus est Guil. Grotius, alterum, quod equitatis observantissimus; alterum, quod in deridendis aliorum opinionibus melius, & natura sarcasticus fuerit. Sed uti prius illud Grotio facile largimur: ita vereor, ut posterius in ejus fragmentis quisquam, adhibito quovis perspicillo, deprehensurus sit, nisi forte tam severus, ut derisorem dicat, quicumque veritatis studio-

(m) Hinc formulæ: Eleganter Celsus scribit. l. 1. ff. de just. & jur. l. 21. §. 11. ff. de recept. & arb. l. 1. §. 3. ff. de usufr. accr. l. 18. §. 4. fam. ercisc. non ineleganter, l. 3. §. 8. de condit. caus. dar. recte, l. 21. §. 11. de recept. l. 2. de condit. ind. l. 18. de her. pet. l. 15. §. 25. de damn. inf. Ejus sententiam videri probabilem, l. 1. §. 3. de flum. rationalem l. 2. §. 3. de judic. non inargutam. l. 5. §. 1. ff. de usufr. ear. rer. veram, l. 1. §. 3. ff. de exc. rei vend. & passim veriozem, l. 33. ff. ad SC. Treb. verissimam, l. 11. §. ult. ff. de interrog. in jur. fac. eam habere rationem. l. 19. §. 3. de aur. arg. mund. Ejus sententiam probandam, l. 13. ff. de her. pet. l. 2. ff. de usu & habit. ei adquiescendum, l. 17. §. 1. ff. de op. libert. eo jure utendum. l. 23. ff. de R. J. Unus Julius Paulus, & semel quidem, monet, non admissum esse, quod Celsus ait. l. 28. §. 8. ff. de solut.

dio ductus, ab aliorum sententia, ingenua libertate dissentit. (n)

Enimvero, ne in librum excrescat dissertatio, jam id agendum, cujus causa hanc operam calamo indiximus. Quum enim post acerba virorum doctissimorum, HENR. BERN. REINOLDI & ARN. VVESENFELDI, funera jurisprudentiæ ac philosophiæ publicæ docendæ provinciam mihi imposuerit, eoque consilio me ex illustri Franequerana longe clementissime evocarit REX PRUSSIÆ POTENTISSIMUS, Dominus noster & Nutritor Academiæ longe munificentissimus: nihil superest, quam ut, dicta oratione solemni, auspiciis utriusque muneris more majorum faciam. Fiet id futuro die IV. Novem-

(n) *Miratur aliquando Celsus, hoc a nemine animadversum, l. 13. ff. de in diem add. quorumdam etiam sententiam sibi minus probari, fatetur: l. 1. §. 1. ff. ad municip. sed in his nihil σαρκασμὸν. Semel Ulpianus l. 10. ff. de neg. gest. Celsum Proculi sententiam eleganter derisisse ait. Sed deridere eleganter ad χαριεντιότητα pertinet. In primis Grotius profert acre Celsi responsum l. 27. ff. qui test. fac. poss. at ibi non alterius sententiam, sed stolidam Domitii Labeonis quæstionem, sibi propositam, deridet. Et ea sane nostris quoque hominibus tam ridicula videtur, ut patroemix Jctorum: quæstio Domitiana originem dederit.*

vembr. quo de JURISCONSULTIS SEMIDOCYTIS differere, eorumque uberrimum proventum ex litterarum ac philosophiæ contemptu nasci, brevi oratione demonstrare decrevimus. Quem actum ut sua præsentia condecorare velint REGTOR MAGNIFICUS, ILLUSTRISSIMUS IMP. COMES, PERILLUSTRES BARONES, PROFESSORES EXCELLENTISSIMI, & quicumque Musas amant, CIVES HOSPITESQUE generosi ac doctissimi, ea, qua par est, humanitate, & opere, quantum possum, maximo exoratum venimus, daturi operam, ne officio nostro, simili oblata occasione, umquam defuisse dicamur. P. P. in alma Viadrina A. D. II. Nov. c1800cXXVII.



quos & doctissimus quisque facile confunderet. (b) Hæc quidem de Juventii prætura & consulatibus : quibus quamvis eo tempore nihil esset honorificentius, Hadrianus tamen, acerrimus ingeniorum censor, tantis dignitatibus id adjecit incrementum, ut eum cum Salvio Juliano & Neratio Prisco in consilium suum & inter amicos adscisceret, (c) raro illis temporibus exemplo felicitatis, ut jureconsultus operam ac studia simul principi, simul seip. probaret.

Quem

Atqui quum anno U. C. DCCCLXIII. M. Vettius Rusticus Bolanus Cof. fuerit: *Orut. Inscr. p. LXVI, 2. p. CXXVIII, 5. p. CEXIII, 7.* ab eo procul dubio lex dicenda est *Vettii Bolani*. Tamen, ut vera fatear, proprie non lex fuit, sed SCum. Eo enim tempore leges non amplius ferebantur, nec raro SCa legum nomine veniunt. Exempla occurrunt passim, in primis apud Jul. Capitolin. in Vit. M. Anton. cap. IX. & Dionem Cass. *Lib. LXVIII. pag. 707.*

(b) Vere enim *Marcellus* Juventio collega fuit: non tamen *Neratii Marcellus*, qui extremo illo anno fasces tenuit, sed *Q. Julius Balbus*, cui & *Marcelli* cognomen fuisse, ex monumentis idoneis demonstravit Henr. Noris. *Epoch. Syro-Maced. p. 498.*

(c) Spartian. Vit. Hadr. cap. XVIII. Magna hæc dignitas, inter principis

Quem vivendi finem habuerit Celsus, qui inter tot fortunæ obsequia consenuerat, non memorant annales, quamvis fere pro certo adfirmare liceat, eum non attigisse Antonini Pii imperium, sed extremis Hadriani temporibus diem supremum obiisse. (d) Ex quo porro colligimus, insigne istud

amicos, & comites, id est, interioris admissionis administratos, esse, quorum in numerum non temere alii, quam viri consulares, recipiebantur, qualis Sentius Severus in marmore Mediolanensi apud Salmasium ad Spart. l. c.

C. SENTIO.

SEVERO

QUADRATO.

C. V. COS.

AMICO. ET. COM. AGU. N.

Habitus is honor JCr̄is etiam sub Antonino Pio, Marco, & Alexandro, Augustus, ceu ex l. 4. C. de contr. stipul. Jul. Capit. Vir. Anton. Pii cap. XII. ac denique ex Lamprid. Vis Alex. cap. XV. & XVI. discimus, quamvis in loco postremo manifestus sit παραγγελος librarii. Celsum nostrum Alexandri amicis ac consiliariis accensentis.

(d) Ex rationibus, nostris consul iterum fuit anno ætatis circiter LXI. Post hæc Julianus edidit libros Digestorum, & quidem ineunt principatu Antoninii Pii, ceu ex l. 6. §. 12. ff. de neg. gest. & l. 18. ff. quod met. causis

istud marmor Gruterianum, in quo libello cuidam subscripsit JUVENTIUS CELSUS, PROMAGISTER, non ad Celsum nostrum pertinere, sed ad filium ejus, quem ipsum quoque per vestigia patris grassatum, palatinis honoribus fulsisse, ex uno illo lapide discimus. (e) Sed redimus ad Juventium nostrum,

colligimus. Atqui in libro XXIX. illorum Digestorum Celso nostro his verbis testimonium denunciatur: *Quod etiam Juventio Celso apertissime placuit.* Quali sane formula non utuntur, qui vivum testem adpellant. Itaque, incunte Antonini imperio, jam vivis procul dubio excefferat Juventius.


(e) Edidit hoc marmor post Mazochium, Appianum, Briffonium, Rutilium, aliosque Grut. Inscript. p. DCVII. In illo est libellus liberti Aug. principi oblatum, quo, ut sibi reliquias conjugis & filii, sacrophago fictili commendatas, in marmoreum inferre liceat, petit. Ei subscriptum:

FERETRYM. FIERI. PLACET. IV-
VENTIVS CELSVS. PROMAGISTER.
SVBSCRIPTI. HI. NON. NOVEMB.
ANTIO. POLLIONE. ET. Q^UIMIA-
NO. KOSS. ORDINARIIS. SEVERO.
ET. SABINIANO. COSS.

Hunc lapidem Guil. Grot. de vit. JCr. Lib. II. cap. III. & Menag. in Amoen. Jur. cap. XX. pag. 98. ad Juventium JCrum, de quo nos hactenus egimus,

strum, qui, ne quid sibi deesset ad immortalitatem, etiam doctissimis operibus sempiternam sibi famam peperit, quamvis præter fragmenta, quæ in Pandectis & locis quibusdam aliis supersunt, nihil commune istud librorum juridicorum naufragium evaserit. Scripserat EPISTOLAS, (f) in quibus consilia

referunt, quum tamen meliora edoceri potuissent a Jo. Bertrando Lib. I. cap. X. Consulatus enim Pollionis & Opimiani incidit in annum U. C. DCCCXVII. quo jam ad plures abiisse Celsum nostrum, demonstravimus. Συγχρονος Celso nostra fuit C. JUVENTIUS VERUS, qui & ipse ad consulatum pervenit, Grut. p. CXV. 1. quemque nostri fratrem fuisse, admodum sit verosimile. Quumque hunc Verum Salvii Juliani genti adfinitate junctum fuisse, præclare ex marmoribus demonstrat Reines. Var. Libr. III. cap. II. p. 343. stemma tale inde emerget:



(f) Earum librum XI. citat Ulpianus l. 3.

filia ac responsatum magistratibus, tum privatis data videtur collegisse, quamvis ex iis postea aliqua in Digesta sua retulerit. (g) Scripserat & QUÆSTIONUM, id est, problematum juris difficiliorum ac publice disceptatorum, libros scilicet XIX. (h) Reliquerat præterea COMMENTARIOS, vel, uti ego interpretor, breviora juris universi elementa,
ac .

ff. de minor. Præter illum Epistolas edidit C. Atejus Capito, Gell. *lib. XIII. cap. XII.* Antistius Labeo, *l. 30. §. 1. ff. de usuc.* Proculus, Javolenus, Neratius, Africanus, Julianus, & Sex Pompeius. Ceterum JCtos consilia & responsa sua colligere solitos, patet ex fragmentis Proculi *l. 78. ff. pro soc. l. 47. ff. de leg. 2. leg. 7. de captiv. & postl. l. 55. sequ. ff. de adqu. rer. dom. l. 69. de contr. emt.*

(g) Vid. *l. 3. ff. de minor.* (h) Earum librum tantum XII. & XIX. ab Ulpiano laudari, notat Labitt. *Indic. Pand. pag. 77.* Sed & librum I citari observavi in *l. 1. ff. de reb. cred.* quod argumento esse potest, Indicem Labitti post tot editiones nondum satis accuratum esse. Quid fuerint Quæstiones a JCtis editæ, quales & a Papiniano, Mæciano, Africano, Cervidio Sævola, Tertulliano, Callistrato & Paulo scriptas novimus, præclare docuerunt Jac. Cujac. in tract. ad Afric. & Eu. Otto in Papiniano Cap. XII. p. 234.

ac quoddam quasi *ἀπόχρητον ἢ νόμον*. (i)
 Ast celeberrimum fuit opus DIGESTORUM,
 quo totam jurisprudentiam, servato Edicti
 ordine, libris XXXIX. complexus est, &
 quod solum temporibus Justiniani vide-
 tur superfuisse. (k) Hæc sunt Celsi nostri
 ope-

quibus addo, Scævola edidisse li-
 brum *Questionum publico tractatarum*,
 quæ inscriptio optime ostendere vide-
 tur hujusmodi librorum argumentum.

(i) Citatur liber Commentariorum se-
 ptimus ab Ulpiano, l. 19. §. 6. ff. de
aur. arg. mund. quemadmodum & Caji
 nostri Commentarii laudantur l. 54. ff.
 de cond. & demonstr. Eorum argumen-
 tum eleganter exponit Isidor. Hisp.
 Orig. Lib. VI. Cap. VIII. *Commentaria*
dicta, quasi cum mente. Sunt enim in-
terpretationes, ut commenta juris, com-
menta evangelii. Nam quidquid breviter
componitur, commentarium dicitur.

(k) Ex eo solo fragmenta in pandectas
 retulit Tribonianus. Reliqui ergo libri
 tum non amplius reperti sunt. Quin-
 quam ante Justinianum nec Theodosius
 in l. r. C. Th. de resp. prud. nec Ania-
 nus in Interpretamentis Digestorum Cel-
 si faciant mentionem: illa quoque
 procul dubio fuere inter *variores an-*
tiqua sapientia libros, quorum quum
 multi essent & ipsis eruditissimis homi-
 nibus incogniti, copiam maxime Tribon-
 ianus, vir excellentissimus, præbuisse,

opera, (1) quæ sæpenumero a Juliano, Sex. Pomponio, L. Volusio Mæciano, Ælio Marciano, Ulpiano, Paulo, ipsoque Justiniano citantur, & ita quidem, ut vix adducant locum, quin vel laudent Celsi sententiam, vel eam suo suffragio confirmant.

dicitur in *Const. tanta* §. 17. de *confirm. pand.* Ordo Edicti in his digestis observatur a libro I. ad librum XXVII. Libro XXVIII. de legibus Cincia & Velleja, Libro XXIX. de Fufia Caninia, Ælia Sentia, Junia Norbana, Libris XXX. & sex sequentibus, quod & Jac. Gothofr. in *Comment. ad Reg. Jur.* pag. 748. observavit, de lege Julia & Papia Poppæa; libro XXXVII. de legibus judiciorum publicorum; libro XXXVIII. de stipulationibus & cautionibus; ac postremo libro XXXIX. de jure fisci, re militari, aliisque, quæ ad jus publicum pertinent, tractaverat.

- (1) Bern. Rutilius Vit. Jct. Cap. LVIII. & Jo. Bertrandus Celso etiam tribuunt *INSTITUTIONUM libros. XX.* Vinc. Gravina §. XXXIX. addit libros aliquot de *USUCAPIONIBUS*, quibus in libris crebram mentionem patris fieri, observat. Sed utriusque operis nusquam apud veteres fit mentio, & Celsus filius in toto Digestorum opere vix semel iterumque patris meminit.

ment. (m) Ceterum in ejus fragmentis duo sibi notare visus est Guil. Grotius, alterum, quod equitatis observantissimus; alterum, quod in deridendis aliorum opinionibus miles, & natura sarcasticus fuerit. Sed uti prius illud Grotio facile largimur: ita vereor, ut posterius in ejus fragmentis quisquam, adhibito quovis perspicillo, deprehensurus sit, nisi forte tam severus, ut derisorem dicat, quicumque veritatis studio-

(m) Hinc formulæ: Eleganter Celsus scribit. l. 1. ff. de just. & jur. l. 21. §. 11. ff. de recept. & arb. l. 1. §. 3. ff. de usufr. accr. l. 18. §. 4. fam. ercisc. non ineleganter, l. 3. §. 8. de condit. caus. dat. recte, l. 21. §. 11. de recept. l. 2. de condit. ind. l. 18. de her. pet. l. 15. §. 25. de damn. inf. Ejus sententiam videri probabilem, l. 1. §. 3. de flum. rationalem l. 2. §. 3. de judic. non inargutam. l. 5. §. 1. ff. de usufr. ear. rer. veram, l. 1. §. 3. ff. de exc. rei vend. & passim veriore, l. 33. ff. ad SC. Treb. verissimam, l. 11. §. ult. ff. de interrog. in jur. fac. eam habere rationem. l. 19. §. 3. de aur. arg. mund. Ejus sententiam probandam, l. 13. ff. de her. pet. l. 2. ff. de usu & habit. ei adquiescendum, l. 17. §. 1. ff. de op. libert. eo jure utendum. l. 23. ff. de R. J. Unus Julius Paulus, & semel quidem, monet, non admissum esse, quod Celsus ait. l. 28. §. 8. ff. de solut.

vembr. quo de JURISCONSULTIS SEMIDOC-
tissimis, eorumque uberrimum proventum
ex litterarum ac philosophiæ contentu na-
sci, brevi oratione demonstrare decrevi-
mus. Quem actum ut sua præsentia con-
decorare velint REGTOR MAGNIFICUS, ILLU-
STRISSIMUS IMP. COMES, PERILLUSTRES BARO-
NES, PROFESSORES EXCELLENTISSIMI, & qui-
cumque Musas amant, CIVES HOSPITESQUE
generosi ac doctissimi, ea, qua par est,
humanitate, & opere, quantum possum,
maximo exoratum venimus, daturi operam,
ne officio nostro, simili oblata occasione,
umquam defuisse dicamur. P. P. in alma
Viadrina A. D. II. Nov. c1789.



JURECONSULTIS SEMIDOCCTIS

ORATIO INAUGURALIS,

Dicta Francofurti ad Viadrum A. D.
IV. Nov. MDCCXXVII.

EXERCITATIO XII.

QUæ res ad acuendum ingenium excitandamque dicendi facultatem duæ plurimum possunt, AUDITORES HON. ab his ambabus hodierno die me non dicam mediocriter instructum, sed penitus propemodum destitutum esse, satis animadverto. Quum enim præter ingenii ubertatem duo sint maxime, quæ dicendi magistri in oratore, eloquentiæ famam anhelante, requirunt, animus serenus, nulloque vehementiore adfectu perturbatus, & non intermissa dicendi consuetudo atque exercitatio: ego me profecto & paullo commotiorem in hunc superiorem locum conscendisse fateor, & acriorem illum ad dicendum impetum, quo olim apud imperitiores in aliquam hominis non indiserti opinionem veneram, jam pridem in me pæne elanguisse, sentio. Et animum quidem, quem jam totum in excogitandis rebus esse oportebat, quam maxime percellit, defixumque in se habet summi Numinis providentia, quæ

quæ me & ante hos quatuor annos, pæ-
ne invitum, ac jam itineri Francofurtano
accinctum, in Belgium extruxit, & nuper
honestissima conditione ibi fruementem, om-
nique beneficiorum genere ab illustrissimis
Frisiæ Ordinibus ornatum, præter omnem
spem atque expectationem patriæ restituit.
Quam quidem factorum meorum seriem
quanto contemplor accuratius, (non po-
tui autem in hunc locum conscendens eam
non accuratissime contemplari,) tanto me
magis hære, mirari, obstupescere, & vix
oculis meis fidem habere fateor. Deinde
ab illo pristino eloquentiæ studio, quo ju-
venis magnopere delectabar, me non mo-
do ipsa ætate, sed & tetrico illo jurispru-
dentiæ studio, cui me a tot annis totum
dedidi, jam dudum abductum esse, vos
ipsi facile intelligetis, AUDITORES, nisi for-
te homini, cum Accursio similibusque in-
geniis quotidie conflictanti, litterisque il-
litteratissimis immerso, elegantiae quidquam
superesse potuisse, arbitremini. Enimvero
quantumvis verear, ut expectationi ve-
stræ satisfaciam: tamen quum hoc dicendi
munus detrectare salvo officio ac more ma-
jorum haut possim: pandam, quantum in
me est, orationis vela, & de JURISCONSUL-
TIS SEMIDACTIS, causisque, cur tam pauci
hodie ad solidiorem illam, qua veteres ex-
celluerunt, jurisprudentiæ laudem perve-
niant, quædam nec a persona mea, nec
ab hoc tempore aliena, in medium profe-
ram. Interesse enim arbitror juventutis hu-
jus lectissimæ, ut aliena fruatur infania &
veluti

veluti tot naufragia ex littore spectans ab aliis exemplum capiat, sibi quod ex usu sit, tantoque prudentius aliorum exemplis monita rationes suas componat. Quas res utilissimas, neque, ut spero, injucundas brevi oratione complectenti, ut mihi perexigui temporis audientiam haut denegetis, a vobis, AUDITORES, vehementer etiam atque etiam rogo atque contendo.

FL. THEODOSIUS, Augustus, in constitutione, quam de Codicis sui auctoritate edidit, paucos rarosque semper conqueritur exstitisse, qui plena juris civilis scientia ditarentur, & in illo lucubrationum tristi pallore vix unum aut alterum recepisse soliditatem perfectioris doctrinæ. Quum in hæc verba primum inciderem, AUDITORES, jure Theodosius accusare mihi videbatur temporum, in quæ inciderat, infelicitatem. Nam jam tum effusa in orbem Romanum barbaries omnem elegantiam omnemque litterarum splendorem ita extinguere cœperat, ut & tribunalibus tunc mera offunderetur caligo, & ipsa jurisprudentia, quæ olim Manlios, Scævolas, Servios in amplissimum dignitatis gradum extulerat, ignobile libertinorum, quin servorum artificium, putaretur. Quare adeo non mirabar, in proletaria illa turba paucissimos innotuisse optimo principi, qui maximam illam Papinianorum Ulpianorumque gloriam exæquarent, ut si plures exstiterent, id multo magis visum esset admiratione dignum. Enimvero paullo post, expensis omnibus, quæ ad rem facere videban-

bantur, subductisque rationibus, non multo infelicius fuisse intelligebam Theodosii sæculum, quam illa anteriora, siquidem & Tullius, cujus ætate litteræ omnes excelsissime florebant, de Jctorum tamen excellentiorum paucitate conqueritur. In libro enim de claris Oratoribus, ubi Ser. Sulpicii scientiam in jure mirifice collaudat, ad Brutum conversus: Sic enim Brute, inquit, existimo, juris civilis magnum usum & apud Scævolum, & apud multos fuisse, artem in hoc uno Sulpicio. Quod si autem jam Ciceronis temporibus non adeo magnus fuit jurisconsultorum egregiorum proven-tus, & jam tum fora & subsellia occupant homines semidocti, quando urbs, rerum gentiumque domina, eruditissimis hominibus liberalissimisque studiis adfluebat, nitentibusque ad majora ingenii amplissima præmia tum ad honores, tum ad divitias erant proposita: cui quæso mirum videatur, Theodosio, cujus temporibus omnium laudandarum artium studia jam pridem oblanguerant, multo pauciores innotuisse, qui sibi in hoc amplissimo studio laudem aliquam eximiam pepererint? Incidebat deinde suspicio, ipsam fortassis jurisprudentiam ita esse comparatam, ut eam non nisi pauca atque eminentiora ingenia capiant, ple-raque nonnisi mediocrem ejus cognitionem adsequantur. Sed quum olim a Trajani temporibus Juliani, Celsi, Papiniani, Ulpiani, Pauli aliaque illustria ingenia tanto numero illuxerint, quibus nihil in arte nostra abditum, nihil impervium fuit: vix fiebat

verosimile, naturam, veluti nimia illius ubertate defatigatam, ita postea paulatim consenuisse, ut homines nostri reliquas quidem artes omnes non solum addiscere, sed & novis accessionibus locupletare possint; in sola autem jurisprudentia ad veterum eruditionem adspirare nequeant. Quare quemadmodum Moderatus Columella, scriptor de re rustica elegantissimus, eos graviter reprehendit, qui culpantes agrorum infœcunditatem & cœli per multa jam tempora noxiam frugibus intemperiem, humi naturam sterilitate, quasi quodam morbo, adfectam existimabant: ita nefas profecto est, opinari, eandem naturam in fingendis ingeniis ita jam vires omnes consumsisse; ut jam pridem nihil magnum amplius atque eximium producat. Non sicuti corpora hominum decrevisse, terraque nunc malos homines ac pusillos educare creditur: ita ingeniorum minorem nunc, quam olim, vim ac perspicaciam esse, credendum est. Sunt eruntque ingenia, dum erunt homines, eaque procul dubio veterum gloriam & exæquare & superare possunt, modo cultura diligentiore perficiantur. Quæ quum ita sit, aliz, eaque magis idoneæ investigandæ erunt rationes, cur tam paucorum Actorum excellentium lumine illustrentur sæcula nostra, semidocti contra & sapientia civili vix leviter tincti tantum non ubique in scholis ac foris dominantur. Quod antequam fiat, operam mihi dandam esse intelligo, AUDITORES, ut plebejæ hujus turbae

fa-

faciem paullo accuratius pernoscat. Nam illa perspecta, tunc demum, quæ tristis atque insalubris tempestas tantum horum hominum proventum dederit, non admodum obscurum fore, confido.

Equidem constare inter omnes arbitror, AUDITORES, majus, quam vulgo creditur, esse jurisconsulti nomen, & quod unum maximas doctrinæ opes, atque insignem rerum divinarum humanarumque scientiam complectatur. Non jam dicam, quam vastum ac capax ingenium tot jura inter se diversissima, civilia, ecclesiastica, clientelaria, publica, privata, Romana, patriâ, requirant. Ipsum enim JCI officium tam amplum est, tamque diffusum, ut & diligentissimos homines, ac illi uni deditos, facile defatiget. Duabus videlicet partibus illud potissimum absolvi animadvertimus, una, ut jura, quibus vivimus, quibus regimur, omnia accurate habeamus perspecta, & si quid in illis abditum atque obscurum occurrit, illud explanare interpretando & in clarissima luce collocare noverimus: altera, ut illas justitiæ atque æquitatis rationes negotiis humanis causisque in foro vitæque civili quotidie obvenientibus rite adplicare sciamus. Si quis itaque est mortalium, qui utramque illam facultatem ita conjunxerit, ut & interpretaturus leges, & causas vel cogniturus, vel acturus, munere suo cum laude fungatur, cum demum præclaro atque honorifico JCI nomine judico esse dignissimum. Quemadmodum enim illum non temere gratio-

sum medici nomen mereri dixeris, qui per-
volutatis licet Hippocratis, Galeni, om-
niumque præstantissimorum doctorum volu-
minibus, lectulo tamen ægrotantis num-
quam adstitit, ac proinde levissimam quam-
libet decumbentis febriculam expavescit;
nec cum quoque id nomen tueri credide-
ris, qui salutari scientia numquam initia-
tus, artem tamen facit, exhibitoque la-
serpitio suo ægrotis omnibus salutem, ac
tantum non luscis novum oculum pollice-
tur, tot quotidie miseros referens in Libi-
tinæ rationes:

*Quos Themison agros autumnus occide-
rit uno:*

Ita profecto nec quemquam JCTi nomen
sine dedecore sustinere arbitramur, qui non
justi & æqui artem ita cum usu conjun-
xit, ut par sit in utraque facultate. Qui-
bus positis, (sunt enim ita perspicua, ut
probationis non indigeant,) jam satis per-
spicietis, AUDITORES, quot JCTi semidocti
ætate nostra subcreverint. Quam multi ho-
die sunt, qui de legum intelligentia parum
solliciti tunc se putant, quod in arte no-
stra summum est, consequutos, quando
multas leges vel minus intellectas, vel ad
rem nihil facientes, quin & aliquando caus-
sam, quam defendendam susceperunt, ju-
gulantes accumulare, & ad singula verba
Bartoli, Baldi, Accursii manes evocare di-
dicerint? Quam multi soli critices studio
dediti, id unice per omnem vitam agunt,
ut leges figant refigantque, modo sylla-
bam, numquam de republica male meri-
tam,

tam, in exilium agentes, modo ejectam ab alio, ac veluti deportatam, restituentes in integrum, modo sumto hypercriticorum supercilio, ubique *αὐτινομίας* confectantes, ipsumque jus constitutum exagitant tam pétulanter, nihil ut propemodum relinquant integrum, intactum, illibatum? Interrogatus olim Pausanias, cur nefas existimeretur Lacedæmone, ullam priscarum legum refigere? Quoniam, inquit, legibus in homines, non hominibus in leges imperium est. At nostris his temporibus eo res rediit, ut & privati sibi auctoritatem in leges arrogant, & ut acrius quisque in jure invehitur, ita sibi doctior aliisque prudentior videatur. Quam multi denique interpretandis quidem Romanorum legibus, erroribusque, quibus semidocta doctorum turba jus nostrum inquinavit, eluendis omnem impendunt industriam, sed de hujus scientiæ usu patrii-que juris reliquiis tam parum solliciti sunt, ut si quis eos in forum perduxerit, credituri sint, se pedem in alio terrarum orbe posuisse? Veniam, quæso, date, *ΛΥΔΙΤΟΡΕΣ*, de his omnibus nostram promentibus sententiam.

Primi generis studium dici non potest, quam sit inane, ac prope ridiculum. Quid enim aliud est legum plurimarum minus intellectarum notitia, quam quoddam jurisprudentiæ cadaver, vita ac ratione destitutum? Quid magis ridiculum, quam avicularum imitari industriam, & quædam legum verba panis lucrandi causa ediscere,

nec earum tamen tenere vim ac potestatem? Nonne his jure occinas illa Persii leviter immutata:

*Quis expeditis psittacis suum χαῖπε,
Picasque docuit verba nostra conari?
Magister artis, ingenique largitor,
Venter, negatas artifex sequi voces.
Quod si, dolosi spes refulserit numi,
Corvus, peritus juris, Ulpianeas
Tentabit expedit voce rubricas.*

Alter eorum labor, qui castigandis emendandisque legibus bene de jurisprudentia mereri conantur, & necessarius est inprimis, nec umquam, si brutus absit urendi secandique impetus, sua laude defraudandus. Sed qui eo solo jurisprudentiae ambitum, circumscribunt: nã istos ego Penelopes procis simillimos esse dixerim, qui repudiati a domina, vota sua mittebant in cruceem, & in ancillarum amplexus turpiter ruebant. Artem enim criticam cum aliis disciplinis, tum & jurisprudentiae ancillari, nemo temere ibit inficias. Richardus Simonius, audacis at peracuti ingenii homo, suaviter alicubi ridet eos, qui neglectis scientiis ipsis, in sola arte critica consenescent. Esse hanc fatetur clavem, qua maximè sapientiae thesauri, in veterum reconditi lucubrationibus, recludantur. Ludibrium tamen debituros ait cordationibus, quicumque in limanda perpoliendaque clave aliqua omnem ætatem contriverint, neque istam umquam ad recluden-

dendas depromendasque illas divitias adhibuerint. Sapienter, si unquam, & Jove æquo judicavit vir acutissimus. Quid enim aliud faciunt, qui leges planiores reddituri, emendationes acute excogitant, nec unquam tamen legum ac juris scientiam, ad cujus thesauros sibi aliisque viam expedire conantur, animo comprehendunt, quam ut in polienda clave consenescant? Quo vero jure eos justitiæ sacerdotes, veræque illius ac masculæ philosophiæ, quam Icti profitentur, studiosos dixeris, qui non æqui bonique notitiam profitentur, non justum ab injusto, licitum ab illicito fecerunt, non denique ullam partem officii, quo jurisconsultus fungitur, unquam attingunt, sed in aucupandis litterarum syllabarumque varietatibus versantur, parum memores eorum, quæ Plinium Secundum docuit Euphrates, philosophus eximius, esse hanc philosophiæ & quidem pulcherrimam partem, agere negotium publicum, cognoscere, judicare, promere justitiam, quæque ipsi discamus doceamusque, in usu habere.

Quid dicam de illis, qui in venandis antinomis ac Triboniani emblematis omnem civilem sapientiam positam esse existimant? Est sane, ubi in operosa illa juris compilatione peccavit Tribonianus, idque tantum abest, ut mirer, ut, si nihil homo peccasset, id multo magis videretur mirandum. Sed plura ejus peccata nonnulli fingunt, quam reperiunt. Si qui enim in verba quædam paullo obscuriora incidunt,

si jura aliquâ, sibi minus perspecta, interpretari jubentur, si denique parum sibi constare existimant veteres: statim expediri jubent virgas, quibus vapulet Tribonianus miserrimus. Et tamen quemadmodum vetula illa apud Senecam, quæ, ut fit, luminibus male utebatur, fenestris exiguis & ædibus parum luminosis ridiculo errore succensebat, ita multi, qui in Tribonianum sæviunt, non animadvertunt, non illius culpam esse, sed suam, & plerosque, quos sibi fingunt, Tribonianismos in fumum abiituros, si quis paullo plus præsidii litterarum ad jurisprudentiam attulerit.

Est & tertium illorum semidoctorum genus, qui non nisi vetera ac Romana mirantur, Romana colunt, præter Romana nihil laude industriaque sua dignum existimant, subinde ingeminantes illud Crassi apud Ciceronem: incredibile esse, quam sit omne jus civile, præter Romanum, inconditum ac pæne ridiculum. Præclare constitutum est jus Romanum, fateor. Præstantissimas illud servat prudentiæ legislatoriæ reliquias, nec id nego: quin & illud adjungo, videri in fatis esse, ut sicut olim Romanorum arma, ita postremis hifce sæculis leges eorum cultissimas Europæ provincias occupent, idque contingat, quod Roma discedens augurabatur Rutilius Numatianus:

*Porrigite vulturas Romana in sæcula leges,
Solaque fatales ne vereare colus.*

At nemo tamen ignorat, esse & Germanicæ originis gentibus suas instituta, suas leges, pri-

priscas consuetudines, quibus sane non repudium miserunt majores nostri, dum Romanas leges paulatim in scholas ipsaque fora admiserunt. Has vero negligere, has exhibilare, his Romani alienique juris pannos adsuere, & inde nescio quam hybridam effingere jurisprudentiam, quod plerique patrum memoria factitarunt, id non puto esse JCrī ingenui, sed semidocti ac in ipsa patria hospitis, quin, ut rectius dicam, coqui alicujus Plautini, jura diversa miscantis, atque ita tamen sibi placentis ferculo tam lepido, ut in ejus odorem Jovem quotidie coenare, & si non coquat, incoenatum cubitum ire, existimet. O præclara vero civitatis oracula, quæ quoties de juribus nobilium & opificum, de censu emigrationis, de colonis & glebæ adscriptis, de coquendæ cerevisiæ, extruendæ molæ similibusque juribus consuluntur, aut obmutescunt illico, aut ex titulis de equestri dignitate, de collegiis & corporibus, de publicanis & vectigalibus, de jure personarum & de servitutibus rusticorum atque urbanorum prædiorum, tamquam ex Apollinis antro, nescio quem sacrosanctæ Themidis adflatum expectant!

Venio ad alteram e trivio turbam eorum, qui adspernati accuratiorem juris scientiam, quam ipsi theoriam vocant, jurisprudentiam quamdam barbaram atque impolitam colunt, solum jactantes usum forensem, ad eumque omnes cogitationes omniaque studia referentes. Horum aliqui, vix degustato quodam juris compendio

tanto plus industriæ impendunt notitiæ formularum forensium, eaque leviter armati, comite Volkmanno suo, in forum prodeunt, beati ex sua sententia futuri, si ibi caussidici vel proclamatores & rabulæ haut imæ caveæ audiant. Alii plane neglecta theoria, quam ipsi tamquam infamem foro exigendam censent, centena aliquot decisionum, consiliorum, observationum forensium, opinionum communium contra communes, cautelarum denique, quas vocant, saluberrimarum volumina ære non adeo magno conquirunt, & tunc demum sibi ipsa jurisprudentia prudentiores videntur, si inde aliquot casuum myriadas aut edidicerint, aut certe retulerint in adversaria. Denique plerique horum hoc absinthio ita veluti bonam mentem amittunt, ut quo quemque libellum sordidiorem repererint, eo magis illo pascantur, easque sordes Accursianas solas ad rem faciendam accumulandasque opes, reliquas nugas, quæ nescio quid Cujacianum præ se ferant, ad oblectandam egestatem comparatas esse existiment.

Habetis, AUDITORES, Sardos venales, alios aliis nequiores. Sed horum omnium tam aperta stoliditas, tamque manifesta malitia est, ut otio vestro abuti nolim in horrida illorum imagine vobis ob oculos sistenda. Valeat ergo caninum illud studium, locupletissimum quemque allatrando, valeat turpe, & concessum tamen intra mœnia & in ipso foro, latrocinium: Valeant rabulæ, quos ne semidoctos quidem dixe-

dixeris, quique, si forte in foro aliquamdiu tinniunt, verbosisque strophis sibi aliquam facundiæ astutiæque famam adquireunt, demum uti futor ille medicus apud Phædrum, fateri cogentur, se non ulla artis prudentia, sed stupore vulgi, caussidicos factos esse tam nobiles. Potius itaque hoc agemus, cujus potissimum causa hæc differimus, ut, quid demum hæc tropica instituerit, quæque tempestas tantam fundo nostro calamitatem intulerit, eodem candore expediamus. Causæ ejus sterilitatis & variæ sunt, & gravissimæ. Magnam ejus partem ipsis vulgo doctoribus tribuunt. Quomodo enim alios doceas, quod ipse non didiceris? Et quis credat, ex Foreatuli schola Cujacios prodituros? At de his jam non dicam, quum de tanta re pauca dicere, aut satyram non scribere sit difficillimum. Potius inexplibilis illa habendi cupiditas, quæ plurimorum animos veluti pestilenti quodam sidere adflavit, studiis nostris incredibile detrimentum intulit. Quum enim plerique liberos suos quam primum in foro & republica versantes maximasque accumulantes divitias videre gestiant; eos statim ad rem ipsam, uti loquuntur, adgredi, & ab imbibenda tantum pragmaticorum præcepta & nescio quas practicas practicas animum adpellere jubent. Hinc

Post finem autumnii media de nocte suspitum

*Clamorus juvenem pater excitat: accipe
ceras.*

*Scribe, puer, vigila, causas age, perle-
ge rubras
Majorum leges.*

His vocibus adsueta adolescentes, eo de-
mum prolabantur, ut se consensisse putent
in academiis, si integrum non dicam quin-
quennium, sed biennium aut triennium in
iis exegerint. Olim, qui ad civilis sa-
pientiæ adspirabant laudem, juvenes, de-
curso artium liberalium studio, non mo-
do audiebant jurisconsultos, & numquam
ab eorum latere per multos annos disce-
debant, verum etiam, quæsitæ scientiæ
pulcherrimæ opibus usum atque exercita-
tionem diuturnam adjungebant. Ex quo
tam pertinaci studio an aliud potuit, quam
magnum atque admirabile quid efflore-
scere? Res enim alias omnes auro argen-
toque, solam eruditionem veram ac so-
lidam tempore ac diligentia parari, vere
ac sapienter Metrocles monuit. At hodie
ita spes suas præcipitant juvenes, adeoque
severa lege proficere volunt, ut, quod
jam sua ætate elegantissimus Merillius, con-
questus est, vix numeris inserti, vix si-
gna venerati, vix ingressi principia, ca-
stra nostra deserant illico, & missionem,
nondum posito tirocinio, postulent. Mul-
ta, mihi credite, sunt, per quæ genero-
sam circumferre indolem oportet juvenes,
antequam civilis sapientiæ sacris initientur.
Comparanda illis est accuratioꝝ latinæ
græcæque linguæ notitia: haut leviter
degustandæ elegantiores littæræ: eundem
per

per omnis ævi omniumque temporum, ac patriæ inprimis annales, & quidquid ad privata publicaue majorum instituta pertinet, animo insigendum; danda præterea opera, ut auctore Justiniano nihil antiquitatis penitus ignorent. Discendum porro, quomodo invenienda eruendaque sit veritas, & quibus ex fontibus ad omnem interpretationem incredibilis illa argumentorum copia emanet. Penitus imbibendum quidquid philosophi de virtute instituendaque vitæ ratione præcipiunt. Indaganda illa lex sempiterna atque immutabilis, quam non didicimus, accepimus, legimus, verum e natura ipsa arripuimus, hausimus, expressimus. Denique illa regnatix prudentia, instituendaque & conservanda civitatis ratio in succum & sanguinem vertenda est. Hæc vero, hæc, AUDITORES, sunt illa præclara meditamenta, quibus Jcti veteres præluserunt insigni illi atque inusitatae doctrinæ, quam in illorum fragmentis omnis posteritas admiratur. Hæc studia olim Romano orbi Sulpicios, Murcios, Cassios, Julianos, Papinianos, Ulpianos; hæc posteriori ævo Alciatos, Cujacios, Merillos dederunt. Quantam sibi gloriam pepererit Antistius Labeo, neminem vestrum ignorare opinor. Vultis dicam, AUDITORES, quid ei ad obtinendum illum in jure civili principatum profuerit? Dicam, & quidem, præunte Gellio, hanc ejus laudem maximam fuisse censente, quod, licet juris civilis disciplinam principali exercuerit studio, consulentibus de jure publice

ref.

responderit, ceterarum tamen bonarum artium expertus esse noluerit, sed in grammaticam ac dialecticam litterasque elegantiores penetrarit altius, quod percalluerit latinarum vocum origines, eaque scientia præcipue usus sit ad laqueos juris plerisque enodandos, quod denique nihil ratum pensumque habuerit, nisi quod sanctum esse in Romanis antiquitatibus legisset. Id si quis studiosorum juris hodie fecerit, nonne

- - - Labeone insanius inter
Sanos dicitur?

Non minus M. Cicero miratur Ser. Sulpicium, quocum ipse omnes ex omni ætate, qui Romæ intelligentiam juris habuerint, si unum in locum conferantur, non fore comparandos, judicat. Et tamen, eodem judice Cicerone, numquam id effecisset ipsius juris scientia, nisi eam præterea didicisset artem, quæ docet rem universam tribuere in partes, latentem explicare definiendo, obscuram explanare interpretando, ambigua primum videre, deinde distinguere, postremo habere regulam, qua vera & falsa judicarentur, & quæ, quibus positæ, essent, quæque non essent consequentia. Ita veteres componebant studiorum rationes, eademque via deinde Cujacius aliique accuratiores. Icti ad immortalitatem nominis enitebantur. Quam vero ab hoc studio non gradu, sed præcipiti cursu, descitum sit, res ipsa docet, AUDITORES. Quam multi redamare coeperunt inf-

felicem barbariem, cujus e tenebris juri civili tanta caligo offusa est? Quotusquisque hodie cultioribus litteris vel tantillum temporis impendit? Quam pauci prodeant libri juridici, qui non merum rus oleant, omniaque tam arido dicendi genere, tamque sine ullo ordine proferant, ut eorum auctores, tamquam sepiæ, sua sponte caliginem effudisse videantur, ne quis eorum stupiditatem in aprium protrahat? Quis porro historiarum antiquitatumque studio vel tunc aliquantulum vacat, quando aliud agere non licet, vel si quando pluvius incidit dies? Annon sunt, qui id sibi prope modum dedecori fore metuant, si se vel ullam philosophiæ partem attigisse fateantur? Equidem non plane explodendum censeo illud Neoptolemi, apud Ennium, philosophandum esse, sed paucis, nam omnino non placere. Quin facile largior, eum qui ad jurisprudentiam animum adpulit, recte atque ordine facturum, si, quemadmodum apud Homerum Ulysses in illo diuturno errore sæpe Ithacam versus reflexit oculos, sic & ipse per litteras elegantiores & sapientiæ disciplinas ita peregrinetur, ut omnia referat ad jurisprudentiam, eamque sibi veluti patriam esse statuatur. Sed quod plerique hodie has artes amœniores & philosophiæ præcepta, quasi Syrtes & scopulos, præternavigant, id vero turpe atque indignissimum videtur temporum nostrorum felicitate. Si de quopiam horum percuncteris, an umquam melioris ævi auctores attigerit? negabit ingenue, se enim

relieta aliis diffusa lectionis gloria solius jurisprudentiae laude contentum fore dicet. Quid? veteres annales quam diligenter ac studiose lustraverit? Aliquem se fortasse Caesarum indicem aliquando introspexisse respondebit, sed aliud agentem, ac veluti finium regundorum judicium metuentem, si alienam istam glebam arasset. Nimirum igitur in addiscendis philosophorum praeceptis tanto plus olei operaque insumisti? Immo, inquit, etiam spinosissimas illas quaestiones semper a me alienas putavi, qui me vitae, non scholae, discere debere judicabam. Certe igitur, quum tamquam ille Graculus sophista numquam extra patriam pedem extuleris, domi rerum tuarum tanto eris peritior, comparandisque inter se legibus, conferendis interpretibus Graecis, denique aeternis Cujacii, Pithaeorum, Cironii similiumque operibus diurna nocturnaue manu versandis tanto plus studii impendisti? Quos tu mihi, inquit, Graecos interpretes, quos Pithaeos, quos Cironios nominas? Quasi ego in Graeco aliquo foro versari, aut theoreticorum turbare circulos unquam decreverim. Alios a doctoribus meis commendari memini, eriturae forensi, id est, pani lucrando accommodatissimos, primum e veteribus Accursium, Jasonem, Iferniam, Matthaeum de Afflictis, &, qui mihi merum nectar spirare videtur, Capollam, e novis autem Pantichmannum, Nebelgreum, & alios, quorum aliquot centurias in museo meo eleganter disposui. His ego delector

ad hæc oracula, si quando casum in terminis terminantibus anxie quæro, non sine certa spe confugio, his numquam impallesco, quin inde & doctior discedam & prudentior. Salve igitur, vir bone, cum tuo Ifernîa & Cæpolla, fruiere per me isto nectare, labris tuis dignissimo, &, si me audis, aliquid ellebori addere memento, jubeasque te operiri: beatus eris, si consudaveris.

Sed nescio, *Auditores*, quomodo ad hæc delapsa sit oratio mea. Dum sæculi malis indoleo, dum reipublicæ litterariæ cladem deploro, fere ad meridiem vergit dies, mihiq; metuendum est, ne vos pransuros verbis exsatiare velle videar. Ceterum quæ dixi, eo pertinent universa, ut generosa hæc juvenus, quid suarum partium sit, assidue cogitet, atque ita se comparet, ut non inter semidoctos, non inter vultures istos togatos, qui in foro lanienam exercent, non denique inter otiosos, syllabisque inhærentes jurisconsultos profiteatur nomen, sed ad veram sapientiam civilem, cujus pulcherrimam spectavimus imaginem, alacriter enitatur. Hoc consilio jura docentur in academiis: eodem elegantiores literæ divinarumque ac humanarum rerum scientia inculcantur: nec ob aliam causam tot viri, omni eruditionis laude fulgentes, in hoc illustri bonæ mentis domicilio vivunt, quam ne cuiquam aliquid ad comparandam veram doctrinam deesse possit. Quorum collegio quum post acerba virorum doctissimorum, HENR. BERN. REINHOLDI & ARN. WESSENFELDI funera me

quo-

quoque interesse voluerit rex noster longe clementissimus; primum Deo, rerum arbitro, qui mihi post varias tempestates hunc etiam portum ostendit, deinde REGI augustissimo, qui tam illustre munificentiae suae exemplum in me exstare voluit, gratias, quas mens concipere potest, ago habeoque maximas, atque immortales, nihilque mihi prius, nihil antiquius fore polliceor, quam ut muneris utriusque partes pro virili exsequar. Quemadmodum autem haec cogitanti terrorem incutit virorum doctissimorum, qui a renatis litteris has cathedras illustrarunt, memoria, quorumque merita me ulla ex parte adsequuturum vix sperare patitur ingenii mei tenuitas: ita quam maxime me consolatur non modo hic confessus vester, exoptatissimi conjunctissimique collegae, quos mihi exemplo, consilio, ope profuturos plane confido, verum etiam vester, o flos eruditae juventutis, conspectus multo jucundissimus. Vos enim non ea mente huc accessisse arbitror, ut praestantissimam aetatis partem, a qua totius spes vitae dependet, otio perdati, nec ut plus vini, quam olei consumendo, magno malo vestro inanes ab hoc sapientiae mercatu domum revertamini, sed ut lacrymosis parentum votis satisfaciatis ex asse, atque hinc aliquando discedatis, vera sapientia ac doctrina eximii, qui civitates ac respublicas consilio regere, judiciis tueri, legibus emendare, innocentes denique, de vita, fama ac fortunis periclitantes, prudentia, voce ac calamo juva-

re

re possitis. Hoc ag te, o mei, hoc vobis primum, hoc sit antiquissimum, hic labor, hæc quies, in his vigilias, in his noctes reponite. Sane, quod ad me attinet, ego me vobis, hoc acturis, ducem, aut, si mavultis, comitem ac commilitonem fore polliceor. Experimentum capite. charissimæ animæ, intelligetis profecto, nisi me vita destituat, non esse futurum, ut vel vos datæ mihi operæ, vel me laboris, vestri causa suscepti, unquam in posterum poeniteat.



AD VIRUM CELEBERRIMUM,
J. O. GOTTL. HEINECCIUM, J. C.

Franequera discedentem.

O qui flos hominum es venustiorum,
HEINECX, & Themidos decus sacratæ,
Id, quod nunc agitas, iter vorabis
Aptis farcinulis & expeditis:
Non umquam metues graves ruinas,
Nec casus alios periculorum,
Salvus pervenies, domumque figes,
Qua Musæ Viadri colunt fluentæ.
Quin semper Tibi erit bene ac beate,
Si charos modo me, & meos sodales,
Qui te plus oculis suis amarunt,
Haud umquam ex animo Tuo repelles.
Hinc me, si sapias, & meos sodales
Inscribes penitus Tuis medullis,
HEINECX, Aonidum decus sororum.

PETRUS VVESSELING,
Eloqu. & hist. in illustri Frane-
querana Prof. P. Ord.

813

DE MERCATORUM

QUI FORO CESSERUNT,
RATIONIBUS ET CODICIBUS.

EXERCITATIO XIII.

Σύνοψις.

§. I. Mercaturam multi e republica exclus-
erunt. §. II. Eam reipublica prodesse, proba-
tur. §. III. Et ad exempla argumentaque
contraria respondatur. §. IV. Hinc negotian-
tes eorumque commercia multis privilegiis
ornari ceperunt a legislatoribus. §. V. Qui-
bus tamen indigni sunt decoltores, dolo
malo foro cedentes. §. VI. Inter hac privi-
legia mercatorum etiam est illud de fide,
eorum rationibus & codicibus habenda, de
qua ex instituto agendum. Dissertationis
partitio. §. VII. Originem hujus privilegii
plerique non juri Rom. sed consuetudini,
tribuunt. §. VIII. 1.) Quia scriptura pri-
vata non creditur pro scribente, sed contra
eundem. §. IX. 2.) Quia mercator non pos-
est esse testis in propria causa. §. X. Quia
nec instrumento a notario, vel a fisco scri-
pto, creditur, si pro notario & fisco in-
de argumentum ducendum est. §. XI. Et
tamen hoc privilegium a Glossatoribus est
excogitatum, nec juri Rom. plane adver-
satur. §. XII. Veterrimo jure credebatur
mercatorum codicibus, si libri credito-
rum cum libris debitorum conspirarent, in
expensilatione. §. XIII. Si & mensa nume-

ratum, fides habebatur argentarii rationibus. Quid sit SCRIBERE & RESCRIBERE PECUNIAM? §. XIV. Libris argentariorum etiam jure Justiniano fides habita. An officium argentariorum fuerit publicum? §. XV. Reliquis mercatorum libris credebatur in connexis. *Exposita* L. 26. §. 2. ff. de depos. §. XVI. Glossatores libris mercatorum vim probandi tribuisse, demonstratur. §. XVII. Inde hoc privilegium manavit in varia statuta Italica, saeculo XIII. & sequentibus condita. §. XVIII. Itali mercatores illis saeculis fere ubique negotiabantur, & secum etiam hoc privilegium inferebant in alias terras, & maxime in Germaniam. §. XIX. Quales esse oporteat libros mercatorum, si probare debeant? §. XX. Non creditur libro decoctoris malitiosi. §. XXI. Creditur tamen ejus codicibus, qui a fortuna exagitatus foro cessit, nisi paupertas eum ad fraudes pellexerit. §. XXII. Creditur etiam codici decoctoris malitiosi contra scribentem nisi aliquid in prajudicium aliorum inscripserit. §. XXIII. Aliquando codici decoctoris aliquid fidei & pro scribente prolato accedit, si alia adminicula suffragentur. §. XXIV. Illustratur hoc specie insigni. §. XXV. XXVI. An decoctor ejusque creditores vel curator bonorum ex libris agentes admitendi sint ad cautionem juratoriam, & eam cautione de judicatum solvi onerare possint? §. XXVII. Decoctoris codex ordinarie edendus est in loco, ubi negotiatus est. §. XXVIII. Aliquando in loco, ubi agitur, quod insigni specie illustratur. §. XXIX. Li-
bri

*brī decoctorum, quamvis iis suffragentur
 alia adminicula, admittunt probationem
 contrarii. §. XXX. An ex libro parum rite
 & ex arte scripto probari possit, aliquem
 malitiose decoxisse? §. XXXI. An liber Judai
 equiparandus sit libro decoctaris? §. XXXII.
 An eadem etiam applicanda sint libris opi-
 ficum? §. XXXIII. Conclusio exercitationis.*

§. I.

Mercaturam, quam alii ad locupletan-
 da civitatum æraria imprimis compa-
 ratam esse arbitrantur, quidam legislatores
 olim tamquam luxuriæ parentem, virtutis
 expultricem, & corruptricem bonarum
 mentium, e rebus publicis suis proscribe-
 re non dubitarunt. Hebræi enim, quorum
 rem publicam ipse Deus optimus maximus
 institutis sapientissimis temperaverat, nec
 terram maritimam colebant, (quem civi-
 tatis situm & PLATO (a) reliquis anteha-
 buit,) nec ullis gaudebant negotiationibus,
 nec earum causa cum exteris consuetudi-
 nem inibant, divinitus edocti, immocen-
 tem magis vivendi rationem esse, paterna
 rura bobus exercere suis, liberos ad vir-
 tutem accurate instituere, leges denique di-
 vinas diurna nocturnaque manu versare,
 ad earumque normam omnes actiones per-
 petuo componere. (b) Simile quid Lycur-
 go

(a) Plato de Legib. L. IV. (b) Joseph. adv.
 Apion. Gramm. Lib. I. Seg. XII. p. 443. T. II.

go in mentem venisse, vel id argumento est, quod, quamdiu diligentior legum illius custodia mansit, nec mercatorem, nec rhetorem, nec hariolum, nec circulatorum, nec supervacua suppellectilis opificem Sparta visum esse, PLUTARCHUS (c) scribit. Addere possem Zaleucum, virum sapientissimum, quem Locrensis ejusdem generis legem tulisse, HERACLIDES (d) memoriae prodidit: commemorare item Romulum, qui, teste DIONYSIO HALICARNASSENSI, (e) mercaturam æque, ac opificia servis ac peregrinis exercenda tradidit, civibusque non nisi duo studia reliquit, & πολεμικὸν, & γεωργικὸν βίον, rem militarem & vitam rusticam: laudare denique majores nostros, inter quos Syevi, ceu refert JUL. CESAR, (f) aditum quidem ad se mercatoribus dabant, sed magis ut haberent, qua bello ceperant, quibus venderent, quam quo ullam rem ad se importari desiderarent; Nervii autem (g) nec mercatores ad se excurrere, nec quidquam vini, reliquarumque rerum ad luxuriam pertinentium inferri patiebantur, quod his rebus relanguescere animos, ac remitti, existimarent. Ita plures gentes suspectam habebant mercaturam, quacum avaritiam, magnificentiam, atque inexplebiles cupiditates re-

rum

(c) Plutarch. in Vit. Licurgi.

(d) Heraclid. de Politicis p. 533.

(e) Dionys. Hal. Antiq. Rom. Lib. II. p. 38.

(f) Cæsar de Bello Gallico Lib. IV. cap. II.

(g) Idem Lib. II. Cap. IV.

rum omnium importari, exemplo Græciæ, a Phoeniciis mercatoribus corruptæ, demonstrat CICERO apud NONIUM. (h) Ubi autem a frugalitate ad luxuriam; a vetere disciplina ad licentiam, ab armis ad voluptates transcurritur, ibi nec ipsa Salus, si vellet, populum salvaret. Illicet, actum est!

§. II.

Enimvero, hæc, quatumvis speciosa sint, non tamen quemquam movebunt, sanioribus civilis prudentiæ principiis imbutum. Luxuriam, avaritiam aliasque cupiditates invehere ajunt mercaturam. At non mercaturæ id vitium est, sed hominum, fortunam, ut fit, parum reverenter habentium. Quid superfuturum in civitate esset, si nihil, quo abutitur, quodque in perniciem suam vertit hominum improbitas, superesse pateremur? Atqui eadem mercatura efficit, ut iis, quæ usquam terrarum nata sunt, communiter fruamur, ut civitates, quibus ob sterilitatem agri omniumque fere rerum inopiam pereundum esset, rebus necessariis æque ac ad vitæ suavitatem ac elegantiam pertinentibus abundent, ut denique non modo cives, sed & ærarium ipsum, opibus ac pecunia cumulentur. Non ergo id agendum est, ut commercia veluti in exilium agantur, atque ita nervus incidatur reipublicæ; sed ut prudenter excogitatis legibus ita temperen-

(h) Non. de Propr. Serm. Cap. V. Segm. XXXV.
Hein. Opusc. Var. Pars I. M m

rentur, ne, illis florentibus, luxuria glifcat in reipublicæ perniciem. Ita vero sublato rei præclaræ abusu, fieri profecto non poterit, quin admirabilem ejus utilitatem non magis magisque quotidie perspiciamus.

§. III.

Nec vereor, ne quem tot legislatorum gentiumque nomina terreant. Probaverit PLATO situm civitatum a mari paullo remotiorem: at non ideo improbavit mercaturæ studium, quod ipse alibi (i) tam magnifice collaudavit, ut dignum eum locum habuerit CALLISTRATUS noster, quem *legi 2. ff. de mundin.* totum insereret. Cur a vicinarum gentium consuetudine segregatos Hebræos voluerit summum Numen, nemo ignorat, cui notum est gentis ingenium, ad vicinarum gentium superstitionem impietatemque olim quam maxime proclive. Neque tamen ideo Deo displicuisse credimus solertiam Salomonis, naves onerarias instruendis, ac, negotiatione Ophiritica prudenter instituta, auro argentoque implentis Hierosolyma. (k) Spartam ac Locros nobis non magis in exemplum proponimus, quam Romanos. Quemadmodum enim Locrensiū respublica nec felicitate, nec magnitudine diuturnitateque imperii, alias civitates ad imitandas eorum

(i) Plato *de Republ. Lib. II.*

(k) 1. Reg. IX, 26. *seq. 2. Chron. I. 15. II. 17. seq.*

rum Leges provocat, Romuli autem institutum, ceu recte JO. HENR. BOECLERUS (l) observavit, *praesentior rerum in majus pro-
vestarum usus matura correxit*: ita suo de-
mum malo experti sunt Lacedaemonii, quam parum sine pecunia efficiant exerci-
tus, etiam copiosissimi. Licet enim virtu-
te ac militari disciplina inter Græcos uni
omnium maxime florerent: inopia tamen
coacti, modo Persis adversus communem
patriam stipendia faciebant, (m) modo la-
trociniis magis, quam justis bellis, præ-
dandi captabant occasionem. (n) Ad si-
milem latrocinandi invadendique aliena li-
bidinem & Germanos adegit inopia, (o)
rectius omnino consulturos rebus suis, si
lucrum honestum, quale ex negotiatione
terræque cultura provenit, infelici prædan-
di studio protulissent.

§. IV.

Tantum itaque abest, ut mercatura eam
notam mereatur, quam illi veterum quo-
rumdam disciplina justo rigidior inussit, ut
præcipuis civitatum prædiis adnumeran-
da,

(l) Boeclerus in *diff. de Româ sub sept.
Regib.* p. 475.

(m) Thucidid. *Lib. VIII.* p. 561.

(n) Corn. Nep. in *Agefil.* cap. VII.

(o) Cæsar de *Bello Gallic. Libr. VI. cap.
XXIII.* Tacit. de *moribus German.* cap.
XIV.

da, & vel maxime e republica esse videatur, cives variis privilegiis ac beneficiis ad negotiandum invitari. Est ita natura comparatum, ut plerique tenuem quæstum, at securum, maximo cuilibet & periculoso lucro præferant, ut recte cecinisse videatur HORATIUS: (p)

*Luſtantem Icaris fluctibus Africum
Mercator metuens, otium & oppidi
Laudat rura ſui.*

Aſt, ubi privilegiis propositisque præmiis ad majora audenda invitatur mercator, tunc demum ancipitem quæstum imminetibus capiti ac fortunæ periculis antepōnit, &

Mox reficit rates

Quaſſas, indocilis pauperiem pati.

Propterea jam olim XENOPHON (q) auctor erat Athenienſibus, προεδρίας τιμᾶσαι ἐμπόρους καὶ ναυκλήρους, καὶ ὅτι ξενία γέσιν οὐ καλεῖται, οἱ αὖ δοκῶσιν ἀξιολόγοις καὶ πλοίοις καὶ ἐμπορεύμασιν ὠφελεῖν τὴν πόλιν. Ut mercatores & naucleros loco magis honorato in conſeſſibus ornarent, atque illos etiam ad hoſpitii neceſſitudinem invitarent, qui navibus & mercibus egregiis civitati prodeſſe viderentur. Quin ipſe JUSTINIANUS, (r) ubi militare vetat mercatores, eos utiles eſſe omnibus contraſtibus, præfatur. Hinc itaque
tot

(p) Horat. lib. 1. Carm. Od. 1. v. 15. ſeq.

(q) Xenoph. de res. redit. ſeu de proveni. cap. III. §. IV. p. 255. Tom. V. edit. Oxon.

(r) l. un. C. negot. ne milit. lib. XII.

tot jura mercatorum singularia, quorum tanta multitudo est, ut justis non modo libellis, sed & voluminibus, materiam suffecerint viris doctissimis, BENEV. STRACCHÆ, JO. MARQUARDO, JO. GE. SIMONI, BARTH. LEONARDO SCHVVENDDOERFFERO aliisque pluribus, quorum opera satis nota omnium fere JCtorum manibus teruntur.

§. V.

Enimvero quanto plus favoris merentur mercatores, quos vitæ honestas, diligentia, ac intemerata fides commendat: tanto vehementiore odio digni sunt decoctores, qui ubi creditores turpiter emunxerunt pecunia, foro cedunt, rebusque convasatis, locum quærunt, ubi vel genio alieno sumtu indulgeant, vel extra teli jactum constituti, creditores ad iniquissimam transactionem compellant. Quemadmodum enim hos ne flebili quidem illo cessionis bonorum adjutorio & miserabili auxilio, quod obærat, casu vel fortunæ injuriis ad paupertatem reductis, concessum est, dignos existimant leges earumque interpretes: (1) ita multo minus digni judicabuntur beneficiis ac privilegiis mercatorum reliquis, maxime quum ei ordini dedecori sint, fidem publicam, qua præcipue stare commercia videntur, minuant, & ea plerumque perfrictæ frontis animique improbi ac fraudulentæ specimina

(1) l. 63. §. 7. ff. pro soc.

mina edant, propter quæ non modo beneficiis indigni, sed & furum instar supplicio adficiendi videntur legislatoribus sapientissimis. Ita sane cautum est tum IMPERII RECESSIBUS, (t) quos vocant, tum Edictis, quæ potentissimus Prussorum Rex isti hominum generi opposuit, gravissimis, (u) quibus & aliorum Imperii Ordinum leges passim adstipulantur. (x).

§. VI.

Quum itaque inter præcipua, quibus mercatores gaudent, privilegia, & hoc non postremum sit, quod eorum tabulis & codicibus rite confectis pro scribentibus etiam vis semiplenæ probationis attribui solet: bella sane & in foro haud infrequens quæstio est, an & quatenus eadem prærogativa & eorum rationibus, qui foro cesserunt, concedenda sit, siue illæ pro scribentibus, siue contra eosdem producantur? Id vero nos non rectius speramus exsequuturos, quam si re ab ovo, quod ajunt, repetita, primum in causas hujus juris singularis inquiramus, atque inde certa principia, ex quibus de privilegii istius indole judi-

(t) *Ordin. Polit. de anno MDXLVIII. & MDLXXVII. tit. von verdorbenen Kaufleuten.*

(u) *Edict. wider die muthwilligen Banqueroutirer, und dessen Erläuterung.*

(x) *Mandat der vereinigten Hanse-Städte de anno 1620. ap. Marquard. in Append. p. 712.*

judicari possit, derivemus, & ex illis de-
mum varias, quæ in foro subinde agitan-
tur, quæstiones explicemus paullo diligen-
tius.

§. VII.

Equidem, quod ad privilegii istius ori-
ginem attinet, inter omnes fere juriscôn-
sultos constare animadverto, illam non ex
jure communi Romano, quod in foro paul-
latim adoptavimus, sed ex vetere quadam
multisque gentibus communi consuetudine
esse repetendam. Ita sane, ne gregario-
rum turmas conscribamus, censent viri do-
ctissimi, ANDR. GAILIUS, (y) DIOD. TULDE-
NUS, (z) JO. MARQUARDUS, (a) GE. ADA-
MUS STRUVIS, (b) ULR. HUBERUS, (c) &
alii ejusdem famæ ac celebritatis quamplu-
rimi, qui tantam consuetudini vim ac po-
testatem adversus jus commune tribuere,
eo sibi minus religioni ducunt, quo magis
juri consentaneum est, consuetudine & ci-
ves, (d) & judices, (e) non minus, quam
legibus & jure scripto obligari, eamque
non

(y) Gail. lib. III. Obs. cap. XX.

(z) Tulden. ad tit. C. de fid. instrum. n. 5.

(a) Marquard. de jure Mercat. lib. III.
cap. IX. §. XVII.

(b) Struv. Exerc. XXVIII. §. XXV.

(c) Huber. Prælect. ad ff. lib. XXI. Tit. IV. §. 19.

(d) leg. 31. §. 20. ff. de Ædil. edict. l. 6.
ff. de evict.

(e) pr. Inst. de off. judic. Auth. jubemus
C. de judic.

non modo optimam legum interpretem esse, (f) sed & juri communi derogare, quin illud plane tollere posse. (g) Quod quum in universum dubio careat, etiam circa probationem tanto certius est, quanto clarius consuetudine loci instrumentum aliquod authenticum fieri posse, statuit INNOCENTIUS Papa III. in cap. 9. x. de fide instr.

§. VIII.

Et sane negari non potest, jus istud singulare, quod circa mercatorum codices observamus, a juris Romani principiis videri alienissimum. Secundum hæc enim privatorum scripturis contra scribentes creditur, (h) quia quemadmodum confessus quodammodo sua sententia damnatur: (i) ita &, qui se ex certa causa debere, suo chirographo confessus est, merito pro debitore habetur, dummodo vel ipse cautionem tamquam a se scriptam in jure agnoverit, vel de scribente sive aliorum testimonio, sive instituta litterarum comparatione constet. (k) At vero pro scribente productum instrumentum loco probationis admittere, absolum atque indignum.

(f) l. 37. ff. de leg. SC. & long. consuet.

(g) l. 32. §. 1. ff. cod. §. 11. Inst. de jur. nat. gent. & civ.

(h) l. 25. §. ult. ff. de probat.

(i) l. 19. ff. de confess.

(k) l. 20. C. de fid. instr. Novell. L. XXIII. cap. VII.

gnum Romanorum prudentia videbatur, (l) nisi illa scriptura vel aliis argumentis admodum evidentibus firmeretur, (m) vel jam ab adversario pro se producta, ac pro vera agnita sit. Quemadmodum enim testes, quibus ipse usus est, in alia causa adversus se productos repudiare nemo potest: (n) ita non ferendus esset, qui rejicere auderet alterius scripturam, qua ipse pro se aliquando fuerat usus. Ita recte juris nostri auctores præcipui, & in his celeberrimus ULR. HUBERUS (o) colligunt, ut non fuerit, cur dissentiendum sibi putarit ANT. MATTHEI. (p) Aliis casibus a juris ratione alienum, exemploque perniciosum est, scripturam scribenti ad probationem prodesse, quum ita improbissimo cuivis in proclivi futurum sit, debitorem sibi pro lititu propria adnotatione constituere. (q)

§. IX.

Deinde ordinariæ scripturæ privatæ non plus credendum esse, quam vivæ scribentis voci, facile patet. Quid enim interest, quæso, ore, quis adfirmet, sibi deberi, an litteris? At enim quis mercatori, quantumvis incorruptæ exploratæque fidei

cre-

(l) l. 5. C. de probat.

(m) l. 6. C. de probat.

(n) l. 17. C. de testib.

(o) Huber. *Prælect. ad Pand. ibid.* §. XVIII.(p) Ant. Matth. *de judic. Disp.* IX. *thes.* VI.

(q) d. l. 6. C. de prob.

crederet, sed ad testimonium in sua causa dicendum offerenti, quum omnibus in re propria dicendi testimonii facultatem jura submoverint, testibus VALENTE GRATIANO & VALENTINIANO, Augustis? (r) Cur ergo eadem magis crederetur, producenti tabulas, a se ipso domi suo arbitrato & remotis arbitris conscriptas? sane id argumentum tanti visum est quamplurimis, ut non modo HUGO DONELLUS (f) & JO. VVISSENBACHIUS (t) receptam de codicibus mercatorum doctrinam pro mercatorum vel pragmaticeorum errore venditare, sed & supremæ quædam curiæ adversus vulgarem doctrinam pronunciare non dubitarint. Saltim ejusmodi præjudicium, quod vocant, ex DOMINICI TREVISANI *decisionibus* (u) eruit NIC. DE PASSERIBUS: (x) nec defutura fortassis essent alia, si nunc per tot *Decisionum* atque *Rerum judicatarum volumina* grassari aut vacaret, aut lubido esset.

§. X.

Denique si ab eo, quod majus est, ad minus argumentum ducendum, denuo elanguescet vis omnis privilegii, quod merca-

10-

(r) l. 10. *Cod. de testibus.*

(f) Donell. *Comment. ad l. 6. C. de probat.* p. 153.

(t) VVissenb. *ad l. 5. seq. C. de probat.* p. 238.

(u) Trevisan. *lib. I. Decis. XVI.*

(x) Nic. de Passerib. *de Script. privileg. lib. IV. cap. XXI. §. XI.*

torum codicibus a tot sæculis est vindicatum, nec secundum eos litem dabunt, quicumque nullam aliam boni æquique normam, quam jus Romanum, agnoscunt. *Ne fiscum quidem*, qui tot privilegiis ad acquirendum conservandumque comparatis munitus est, *ex suis subnotationibus debiti probationem præbere posse*, præclare ac sapienter rescripsit GALLI-NUS Imperator. (y) An vero plus mercatoribus jura indulgerent, quam fisco principis, quem hac quidem in re jure communi uti voluerunt? Deinde cur mercatori, privatim aliquid in codicem rationum referenti, plus fidei habeatur, quam tabellioni, qui quamvis juratus officio publico fungatur, tamen si quid ex tabulis vel codicillis a se scriptis peteret, adeo non videretur audiendus, ut potius poenam legis Cornelie de falsis subiturus esset? (z) Quod argumentum tam grave visum est BARTOLO, (a) ut non modo mercatorum, sed ipsorum argentariorum tabulis, pro scribingentibus in foro productis, fidem abrogare non dubitavit.

§. XI.

Tam multa igitur, tamque gravia argumenta facile persuaserunt viris doctissimis,
ut

(y) l. 7. C. de probat.

(z) l. 10. pr. l. 15. pr. ff. ad L. Corn. de fals.

(a) Bartol. ad l. 9. §. 2. ff. de edend. num. 11.

ut jus istud, quo mercatorum codices semiplene probare creduntur, in jurisprudentia Romana nullum plane præsidium reperire, sed per consuetudinem paulatim invaluisse, crederent. (b) Et tamen, si dicendum, quod res est, antiquissimis temporibus Romani, mercatorum tabulis & codicibus non modo semiplenam, sed integram fidem habuerunt: & postea felici errore contigit, ut antiquum illud jus, ex interpretatione legum Romanarum quodammodo renatum, per universam fere Europam una cum ipsis commerciis propagaretur. Id quod, quomodo, & qua occasione factum sit, exponere operæ omnino præteritum fuerit, maxime quum eam rem ab aliis occupatam esse, non animadvertamus.

§, XII.

Qui Romæ olim negotiabantur, vel commerciorum causa per provincias commebant, id sibi præcipue negotii existimabant datum, ut accepta expensaque ex atca diligenter in rationes referrent. Illis autem rationum codicibus productis, rei gestæ seriem judici probare poterant, dum ita comparatæ essent rationes, ut & nulla fraudis suspicione laborarent, & codex ipse a codice debitoris non discreparet. Solebat enim creditor, pecuniam, nomen de-

(b) *Am. Matrh. Fundam. Jur. Disp. XVII. §. IV.*

debitoris, causam debendi, reliquasque circumstantias, præsente debitore, in tabulas rationum referre, idemque, præsente creditore, faciebat debitor, iique codices inter se comparati, si inter se similes reperiebantur, plenam faciebant fidem. Rem omnem accuratius explicarunt CL. SALMASIUS, (c) BARN. BRISSONIUS (d) & alii. Nos quædam veterum testimonia audiemus. GELLIUS, (e) referens, quæ se iudice, acta sint in causa pecuniaria: *Petebatur apud me, inquit, pecunia, qua dicebatur data numerataque. Sed qui petebat, neque tabulis, neque testibus id factum docebat. Et paucis interjectis: Is unde petebatur cum suis multis patronis clamitabat, probari apud me debere pecuniam datam consuetis modis, EXPENSILATIONE, mensa rationibus, chirographi exhibitione, tabularum obsignatione, testium intercessionem. Hic inter modos probandi debitum consuetos a GELLIO refertur expensilatio. Hæc autem, teste ASCONIO PÆDIANO, (f) nihil aliud erat, quam scriptura, qua notas in tabulis, te pecuniam dedisse. Et eam scripturam tunc probasse omnino, si ei debitoris rationes responderent, vel*

CICE-

(c) Salmas. de Mod. Usurar. c. XI. p. 473. seq.

(d) Brissou. de Form. pop. Rom. sollemn. lib. VI. p. 536. seq.

(e) Gell. lib. XIV. Noct. Att. cap. II.

(f) Ascon. Pædian. ad Ciceron. Verrin. lib. I. cap. XXX.

CICERO (g) docet, dum **Q. Roscium** adversus **C. Fannium** defendens, sapissime ad illius tabulas provocat. Quod si ille, inquit, suas proferet tabulas, proferet suas quoque Roscius: erit in illius tabulis hoc nomen: at in hujus non erit. Et paullo post: Si tabulas **C. Fannius** accepti & expensæ proferet suas, in suam rem, suo arbitratu scriptas, quo minus secundum illum judicatis, non recuso. Fidem ergo codici Fannii non abrogat Cicero, modo ille proferatur, & addit quidem, se id non facere jure compulsus, sed copia & facultate causa confisus, at non eo hoc dicit, ac si alias creditoris tabulæ non probarent, sed quod, uti paullo ante diximus, non solis crederetur, verum conspirantibus cum codice debitoris. Hinc alio loco idem **CICERO**: (h) *Suum codicem, puta solum, testis loco recitare, arrogantia est: suarum præscriptionum & licurarum adversaria (die Glirter oder Klatte,) proferro, non amentia est?* & in oratione adversus Verrem: (i) *Homo stultissime & amentissime, tabulas quum conficeres, satis te elapsurum omni suspitione arbitrare, si quibus pecuniam credebas, iis expensum non ferres, neque in tuas tabulas ullum nomen referres, quum tot tibi nominibus acceptum Curtii referrent? quid proderat tibi, te expensum illis non tulisse? an tuis*

SOLIS

(g) Cicero pro **Q. Rosc.** cap. I.

(h) Cic. pro **Q. Rosc.** cap. II.

(i) Idem in Verr. I. cap. XXXIX.

SOLIS tabulis se caussum dicturum existimasse? Ita jam olim tabulis mercatorum credebatur, dum rite conscriptæ, in easque accepta expensaque diligenter relata essent, & iis suffragarentur rationes debitoris.

§. XIII.

Enim vero hac probatione tum demum opus videbatur, si quis ex arca numerasset expendissetque pecuniam. Si quis enim mensario vel argentario numeraverat: præcipua probatio ex rationibus argentarii petebatur, cujus ad officium pertinebat, singulorum rationes conficere. (k) Qui ergo tunc a mensario numerabat, pecuniam dicebatur SCRIBERE, qui reddebat: sibi numeratam, eandem RESCRIBERE dicebatur, ceu multis veterum testimoniis ostendit RICH. BENTLEJUS. (l) Et ea scriptura argentarii, vel, uti paullo ante a GELLIO (m) nominabatur, ex mensa rationes prolata editæque ab argentario, plenam fidem faciebant, quod non videretur verosimile, argentarium in alterius gratiam falsi quidpiam in tabulas referre voluisse, quum ejus negotiatio publicam caussum habere crederetur. (n) Et huc pertinent illa.

(k) l. 4. §. l. 9. §. 2. l. 10. §. 1. ff. de edend.

(l) Bentlej. ad Horat. lib. II. Epist. I. v. 105. p. 628.

(m) Gell. Noct. Att. lib. XIV. cap. II.

(n) d. l. 10. §. 1. ff. de edend.

illa CICERONIS: (o) *Solent fere dicere, qui per tabulas hominis honesti, (id est argentarii) pecuniam expensam tulerunt: egone talem virum corrumpere potui, ut mei causa falsum in codicem referret?*

§. XIV.

Ita jure vetusto se res habebat. Jure Justiniano non minus fidei tributum codicibus argentariorum, quorum negotiationem, quemadmodum paullo ante diximus, publicam causam habere, creditum. Quamvis enim negotiatio illa, si recte ponas calculum, nec munus, nec officium publicum esset, quandoquidem & servus mensam argentariam exercere non prohibebatur: (p) publicam tamen causam habere videbatur, non quod publice, vel a populo eligerentur argentarii, quam ACCURSII (q) sententiam solide profligavit GUIDO PANCIROLLUS, (r) sed quod publica auctoritate pecunias foenori darent, auctiones facerent, pro aliis numerarent, solverent, constituerent, pecuniam trajectitiam suo periculo crederent, de iisque rebus omnibus rationes conficerent quam accuratissime, quemadmodum illud argen-
rio-

(o) Cic. *pro Q. Rosc. cap. I.*

(p) *l. 4. §. 3. ff. de edend.*

(q) *Accus. ad l. 9. §. 2. ff. de edend.*

(r) *Pancir. Var. Lect. lib. I. cap. XXXII. pag. 51.*

riorum officium ex CICERONIS, (f) aliorumque veterum testimoniis accuratius descripserunt CUIACIUS, (t) SALMASIUS, (u) PANCIROLUS, (x) & BRISSONIUS, (y) qui Romanos ea in re Græcorum, & Atheniensium maxime, industriam imitatos esse, ex elegantissimo loco DEMOSTHENIS (z) observat. Propter hanc itaque publicam mensæ argentariæ causam, quemadmodum jam a NIC. DE PASSERIBUS (a) & MATTH. VVESSEMBECIO (b) observatum est, tabulis rationibusque argentariorum id tribuebant Romani, ut sive pro illis, sive contra eosdem, proferrentur, plene probarent. Hinc CAJUS (c) noster: *Argentarius, inquit, rationes edere jubetur, nec interest, cum ipso agatur, an cum tertio. Frustra autem eum cogeret Prætor edere rationes, etiam contra tertium, nisi illi tertio fides libris nocere posset.* (d) Quin tantum abest, ut argentariorum codicibus fidem negent iura, ut

idem on.

(f) Cicero *pro Flacco* cap. XIX.

(t) Cujac. *lib. X. Obs. cap. XIV.*

(u) Salmasius *de Mod. Usuræ* cap. XVI. pag. 721.

(x) Pancirol. *ibid.*

(y) Brissou. *de Verb. signif. voce argentarius.*

(z) Demosth. *advers. Timon. p. 1074.*

(a) Nic. de Passerib. *de Scrips. priv. lib. IV. cap. XIV. n. 17. seq.*

(b) Vvesenb. *Paratit. tit. de fide instr. n. 6.*

(c) l. 10. *pr. ff. de edend.*

(d) Roefener. *de Libris Mercat. c. XVI. & XV.*

idem privilegium etiam ad numularios, id est, argentariorum ministros, vel parvos argentarios, (e) prolatum sit, quia, teste PAULLO, (f) & ipsi, sicut argentarii, rationes consciunt, accipiunt pecuniam, & erogant per partes: quarum PROBATIO scriptura codicibusque eorum maxime continetur, & frequentissime ad FIDEM eorum decurritur.

§. XV.

Quod autem ad reliquos mercatores attinet, quorum negotiatio publicam causam habere non videbatur, sequiore ævo ab usu quidem recesserat illa codicum comparatio, quam olim Romæ obtinuisse, paulo ante (§. XII.) observavimus: si tamen proferrentur eorum scripturæ ac rationes, in quibus accepta expensaque accurata diligentia notata deprehendebantur, ex profecto non parum ponderis videbantur habere. Nam etiam pro mercatore probabant, si ita iudici videretur, id est, uti nos hodie loquimur, semiplenæ saltem vim probationis habebant, si iudex iis fidem tribuendam existimaret. Præclarus eam in rem exstat locus PAULLI ex libro IV. *Responsorum*, (g) quem Iustus eximius, ANDR. FACHINEUS, (h) observavit: *Titius Sempromis salutem. Habere me a vobis auri pond-*

(e) Cujac. lib. X. Obs. cap. 24.

(f) l. 9. §. 2. ff. de edend.

(g) l. 26. §. 2. ff. de pos.

(h) Fachin. Controv. Jur. lib. XI. cap. XXXIII.

do plus minus decem, & disceos duos, sac-
cum signatum: ex quibus deberis mihi decem,
quos apud Titium deposuistis: item, quos Tro-
phimati, decem: item ex rationibus patris
vestri decem, & quod excurrit. Nihil hoc
aliud est, quam ratio brevior, ex codice
rationum decerpta, (ein Conto current,) qua
mercator, quid acceperit, quidque sibi
debeatur a Sempronis, (das credit und de-
bet,) more illorum temporum breviter no-
tarat. Quærebatur ex PAULO, an ex huius-
modi scriptura aliqua obligatio nata sit, scili-
cet quod ad solam pecunia causam attineret?
Non poterat id affirmare Iustus, non igna-
rus, suis temporibus litterarum obligationem
nominibus fieri, (i) quæ plane aliud quid
fuisse, quam ejusmodi epistolam, ex CAJO
(k) & THEOPHILO (l) jam pridem docuit
Dominus Præfex. (m) Itaque respondit, ex
epistola, de qua quaritur, obligationem quidem
nullam ratam videri: sed probationem deposi-
tarum rerum impleri posse. Nec sane de eo
dubitari poterat, quia scripturam etiam pri-
vatam contra scribentem probare, inter
omnes constabat. (n) At magis ambigua
videbatur quæstio, an & debitum ex illa
creditoris schedula recte probetur? quam
in.

(i) §. un. Inst. de litt. oblig.

(k) Caj. Inst. lib. II. Tit. IX. §. 12.

(l) Theoph. in Paraph. §. un. Instit. de
litt. oblig.

(m) in Antiq. Rom. lib. III. Tit. XXII.

(n) l. 25. §. ult. ff. de probat.

in rem addit PAULLUS : *An autem is quoque, qui deberi sibi cavit in eadem epistola decem, probare possit hoc, quod scripsit, JUDICEM ÆSTIMATURUM.* Non ergo negat, instrumento illi pro scribente aliquam fidem adhiberi posse, si circumstantiæ, a judice æstimandæ, addicant, e. g. si epistola illa conspiret cum codice rationum, si ejus auctor sit vir integræ atque intemeratæ fidei, si ex ipso libro ejus diligentia eluceat, & quæ sunt hujus generis alia, quæ suggerit MENOCHIVS. (o)

§. XVI.

Ex hoc itaque loco, similibusque quibusdam, glossatores collegerunt, *librum pro scribente probare in connexis*, id est, si codex expensa & accepta contineat, & hæc se recte habere dicantur, fidem etiam habendam esse ratione illorum. Ita BARTOLVS (p) & BALDUS, (q) quorum sententiam & alii plerique adoptarunt. Idem autem glossatores exinde porro intulerunt, pro codicibus mercatorum, si rite conscripti sint, non levem militare præsumptionem, & si a scribentibus in supplementum juretur, plenæ vim probationis eos merito obtinere. Sane hanc sententiam ante sæ-

cu-

(o) Menoch. *de Arbitr. Jud. qu. casu* XCIII.

(p) Bartol. *ad L. quadam §. nummularios ff. de edendo.*

(q) Bald. *in L. rationes C. de probat.*

culum XIII. quo ACCURSIUS glossas con-
sult, defenderunt doctores quidam, quo-
rum argumenta ipse adducit refellitque AC-
CURSIUS. (qq) Eandem sæculo XIV suam
fecere BARTOLUS, (r) sequente BALDUS,
(f) PETRUS DE FERRARIIS (t) & alii, quos
iplos quoque suos auctores sequutos esse,
nulli dubitamus, adeo ut statim, renascen-
te jam in Italia jure Romano, hæc sen-
tentia per cathedras audita, tantoque faci-
lius a plerisque adprobata videatur, quan-
to æquior credita, ac juris rationibus con-
venientior. Sane *quum mercatores*, uti elegan-
ter REIN. BACCHOVIUS (u) scribit, *quibus-*
vis mercium suarum emtoribus sine chiro-
grapho fidem habere soleant, tanto æquius
est, ex adverso quoque plus fidei illorum
litteris adscribi. Accedit, quod mercatu-
ram non promiscue omnes exercere so-
leant, sed ii demum, qui editis intra an-
nos tirocinii diligentæ ac fidei argumen-
tis, in collegium mercatorum sollemni-
ter fuerunt adoptati. Unde denuo colligi
posse videbatur, mercatorum etiam nego-
tiationem publicam quodammodo causam
continere, adeoque non esse iniquum,
ut,

(qq) Gloss. ad l. 9. §. numularios ff. de
edendo.

(r) Bartol. ad l. admonendi 31. ff. de jurej.

(f) Bald. ad eand. l. admonendi.

(t) Ferrar. in Pract. aur. p. 186, n. 6.

(u) Bachov. ad Treutl. Vol. II. Disp. IV.
th. II. lit. B.

ut, quemadmodum argentariorum codicibus jure Romano fides omnino habenda esset, ita mercatorum tabulis rite confectis semiplenæ saltem probationis vis tribueretur, scribentibusque, illas pro se allegantibus, copia fieret in supplementum jurandi.

§. XVII.

Quum autem iisdem temporibus, quibus juris Romani studium Bononiæ aliisque locis fervebat, civitates Italicæ pleræque sibi nova statuta conderent, & in illo terrarum tractu maritima æque ac vulgaris negotiatio tum vel maxime floreret: nullum fere statutum reperias, in quo non occurrant hujusmodi privilegii vestigia. Exstant STATUTA VENETA, quæ, uti rubrica docet, *in unum reducia & de novo edita fuerunt tempore illustris Domini, Jacobi Theopuli, inclyti Ducis Venetorum, currente anno Dominica Incarnationis MCGLII. die VI. exeunte mense Septembris, indictione prima, quæque stanno nitidissimo impressa sunt Venetiis a Bernardino Benalio ejusque socio anno MDXXV. mense Julio.* In eorum præfatione, vel prologo secundo, agitur de præsumptionibus & quatuor earum generibus, explicaturque, quid sit præsumptio *juris & de jure, præsumptio violenta, probabilis & temeraria.* De probabili autem ibidem ita disseritur: *Tertia præsumptio est probabilis, & ista non probat plene, sed movere debet judicem, ad dandum sacramentum honestiori parti. Ut si inveniatur scriptum*

ptum in libro alicujus, quod alteri tantum dedit, vel quod ab altero tantum recepit, tunc scilicet iudices dabunt sacramentum, ut supra diximus. Anno æræ Christianæ MCCCCLXVI. die XVII. Aug. novum ea de re SC. factum, quod in iisdem STATUTIS VENETIS (X) ita se habet: *Anferenda sunt omnia illa inhonesta media, quibus cives & subditi nostri defraudantur. Et quia libris apothecariorum hujus nostra civitatis omnis diuturni temporis fides præstari solebat: quo iniquo medio fuere complures, qui multas pecunias amiserunt. Vadit pars, quod libri draperiorum, tellarolorum, chiodarolorum, & quorumcumque aliorum apothecariorum hujus nostra civitatis fides de cetero adhiberi nequeat, nisi a quinquennio infra, nec in aliquo judicatu, vel officio nostro, elapso ipso tempore, authenticari. Quod temporis spatium unicuique convenientissimum est petere posse, quod habere debet. Quinquenniali itaque præscriptione elidi Veneti iusserunt probationem ex libris mercatorum illorum, quos nominatim recensent, petendam: nec tamen id majorum gentium mercatoribus fraudi esse voluerunt, de quibus in iisdem STATUTIS statim additur: *Exceptuatis tamen libris ordinariis, quibus, non obstante probatione aliqua in contrarium, sicut primum, fides adhibeatur, ut justitia usuique nostrorum civium pariter sit prospectum.**

Simi-

(X) Consultæ ex authenticis, Statutis Venetis adnexa cap. XXIV. f. CXCIII.

Similia statuta sunt Bononiæ, (y) Florentiæ, (z) Patavii, (a) Romæ, (b) quin in universa Italia, (c) ubi libris mercatorum vel absolute, vel ad certam summam creditur, vel, iis prolatis jusjurandum suppletorium defertur.

§. XVIII.

Jam vero non difficile erit ostendere, qua via eadem de mercatorum codicibus doctrina se per Germaniam, quin universam fere Europam, diffuderit. Medio enim ævo nulla fere gens negotiandi causa frequentius per vicina regna & provincias discurrebat, quam Itali, idque adeo verum est, ut vir doctissimus, HERM. CONRINGIUS, (d) usque ad annum millesimum centesimum. paucas merces peregrinas, & vix aliunde, quam ex Italia, in Germaniam exportatas fateatur, Oceano omni Normannorum piratica infesto, & Germanicis navibus pæne impervio. Et quamvis postea maris Balthici accolæ mare tentarent,

(y) Imola in cap. 2. X. de fid. instrum.

(z) Castrensi. in d. l. admonendi. Rol. a Valle Vol. III. Consil. XCII. n. 5.

(a) Statuta Patav. fol. 190. b.

(b) Marquard. de jur. Mercat. libr. III. cap. IX. §. 21.

(c) Turret. Consil. XLVII. num. VII.

(d) Conringius de Urbibus German. §. LXXXV.

rent, & civitates celebriores, inito fœdere Hanſeatico, inſignes ſibi opes commerciis acquirere: intra hælæcum tamen, ſaſamentorum aliarumque mercium ſeptentrionalium diſtractionem ſtetit hæc negotiatio, ea, quæ Oriens, Ægyptus & Africa ſuppeditant, Italis large advehentibus. Vagabantur illi ſub nomine LOMBARDORUM, itemque CAORCINORUM, per Galliam, Germaniam, Belgium, & non ſolum merces orientales venum exponebant, ſed & pecunias credebant ſub pignoribus, ceu paſſim adhuc docent domus publicæ, in quibus, depositis pignoribus, pecuniæ creduntur, quæque ab origine ſua etiamnum vocantur *Lombards-Hauſer*. Quamvis vero plerisque locis celebrioribus privilegiis luculentis ornarentur, ceu docet exemplum, a CAR. DU FRESNE (e) ex veteri Regeſto erutum, quin alicubi ſuis conſuſibus, quos vocant, parerent, veluti Montepelluli & Nemausi: evilſcere tamen paulatim cœpit iſtud hominum genus ob uſurariam, quam exercebat, pravitate, adeo ut & ſynodalibus decretis, (f) & editis principum (g) paſſim proſcriberetur,

Ju-

(e) Car. du Freſne *in Gloſſar. Lat. Tom. II. pag. 237.*

(f) *Concil. Senonenſe ann. MCCLXIX. Can. II.*

(g) Car. du Freſne *ibid. pag. 238. & Tom. I. pag. 855. ſeqn. Matth. Pariſ. ad ann. MCCLXXV. MCCXL. Aub. Mir. lib. I. Dipl. Belg. cap. LXXXIV.*

Hein. Opuſc. Var. Pars I.

Judæisque æquiparentur *Lombardi & Coarcti*, qui a celebri gente Florentina *Corsinorum* nomen invenerant. (h) Et sic profecto non mirandum, una cum Lombardis etiam privilegium illud mercatorum in Germaniam penetrasse, maxime, quum paullatim Jcti, qui Bononiæ & Patavii prima juris stipendia fecerant, curias ac fora, quin & academias Germaniæ, occuparent, & hinc, quæ in Italia didicerant, in usum apud Germanos deducere omni studio animique contentione niterentur.

§. XIX.

Et ex his quidem jam proclive est judicare, quæ requirant jura, si quis eo privilegio uti velit. Quum enim mercatorum bono inventum sit hoc privilegium, & eorum quidem, qui fidei ac diligentiae specimina ediderint: (§. XVI.) consequens est, l.) ut, si cui mercaturam faciendi jus non est, ei id privilegium non profit. (i) Majoris, an minoris momenti sit negotiatio parum refert, modo quis merces venales habere, aliisque sine chirographo credere soleat. (§. XVI.) Ab ipso mercatore ut conscriptus sit codex, exigere videntur Rol. a Valle (k) & Andr. Gailius, (l) etiam ad

(h) Car. du Fresne *ibid.* Tom. I. pag. 856.

(i) Menoch. *lib. I. Consil. XXXIX. num. 14.*
Gail. *lib. II. Obs. XX. n. 17.* Textor. *Diff. de fide libri mercat. mortui §. IV.*

(k) Rol. a Valle *Consil. XCII. n. 6.*

(l) Gail. *lib. II. Obs. XX.*

ad JUSTINIANI quoddam rescriptum (m) provocantes. Sed quemadmodum in illa l. 13. C. de non num. pecun. nihil, quod quidem ad rem pertineat, continetur, & quod quis per alium facit, illud ipse fecisse videtur: ita non abs re plerique eandem codici mercatoris fidem tribuendam esse existimant, sive ipse eum adornarit, sive ejus nomine alius: modo eum manu personæ, cui tale negotium delegari solet, veluti institoris, vel librarii, (*des Buchhalters*) scriptum esse constet. (n) Quo casu tamen id observant accuratiores, ut librario priore mortuo, vel officio decedente, codex non continuetur, sed a successore novus inchoetur, ne unus idemque codex diversas manus prodatur. (nn) Deinde ex eodem colligimus, II.) librum vel codicem, quem mercator profert, nulla falsitatis suspitione laborare, adeoque illum compactum, tituloque ac præfatione notatum, (o) folia numerata, (oo) nihilque in eo erasum, evulsum, deletum superscriptum esse (p) oportere. Quod adeo verum est,

(m) l. 13. C. de non num. pecun.

(n) Stracch. de Mercat. P. II. n. 65. Capzov. Part. I. cap. XVII. def. XXXV. n. 9.

(nn) Textor. Diff. ead. ibid.

(o) Roefner. de Libris Mercat. cap. VII. n. 2. sequ.

(oo) Munnoz de Escobar. de Ration. c. X. §. XLII.

(p) c. 5. X. de crim. fals. c. 6. X. de fid. instr.

est, ut si forte librarius aliquid humani passus sit, tamen ea, quæ perperam scripsit, nec delere, nec inducere, sed errorem notare, & rem de novo subicere, vel e regione, non autem in margine, adscribere soleat (q). Quum porro ejus privilegii causa non postrema sit, quod mercatores sine chirographo credere soleant, (§. XVI.) & liber ex communi Jctorum sententia tantum in connexis pro scribente probet: (§. XV.) id quoque III.) vel maxime urgent Jcti, ut liber contineat data & accepta cum singularum partitarum, quas vocant, die & consule, (r) & quidem sine abbreviationibus & siglis vulgo incognitis, (f) quippe quæ plerumque cum ambiguitate quadam conjunctæ sunt. Præterea ex eodem per se patet, IV.) non nisi ea, quæ ad mercaturam pertinent, in codicem illum referenda, (t) & V.) causas & genera obligationum rite exprimenda; (u) & denique VI.) ipsum codicem cum adversariis seu diario, ex quo partita in codicem primum referri solent, accurate convenire debere. (x) Quamvis enim solis adversariis

-
- (q) Textor. *Diff. citat.* §. IV. (r) l. 11. §. 2. ff. de edend. Mevius *ad Jus Lub. P. V. Tit. VI. a. IV. n. 24.* (f) Conr. Rittersh. *Comm. ad Novell. P. VI. cap. 11. n. 7.*
 (t) Munnoz. de Escob. *ibid. cap. 11. n. 27.*
 (u) l. 25. §. 5. ff. de probat. Carpzov. *lib. III. Resp. LVIII. n. 10.*
 (x) Munnoz. de Escobar. *ibid. c. X. n. 36.*

riis ea fides non habeatur, (y) quam codicibus ipsis attribui diximus: merito tamen horum quoque fides vacillat, si, quæ in codice leguntur, ab iis, quæ in adversariis scripta reperias, omnino discrepent. Hæc sunt sex illa requisita, quæ ubi adfunt, privilegio isti locus esse creditur. Ea quamvis alii ad duodecim, (z) alii ad tredecim, (a) alii ad plura usque adaugeant: quædam tamen ex his ad sex illa, quæ a nobis explicata sunt, commode referri posse, quædam plane falsa esse, facile unusquisque animadvertet. Sane quemadmodum jam paullo ante vidimus, requisitum secundum, quod MARQUARDUS (b) recenset, puta, ut ipsemet mercator codicem sua manu scripserit, nec in jure, nec in praxi, præsidium reperire: ita, quæ idem (c) alii-que (d) exigunt, ut mercator veritatem scribere consueverit, ut liber aliquid contineat contra mercatorem, ut quæ inscripta sunt, ex circumstantiis verosimilia judicentur, manifesto ad requisita nostra primum & tertium pertinent, eoque percommode referuntur. Quod & de reliquis verum esse, unusquisque facile deprehendet.

§. XX.

(y) Marquard. *de jure Mercat. lib. III. cap. IX. §. 43.*

(z) Idem *lib. III. cap. IX. §. 28. sequ.*

(a) Textor. *Diff. alleg. §. IV. V.*

(b) Marqu. *ibid. §. XIX.*

(c) Idem *ibid. XXXI. XXXIII. XXXIV.*

(d) Textor. *ibid. §. IV. V.*

§. XX.

Fufius hæc exfequuti fumus, quam ple-
rifque videbitur neceffarium. Sed quum
multum noſtra referat, jurisprudentiam ita
habere in numero, ut ea, quæ inculca-
mus, univerſa ex ſuis principiis derivare,
hæc autem ex origine ac cauſis ſingulo-
rum juriſm investigare norimus: non pi-
guit nos, rem ab aliis neglectam paullo
accuratius explicare. Jam ergo facile pa-
ter, quid ad ſingulas quæſtiones, quæ de
decoctorum & foro cedentium codicibus,
habendaque illis fide, paſſim moventur,
& quarum palmarias tantum delibare nunc
juvat, respondendum ſit. In univerſum
enim nullam codici fidem habendam eſſe,
cujus auctor dolo malo foro cedens, cre-
ditorum ſpem turpiter deſtituit, tam eſt
manifeſtum, ut prolixiore probatione ſu-
perfedere poſſe videamur. Quis enim cre-
dat ſcripturæ hominis, quem vel ſclerum
maximorum ſibi conſcium fuga in nescio-
quas latebras & aſyla abſtulit, vel carcer
digno tantâ turpitudine ſupplicio adſcien-
dum adſervat? qui honeſto mercatorum
collegio ſe ipſe exemit, & ita ſimul bo-
nis, ſimul bonæ fidei decoxit, ut furi æ-
quiparandus videatur legiſlatoribus? (§. V.)
Quis integritatem illam vitæ atque exiſti-
mationis, quam in mercatore deſideravi-
mus, (§. XIX. 1.) in decoctore doloſo,
id eſt, in homine, flagitiis omnibus coo-
perto, quæreret? Et hinc eſt, quod præ-
cipui juriſm auctores, qui in hac palæſtra
exercuerunt ingenium, veluti MASCAR-

DUS,

DUS, (c) MENOCHIVS, (f) MARQUARDVS, (g) TEXTOR, (h) ROESNERVS (i) omnem horum codicibus fidem abrogare non dubitant, eamque sententiam suam præjudicio non uno confirmant. Accedit, quod, quum mercator honestæ vitæ atque integræ existimationis codice suo semiplene probet, minus quam semiplenam, vel, ut rectius dicam, nullam plane probationem emergere oporteat ex scriptura hominis nullius fidei, quem jura semper mentiri præsumunt, (k) adeoque decoctor ad jusjurandum suppletorium numquam admitti possit. Et hinc quum nuper mercatoris, qui foro cesserat, uxor dotem & illata repeteret, & ad codicem mariti, in quem illa pecunia relatâ erat, provocaret: in prima quidem instantia judicatum fuerat, uxorem illata eatenus probasse, ut ad jusjurandum suppletorium admittenda sit: causa autem ad supremam Ducatus M. curiam devoluta, pronunciatum, eam ad jusjurandum admittendam non esse, inter chirographarios tamen ejus interea mortuæ liberis locum fore. Quod postremum ideo

adje-

(e) Maschard. *de Probat. Concl.* DCCCC LXXV. n. 30.

(f) Menoch. *Consil.* XL. n. 29.

(g) Marq. *lib. IV. cap. IX. n. 28.*

(h) Textor. *Diff. cit.* §. XXIII.

(i) Roefner. *de lib. Mercat. cap. XIV. §. XXVI.*

(k) Idem *ibid.* §. XV.

adjectum, quia Curator bonorum libro illo decoctoris aliquando pro se usus fuerat. (§. VIII.) Denique quum interposita leuteratione acta ad Ordinem juridicum hujus Academiae mitterentur: is posteriorem sententiam confirmandam censuit, non solum, quod codici mercatoris etiam integræ estimationis non creditur, nisi in rebus ad mercaturam pertinentibus, (§. XIX, 4.) sed & ob alteram rationem: *Dieuveil aber dennoch bekantem Rechteas, dass der erfüllungs-Eyd zum vuenigsten einen halben Beuviff supponire, und aber eines Falliten Handels Buch, wann es zumahl mit dergleichen Fehlern, als Art. Reprob. 59. seqq. fol. 295. seqq. Act. primæ Instantiæ angemercket worden, behafftet ist, gar nichts beuveiset. Maschard. de prob. Concl. 975. n. 30. concl. 976. Menochius de præsumt. Lib. III. præf. 63. n. 1. als ist man; wie im Urthel enthalten, zu erkennen beuvogen worden.*

§. XXI.

Sed, quemadmodum hæc justam causam habere videntur in decoctoribus, qui dolo malo furiosum rerum suarum exitum fecerunt, bonaque abliguriverunt nequissime: ita facile patet, eos, qui fortunæ temporumque injuriis bonis lapsi sunt, melioris omnino conditionis esse oportere. Recte itaque monuit MEVIUS, (1) si de eorum,

(1) Mev. ad Jus Eub. lib. V. Tit. VII. art. V. & Tit. VI. art. IV.

rum, qui bonis lapsi sunt, codicibus agatur, de illorum fide statuendum esse ex vita ante acta. Si enim antea vir honestus ac integræ fidei fuisse probetur, casum & fortunam adversam supervenientem non tollere fidem, quam ejus scriptura antea mereri visa sit. Quemadmodum enim, ULPIANO judice, (m) tutor, *quamvis pauper sit, fidelis tamen & diligens, removendus non est, quasi suspectus*: ita miserum & iniquum esset, abrogare fidem mercatori honesto & diligenti, cujus industriam fortuna destituit, quemque rerum suarum satagentem aliena potius malitia, vel inclementia fati, quam socordia propria, ad inopiam detruxit. Et ita in curia Januensium pronunciatum esse, constat. (n) In primis mercatoris, sine sua culpa bonis lapsi, codici haud parum ponderis accedit, si ab institutore vel librario fide digno rite conscriptus est, quippe cujus iurijurando suppletorio tunc eo facilius creditur, quo minus ipsi vel feritur vel metitur. (o) Quin si eum vel maxime sua manu scripserit mercator: non tamen ob eam rem fides ejus vacillabit, modo codex talis sit, qualem eum esse debere, supra ostendimus. Multos enim ad mendicitatem redactos similes reperiatis illi pauperi apud EURIPIDEM, (p) de se glorianti:

(m) l. 8. ff. de suspect. tut. (n) Rota Gen. Decis. X. n. 13. (o) Roesner. ibid. c. XIV §. 24. (p) Euripid. in Electr. v. 362. seq.

- - - καὶ ἴδ' εἰ πῶς ἐόν,
Οὐτοὶ τοῦ ἡδὺ δουλεύεις παρ' ἑορᾶς
- - - Quamvis enim pauper sim:
Non tamen malos mores praestabo.

Attamen, si ex ipso codice adpareat, mercatorem, ubi res suas retro labi ac fatiscere animadvertit, accepta parum diligenter in libros retulisse, sed in suos usus seposuisse, aliis, qui non solverunt, acceptum tulisse, quædam in rem suam falso inscripsisse, malumque patrem familias, ut paucis dicamus, agere cœpisse: nihil procul dubio tribuetur ejus codici, quem ipse, mutatis, cum fortuna, moribus, sua culpa quam maxime suspectum reddidit. Quamvis enim paupertati cum virtute bene conveniat: repentina tamen fortunæ mutatio, & imminens homini rei lautæ adsueto,

Magnum, pauperies, opprobrium jubet:
Quidvis, aut facere, aut pati,
Virtutisque viam deferere ardua,

ceum jam pridem recte observavit HORATIUS. (q) Sane quum de mercatoris, bonis non lapsi, codici non credatur, si ulla falsitatis suspicione laborat: (§. XIX.) quanto minus credendum erit scripturæ hominis, boni illius quidem, sed quem paupertate a virtutis tramite abductum esse, ex ipso libro ubique pellucet. Hinc quum.

(q) Horat. lib. III. Od. XXIV. v. 42.

quum mercator, qui tamen bonis non fuerat lapsus, ex alterius fortunis everſi bonis summam haud levem peteret, & nec chirographum, nec alia instrumenta, sed litteras quasdam privatas, proferret: curator bonorum, librum actoris producendum esse, urgebat. Creditor aliquoties in iudicio fassus erat, se hæc in librum suum non retulisse, sed cum debitore bona fide egisse, modo ei pecunias credendo, modo earum partem recipiendo. Rejecta probatione, mercator ad superius iudicium G. adpellavit, ac demum obtinuit, ut ad probationem admitteretur, eique simul liceret librum seu codicem suum eam in rem producere. Re ulterius ventilata, & actis ad Ordinem juridicum in hac Academia transmissis, pronunciatum: *Nummero aus den Älten so viel zu befinden, dass Implorant, zur Production seines Handels Buchs und übrigen Documenten, gestaltsen Sachen nach nicht zuzulassen, additis rationibus: Dieuvveil die von Implorantem gesuchte Restitutio in integrum vergeblich seyn, und zu nichts anders, als zu noch mehrerer Verlängerung dieses in das 16te Jahr dänreudem Concurs-processes dienen wurde, anervuogen eines theils die documenta sub A. B. C. D. No. Ält. 415. deren Implorant bey seiner Bescheinigung sich zu bedienen vermeinet, schon zuvor von ihm produciret, aber iedesmahl als unstatthafft und irrelevant verworffen worden, andern theils derselbe No. Ält. 259.*
„ Dass er von Liquidato vveder Obligatio-
„ nes, noch VVechsel-Brieffe in Handen ha-

„ be, ingleichen No. Alt. 360. Daff, da der
 „ Debitor bald Geld geliehen und dafür Bu-
 „ cher verſetzt, bald aber darauf wieder
 „ bezahlt, und das verſetzte Unterpſand
 „ wieder abgefordert, er darüber keine Re-
 „ giſter oder Buch gehalten, noch allemahl
 „ angeſchrieben, und daher auch nicht mehr
 „ wiſſen, vielweniger beſchwehren könne,
 „ was vor Bucher bey ihm verſetzt, und
 „ wie viel vom Gelde er darauſſ erhalten,
 „ ausdrücklich declariret. VVannenkero nicht
 abzusehen, wie nunmehr derſelbe ſich auff
 ſein Handels Buch beruffen möge, da ſeinem
 Geſtandnis nach vorhin darinnen nichts ge-
 ſtanden, ſolglich wieder dasselbe, daß es
 erſt nach der Zeit beſchrieben worden, eine
 ſtarcke Vermuthung entſtehet, welche durch
 das bloſſe Vorgeben, daß der *Advocatus* cauſ-
 ſa ſolche Declaration ohne *Implorantis* Wiſ-
 ſen und Willen ad Acta gegeben, ſich um
 ſo viel ſchwerlicher elidiren laßt, ie weni-
 ger derſelbe, ſolche Schriſſten eigenhandig un-
 terſchrieben zu haben, ableugnen kan. Alſſ
 iſt, wie in Urtheil enthalten, erkannt wor-
 den. Quod ſi ergo ne mercatoris quidem
 integræ exiſtimationis codici creditur, ſi
 juſta ſuboriatur ſuſpicio, cum aliquid illi
 poſtea in rem ſuam inſcripſiſſe: quanto
 minus fidei habebitur rationibus ejus, qui
 fortunis evolutus, & imminentem rebus
 ſuis ruinam præſagiens, juſtam codicis non
 rite conſcripti ſuſpicionem præbuit?

§. XXII.

Ad eos ut redeamus, qui dolose foro cedunt, horum libris, uti diximus, plane nulla fides habenda, si ab ipsis in suam rem proferuntur. Quid vero, si creditores illius inde agere velint? Tunc vel agunt adversus ipsum obligatum, qui foro cessit, vel adversus tertium, quem massæ illi communi, ex qua creditoribus satis fieri debet, obligatum esse, contendunt. Primo casu dubium non est, quin plene probet liber, etiam decoctoris, modo de obligatione ipsius decoctoris agatur. Quamvis enim is ob turpitudinem suam fidem omnem amiserit: verendum tamen non est, ne quid codici inscribat, quo ipse magis oneretur. Hinc codex hujusmodi, uti aliæ scripturæ privatæ, contra scribentem plene probat. (1) (§. VIII.) Sed non probabit tamen etiam contra decoctorem, si quid, quod se oneret, in reliquorum creditorum præjudicium, vel si res ad mercaturam plane non pertinentes, inscripserit, e. gr. si dotem tantam se ab uxore accepisse notarit, si a parentibus, amicis, aliisque sibi numeratum solumve esse fateatur, quod numeratum solumve esse, tam liquido non constat. Quum enim confessio nocere quidem debeat contenti, non autem tertio, (2) & hinc ne apocha quidem mariti, (3) quantumvis jurejurando firma,

(1) l. 25. §. ult. ff. de probat. (2) l. 4. pr. ff. de interr. in jure fac. l. 11. §. 2. 3. ff. eod.

(3) Coler. de process. exsequ. P. III. cap. 1. num. 110. sequ.

firmata, (u) probari constet illationem dotis, quia iusjurandum, tamquam accessorium obligationis, naturam actus sui sequitur, (x) & hinc inter alios præstitum, tertio nec prodesse, nec nocere debet: (y) quo jure, quæso, exigeret decoctor, ut sibi suo arbitratu & in rem suam se debitorem constituenti, & tale quid referenti in codicem, in fraudem reliquorum creditorum fides habeatur? cui, quæso, ignotum est perfidi illius dispensatoris, a Servatore in exemplum calliditatis adducti, (z) artificium, quo usus in eo futuræ inopiæ allevamentum quæsit, quod debitorem pro centum quinquaginta scribere juberet: Δέξαι σε τὸ γράμμα, καὶ καθίσας ταχέως γράψον πενήντα. Sume tibi chirographum tuum, & adsidens, ex tempore scribe quinquaginta. An non & decoctores perfidos iisdem filiis sæculi, cum Servator vocat, accenseas, qui, ubi res ad restim redit, injustissimam versuram facere, & cum aliorum detrimento alios locupletare non dubitabunt, si sibi, ad mendicitatem redactis, apud hos perfugium fore speraverint?

§. XXIII.

(u) Coler. *ibid.* num. 115. Greven. *lib. II. Concl. LXXXVI.* Ludovici *Diff. de probat. illar. dot. §. XII.*

(x) Pufend. *de Jura Nat. & Gent. lib. IV. cap. II. §. 6. 11.*

(y) *l. 1. pr. ff. si mul. ventr. nom. cap. 19. X. de jurejur.*

(z) *Luc. XVI. 34.*

§. XXIII.

At major dubitandi ratio est, si quaeramus, an creditores ex codice decoctoris adversus tertium agere, & inde debitum probare possint? Quod merito videtur negandum. Primo creditoribus non plus fidei haberi potest circa scripturam, a decoctore factam, quam ipsi decoctori, cui, codicem in suam rem proferenti, non credi paullo ante monuimus. (§. XX.) Si ergo fides non habetur libro, a decoctore producto, cur ideo habeatur, quod tertius eum produxerit, quam de perfidia scribentis satis constet? Accedit, quod nec integræ famæ mercatoris liber, a tertio contra tertium productus, aliquid probet, nisi tale quid ei inscriptum, quod directe actum cum præsentē & consentiente, seu post multas doctorum variationes, quas MASCARDUS (a) refert, ubique fere obtinuit. (b) Qua fronte vero creditores plus fidei attribui postularent libro ejus, qui dolo malo foro cessit, quam alterius integræ fidei atque existimationis? Denique multo per-

(a) Mascard. *de Probation. Conclus.* DCCCCLXXVII.

(b) Ruland. *de Commiss.* P. II. lib. V. cap. XIII. *extrem.* Scacc. *de Judic. causf. civil.* lib. II. cap. XI. n. 203. Marquard. *de Jur. Merc.* lib. III. cap. IX. Roefner. *de Libris Merc.* cap. XII. §. LXI. *sequ.*

periculosius exemploque perniciosius esset, codici decoctoris, a creditoribus prolato, fidem aliquam haberi, quam si eum ipse decoctor in foro produceret; siquidem huic, quippe rei gestæ conscio, deferri posset jusjurandum suppletorium, quod sine periculo deferri nequit creditoribus, rerum omnium ignaris, & de credulitate facile Jovem lapidem juraturis, si eo sacramento damnum imminens avertere possent: Atqui ad jusjurandum suppletorium de credulitate regulariter neminem, (c) nec in casibus exceptis ullum alium temere, quam heredem, admittendum esse, recte juris interpretes celeberrimi (d) monent.

§. XXIV.

Neque tamen negandum est, librum, etiam a decoctore rite & ordine scriptum, quamvis semiplene non probet, aliquam saltem præbere præsumtionem, si creditores eum adversus tertium proferant. Unde aliis accedentibus adminiculis, (e) omnino audiendi sunt creditores, admittendique ad probationem debiti, quod illi codici, nulla alia falsi suspitione laboranti; (§. XIX. 11.) rite inscriptum est. Privatæ enim scripturæ, veluti apochæ, rationes, chirographa,

(c) arg. l. 31. ff. de jurejur.

(d) VVernh. *Select. Obs. Forens. P. IV.*
Obs. CXL. n. 624.

(e) l. 5. C. de probat.

pha, pro scribente quidem non faciunt fidem, adeoque multo minus tertio, qui ejus nomine, vel tamquam successor scribentis, acturus est, profunt: aliis tamen suffragantibus adminiculis, quando semiple-
nam probationem, aliquando præsumptionem faciunt, (f) quæ, si ad suppletorium non sufficit, vel id saltim efficere potest, ut alteri parti purgatorium deferatur, toties quippe locum habiturum, quoties adversus aliquem fortiores præsumptiones militant, ut, non nisi iis elisis, ad causæ decisionem deveniri possit. (g)

§. XXV.

Illustrari hoc potest specie notabili, quam Dn. Præses mense Febr. c1700cXXIII. Ordini Jurisconsultorum Hallensium oblatam, memorat. Titius mercator Belga cum sociis negotiationem trapeziticam diutius fecerat, sed demum foro cesserat, non sine maximo creditorum detrimento. Sempronius, Mercator in celebri Germaniæ emporio, antequam de istius societatis conditione & imminente negotiationi ruina certior factus esset, aliquammultas tesseras collybisticas ad Titium direxerat, quas quum oblatas Titius & socii acceptassent, neque tamen præsentantibus solvissent: actionem adversus illos instituere,

(f) Covarruv. *Pract. Quest. cap. XXII. no. VIII.* VVamef. *Cons. LVI. cens. 1.* Diod. Tulden. *Comm. ad Cod. tit. de prob. §. V.*

(g) l. 31. ff. de jurejur.

re, & magnam summam pecuniæ petere decreverat. Sed demum intellecto bonorum statu, impensis parcere, & damnum illud æquo animo ferre, quam in extraneo foro inanem actionem non sine ingenti sumtu persequi maluit, maxime quum Titius & socii per Deum rogarent, ne ad afflictis adderetur afflictio. Demum illi decoctores, missis blanditiis, quibus antea Germanum trapezitam deliniverant, urgenti solutionem, minas reposuerunt, caussati, sibi a Germano illo aliquot centena millia florenorum deberi: quin & actionem cum curatore bonorum adversus illum in ejus domicilii foro instituerunt, provocantes ad codicem suum, ex quo adpariturum sit judici, se ingentem istam summam pecuniæ pro mercatore Germano solvisse variis personis, quas ille tesseris collybisticis, ad se directis, instruxerit. Multa erant, quæ opponebat Germanus. Urgebat, sibi cautionem pro reconventionem, damno & expensis præstandam. Opponebat exceptionem falsi, neque fidem aliquam habendam putabat codici decoctorum, qui id, quod ipsi tesserarum possessoribus non solverint, sibi, tamquam trassanti, imputaverint, (*sie hatten obgedachte, von einem dritten in seinem faueur gezogene, und von ihnen, (Titio und Comp.) a conto sothanen dritten acceptirte, aber zu seiner Zeit nicht bezahlte Wechsel-Brieffe in sein debet gesetzt.*) Adferebat etiam, sibi a viris fide dignis relatum, codices illos Titii & sociorum antea ad colophonem perductos fuisse, in iis-
que

que tunc de hoc credito nihil lectum, es-
 hatten Titius und Comp. bey ihrem falliment
 ihre Bucher vollig beygeschrieben gehabt, von
 dieser ihrer anmasslichen Forderung aber vñ
 damahlen darinnen nichts zu finden gewesen,
 folglich dieselbe nachhero erst eingeschrieben wor-
 den. Quod insigne falsi vestigium se, pro-
 ducto codice, ad oculum demonstraturum,
 confidebat. Nihilominus tamen, quum co-
 dici aliqua suffragari adminicula videren-
 tur, veluti quod constaret, Germanum sæ-
 pe cum illa societate mercatoria negotia-
 tum, (dass sie mit einander starke VVechsel
 und andre Handlung getrieben,) tesserasque
 collybisticas a Titio & sociis acceptatas
 esse, nec tam liquidum esset, hos, prout
 decet, non solvissē, dass die acceptirten VVech-
 sel nicht vvaeren: non solum admissa actio,
 sed etiam Sempronius ad cautionem judi-
 catum solvi præstandam adactus est, acto-
 ribus jurejurando tantum caventibus. Pro-
 nunciatum enim in judicio illius emporii
 fuerat, dass Klægere zu Leistung juratorischer
 caution zu lassen, Beklagte aber zur cautione
 omnium bonorum cum juratoria anzuhäl-
 ten, nicht vveniger Klægere mit Überbrin-
 gung der Bucher des Titii und Comp. ad lo-
 cum judicii billig zu verschonen, und Bek-
 lagte selbige zu Amsterdam auf der Klægere
 Kosten selbst, oder durch einen Bevollmæchtig-
 ten Anwalt zu inspiciren, schuldig. Quæ
 dura interloquutio, secutura fortassis non
 fuisset, nisi sociis illis Belgis, eorum-
 que codici, variæ præsumptiones suffragari
 visæ essent.

§. XXVI.

Specie hac Collegio oblata, varia erant, quæ in quæstionem veniebant, veluti, an actores ad cautionem juratoriam admitti potuerint? an reus, tamquam bonorum immobilium possessor, onerari debuerit cautione judicatum solvi? postremo, an idem reus jure adigendus fuerit ad iter in locum, ubi codex actorum reperiebatur, suscipiendum? Circa primam quæstionem facile transigebatur. Consistentibus enim suffragiis existimabatur, illam cautionem juratoriam non sufficere, primum, quia in causis ejusmodi arduis, & quæ criminalibus æquiparandæ videntur pragmaticis, juratoria cautio non temere admitti soleat, (h) & judex eam justo facilius admittens litem suam facere videatur; (i) deinde quod actoribus extra imperium degentibus cautionem realem injungat ipsa ORDINATIO CAMERALIS: (k) tum porro, quod curator bonorum agat, tamquam procurator vel Titii & sociorum, vel creditorum ejus: procurator autem jurejurando cavere non possit: (l) ac postremo, quod juratoria cautio,

(h) Harpr. *de Caus. jurat.* LIX. Cothm. Vol. I. Resp. XVIII.

(i) Cothm. *ibid.*

(k) *Ordin. Cam. Part. III. Tit. LVIII. §. ult.*

(l) Harpr. *ibidem* §. XXXI. Benincas. *de Privil. paup. spec. VII. n. XX.*

cautio, si vel maxime in jure præsidium reperiatur, (vere enim possessores tantum rerum immobilium olim ita cavisse ex l. 26. §. 6. Cod. de Episc. aud. l. ult. §. 1. C. de sport. l. ult. C. de princ. agent. in reb. post CUJACIUM, (m) GER. NOODT (n) & ANT. SCHULTINGIUS (o) observarunt,) non præstanda tamen sit a decoctoribus, aliisque parum integræ existimationis hominibus, sed a viris illustribus, quibus ipsa dignitas fidem auctoritatemque conciliat. (p) At quod ad alteram quæstionem attinet, vel ideo reo succurri non posse videbatur, quia, quamvis possessores rerum immobilium suæ promissioni committant jura Romana, (q) tamen REFORMATIONE FRANCOFURTENSI (r) cautum esset, *dass, wann der Klager von dem Antwortter cautionem de judicio fisci & judicatum solvi begehrt, dieselbe ebenfalls zu leisten verbunden seyn sollte.* Sed quia tamen ille Reformationis paragraphus se refert ad §. 1. ubi actori, rerum immobilium possessori, gratia sit cautionis, per fidejussores vel pignora præ-

(m) Cujac. lib. XII. Obs. XXII.

(n) Noodt ad Pand. pag. 59.

(o) Schulting. in opuscul. Pand. tit. qui satisf. cog. §. IV.

(p) l. 17. C. de dignitat.

(q) l. 15. pr. ff. qui satisf. cog. §. 2. Inst. de satisf.

(r) Reform. Francof. Pars. I. Titul. XVI. §. ult.

præstandæ, idem jus etiam reo indulgendum videbatur, cujus favorabiliores esse solent partes, quam actoris, (f) ac proinde eum hac cautione liberandum esse crediderunt.

§. XXVII.

At difficillima erat quæstio, quo loco codices, ad quos actores provocaverant, producendi inspiciendique essent? Nemo ignorat, quid de argentariorum rationibus scripserit *ULPIANUS*. (t) *Ibi quis compellitur edere, ubi argentariam exercuit, & hoc est constitutum. Quod si instrumentum argentaria in alia provincia habeat, in alia administraverit: ibi puto cogendum edere, ubi argentariam exercuit, hoc enim primum deliquit, quod alio instrumentum transtulit. Quod si in alio loco argentariam exercet, alibi autem ad editionem compelletur, minime hoc facere cogitur, nisi descriptum velis, ubi de eare agitur, eum tibi dari, tuis videlicet sumptibus.* Quibus *PAULLUS* (u) addit, *spatium etiam argentario ad perferendas eas rationes descriptas dandum esse.* Hæc sane quum Doctores, & in his *RUTG. RULANDUS*, (x) & *SOCINUS* (y) ad ipsos mercatores profecti,

(f) l. 125. ff. de Reg. jur.

(t) l. 4. & ult. ff. de edend.

(u) l. 5. ff. eod.

(x) *Ruland. de Commiss. Part. II. libr. V. cap. XXIV. n. 32.*

(y) *Socin. Consil. CXLIX. n. 4.*

rant, quamvis hi jam mercaturam facere desierint, (z) simulque statuunt, judicem eo casu, si forte autographum oculis lustrandum videatur, vel aliquos ad locum, ubi liber iste sit, mittere, vel judicem rei sitæ requirere debere, ut codicem inspiciat, descriptamque eam partem secum communicet: recte judicatum esse videri poterat trapezitam illum Germanum vel ipsum sumtibus actorum in Belgium proficisci debere, vel alios eo mittere, qui librum inspicerent, maxime quum creditorum A. interesset, librum tanto periculo non exponi, neque isti in lite, quæ ex eorum concursu ibi nata erat, carere eo possent.

§. XXVIII.

At quantumvis hæc speciosa essent, iisque procul dubio permotus esset iudex, ut paullo ante relatam interloquutionem daret: aliud tamen tum visum est Dominis, quorum rationes audire operæ pretium est: *Dieuveil aber dennoch 1.) im gegenwärtigen Fall nicht allein Beklagter (Sempronius) die edition der Bücher fordert, von welchem casu der angeführte l. 4. ff. de edendo redet, sondern vielmehr die curatores massa selbst aus Titii und Comp. Büchern klagen, und mithin dieselben zum Grunde ihrer Anforder-*

(z) Marqu. de Jure Merc. lib. III. cap. X.
§. XXIX.

forderung setzen, solchen falls aber alle Rechte vermögen, dass sie dieselben originaliter produciren, und Beklagten ad recognoscendum vorlegen müssen. Welches denn 2.) ordentlich umbezuillen in foro, ubi actio mota est, geschehen muss, weil eines theils diese productio eine species probationis ist, und dieser actus propter judicem, cui probatio fieri debet, vorgenommen wird, l. 12. ff. de prob. l. 5. C. de test. andern theils aber 3.) der Richter, ob etwas dadurch bevviesen sey, oder nicht, urtheilen und erkennen muss, welches aber, dafern die inspectio nicht in judicio geschieht, ebenfalls nicht geschehen kan. Wie denn auch 4.) es allhier auf eine questionem de falso ankommt, und Beklagter, dass die Bucher verfälschet seyn, aus den originalien sofort darzuthun vermeinet, welches abermahl nicht anders, als per inspectionem in loco judicii & institutam litterarum comparationem geschehen kan. Im ubrigen 5.) die angeführte rationes dubitandi alle von keiner Erheblichkeit sind, immassen das angeführte privilegium ex l. 4. ff. de edend. eines theils nur den Kauffleuten, welche entweder noch handeln, oder die Handlung aufgegeben, und zwar um der uillen zukommt, weil dieselbe ihre Bucher nie entrathen können, und der Verlust derselben ihnen unschatzbar und irreparable seyn wurde, welche raison aber weder auf Titium und Compagn. die einen Banquerott gemacht, und also der Privilegien der Kauffleute nicht fähig sind, MARQU. de Jure Merc. Libr. IV. cap. 9. tot. noch auf die Curatores massa, als welche weder als Kauffleute, noch

noch als *successores mercatoris* klagen, sich appliciren lassen, per l. 9. §. 1. ff. de edendo ibi: quia juris successor his verbis significatur: andern theils aber besagtes privilegium ohndem in vielen, in den meisten Handels Gerichten nicht mehr in observanz ist, und nicht nur zu Lubeck die Bucher auf der Gerichts Stufe absolute produciret werden müssen, MARQ. l. 3. c. 10. §. 29. sondern auch zu Franckfurt selbst, wie das in der specie facti allegirte præjudicium vom 4. Jul. 1722. ausweist, das gegenheil in observanz ist, und auch auswärtigen Kauffleuten, ihre Bucher zu Franckf. zu ediren, per sententiam auferlegt zu werden pfleget. Überdem 6.) der vorgeschlagene VVeg, jemanden nach A. zu schicken, oder den Magistrat daselbst zu requiriren, in gegenwärtiger Sache, da os auf ein falsum, und die comparationem litterarum ankommen soll, den Aufschlag nicht geben wurde, indem alhier nicht die Frage ist, ob die vider Sempronium formirte prætensiones in Titii Buchern stehen? sondern, ob diese postea vorhin darinnen gestanden, oder erst nachher, da schon das Falliment ausgebrochen, eingeschrieben werden? welches aber durch den vorgeschlagenen VVeg nicht so leicht, als wann die Bucher in loco judicii produciret, und eingesehen werden, ans Licht zu bringen seyn mochte. Daher auch 7.) die dritte ratio dubitandi, die einen gewesenen Kaufmann, der zu handeln aufgehoret, und nicht einen Faliten, oder dessen Curatores bonorum, præsupponiret, alhie inapplicabel, und, 8.) so viel die vierde betrifft, beklagter, dessen

partes doch jedes mahl *favorabiliores* seyn solten, ubel dran seyn wurde, wann er, da die Klager beweisen solten, eine Reise uber 50. Meilen, und zuwar ausser Reichs thun, und daruber seine importante Handlung zu Hanse versäumen mußte, da doch ordentlich der Klager *paratus ad probationem* in iudicio erscheinen, oder, da er dieses nicht kan, nach dem bekandten Spruchworts: *Non just tibi, sed probatio defuit*, erwarten muß, daß der Beklagte *absolviret* werde. Welchem nach es 9.) uenig darauf ankommt, daß Klägere die Reise-Kosten herzuschieffen schuldig erkannt worden, immassen vielmehr *reorquando* gefolgert werden konte, daß, da Beklagter, der doch zu beweisen nicht schuldig, die erforderte Kosten zu tragen sich erbietet, Klägere diesen transport zu verweigern um so vielweniger befugt seyn, ieuweniger 10.) die vor sie in der letzten *ratione dubitandi* angeführte Ursache, daß nemlich die zu *A. concurrirende Creditores* dabey ein interesse hatten, von einiger Wichtigkeit ist, angesehen die Bucher ihnen nicht entzogen, sondern nur auf einige Zeit nach *Frankfurt* transportirt werden sollen, und ihnen allezeit frey bleibet, *cautionem de restituendo* zu fordern, überdem der *Creditorum* selbst eigenes interesse hierunter versiet, angesehen, wann daraus des Klagers Anforderung erwieslich, und das angegebene *falsum* unersindlich ist, der *Massae* dadurch ein *considerables quantum* zuwachsen und folglich ihnen solches mit zur gute kommen wird. Et. Als sind wir der Rechtlichen Meinung, daß

Kla-

Klaegere Titii und Comp. Bucher nebst andern scripturen zu Franck. auf Beklagters Unkosten zu produciren schuldig, diesem aber deshalb eine vweite Reise ausser Reichs zu thun, und die Bucher zu A. zu inspiciren, oder einen Bevollmachten dahin zu senden, keinesweges anzumathen sey. V. R. VV.

§. XXIX.

Quamvis autem ex hac specie adpareat, libris eorum, qui foro cesserunt, aliquando ponderis quidquam accedere, si illis alia adminicula suffragentur: iisdem tamen pondus omne rursus decedit, si contrarium, veluti falsum, rite probari possit. (§. XIX. 2.) Quum enim ne pro iis quidem codicibus, quos mercator integre tamæ atque existimationis scripsit, præsumtio juris & de jure militet, omnesque reliquæ præsumptiones probationem admittant contrarii: (a) dubitari profecto non potest, quin omnis illa fides decollet, simulac demonstrari possit, aliquid falsi esse admissum in ejusmodi codicibus, vel quæ iis inscripta sunt, ita non gesta esse: ut nimium ex mea sententiam mercatoribus indulserit STRACCHA, (b) qui, contra libros mercatorum non admitti probationem in contrarium, contendit, nec non VIUS,

(a) l. 3. l. 9. l. 12. ff. de probat. & præsumt.

(b) Stracch. quomodo in caus. merc. proc. n. XXXV.

vius, (c) qui tales libros quodammodo pro sententia haberi, suaeque fide in rem iudicatam transire, scribit. Quomodo enim libri mercatorum excluderent probationem in contrarium, quum ne plene quidem illi probent, sed iurejurando suppletorio firmandi sint? Rectius itaque accuratiusque philosophantur, qui huiusmodi libros ad processum exsecutivum quadrare negant, eorumque recognitionem quidem recte petiti, processum tamen non alium, quam summarium, in specie talem, locum invenire, ac proinde omnes exceptiones, licet altioris indaginis videantur, admittendas esse, docent. (d) Quam in sententiam ordinem Actorum Wittenbergensium pronunciasse, refert celeberrimus VERNHERUS. (e) *Dieu-veil. Beklagter das producirte Handels-Buch recognosciret, so hat es noch zur Zeit dabey sein Bezuenden, und ist derselbe zusehenderst die vorgeschazten Exceptiones in Sachsl. Frist. Klagers Gegenhiescheinung und anderer Nothdurfft in ebenmassiger Sachsl. Frist vorbehaltenlich, beyzubringen schuldig, ferner darauf zu beschehen, was Recht ist, V. R. VV.* Quod si autem ne integræ quidem existimationis mercatori ita absolute creditur, ut omnis excludatur exceptio contrarii, qui fieri posset, ut nefas sit, suscipere probationem.

(c) Vivius *Decis.* CCCCLV. n. III.

(d) Rivin. *ad Ord. Proc. Sax. Enunc.* X.

(e) VVernh. *Observ. For. Part. IV. Obs.* CCXI. p. 535.

bationem contrarii, si mercator foro cessit, adeoque existimationem suam ac fidem omnem cum re perdidit?

§. XXX.

Bella quoque quæstio est, an ex solo libro, perperam & parum ex arte conscripto, probari possit, alterum dolo malo decoxisse? Id omnino videtur adfirmandum, si quis diffusæ negotiationi deditus, vel expensa acceptaque plane non refert in rationes, vel id tam male facit, ut codex iste nihil præter insignem rerum omnium confusionem indicet. Unde in EDICTO REGIO adversus decoctores (f) & illi pro decoctoribus malitiosis habentur, indignique beneficiis juris judicantur, *welche in Jahres-Frist vor dem Verfall keine Balance gezogen*. At non ideo statim pro dolo decoctore habendus, qui mediocrem exercens negotiationem, & arti conficiendi codices non adsuetus, libros modo ordinario, & inter majorum gentium mercatores recepto, non conscribit, nec tamen in eo negligens reperitur, ut accepta & expensa quam simplicissimo modo in rationes referat. Quamvis enim his libris, si admodum confuse scripti sint, non credatur: (§. XIX.) non tamen ideo decoctor malitiosus putandus, quod artem conficien-

(f) *Edict. Pot. Reg. Pruss. de an. MDCCXV. art. XIII.*

ficiendi rationes non satis imbibierit, nec institutorem illis conficiendis idoneum, (*ei-
nen Buchhalter*) mercede conducere potue-
rit. Et hinc, quum aromatum venditor in
oppido mediocri diuturno morbo oppres-
sus, obiisset, & non modo creditores qui-
dam concurrerent, verum etiam vidua
dotem & illata repeteret: Curator bono-
rum hanc dotis privilegio vel ideo exci-
dissio arbitrabatur, quod uxoribus malitio-
forum decoctorum illud denegasset lex re-
centissima, *das erleugete und gescharrfte*.
Banqueroutier. Edict. Ihre Kon. Mai. in Preuss.
Non constabat de fraude mercatoris. Sal-
tim is foro non cesserat, neque exstabant
argumenta ulla doli, quo creditores cir-
cumnuerit. Id unum urgebat curator, qui
simul contradictoris vicibus fungebatur,
defuncti librum, quem ideo Actis adjun-
gi petierat, satis negligenter & confuse
scriptum videri. Et tamen, quum non alia
essent fraudis indicia, & præterea ex actis
constaret, mortuum illum diuturno morbo
laborasse, ac ita tenuioribus fortunis faci-
le evolutum esse, ordo Jurisconsultorum
Francofurtensium uxorem suo jure non pri-
vandam, nec mortuum ob solius libri de-
fectus pro decoctore malitioso habendum
esse, judicavit.

§. XXXI.

Magis ardua questio est, utrum & con-
scriptis a Judæo codicibus eadem tribuen-
da sit fides & auctoritas, ac libris aliorum
mercatorum, an illi decoctorum rationibus
æqui-

æquiparandi sint? Equidem si res ex sanæ rationis principiis esset dijudicanda, nulum esset dubium, quin Judæi mercatores, si honestæ vitæ ac intemeratæ existimationis sint, eodem cum Christianis jure frui debeant, modo libri eorum ita comparati sint, quales eos esse oportere diximus. (XIX.) Quemadmodum enim Christiana religio, quam profitemur, non efficit semper, ut qui Christo nomen dedisse videri volunt, dignam tam sancta professione vitam agant: ita plane non sequitur, ut aliquem ideo improbum, mendacem, perfidum, omnibusque contaminatum vitiis existimemus, quia Judæorum sacris ab infantia adsueverit. Nec obstat, Judæos codices suos literis & dialecto sibi propriis conscribere, adeoque recognosci non posse ab aliis videri. Adhiberi enim solet interpret. illius dialecti peritus, qui locum ad rem pertinentem lustrat, & descriptum inde conficiat. Id apographum deinde agnoscere deberet ab eo, contra quem codex a Judæo profertur. (g) Sed sunt tamen omnino juris civilis principia, quæ tam generalẽ decisionem ferre non videntur. Judæum Judæo codicem suum recte opponere, eoque recognito, ad jusjurandum supplẽtorium admitti posse, nemo dubitat. (gg) At Judæos contra Christianum admitti ad jurandum, jure civili.

(g) Martini *ad Process. Sax. Tit. XXV. §. II.*

n. 38. Carpzov. *Part. II. Dec. CCXXIX.*

(gg) l. 12. C. de heret.

vili æque, (h) ac canonico, (i) prohibitum est. Quam utriusque juris dispositionem tantum abest, ut vel receptam non esse, vel consuetudine aut lege contraria obumbratam, possimus existimare, ceu MYNSINGERUS, (k) & HARTM. HARTMANNI (l) censent, ut viridem ejus observantiam docuerint HARPRECHTUS, (m) BERGERUS, (n) VVERNHERUS, (o) & alii. (p) Et quamvis ratio, qua nonnulli utuntur, quod Judæi levis notæ macula laborent, hodie non amplius publici saporis sit, & leges illæ in universum nescio quod heterodoxorum odium sapere quibusdam videantur, ac proinde Judæos a Principe civitate donatos, *die Schutz-Juden*, hoc privilegio perfrui debere, haud pauci censeant: (q) nobis tamen religio semper fuit, juris constituti censores sine suffragio populi agere. Nec odio religionis id sempertribuendum, quod prin-

(h) *l. 21. C. ibid. l. ult. C. de Judæis.*

(i) *Can. 24. caus. 2. q. 7.*

(k) Mynsing. *Can. V. Obs. VI.*

(l) Hartm. Hartmanni *Tit. XXIV. Obs. VI.*

(m) Harprecht. *Consult. XI. n. 26. seq.*

(n) Berger. *Elect. Discept. For. Tit. XXII. pag. 721.*

(o) VVern. *Obs. For. Part. 1. Obs. CXCIII. pag. 335.*

(p) Roefner. *de Libris Merc. cap. XV. §. LXXVIII. Berlich. lib. I. Concl. LIV. n. XXXVII.*

(q) Brunnem. *ad l. 1. seq. C. de Judæis.*

princeps jura singularia ac privilegia cum omnibus, religionem dominantem haud professis, non omnino communicet, quum ne Christiani quidem omnes iisdem in republica privilegiis beneficiisque perfrui soleant. Et ita ab amplissimo Francofurtensium Ictorum ordine anno MDCCIV. in in causa Jacob Levin, *Schutz Juden zu Halle contra Hier. Karmhoffern* pronunciatum esse, testis est celeberrimus, quem paullo ante laudavimus, VVERNHERUS. (r) Nec tamen dubitandum, quin, si libro Judæi aliæ præsumptiones vel adminicula suffragentur, ille ceteris paribus ad jusjurandum, suppletorium recte admittatur, quia iniquum esset, pro Christiano pronunciare, quia Christianus sit, quum Judæo, ceteroquin viro bono, parum ac prope nihil ad plenam probationem desit. (f) Et ita Halensibus Ictis anno MDCCIII. visum esse, eorum responsum apud illustrem BOEHMERUM, (t) collegam Dni Præsidis olim conjunctissimum, ostendit.

§. XXXII.

Quæri denique solet, an, quæ de libris mer-

Rivinus *ad Ord. Proc. Sax. Tit. XVIII. Enunc. X.*

(r) VVERN. *ibid. n. 7.*

(f) Menoch. *de Arbitr. Jud. Quæst. lib. II. c. CXC. Berlich. Part. & Concl. LIV. n. LXVII.*

(t) Bohemer, *Jur. Eccl. Protest. lib. II. Tit. XX. §. IX. pag. 1251. Tom. I.*

mercatorum dicta sunt, etiam ad opificum rationes & ephemerides proferenda sint? Et sane quum id privilegium proprie ad mercatores pertineat: (§. XIX.) non video, quomodo alienam possessionem invadere possint opifices, qui nec negotiari dicuntur, nec libros tam accurate conficere solent, ut requisita omnia habeant? (§. XIX.) Et ita judicatum reperio apud ROESNENUM. (u) At sunt tamen, qui opificibus etiam credendum existimant, si accepta expensaque in rationes referant accurate, quia & hi sine chirographo credere soleant. (x) (§. XVI.) Nobis distinguendum videtur, utrum opifices simul merces suas venum exponant publice, & tamquam mercatores credere soleant aliis, quod facere solent aurifices, textores, fabri ararii & ferrarii, & alii, an tantum res a se elaboratas græca fide aliis addicant, veluti sartores, sutores & similes. Illorum codicibus, modo requisita præcipua habeant, credendum omnino arbitramur, credique jubent STATUTA HAMBURGENSIA: (y) reliquorum rationes vix semiplenam probationem efficere putamus, adeoque ordinaria via probabunt opifices, quod sibi ab aliis deberi contendunt.

§. XXXIII.

(u) Roefner. *ibid.* cap. IV. §. XXVII.

(x) Ludovici *Doctr. Pandect. lib. XXII. Tit. IV. §. IX.*

(y) *Statuta Hamb. Part. I. Tit. XXX. art. VI.*

§. XXXIII.

At videmus, jam pridem procedere tot plagellas, quot exercitationi huic destinaveramus academicæ. Plures supererant quæstiones pulcherrimæ, quas expendere consilium erat, si plura caperet extemporalis scriptio, neque festinare nos juberent causæ quamplurimæ. Iis itaque, quæ jam addenda erant, alii occasione reservatis, hic demum respicimus portum, & Deo Sospitatori vota, quæ possumus, solvimus flagrantissima.

E Π Ι Μ Ε Τ Ρ Α.

I.

AB adgressore impetitus, ad fugam non obligatur.

II.

Litteratos expellere posse opifices, artem cum strepitu facientes, ex *l. un. Cod. de stud. lib. unde Rom. lib. XI. frustra probant.*

III.

Servitutes prædiorum rusticorum in solo; urbanorum in superficie consistere, ex *l. 3. ff. de servit. non adparet.*

IV.

Stipulationem non semper produxisse conditionem certi vel ex stipulatu, exemplo sponsaliorum constat. Vid. *l. 1. C. de sponsal. l. 2. C. de repud.*

V.

Secundum juris Romani principia bene hæc
con-

consistunt: minoribus XXV. annis rei suæ administrationem non committi, quamvis bene rem suam gerentibus: *l. i. §. ult. ff. de min.* & invitos adolescentes non accipere curatores, §. 2. *Inst. de cura.*

VI.

Jusjurandum suppletorium magis Glossatorum interpretationi, quam legibus Rom. deberi, non abs re statuerunt Duarenus, Donellus, Anton. Matthæi, Huberus, Noodtius.

VII.

Ne in contractibus innominatis quidem hodie locus esse potest poenitentiae.

FINIS PRIMÆ PARTIS.

2511572 D

